



Hi 9585



UNIVERSITY



ACTA
ERUDITORUM
ANNO
M DC XCVIII

publicata.

*Cum S. Cæsareæ & Regiæ Polonicæ Maje-
statum privilegiis.*

L I P S I Æ.

Prostant apud JOH. GROSSII Hæredes
& JOH. THOM. FRITSCHIUM.

Typis JOHANNIS GEORGII
M DC XCVIII.

(1.)
A C T A
ERUDITORUM

Publicata Lipsiæ

Calendis Januarii, Anno M DC XCVIII.

PRÆNOTIONES MYSTAGOGICÆ EX JURE CANONICO,
Auctore NICOLAO COMNENO PAPADOPOLI Cretensi, Abbate
S. Zenobii, S. Theol. Philos. ac J. U. D. & in Academia Pa-
tavina Canonum Sacrorum Interprete.

Patavii, ex typographia Seminarii, 1697. in fol.
Constat Alphab. 5½.

NAtione Græcus est, sed inter Romanæ tamen Ecclesiæ
addictos vitam agit Auctor hic clarissimus, qui totus in eo
occupatur, ut demonstret, Ecclesiam orthodoxam Græcam
a Latina nec in moribus abire, nec in fidei capitibus uspiam
recedere. Et Opere quidem immani, ceu ipse vocat, typisque jam
parato, uberius se declarasse istud refert, cujus heic præludia velut ex-
hibeat, nondum ad fidei dogmata perrecturus, sed ritus ac jura, quæ
ad sacros spectent Ordines, inque Ecclesia Græca eodem, quo in Lati-
na, modo obtineant, expositurus. Non negat, magnum Ecclesiæ
Græcæ odium conflatum ab iis, quos passim sub Photianorum nomi-
ne sugillat; nec mores aliquos per Antistitem negligentiam hoc secu-
lo corruptos fuisse inficiatur; & Maximum præ cæteris Margunium,
Cythereum Episcopum, accusat, quod edito Nomo-Canone suo no-
vissimo omnia corruperit, ut Latinos, quos erga se munificos minime
expertus odio habuerit, Græciæ suæ, Photianæ nimirum, detestabiles
redderet; id quod mox Georgius Coressius, Chius Medicus, magistro
deterior, additis ad Synopsis Nili Rhodii absurdissimis notulis fuerit
prosecutus. Præcipua igitur Marguniani Nomo-Canonis capita
palam insectari Noster studet, ac quamvis de moribus agere primarius
in opere hoc scopus sit, non raro tamen ad quædam dogmata simul
excurrit, & cum Margunio Coressium quoque, imo & Photianos in

A

uni-

universum omnes acriter impugnat. Neque tamen adhuc ipsos Ordines sacros aggreditur, sed in iis subsistit, quæ iis, & præcipue minoribus, præmittenda sint, totumque opus in sex, quæ vocat, Responsa, quorum singula Meletio Tipaldo Archi-Episcopo & Metropolita Philadelphiz, sicut universa Eminentissimo Cardinali Albano, & Protosebaste Constantino Contacuzeno, inscribuntur, dilpescit.

In *primo* de præmittendis agendisque necessario ante ordinationes sacras disserit, & postquam ab Apostolis quatuor præmitti solita ordinationibus affirmasset, vaticinium puta, jejunium, preces, tandemque examen vitæ & morum ordinandi, tria tantum posteriora ab Ecclesia retenta innuit. A precibus auspiciū sumit, easque ut in Latina, sic in Græca quoque Ecclesia ante ordinationes semper usurpatas legi ostendit. Nec jejunia a Græcis tunc omissa probat usque ad A. C. 915; id quod testimonio Theodori Metochitæ confirmat, & hoc adversus Margunii exceptiones vindicat. Mox ad jejunium sabbati dilabitur, & causas, cur interdictum istud fuerit, indagat. Quinimo uti ex allegatis Margunii sententiis contrariis frequentissimam ad alia excurrendi occasionem arripit, ita non mirabitur Lector, si cognoverit, prolixam eum hinc inferere disputationem de precibus, jejniis, & sacrificiis pro mortuis, circa quæ Ecclesiam Græcam cum Latina conspirare ait, quicquid contra Photianis actitent. Negat tamen, omnibus ea defunctis prodesse, sed in illorum tantum commodum cedere existimat, qui sine lethali noxa, sive criminum leviorum rei, sive prænis expiatorum criminum levibus obligati, diem supremum obierint; unde, quod damnatos preces nullæ juvent, colligit. & eam ob rem jactatas a nonnullis Trajani, Falconillæ, & Ethnici cujusdam anonymi ex inferno liberationes ridet, illam maxime de Trajano Magni Gregorii precibus ab inferis redempto fabulam refutans. Damascenum certe orationem illam, in qua reperiatur hæc narratio, composuisse negat. Ut tamen utilitas precum & oblationum pro defunctis eo adstruatur melius, tertium animarū, quæ nec beatæ sint nec damnatæ, statum defendit, ac Purgatorium omnino dari asserit, Græcorū suffragia ubique Photianis opponere allaborans. Nec digressionū adhucdum satis est; prolixè enim indulgentias quoque propugnat, easque in Syachoreticis Græcorum concedi, horumque aphesima ejusdem rationis esse cum indulgentiis affirmat, & exempli in vicem Nicolai Mystici Synchorochartion indul-

dulgentiam manifeste concedens producit. Equidem Græcorum indulgentias privatim & sigillatim singulis dari largitur; inde tamen impugnari haud putat Ecclesiæ Latinæ morē, quo eædem & publice & omnibus dentur, istaque occasione in Jubilæis vindicandis multus est. Redit postea ad rem propositam, tertiumque illud, quod ante ordinationem observandum sit, examen puta candidati ordinis, describit, & sub hujus Responsi finem nonnisi de examinante dispicit, quem Episcopum esse debere monet, ac ad Sacerdotes examinis jus haudquam pertinere observat.

Quæ autem in Examine ipso discutienda veniant, Responso *secundo* enumerat, eaque sub generali primum Irregularitatis nomine comprehendit, sed postea paulo distinctius eloquitur, a digamia exorsus, quam Latinis Græcisque consentientibus ab Ordinibus valide repellere docet; interpretativam quoque digamiam quandam contra Margunium stabilit, eamque ejusdem esse ponderis in arcendo ab Ordinibus candidato, ac priorem illam, contendit. Dehinc nonnisi legitimæ pro genitis ad Ordines aspirare licere, & filios naturales penitus hinc jure Græco excludi innuit, plurimumque laborat in detergenda a Latinis illa, quam existimat, Margunii calumnia, quod inter eorum Pontifices multi Episcoporum ac Sacerdotum filii, adeoque spurii fuerint, monetq; ante susceptum a patribus sacrum munus fuisse natos. Postea considerari cupit ætatē, circa quam definitū olim esse apud Græcos memorat, ut Hypodiaconi dignitas non nisi vigesimo anno peracto concederetur; Diaconi ministerium ei, qui minorem ætatem superasset; Sacerdotium trigessimum annum agenti; Insula vero iis tantum, qui trigessimum quintum ætatis annum absolvisset. Hæc & ante & post Trullanam Synodum sancte custodita refert, donec per Photianismum negligi cœperint. Maximam vero in Ecclesiæ Græcæ consuetudines depravationem ex notis Margunii ad Nomo-Canonem irreplisse queritur: ibi enim cum decernatur, nullam ætatis in ordinationibus habendam rationem, hinc Græciam imberbes Hypodiaconos & semiberbes Diaconos, imo aliquando & Presbyteros pati didicisse profiteretur. Porro ad statum ordinandorum in examine respiciendum, servosque sacris iniciandos haud venire monet, ac Corefium refutat, qui contrarium asserturus, per Ordinem liberari dixerit servum, sicuti per Baptismum idem contingat. Negat insuper, Ordinibus

nibus sacris iniciandos esse illos, quibus aut nullum ecclesiasticum beneficium sit, aut nullum patrimonium, quandoquidem cum Latina Ecclesia Græca quoque prudenter cavere soleat, ne sacra ministeria damni quid ex Clericorum egestate attrahant. Corpore vitiatos a sacris repelli, unum omnium contra Græciam universam inficiasivisse Margunium commonstrat, & vitia hæc in examine exploranda recenset, obiter ad historiam fœminæ aliquando in Papale solium evectæ excurrens, eamque Græcis, ac ipsismet Photianis ignoram, quin & ab his rejectam esse pronunciat. Prout amentes atque energumenos ab Ordinibus sacris arceri debere, manifestum putat: ita Græcos cum Latinis illiteratos merito haud mitius tractare, contra Margunium his patrocinantem evincere conatur; quin & rei Christianæ perperam gnaros eodem interdicto teneri ait, unde Græci neophytos quoque ab Ordinibus repellendos autument. Certa denique servanda esse Ordinum interstitia probat, causasque allegat, cur minora hæc apud Latinos, quam apud Græcos statuuntur. Cum nimirum Latina sacra facilius liceat addicere, Græca magis difficulter, hinc apud illos minus etiam ad notitiam sacrorum spatium temporis sufficere, Græcis contra infinitam prope rerum congeriem, modumque sacrarum precum memoriter plerumque peragendarum, plus temporis impendendum indicere arbitratur.

Responsum *tertium* ea, in quæ tanquam culpæ rationem habentia Examinator ante ordinationem, Græcis constitutionibus ita jubentibus, inquirere teneatur, denominat. Antequam tamen istud agere incipiat, mores prius Græcorum aliquot defendit, & inter alios hunc quoque, quod nonnunquam frumentum leviter excoquant, ut pene vix intumescat, & istud lancibus acervatim impositum frugibus variis respergant, pisif puta itidem coctis, tufis avellanis, cortice nudatis amygdalis, malogranatorum rubentibus gemmis, uvarum passis globulis, aliisque ejusmodi bellariis, quod edulium Colyba nuncupent, & ea vel divorum honori, cum annalia eorum festa remeent, vel defunctorum memoriæ, cum instante magnæ quadragesimæ jejuniopro piis parentum Manibus inferias agant precesque solennes concipiant, aut pro fanis egenorum turbæ distributa, aut sepulcris imposita, in Sacerdotum usus postmodum cessura offerant. Merito quoque Græcos abhorreere docet a liquoribus per immunda
anti-

animantia contaminatis; unde tales haud præter rem expiare sueverint. Morem abstinendi a suffocato & sanguine in Ecclesia Græca diu admodum obtinuisse, non equidem inficiatur, ast neminem tamen, qui contra morem istum fortean egerit, ideo ab Ordinibus re upulsum fuisse ostendit. Propius vero ad ea accedens, quæ a culpa neutiquam aliena sint, de eunuchis dispicit, ac eos, quibus non sponte cæsa virilitas, ab irregularitatis vitio excipit, indeque frustra Græcis Patriarchas quosdam eunuchos objici colligit; eorum enim tres, quos solos pro talibus agnoscit, Ignatium, Photium & Theophylactum sine culpa propria fuisse eviratos respondet. Talem contra, cui volenti exsecta virilitas, utique inter irregulares habendum concedit, Coressiumque, dum Methodium Patriarcham eunuchis annumeret famam illius iniquissime lædere docet. Apellas sive circumcisos, qui inviti probum hoc passi fuerint, ab Ordinibus haud arcet, licet valde in eos invehatur Margunius. Id vero non alia de causa ab eo fieri monet, quam ut ostenderet, nihil habendum esse Christianis cum Judæis commune: unde statim exin occasionem apprehendat, Græcos in Eucharistia panes azymos adhibentes cavillandi; quos tamen defendit Noster, ac ab ipso Christo Pascha in azymo celebratum fuisse probat, variasque Photianorum, & Severi imprimis, adversus Græcorum azyma objectiones diluit. Ut nullo veniali, ita nec omni mortali peccato, sed sola seu juris seu facti infamia Græcos quempiam ab Ordinibus rejicere, ob crimen autem capitale omne probatum legitime excludi eodem notatos contendit, ac sigillatim de Simoniano & fornicatore agit, quem recipi posse negat, utut fornicis patronum agere Margunius haud erubescat. Sodomitas iisdem aequiparat, & incestuosos jure Græco ab Ordinibus removeri, contra alios id inficiantes adstruit. Concubenarios poenitentes admitti posse statuit, ast poenitentiam vicissim publicam inter Ordinum impedimenta collocat.

Responsi *quarti* auspicia in recensendis iis occupantur, quæ tolerari possint in Ordinum candidatis, quale barbæ & comæ detonsio; ubi tonsuram Clericorum receptam esse Græcis moribus, demonstrat, ac Latinorum tonsuram tuetur. Gulæ quoque peccatum huc refert, & ob id quemquam ab Ordinibus jure Græco arceri, contra Coressium negat, & simul Catumfyrum ex Nilo & Nectario contrarium docere satagentem redarguit. Non eo usque autem lenitatem Græcæ Ec-

clesiæ extendere se admittit, ut & homicidas in Ordines assumant, quod nec Latini facere deprehendantur, etsi Margunius iisdem id objiciat, & Papam remittere solere talia facinora asleveret. Cumque huc delatus in potestatem gladii, quam Papa sibi arroget, idem invehatur, adversarium denuo Nostrum experitur, quippe qui Ecclesiæ utramque potestatem, & spiritualemente & temporalem, tribuendam esse, modis omnibus probatum dare nititur. Suppeditata homicidii definitione, ac institutis mediante hac pro more suo variis digressionibus, v. g. de Tympanitis, de miraculis, quæ jactent Photiani, deque aliis, pergit ad istius distinctionem, ac prout voluntarium aliud, aliud involuntarium & casuale, rursusque necessarium aliud constituit, ita voluntarium ab Ordine excludere pro certo habet, usque adeo, ut & eum, qui consilium auxiliumque homicidæ tulerit, excludi haud dubitet, nec minus eum, qui abortum factus animati promoveat, eodem loco habendum existimet. Eum contra, qui agat, ut factus inanimatus ejiciatur, ab irregularitate absolvit, & dum ad quæstionem Philosophorum, quandonam factus animetur in utero, excurrit, opinionem quorundam Græcorum circa plures in uno homine animas late refellit. Militem recipi ad Ordines posse ex more in Græcia recepto statuit, & a Margunio absolute hoc negante totus abit. Circa homicidium casuale docet, eum qui det operam rei illicitæ: si casu occidat, irregularem evadere, non item operantem rei licitæ. Judicem mortis sententiam ferentem ex jure Græco & Latino irregularem pronunciat; tamen si largiatur, non esse irregularem Clericum, si reum foro seculari puniendum juxta Canones tradat, aut si ipse laicam jurisdictionem habens judici laico judicium sanguinis deleget. Testem etiam in causa sanguinis, & accusatorem, si accusationem mors rei consequatur, quin advocatos etiam in causa sanguinis ad Ordines admitti non vult; quamvis hanc non minus ac antecedentes regulas limitibus quibusdam adhuc circumscribat. Quoad homicidium necessarium definit, si fiat cum moderamine inculpata tutelæ, excusare istud ab irregularitate; minus contra ab hac excusari eum, qui occiderit, cum possit fugere; nec eum, qui ad tutelam patris vel propinquorum, ipse interim in nullo periculo constitutus, alterum interfecerit; nec eum, qui ob solam bonorum tutelam ad homicidium progressus fuerit. Patrem, qui filiam, & maritum, qui uxorem in adul-

dulterio deprehensas enecarit, ad Ordines admittendos Margunius censuerat; sed neutri horum accessum ad istos patere, Noster contra statuit, inque hac controversia res ante ordinationem sub examen vocandas considerare definit.

In Responsō *quinto* de Probationibus agit, præmissaq; illius asserti defensione, quod Iudex non ex scientia privata, sed secundum allegata & probata, licet hæc illi contrarientur, judicare debeat, Episcopū quoque regulariter stare debere probatis innuit, cum conferat Ordines, aut ab iisdem rejiciat. Possē tamen contingere addit, ut aliquando Episcopus ex privata scientia aliquem rejiciat, modo ea repulsa famæ rejecti damnum aliquod haud afferat, imo si Ecclesiæ imminet ex ordinatione cujusdam hypocritæ periculum, non esse attendendum, utrum rejecti fama minuat, an secus. Incidenter istam questionem ventilat: an in pœnam quoque dari possint Ordines? & circa ejus decisionē negativæ sententiæ calculum suum addit. Præcipuum igitur examinis momentum cū in probatione situm sit, hinc varias ejus definitiones sub incudem revocat, palmariamque putat eam, qua Baldus probationem dixerit fidem veri legitimis modis atque temporibus factam cognitōri causæ. Eam rejicit ait a Margunio & Corellio, solum ideo, quod Latinorum menti videatur consona, & inde in Vatinianum istud, quo uterq; horum flagret in Latinos, odium invehitur. Corellium ait Latinos legitimum habere Baptismum negasse, & denuo baptizandos docuisse, veluti qui per trinam immersionem haud baptizent, & receptis duobus Spiritus Sancti principiis, non in triade, sed in tetrade baptizent. Verum econtra Latinorum baptismum æque ac eorum de Spiritu Sancto doctrinam late Auctor vindicat. Probationes, quales nonnulli vocitent canonicas, per ignem aut aquam olim factas, in examine ordinandorum adhiberi posse, Corellius putaverat; sed contradicentem & hoc in loco habet Nostrium, qui istiusmodi probationibus & falsum sæpe statuminari, & Deum impie tentati regerit. Omnium de cætero probationum, quas attendere heic deceat, modum optimum constituit evidentiam; post quam pro firmissima haberi posse adversus Margunium & Corellium docet rei confessionem, & hanc jure jurando insuper firmatam evidentiam æquiparari statuit. Atque hic amplam satis per excursus de Eucharistiæ forma, & adversus Cabasilanos disputationem insertam videas, nobis quidem nimis prolixitatis vitandæ causa transiliendam.

Sex-

Sextum, idque ultimum Responſum cœptam in antecedenti tractationis telam pertexit, ubi probationibus ſuperius allegatis præſumptionem Auctor addit, non temerariam quidem aut qualemcunq; ſed quâ juris & de jure vocant, eaq; Epifcopo in examine candidari Ordinum utendum maxime venire innuit. Equidem Margunium cum Photianis eam rejicere ait, ideo quam maxime, quod & Romani Pontificis ſummam poteſtatem ex præſumptione probari perhibeant. Aſt enimvero non ex hac ſola, ſed argumentis quoq; pluribus aliis, iisque non minus validis, eandem probari poſſe, & a Latinis actu probari, reſpondet, & ex inſtituto auctoritates, quas facere huc opinatur, per ſectiorem integram recenſet. Famam inter probationes idoneum aliquem efficientes, locum vix obtinere ait, niſi tunc, quando aliis ſtipetur adimniculis; verum ad repulſam a ſacris Ordinibus eandem jamtum ſufficere, nihiſoſecius affirmat, ac de cætero in Margunium famâ aulæ Romanæ multis modis lædere annitentē prolixius invehitur, crimenq; præ cæteris Simoniz ab ea remove nititur, & accuſationem hanc in Photianos retorquet. Falfum quoq; vocat, quod Margunius dixerat, ex avaritia Romanorum Pontificum matrimonia ſæpe ſolvi, & ad exemplum Henrici VIII, Angliæ Regis, provocat, cujus cum Catharina conjugium diſſolvere Pontifex noluerit, pluraque de inſolubilitate matrimonii diſſerit. Minor excuſionum numerus apparet in allato ab Auctore novo probationis genere, quod jure Græco a teſtibus proficiſcî notat, & hic quidem unum haud ſufficere, ſed duos ad minimum requiri, nec teſtimonium pro ordinandis dicere poſſe infamia facti laborantes, fœminas, excommunicatos; agnatos etiam cognatosve, familiares, amicos, parentes aſſertione ſua prodeſſe iis non poſſe, etſi non inutiliter ex iis Epifcopi de ordinandorum indole cognoscant, obſervat. Teſtimonium Confellarii ad initium Ordinis requirere quidem Margunium & alios, e propriis illorum verbis probat, aſt pro corruptela Photiana & hoc agnoſcit, Sacerdotemque, qui ſit a confeſſionibus, neque pro ſpirituali ſuo filio, neque contra eum dicere teſtimonium valere arbitrat, inter alia hoc urgens, quod Sacerdos talis ſæpe ex ipliſus ordinandi de ſe teſtimonio in ejus laudem quardam proferat, nemo autem ſeiſpſum commendare valeat. Equidem Margunium provocare ait ad quandam apparitionem

tionem monachi in monte Atho, qui nunciaverit post mortem rediens, se non potuisse ingredi sinum sanctorum Patrum, qui expectent sine dolore in loco refrigerii beatitatem extra Paradisum & conspectum Dei, eam solum ab causam, quod sacris initiatus citra confessorii testimonium fuerit. Sed fabulosum hoc commentum facit Noster, cumque ex eodem novum quoque confectarium elicuerit Margunius, Sanctos demortuos nimirum haud videre Deum, & huic proinde dogmati Latinos immerito refragari dixerit; hinc non Latinos solum, sed universam quoque Græciam a Margunio dissidere, & hanc constantem Latinorum Græcorumque, & plurimorum ex ipsismet Phœtiani fidem esse regerit, quod piorum animæ ab omni corporis contagione solutæ Beatorum adscribantur ordinibus, choris Angelorum intersint, conspectu adorandæ Divinitatis fruantur, totiusque beatitudinis, cujus capax sit animus a corpore separatus, compotes reddantur.

Hæc summa est præsentis nec ineruditi operis, quod longe majus excipiet. Equidem de ipsis thesibus hucusque enarratis, instituti nostri memores, judicium nobis nullum sumimus, istud tamen asseverantes, nihil aut probari aut refutari ab Auctore, quod lectissimis ex historia ecclesiastica, & Græciæ imprimis suæ, lemmatibus haud illustrarit.

Gedächtnißhülffliche Bilder-Lust der merckwürdigsten Welt-Geschichten aller zeiten ꝛc.

Hoc est:

SCULPTURA HISTORIARUM ET TEMPORUM MEMORATRIX.

Norimbergæ, apud Joannem Danielem Tauberum, 1697, in fol.

Constat Alphab. 5. plag. 3. & plagulis figurarum
ancæarum 24.

POST tot Scriptores alios, qui memoriam studiosorum historiæ diversis juvare subsidiis allaborarunt, novam excogitavit methodum præsentis libri Auctor, GREGORIUS ANDREAS SCHMIDIUS, Juris utriusque Doctor, & Illustri Reipublicæ Norimbergenſi a consiliis, qui superiori anno, cum breve iter suscepisset, ab equis ferocientibus rheda excussus, immaturo fato obiit. Quo minus tamen inventum hoc illius utilissimum intercideret, solliciti de publico bono Christophorus Weigelius, sculptor Ratisbonensis, & Norimbergen-

sis editor modo nominatus Tauberus curarunt, opusque hoc nitidissima facie indurum post inventoris mortem in lucem emiserunt. Eo autem hic imprimis respexerat, ut historiae universalis momenta praecipua, juxta seriem a mundo condito ad nostra usque tempora, figuris aeneis expressa ita oculis exponeret, ut tanto facilius constantiusque memoriae infigi possent. Habent itaque hic singuli annorum millenarii, & quatuor insuper postremorum millenariorum singula secula singulas Tabulas, in duodecim areolas quaterna serie dispositas. Harum supremæ sinistimæ, millenarii; dextimæ, seculi illius millenarii numerus inscriptus est: reliquas areolas ordine, a serie summa ad imam & a sinistra serierum ad dextram observato, occupant historiae, quæ singula secula, aut annorum decades, Autoris iudicio, maxime insigniverunt; subscripta unicuique Latina epigraphæ, historiae depictæ indice. Præter has Tabulas, quatuor ultimis millenariis singulis præmissæ sunt peculiare, quarum areolæ uno velut obutu historiæ summæ exhibent, quæ per singula chiliadis cujusque secula, annorumque in his decades, contingere; sequentium postea Tabularum picturis conspiciunt. Utque tanto distinctiorem faceret temporum, ad quæ quarumque areolarum historiae pertinent, cognitionem, harum perimetros angulorum suorum numero, seculi, ad quod referendæ sunt, numerum referre voluit; circulari peripheria primi cujusque seculi areolis attributa. Sed & annum decadis, pro historiis, quarum momenta eousque prodita sunt, peculiare characteres inhuunt: primum quidem Solis aut sceptri; secundum aviculæ; tertium tripodis, pyramidis aut insecti volucris; quartum canis, lapidis octangularis, aut tesserae lusoriae; quintum animalis caudæ prolixioris; sextum stellæ aut leporis; septimum testudinis; octavum serpentum, vermiumve; nonum florum; decimum globi, bullæ, pomorum aut fructuum similis figuræ imagines, areolarum tincturis appositæ. Exempli causa, Eglonis Moabitarum Regis ab Ehude patratæ cædes invenitur in tabula millenarii tertii titulum referente. Figura ejus est sexangularis, & locum medium in serie secunda occupat, ac circa illam Soles quatuor comparent. Quæ indicio sunt, contigisse facinus millenarii tertii seculo sexto, hujusque anno primo, hoc est A. M. 2551. Sic areola quinquangularis transitum Xerxis in Europam, millenario quarto currente, sistens, in infima serie locum sinistimum tenens,

tenens, pomisque exornata, eidem Annuum M. 3480 vindicat. Ne tamen solo picturarum adspectu oculos pascere voluisse Autor censeri possit, non solum historiarum iconismis representatarum, sed & synchronarum aliarum uberiores enarrationem, quin universum historię a condito mundo ad nostram usque ætatem contextæ recensum, operis huius partem non postremam esse voluit. Discursus vero tres, Chronologiæ ordinationem, regnorum præcipuorum ac quatuor imprimis monarchiarum origines, idololatriæ item ortum, fabularumque Poeticarum sensum complexos, qui exordium sunt libri, B. Auctor delineare tantummodo occæpit, perficiendorum provinciam, morte inopinata præventus, alteri reliquit.

JO. CLERICI ARS CRITICA.

Amstelodami, apud Georgium Gallet, 1697. in 8.

Volumina duo. Constant 4. alph.

CRiticum formaturus Auctor clarissimus, non pædagogico tumens fastu, nec farragine quadam jejuna eruditionis onustum, sed non minus judicio utentem quam memoria, probeque gnarum, quam multa in veterum monumentis lateant nobis incognita: paulo latius extendit fines artis criticæ ac vulgo solent constitui, nec judicandi modo de Poetis facultatem, ut Eustathius in Homerum fecit, sed quæcunque ad intelligendos emendandosque Auctores, & ad iudicium de illorum ætate, dictione, scriptisque ferendum faciunt, huius artis ambitu complectitur. Quare tres illi partes subijcit: primam, quæ monstrat viam & rationem discendarum linguarum, præsertim Latinæ, Græcæ & Hebræicæ; alteram, quæ tradit regulas interpretandi voces & locutiones; tertiam, quæ instruit iudicium, quod de libris veterum locisque, tam genuinis, quam spuris, ferri oportet. Usus vero Critices conspici monet in cognoscenda historia & omni politiori literatura: proprium autem ejus munus versari cum in vi & potestate verborum expendenda, sententiaque Scriptorum indaganda; tum in depravatis locis restituendis, & supposititiis scriptis, alienave fraude interpolatis, agnoscendis & dijudicandis.

His in Præfatione expeditis, aggreditur primam Partem; & in eo, qui ad veterum lectionem cum fructu est accessurus, requirit post percepta Grammaticæ elementa, aliquam Geographiæ veteris, (cujus i-

gnorationem in Erasmo notat) Chronologia, veterumque rituum atque opinionum cognitionem. Latini vero sermonis tria notat tempora, ἀρχήν, ἀμύην & παραμύην. In legendis Scriptoribus incipiendum esse ab iis præcipit, qui & in ἀμύῃ vixere linguæ, & cum argumento tum dictione sunt faciles: veluti Phædrus, Terentius, Plautus. Inde pergendum ad Historicos, primum faciliores, Nepotem, Cæsarem, Justinum; deinde comitiores, Livium, Salustium, Curtium, quorum hunc tumidiorem, illum brevitate stili duriores esse censet. Hisce jungendas Ciceronis epistolas ad familiares, nec non quasdam ejusdem orationes reliquis faciliores, veluti pro Archia, pro Lege Manilia, Catilinae &c. Hisce perceptis, Poetas demum legendos esse monet; ac delibata prius ex Apollodoro vel Hygino historiæ mythicæ cognitione, primum Ovidii Metamorphoseon & Fastorum libros, Epistolasque Heroidum, deinde Virgilium, Horatium, Gratum, Statium, Lucanum, cæterosque pervolutandos. Porro in studio Græcæ linguæ, sine qua Latina recte intelligi non possit, memoriæ mandatis nominum declinationibus verborumque inflexionibus, statim accedendum suadet ad Scriptores ipsos legendos, non quidem Poetas, multoque minus Homerum, quod doctis quibusdam superiori seculo visum, sed orationis solutæ. Initium adeo faciendum esse a Polyæni strategematis, Æliani varia historia, Luciani quibusdam dialogis, Aristophanis comædiis minus obscænis, veluti Pluto, Nubibus, Ranis, tabula Cebetis, Theophrasti characteribus: hinc pergendum ad Xenophontis libros historicos, quædam scripta Philosophorum argumenti facilioris, & Herodotum; de quibus sic judicat, multum profecisse in Græcis, cui Xenophon & Herodotus valde placuerint. Thucydidem quoque, licet obscuriorem, lectu esse dignissimum. His lectis, non difficiles intellectu fore Oratores Atticos; nec Platonis prætermittendam esse lectionem. Rerum vero & antiquitatum Græcarum cognitionem ex Ubbonis Emini Græcia, scriptisque Jo. Meursii, ad illos Scriptores asserendam. In Poetis legendis primas deberi Homero & Hesiodo, & facillimis, nisi dialectorum alicubi obster varietas, & antiquissimis, ut, quid sequentes ex iis hauserint, his lectis perspicatur. Hinc reliquos Epicos adeundos, in primis Apollonium Rhodium; porro Bucolicos, Moschum, Bionem, Theocritum; demum Tragicos, Euripidem, Sophoclem, Æschylum; omniumque postremum

mun

mum Pindarum. De quibus recte qui judicare velit, eum non expectem esse debere artis poeticæ, quæ a Vossio in institutionibus, & Renato Bossu in tractatu de carmine epico, rectissime sit tradita. Ad Hebrææ linguæ discendæ rationem accedens, ejus primo necessitatem & usum ostendit, præsertim in Novi Testamenti libris explicandis; deinde quoniam natu grandiores ad hanc linguam discendam se conferunt, in primis ejus elementis quomodo versandum sit, docet; punctorum recentius inventum, nec linguæ coævum, cum Capello statuit; multa vero ad legendum comparata præcepta secure negligi posse monet, quum intelligendi causa, non loquendi aut scribendi, hujus linguæ cognitio expetatur, nec a Rabbiniis ipsis veram linguæ pronunciationem teneri constet. Syntaxin e Buxtorfii Thesauro, vel Glasii Philologia sacra; antiquitates & res Judæorum e Seldeni, Spenceri, Bocharti, Drusii, Capelli, Buxtorfii, aliorumque scriptis perdiscendas monet. Comparandum esse textum Hebræum cum priscis versionibus, quum recentiores præjudiciis theologicis corruptas esse pateat. Multa vero esse in Hebraico sermone, librisque adeo Veteris Testamenti, quæ hodie prorsus intelligi nequeant, pluribus ostendit. De Rabbiniis studiis nihil hic sibi tradendum statuit, nec de iisdem magnifice sentit. Nam quum vel in Scriptura interpretanda, vel in Talmudica doctrina explicanda, eorum occupentur libri; in illa multo inferiores eos esse Christianis commentatoribus, & in hac parum ab iis afferri ad Veteris Testamenti illustrationem, existimat. Denique consilia varia iis suggerit, qui linguis perceptis rerum causa Scriptores legunt; & in Poetis ab antiquissimis, in Historicis ab iis, qui antiquissima perscripserunt, initium faciendum, atque sic ordine temporis servato progrediendum esse suadet: nec interrumpendum esse unius rei studium, aut inquisitionem prius relinquendam, quam parta notitiâ quam quærimus. Quotidie ergo legendum, nec ullum diem sine linea prætermittendum; nimium multis diversisque studiis qui eodem tempore dent operam, illos confusam quandam doctrinam assequi, idque Seldeni exemplo (quod an hic locum habeat, ipsi Auctori tuendum relinquimus) patere putat. Uni ergo disciplinæ incumbendum, reliquas delibandas, memoriæ subveniendum excerptis, quorum optimam methodum a se in Bibliotheca Universi, tom. 2. traditam affirmat. Denique notat Salmasii rationem studiorum, qui omnia

veterum monumenta secundum ætates distributa, ab antiquissimis initio facta, evolverit: verum nec cuivis hanc imitandam esse, nec ipsi forte Salmasio satis successisse, existimat.

Parti secundæ, quæ in vi & potestate vocum ac phrasium indaganda versatur, præmittit notionum & vocum in septem classes distincta genera: ita ut notiones sint (1) vel simplices vel compositæ, (2) aliæ substantiarum, aliæ modorum, (3) aliæ relationum, (4) concretæ vel abstractæ, (5) universales vel particulares vel singulares, (6) claræ vel obscuræ, (7) adæquatæ vel inadæquatæ. De quibus singulis priusquam agit, generales interpretationis regulas tradit, quarum potiores hæ sunt: (1) Linguas sibi invicem exacte non respondere, nec vim & gratiam orationis in versionibus servari posse; quod Gallica interpretatione Platonis & Terentii fuscè demonstrat. (2) Voces diversarum linguarum, quæ putantur esse synonymæ, sæpe non prorsus idem significare: quod exemplo nominum *Elohim*, *ἑὸς*, *Deus*, ostendit, quibus Hebræi, Græci & Romani non modo summum illud Numen, sed naturas humanæ præstantiores indicaverint; at vulgaribus linguis inter Christianos non alium dici *Deum*, quam æternam, a qua omnia, sint condita, Naturam. (3) Fieri quoque observat, ut versiones præferant emphasim, quæ in fontibus nulla sit; veluti *morte* vel *moriendo mori*, quod apud Hebræos sine emphasi eadem dicatur figura, qua apud Atticos *concionari concionem*, *consulere consilium*, & similia. (4) Porro in omnibus linguis multa occurrere ambigua, quibus diversa notione utantur Scriptores, seu linguæ coacti inopia, seu incitiis proprii sermonis. Ambiguorum sensum in translatis venandum esse ex ratione similitudinis, quam in transferendo secutus est Scriptor, veluti in voce *foederis* & *testamenti*: nonnunquam ex vocibus adjectis innoscere ambiguae vocis sermonem; sic vocem *spiritus* diversis in locis varias induere significationes, quarum sedecim Auctor enumerat. (5) Quin & ejusdem vocis significationes nunc ampliores esse, nunc restrictiores; id quod vocabulis *justitia* & *caritatis* declarat. (6) Nec propriam vocum significationem cum translata esse confundendam: veluti quum in loco Paulino Gal. IV. 8. τὸς μὴ φύσει θεὸς Grotius interpretatur, *qui re ipsa non sunt Dei*; at ex propria vocum vi, *natura* non esse *revera* vel *re ipsa*, sed opponi ei quod est ex hominum instituto vel opinione. Similia in vocibus, *mortales*, *sanctus*, observat. (7) Plurimis vo-

cibus

cibus obscuras admodum notiones esse subjectas, quarum videlicet clara & distincta notione ipsi quidem illarum auctoribus fuerit observata: veluti nomina quædam divinitatum a Gentibus cultarum, aut vocabula philosophiæ Aristotelicæ, præsertim in physicis, nec non vocabulum *gratia* ab Augustino & Jansenistis crebro usurpatum. (8) Nonnullas etiam voces nil nisi inanes sonos esse, quibus homines putent se aliquid dicere, quum revera nihil dicant: veluti quum *fortunam* aut *casum* nominent. (9) Esse præterea in omnibus linguis locutiones, quas vocant, anomalas; non tam quod a regulis grammaticis abeant, quam quod, si verbis insistas, vel obscurum vel non satis idoneum sensum pariant: ut cum Livius *vates avibus extisque consultos* dicit, quum hi potius Deos per exta & aves consulerent; & quum Græci dicunt *νικᾶν πόλεμον, δίκην Φεύγειν*, & hujusmodi alia. (10) Hujusmodi autem *ἀκυρολογίας* nec tropis nec figurato sermoni accensendas, multo minus in exemplum trahendas esse monet, quod in simili genere sequamur: neque enim arte & virtute quadam, ut tropi & schemata adhibentur, sed scriptorum negligentia ejusmodi *ἀκυρεῖα* in oratione nasci. (11) In multis autem verborum constructionem ita esse comparatam observat, ut varie exponi possint: quod sæpius contingat in conjunctione duorum substantivorum, quorum alterum est in genitivo, ubi diversæ relationes, quas enumerat, locum inveniunt. (12) Inprimis ad intelligendum scriptorem afferendam esse notitiam opinionum & consuetudinum, quæ illo ævo inter populares scriptoris vigerunt; ut quum voce *τρέχειν currere* apud Apostolum Rom. IX, 16. aliosque scriptores, ad Græcorum ludos respicitur. Solere autem scriptores opiniones eorum, de quibus loquuntur, & res gestas exprimere plerumque verbis & phrasibus suo ævo usitatis, & apud gentem, cujus lingua utuntur, receptis, non habita ratione sermonis eorum, de quibus scribunt: ut quum Philistæorum rex 1. Sam. XXIX, 6. fertur jurasse per *Jehovab*, Hebræo more; aut quum Tacitus Lib. V. Hist. cap. 13. narrat, Hierosolymis auditam vocem humana majorem, *excedere Deos*, etsi apud Judæos *πολυθεότης* fuerit ignorata. (13) Inter sectas porro diversas non raro evenire, ut, qui verbis convenient, sententia discrepent, aut ut eadem secta retentis vocabulis a majorum doctrina discesserit. Sic de Trinitate Platonicos eadem videri dicere, quæ Christiani, at non eadem sentire. (14) Inprimis oratorium figuratumque sti-

stylum ob stare, & ornatum orationis prohibere, quo minus veritas liquido possit agnosci, multa que figuris exornata persuaderi posse, quæ proprio sermone exposita nunquam probarentur. Hinc subijcit Historiam Rhetoricæ, hoc est, studiorum Rhetoricorum originem, progressum, genera, incrementum, & abusum: qualem esse putat, quod his studiis imbuti scriptores ecclesiastici nimium figurato stilo indulserint, & Declamatores ferme ubique egerint, idcirco Hieronymi aliorumque Patrum notari censura.

Traditis interpretandi regulis generalibus, persequitur vocum & notionum septem discrimina antea proposita; & *simplicium* notionum nomina appellat, quibus exprimere nitimur id, quod sit in nobis, quum sensus nostri re quapiam, quæ illis objecta est, sunt affecti: veluti nomina colorum, (cærulei, de quo multa exempla profert) boni, grati, jucundi, pulchri, in auditu, (ubi de numero oratorio) odoratu, gustu; qualia definiiri posse negat, quod non constet, an idem alter sentiat, quod nos, eadem licet voce utamur. At *compositas* esse notiones, in quibus variæ partes distingui possint, veluti notiones corporum, quæ sensu ad animum deferuntur, aut rerum incorporearum, quæ ab animo meditando effinguntur. Nomina igitur harum notionum plene intelligi non posse, nisi partibus omnibus perspectis, ex quibus notio est composita. Porro, *substantiam*, hoc est, naturam quæ per se est & cui insunt qualitates seu modi, a modis se junctam non posse cognosci, unde & nomina substantiarum sint obscurissima, e. g. vox *Deus*, *exercitus*, *classis*, *urbs*. Nomina *modorum* esse quidem satis perspicua, quæ unum aliquem modum abstracte significant, uti figuræ geometricæ; at nomina qualitatum, quas sensiles dicimus, esse ambigua & significare cum id, quod in nobis perspicimus, tum quod est in corporibus sensus feriens. Nomina vero, quibus plures modi inter se complexi & conjuncti significantur, esse valde obscura, veluti affectuum, vitiorum & virtutum. *Relationum* nomina vocat, quibus modi significantur, qui augeri minuique possunt, ut *longus*, *brevis*, *clarus*, *dives*, & infinita alia, in quibus haud facile definiri potest, quousque procedat modus, quo ad alia referuntur hujusmodi voces. De *abstractis* cum alia, tum hoc inprimis observat, iis sæpe induci homines, ut seorsim existere credant, quæ sine alicujus subiecti notione dicuntur: hinc fieri, ut quum v. g. *synodum*, *patriam*, *senatum* abstracte no-

nominari audimus, longe majori veneratione imbuamur, ac si homines, ex quibus illa constant, nominentur. Quæ de Synodis & Conciliis hic annotat p. 618. 619, aliis dijudicanda relinquimus. In *singularibus* notionibus, quum sint compositæ, subesse difficultatem, num omni ex parte, an aliquatenus significant: in *particularibus* pariter haud facile cognosci, quot illi sint, ad quos pertineat notio particularis: in *universalibus* quædam necessario interdum excipienda: quin & universalia particulariter, & particularia universaliter, aliquando significare. *Obscurarum* notionum nova hic affert exempla, & *mundus, immundus, purus, impurus, pollutus, profanus*, quo sensu dici poterit, inquit. Denique *adaquatas* voces dicit, quæ exacte respondent rei, & nec plus nec minus significant: quales esse statuit voces notionum simplicium abstractas, aut rerum ab animo nostro effectarum; contra *inadaquatas* eas, quibus indicantur substantiæ, eventa, sermones, aliaque quæ narrantur.

Parte tertia emendandi rationem tradit, quæ pars est Criticæ præcipua. Originem mendorum a quatuor causis derivat, Librariis, Criticis, Impostoribus & Vetusitate. Postquam autem ostendit, non heri aut nudius tertius, sed ex quo scribi cœpere libri, Ebraici æque ac Græci & Latini, in eos irrepisse menda, nec ullum antiquitatis monumentum, ac ne ipsum quidem sacrum Codicem, (quam recte id asseratur, judicent Theologi) ab omni corruptione & depravatione integrum servari potuisse: *sigillatim causas* mendorum singulas exequitur, uti in superioribus quoque fecit, exemplis cum sacris ex veteri & novo Testamento, (de quibus tamen censuram iis relinquimus, qui theologica studia tractant) tum profanis, ex utriusque linguæ scriptoribus petitis, iisque vel ab aliis antea vel a se observatis, copiose illustrat, criticamque suam *ἐννοχίαν* lectori approbat. Ex quibus pro instituti ratione unum alterumque exemplum afferre satis fuerit, quod singula mendorum genera declarentur. Et Librariorum quidem peccata vel dictanti vel scribenti imputanda esse tradit: (quamvis sæpe unius mendi non una possit esse origo;) Dictanti quidem, (1) quod male legeret librum non optime scriptum; hinc apud Plinium *abjectis* pro *adjectis*, *bis* pro *his*, *sancitur* pro *sarritur*; apud Platonem *ἀγροικῶ* pro *ἀγρευτικῇ*; apud Theophrastum *ἀκοντα* pro *ἀκρόντα*, *θαυμάσας* pro *ἀσπάσας*. (2) vel quod affines figura literas, similesque

ductus, non satis discerneret; unde in Glossis a Stephano, Vulcanio & Labbæo editis plurimæ mendæ: ubi observat, quæ literæ in MStis eodd. facile misceri & permutari soleant; quam partem etiam Scioppius in Arte critica, Dausquejus in libro de Orthographia, Passeratius in libello de literarum inter se cognatione & permutatione, & Cante-
rus in Syntagma de ratione emendandi Græcos auctores, diligenter sunt executi. (3) vel quod omiserit quædam, quæ erant inter eandem vocem repetitam interjecta: sic in Theophrasti Charact. cap. 15. supplet voces omissas, & integrum locum ita constituit: ἰδὺ γε τῶν ἀσέων Φῶς, καὶ νύκτα αἰθερίαν νομίζειν, ἥτινα οἱ ἄλλοι λέγουσι μελαν-
τέραν πύξης. (4) vel quod male pronunciaret, permiscens literas, quas Hebræi vocant, ejusdem organi, quod sæpe factum in Glossis, & apud Arnobium *formas* pro *Phorbas*, *cum amum* pro *cubabo*, apud Justinum & Martialem *paludes* pro *baluces* & c. aut finem vocum non satis distincte pronuncians, ut in Glossis *herba sinaria* pro *afinaria*, in Cæsare *inferiorem partem fluminis* pro *flumini*, in Theophrasto *eis κόπυς* pro *eis σκοπὸς*, in Terentio *in sole ilignis pedibus* pro *illic salignis pedibus*, & *dinumeret illi Babyle* pro *dinumerent illis ab illo*; aut aspirationem addens vel detrahens, ut in Terentio *ac nullus* pro *hac nullus*, in Plauto *ominis* pro *hominis*. (5) vel quod glossemata in margine scripta in seriem orationis receperit; quorum quædam veteri scriptiioni adduntur, ut totus versus 14. in Plauti Aulul IV, 7; quædam scriptiioni ejectæ substituuntur, ut in Corn. Nep. M. Iliade cap. 8. pro *communitas* edidere *comitas*, quæ vox prioris est interpretatio. A Scribente peccari potuisse ostendit, (1) dum scriberet quæ cogitabat, non, quæ audiebat. Indicio esse varias tot lectiones, in Novi Testamenti libris occurrentes, e quibus manifestum, quam sæpe scribentes nonnulla omiserint, verborum ordinem mutaverint, & synonyma miscuerint, sensui magis quam verbis intenti. (2) dum perperam audiret parum attentus, clara licet voce legentem & recte pronunciantem; hinc apud Ciceronem *videris* pro *videtur*, *attamen* pro *at eundem*, *judicio* pro *indicio*, *arationibus* pro *nationibus*, apud Lactantium *marinosis* pro *araneosis*, apud Theophrastum *ἀσπράζειν* pro *ἰππάζειν*, *κατασχύναι* pro *καταγύναι*. (3) dum non assequeretur orthographiam, aut literas antiquiores; unde in Lactantio *oculis contrètari* pro *collustrari* legatur, quod monachi in claustris antiquam scribendi rationem

tionem ignorarint. Esse vero Critici munus, ut perspectam habeat cujusque seculi orthographiam; & e re fore, ut characteres MStorum, e quibus eduntur veteres Scriptores, æri incisi publicentur, quo sagaciores Critici, quibus non est aditus ad MStos, perspecta scribendi ratione in iis usitata, veram lectionem his vestigiis odorari possint. Porro distinctiones omiſſas, (quod in vetustissimis codicibus solenne est.) multa peperisse menda: neque tamen priscis sive Græcis sive Latinis ignoratam fuisse interpungendi rationem, ex Aristotele potissimum & Cicerone probat. Nec minus e compendiarie scriptura multos in libros irrepsisse errores affirmat. Sic in Livio *navium virtus* pro *navalium* corrupte legi; in Stobæo ex *Φιλ.* quod ibi extat, a nonnullis *Philemonem*, ab aliis *Philistionem*, a quibusdam *Philetam* esse fictum; in Diogene Laertio compendii causa *Μλως* scriptum Leucippum, modo *Μηλίων*, modo *Μελήσιον*, appellatum; in Dionysio Halicarnassæo *Δημος ὁ Μάγνης* vocatum legi *Demetrium Magnetem*, & *Socratem* pro *Sofistrate*. Ad compendia scripturæ etiam referendos numeros, non integris vocibus, sed litteris aut notis descriptos, observat. Interdum ex mera incuria peccasse librarios affirmat, indeque profectas esse luxationes & transpositiones in scriptis veterum: quales in Hieronymi præfatione nuperi editores Benedictini, in Manilio & Virgilio Scaliger, in Horatii arte poetica Dan. Heinsius, sibiprehendisse sint visi. Alterum fontem mendorum ex Criticorum temeritate vel imperitia scaturire ait; qua Aristarchus, Plutarcho iudice, quatuor ex Homero versus perperam sustulerit, Gellius etiam quædam in Cicerone & Virgilio corrupta annotarit, & Hieronymus in Novo Testamento quædam vitiosa observavit. Ex Orosii editione veteri Basileensi MSCto Genevensi collata idem patere ait. Falsarorum quoque vestigia in sacris profanisque libris deprehendi, nec Christianos quosdam religioni sibi duxisse pia, quam vocabant, fraude veritati subvenire, exemplis in Barnabæ epistola, & Josepho, ipsa etiam sacra Scriptura occurrentibus, ostendit. Denique Vetustatem, quæ omnia absumit, libris inducere lacunas, & multas voces mutilare, annotat. Apelliconem in corruptis situ Aristotelis & Theophrasti operibus restituendis & explendis operam sic posuisse, ex Strabone narrat: in Clementis epistola Patricium Junium simile studium literarum vetustate exesarum suppleandarum adhibuisse notat: ipse in Cice-

ronis quibusdam locis, & Psalmorum versiculis nonnullis, idem tentat. His mendorum generibus expositis, septem subjecit emendandi leges, secundum quas loca quædam Ovidii, Virgilii, Plinii, Lucretii, Lactantii, Ciceronis, Plauti, Aristophanis, emendat, aut ab aliis immerito tentata restituit, eorundemque emendationes examinat, præsertim Tanaquilli Fabri audaciam improbens. Progreditur deinde ad aliud artis Criticæ munus, dignoscendi nimirum loca & scripta spuria a genuinis; veterumque testimoniis confirmat, præscis Scriptoribus, quorum libri avidius versarentur, multa loca a librariis esse inserta, & integros libros suppositos; quod contigisse Ignatii, Hieronymi, Tertulliani, Cypriani, Ambrosii, Chrysostomi, Origenis scriptis, Constitutionibus item Apostolicis, observat. Indicia quibus falsa a veris, mutila ab integris, interpolata a sinceris, secerni queant, decem tradit, & totidem aphorismis doctrinam eorum includit; quibus interpretationem & exempla subjecit, quæ hic recensere nimis longum foret, quum jam prolixè nimis summa libri hujus exposuerimus capita. Et exempla si omnia recensere vellemus, ea etiam quæ e Sacris Literis Veteris & Novi Testamenti deprompta clarissimus Autor attulit, dum sacros quoque libros vim vetustatis sensisse, nec intercessisse divinam providentiam quominus nonnulli longinquitate temporis vitiarentur, passim asserit, haud sine offendiculo Lectorum plerorumque, id futurum veremur. Quod minus in censura Curtii formidandum, quam postremo loco prolixè instituit, istius insigni exemplo monstrans, quale de scriptorum charactere & stilo, secundum artis criticæ regulas, ferendum sit iudicium.

MENSONIS ALTING DESCRIPTIO, SECUNDUM ANTIQUOS, Agri Batavi & Frisii, una cum conterminis. Sive Notitia Germaniæ inferioris cis & ultra Rhenum, quæ hodie est in ditione VII Fæderatorum, representata Tabulis Geographicis V. & Commentario, a C.

Julio Cesare ad Justinianum Augustum.

Amstelædami apud H. Wetstenium, 1697. fol.

Constat 49 plagulis, & 10 tabulis æneis.

BEne de republica merentur, qui non illorum modo, quæ sua cuiusque ætas fert, sed antiquitatis etiam rationem habent. Vetera enim cognovisse, quis status rerum, quæ facies terrarum fuerit, non jucundum modo est, & mirifice delectat; sed fructum etiam perpulchrum

chrum adfert ad rempublicam. Interest enim ejus mutationes nosse, ut, quæ in pejus abierint, ad pristinam dignitatem reducantur: aut quo se melius nunc habet posteritas, majori cura custodiat atque conservet. Præclarum itaque opus MENSIO ALTING, Vir amplissimus, suscepit, quum, cui quisque debet, patriæ vicem rependens, industriâ effecit, ut, quæ illius antiquitus fuerunt, ne ignorentur a posteris. Opus quod animo complexus fuit, & nunc feliciter perfecit, ut distributum ornatumque est, quæ nostræ partes sunt, carptim breviterque enarramus.

Germaniam Inferiorem, quæ in diuisione VII Fœderatorum est Ordinum, ab Julii Cæsaris ætate ad Justiniani usque tempora, ut sibi repræsentaret, quæ legit observavitque in Batavis & Frisiis, eorumque sociis & conterminis nationibus fuisse, Geographica Tabula nobilissimus Auctor consignauerat, ut conspectus rem distinctiorem daret, & memoriæ rerum etiam adjumento alicui esset. Præstantius vero id opus erat, quam ut privatis teneri cancellis posset, nec undique ab amicis, qui audiverant, expeteretur. Quorum precibus etiam id contendebatur, ut, quæ Tabella in conspectum edidisset, amplioribus commentariis illustraret. Fecit Vir doctissimus, ut monitus ab amicis erat, & universam Tabellam retexuit, auxit, & in Cimbros usque atque Suevos produxit, ut complecteretur utramque Germaniæ Inferioris, Veterem & Novam, cis & ultra Rhenum provinciam, quia constitutum erat de Batavis Frisiisque agere, quorum illi Citerioris, hi Ulterioris & Transrhenanæ portio fuerunt. Nec contentus fuit Vir industrius, Tabellam illam, quæ cum amicis communicata fuerat, ampliata ira exornasse, nisi speciales alias adjunxisset, ut in universum quinque Tabellis, quod proposuerat, distributum explicatumque exhiberet. Duabus ergo, quarum altera veterem limitem, altera ulteriora etiam, ad Albim usque producta tradit, adjecit Tertiam, quæ Cistrhenanam seorsum, ad lævam medii alvei sitam, ostendat; addidit & Quartam Quintamque; illam, pro Batavo agro intra & extra insulam explicando; hanc, ad Frisiorum patriam, Bructerorumque fines ordinatus proponendos. In quibus ut certiori pede tum ipse iret, tum aliis una lumen in numeris & signis Ptolemaicis præferret; *Scalæ* pro dimetiendis distantiiis ad parallelos Ptolemæi subjecit, ejusque insignem usum in Commentario demonstravit. Est hic ordine alphabetico ita dispositus, ut singula, quæ in Tabulis intra constitutum

limitem conspiciuntur, perspicue illustrentur, & quæ controversa sunt, ita disputentur dilucide, ut suam Auctor opinionem, si a communis sententia discedit, ubique argumentis & rationibus stabiliat. Ut exemplis commendemus, quæ rara & singularia in Commentario habentur, ex eo quadam breviter enotamus. Amisiam Taciti cis amnem ponit in littorali tractu; non, ut vulgo fit, in illo loco, quo hodie ejusdem nominis urbs existit nobilissima: amni vero Amisio duplex ostium, Burchana insula divisum, & orientale, & occasum versus alterum, quod Wider (*Weiter*) id est laxius, appelletur, distinctum a Vechta fluvio, ex Ptolemæo vindicavit, ejusdemque portum *Marnamancem*, qui inter Amisum & Flevum situs est, in Unsingis ostio demonstrat, quod flumen etiam Tacito reddit annali I. cap. LXX, seu Virsurgi, quasi perperam ibidem scripto, substituit. Ad ripam vero ejus *Corbulonis Munimentum*, a Tacito non dubie significatum, quarit, & in Gröninga sua quæsitum invenisse certas ob rationes existimat. *Arenacum*, quod veteres laudant, ab Arnhemii loco, ubi vulgo ponunt, reducit: & *Jubones* populum unquam fuisse negat, Taciti verbis, unde unice probabantur, in dubium suspectæ lectionis devocatis. *Prætorium Agrippinae* haud procul Lugduno ostendit, tanquam prope cum Armamentario conjunctum: & *Vada* quoque Taciti secus locat, quam a Cluverio factum fuerat. Hæc excerptisse specimina sive exempla sufficiat, unde de ceteris judicare pronum erit. Adjungit tandem Germaniæ Magnæ Ptolemaicam Tabellam, eamque quadripartitam secundum quatuor climata, quibus hanc solam distinxit Pelsiota Geographus, eandemque ad veram ab Æquatore distantiam ita correctam revocavit, ut situm oppidorum, quæ Ptolemæus delineavit, jam rectiorem præ se ferat. Expositionem subjecit ejusdem Tabulæ, ac quatuor illorum Climatum conditionem planissime demonstravit, parallelis locis ostensis, quæ Ptolemæi in Germania oppidis nostra ætate respondeant. v. g. Koinoënum in Stralsundi fere, Astuiam in Stetini, Argeliam in Berolini locum, ad Sprevm amnem, incidere, ex parallelis & conjecturis existimat. Quod si firma sunt Ptolemæi nomina, recteque collocata; diligentiori meditatione excussioneque non indignum erit, quod de illa locorum convenientia tradidit. Promisit & alteram partem hujus Operis, quæ patriæ communis faciem, qualis a Francorum ab Romano Imperio emancipatione ad usque Augusta

guitæ Suevicæ Domus excidium fuerit, expositurus est; quæ ut propediem hanc editam subsequatur, & vitam & otium amplissimo Auctori apprecamur.

LES MEMOIRES DE MESSIRE ROGER DE RABUTIN

Comte de Bussi &c.

Id est :

Commentarii historici Rogerii de Rabutin, Comitis de Bussi.

Parisiis apud Jo. Anisson, 1697. 12. Alph. 2.

Rerum præclare fortiterque gestarum gloria non minus, quam fortunæ inconstantis ludibrio, clarus est *Rogerus de Rabutin* Comes de Bussi. In exemplum ergo cum abierit, in quod intuentes, quæ fugere & evitare, quæve contra consecrari debeant, condiscere possint, dignus etiam est, cujus vita non ignoretur posteris. Quod quidem cum aliorum ope facile effici potuisset, ipse tamen nec sibi nec aliis deesse voluit, sed accuratissime in hisce Commentariis, quæ sciti de ea digna sunt, exposuit. Quo difficilius autem est de se ipso verba facere, eo majorem Vir illustris promeruit laudem, dum nec vituperanda tacuit, nec laudanda dissimulavit; utraque autem ita narravit, ut nec modestiam, nec prudentiam in eo requirere quisquam possit, candorem autem quandam ubique se prodentem facile omnes sint agniture. Accedit vis ingenii & eloquentia, & Gallici sermonis nitor, quo ipso obtinuit, ut communi consensu præstantissimis scriptoribus annumeretur, decusque singulare Gallicanæ Academiæ, cujus membrum fuit, afferre censeatur, tantum abest ut illi sit dedecori. Sed qui delicias ejusmodi sectantur, eos opus ipsum adire oportet. Nos per summa rerum euntes capita, pauca delibabimus.

Natus est Rogerius anno decimo octavo supra millesimum & sexcentiesimum, & in Jesuitarum disciplinam traditus, humaniores quas vocant literas, quibus tenera ætas cum primis erudiri solet, tanta aviditate hausit, ut undecimo ætatis anno dignus judicaretur, qui Philosophiæ sacris initiaretur. Nondum compleverat decimum sextum ætatis annum, cum Patris jussu, relicta Musarum sede, castra sequi inciperet, obsidionique urbis Mothez (De la Motte) in Lotharingia sitæ interesseret. Quotirocinio posito, Pater volebat, ut ad literarum studia animum iterum adjiceret, coëptumque semel cursum feliciter continuaret.

nuaret. Sed ut magistrorum imperio se submitteret, qui jam militibus imperasset, a se impetrare vix potuit. Odo itaque mensibus in scholastico pulvere transactis, militia iterum nomen dedit. Quid in singulis expeditionibus memoratu dignum gestum sit, diligenter exponit. Cum primis obsidiones expugnationesque urbium, Landreceji, Capellæ, Atrebat, aliarumque accurate delineat. Anno 1641 suspicionem, quod minus accurate suo munere functus esset, subiit: cumque ipse Lutetiam purgatum se venisset, Desnogerii, qui Regi a literis secretioribus erat, gratiaque Mazarini Cardinalis florebat, odium, quo erga Rogerii patrem flagrabat, tantum potuisse ait, ut non auditus, planeque innocens, in custodiam daretur. Quinque jam elapsi erant menses, cum tandem & libertati & dignitati suæ restitueretur, statimque ex muneris sui lege ad exercitum se conferret. Dum expeditionem hujus anni prosequitur, mentionem injicit Domini de S. Preuil præfecti Atrebatensis; quem capite truncatum fuisse memorat, non quod facinus supplicio isto dignum admisisset, sed quod Melleræus Franciæ Marefchallus & Desnogerius ipsi insensu essent. Damnamur quidem a plerisque Historicis istum non dissimulat, sed id se mirari negat, cum plerique qui ad scribendam Historiam animum applicant, ipsius judicio, ad mendacia literis prodenda, veritatemque obscurandam, mercede sint conducti. In viam ex hoc diverticulo reversus, legionem suam ad quatuor revocatam fuisse cohortes, hasque alii legioni admixtas narrat, ita ut & sibi ad privatam sortem tantisper fuerit redeundum. Ægre hoc se tulisse non dissimulat, quod ita unico velut ictu se gradu isto fortunæ, in quo se collocatum putabat, iterum dejectum animadverteret. Interim non dubitans, aliam occasionem virtutem suam demonstrandi sibi oblatum iri, suasu & auctoritate Patris matrimonium cum Tulongeoniam virgine, præfecti Pinarolensis filia, init. Anno 1644 Legati munus in cohorte equitum levis armaturæ ab Henrico Borbonio Principe Condæo obtinet, 12000 Imperialium pretio: moxque Patri jam mortuo succedit, Præfectusque Regius in provincia Nivernensi constituitur, postquam præter munera offerri solita, certam pecuniæ summam Regiæ dedisset. Mazarino videlicet Cardinali hoc in more positum fuisse ait, ut haud vili pretio cuncta officia venderet. Nova mox dignitate auctus est Rogerius, Consiliarii que Status nomen titulumque opera Principis Con-

dai

dæi impetravit. Volvebatur, dum hæc contingebant, jam annus 1646, quem etiam multarum urbium expugnationes memoratu dignum reddiderunt. In his fuere Contracum, Mardicum, Dunquerca, & aliæ Belgii civitates, quarum obsidionem & expugnationem diligenter descriptam hic legere licet. Sed & quæ in obsidione urbis Illerdæ gestæ sunt, ordine recensentur. Interim similitates & inimicitia inter Condæum Principem, Mazarinumque Cardinalem, magis magisque gliscebant, donec tandem in civile bellum A. 1650 erumperent. Condæi partes & Rogerius secutus est. Et sane Condæum, quod ita se gesserit, minime reprehendendum esse palam proficitur, illosque qui secus censent, aut suspexitæ fidei esse, aut rem istam, de qua suam ferre sententiam audent, non satis esse edoctos. Licet autem magnam animo conceperat indignationem, quod Guitaltum sibi prætulisset Condæus, rursus tamen illi conciliatus, in castris ejus contra Regem militavit. Ad secunda quoque tum transit vota, Rouvillanque virginem matrimoniali sœdere sibi junxit, quod ex priori conjugè masculam non suscepisset prolem. Refert hic celebre istud prælium, in quo Turennum vicit Plessi-Pralinus. Huic victoriæ maximam partem, quod in libertatem restitutus sit Condæus, esse tribuendam observat. Fundatores enim, cum metuerent, ne potentia & auctoritas Mazarini per eam non ferenda incrementa sumeret, Aurelianensem Ducem ad suas petraxisse partes, & ita junctis viribus eo elaborasse, ut liberato Principe, regno excedere cogeretur Mazarinus. Revocato A. 1651 Cardinali, Rogerius in ejus se insinuare gratiam instituit, & incredibili ab eo humanitate exceptus, ingentibus oneratur promissis. Sed quam solenne fuerit Mazarino promissis homines fallere, suo se addidisse damno ait. Tandem intellexit, Mazarinum animum Regis insuper a se abalienasse. Multum in eo est, ut ostendat, iram Regis se non promeruisse; Regi tamen id se vitio vertere neutiquam, cum a Mazarino, cui plurimum fidebat, deceptus & odio contra innocentem inflammatus, secus se gerere non potuerit. Quæ A. 1652 gesta sunt, more suo prosequitur. Hoc ipso vero tempore equitatus levis armaturæ a Rege præfectus est, aliis frustra eandem dignitatem appetentibus. De ratione equitatus levis armaturæ hic nonnulla erudite disserit, & quæ ad annum usque 1655 contigerunt, ordine enarrat.

Alterum Tomum orditur texendo historiam obsidionis urbis Landrejei, & quid in ea singulis diebus gestum sit, indicando. Hic expeditiones etiam alias eodem anno susceptas sistit, & ita porro ad annum 1659 historiam suam deducit. Namque in sequentibus, infelicia quæ expertus est fata, variæque, quibuscum illi colluctandum fuit, calamitates calamum ejus occupant. Auctorem suorum malorum Turennum prodit, quocum primo æmulatio, mox simulas, denique inimicitia illi intercesserat. Sed occasionem, ut in Regis iram denuo incurreret, ipsemet suppeditavit, componendo A. 1660 libellum, quo amores foeminarum quarundam illustrium, ut erat ingenio festivo, & ad jocos salesque nato, descripserat. Obrectationum & inculpationum hinc nec modus nec finis fuit, quæ quam non fuerint irritæ, assertum est expertus. Parum fuit, quod ex aula discedere jussus, & velut in exilium missus est; in custodiam quoque datus est, & videbatur sævitia inimicorum ac vindictæ cupiditas ultra progressura, nisi innocentia contra quævis molimina invictum præstitisset. Et hæc quidem ad ipsum Rogerium pertinent. Inspergit & alia de Fouqueto, de Mazarino Cardinali, de Turenno, quem utrum parum sibi faventem habuerit, sua tamen laude non privat, de receptione sua in numerum Sociorum Academiæ Gallicanæ; ut taceam carmina & epistolas, quæ ut lectoribus non possunt non voluptatem asferre, suæque varietate eos delectare, ita a nobis per instituti leges paucis saltem velut in transitu indicanda fuerunt.

Additus est hæc Commentariis libellus ejusdem Auctoris, de utilitate ex adversitatibus capienda. Continet is sermonem ad liberos suos, quo propositis in medium ex veteri pariter ac recentiori historia magnorum virorum exemplis, eos non tantum ad fortunam adversam fortiter ferendam adhortatur, sed ostendit quoque, quo pacto non alium in finem, dispensante ita res mortalium sapientissimo Numine, adversa immittantur, quam ut iis excitati ad cœlestia animum convertamus, deliciisque hujus sæculi ultimum dicamus vale. Exempla autem non ut sese obtulere arripuit, sed studiose selegit, Jobumque, Tobiam, Daniele, Davidem ex historia sacra, ex profana autem Boetium, Belisarium, Ludovicum sanctum, Marignyum, Johannem Galliæ Regem, Riverium, Gyzum, Philippum Cominæum, Franciscum I, Samblancæum, Bellegardæum, Bassompetrum & Chatraum sinit, idque

ca

ea styli elegantia, ut licet maximam partem vulgata sint & protrita, nova tamen & plane singularia esse videantur. Ultimo loco de se ipso verba facit, vitæque suæ curriculum in compendio exhibet.

Holländischer Kirch-und Schulen Staat.

Hoc est:

ECCLÉSIIARUM ET SCHOLARUM BELGICARUM STATUS, descriptus ab HENRICO LUDOLFO BENTHEM.

Francofurti & Lipsiæ, apud Nicolaum Försterum, 1698. in 8.

Constat Alphab. 4. plag. 15. & figurarum
ænearum plag. 2.

Qui hodie Pastoris, Canonici & Superintendentis munere Bardovici summa cum laude fungitur, maxime reverendus libri hujus Auctor, duabus olim vicibus Belgium curiosis ipse oculis perlustravit. Fructus igitur peregrinationis istius & in alios transferre, suarum postquam duxit esse partium, præsens ipsi opus subnatum est, quod non eos modo, quibus domi Belgarum statum cognoscere volupe fuerit, delectare, sed & peregre istuc abituros, & Theologia præsertim studiosos, instruere potest, de quibus potissimum rebus sollicitos se in istis regionibus gerere debeant. Nec primus hic Auctoris labor est in hoc scribendi genere, quandoquidem jam ante annos aliquot Angliæ statum similem in modum descriptum dedit; de qua tamen opera in præsens plura dicere non attinet, cum suum illa locum in Supplementorum nova sectione propediem a nobis publicanda inventura sit. Statum autem Belgicum prout ille in Ecclesiasticum divisit ac Scholasticum: ita duas quoque partes liber hic sortitus est, in quarum priori, post annotata quædam generaliora de his, quæ aut laudem mereantur in oris istis aut vituperium, ac post indicatam viam, qua omnium commodissime proficisci eo ex Germania nostra literatus valeat, de religione imprimis, cujus exercitium ibi florere deprehendatur, Auctor disserit. Atque heic in exaggeranda credendi sentiendique libertate, qua fruuntur istarum regionum incolæ, multus est. Reformatam tamen religionem altiores ibi radices præ cæteris egisse confiteretur, causas, quæ Lutheranæ cursum olim retardarint, ea occasione simul recensens. Hinc libros Reformatorum Belgarum Symbolicos recenset, ac Confessionis maxime Belgicæ & Catechismi Palatini historiam

pandit; prout & illam integram, hujus vero epitomen ad verbum descriptam inserit. Mox publici cultus modos ritusque apud Belgas receptos contemplatur, dumque ab ipsorum studio, quo in Sacra ferantur Biblia, tractationem isthanc inchoat, plura inspergit de horum versione vernacula, jussu Synodi Dordracenæ olim adornata. Ab hac ad conciones Belgarum progreditur, quibus exacte delineatis, ceremonias ipsorum in baptisimatis & sacrae cœnæ administratione, in precatione & cantatione publica, in neogamorum copulatione, ac mortuorum tandem sepultura observari solitas, jucundo non minus ac utili commentario persequitur. Maximum etiam incrementum Reformatæ in Belgio religioni Synodus Dordracena cum attulerit, hinc in peculiari capite istius acta recenset, & his ita deductis constitutiones, personas, congregationes sacras, disciplinamque ecclesiasticam eorum, qui religionem sæpius nominatam inibi profiteantur, considerat. Sed nec Lutheranorum obliviscitur, ac quo pacto Pontificii quoque, Armeni, Quackeri & Judæi in Belgio tolerentur, ostendit. In Arminianorum porro sive Remonstrantium historia diu detinetur, confessio-nem sive declarationem ipsorum super præcipuis articulis religionis Christianæ, decantatissimam illam quidem, sed quam hætenus nisi in Actis Remonstrantium Synodalibus haud unicuique obvis legere vix concessum fuit, integram inferere haud pigratus. Parili ratione ubi de Anabaptistis verba facit, fidei articulos, quos addicti sectæ huic omnes atque singuli recipiant, in medium producit, ac in Sociniano-rum, sua itidem latibula in Belgio quærentium, commemoratione parti priori finem imponit. Posterior pars, quæ statui consecrata est Scholæ, Academicarum æque ac Gymnasiorum per istas provincias florentium plenam Lectori notitiam pollicetur, utpote cum uniuscujusque & fundationem, & collegia, & auditoria, & faciem hodiernam sollicitè referat. Sedulam vero imprimis diligentiam Auctor maxime reverendus in Professorum doctorumque apud Belgas Virorum aliorum mentionem impendit, & proin veteres æque ac recentiores magno numero allegat, & plerorumque vitas, munera, libros sistit, eorum etiam, qui adhuc sunt superstites, agendi rationem, quam notam sibi ex familiari cum iisdem conversatione reddidit, aperiens. Nec desunt literariarum disceptationum ab annis aliquot proximè elapsis inter quosdam e doctis hæc Viris agitararum designationes. Quæ

CRIM

enim v. g. Joannes Vander Wayen & Fridericus Spanhemius, quæ Marckius & Braunius, quæ Vitranga & Rhenferdus inter se gesserint ceramina, quæ lites motæ sint Roellio, quæ nova dogmata profeminarit Balthasar Bekkerus, quæ passim sub intudem revocarint alii, doctæ hæc & bona cum fide relatum invenies. Joannis præterea Cocceji nomen frequentius in hoc libro apparet, & cui caput ejus tertium perlegere placuerit, is non hypothefes modo, sed fata etiam celeberrimi istius Viri distinctius perspicier. Inscriptionum, quas hinc inde in urbibus præcipuis obvias habuit, abundantem Auctor supellestem cum harum elegantiarum amatoribus communicat, & ne quicquam desit, Bibliothecam instructissimam librorum, quos Belgæ concinnarunt, Theologicorum, Positivorum, Exegeticorum, Moralium, Historicorum & Polemicorum sub calcem sui hujus operis annectit. Aeri incisæ exhibet effigies Rudolphi Agricolæ, Jac. Arminii, Jo. Cocceji, Mennonis Simonis. Nummos item sistit in Synodum Dordracenam, in Coccejum, in Petrum Jurium, in Joannem & Cornelium, fratres de Wit, inque eventus quosdam notatu digniores excusos; ut Synagoga Judæorum Amstelædamensium conspectum figurasque alias subinde repræsentatas taceamus.

JOH. PETRI ERICI ΑΝΘΡΩΠΟΛΟΓΙΟΝ, SIVE HUMANÆ Lingue Genes. Partis prima Tomus primus.

Venetis, sumptibus Auctoris, typis Franc. Tramontini, 1697. in 4v
Constat Alph. 1. pl. 3.

PRodromum hujus operis a clarissimo Autore nobis olim benevole transmissum, & sub *Renati Principii Philologici* titulo in vulgus editum in *Actis* anni 1686, p. 327. seqq. recensuimus. De scopo illius itaque plures jam tum dicta sunt, atque monitum cumprimis, in sollicita linguarum investigatione vere novum illum esse atque παράδοξον, quippe qui in deducendis vocum etymologiis Græcam in primis linguam matrem statuat, & ex ea potissimum ceterarum origines eas arcessitum. Hoc ipsum vero multo prolixius nunc fususque manifestum reddere conatur in opere præsentis, quod nuper itidem pro suo in nos affectu nobiscum communicatum voluit. In præfatione certe disertis verbis se non ambigere testatur, quin Græca lingua non Latina solum & antiquæ Celticæ, sed etiam Hebraicæ ceterarumque ori-

entalium linguarum mater haberi queat. Quod ut comprobet, a prima sermonis humani origine orditur.

Nam, cum Adamus recens a Deo conditus terram cælumque admirabundus contemplaretur, & se insuper Divinæ auræ particulam ac imaginem Creatoris deprehendisset: tum vero ait mira delectatione repletum, ex intimo pectoris fonte eum hausisse & ore protulisse optatum humanæ loquelæ omen ω, & hoc uno sono sufficienter animi sui sensa expressisse existimat, eodemque ad animalia, in quorum medio stabat, humano clamore suo ad laudes Creatoris excitanda usum, nec incondito varioque animantium bestiarum sono ac cantu impediri potuisse, quominus ceu basin totius chori, simplicissimum suum vocum literarumque chaos ω constanter ingeminarer. Postquam vero e costa dormientis Adami Divina virtute esset mulier creata, & olfactu primum, velut sensu sopitis ceteris vivaciore, ab eo percepta, expergefactum e somno virum, spiritum naribus attrahendo, olfacientis pariter & admirantis sonum edidisse υ υ, hacque prima confabulationis vocula sobolem hanc suam, costamque & conjugem salutassem, & εν τρώπῳ νυμφίς multis mirisque amplexibus excepisse, basiis quoque ευάδεος suæ Evæ os exosculatum fuisse. E complexu horum natam dein non unam prolem, & hujusplorantis vocem εεεε; alterius, ceu junioris, aliquantisper exiliorem γγγγ fuisse: quæ notabilis differentia non nisi a supremo linguarum Moderatore observata, Regique & Prophetæ Davidi tum inspirata fuerit, quando Psalmo VIII. 9. psallens dixerit: *ex ore parvulorum & lactentium fundasti Deus fortitudinem propter inimicos tuos.*

Prima vero isthæc vocum semina αὐτεδιδάκτως & naturæ instinctu prolata, ceu postulata sua prima, porro docet ex instituto aliter atque aliter pro re nata enunciari consuevisse, & paulatim incrementa accepisse. Ita post alia ad duas illas Græcorum particulas ου & ευ, quarum illa negandi ac removendi, hæc approbandi & laudandi vim habet, devenit: quas fusissimè deinde ita pertractat, ut quam fuerint diversis rationibus junctæ nominibus, verbis, adverbiiis, quamque variam in linguis variis seu significationem, seu formationem mutationemve faciant seu sustineant, ostendat; quod non potuit sine immixtis quamplurimis vocum mille etymologiis fieri. Nos speciminis solum gratia paucissimæ ex his exhibebimus. E Græco ευκολος facilis, & ευ-

p. 5.

p. 9.

ευκολία *facilitas*, Germanicum nomen esse deducit, a contrariis scilicet, si stomachus non facile cibos capit, sed fastidiose respuit; ab *ευλογεῖν* bene *precari*, ironice Belgicum *vloeken* & Germanicum *fluchen*; a Græco *ἄρτος*, *custos*, *inspector*, deducit Latinum *Vir*, Italum *Guardiano*, Hispanum *Guardo*, Anglicum *Warden* & *Ward*, Belgicum *Weerd*, & Germanicum *Wirth*; ab ejus autem composito *οἰκὸς* derivat Latinum *uxor*, quippe quæ domi custos sit, & res domesticas curet. Sed & populorum, locorumque nomina hoc modo investigata addit. Sic enim ab *ευνέτης*, *concubitor*, seu *maritus*, nomen traxisse illi videntur in Paphlagonia *Heneti*, in Italia *Veneti*, in septentrionali Europæ parte *Vandali*; ab *εὐσεβής* mons *Vesuvius*, qui & *Vesebius* aliquando scribitur; ab *εὐβαλος* Hebraicum nomen proprium *Jubal*, & *Jubilius* Hermundurorum dux apud Tacitum: ab *εὐβύς* longa nominum derivatione primo *Biri* Celtarum populi, inde *Viri* Saxonum gens, tandem *Suiti* & *Suizzeri*.

Generum origines secundæ sectioni servavit, easque Musicæ in acceptis esse ferendas ait, & quidem rudiori illi fabili, de qua Poëta :

Illi inter sese magna vi brachia tollunt

In numerum.

Ex hac enim sonorum intonatione masculam vim unius, alterius scæminam a Jubale esse observatam, sibi persuadet. In eadem Vulcani seu Tubalcaini officina cusos quoque casus existimat. Ubi insimul observat, olim a recto accusativum fuisse proximum in declinatione, hinc dativum & tum genitivum esse secutos: nam Adamum, qui nominaverit & convocarit familiam, fuisse primum; post hunc incessisse Cainum, quem accusarit; exinde Abelum, cui dederit, & denique Evam utriusque genitricem. Hunc vero ordinem postmodum a Græcis esse neglectum, introducto novo casuum ordine, qui hodieque in scholis superest, monet. Nos, qui ex his, quæ diximus, institutum Auditoris, & modum suas assertiones illustrandi probandive abunde perspicere credimus, nihil amplius præter etymologias paucas adjiciemus, quarum judicium esto penes lectorem. Catos, bellicosissimam Germanorum gentem (cum quibus eosdem nomine Quados, Cattuacos, Chaucos, Abcastios, Circastios Hassosque, & nescio quos alios facit) distos putat velut *τῶν κάρω*, *maritimos*, quod maritima olim incolerent; cum contra *ἐἰς ἄνω* Hunni fuerint, & Heunen, id est gigantei.

p. 11.

p. 14.

p. 17.

p. 24.

p. 42.

p. 44.

p. 45.

p. 38.

gantes. Ea occasione de Illustrissimis Ruthenis Comitibus rem miram in notula subjecta narrat, quam ejus ipsiusmet verbis recensebimus. *Heunen* (dicit ibi) *in Germania gigantum nomine veniunt, quæque aliis Kiesen / Neusen / Latinis Rutheni, Sarmatis Rusli audiunt. Unde factum, quod in Illustrissima Comitum Ruthenorum (qui proceritate gigante præ ceteris eminent) prosapia olim duo hæc nomina Heune Neuse fuerint conjuncta, usque dum in Saxonici Imperatoris Henrici Aucupis, cujus cum sorore Heros quidam hujus nominis & stemmatis matrimonio junctus fuit, memoriam nomen Heune in Heinerich / sive Henericus, quobodienuum omnes & singuli appellantur, commutaverint.* Unde hausit Autor suam isthanc sive conjecturam sive historiolum, non addit, adeoque dubitandi causam relinquit: quam etiam habebit, qui legerit invictissimæ Domus Habsburgicæ etymologiam in Græco ὑψιπυργος, *altis turribus insignis*, quæsitam: & Absynthi Thraciæ urbis, nec non absynthii herbæ nomen deductum ab ὑψάντος, *altos fornices habens*; cui mox additur, Absynthum seu Absynthium postea denuo fuisse corruptum in *Byzantium*. Sed hæc sufficere possunt ad prægustum aliquem exhibendum libri, qui ipsemet totus nondum prodit, sed, ut Autor sub finem ait, ad sollicitandam magis sitim, quam ad explendam nobis propinatus est. Multum utique laboris ad edolandum hujus generis librum requiri nemo negaverit, inprimis qui nostrum videbit. Sed, ut sit in istiusmodi etymologiarum studio, planum uni videtur maximeve probabile, quod alteri tale statim non est. Hoc vidit etiam ipse Autor, nec deprecatur, sed sub finem petit, quod est æquissimum, ut æquanimirate lectorum sua augeatur industria.

GODEFRIDI BIDLOO VINDICIÆ QUARUNDAM DELINEATIONUM ANATOMICARUM CONTRA ANIMADVERSIONES FRED. RUTSCHII, *Præf. Anat. Chirurg. & Botan.*

Lugduni Batavorum, apud Jordanum Luchmans, 1697. in 4.
Constant plagulis 8, & Figur. tabul. 5.

NOVEM hæcenus in lucem prodierunt *Epistola a Cl. Ruyschio* ad totidem *Epistolas Problematicas* tempore diverso rescriptæ, atque a nobis tum *anno superiori, mense Jan. p. 270.* tum *anno præsentis, mense Januar. p. 14. & mense August. p. 384. in Actis* exhibitæ. Verum cum nobilissimus *Bidloo* multas in iisdem notari acerbius deprehenderet earum

earum delineationum, quas ipse tredecim abhinc annis in *Anatomia dedit Corporis Humani*, in *Actis A. 1685* commemorata, amicorum hortatu præsentés reponere voluit *Vindicias*. In his quemadmodum sub examen *primum* vocando Epistolas Ruyschii, sexta tantummodo, septima & octava sepositis, errores sibi suisque figuris imputatos confutat: ita ex adverso delineationes nonnullas Ruyschianas mendorum postulat, novamque Ruyschii methodum condiendi & demonstrandi cadavera humana pro mero fuco reputat. *Hinc* Specimen Ruyschianæ artis, doctrinæ & industriæ sistens, tam figuras a Ruyschio in *Dilucidatione Vascularum &c.* quondam representatas, quam eam demonstrationem, qua hic pulmonum vasa sanguifera publice nuper exhibuit, itemque Observationes quasdam Medico-Chirurgicas ex ejusdem *Centuria*, in *Actis A. 1691, p. 66* recensita, acriter perstringit. *Tandem*, ut Ruyschium in verbis non minus, quam in rebus, hic illic delinquere palam faciat, exempla sequioris ejusdem literaturæ annectit. Cæterum, præter figuras Ruyschianas, portiuncula imprimis cuticulæ a manus dorso avulsæ, lien humanus flatu artificioque distentus, atque calculi ex bile in hujus folliculo concreti, aquæ innatantes, occurrunt delineata.

GEORGII BAGLIVI, DOCTORIS MEDICI ET IN ROMANO-Archibylæo Anatomies Professoris, de Praxi Medica ad priscam observandirationem revocanda libri duo. Accedunt dissertationes novæ.

Romæ, apud Cæsarettum, 1696. 8. plag. 25.

Cum ad Medicinam perficiendam nihil æque conducere manifestum sit, quam experientiam rationi conjunctam, parumque conferat ad salutem ægris restituendam effrenis opinandi licentia, quæ hodie passim grassatur; doctissimus *Baglivus* philiatros ad priscam observandirationem, duobus hisce libris, qui illustri Magliabechii cura ad nos pervenerunt, hortari constituit, communis utilitatis studio impulsus. Unde primo & secundo statim capite libri primi, de maxima in re medica observationum necessitate agit, quæ vel hinc pateat, quod origo, progressus, & quicquid inest certi in Medicina, observationibus maxima ex parte debeat; quæ a ratione nunquam sint sejungendæ, si modo hoc nomine non illa vis animi intelligatur, quæ obscura naturæ investigat, & magis ad Physicam pertinet, sed ea potius, per quam

morborum principia & causas conjicit Medicus, eorundem progressus eventusque auguratur, & ex rebus presentibus prospicit & assequitur futuras. Sequentibus capitibus impedimenta recenset, quæ Medicorum in observando diligentiam hucusque retardarunt, quorum facile præcipua sunt (1) Derisio veterum Medicorum, a quibus tamen prima præstantissimæ artis fundamenta jacta sunt, magnisque accessionibus vera praxis locupletata, licet nonnulli Galenicorum in theorias non constantes nec satis certas nimium propensius fuerint. (2) Falsa Medicorum idola, seu opiniones falso præconceptæ; quorum pertinent rejectio purgantium, vesicantium, & reliquorum Galenicæ praxis remediorum; hypotheses universales ex paucis experimentis derivatæ; jactatio Dialectices, Critices, aliarumque scientiarum, ex quibus parum commodi ad praxin medicam redundat; inanis gloriæ desiderium; accusatio fictæ cujusdam in morbis malignitatis, & id genus alia. (3) Falsum genus analogiarum, quo incautiuntur ad ipsam praxin dirigendam, v. g. cum ad sanguinis missionem in febribus ardentibus dissuadendam arguunt, sicuti aqua in lebetæ ebulliens refrigerari non potest per imminutionem aquæ, sed potius per subtractionem ignis suppositi, ita ebullientis in febribus sanguinis evacuationem per phlebotomiam non posse calorem minuere; cum tamen ignis noster febrilis sanguini immixtus & alte immersus sit, non vero suppositus venis, sanguinisque portione subtracta ipse quoque minuatur. (4) Præpostera librorum lectio, dum alii tumultuarie legunt, alii contradicendi studio, alii oblii suæ libertatis opinionibus auctorum, tanquam Sirenum scopulis adhærescunt, alii denique librorum lectioni fere immoriantur, neglecta observandi industria. (5) Sinistra librorum interpretatio, quæ plerumque fit ab illis, qui has sibi partes sumunt nulla instructi experientia, aut quos tenet scribendi & efficiendi systemata cacoëthes. (6) Intermissum studium de morbis aphoristice tractandi, more Hippocratis & scholæ Coæ; cum omnis fere opera recentiorum in eo ponatur, ut Medicinam concludant methodis, & quibusdam ingenii commentationibus mere abstractis digerant atque exornent. Ut ergo cognoscant studiosi, quomodo solidæ diutiusque repetitæ morborum observationes stylo brevi & aphoristico exponendæ sint, specimen aliquod affert experientissimus Auctor, in morbis nonnullis per sedulam in xenodochiis Italiæ factam

Atam observationem examinatis, nimirum pleuritide, febribus, lumbricis puerorum, variolis & morbillis, colica, phrenetide, asthma, diarrhoea & dysenteria, apoplexia, dolore & convulsione, russi, calculo denique & podagra. Decimo capite variz Medicinæ etates enarrantur; ut scilicet a veteribus Græcis, præcipue schola Coa, stabilita, a Calio Aureliano, Aretæo, aliisque Græcis per subsequenta ad Galenum tempora promota, paulo post autem pernicioso Barbarorum impetu labefactata fuerit: ut devenerit porro ad Arabes, qui activam & masculam Græcorum Medicinam in quandam ingenii agitationem disputationumque exercitationem converterint, & hæc Arabica lues Europæ Academiis invaserit; donec tandem primi Itali, inter quos M. Fabius Calvus, Martianus Septalius, eosque secuti Galli, Duretus, Ballonius, Hollerius, Jacotius, post excussum Arabicæ servitutis jugum, ad restituendam præcæ Græcorum de re medica sapientiam omni studio contenderint: ut denique Paracelsus & Helmontius, quamvis novis remediorum inventis praxin locupletarint, novas dederint turbas, hosque secuti Philosophi recentiores per novas suas hypotheses praxin medicam in philosophiam contentiosam converterint, ejusque præcepta ita turbarent, ut inter peritissimos hodie non facile constet, quid tenendum, cui credendū, quaq; demum via progrediendum sit, in absolvendis morborum curationibus. Capite undecimo examinat doctissimus Baglivus, quid quantumve tum recentiores tum antiqui in theoria & praxi profecerint, nec non quid quantumve unaquæque illarum conferat ad morbos recte curandos: statuitque, theoriam recentiorum multo certiore esse theoria Galenicorum; contra autem horum praxin maximis propemodum intervallis praxin recentiorum antecellere, sive diagnoseos, sive prognoseos, sive curationum, theorarum fecibus intermistarum, solertiam & pondus consideremus. Porro quamvis theoria, philosophiæ naturali & experimentali innixa, praxin dilucide explicari & confirmari concedat, eandem tamen illi superstruere vetat, cum minima componentia humorum, sive naturalium sive morbosorum, corporis humani viventis nulla arte nullisque speculationibus inveniri, aut determinari unquam possint; contra vero, quamvis ignota nobis sit humorum vera configuratio & textura, ad curationem tamen sufficiat, per experientiam nosse varios eorundem motuum progressus, exitus & declinationes,

quæ, utpote a natura excitata & directâ, veros indicationum fontes nobis aperiant, in exhibendis mutandisque remediis; tandemque concludit, artem curandorum hominum solo usu & exercitatione comparari, adeoque praxin plus quam theoriam ad curationem morborum conferre. Capite duodecimo de morborum hypothesebus recte constituendis exponit, inculcatque Astronomorum hac in re solertiam æmulari debere Medicos, qui ex accuratè observatis motibus corporum cœlestium, non autem ingenio proprio, hypotheses condunt, quæ aliquando plane inter se pugnant, & nihilo secius tamen in prædicendis Eclipsibus probe consentiunt. Unde existimat, in re quoque medica, licet illa hypothesis, quæ principiis mechanicis superstruitur, præstantissima jure meritoque censenda sit, nullum tamen damnum allaturam hypotheseon varietatem, dummodo singulæ nitantur stabilitibus & continuatis morborum observationibus, sed futurum ut singularum ope æque feliciter morbi debellantur. Quamvis ergo non neget, theorias & hypotheses necessarias esse in Medicina, cum ad investigandas morborum causas & effectus, tum ad methodum recte dirigendam: quoniam tamen cum ægrorum adstamus lectulis, ut de curatione aliquid decernamus, frequenter expectationem nostram deludunt, & aliquando quæ circulationi sanguinis (hypothesi sane omnium certissimæ) contraria sunt aut videntur, ægrotis utilia deprehenduntur, idcirco in Capite decimo tertio nihil in arte medica magis opportunum esse judicat, quam nova quotidie investigare præceptorum genera, sive sententias quasdam longo usu & matura confirmatas experientia, diagnosin, prognosin, curationemque morborum complectentes, quæ non solum raro fallunt, sed statim & absque multis theoriarum ambagibus veras perpetuasque agendorum indicationes nobis manifestant: cujus generis nonnullas in sequentibus exponit, quæ vel per optimorum librorum lectionem, vel per repetitam in variis Italiæ xenodochiis observationem, ipsi certo innotuerunt, ut ad illarum exemplar, tyrones novi indies præceptorum genera investigare conentur. Quandoquidem autem adminicula, quæ a remediis petuntur, frustranea quandoque sunt, imo noxia, in morbis ex animi passionibus dependentibus, Capite decimo quarto Medicos optat diligentes esse cautosque, in compellendis ægrotis de causa morbi occasionali, præsertim de animi passionibus, neque absque ullo facto examine

mine

mine, singulorum morborum originem a repletionis & cacochymiae fabula indiscriminatim deducere; monens inprimis curandum, ut animo sua reddatur tranquillitas, deinde vero stomacho primisque coctionibus esse prospiciendum, nec non exhilarandos excitandosque spiritus oppressos & fere consopitos. Desiderat quoque historiam morborum ab animi curis provenientium, in qua scilicet explicetur, qui potissimum morbi a quovis animi motu orientur, quibus comitentur symptomatis, quomodo augeantur, & quomodo declinent, quamdiu durent, aut in qualis speciei morbum mutari soleant, quibus remediis leniantur, quibus exacerbentur, quæ medendi methodus singulis directe opportuna & stabilis detecta sit, &c. Concluditur liber primus parænesi ad Medicos, de investiganda & stabilienda methodo incolis certæ regionis aut urbis præ cæteris aaccommodata, nec non de scribenda historia morborum, quibus illi frequentius sunt obnoxii, cujus præcipua capita sint de aere, fluviiis, lacubus, fontibus, planitie & montibus, eorumque ad certas cœli plagas positu, de plantis & animalibus in patrio solo præcipue provenientibus, nec non de mineralibus, aliisque fossilibus: porro de moribus & temperamentis incolarum, de morbis illis familiaribus, & methodo qua eliminantur, de medicina indigena, sive medicamentis in patrio solo nascentibus, de variis & præcipuis tempestatum influentiis, aliisque sexcentis, quibus morborum origines tum foveantur, tum curantur. Utque res exemplo clarius fieret, Cl. Auctor breviter exponit, quæ ipse Romæ circa aeris temperiem, & medendi methodum, quotidiano usu expertus est.

Libro secundo specialius argumentum, de quo præcedenti libro generalia allata sunt, pertractat doctissimus Baglivus, urgens imprimis, ut certa & stabilis morborum historia conscribatur, retenta antiquæ eorum divisione in acutos & chronicos. Inquiret deinde in causas, cur cum tot ingentia passim prostant observationum volumina, parum admodum profecerimus in accurata morborum descriptione, easque varias recenset; nimirum quod recentiores Philosophi nimium abstractionibus mentis tribuunt, quod antiquum odium sectæ rationalis in empiricam nondum extinctum, quod plurimi Auctores in faciendis observationibus methodum ac ordinem non adhibuerunt, quod multæ observationes in paucis tantum agris factæ, nonnullæ autem theo-

riarum commentis turbata & confusa; quod praxis, qua usi nonnulli, speculativa magis & hypothetica fuit, quam ad naturæ mentem comparata, quo factum, ut morbi periodos suas non absolverint per leges sibi inditas naturales & constantes, sed progressus, exitus & symptomata magis debeantur perversæ methodo, quam immutabili & individuae morborum naturæ; quod tandem ob mentem a prædictis hypothesebus occupatam, multa symptomata eisdem non recte quadrantia omissa sunt, multa contra iisdem magis magisque confirmandis necessaria ad libitum conficta. Sed hæc prioribus traduntur capitibus, tertio vero adferuntur regulæ instituendi & promovendi historiam morborum, & ab illa derivandi aphorismos curativos. Opera nimirum danda est sedula, ut infinitæ particulares acquirantur cujusvis morbi observationes, eæque describantur stylo rudi & incomto, iisdemq; loquendi formulis, quibus ægrotantes suas exprimunt affectiones, annotenturque minima non solum accidentia de die in diem in morbo apparentia, eorumque vehementia, progressus & exitus in melius vel deterius, verum etiam minimæ circumstantiæ temporis & loci, in quo fiunt observationes, constitutionis anni, causarum antecedentium & præsentium, methodi & remediorum; verbo, omnium quæ morbum antecedunt, concomitantur & consequuntur, quamvis vilia & inutilia videantur; ita ut nihil observator addat de suo, quod illi vel subtilis disputandi ratio, vel inanis eruditionis species possint suppeditare. Comparata sufficiens particularium historia debite separanda, ordinanda & digerenda est, factaque severa & exactissima particularium consideratione, præcepta generalia constituenda sunt, sed necessariis circumstantiis prudenter limitata. Quod opus cum ob ingentes labores multamque meditationem, quam sibi vendicat, non unius aut paucorum hominum, sed integri coetus doctorum & in praxi exercitatorum virorum sit negotium, necessarium putat Auctor noster, ut Principes in urbibus suis, præsertim celebrioribus, & in quibus ingentia extant xenodochia, Medicorum Collegia praxeos per observationes promovendæ gratia instituant. Quæ in duas commode classes possint distingui, quarum altera legendis libris, morborum frequenter occurrentium observationes, non paradoxas nec raras, sed fideliter traditas continentibus, incumbat, ita ut unicuique clasus hujus sodali unus duntaxat morbus tota sua vita tractandus com-

committatur, qui investiget naturam morbi in genere, signa diagnostica & prognostica, monita & præcepta generalia, medendi methodos accuratiores, remedia selectiora ac ferme specifica, symptomatum & morborum mutuas inter se transmutationes, diuturnitatem vel brevitatem eorundem, naturæ conatus, methodum & ordinem in expulsiōe materiæ morbosæ, & hujus generis alia, singulaque in sua capita dispertiat. Altera clasfis tota sit in exquirendis de novo notandisque morborum observationibus, ita ut singuli hujus clasfis sodales in singulis morbis indagandis versentur, & (1) omnia ad vivum delineent symptomata, prout ab ægro referuntur: (2) inquirant, & post longas inquisitiones determinent, quænam symptomata sint constantia, ac velut diagnostica perpetua morbi tractandi, eaque distinguant a fortuitis, communibus, aliisque pendentibus potius a diversa medendi methodo, & concursu causarum pæne infinito, quam ab ipsa natura: (3) adnotent cum cura, quæ indoles, quæ vehementia, qui progressus & exitus symptomatum, quæ demum unius in aliud mutatio, singulis morbi temporibus appareat; quæ facies, quæ vehementia, qui progressus & exitus, quæ tandem mutatio in melius vel deterius in ipso morbo succedant, post cujuscunque symptomatis adventum aut recessum; quæ symptomata recedant, quæ augeantur a quovis adhibito remedio, secundum methodum præscriptam, singulis morbi temporibus, quæque mutatio ipsius morbi remedia consequatur; quæ symptomata comitentur morbum usque ad finem, & qua vehementia quovis illo tempore; quæ contra illum brevi deferant, & quonam illius tempore, demum qui eventus observentur in morbo, dum illum relinquunt, vel iterum regrediuntur: (4) horum omnium inquisitionem non solum ad centenotus atque millenos ægrotantes perducatur, non neglecta sectione cadaverum morbis extinctorum; ut de rei veritate certi omnino fiant, & axiomata generalia facile possint extruere, sed eodem quoque tempore cogitent de perficienda sigillatim historia causarum, signorum diagnosticorum, indicationum solidarum, sive methodi curativæ, remediorum specificorum, aliorumque ad essentiam morbi cognoscendam spectantium. Inter leges Collegii hanc facit Auctor præcipuam, quæ statuto tempore, & saltem semel in mense, convenire jubet sodales, censoribusque (qui ex sodalibus creati seniores, doctiores, judicio maturi, & longa praxi exercitatissimi) propone-

re observationes peractas, ita ut penes hos jus sit corrigendi, quicquid peccatum fuerit contra leges historiarum, & methodum eidem perficiendæ præ cæteris opportunam. Capite quinto solvuntur argumenta, quæ huic instituto possunt objici, ostenditurque frustra jactari, morbos esse effectus quosdam confusos, & instabiles, inordinatos, motusque naturæ destitutæ ac se defendere nescientis: cum ipsa experientia constet, morbos æquabilem quandam, certam & individuum in motibus periodicisque suis constantiam servare, & humorum in morbis nonnullis specificationes ita esse constantes, ut qualemcunque demum partem morbus occupet, & qualemcunque personam induat, semper tamen manifestetur per characteres quosdam, specificationis suæ indivulsos comites. Cæterum ut hæc eo planius intelligantur, non tantum capite sexto proponitur specimen historiarum in describenda podagra, & aphorismorum practico-rum hinc deductorum, nec non capite septimo longa series eorum, quæ in arte medica adhuc desiderantur, quæque ex historia morborum fideliter consignata possunt restitui; sed specialius paulo agitur capitibus sequentibus, de morborum signis diagnosticis, causis, indicationibus, & remediis specificis. Nam capite octavo, quanti intersit rite nosse morborum signa diagnostica, inculcat experientissimus Auctor, morborumque nonnullorum signa specialius prosequitur. Capite nono causas morborum pertractat, monetque, male vulgo negligi causam procatarcticam, cum tamen illa non raro nos manu quasi deducat ad penitiorum morbi cognitionem, cæterisque sit manifestior. Quamvis autem doctissimi quidam Viri in eam descenderint sententiam, dummodo constet, quibus indicationibus & remediis curandus sit morbus, parum referre, si causam illius immediatam & a sensibus remotissimam ignoremus; nihilominus tamen vias quasdam patere ostendit, quibus sensim ad hujus causæ cognitionem parvenire possimus, si scilicet pulsus, feces, urinam, sputum, sudores, vomitus, sanguinem venæ sectione extractum, colorem cutis, unguium, linguæ imprimis constitutionem, nec non juvenia & lædencia, item mutationem unius morbi in alium speciei vel similis vel diversæ, læsionem partium & operationum principalium, symptomata item morbum comitantia vel antecedencia, eorumque naturam, vim & modum invasionis, nec non remissionem aut exacerbationem ab assumptis remediis, probe consideremus. Porro cum indicatione-

cationes curativæ constantes & a repetitis morborum observationibus depromptæ prima praxeos sint fundamenta, has capite decimo maxima indigere correctione asserit, cum falsis hodie hypothefibus innixæ nihil aliud nobis exhibeant, quam inania speculationum somnia. Existimat ergo, indicationes curativas aliunde certius deduci non posse, in morbis præcipue illis, in quibus mora omnis perniciosa est, quam a symptomatis tunc temporis gravioribus & supra reliqua prædominantibus; quippe quæ morbi genium & gravitatem præ cæteris apperte nobis ostendant. Verum cum in quolibet morbo quatuor sint consideranda, morbus ipse, causa, symptomata & vires, Medicum ita horum omnium motus, originem, vim, aliasque circumstantias callere debere, ut de indicationibus nihil audeat decernere, nisi quatuor illis attente consideratis & relatis inter se, ut urgentiori primum possit prospicere. In chronicis contra cum phænomena sint diuturna & constantiora, indicationes a juvantibus & lædentibus præcipue desumendas esse monet, & fideli earundem ætiologia, ex cadaverum morbis denatorum sectione petenda. Capite undecimo ætiori paulo fœdere conjungendas censet indicationes cum remediis, sed ita, ut non solum fideliter noventur remedia specifica, sed & præcepta stabilia circa usum, quantitatem, tenipus, aliasque adhibendorum remediorum cautiones; cum intempestive usurpata plus noxæ, quam utilitatis, ægris afferant. Ultimo tandem capite illos impugnat, qui crises, criticosque dies derident. Quamvis enim concedat, crises olim felicias in Asiæ puriori tenuiorique aere successisse, non tamen hinc sequi putat, nullas apud nos posse observari, si modo post præscripta paucissima in principio morbi medicamenta, dum res ad statum tendit, a remediis, quantum licet, abstineamus, crisinque expectemus: cum constans adeo naturæ sit ordo, in perficiendis statotempore humorum peccantiû coctionibus & depurationibus. Arbitratur enim, defectum crismus hinc frequenter oriri, quod Practici recentiores, ignari naturam esse morborum, præsertim acutorum, medicatricem, toto febrilis accensionis tempore assiduis remediorum formulis turbant ita humorum motum, ut ad criticam despumationem venire nequeant.

Additæ sunt Dissertationes tres varii argumenti. Prima de Tarentula agit, quam Baglivus ideo conscripsit, quod illi quæ, ante ipsum de hoc animalculo commentati sunt, vel ex alienis dictis scripserunt,

vel plurima ad arbitrium sinxerunt, nemoque illorum vidit Apuliam, in qua Tarantula venenosam suam vim potissimum exerit, si unum excipias Epiphanium Ferdinandum Apulum. In eadem præ reliquis notatu digna occurrunt sequentia: Tarantula, a Tarento nobilissima olim Apuliæ urbe nomen adepta, ex araneorum fila texentium est genere, frequens in Apulia, regione plana æstivique Solis calore vehementer adusta, hyeme sub terra latens, nullisque vescens alimentis. Hostem habet animalculum vespæ non absimile, in dorso variegati coloris, in ventre vero nigricantis, quod tarantulas cæterosque araneos avidè quærit, occidit, & depascitur. Si plures in uno vase concludantur tarantulæ, altera alteram interficit & comedit. Per initia æstatis ex specubus suis prodeunt, arva incolunt, & insidias struunt viatoribus. Ruricolæ, quando eas captare volunt, ad illarum latibula accedunt, tenuisque avenacæ fistulæ sonum, apum murmur similem, modulantur, quo audito foras exit tarantula muscas venatura; vel tenui vibice motum, & gratum sibilum efficiunt, deinde vibicis apicem ad oram latibuli apponunt, quo factò tarantula e nido prodians super vibicem ascendit & capitur. Magnitudine aquat vel etiam superat glandem, habetque octo pedes, quorum singuli terna agnoscunt internodia, anterioresque duo reliquis sunt minores. Corpusejus dividitur in duas partes principales, thoracem & ventrem, quæ tenui ligamento seu nodulo uniuntur. Caput thoraci & humeris continuum est, ex ejusque ore duo tela prodeunt similia forcipi hamato, quorum apex acutissimus est, suntque quasi duo veneni emissaria. Substantia eorum crustacea est & friabilis, & in maribus tarantulis firmiora sunt & acutiora, in foeminis contra obtusiora & laxiora. Post forcipes occurrunt duæ antennæ, quæ propeillas oriuntur, duo habentes internodia; extremitusque harum antennarum apex in maribus latior est & crassior, in foeminis acutior & subtilior. Tarantula oculos habet octo læves & lucidos, nec monticulis sive tuberculis exasperatos, & ex his quidem quatuor majores hinc inde ad latera capitis sitos, reliquos minores vix oculo nudo conspicuos, linea parallela sub primis dispositos, colore quandoque nigro, quandoque subcæruleo. Est hoc animal pilosum, ejusque color externus est varius. Nonnullæ enim tarantulæ æmulantur colorem coturnicum, aliæ cineritium vel subalbum, aliæ subnigrum, ad instar coloris pulicum, suntque demum, quæ

quæ maculis hinc inde stellatis consperguntur. Cutis illarum mollis est, in maribus tamen durior, sed ad crustaceam substantiam non accedit. Viscera mollia & friabilia sunt, ut vix possint minima eorundem structura determinari. Fœmina ovario gaudet, mas autem organis prolificum semen generantibus, & pene, qui exurgit ex media commissura thoracis & ventris, estque nigricans, intortus, & forma referens muscæ aculeum. Coeunt appetente Junio, & post elapsos aliquot dies fœmina folliculum parturit coloris cœlestis, figura & magnitudine luxino similem, seu congeriem ovulorum, tenuissimis & flaccidis filis, mucosque sui generis unitorum, quam arcte complectitur, & per 12, 15, aut 20 dies continet, deinde in campo deserit, ut ovula calore Solis excludantur, post 20 aut 30 a partu dies. Noxiæ tantum sunt tarantulæ, quæ Apuliæ campos incolunt, æstivo tempore, præsertim urente Canicula, quia tunc a flagrantissimis Solis radiis venenum illarum exaltatur, ipsæque aguntur in rabiem, ut irritatæ pariter & non irritatæ, quoscunque sibi obvios, vigilantes æque atque dormientes, impetant. Morsus tempore exiguum vixque perceptibilem liquorem eructant, qui utrum venenum sit, an potius inflammatorum venenatorumque spirituum vehiculum, incertum est. Exitiales quoque sunt liquores, in quibus tarantulæ suffocantur. Hyeme si mordent tarantulæ, non offendunt, nec in alias translatae regiones, imo quæ montes Apuliæ terminantes inhabitant, quocunque tempore mordeant, sunt innoxie. Qui punguntur a tarantula, sentiunt ictum veluti a formica aut ape inflatum. Demorsa pars quandoque dolore, quandoque stupore insigni afficitur, circulo livido, nigro, aut subflavo coloratur, & paulo post in tumorem, acerbissimum dolorem commoventem, attollitur. Paucis elapsis horis, patientes ingenti cordis angore corripuntur, & generaliter loquendo, talia occurrunt in ipsis symptomata, qualia in maligna febre ex coagulatione laborantibus observari solent, spirandi scilicet difficultas, omnimoda fere pulsus oppressio, animalium vitaliumque actionum repentina ac pæne fatalis jactura. Quæ symptomata tamen graviora aut leviora sunt, pro varietate tarantularum, & ægri temperie. Variis quoque delectantur ægri coloribus, præcipue rubro, viridi & cœruleo, raro autem nigricanti. Cum autem multiplicia ac fere incredibilia sint tarantulorum symptomata, quorum multa a depravata imaginatione pendere videntur, non a veritate alie-

num cenſet doctiſſimus Auctor, venenum tarantularũ. poſt exacerbationem vehementiorum ſymptomatum primis diebus apparentium, creare demum melancholiam ſui generis, præcipuamque ſedem figere in liquido nervorum ſeu ſpiritibus animalibus. Notatu quoque dignum putat, mulieres chloroſi laborantes eadem fere in Apulia pati ſymptomata, quæ tarantatas affligunt, eodemque modo curari, atque hinc mulieres non paucas tarantiſimum ſimulare, ut opportuna Muſices occaſione, ſolis tarantatis permiſſa, uti poſſint. Non autem ſolum, quamdiu tarantula vivit, venenum viget, ut falſo nonnulli ſcripſerunt, ſed in his etiam, qui remediis ab imminente morte liberantur, adeo intime veneni ſemina humoribus inferuntur, ut vix extirpari poſſint, ſed quotannis repullulent, potiſſimum circa illud tempus, quo quis demorſus fuit, & maxima quidem cum vehementia, niſi ſtatim ad conſuera remedia confugiat. Indicationes curativæ in eo conſiſtunt, ut diſſolvantur attenuenturque humores virulento afflati contagio, per medicamenta alexipharinaca & bezoardica, & demorſus locus ſtatim ſcarificetur, ipſique applicetur cucurbitula, ad veneni extractionem, deinde theriaca & alio conuſo foveatur, donec venenum aliquantisper fuerit debilitatum. Primas autem inter remedia interna tenet aqua Regiæ Hungariæ, vel ipſa eſſentia roſiſmarini per ſe deſtillata, & ſumta cum aqua theriacali, corticum citri, vel hyſſopi, meliſſæ, aut ſerpilli, vel etiam brodio herbis alexiteriis alterato. Quæ tamen remedia fruſtranea ſunt, niſi adhibeatur Muſica, præcipuum huius mali antidotum, qua audita, quamvis ad inſtar apoplecticorum jaceant ægri, ſenſim movere incipiunt manus, pedes, & reliqua denique membra, donec tandem in pedes erecti ululent, ſuſpirent, & choreas inchoent, quas frequenter duas treſve horas continuant. Poſtquam vero paululum quieverunt in lectulo, ad ſudores abſtergendos viresque reſciendas, eadem vehementia ad ſaltationes prorunt, & duodecim fere horas impendunt in choreis vicifiſim inſtitutis, donec tandem ab omnibus ſe ſolutos ſymptomatibus perſentiunt, quod fit frequentiffime poſt tertium vel quartum diem, & deinde per totum illum annum a pravi morbi inſultibus vivunt immunes. Redeunte vero anni tempore, quo a tarantula admorſi fuerant, ſi per conſuetas choreas morbi vehementia non antevertunt, paroxyſmus derepente ingruens illos occupat, ut ubicunque reperiantur, concidant velut apople-

plectici, aphony, cum denigraione faciei & extremorum, sique nec tunc saltent, toto illo anno miserrime discrucientur. Excitantur tarantati ad saltandum non solum diversis sonorum modis, prout a diversa specie tarantulae fuerunt icti, sed etiam peculiaribus delectantur instrumentis, alii fistula pastorali, alii tympano parvo, alii cythara, alii lyra &c. omnes tamen velocissima sonorum modulamina desiderant, quibus instar amentium concitantur & moventur. Quod vero & tarantulae Musica gaudeant, & ad saltandum impellantur, majori probatione egere putat Baglivus, quamvis hoc ipsi non improbabile videatur; neque ipse vidit bruta a tarantula morsa, ut vulgo ferunt, saltare. Caterum Musicam hinc judicat vim habere solvendi spirituum humorumque venenosum coagulum, quod ab instrumentis commotus aer vehementius ferit spirituum, humorum & membranarum systema, & ex valido illo impulsu vehementior pariter in humoribus exoritur fermentatio, exaltatio, & debita fluiditatis restitutio: quae a remediis diaphoreticis intus sumtis effici non possunt, quia antequam ad sanguinem perveniant, vires suas magna ex parte amittunt, aguntque in fluida tantum, non aequae in solida. Eidem dissertationi inserta est summa literarum P. Joh. Dominici Putignani S. J. quibus refert, in urbe Calabriae Paula virtutem lapidis serpentis Cobras de Cabo alexipharmacara, a celeberrimo Redo in dubium vocatam, a se comprobata in rustico a Calabro scorpione icto, & in extremum vitae periculum redacto.

Dissertatione secunda de usu & abusu vesicantium agitur, & cap. 1. proponuntur nonnulla experimenta circa effectus cantharidum, ex quibus colligitur, causticum illarum sal dissolvere sanguinem & colligare. Cap. 2. incommoda ab usu vesicantium oriunda recensentur, quod scilicet sitim vehementem producant; quod ulcera a vesicantibus excitata desinunt quandoque in gangraenam, praesertim in cachecticis, hydropicis, aut qui lue Gallica graviter laborarunt; quod graviter capite vulneratis, & delirantibus febri acuta, convulsiones mortemque inferunt; quod non solum gangraenam, verum etiam mictus sanguineos & ardores urinae, aliaque vesicae mala frequenter gignunt, praesertim in macilentis & gracilibus, tempore anni aestivo; quodque in salacibus viris foedissimas satyriases excitant. Cap. 3. ostenditur, quantum in constitutione sanguinis acri & colliquativa obsunt vesicantia, tantum

illa conferre in diatresi ejusdem crassa, viscida, & ad coagulationem stagnationesque se disponente, v. g. in febribus, quæ exilissimo pulsu, extremitatibus frigidis, anxietate, ad morbos soporosos propensione, aliisque coagulationis indiciiis stipantur; in pleuritide, quando circa quintum circiter vel septimum diem magna spirandi & expectorandi difficultas ægrum in summum discrimen conjicit, si duo vesicantia tibiis vel cruribus admoveantur; nec non in oculorum & faciei morbis. Si arescant ulcera a vesicantibus excitata cum colore subnigro aut livescente, & quasi gangrænam minentur, consult Baglivus, ut bis vel ter quotidie melle rosaceo inungantur, sed si difficile cicatricem ducant, ut pulvis thuris subtilissime contriti bis in die vulneri aspergatur. Qui gravissima tussi cum sputo crasso & copioso laborant, hos a nullo remediorum genere tantam utilitatem recipere, quantam a vesicatorio cervici appposito, confirmat, hortaturque Medicos, ut in perinæcibus viscerum obstructionibus, cachexiis, suppressionibus mensium &c. usum cantharidum experiantur. Tandem cum vesicantia stimulo agant, & inter stimulos principem obtineant locum, eorum naturam, ad mentem doctissimi Bellini, in capite ultimo exponit.

Dissertatio tertia præter syllogem experimentorum, per infusoriam in vivis animalibus factorum, continet historiam tum apoplexiarum epidemiarum, anno 1694 & 1695 in Urbe & per Italiam observatarum, tum morbi & sectionis cadaveris sagacissimi Medici, Marcelli Malpighii, qui d. 29 Novembr. a. 1694 apoplexia correptus diem obiit supremum. Aperto capite, in cavitate dextri ventriculi cerebri duæ libræ circiter sanguinis nigri & grumosi extravasati, in ventriculo sinistro aqua subflava ad pondus sesquiuncie, eique intermixtæ minimæ arenulæ exigua quantitate, ipsaque vasa sanguifera cerebri undequaque varicosa fuerunt inventa.

JOANNIS CIAMPINI EXPLICATIO DUORUM SARCOPHAGORUM, sacrum Baptismatis ritum indicantium.

Romæ, typis Bernabò, 1697. in 4. Plag. 4. cum Fig. æneis.

Antiqua duo monumenta marmoris olim insculpta libello hoc illustrantur, quorum id, quod nobis non minus quam Editori celeberrimo momenti maximi visum, hoc quoque loco contemplandum Lettori benevolo exhibemus. Complurculi jam anni lapsi sunt, ex quo

TAB. I



quo ea apud Chiaiam, oppidum Neapoli suburbanum, in villa Excellentissimi Principis *Caramanici*, in cujus palatio hodieque asservantur, fuerunt detecta, eorumque delineatio a Principis affine Reverendissimo *Andrea ab Aquino*, Tricariensi olim Episcopo, Romam ad Illustrissimum *Joannem Ciampinum*, quem in omni Antiquitate curiosissimum noverat, transmissa. Et hic quidem utriusque monumenti figuras jamdudum celeberrimo *Mabillonio*, cum hic Romæ commoraretur, donaverat: quicquidem in *Itinere Italico Litterario* Parisiis A. 1687 edito, & a nobis in Actis hiscæ ejusdem anni mense Novembri pag. 503 recensito, in quo passim Ciampini officiositatem & erga se benevolentiam deprædicat, ad mensem Julium pag. 73. publicavit quidem, sed ita ut nihil aliud, quam repræsentari in iis baptismum per immersionem simul & superfusionem ab homine Laico collatum, Longobardos autem aut Græcos barba quorundam prolixiore indicari, monuerit. Tandem itaque Ciampinus ipse explicationem imaginum, & ejus inprimis, quam sistimus, in præsentis libello aggressus est, & Longobardos delineari agnoscit, per eos vero, qui in uno eodemque baptisterio sacris undis abluuntur, non alios, quam *Agilulfum* Longobardorum quondam Regem ejusque conjugem *Theodelindam* repræsentari, persuasum cupit Lectoribus. Et celebris utique est in Annalibus *Theodelinda* illa, Garibaldi Bojorum Regis filia, quæ Authari Longobardorum Regi primum nupta, postquam hic decessisset, Agilulfum Taurinatum eo tempore Ducem ultro sibi maritum ascivit, deditque universæ genti Longobardicæ Regem, & antiqua traditione Longobardos seu a Gentilismo, seu ab Arianismo ad fidem Catholicam convertisse creditur. Eam ergo Maritum quoque ad religionem Christianam perduxisse, ac una cum eo sacrum baptismum suscepisse, Ciampinus probabile existimat, anno etiam baptismatis, supra quingentesimum nempe post Christum natum nonagesimo primo, constituto. Cum vero conjecturæ huic suæ tria ob stare deprehendisset, 1. quod Theodelinda jam diu ante Christianæ fidei fuerit addicta; 2. quod Longobardi etiam jam ante fuerint Christiani, licet Arij hæresin sectati; 3. quod Longobardi Neapolin usque nunquam penetrarint: ad singulare spondere nititur. Ad primum: fuisse quidem jam antea Theodelindam Christianæ religionis dogmatibus utrunque imbutam, at nondum baptizatam; cum in longius etiam tempus Baptismum differ-

re, infrequens inter Christianos ea ætate non fuerit. Ad secundum: Longobardis Arianis immixtos etiam fuisse Gentiles, & ex horum numero fuisse Agilulfum. Ad tertium: Longobardos Beneventanam saltem regionem jam anno 571 occupasse, posteaque & Neapolitanam subinde invasisse; cumque sub initium septimi seculi Joannes Coninus, Agilulfi forte consanguineus, Neapolitanæ civitatis & provinciæ præfectus esset, probabile videri, quod Agilulfus ad eum profectus Neapoli obierit, ac in ejus suburbio Chiaia fuerit tumulatus. Duo supersunt, de quibus disquiri possit: alterum baptizantis vestitus, qui Laicum prodere videtur; alterum forma baptismi per immersionem simul & asperersionem. Et circa posterius quidem facile se expedit Ciampinus, ritumque illum a temporum istorum consuetudine non abhorre, ex picturis similibus aliis ostendit: quemadmodum idem confirmat *Mabilionius* in laudato supra *Itinere Italico*, ubi ad diem X. Augusti, pag. 81. in atrio Basilicæ S. Laurentii depingi ita memorat S. Romanum a S. Laurentio baptizatum, ut Laurentius dextra Romanum nudum utpote aquis immersum benedicens, sinistra urceum aqua plenum super ejusdem caput effundens repræsentetur; superfusione nimirum, quod caput in aquam mergi non posset, adhibita, ut nulla pars hominis exers esset sacri lavacri. Circa prius vero fluctuare Ciampinum videas, ita tamen, ut postquam varia conjectasset, in ea denique sententia acquiescat, Presbyterum fuisse, qui baptizat, sed metu Arianorum, qui inter Longobardos frequentes erant, Laici habitum indutum; prout olim hodieque Sacerdotes, in ditiones a Catholica religione alienas missi, Laicali habitu incedere consueverint. Hæc summa est eorum, quæ in libello ipso latius ab Illustrissimo Ciampino explicantur, non prohibituro, ut opinamur, quin & alii historiarum & antiquorum sacrorum rituum periti rem omnem sub exactius examen revocent, & si in conjecturas forte alias magis probabiles inciderint, eas cum publico benevole communicent.

DOMINI MARCHIONIS HOSPITALII SOLUTIO PROBLEMATIS propositi in hisce Actis mense Majo, A. 1697. a D. Jac. Bernoullo, desumpta ex Methodo de maximis & minimis.

Addun-

G

ncmpe

1698. pag. 49.

Fig. 3





Fig. 4.

Addun-

Adduntur & aliæ Solutiones quinque, ex eadem methodo collectæ, Problematum huic affinium, nuper etiam ab altero D. Joh. Bernoullio fratre propositorum, in hujus anni 1697 Ephemeridibus Gallicis num. 33, pag. 394 & seq.

Vixdum rursus Parisios redieram, cum attentius expendi Solutiones *mensis Majo* in *Actis* editas Problematum a doctissimo Groningæ Professore *Joh. Bernoullio* propositorum. Nec sane diffitebor, mearum consensum cum illis magis eo placuisse mihi, quod illæ non essent nisi a Geometris insignioribus exhibitæ. Hos autem inter legitur clarissimus alter *Bernoullus* (Jac.) Basileæ Professor, qui una cum illorum problematum solutionibus duo nova proponit *ad promovendam* (inquit) *scientiam de maximis & minimis*, de quorum altero sic loquitur pag. 213:

Alterius generis nec minus elegans problema foret, si jam porro quaereretur, quantum ex infinitis Cycloidibus (aut saltem circulis, parabolis, aliisque curvis) per A transeuntibus, ac super eadem basi AH constitutis, illa sit per quam descendens grave minimo tempore ad datum perpendicularum ZB appellat. Qui speculationem de maximis & minimis promovere volet, tentabit; nobis sufficiat proposuisse. Altero deinde problemate præmissio, sic de ipso Fratre loquens ait: *Huic ne detrectare possit, adjungimus alterum quod de infinitis cycloidibus supra motum fuit, majoremque cum suo affinitatem habet, &c.*

Porro Problema hoc adeo commendat doctissimus hic idem Geometra, ut licet negotiis circumquaque pressus, ab eo saltem tentando abstinere non potuerim. Itaque tentavi, nec irritò conatu, cum mentem subierit statim Methodus, qua ad vulgarem *de maximis & minimis* id reduci possit & solvi; quod, ni fallor, omnino est ad Authoris sensum: idque gratius eo fore geometris autumo, quod hac eadem arte solvi quæstiones hujusce generis quam plurimæ possint.

Sit igitur Cycloidis (cujus initium A, semi-circulus genitor AMC) pars aliqua AB ad verticalem ZB usque protensa. Tum ducta BPM ad Horizontalem AZ parallela, fiat semi-circulus alter AND quavis ad libitum diametro AD, quæ constans maneat, dum interea mutatur continuo diameter AC circuli genitoris AMC, ut

G nempe

Tab. II.
Fig. 1.

nempe hic omnes infinitarum cycloidum AB genitores exhibere possit.

Ponantur jam indeterminatæ $AP = x$, $PM = y$, & constantes AZ vel $BP = a$, $AD = b$; ac proinde $AC = \frac{xx + yy}{x}$. Hinc si fiat AC .

$AD :: AP, AQ$, ducaturque ordinata QN , prodibit $AQ = \frac{bxx}{xx + yy}$.

Adde quod ex natura cycloidis fiat arcus $AM = a + y$; adeoque etiam similis AN , quem appello $s = \frac{abx + bxy}{xx + yy}$. Ergo differentiando, du-

plus habebitur valor ipsius ds ; primus nempe ex $\frac{abx + bxy}{xx + yy}$, secun-

dus ex ipso circulo AND : ex quo duplici valore tandem conficitur æquatio differentialis $2x^3dy - axxdx - 2xydx + aydy - 2axydy = 0$, quæ dat naturam curvæ transeuntis per puncta M , una cum tangentibus ejus; Quod jam Problema novum est & eximium.

Præterea Geometrarum nemo nescit tempus descensus ex A per AB mensuram habere ab arcu AM diviso per radicem diametri AC , hoc est, a quantitate $\sqrt{\frac{x}{xx + yy}}$, cujus differentialis æquata zero, juxta methodum *de maximis & minimis*, dat $2x^3dy - axxdx - 2xydx + aydy - 2axydy = 0$.

Jam quia æquatione superiori definiuntur omnia puncta M respondentia punctis B , in quibus singulis singulæ cycloides, ex eodem initio A super eadem basi AH possibiles, occurrere possunt eidem verticali ZB ; hac altera vero exprimitur, quodnam ex hisce punctis pertineat ad cycloidem celerrimi descensus: sequitur hac utraque simul æquatione hanc adæquate cycloidem definiri. Quapropter secundam extraho a prima, residuamque $y^3dx + xxydx = 0$ divido per $yydx + xxdx$; atque hinc prodit $y = 0$, seu M cadere in C , vel esse $AC = ZB$ in cycloide quæsitæ celerrimi descensus. Unde tandem patet ex infinitis cycloidibus AB ab initio communi A ad eandem verticalem ZB pertinentibus, quæ dimidia compre-

hen-

MENSIS JANUARIi A. M DC XCVIII. 51

henditur inter A & ZB, vel (quod eodem recidit) cujus semi-circumferentia circularis genitrix AMC æquatur rectæ datæ AZ, eam ipsam esse perquam grave descendens ab A, minimo tempore ad datum perpendiculum ZB appellat. *Quod erat inveniendum.*

ADDITIO.

AD confirmationem ejus quod superius dictum fuit: eadem arte, qua Problema præcedens, plurimas ejusdem generis quæstiones ad methodum communem *de maximis & minimis* posse reduci & inde solvi; novas hic addere juvat solutiones Problematum illi affinium nuperime propositorum ab altero pariter doctissimo fratre, *Job. Bernoulli in Ephemeridibus Gallicis hujus (1697) anni, pag. 394.* Sex ibi proposuit, e quibus illico jam quinque solvi: scilicet

1.^o Data Curva CC tali, ut descripta quavis Ellipsi BC dati axis, Tab. II.
cum ordinata communi CD, segmentum BCD sit ubique constans Fig. 2.
& æquale spatio dato: primum exquiritur ratio ducendi tangentes ejus.

Data Ellipsium diametro describatur circularis arcus BCF, cujus centrum A, quique occurrat in F ordinatæ DC; tum fiat DC. AG::BCD. \overline{DF}^2 Dein assumpta DT tertia proportionali ad GD & DF, ducatur CT: Hæc tangens erit quæsitæ ad datum punctum C Curvæ datæ CC.

2.^o Ex hac constructione sequitur æquatio differentialis curvæ CC, & inde valor ipsius $= \frac{dx}{dy}$, qui si fiat $= \frac{y}{x}$, nova prodibit æquatio Curvæ geometricæ qua secabitur data CC, in eo & suis puncto quod omnium minime distat a puncto B.

3.^o Data Curva CC indolis ejus, ut descripta quavis parabola, BC, axe BA & vertice B, arcus BC sit ubique constans & æqualis lineæ datæ: exigitur tangens ejus CT, ex quovis puncto in ea dato C.

Ducta parabolæ tangente CE, si fiat CE::BC. BC::BD. BT, erit CT tangens ipsa quæsitæ.

4.^o Eadem arte qua superius (*art. 2*) hujus naturæ Curvæ invenietur una cum ejus puncto C, cui proximum est punctum datum B.

5.^o Sit recta AC positione data, quæ Parabolæ omnes iisdem, Fig. 3.
axe BA & vertice B descriptas secet in C: Quæritur minimus arcuum BC.

G 2

Ut

Ut generalius longe fiat hoc Problema, loco rectæ pono curvam quamvis, sive geometricam, sive transcendente[m] AC. Jam sit ex infinitis Parabolis aliqua BEC, cujus ad libitum sit parameter constans $= a$; ex quolibet puncto C lineæ datæ AC ducatur CD perpendicularis ad AB, quæ parabolæ constanti BEC occurrat in E; dein facto $CD^2 \cdot DE^2 :: BD \cdot BF$. ductæque ordinata FG, si in CD producta sumatur DH æqualis arcui BG, fiet curva BHO pendens a rectificatione parabolæ. Tandem ordinatis DH curvæ PQ positis $= z$,

$$ED = x, CD = y, \text{ si fiat æquatio } z = \frac{axydx - axxdy \sqrt{yy + 4xx}}{y^3dx - 2xydy} \text{ in}$$

qua si substituatur valor dy notus ex natura curvæ datæ AC, fluet inde valor ipsius z , solis x, y , & constantibus expressus, cujus ope describetur curva PQ eo in puncto H secans alteram BH, quod ducta HDC perpendiculari ad AB, definit arcum omnium minimum BC. *Quod erat inveniendum.*

Advertendum, curvam hanc ultimam fore geometricam aut transcendente[m], prout AC geometrica fuerit aut transcendens.

His autem quinque articulis continentur solutiones Problematum 2, 3, 4, 5, 6, D. *Joh. Bernoulli*, quæ cum ex eadem arte pendeant e qua superius D. *Jac. Bernoulli* fratris ejus de cycloidibus infinitis, non est quod in earum Analyfi repetenda diutius immorer, præsertim ne quid suo Marte conficiendi voluptatem tyronibus adimam.

JOH. BERNOULLII, PROFESSORIS GRONINGENSIS, SOLUTIO Problematum, quæ Jacobus Bernoullius, Professor Basileensis, in Act. Erud. 1697, mense Majo p. 214 sq. frater fratri proposuit, excerpta ex Diario Eruditorum Gallico 12 Dec. 1697, pag. 458 sqq.

Cum *Pappus lib. V, Prop. 10, Collect. Mathem.* optime demonstraverit, circulum inter omnes figuras isoperimétras esse capacissimum, in hac probanda propositione non immorabor, sed ad rem ipsam veniam. Prima quaestio hæc est: *Ex omnibus curvis isoperimétris, super axe determinato BN constitutis, quaeritur illa BFN, quæ non ipsa quidem maximum comprehendit spatium, sed facit, ut aliud, curva BEN comprehensum, sit maximum, prolongata applicata FP ita,*

ut

Tab. II.
Fig. 4.

ut PZ sit in ratione quavis multiplicata, vel submultiplicata; applicata PF, aut arcus EF; hoc est, quæ sit quotacunque proportionalis ad datam A & applicatam PF, aut arcum BF. Sensus hujus questionis est, ut determinetur curva BFN, inter infinitas alias ejusdem cum illa longitudinis, cujus applicata PF aut arcus BF si eleventur ad potestatem datam & expressam per alias applicatas PZ, efficiant maximum spatium.

Quamvis plures mihi suppetant hujus problematis solutiones, hic tamen simplicissimam dabo, quæ sufficit. Sit exponens potestatis n , recta arbitraria a ; PF aut BG, x ; BP aut GF, y ; sumatur GE aut $y = \int \frac{x^n dx}{\sqrt{a^{2n} - x^{2n}}}$, dico punctum F fore ad curvam quaesitam;

ita ut faciendo PZ in ratione potestatis n applicata PF, spatium BZN sit maximum ex illis, quæ ita formari possent per alias curvas, constitutas super BN, & ejusdem longitudinis cum BFN.

Hinc manifestum est, si n sit $= 1$, curvam BFN fore circuli semicircumferentiam: nam y aut $\int \frac{x^n dx}{\sqrt{a^{2n} - x^{2n}}}$ evadit $= \int \frac{xdx}{\sqrt{aa - xx}}$

$= a - \sqrt{aa - xx}$. Id quod ita plane evenire debet, cum curva BZN hoc in casu eadem sit cum BFN. Si fiat $n = 2$ hoc est, PZ ut quadrata PF, curva BFN illa est quam repræsentat linteum a liquore pressum, & cujus curvaturam frater quoque tribuit suæ Elasticæ. Si $n = \frac{1}{2}$, hoc est, si PZ sunt in ratione subduplicata linearum PF, erit tunc BFN cyclois ordinaria, quæ nova est & pulcherrima hujus famosæ Curvæ proprietates. Cæterum generaliter moneo, quotiescunque n est fractio, cujus numerator est unitas & denominator numerus par quicunque, Curvam BFN semper constitui posse per circuli quadraturam; & si denominator est numerus impar quicunque, Curvam BFN plane esse Algebraicam. E. g. si $n = \frac{2}{3}$, aut si PZ est in ratione subtriplicata lineæ PF, erit $y = 2a - 2a^{\frac{2}{3}} - x^{\frac{2}{3}} \sqrt[3]{a^{\frac{2}{3}} - x^{\frac{2}{3}}}$, Aequatio Curvæ quaesitæ.

Antequam vero pergam ulterius, non præter rem erit, dare hic solutionem infinitis modis generaliorem quam id problema requirit, supponendo quod PZ, quæ antea tantum fuit ut potentia data PF, jam

fit composita pro lubitu ex PF & datis: ut si quis descripta Curvâ data quacunque BH super axe BG parallelo PF, applicataque PZ=GH velit, ut spatium BZN sit maximum; dico ad construendam curvam,

BFN, sumendam esse GF aut $y = \int \frac{bdx}{\sqrt{aa-bb}}$. Voco autem b inte-

gralem aut summam quantitatum $\frac{GHdx}{x}$. Unde evidens est, quod

attinet ad arcum BF, qui alteram problematis partem constituit, si vel maxime PZ aut GH esset non solum ut potestas data arcus BF, sed etiam composita pro lubitu ex illo arcu & datis, semper haberi Æquationem differentialem, si non primi, saltem altioris cujusdam gradus, determinantem naturam curvæ BFN. Non possum præterire silentio pulcherrimam proprietatem, quam inveni in nostra Curva generaliter considerata; quod scilicet radius FS evolutæ aut circuli osculantis, sit semper ad partem FR comprehensam inter curvam & ejus basin, ut b est ad PZ aut GH. Unde efficitur, in casu simplici, qui mihi fuit propositus, quando PZ aut GH = x^n , semper fore FS & FR in ratione constanti, nimirum FS, FR :: 1, n . Notandum quoque est, in eadem

Curva, ubi $\int x^m dy$ est aliquod maximum, fore $\int \frac{dx}{x^m}$ aliquod minimû, sumendo dx pro Curvæ elemento. Unde consequitur, quod Curva BFN, posito $m = \frac{1}{2}$ necessario sit, uti supra jam notavimus, eadem cum Curva celerrimi descensus, quia in hac $\int \frac{dx}{\sqrt{x}}$ est aliquod minimum, per ejus naturam. Sed satis de hoc primo Problemate.

Alterum in eo consistit, ut determinetur Cyclois, quæ ex omnibus illis, quæ possunt describi ex eadem origine, & super eadem lineâ horizontali, banc habeat proprietatem, ut ejus pars comprehensa inter originem & verticalem datam percurratur a mobili minimo tempore possibili, hoc est, minori tempore, quam alia quavis aliarum Cycloidum, pariter comprehensa inter originem & verticalem datam. Ad quod tribus quasi verbis responderi potest: Cycloidem descriptam a circulo, cujus circumferentia est æqualis duplo distantia inter originem & verticalem datam, quæstioni satis facere. Si loco verticalis supponatur linea recta quæcunque positione data, imò linea quædam curva, problema hinc non evadet difficilius, cum ex natura mæx synchronæ manifestum sit, cycloidem

dem quasitam semper illam esse, quæ concurret ad angulum rectum cum linea positione data. Ut vero circulus ejus genitor jam repræsentetur, describendus est circulus tangens horizontalem in puncto, ubi secatur a recta positione data, efficiendumque deinceps, ut sicuti arcus circuli resectus ex parte originis cycloidum per lineam positione datam est ad suam diametrum, ita pars horizontalis interceptæ inter originem & intersectionem, sit ad quartam. Erit enim hæc quarta, diameter circuli genitoris Cycloidis quæ sitæ.

Cæterum cum aliam quoque invenerim solutionem hujus posterioris problematis, quæ porrigitur non ad Cycloides tantum, sed alias quascunque Curvas similes & similiter positas, non invitis & hanc cum publico communicabo. Problema ipsum ita generaliter propono: *Sint AGB, AHD &c. Curva data similes & similiter posita, GC recta positione data, quaritur per quamnam ex his curvis corpus grave incipiens descendere ab earum origine communi A, brevissimo tempore perveniat ad rectam datam GC.*

Solut. Assumatur aliqua ex curvis similibus ut constans, Tab. II.
v. g. AGB, voceturque ordinata BL, y; curva AGB, z; dein- Fig. 5.
de ducatur ad quodlibet punctum B tangens BR, quæ sumatur

$$= \frac{1}{2} \sqrt{y} \int \frac{dz}{\sqrt{y}}, \text{ ita ut extremitates R omnium illarum tangentium}$$

describant Curvam novam AOR; qua descripta ducatur recta AR parallela GC, ex puncto autem R, ubi secat Curvam AOR, ducatur recta RB, quæ tangit Curvam AGB in puncto B, a quo si extendatur recta AB secans GC in D, & fiat super AD curva AHD similis Curvæ AGB, dico Curvam AHD fore illam, per quam corpus descendens veniet citissime ad rectam GC. Quibusdam in casibus particularibus problema evadit valde facile, e. g. si Curvæ AGB, AHD &c. sunt circuli, constructio facile absolvitur per Curvam quam *Frater* meus alias comparabat complicatæ in nodum fasciæ (à un nœud de ruban) quaque usi sumus ad constructionem Isochronæ paracentricæ Domini *Leibnizii*: ita ut hæc duo Problemata a se invicem dependant; hoc est, unius constructione inventa, alterius quoque habeatur. Si AGB, AHD, &c. sunt Parabolæ, Problema quoque reducitur ad rectificationem Curvæ. Supposui Curvas AGB, AHD &c. esse similes, nihilominus tamen mihi suppetit methodus pro illis, quan-
do

dotales non sunt. Quandoquidem vero nondum mihi satis fuit otii ad eandem expoliendam, & constructio valde evadit implicata in exemplo simplici curvarum dissimilium, licet sint tantum ellipses constitutæ super axe communi; eandem in aliam occasionem reservabo.

*DIONYSII ORBIS DESCRIPTIO CUM VETERUM SCHOLIIS
& Eustathii Commentariis.*

Oxoniz e Theatro Sheldoniano, 1697 in 8. Alph. I. pl. 4.

Prostat Londini apud S. Smith &

B. Walford.

Nemo eruditorum est, cui Dionysii, auctoris Augusto coevi, hæc Περὶ ὀρίων, seu Orbis Descriptio, cujus novam editionem hoc loco sistimus, ignota esse queat; cujus quippe triginta & tres editiones, Græcas Latinasve, novæ hujus curator, Vir doctissimus, Edv. Thwaites pag. 315. numeravit. Tametsi vero novissime Geographus hic Londini A. 1658, & iterum A. 1688, nitidissimo habitu ornatus, cum Eustathii hypomnematis, amplissimoque Guilielmi Hill commentario, & tabulis quoque geographicis, prodierit, ut cultus quidem uberius vix capax videri posset: haud parum tamen decoris illi in nova hac editione accessit, Hilli quidem commentario omisso, sed insertis aliis, quæ nunquam antea lucem adspexerant. In ea textus Dionysii Græcus ad exemplar Henrici Stephani Parisiense anni 1577 exhibetur, eique ejusdem interpretatio Latina subjungitur. Hanc excipiunt glossæ Græcæ interlineares nunquam adhuc editæ, imumque demum locum veteris Scholiastæ paraphrasis ex manuscripto iidem codice nunc primum eruta occupat. Sequitur dehinc separatim Eustathii commentarius cum duobus manuscriptis collatus ac emendatus, & post variantes Lectiones nonnullaque alia, Periegesis Prisciani cum Andree Papii notis variisque lectionibus, & indices denique, alter vocabulorum omnium, quæ in Dionysio reperiuntur, alter auctorum in commentario Eustathii allegatorum. Quin & tabulæ geographicæ quinque de novo delineatæ, & Dionysio ac Eustathio accommodatæ adjiciuntur.

* * * * *

ACTA ERUDITORUM

Publicata Lipsiæ

Calendis Februarii, Anno M DC XCVIII.

ANECDOTA, QUÆ EX AMBROSIANÆ BIBLIOTHECÆ CODICIBUS nunc primum eruit, notis ac disquisitionibus auct LUDOVICUS ANTONIUS MURATORIUS, in eadem Bibliotheca Ambrosiani Collegii Doctor. Tomus prior.

Mediolani, typis Jos. Pandulphi Malatestæ, 1697, in 4. Alph. 1. pl. 12. Prostant Augustæ Vindelicorum apud Laur. Kronigerum.

Quemadmodum vetera monumenta restituere utilitatis haud minoris est, quam nova condere: ita non poterit non Eruditorum applausum sibi polliceri clarissimus Muratorius, postquam scripta quædam antiquiora, hæcenus tantum non deperditis annumerata, e scriniis potissimum Bibliothecæ, quæ Mediolani patet, Ambrosianæ eruere, ac notis suis illustrata cum viris doctis communicare instituit. Et hac quidem vice S. Paulini, Episcopi Nolani, Poëmata quatuor, a nemine adhuc, ut innuit, exhibita, Tomo hoc primo publicat, quorum priora tria Natali S. Felicis consecrata sunt, ultimum autem adversus Judæos & Gentiles (ac hos quidem imprimis) directum, eorum Numina, variam Philosophiam & plurimos errores solide non minus atque eleganter confodit. Singula se reperisse ait in codice vetustissimo, Venantii Fortunati, Prosperi, Juvenei, Aratoris, aliorumque veterum Christianorum carmina continente, quem nono jamtum seculo characteribus quadratis minutissimis venuste satis scriptum fuisse auctorat. Tria igitur priora carminibus istis decem in S. Felicis Natalem a Paulino effusis, quæ eruditis affatim innotuere, sub undecimi, duodecimi & decimi tertii nomine associat. Dolet autem, in laudato codice repertum non fuisse decimum quartum, quod ultimum facit inter poëmata hæc natalitia. Minime enim iis assentitur, qui eorum quindecim enumerant, Dungali forsitan auctoritate adducti,

H

qui

qui in suo adversus Claudium Taurinensem de cultu sacrarum imaginum tractatu, versus quosdam ex Natali cum decimo quarto tum decimo quinto citavit; siquidem aut ipsum hunc auctorem, aut librarios eum exscribentes deceptos, & carmina ex Natali decimo quarto allegata in decimum tertium rejicienda, & quæ apud Dungalum ex decimo quinto citentur, ad decimum quartum referenda esse arbitratur, idque & codicem suum, & rerum ordinem ait evincere. Equidem non omni adeo ex parte ignota hæcenus poemata hæc fuerunt. Nam ex eodem Dungali libro excerpta ex Natali undecimo, decimo tertio, decimo quarto & decimo quinto Fragmenta, & a Frontone Duceo atque Heriberto Rosweido in editione operum S. Paulini Antverpiensi A. 1622, & in Bibliothecis Patrum recentioribus, & in novissima Paulini editione Parisiensi A. 1685, a Joh. Baptista Le Brun adornata, & a nobis in Actis istius anni p. 482. seqq. delineata, exhibentur. Interim optime nihilominus de Paulino meritis hic est Muratorius, dum, quod nemo ante ipsum præstitit, poemata illa integra, ultimo tantum, sive decimum quartum id, sive decimum quintum fuerit, excepto, una cum altero adversus Gentiles, nunc divulgavit. Sed & hoc præterea suarum duxit esse parvum, ut ne sine notis suis eadem prodire pateretur, ac idcirco paginis quibusque hujusmodi subjunxit animadversiones, quæ ad sensum Paulini hinc inde melius noscendum quicquam conferre posse ipsi visa sunt. Poëmatibus quoque tribus posterioribus peculiaria præmisit monita, quæ de eorum tempore, materia, aliisque ad eadem attinentibus Lectorem informant. At ne in his quidem acquievit, sed plures insuper Dissertationes breviores annexuit, in quibus, desumpta ex his Paulini poematibus occasione, capita nonnulla ad historiam ecclesiasticam æquæ ac literariam spectantia illustrare studet, velut ubi de Turcio Aproniano, de Asterio Turcii istius filio, de Avita ac Eunomia, de Therasia, & aliis a Paulino nominatis disputat; prout & ipsemet Paulini dignitates ac res gestas paulo distinctius enarrat. Jam de Sanctorum Protasii & Gervasii inventis ab Ambrosio corporibus; jam de templorum apud veteres Christianos ornatu, & de diurno in iis cereorum usu; de eorundem sepulcris, votis & votivis oblationibus in Sanctorum venerationem factis; de sanctorum Martyrum natalibus, deque similibus aliis erudite commentatur. Recte etiam Paulinum in poemate, quod inter quatuor hæc postremum locum obtinet, cælum inter ele-
menta

menta retulisse, ac ignem omisisse, in Dissertatione integra contendit, Sub finem ex Misto suo spicilegium ex operibus Paulini deperditis instituit, & pauca quaedam verba hinc excerpit, nec minus decem poemata natalitia, ut in editione Plantiniana A. 1622 impressa sunt, cum isto comparat, & quæ omissa in hac fuere, exinde supplet. Totum tandem integrum obsignat Appendix, quæ prolixam Muratorii nostri Dissertationem de jure antiquo Metropolitæ Mediolanensis in Episcopum Ticinensem complectitur.

*GEOGRAPHICA ANTIQUA, HOC EST, SCYLACIS PERIPLUS
Maris Mediterranei; Anonymi Periplus Maotidiæ Paludis & Ponti Eu-
xini; Agathemeri Hypotyposis Geographia, omnia Græco-Latina: Ano-
nymi Expositio totius Mundi Latina. Cum Notis Isaaci Vossii, Jac-
Palmerii, Samuelis Tennulii; edente JACOBO GRONOVIO,
cujus accedunt emendationes.*

Lugduni Batavorum apud J. Luchtmans, 1697 in 4. Alph. 1. plag. 16.

Terrarum Orbis notitiam habere non minus prisca mortales, quam nostræ ætatis homines, in primis partibus prudentiæ humanæ posuerunt. Quod vero difficile, tot terras peragraræ; qui cupidie ejus rei sunt, faciliorem operam navigationibus invenerunt. Hinc tot Periplus numeramus, sive circumnavigati orbis descriptiones, quorum plures interciderunt temporum injuria, pauci ad nostram ætatem conservati pervenerunt. Inter quos carus eruditus Periplus ille, adhuc fuit, qui *Scylacem Caryandenum* auctorem præfert, non minus antiquitatis, quam industriæ laude commendatum. Hunc Græco, & una alios minores Geographos David Hæschelius, Vir Græcis litteris orandis natus, Augustæ Vindelicorum CIO IDC anno ediderat: cum Latina vero interpretatione ac suis animadversionibus anno CIO ICXXXIX Isaacus Vossius, tum florente ingenio adolescens, donavit luce, adjecto Anonymi Periplo, quem ex Salmastii, Viri summi, bibliotheca acceperat, cui itidem Latinam translationem & nonnullas adnotationes liberaliter impendit. Gratum opus eruditus fuit, atque ita avidè adreptum, ut ex longo tempore in librariis tabernis nullum ejus exemplum reliquum fuerit. Nec verò quantivis pretii liber in pari apud omnes existimatione fuit. Magnus quippe Vossius, Isaaci pater, in Historicis Græcis aliter de eo judicavit. *Censet, inquit, quod opus habemus, esse compendium antiqui illius Scylacis, qui Hys-*

spidis atate clarior; ac Scylacem inscribi, quia ex Scylace sit excerptum. Et paucis interjectis: *propius ad verum accedit, aliquem ante secula non ita multa fecisse hoc compendium, fortasse temporibus demum Caesaris Constantini Porphyrogeneta.* Quum ergo Vir clarissimus Jacobus Gronovius editionem novam meditareetur, utique pretium nonnullum duxit, a novitatis suspicione hunc auctorem vindicare; quam operam in dedicatione, sive ad amplissimum Virum Henricum de Bleyswyck epistola infumit, & Scylacem hunc eundem esse, quem Herodotus, & Aristoteles, & Strabo laudaverunt, argumentis non paucis probatum ivit. Primum petit ex Hispania, quam ita hic Scylax delineatam det, ut ante Carthaginiensem in ea imperium scripsisse appareat. Et quod nec Brundisium trajectum laudet, librum hunc prius conscriptum putat quam Romanorum res in transmarinas partes proferrentur. Addit, nullam ibi Lyfimachiam, nullamque Syriæ Antiochiam, nec inclitas postea urbes, Thessalonicam atque Byzantium reperiri, & ipsas Thebas adhuc τῶν εὐρῶπ. fuisse, non quales fuerunt Epaminondæ temporibus. Quo etiam illud referendum, quod nobilem Bithyniæ urbem non Prusiam vel Prusidem, sed veteri appellatione Cium nominaverit, quod itidem argumento est, ante Prusiam & Nicomedes reges hujus libri auctorem exstiterisse. Neque illo, quod Vossius pater urget, de sententia sua movetur, vetustum, Scylacem, Strabone testante, ex Abydo; nostrum a Dardano initium regionis Troadis deduxisse. Nam ait, ἐν πύρρῃ, hinc Troadem incipere, post memoratam Abydum, non quasi illam in Troade constituat, sed ut finem relinquat regionis superioris, haud secus ac Apollonii Scholiastes ad lib. I. v. 1115. dicat, ἡ δὲ Τρωάς ἀπὸ Μυσίας ἀρχομένη μεράλης, Troadem a majore Mysia initium habere, non ut illam in se contineat, sed ut post Mysiam demum, sive extra illam, suum capiat exordium. Commentationes, quas ad finem libri conjunctas Vossius reservaverat, ita doctissimus Editor dispensavit, ut quod pagellarum est singulare, singulis earum conveniente loco subjungat, etiam eruditissimi viri Jacobi Palmerii animadversiones, nec non suas castigationes intermiscat, singulas tamen auctoris nomine, cujus sunt, ne confundantur, distinctas.

Quod autem Scylaci Geographo, ut diximus, *Periplus Pontis & Maotidis*, ab anonymo Græce conscriptum, quem Salmasio debebat,

hebat, Isaacus Vosſius adjunxerat; ejus nec ſocietatem Gronovius dirupit, ſed adjuvit potius, ſuis non minus notis, quam in Scylace fecerat, ad Voſſianas, ubi viſum fuit, adjectis. Id verò dignum obſervatu eſt, quod in eadem dedicatione memoratur, auctorem hunc eſſe poeticum, ſeu ex poeta excerptum librum; quemadmodum ipſe Voſſius ſenarios verſus, ſæpe longa ſerie notavit, plures inde Holſtenius, Vir eminente doctrina, collegit, quos nuper Romani quidam, cum poſtumis ejus in Stephanum notis, ſub Scymni Chii titulo, & quidem *nunquam editi antea*, in Batavis vulgaverunt: quod ita factum ridet Editor noſter, quum Scymnus & ante produiſſet, & ſub hoc anonymo ſcriptore lateat, quem in Palatina Salmaſius exſcripſerit, Romæ, quo translata illa bibliotheca fuit, Holſtenius in verſus non invita Minerva tentaverit revocare. Unde ineditus ille poſt Holſtenii fatum Scymnus Chius, cum Stephanianis ejusdem publicatus.

Hactenus, quæ Isaacus Voſſius ediderat, præclare in publicum uſum, & auctius quidem, repetita. Nec vero id ſatis clarifſimo Editori fuit, ſed *Agathemerii etiam Compendiarium Geographiam*, Græce & Latine adjunxit, ab avunculo ejus doctiſſimo, Samuele Tennulio, adnotamentiſque illustratam, quibus nec ſuas obſervationes abeſſe voluit. Hunc auctorem circa Severi, Romani Imperatoris, tempora floruiſſe, Gothofredus Wendelinus probavit, qui & ipſe editurus fuiſſet, niſi fata virum erudiſſimum præveniſſent. Duobus autem libris hæc Epitome continetur, nec vero generalem, quam dicunt, Geographiæ partem excedit, ſummas tantum dimensiones & marium cum inſulis, & continentis terræ partium, cum potiorum gentium nominibus, exponens. Laudati Tennulii, & ſuas ipſius obſervationes eodem, quo in Scylace, modo, hoc eſt ſingulis paginis ſubjecit Gronovius. Tandem & *Expoſitionem totius Mundi & Gentium*, ſubrutiſco Latinitatis ſtilo, ut noſter Barthius cenſebat, ab ignoto homine conſignatam, ſuperaddidit, quam Fr. Jureto, poſſeſſori hujusmodi antiquitatum, Jacobus Gothofredus, Vir elegantis æque litteraræ, quam juris peritiſſimus, acceptam referebat, qui ſuſpicatus ex Græco expreſſam eſſe, Græce eandem convertit, ut revocaret quaſi ad originem. Nec Salmaſius aliter, quam ex Græco translaram eſſe exiſtimavit. Contra Philippus Brietius ſub Conſtantio & Conſtante Latine tantum conſcriptam fuiſſe autumat. In

hoc quoque nonnulla emendavit Editor, notas autem non adjecit, quod exilis scriptor est, qui tantum regiones & gentes ruditer designat, urbium aut nullam aut raro habet rationem. Additi sunt duo indices, Geographicus alter locorum & gentium, alter notarum. Jacobi Gronovii, quatuor horum librorum meritisimi Editoris.

PSALTERIUM CUM CANTICIS, VERSIBUS PRISCO MORE distinctum, argumentis & orationibus vetustis novaque literali explanatione dilucidatum, studio JOSEPHI MARIE THOMASII, Presbyteri ex Congregatione Clericorum Regularii.

Romæ, typis Josephi Vannaccii, 1697, in 8.

Constat plagulis dimidiatis 104.

Psalterium integrum jam A. 1683 edidit clarissimus Auctor, tunc quidem sub assumpto *Josephi Maria Cari* nomine; quam editionem, adhibitamque in ista diligentiam latius nos Tomo primo Supplementorum nostrorum p. 486. & seq. delineavimus. Divino tamen huic libro novam nunc, & eam a priori non parum in plerisque distinctam operam navare Noster haud pigritus est. Textum videlicet Psalmorum ipsum ex septuaginta-virali versione Latinum fecit, ut significantius ex Græco Latinas locutiones exprimeret; ita tamen, ut ad aliam B. Hieronymi interpretationem ex Hebræo animum simul intenderit. Et huic sane usque adeo adhæsit, ut & obelos atque asteriscos, quibus ille, quæ aut abundabant in LXX interpretationibus, aut quæ ex Theodotione ipse addiderat, notavit, suæ etiam translationi inferendos existimaverit. Singulos deinde Psalmos in versus suos dispescuit, quos tamen non ad Jacobi Fabri Stapulensis exemplum, sed ad antiquissimi codicis Græci Vaticani fidem numeravit. Insuper cum plura eloquantur Psalmi aliorum dicta, vel etiam ipsiusmet Psaltes verba propria, quæ se hic dixisse asserit, aut dicere, hinc talia, ut evidentius a psallentibus primo statim conspectu internoscerentur, diverso charactere curavit imprimi; ubi autem ex abrupto interlocutores in Psalmo commutantur, novæ tunc personæ exordium majoribus literis exprimitur, ac in margine personæ loquentis nomen additur. Psalmi cujusque argumentum Bedæ primum, post etiam Eusebii Cæsariensis ac Athanasii verbis exponitur, suamque tandem epigraphen superaddit, qua, an meditationi inserviat

serviat Psalmus, an precationi, an laudibus vel gratiarum actioni, declarat. Continuum porro expositionem literalem post cujuslibet Psalmi contextum adjicit, quæ verbis tamen brevissimis concepta est. Post hanc sequuntur precationes contentis Psalmi respondentes, quas ex Breviario Mozarabum depromsit, non omissa tamen ubivis ea oratione, quam Georgius Cassander in Collectione precum ecclesiasticarum, Ludovicus item de Saxonia aliique jam vulgaverunt, quamque ex manuscriptis codicibus Vaticanis se emendatiorem monet reddere. Psalterio absoluto (addidit vero Psalmum quoque centesimum quinquagesimum primum, quamvis, cum is nec in Hebræis habeatur codicibus, nec a LXX Interpretibus ad reliquos adjectus fuerit, repudiandum eum esse haud dissimulet,) simili fere modo procedit cum Canticis, quæ psallit Ecclesia Romana. Auspicatus enim a Biblicis, ea, quæ in veteri pariter ac novo Testamento occurrunt, inserit etiam, quæ habentur in libris apocryphis, persequitur. Post pergit ad Ecclesiastica, & hymnum matutinum, *Te Deum laudamus*, hymnum Angelorum, Seraphicum, glorificationis, aliosque ejus generis; Symbola item, Apostolicum, Nicænum, Athanasianum, Constantinopolitanum, Symbolumque Missæ exhibet. In Canticis tamen hactenus recensitis argumenta ex aliis auctoribus petita, imo & nonnunquam penitus omissa sunt. Nec precationum subjunctarum eadem, quæ in Psalmis, ratio habetur, & explicationis ibi suppeditatæ locum scholia Emanuelis Saheic occupant.

GUNTHERI CHRISTOPHORI SCHELHAMMERI NATURA
sibi & Medicis vindicata.

Kilæ apud J. S. Richelium, 1697, in 4. Alph. 1. pl. 22.

Occasionem scribendi celeberrimo Auctori dedit recensitorum quorundam dogma, quo Naturæ vocabulum non tantum supervacaneum & inane, verum etiam perniciosum tam Philosophiæ, quam Christianæ fidei declararunt. Etiam si enim Philosophiam Naturalem professi ei nuncium mittere possint ac velint, Medicos tamen, qui in præternaturali hominis constitutione ad naturalem reducenda, unice occupati sunt, quique artem suam nihil aliud esse quam adjutricem & auxiliatricem Naturæ omni tempore publicarunt, eadem carere haut posse, Auctor existimat. Id igitur hic operam dedit, ut ostenderet,

deret, non satis causâ fuisse clarissimis viris, cur hoc totius Naturalis Philosophiæ & Medicinæ fundamentum de folio deicerent. Neque enim aliud eo nomine intelligi doctis Medicis ac Philosophis, quam æternas motus leges, a Conditoris sapientissimo in ipsa creatione sancitas. Ut enim lex naturæ moralis, justitiæ omnis & virtutis principium, a teneris insita sit animis atque immersa; ita corporibus creatis naturalem esse insitam, ad quam moveant & moveantur. Hanc explorare, hanc addiscere, hanc unicam, ut normam atque regulam suam sequi Medicos; quorum totum munus & methodum medendi morbis illa inniti, etiam parte altera manifestum facit. Ut autem specimen ejus doctrinæ habeatur, brevem delineationem totius operis dabimus.

- Cap. I. In præfatione igitur, per dialogum quandam, more Platoni usitato, præparare conatur animum lecturi, atque id evincit: esse aliquid Naturam, perinde atque artem, fortunam, casum, etsi non tam corporis quam mentis oculis ea usurpentur. Hoc evicto, ne videatur Andabatarum more aërem ferire, varias vocabuli acceptiones exponit, idque porro allaborat, ut perspicue ostendat, quomodo sensim in naturali scientia ex ignorantia tenebris ad cognitionem Naturæ perveniri cœperit, & qua tandem ratione istoc vocabulum, re cognita, fuerit in scholas introductum, & a quibus cœperit celebrari.
- Cap. II. Quo nomine omnium antiquorum circa hæc philosophandi rationem recenset, mox etiam recentiorum sententias, & demum omnia ista tam horum quam illorum dogmata excutit, & revocat ad examen.
- Cap. III. Ex quibus comparet: de Natura antiquissimis quidem temporibus nondum fuisse cogitatum, plerisque autem agnita esse Deum & materiam, illumque hanc agitare existimatum, & hinc procreata omnia: Deum vero esse ignem in supremis cœli terminis hærentem, quæ sententia valuerit usque ad Democritum, qui primus dissensisse videatur.
- Cap. IV. Platonis vero demum tempore Naturæ nomen innotuisse, qui Animam mundo adfinxerit, eum dirigentem, in cuius locum deinde Stoici Deum succecerint, mundoque illum illigant: dum interim Aristoteles repudiata Anima Platonica, Principium motus & quietis introduxerit, quod omnibus rebus naturalibus proprium insit, atque in aptitudine moveri varia consistat. His expositis, unde Campanellæ amicitia & inimicitia rerum orta sit, & Helmontii Archeus, nonnullorum porro Spiritus ab anima & corpore distinctus, & Hylarcha, ac
 similia

similia principia moventia, disseritur. Quibus omnibus rejectis, tan- Cap. V.

dem ostendit, esse aliquod principium, ad cuius normam moveantur, o-
riantur & intereant cuncta, idq; esse Naturam; quod cum ex consensu
philosophantium & vulgi, tum aliis etiam argumentis stabilit. Cum
autem iis etiam admisissis, objici tamen queat, a Deo, tanquam per-
petuo motore omnia ista immediate agitari, deinceps ea depromit,
quæ a Deo non moveri corpora singula persuadeant, & eorum, qui
id asserunt, argumenta refellit: quo facto demum Naturæ descri-
ptionem dat, quam esse credit *æternam Conditoria legem, ipso crea-*
tionis tempore materia omni injunctum, secundum quam hoc univer-
sum & cuncta in eo moveri ab eo jussa sint, donec ipse eam abrogans, o-
mnia dissolvat in primum Chaos. Cap. VI.

Sequenti capite primum id agitur,
ut summorum Virorum & excellentissimorum Philosophorum con-
sensus clarius elucescat. In quibus cum perillustre sit Boyleanum
nomen, ostenditur, eum nec satis idoneis rationibus esse usum, ut Na-
turam destrueret, nec evitare potuisse, quin in media illa oppugnatione
ea ipsi exciderent, quibus tacite eam potius firmer: optimeque hanc
doctrinam & cum corpusculari & cum Cartesiana Philosophia cohære-
re, esseque utrique commodissimam asseritur: denique Atheis convin-
cendis nihil ea aptius, contra quos solidum hinc nectitur argumen-
tum. Cap. VII.

His peractis, Natura quatuorplex sit, universalis scilicet, seu uni-
versi, & particularis, seu corporum cujuscunque generis, exponitur.
Illam quidem in legibus motus universalibus: hanc vero in fabrica &
particulis, ex quibus corpora sint conflata, potissimum constitui doce-
tur, & hic tota quasi facies Naturæ panditur. Tum porro, quid contra
naturam & supra naturam sit, disputatur, eaque occasione de monst-
ris agitur, & particulas illas, ex quibus morbi epidemici fiunt, esse mon-
strosas sui generis in aëre productas ostenditur. Porro autem omnia,
quæ præter naturæ particularis fiant institutum, maxime tamen se-
cundum naturam universam fieri, & hinc esse, quod Medici ex scien-
tia rerum sibi adversantium morbos depellant, inque eo totius esse
artis fundamentum. Multum autem differre existimat Autor, contra
& præter naturam agere: hoc enim, ut dictum, ad particularium natu-
ram pertinere, nec esse a natura universali alienum; at contra natu-
ram esse, quæ huic vim inferant. Sequens caput, quod primæ par-
tis ultimum est, exponit potentiam Dei, Dæmonum & hominum in Cap. VIII.

naturam. Multa hic leguntur, in quibus cum a Theologorum, tum aliorum sententiis non parum clarissimus Autor dissentit. Nam & aliqua miracula Deum salvis naturæ legibus, & per istas edidisse asserit; & Dæmones contra naturam agere, & in corpora hæc inferiora magnum exercere imperium, contendit; spiritus vero corpora non posse movere, adeo non credit, ut experientiæ ac rationi potius id adversari, firmissime sit persuasus: ubi simul de vinculo animæ & corporis, & intercedente inter utrumque commercio singularis profertur sententia. Concluditur hæc disceptatio per solidam demonstrationem artis medicæ, & hinc patefaciendo, quid empirico verus Medicus intersit.

- In altera jam parte Medicum Naturæ ministrum instruit, docens quo pacto ei fidem atque operam suam præstare possit; adeoque
1. primo ostendit, in quo consistat natura humana, cui unice studium
 2. suum addicat: tum in quonam ejus erga istam officium, quod multiplex esse asserit, ponatur. Et primo publicum id, vel privatum esse: illud, ut a morbis epidemiis atque endemiis, vel imminetibus vel præsentibus, tutas præstet integras urbes & regiones: hoc, ut singulos,
 3. idque eos præservando 1. a malignis, grassantibus & epidemicis, 2. ab iis, qui causarios affligere solent. Porro hoc privatum in abigendis etiam præsentibus occupari: esse vero triplicem in his Naturæ, cui opitulandum, conditionem; vel eam succumbere, vel morbo dominari, vel cum eo pugnare: quin & post victum morbum debilitatam erigendam esse. Neque solum premi aut deficere naturam, sed etiam aliquando vehementius & concitatius eam agere, quam par sit, vel minus; item erronee & præter rem. Hæc omnia quo pacto intelligenda, atque ex legibus mechanicis interpretanda sint, ob oculos ponit, & quomodo his occurrendum declarat, eaque occasione mendedi methodum prope omnem tradit, ut hæc pars tota sit medica,
 7. omnibusque Medicis cognitu perutilis: multa enim hic docentur, quæ alibi frustra quæras, quin &, quo pacto scientia & prudentia medica acquiri possit ac debeat, postremo ostenditur. Et in his finit Autor, spem faciens, se de Naturæ Miraculis in medicina supplementi loco aliquando esse acturum singulari libro, quem hoc multo prolixiorum, si Deus annuat cœptis, futurum intelligimus, nec injucundum, quippe quo reconditas operationum ejus rariorem causas indagare a-
 8. nimus

nimus est, viasque occultas, quibus ea peragit, quæ in admirationem Medicos rapiunt. Est autem altera isthæc pars libri de Natura variis observationibus practicis rem comprobantibus & curandi rationi, quam tradit, fidem facientibus referta.

ABBREVIATORIS DE CURIA COMPENDIARIA NOTITIA JOANNIS CIAMPINI.

Romæ, ex typographia Cameræ Apostolicæ, 1696, in 4. plag. 12.

PECULIARE est in aula Pontificia *Abbreviatoris*, qui vulgo nuncupari solet, *de Curia*, officium, cujus partes eo potissimum tendunt, ut, si quando Pontifex supplicis petito annuerit, aut motu proprio gratiam singularem aliis concesserit, *Abbreviator* id, quod in Bulla eapropter publicanda exarandum venit, verbis decentibus exprimat, ac ad debitam formam juxta canones regulasque Cancellariæ reducat. Istud officii genus paulo copiosius describit illustrissimus Ciampinus, qui ipse eidem nunc præfectus est, diligentiam tamen præcipuam in id impendens, ut accuratum texat Catalogum eorum omnium, quotquot unquam functos isthoc munere fuisse, e monumentis antiquis pariter & recentioribus colligere potuit.

DE S. ROMANÆ ECCLESIAE VICECANCELLARIO PECULIARI ENARRATIO JOANNIS CIAMPINI.

Romæ, typis Bernabo, 1697, in 4. Alph. 1. plag. 9.

CANCELLARII Ecclesiæ Romanæ munus, quo fungitur hoc tempore, Eminentissimus Cardinalis *OTTOBONUS*, antiquissimum & vel hinc ab ævo Damasi derivandum esse, celeberrimus Auctor innipit, ac dum in eo describendo versatur, cur receptum temporibus præfiscis nomen Cancellarii in Vice-Cancellarii appellationem hodieque usitatam transierit, sub ipsum initium disquirat: ubi quidem, posthabitis aliorum, quas recenset, opinionibus, ideo id factum existimat, quod officium istud a viris Cardinalitia dignitate haud illustribus quandoque fuerit administratum, qui Vice-Cancellariorum nomen ex modestia sibi sumserint, quod a successoribus, utut Cardinalium epomide ornatis, ex quadam incuria retentum postea in legem velut transierit. Ejus autem dignitatem esse ait maximam, ipsumque primum post Pontificem in curia Romana locum obunere notat. Officia

ejusdem præcipua in eo innuit consistere, quod literarum Apostolicarum in Cancellaria expeditionibus præsit, ac ab iis, quibus Episcopatus, Abbatia, Prioratus Regulares & Conventuales, itidemque dignitates aliæ collatæ fuerint, fidelitatis iuramentum recipiat; prout complures quoque Officiales alii Cancellariæ Apostolicæ additi coram ipso jusjurandum præstare teneantur. Auctoritatem vero ejus antiquatam & intermissam non minus, atque eam quæ hodiernum videat, describit; dubia item, quæ in Vice-Cancellarii munere indies oriantur, ad examen revocat, singulisque his expositis in peculiari capite solennia illa enarrat, quibus exequiæ Viri ad hoc dignitatis fastigium evecti cohonestentur. Nondum tamen hæc dimidiam libri hujus partem faciunt. Prolixum namque spatium occupat Officium, qui a Vice-Cancellario dependent, historia. plenamque sibi Lector notitiam hinc polliceri poterit de officio Regentis Cancellariæ, de Proto-Notariis Apostolicis, de Brevium, Archivi, deque minoris gratiæ Scriptoribus, Auditoribus rotæ, Abbreviatoribus, Advocatis Consistorialibus, Secretariis Scriptoribusque Apostolicis, de Plumbatoribus Bullarum, de Senescalco sive Custode Cancellariæ, & de pluribus ejusmodi aliis. Quorum delineationi nova insuper appendix, eaque sat proluxa subjungitur, auctoritatem celebrans, quam exerceat Vice-Cancellarius in omnes Ecclesias, quæ Collegiæ S. Laurentii in Damasco deserviant, inque ceteros Ministros Ecclesiarum aliarum istam pro matrice agnoscentium, quas sigillatim recenset, præcipua, quæ ad earundem statum pertinent, ubique pro instituti ratione simul declarans. Denique sub calcem libri de privilegio, quo gaudeant familiares Vice-Cancellarii, in literis Apostolicis citra ullius pretii solutionem impetrandis, non nihil commentatur.

NOUVELLE DECOUVERTE D' UN GRAND PAYS &c.

ii. c.

DETECTIO NOVA VASTISSIMÆ REGIONIS IN AMERICA

inter Mexicam Novam & Mare Glaciale sita; auctore R. P.

LUDOVICO HENNEPIN, Missionario Recollecto &

Notario Apostolico.

Ultrajecti apud Gu, Brædeler, 1697, 12. Alph. 1.

NOU-

MENSIS FEBRUARII A. M DC XCVIII. 69
NOUVEAU VOYAGE D' UN PAYS PLUS GRAND QUE L'
EUROPE &c.

i. e.

ITER NOVUM PER REGIONEM EUROPA AMPLIOREM;
auctore eodem.

Ultrajecti apud Ant. Schouten, 1698, 12. Plag. 19.

cum figuris æneis.

Ingentem illum terrarum tractum inter Mexicam Novam & Mare
Glaciale, a se primum perlustratum, gentiumque eum inhabi-
tantium mores, accuratius hisce operibus describere aggressus est
Ludovicus Hennepinius. Delibavit quidem jam nonnulla in Descri-
ptione Louisianæ, (hoc nomine enim tractum istum olim insigni-
verat,) nobis quoque A. 1683 mense Sept. p. 374. commemorata:
sed multa hic adduntur, ibi data opera prætermittenda: cujus quidem
instituti sui causas ipse affert. Nos ne semel dicta repetamus, de flu-
vio Meschassipi nonnulla commemorabimus. Accuratiorem enini
ejus descriptionem, præsertim qua in Sinum Mexicanum se exonerat,
Louisianæ non inferuerat, quod invito Sallio Equite, a quo ad pro-
vincias ad Septentrionem vergentes perlustrandas missus erat, neces-
sitate tamen summa urgente, sociis quoque ejus alterum istud iter pla-
ne declinantibus, fluvio hocce ad Sinum usque Mexicanum descen-
disset. Voluisse enim ait Sallium gloria detecti per fluvium hunc in
Sinum Mexicanum itineris solum frui. Sed eo suorum scelere e medio
sublato, Hennepinius nihil sibi, quo minus cuncta promulgaret, nunc
obstare arbitratus est.

Digressus autem Hennepinius fortalitis Crepiscordii (Creve-
coeur) d. 29. Febr. A. 1680, fluvio, qui Minosiorum terras rigat, sese
cum sociis commisit, secundoque flumine die 7. Martii subvectus
nonnullos ex gente Tamerao seu Maroa obvios habuit; hinc cum
glacie fluvium regente per aliquot dies colluctatus, tandem die 12
ejusdem mensis celeberrimum istum fluvium Meschassipi ingressus
est. Evolvit autem Minosiorum flumen undas suas in fluvium Me-
schassipi, intra 35 & 36 gradum latitudinis, ut Auctor conjicit, adeo-
que 110 circiter aut 130 milliaribus (si flexiones non attendas)
ab isto loco, quo Meschassipi postea in Sinum Mexicanum se exo-
nerat. In ipso angulo, quem Minosiorum illud flumen in Mescha-
sipi cadens facit, rupes conspicitur, 40 circiter pedes alta, satisque

I 3

am.

ampla, ut fortalitium, ad commercia valde opportunum futurum, in ea extrui possit. Ceterum montibus utrinque fluvius cingitur, qui interdum a ripis longius recedunt, & pratis amœnissimis faciunt locum, mox arctiori ambitu eas includunt, eodem autem fere modo, quo fluvius ipse, per varios circuitus serpunt. Ultra montes spatiosissimi & longe patentes se aperiunt campi, omni frugum genere adeo affluentes, ut Americæ deliciae vocandi videantur Auctori. Navigiorum quoque patiens, & alicubi ad dimidium milliare usque, latus est fluvius, insulisque subinde interstinctus, in quibus arboribus innexæ vites densi nemoris speciem præbent. Inter gentes istum accolentes primo se obtulere Isfati, qui originem fluvii, quem sex ab hinc circiter miliaribus Meschalsipi recipit, Auctorem edocuerunt. Osiagiorum scilicet & Messoritarum is fluvius est, qui ab occasu venit, & ex quam plurimis rivulis per varias gentes transeuntibus componitur; hi autem omnes in montibus oriuntur, qui ad mare usque excurrunt. Sed in Meschalsipi susceptum iter prosequens, adhuc septem fluvios, magnitudine & amœnitate illi non cedentes, cum eo aquas suas jungere vidit. Post Isfatos in ripa ejus meridionali viculum vidit, tum quidem incolis, utpote aut in bellum profectis, aut alia de causa absentibus vacuum, quem tamen genti Tamaroa dictæ & antea memoratæ inhabitari existimat. Hinc Ouadebachii sequebantur, quos populi Chikacha seu Sikacha dicti excipiebant. Rursus post aliquot dies magnam ferorum hominum turbam obviam habuerunt, ab eaque benevole excepti, & ad Akanfa gentem illis amicam perducti sunt. Hæ gentes barbaræ quidem, longe tamen cultiores humanioresque sunt, quam quæ septentrionales Americæ partes incolunt. Liberali enim & ingenua alacrique sunt indole; juniores mores ad omnem modestiam plane compositos præ se ferunt, ut præsentibus senibus, nisi interrogati, loqui non audeant. Varia quoque domesticorum animalium genera apud eos conspiciuntur, nihilque ad commode degendum, quæ arborum fructus, quæ ceteras res, natura illis negavit. Socii Hennepinii deliciis hisce deliniti, iter libenter abruptissent, nisi ipse ad continuandum, quem coeperant, cursum illos auctoritate sua permovisset. Quas hinc ordine ad fluvii ripas offenderunt gentes, ingenti lætitia & acclamationibus eos exceperunt, una alteram de novorum hospitem adventu certiore reddente. Fuit inter eas quoque gens Taensa, per plures pagos habitans, circa haud adeo magnum lacum
a flu-

a fluvio Mefchafipi oriundum, quæ humanitate ceteras superare, studuit. Ingenium docile & culturæ patiens, & quod facile ad omnem humanitatem traduci posset, illi Auctor tribuit. Regio quoque ipsa fertilitate ceteras superare videbatur, arboresque & fructus Europæis plane incognitos ibi vidit. Et ne quid ad significandum erga hospites animum benevolum deesse videretur, ad vicinos & socios suos, Koroa dictos, legatos miserunt, animos eorum & benevolentiam illis conciliaturos. Ab his ergo non minori humanitate exceptis, iussu Principis, qui genti præerat, comites, qui ad alias gentes eos deducerent, dati sunt. Sex hinc milliaria emensi, fluvium Mefchafipi per duos alveos suas dispensare undas, insula 60 milliaria longa in medio relicta, animadverterunt. A comitibus moniti alveum occidentalem ingressi sunt, rursusque multas gentes nemini hætenus cognitæ detexerunt. In his Quinipissa & Tangibao gentes fuerunt; & hac quidem eo tempore bello, quod cum alia natione gesserat, victa, vacuas possessoribus ædes, cadaveribus tamen hinc inde projectis victoris crudelitatem prodentibus, horroremque haud modicum Nostro nutientibus, ingredi licuit. Tandem 60 fere milliaria in hocce alveo Mefchafipi emensi, aquam dulcem salitudine quadam infici animadvertere cœperunt, indeque haud procul mare, abesse edocti sunt. Hinc paulisper procedentes tandem voti sui compotes facti, orique fluvii in mare aquas suas egerentis admoti, intellexerunt hoc intra 27 & 28 gradum latitudinis fieri, eo fere in loco, quo in tabulis Geographicis plerumque Fluvius Absconditus (*Rio Escondido*) conspicitur, quem inter & fodinas S. Barbaræ fluvius Magdalenæ decurrit. Ceterum conficit fluvius Mefchafipi, ex sententia Auctoris nostri, 800 fere milliaria, a prima origine, usque ad mare, in quod se effundit; a fluvio autem Illinosiorum, 340: nimirum si comprehendere miros circuitus ac flexiones crebras, quas facit serpendo, velinus. Socii autem Hennepinii Hispanos, qui Mexicam Novam incolunt, metuentes, circa os fluvii diu commorari noluerunt, indeque factum, ut multa notitiæ Auctoris se subtraxerint, quæ ceteroquin investigare potuisset. Die 1. itaque Aprilis relegere fluvium cœperunt, salutatis iterum gentibus, a quibus tanta humanitate excepti fuerant. Feliciter vero continuarunt iter, donec die 12. Aprilis a barbara gente septentrionales Americæ partes incolente capti, & in servitutem reducti, non tantum maximum vitæ discrimen

adierunt

adierunt, sed per aliquot menses captivitatis incommodainter homines feros, & ab omni cultu ac humanitate remotos, ferre coacti sunt, ut ut Barbari adoptionis specie tædia hæc utcunque mitigare conati sint: quæ omnia in Louisiana descriptione prolixius etiam Auctor commemoravit. Jam quod ad istos terrarum tractus, qui ab utroque Meschasipi latere conspiciuntur, attinet, eos hic paulo accuratius describere Auctor pretium operæ duxit. Rivi & fluvii ibi omni piscium genere abundant, ut & ipse Meschasipi, in quo tamen crocodili hominibus maximum periculum creant. Taurorum silvestrium, cervorum, aliorumque animalium tanta est copia, quantæ infinitæ hominum multitudinæ alendæ sufficit. Bestiæ autem, quæ hominibus metuendæ sint, ibi nullæ reperiuntur. Est quidem bestiarum species (Michibici incolæ vocant) quæ & magnitudine & forma leonem fere referunt, capite tamen ad lupos propius accedunt, & alias bestias quidem devorant, ast hominibus non nocent. In illis provinciis, quæ occasum spectant, nonnullæ reperiuntur, quæ equorum vicem subeunt. Non minor arborum & copia & varietas est. Cedri specie formosissima oculos intuentium alliciunt: sunt & quæ gummi longe præstantissimum suavisimique odoris fundunt. Nec desunt ligna maximis navigiis exstruendis apta. Terra adeo ferax, ut amplissimas colonias, præsertim si cultura accedat, nutrire possit. Frumentum Indicum ter aut quater per annum maturefcit, colligiturque ab incolis. Carbones quoque ibi effodiuntur; cumprimis autem æris & plumbi fodinæ maximas divitias promittunt. Lapidum, præsertim marmoris nigri & albi, gemmarum quoque, cumprimis jaspidis, adest copia. In tanta regionum ubertate & felicitate, miserrima est incolarum conditio. Religionis nec sensus iis est, nec cura, cultusque Divini vix vestigium aut umbra apud eos extat. Videntur quidem Solem ut rerum omnium causam venerari, sed hoc ipsum quoque satis frigide faciunt. Naduessani et Illati Solem ad fumum tabaci fistula trahendum, solenni formula, *Tchendiouba Louu*, invitant, eaque ratione se Deum suum posse placare putant. Americanis enim populis Solem nomine *Louu* venire, hic denuo repetit, ut appareat, id ideo, ut Regi Galliarum adularetur, ab ipso confictum non fuisse. Lunam autem, adjecto alio nomine, *Louis Basafibe*, h. e. Solem noctu fulgentem

gentem iis dici observat. Id vero merito miratur, quod cum hæc America pars tot gentibus incolatur, singulis tamen sua lingua sit, quæ ab aliis intelligi nequeat. Quanta inde difficultas hæc loca lustrantibus, præsertim ad Christianorum sacra, eas gentes perducturis objiciatur, quilibet cogitatione sua facile assequi poterit. Qui autem fluvium Meschalsipi accolunt, & Auctori innotuerunt, ut moribus & indole, ita & corporis specie habituque a Canadensibus maximopere differunt. Regiminis, quod apud eos obtinet, ratio, ut mansuetiores paulisper mores arguit, ita a ceterorum America populorum regimine quodammodo abit. Loca illis publica sunt satis spatiosa, conciliis ac ludis destinata. Qui imperio potiuntur, non tantum suadendi auctoritate, uti apud ceteros, sed & jubendi potestate pollent. Fasces illis alicubi, cum in publicum prodeunt, præferuntur, quos inter & Principem intercurrere nefas est. Sunt illis & servi & majoris dignitatis ministri, tum ad necessitatem, tum ad splendorem; dona pro lubitu distribuunt. Pulveris pyrii, & armorum ejus beneficio ignem eventum, usus hæcæ populis ignotus est. Unde falli eos colligit, qui hosce populos 30 solum aut 40 circiter miliaribus ab Hispanis Novam Mexicam tenentibus abesse, & ab his ejusmodi armorum usum accepisse, & sibi & aliis perperam persuaferunt.

In altero horum opusculorum Tomo, infelices conatus Viri fortissimi Roberti Sallii Equitis narrantur. Is jam A. 1669. iter ingresus, ut ex Louisiana descriptione alibi indicavimus, ultra fines tamen lacus Ontanii seu Frontiniaci non pervenerat, sed A. 1675 privilegiis quibusdam a Rege acceptis incitatus, denuo in animum induxit, regiones & populos hosce perlustrare. Adeoque Frontiniacum fortalitium communivit. Hinc A. 1678 cum Hennepinio nostro & aliis nonnullis iter ingressus, ad Illinosios usque penetravit, sed ibi amisso navigio pedes Frontiniacum remeare coactus est, Hennepinio ad Gentes, quas adire constituerat, perlustrandas præmisso. Extruxerat etiam aliud fortalitium in Illinosiorum finibus, Crepicordium dictum, cui Dominum de Tonti præfecit, sed hic hic Barbarorum insultus metuens, ex fortalitio cum suis discessit, & Frontiniacum rediit. Successibus istis parum prosperis nondum fractus Sallius, in Galliam rediit, expositisque consiliorum suorum

rationibus; & milite & pecunia a Rege adjutus, A. 1684 tribus navigiis instructus, denuo Americam petiit, & A. 1685 Sinum Mexicanum ingressus est. Existimavit quidem, se ex Sinu hocce in fluvium Meschasipi navigaturum, sed in ore hujus fluvii quarendo operam lusit, adeoque naves portum, cui Ludovici nomen p̄se dedit, subire, coloniamque quam ex Gallia secum abduxerat, ibi considere jussit, extructo eo in loco fortalicio, cui indem Ludovici nomen inditum est. Regiones, quæ circumjacent, a variis gentibus, Quasquis, Bohamus & Quinets dictis inhabitantur, quæ novæ colonix multum negotii facessivere. Sallio autem unice constitutum fuit os Meschasipi investigare; quem in finem campelltri itinere, infinitis superatis difficultatibus & periculis, id facere constituit, sed rursus irritò eventum. Interea aut incuria, aut malitia nautarum, omnes Sallii naves perierant, Salliusque hoc ipso in maximas conjectus erat angustias: nec alia ratio hinc eluctandi supererat, quam ut ipse ad Illinusios contenderet, indeque res ad novas naves construendas necessarias afferri curaret; quod iter cum fere, incredibili licet cum labore ac molestia confecerat, ipse a suis perfide occisus est, morteque adeo tanta virtute profecto indigna periiit. Hæc dum Auctor prolixius enarrat, de variis Americæ gentibus, quas Sallius, & qui illum ex Recollectorum ordine Sacerdotes comitati sunt, adierunt, uberius exponit. Ceterum magni hujus tractus, præsertim fluvii Meschasipi a se detecti, hunc præcipue fructum se sperare Auctor non dissimulat, quod breviori & commodiori via China adiri nunc possit. Ex sinu Mexicano enim in fluvium Meschasipi patere aditum; hinc per alios rursus fluvios septentrionalem Americam rigantes ad ea loca facili negotio perveniri posse, quæ regno Japan vicina sunt. Hoc enim per fretum Anian ab America secerui plane negat, & istud commentum rejicit, suæque sententiæ non tantum rationes haud continendas affert, sed eam Viris doctissimis jam probari testatur.

Η ΠΑΛΑΙΑ ΔΙΑΘΗΚΗ ΚΑΤΑ ΤΟΥΣ ΕΒΔΟΜΗΚΟΝΤΑ.

i. e.

VETUS TESTAMENTUM GRÆCUM EX VERSIONE LXX INTERPRETUM: cum LIBRIS APOCRYPHIS: juxta exemplar Vaticanum, Accessit NOVUM TESTAMENTUM juxta Oxoniensem editionem recusam.

Lipsiæ

Lipſiæ ſumptibus Joh. Georg. Kœnigii, 1697. in 8. ch. aug.

Conſtat Alph. 5.

Quæ inter antiquas S. Scripturæ verſiones primum univerſæ veteris Eccleſiæ calculo locum olim tenuit, & cui etiamnum hodie debitus, etſi moderatus, honor haudquaquam abrogari poteſt, Græcam LXXviralem Veteris Teſtamenti Interpretationem, poſtquam ab aliquo tempore deſiderari per Germaniam cœpit, nova eaq; emendatiſſima editione recudi ſuis ſumptibus bibliopola, a doctiſſimis paſſim viris inſtigatus, curavit. Atque id eo quidem facilius ſibi perſuaderi paſſus eſt, quo magis e re omnium videbatur, eſſe Græcis Bibliis inſtructos, & quo minore cum cura vulgo, etiam apud Batavos, ea imprimi conſueviſſe, non abſque dolore deprehendimus. Accedebat, quod, etſi multoties in Germania prodiiſſet verſio LXXviralis, nunquam tamen juxta Vaticanam editionem expreſſa eſſet, ſed vel ad Complutenſem, vel ad Aldinam, duos reliquarum editionum omnium fontes, priuſquam Vaticana prodiret. Siquidem Complutenſe exemplar, auſpiciis magni illius Cardinalis Franc. Ximenii in Bibliis Complutenſibus A. 1515 excuſum, non ſolum Hiſpano Operi Regio Biblico Antwerpæ A. 1571, & Parisienſibus Bibliis Polyglottis, queis ſumptus Michael le Jay ſuos impendit, A. 1645 inſertum eſt; ſed & in Germania editum, a Commelinis Heidelbergæ A. 1599 in Bibliis Hebraice, Græce & Latine vulgatis: Latina vero verſio ſeparatim apud Andr. Cratandrum A. 1520 Baſileenſibus typis exſcripta prodiiit. Aldinam editionem, quæ poſt obitum Aldi Venetiis A. 1518 apud Andr. Aſulanum publico expoſita eſt, (Complutenſi multo ad fidem codicum Mſtorum ſincerior, cum illa in plurimis longe locis eſſet ad Hebræum textum ab editoribus emendata) ſecutæ maximam partem per Germaniam ſunt Argentinenſis anni 1526, Baſileenſis Hervagiana A. 1545, & Brylingeriana A. 1550, cui Latina etiam verſio acceſſit: demum & elegantiffima Francofurtenſis Wecheliana A. 1596, quæ cum fragmentis veterum interpretum, Aquilæ, Symmachi, Theodotionis & reliquorum, a Franciſco Junio, ut communi eruditorum conſenſu creditur, procuratæ eſt. Ita tamen hæ, quas commemoravimus, editiones Aldinam ſecutæ ſunt, ut non ſolum in ordine librorum, quem immutarunt, ſed & tranſumptis hic illic ex editione Complutenſi a-

aliquibus, quæ magis ad Hebræum textum accedere videbantur, ab eadem recedant. Vaticana vero, quæ tertius, puriorque duobus præcedentibus, fons Græcorum Bibliorum, qualia hodie habemus, est, auspiciis Sixti V. Pontificis R. cura Antonii Caraffæ Cardinalis, Flaminii Nobilii, aliorumque eruditissimorum virorum aliquot, & vetustissimis codicibus splendidissime & emendatissime cum scholiis antiquis, & fragmentis veterum interpretum, Romæ anno 1587 in lucem emissa est, secutaque anno statim sequente 1588 Latina Flaminii Nobilii versio, & scriptis Latinorum Patrum, quoadusque fieri poterat, congesta, cum novis scholiis. Hanc igitur, etiam Joh. Morinus Parisiis A. 1628 duobus tomis in folio exactissime recusam repræsentavit, Latinum Græco in singulis paginis apponens, & versiculorum subnotationem ad marginem addens, cum præmissa luculenta præfatione: etiam præterea Londinenses eandem quoque Græce recuderint A. 1655 in 4. & 8. ordine tantum, ubi rem ita poscere existimabant, pauculisque aliis ad textum Hebræum emendatis (quod tamen ægerime Brianus Waltonus tulit, a quo Londinensibus Polyglottis A. 1657 prorsus interemerata editio Vaticana inserta est) & secuti Londinense institutum Cantabrigienses A. 1665 in 12. 2. volum. cum eximia præfatione Ἡ πᾶν Joh. Pearsonii; hosque iterum secuti Batavi Lugdunenses anno 1683, in 12: nondum tamen hæcenus Germani e suis tabernis emisierant. Adeoque illam inprimendi desiderio, laudatissimo sane, tactus bibliopola, cum nec pretio neque prece, in tanta exemplarium raritate, Vaticanum ipsummet Romæ impressum exemplar nancisci posset, Londinense apographum elegit quod sequeretur; omissa editione recentiore Batava, quæ typographicis mendis scatet: a quibus vero ut perpurpurgata hæc editio in lucem prodiret, omni studio curaque omni laboratum sedulo est. Præterea non solum adjecta sunt scholia Vaticanæ editionis, & fragmenta insignia veterum interpretum; sed &, ut de variantibus a Vaticana editione lectionibus Aldinis simul constaret, eadem magno studio collectæ, suisque inter scholia locis, præmissis crucis signo, insertæ sunt. Denique, ut integer quoque Sacer Codex prodiret, annexum est Novum Testamentum, juxta postremam elegantem illam Oxoniensem editionem, quæ varias lectiones undique collectas complectitur.

Ne

Ne vero videretur præmium operi utilissimo deesse, operosa illi præfatio, velut isagogica, præfixa est, de Græcis S. Scripturæ versionibus & editionibus paulo latius dissertans. Autor illius clarissimus *Job. Frickius*, noster in colligendis Actis sedulus Collega, id sibi inprimis negotii dari credidit, ut succinctam Græcarum omnium S. Scripturæ versionum, quas quidem novimus, historiam e genuinis veterum scriptorum monumentis erutam exhiberet: tum recentiorum quoque Philologorum præstantissimorum disidia & observationes, quæ ad rem facere viderentur, excuteret immisceretque tandem sua quoque hic illic animadversa inspergeret. Ordinem chronologicum servat, adeoque ab initio statim de antiquissima illa versione Græca Bibliorum, quæ Persarum quoque imperium antegressa a nonnullis, Aristobuli Judæi Peripatetici autoritate inductis, creditur, ita agit, ut eam explodat: Simonio tamen non assensus, qui Aristobuli librum, & libros Hecatai arque Clearchi gentilium scriptorum (Judæis paulo æquiores) pro supposititiis habet; cui Noster ad allatas rationes respondet. Inde de Samaritica versione Græca loquitur, quæ num fuerit olim, inter viros doctos ex frequenti apud Patres Græcos, Eusebium, Theodorum aliosque ἡ Σαμαρειτικὴ allegatione disquiri solet. Eam non penitus esse in dubium vocandam judicat præfationis autor; sed tamen illos refutat, qui versione ἡν LXX antiquiorem existimant, cum Justino Martyre haud dubie junior illa sit. Monitus inde post publicatam isthanc præfationem a quodam amico est, forte Symmachi Samaritæ versionem Græcam ipsum illud esse ἡ Σαμαρειτικὴν, quod apud veteres toties allegatum legitur, nec alia ratione nomen Samaritici textus illi impositum fuisse, quam versioni Aquilæ nomen textus Hebræi apud Justinum aliosque Patres. De qua conjectura alii judicent.

Noster posthac de ipsa versione LXX virali agit, ejusque historiam, prout a variis veterum relata est, enumeratis una circumstantiarum varietatibus recenset: tum & recentiorum conjecturas refert, Joh. Lightfooti, Rich. Simonii, Joh. Croji, Jos. Scaligeri, Dan Heinsii, quas omnes, additis rationibus, rejicit: ut & Jac. Usserii de triplici versione LXX virali syntagma: nec non errores aliquot B. Mich. Waltheri; & alios anonymi alicujus, contra-

quem Ludov. Cappellus stilum strinxit. Frustra ab his omnibus rei gestæ, & tot veterum testimoniis confirmatæ, fidem meris conjecturis impugnari persuasus est: etsi nonnunquam fabulosa veris immiseri non dubitet. Totam S. Scripturam a LXX interpretibus ita versam censet, ut non simul & seniel, unave omnium opera, illud factum existimet; sed vel iterata editione, vel a singulis, post versionem Pentateuchi manum reliquis libris sensim admoventibus. Autoritatem illius versionis in Judæorum synagogis adeo magnam fuisse credit, ut non solum subnexa in publicis conventibus prælecto ante omnia textui Hebræo fuerit illa, quod Rich. Simonio videtur, sed & sola quibusdam in locis lecta. Observat insuper e loco quodam Maimonidis, Judæos Græcis characteribus Hebræos codices Bibliorum aliquando scripsisse: plane, ut successu temporis in Hexaplis suis fecit, Judæis id forsitan in acceptis ferens, Origenes.

De Aquilæ ætate, versione duplicis editionis, quarum posterior dicta καὶ ἀκριβέστερα, versionis hujus autoritate apud Judæos atque Christianos, & inprimis apud dissentientem toties a se Hieronymum, deque aliis hujus generis quæstionibus inde paulo fusius disserit: inter alia paradoxam Jf. Vossii opinionem recensens, qui e posteriore editione versionis Aquilæ Talmudica Judæorum Misnajoth originem accepisse, aliis persuasum ibat. De Theodotionis Symmachique ætate nonnulla contra Petavium assert, qui Symmachum illo majorem statuit, ab Epiphanio deceptus, quem excusari non posse nec emendatione corrigi, Noster credit. De his omnibus, ut & de quinta, sextaque & septima ἀνορύμων versionibus cum præter fragmenta nihil super sit, de his quoque agit, & quam multa super sint in MSS. codicibus Bibliorum Græcis, Nobilio, Drusio & Waltonio non animadversa, monet; nostræ quoque Bibliothecæ Paulinæ codicem unum laudans, membranaceum bonæ notæ, qui partem Pentateuchi continet, & ad marginem veterum ineditis fragmentis ornatus est. Postmodum de καὶ ἡ veterum agit, & in quantum illa sit ab editionibus Origenianis diversa. Hac igitur occasione Tetrapla Hexaplaque Origenis sollicite explicat: nec non Octapla, quæ cum Hexaplis plane eadem esse post Huëtium observat: Heptapla & Enneapla explodit. Editionem vero

vero obelis & asteriscis munitam (quæ & notavit, quæ apud LXX essent superflua, nec in Hebræo textu, & vicissim e Theodotione, Symmachove transsumsit, quæ juxta Hebræum fuerant *70s* LXX addenda) omnino a Tetraptis fuisse peculiarem diversamque, modestè contra Huetium tuetur, & varia simul ad illam editionem, explicandam in medium profert. Origenis laborem hunc per asteriscos & obelos rem agendi, adversus Hieronymum & recentiorum aliquot criminationes defendit, reliquiasque obelorum paucas recenset. Pamphili & Eusebii editiones Bibliorum Græcorum, olim in Oriente celebres, ab Origenianis nulla in re fuisse diversas, quam quod scribarum menda sustulerint, ex aliis animadvertit, & distingui debere addit editiones istas ab ea, quam diu post mortem Pamphili solus Eusebius auspiciis Constantini M. in usum Constantinopolitanorum procuravit. Exinde de Luciani & Hesychii claris per orbem Christianum *72y* LXX editionibus agit: & post alia illud inprimis annotat, errare, quotquot, Hieronymi quodam loco inducti, Eusebianeam, Lucianeam & Hesychianeam Græcorum Bibliorum editiones magno per orbem Christianum dissidio occasionem dedisse putant; cum eo loco Hieronymus causæ potius insecti, quam vera locutus animadvertatur: quod cum Benedictini Parisienses ad Hieronymum annotassent, Noster novis rationibus confirmat. Rejicit quoque opinionem Henr. Valesii, obelos & asteriscos a Luciano etiam & Hesychio adhibitos existimantis. Annotat, Masium & Conringium autumasse, Vaticanum codicem esse ad editionem Luciani expressum, & Jf. Vossium commemorare, reperiri in bibliotheca Christianæ Sueciæ Reginæ quandam ejusdem editionis codicem. Juxta Hesychii editionem esse scriptum codicem Alexandrinum, plurimos viros doctos secutus, non improbabile credit. Refert postmodum infelices Apollinarii in edenda versione Græca conatus ex Hieronymo, & ignotos Joh. Josephi cujusdam, nec non S. Basilii alios, quorum e veteribus libris Ulterius mentionem facit.

Paulo prolixior est de Sophronii versione Græca versionis Latinæ Hyeronimi ad Hebræum factæ, quam universam S. Scripturam comprehendisse non quidem affirmat temere, sed nec improbabile tamen ducit. Notat porro haud levem Salmasii errorem, qui

qui in Commentario de Hellenistica, ex male intellecto quodam Photii loco, affingit Theodoro Antiocheno novas novæ cujusdam, post reliquas omnes, versionis Græcæ molitiones: cum potius eo loco Theodorus Mopsvestiæ Episcopus (quem vel a patria, vel, quod presbyter eo loci esset, Antiochenum cognominatum constat) Aramum (i. e. Hieronymum) ob tentatam novam versionem Latinam atro lapillo notet. Ceterum non inficiatur Autor præfationis, præter eas versiones Græcas, quarum distinctam noticiam habemus, alias quoque fuisse plures *ανούμων*, de quibus nil nisi allegata subinde apud Chrysostomum aliosve veterum loca quædam exigua supersunt, quarumque auctores ii, qui fragmenta ejusmodi colligunt, communi termino *τῆς λοιπῆς* vocant, quo nomine & in MSS. codicibus notati inveniuntur. Addi vero tot versionibus Christianorum Græcis posset quoque Judaica Karræorum versio, quam in deliciis hi mire habent, & quam Constantinopoli Hebraicis literis impressam prodissse, Rich. Simonius in Historia Critica Veteris Testamenti lib. II. c. 1. auctor est. Exciderat ea Nostro, cum præfationem scriberet, sed paulo post, cum relegeret absolutam, omissio est animadversa.

Hunc in modum cum de antiquis versionibus & editionibus S. Scripturæ Græcis ubertim Autor *παραλεγόμενα* egisset, ad recentiores editiones progreditur. Sed de quibus cum sub initium jam satis dixerimus, non est cur hic verbum addamus: nisi de iis editionibus, quæ ultra molitiones viro- rum doctorum aut promissa progressæ non sunt. Talis erat editio Frontonis Ducæi, Jesuitæ, qui multas illi vigilias infumfit: sed haudquaquam tamen, ut vulgo e Sarraui atque Colomesii relatione creditur, Sixtinæ tantum Vaticanæ editionis aliquam recensio- nem moliebatur; sed plane aliam *τῆς κοινῆς*, apud antiquos, Hieronymum præsertim, adeo celebratæ, Græco-Latinam obelis & asteriscis distinctam editionem: pro- ut ex ipsiusmet Ducæi epistola apud Lambecium superstite Notter observat. Inspexit ea occasione aliqua de Cottoniano Genesios codice vetustissimo lectu non injucunda, quem scilicet adhibuerat Ducæus, & qui post ejus mortem in Angliam remissus diu latuit, donec a Viro clar. Thoma Gale suo domino restitueretur. Codicem Alexandrinum, qui in Regia Londinensi bibliotheca asservatur, Patri-

Patricius Junius edere sibi aliquando proposuit, sed, etiamsi edidisset, parum dedisset sincerum, quod e Waltonio monetur, eo ipso scilicet, qui sinceriores codicis illius lectionem per epitomen in Polyglottis suis exhibuit. De promissa toties, sed nunquam data, & forte ne serio apparata quidem Jf. Vossii editione τω LXX, nec non de similibus Pauli Colomesii promissis, dicere ex præfatione, superfedemus, cum alias sat abunde nota sint. Sed illud non prætereundum, quod alicubi monetur de Colomesio a se ipsomet non obscure dissentiente, dum in notis ad Scaligerana, Vaticanam editionem non dubitet codici Alexandrino longe cum Jsaaco Vossio postponere, & tamen in epistola ad Justellum, ut se in quibusdam Vossio dissentire Simonio ostendat, Vaticanum producat τω LXX codicem, eumque se pro omnium præstantissimo reliquisque haud dubie præferendo, secus ac Jf. Vossius judicet, habere referat. Unum adhuc, priusquam finiamus, monendum ab Autore præfationis rogati duximus: illum scilicet, errore calami festinantis, ultima pagina male Orationem Manassis ex Aldina editione in hanc, quam præ manibus habemus, translatam dicere, cum potius ex Complutensi manarit in Francofurtensem Wecheliamam, & ex hac in Lipsiensem nostram: quam de cetero non displicituram publico putamus.

RESPENSIO DANIELIS PAPEBROCHII EX SOC. JESU

Theologi ad Exhibitionem errorum per Adm. R. P. Schaffianum a S. Paulo Colonia A. 1693 evulgatam.

Antverpiæ, ex typographia H. Thieullier, 1696. 4. Alph. 1. pl. 20.

RESPONSIQNIS EJUSDEM PARS II.

Antverpiæ apud viduam H. Thieullier, 1697. 4. Alph. 3. pl. 4.

Parum absuit, ut in tanta novorum, qui undique confluunt, librorum copia, præsentis operis nos cepisset oblivio, (cujus quidem particulam in his Actis jam A. 1606 pag 500 seqq. recensueramus) nisi commodum ad nos pars ejus altera ab ipso Auctore celeberrimo transmissa pervenisset. Resumimus itaque in manus librum, & tanto libentius, quanto plura notatu digna in eo se offerunt. Et nunc quidem ex iis, quæ in parte prima reliqua sunt, quædam delibabimus, alteram in aliud tempus dilaturi.

L

Arti-

Ad *Articulum III*; quo Adm. R. P. *Sebastianus a S. Paulo*, Ordinis Carmelitani in Belgio bis Provincialis, Papebrochium irreverentiæ erga Summorum Pontificum Bullas aliasque Literas Apostolicas accusaverat, respondet Papebrochius, Decretales Epistolas omnes, quæ in Ecclesia receptæ sint tanquam doctrinam sanam continentes, a se quoque recipi; ast quod ex, quæ Siricium Papani præcedunt, suppositæ aut interpolatæ sint, tantum abest ut inficias ire cupiat, ut, dum ad Baronii, Bellarmini, Perronii, Sirmondi, Petavii aliorumque consensum provocat, *Philippi Labbe* non dubitet sua velut facere verba: epistolas illas *adeo deformes viris perspicacibus videri, hoc saltem tempore, ut nulla arte, nulla cerussa aut purpurisso sucari possint.* Infallibilitatem Romanorum Pontificum in rebus fidei & morum agnoscit, non item in rebus facti: unde fieri posse ait, ut in eorum Bullis subinde narrentur quædam ac referantur a veritate aliena, & a supplicantibus fraudulenter suggesta. Utique cum alia occasione controversiæ meminisset, quæ de S. Benedicti corpore inter Italos Gallosque intercedit, utriusque possessionem ejus jactantibus, negari non posse monet, & Italos & Gallos Pontificum niti Bullis, quæ proinde, velut contradictoriæ, simul veræ esse non possint. Etsi Papebrochius ipse profiteatur, *paratum se esse, S. Benedictum venerari, tam in eo quod in Italia, quam quod in Gallia est, corpore, nibilque se dubitare, quin id gratum Deo sit, non nimium scrupulosos nos volenti esse in hac parte, ne, dum locus deligitur, religio minuat.* Porro & id objectum Papebrochio fuerat, quod contra diversa Pontificum diplomata, Ecclesiæ S. Aphræ Brixienfis Reliquias explodere fuerit ausus. Qua de re *Tomo I. Supplementorum Sectione III. p. 134. seq.* nos dixisse meminimus, cum Rev. Abbatis S. Aphræ *Onuphrii* (Honorium errore graphico tum vocavimus, quod mendum & in indicem irrepsit, facile a quovis corrigendum) *Stella* librum Henschenio & Papebrochio oppositum recenseremus. Sed perstat in sententia Noster; tum quod arbitretur, Stellam nonnisi *Guerrini Cerreti* Chronico, quod fabulosum tamen agnoverit ipse, dictas Reliquias & Brixienfis Ecclesiæ Martyrologium tueri; tum quod persuaderi sibi non patiatur, cognomina hodierni usus, ut sunt Lombardica, Teutonica, & illis recentiora Italica, tam antiquis, quorum Reliquiæ jactantur, Sanctis

Atis convenire. Postrema Articuli III Accusatione reprehensus Papbrochius fuerat, quod Joannis XXII Bullam, Sabbatinani vulgo dictam, qua Beata Virgo Maria Carmelitæ habitum induta Pontifici apparuisse, & sanctum suum ac devotum Carmelitarum, Ordinem, per Eliam & Eliseum in monte Carmeli inchoatum, commendasse ac Indulgentiis munivisse fingitur, cum Joanne Launoy velut spuriam ac suppositam rejecerit. At Noster intrepide neque Joannis XXII Bullam illam; neque aliam Alexandri V, qua istam confirmatam Carmelitæ credunt, ullius esse fidei contendit: sub finem licet professus, se earum Indulgentias, utpote a successoribus Pontificibus confirmatas, non impugnare, eo quod subsequenti Pontificum Bulla factis quidem particularibus veritatem non tribuant, Indulgentiis tamen etiam supposititiis valorem indere possint.

Articulo IV violatorum Decretorum Pontificalium reus Noster, negat denuo Missalium, Breviariorum, atque Conciliorum extra materiam fidei tantam esse auctoritatem, ut factis etiam particularibus fidem quisque ideo solum, quia in Breviar. o, vel in Missali, aut Concilio quodam referuntur, tribuere teneatur, de falsitate licet eorum aliunde convictus. Negat denuo crimen esse, hæreticum ab ingenio, eruditione, diligentia laudare, aliisque id genus logiis, a quibus sanæ doctrinæ nihil imminet periculi, ornare: cum nec Ethnicis negari talia soleant, & in Tertulliano, etsi in Montani hæresin fixæ de prolapsio, atq; Origene, anathemate licet a quinta Synodo generali Constantino-politana percusso, quæ in iis sublimia fuerunt laudare, religioni nemo ducat. Negat a se peccatum, dum seculo post Christum natum undecimo morum eam fuisse corruptelam asseruerit, ut etiam qui Dei famulatum erant professi, non magno crimini sibi duxerint, pro tuendis possessionibus suis diplomata fingere aut interpolare: cum communem eam istius ævi infelicitatem Mabillonius etiam, Baronius aliique agnoverint.

Sacrorum Conciliorum auctoritatis labefactæ Articulo V accusatus, initio statim monet, non postulandos illico hæreseos, qui Concilium aliquod erroris arguerint, nisi Bellarminum etiam, Joannem a Turrecremata, & Jo. Malderum suspectos de hæresi dixeris, quod scripserint, Concilium generale sextum errasse, dum Honorium Pontificem tanquam Monothelitam damnarit. Ipsa

dein Acta seu Capitula Concilii Romani sub Zacharia celebrati ad ineptias a se relegata inficiatur, etsi Appendiculam subscriptionum Episcopaliū inepti cujusdam hominis esse scripserit. Libros de Hierarchia, qui S. *Dionysio Areopagita* tribui solent, suspicere se & venerari dicit ut Divino Spiritu scriptos, sed eorum auctorem Areopagitam fuisse, quamvis pro eo stet plurium seculorum possessio, & sub ejus nomine a quibusdam Patribus & Conciliis citentur, id vero est, quod a se negatum, & adhuc dum negari fatetur. Negat Concilio Florentino a se contradicendum, dum Pontifices Romanos non Petri solum, sed & Pauli successores affirmaverit; idem etiam ab Irenæo, Bernardo aliisque factum ostendens. Plura ad *Articulum VII* ipsorum etiam Pontificum Romanorum aliorumque testimonia adducit, quibus comprobetur, Paulum recte Episcopum Romanum dici posse: etsi vicissim concedat, Paulum in Ecclesiæ Romanæ regimine Petro fuisse subjectum, Ecclesiæ vero universalis caput solum Petrum fuisse, adeoque summos Pontifices in Romano quidem Episcopatu Petri & Pauli, in Episcopatu autem universalis & primatus Ecclesiæ solius Petri successores dicendos. Ad eundem Articulum repetit Papebrochius, ampliusque confirmat, quod olim statuerat, ante Nicæni Concilii tempora unius Ecclesiæ plures subinde Episcopos videri fuisse: iuno asserere non dubitat, etiam nunc Romæ, præter Summum Pontificem, duos alios esse Episcopos, quorum alter *Vicarii*, alter *Vices-gerentis* titulo insigniatur.

Articulo VIII violatæ Eminentissimorum Cardinalium dignitatis accusatus, agnoscit, ex Historiis Conclavium Pontificiorum, etiam Clemente VII posterioribus, deprompta a se & Sanctorum Actis illata nonnulla fuisse, electis quidem Pontificibus non indecora, eligentium tamen & candidatorum quibusdam haud æque honorifica; nec sine fructu id a se factum confidit, quod ex his talibus appareat, quomodo Divina sapientia quandoque humanam ad stuporem omnium confundat, & maxime secretas callidasque negotiationes ad effectum ab intento diversissimum dirigar. At postquam cognovisset, institutum hoc suum minus probari aliis, ac istas Conclavistarum relationes nullius Romæ auctoritatis censerī, non mutasse tantum se ait sententiam, sed solenni etiam Protestatione,

tione, Tomo II Sanctorum mensis Junii præfenda, Acta ista Conclavium, veluti Pontificiæ Historiæ gravitate parum digna, in omnibus jam editis exemplaribus aboleri cupit. In eadem Protestatione elogium, quod aliquando Innocentio VIII, ex verbis Iohannis Stellæ scriptoris cœvi dederat, natum *Cyborum familia, mediocri, sed honorata*, non de mediocritate natalium, sed fortunarum intellectum se velle monet. Benedictum porro IX, duodecim circiter annorum puerum, per patris Alberici Comitis Tusculani largitiones & coempta suffragia, ad Pontificatum evectum fuisse, ita denuo confirmat, ut calamitate temporum excusare videatur. Dissensum in quibusdam suum a Baronio & Bellarmino Cardinalibus, aliorum magni inter Romano-Catholicos nominis exemplo tuetur. Non negat se docuisse, quod Episcopi olim in sublimiori dignitatis gradu, quam Cardinales, fuerint collocati: verum hoc non de Episcopis omnibus, sed solum de septem illis, quæjam tum Romani Pontificis suffraganei fuerint, qui & nunc primum sint inter Cardinales, & olim, cum ipsi Cardinales nondum essent, Cardinalibus fuerint prælati, assertum a se monet.

Articulus X, XI & XII criminum in ipsos Sanctos reus peractus erat Papebrochius, tamen omnium studiorum laborumque suorum scopum fructumque statuisset, bene de Sanctis mereri. Sed tanto animosius istam accusationem depellit. Ut paucissima attingamus, pernegat, suspectam a se redditam historiam de Assumptione B. Virginis Mariæ: Tamaji *Martyrologium Hispanicum*, & Cardosi *Hagiologium Lusitanicum*, ex Dexter, Luitprandi & Juliani Pseudo-Chronicis, de quibus & nos alibi, auctum fuisse ignoris ante hoc seculum Sanctis, auctoritate Nicolai Antonii & Eminentiissimi Cardinalis d' Aguirre confirmat: Acta SS. Catharinæ & Barbaræ in dubium a se vocata non abnuir, dubitationisque suæ causas prolixè exponit: Vitam S. Swithberti, S. Marcellino socio ejus vulgo adscriptam, cum P. Joanne Bollandò denuo reprobatur, laudatque consentientem secum Mabillonium: perstat in sententia, martyrium S. Felcis Papæ (cruentum nempe) a Luciferianis esse confectum: quod S. Athanasius Trevisin cisterna siccata per annos septem delituerit, fabulam esse denuo asserit, ab ipso Christophoro Browero, Trevirensium traditionibus plus æquo cæteroquin indulgere

solito, in Annalibus Trevirensibus ad A. 338 n. 40 explosam: nec minus fabulosa adhuc agnoscit, quæ de B. Angela, Raymundi Bohemiæ Regis filia, a Carmelitis jactantur; quæ dudum Bohuslao etiam Balbino, in Epitome Historica rerum Bohemicarum, suspecta fuerint, quod Bohemia nullum ejus nominis Regem habuisset, nec patriis Scriptoribus Angela illa unquam fuisset cognita; Vitam S. Mauri, a quo Congregatio ordinis S. Benedicti instituta est, literarum hoc tempore cultu in Gallia florentissima, quæ S. Faustum socium ejus auctorem præfert, conscriptam esse statuit, certe mire depravatam demonstrat, idque ingenue agnoscentes ex ipso ordine S. Benedicti Congregationis S. Mauri Duumviros clarissimos, *Lucam Acheryum & Johannem Mabillonum*, in Actis Sanctorum suæ professionis, producit: Acta S. Canionis, ejus qui sub Diocletiano & Maximiano passus creditur, suspecta sibi esse non diffitetur, huncque Canionem conjicit cum altero S. Canione, quem seculo V ex Africa in Campaniam venisse constat, confundi: Translationem Romanam S. Stephani Protomartyris, quam Eruditis quibusdam fabulosam videri olim dixerat, nunc conscriptam omnino esse, erudite ostendit. Sed hæc speciminis loco suffecerint.

OBSERVATIO MERCURII SUB SOLE,

Noribergæ, anno 1697, d. 24. Oct. St. vet. instituta a

Dno JOHANNE PHILIPPO WURZELBAUR.

Excerpta ex Ejusdem Epistola ad - -

HORA oscillatorii VII. 15. 30 limbus Solis superior ab horizonte nostro prorupit, Sole trans vapores spissiusculos tanta luminis hebetudine conspicuo, ut umbella Mercurii discerni inde prius nequirit, quam superatis post horæ tridentem vaporibus. Tunc enim hora oscillatorii VII. 36, discus Solis trans tubos, quibus ante septennium in consuevi observatione usus fui (unum $5\frac{1}{2}$, alterum 4 pedum; hunc tribus, illum duobus lenticulis ærmatum, utrumque non ultimæ notæ) affluens Mercurium primum prodidit. Erat hic puillo globulo uno fere gradu ultra diametrum horizontalem ad lavam elevatus, distabatque sesquidigito fere a limbo meridionali; quem primitus apparentem situm tamen, ductu posterorum

1. 1. 1.

2. 2. 2.

3. 3. 3.

4. 4. 4.

5. 5. 5.

6. 6. 6.


7. 7. 7.

8. 8. 8.

9. 9. 9.

10. 10. 10.





MENSIS FEBRUARII A. M DC XCVIII. 87

riorum ad limbum usque Solis designatorum situm, in simili a limbo distantia infra diametrum horizontalem referendum censuimus. Comparebat autem plusquam dimidia parte exilior ac ante septennium, paulo tamen solidior, nec tum omnino rotundus: inferne nigricantior; circa medium umbra lumini sensum commixta, superne autem lumine, lumen disci Solaris si non superante, diverso tamen imbutus. Inde obliquo & incurvato aliquantulum tramite paulatim ascendens, horæ unius & $11\frac{1}{2}$ minutorum spatio, ad limbum Solis meridionalem, & ejusdem ab horizontali diametro numeratos gradus $16\frac{1}{2}$ (quod punctum limbi, diligenter attento Verticali, accurate notavimus) appulit, ibidemque contraria ac ante septennium ratione, figuram genuinam protinus amittens, instar fili attenuatus, hinc inde nutando, H. 8. 47. 36. discum Solarem omnino deseruit. Reliqua observationis momenta, præter figuram prototypo conformem, adjecta tabella uberius exhibet.

TAB. III.
Fig. 1.

23. Oct. p. m.					
H.	1.	11		1.	11
2.	59.	0	altitudo Solis versus occasum	14.	30. 0
3.	17.	30	altitudo Solis	12.	26. 0
5.	46.	0	culminat Saturnius	20.	17. 10
24. Oct. a. m.					
5.	47.	30	altitudo Procyonis versus occasum	44.	57. 0
6.	4.	35	altitudo ejusdem	43.	51. 0
	15.	15	altitudo hum. seq. Orionis vers. occ.	32.	5. 0
	23.	30	altitudo ejusdem	31.	3. 0
	29.	15	altitudo ejusdem	30.	8. 0
	36.	40	altitudo ejusdem	29.	5. 0
7.	15.	30	limbus Solis superior oritur horizonti		
			nostro circa Azimuth 65 a meridie.		
	19.	30	limbus Solis inferior nobis oritur.		
	39.	0	Mercurius in Sole primum apparet circa		
			num. 1.		

8.		9.		10.		11.		12.	
39.	0	Idem	ad	n.	2.				
41.	30	-	-	-	-	3.			
45.	25	-	-	-	-	4.			
53.	0	-	-	-	-	5.			
56.	0	-	-	-	-	6.			
59.	0	-	-	-	-	7.			
1.	20	-	-	-	-	8.			
5.	43	-	-	-	-	9.			
18.	30	-	-	-	-	10.			
28.	15	-	-	-	-	11.			
34.	30	-	-	-	-	12.			
42.	7	-	-	-	-	13.			
45.	34	-	tangit	limbum	Solis	meridionalem.			
47.	36	-	instar	fili	attenuatus	egreditur &			
			disparet.						
57.	44	altitudo	Solis	versus	ortum	-	-	13.	35. 0
7.	0	-	-	-	-	-	-	14.	37. 0
14.	0	-	-	-	-	-	-	15.	28. 0
20.	56	-	-	-	-	-	-	16.	10. 0
28.	50	-	-	-	-	-	-	17.	0. 0
33.	50	-	-	-	-	-	-	17.	30. 0
45.	38	-	-	-	-	-	-	18.	40. 0
55.	0	-	-	-	-	-	-	19.	28. 0
10.	1. 15	-	-	-	-	-	-	20.	0. 0
12.	2.	0	altitudo	meridiana	Solis	Quad. M.		25.	10. 0

Ex Solis & stellarum altitudinibus istis, circa annotata momenta Quadrante duorum pedum orichalceo azimuthali, nova regula instructo, captis colligo, horologia mea oscillatoria a meridie præcedentis diei 23 Octobris ad meridiem diei 24ti, cum revolutione, ac motu Solis diurno æqualitate exacta processisse; sed die præcedenti, ob interruptam adventu amici observationem meridianam, 2 tempore vero promotius directâ fuisse. Singulis proinde consignatis oscillatorii momentis, minuta prima duo pro correctione demenda erunt. Atque inde pro instituto nostro tanquam potissima eligimus, apparitionis primæ & disparitionis egredientis e Sole

MENSIS FEBRUARII A. M DC XCVIII. 89

Sole Mercurii momenta, iisdemque ex Tabulis nostris & deductione trigonometrica conveniunt:

	H.	l.	II	H.	l.	II	
	7.	34.	0	8.	45.	36	Radius porro disci Solaris, intra quem, ad tabel-
Locus ☉ M.	11.	35.	24	11.	38.	24	lam orbiculatam, pedes 6 a tubo distan-
Afc. Recta	219.	8.	36	219.	11.	33	tem, Mercurium exce-
Gr. Equ. culm.	152.	38.	26	170.	35.	33	pimus, erat partium de-
Gr. Equ. oriens	242.	38.	36	260.	35.	33	cies millesimarum pe-
Gr. Ecl. oriens	15.	0.	48	28.	0.	36	dis Noribergenſis 3180.
Angulus orient.	54.	41.	37	49.	6.	20	In prima apparitione di-
							stabat Mercurius a cen-

gradu infra diametrum horizontalem: portiuncula autem orbitæ observata erat part. 1130. Semidiametrum Solis ex tabula *Picardi* huic dici competentem assumimus 16. 16.

His datis ad bina ista momenta ope trigonometriæ eruuntur tempore apparitionis primæ

Latitudo australis part. 2003, in part. circuli	0.	1.	11
Longitudinis a centro dist. in Ecliptica p. 1367, in p. circ.	0.	10.	15
Locus Solis tunc erat -	0.	7.	0
Ergo locus Mercurii retrogradi in Ecliptica numer.	m.	11.	35. 24
At si primitus notatum apparitionis punctum uno gradu ultra horizontalem Solis diametrum a centro p. 2310 distans applicemus, erit	m.	11.	28. 24

Latitudo australis p. 1870, in part. circuli	0.	1.	11
Longit. a centro distantia in Eclipt. p. 1374, in p. circ.	0.	9.	34.
Locus Solis tunc erat -	0.	7.	2.
Ergo locus Mercurii retrogradi in Ecliptica	m.	11.	35. 24.
Consultum autem erit, ut utriusque huius puncti deducta eousque, donec rationem diversitatis (si qua subsit) partium diametri Solaris veræ & per tubum projectæ rite exploravero, pro certioribus haud assumamus.	m.	11.	28. 22.

Tempore egressus Mercurii e Sole, qui rursus ad 16½ ab horizontali diametro gradum conngit, invenitur

M

0. 1.

Latitudo australis part. 1714, in partibus circuli	o. 1. 11
Longit. a centro distantia in Ecl. p. 2679, in p. circ.	o. 8. 46.
Locus Solis tunc fuit	o. 13. 42.
	m. 11. 38. 24.

Ergo longitudo Mercurii retrogr. in Eclipt. numerati m. 11. 24. 42. Ex observatis his, indeque deductis, nunc non tantum conjunctio Mercurii cum Sole proxima, & momentum, quo limbum Solis aggreffus est, sed & integra ejusdem sub disco orbita, ejusque angulus ad Eclipticam, & plura huc spectantia calculo subducenda forent: at quia exigua orbitæ observatæ, ad 6 haud excurrere portiuncula his determinandis haud sufficit; calculus etiam tabularum astronomicarum valde ab observatione dissentit (dum latitudo observata decrescens nodum & locum ejus inde deducendum retroagit, Mercuriumque ad eundem accessisse, non recessisse arguit) in dissidii istius causas, ex supradicta apparentiæ diversitate forsitan oriundas, inquirendum, & induciæ, intra quas repugnantia sibi conciliari possint, ineunda erunt.

Addimus tandem observatam Mercurii diametrum, quam ex tantilla, quæ intra discum observatorium, granum papaveris aliquantulum superante apparuit, umbella deducere haud voluimus; sed ex ea, quam in ampliore & 16 pedes a tubo distante disco Solis lucido, cujus diameter 1½ pedes, vel accuratius partes supra memoratas 17420 continebat, ea magnitudine, quam Schema prope signum ♄ majusculum exhibet, excepimus, partium ejusmodi 98, quæ in partibus Circuli, assumpta semidiametro Solis 16. 16, diametrum Mercurii 11, construunt.

Atque hac vice visa fideliter retulisse sufficiat: quæ vero longe lateque (ita speramus) patente serena cœli facie, circa rarissimum istud phænomenon observata fuerunt, pro exoptatis rerum Uranicarum & Geographicarum usibus & incrementis, vicissim nobis communicatum iri, etiam etiamque confidimus.

MERCURII OBSERVATIO IN SOLE, HERVELSINGÆ, PAGO

ab Illma militari Germanico Septentrionem versus distante,
habita D. 24. Oct. St. vet. mane, A. Christi 1679.

a M. Jacob. Honold. Pastor. Hervels. & Michael Scheffelt,
Ulmenibus.

TAB. III.

Fig. 2.

Conferatur TAB. III. Fig. 2.

OR-

ORDO observatio- num,	Tempo- ra secund. Horolog,		Altitudi- nes		Tempora ex altitud.			Diffe- rentiæ.	
	Hor.	Min.	Gr.	1.	Hor.	1.	11.	1.	11.
I.			Arcturi						
II.	6.	37.	26.	58.	6.	36.	6.	—.	54.
	6.	40.	27.	2.	6.	36.	29.	3.	31.
			Solis						
III. a	7.	18.							
IV. b.	7.	49.							
V. c.	8.	20.	7.	56.	8.	6.	4.	13.	56.
VI. d.	8.	50.	11.	50.	8.	35.	51.	14.	9.

LA ISTORIA UNIVERSALE &c.

i. e.

*HISTORIA UNIVERSALIS ANTIQVVS MONVMENTIS CON-
firmata, Veterumque Symbolis representata a*

FRANCISCO BLANCHINO, VERONENSI.

Romæ, sumptibus Autoris, 1697 in 4. alph. 3. plag. 8.

Multa a variis diversa methodo, nostro æque ac antiquioribus temporibus, edita extant opera, quibus id efficere conati sunt eorum Autores, ut magis expedita ad Chronologica & Historica studia via redderetur. Cum enim Sapientem non unis circumdatum mœnibus, aut popularem unius loci, sed civem totius mundi, veluti unius urbis, sese agnoscere deceat; idque ipsum ut consequatur, per omnia retro secula animo oporteat vagari; mirum non est, certum doctorum virorum excitata studia esse, quæ ad facilius reddendum istud iter conferrent: neque nos meminisse non possumus similis in Germania nostra industriorum Virorum instituti, de quo ipse hujus anni mense Januario p. 9 seq. diximus. Sed nostrum non est, quas illi laboribus suis in literatorum Republica meruerunt adoras, oratione fusius nunc persequi; aut comparatis inter se invicem eorum studiis, cui primæ debeantur partes, nostra sententia decernere. Omnibus fere, clarissimi Blanchini judicio, id defuit hactenus, quod claram, integram, omnibusque partibus suis coherentem.

M 2

terum,

rerum a condito usque mundo gestarum notitiam, non nisi ægre admodum ex illis haurire licuerit. Ipse igitur rem nova plane ratione aggressus, symbolicis figuris, ex antiquissimis, quæ nobis restant, monumentis ingeniose combinatis, simul & argumenta, quibus rerum eventus temporumque ratio confirmantur, complexus est, & phantasia atque memoriæ inservivit; ut altius impressa hujusmodi imagine, omniumque symbolorum inter se invicem nexu probe percepto, facilius tantam varietatem retinere valeat. Et omne quidem tempus in duas periodos divisit, quarum prior a condito mundo ad Augusti usque & prima Romanæ Monarchiæ tempora protenditur; altera illud, quod ab ea ætate ad nostri usque seculi initium elapsum est, tempus ambitu suo amplectetur. Hinc in duos tomos universum opus abibit, quorum compendium, symbolicas nimirum figuras, duæ tabulæ comprehensuræ sunt, quibus tertiam se forsitan ait additurum, cum nostri seculi historia, indicibusque toti operi inservituris. Primam ex istis tabulis quadraginta figurarum symbolicarum combinationes representaturam esse ait, numero nimirum suo totidem seculis, quibus prior temporis periodus absolvitur, responsuras. Alteram vero, licet sedecim tantum secula ob oculos ponat, duplum tamen hujusmodi imaginum numerum complexuram esse dicit. Tempus enim illa representatum in duas subdivisit periodos, ab Augusto nempe ad Carolum M. & ab hoc ad initium seculi XVII: quarum utraq; octo seculis integris absoluta, quadraginta combinationibus hujusmodi ob oculos ponetur. Cæterum prolixum nimis foret, si istam methodum, variumque imaginum, quibus absolveretur, ordinem fusius exponere nunc aggredieremur. Omisissis itaque iis, quæ de ordine earum, numeri accurata proportionem inter singularum periodorum imagines, juvanda memoriæ causa, observata, variique characteribus, quibus distinguuntur, afferenda nunc essent; ex omnibus imaginibus, in hoc prolixioris operis specimine, historiam profanam a condito orbe usque ad Homeri tempora continente, obviis unicam exhibere placuit. Ejus enim representatione, quantum fieri potest, Lectori id, quod in hac methodo præcipuum est, evidens fore existimamus. Seligimus autem eam, quæ sextum millenarii tertii seculum representat, ideo potissimum, quod literarum

TAB. III.
Fig. 3,

rum in Græcia incunabula , Fæstorumque maxime solennium institutio in illa tempora incidat. Ad tertium millenarium eam pertinere, primo statim obtutu patet ex asterismo , qui in ea obuius est; quales nempe omnes tertii millenarii imagines habent: quemadmodum secundi millenarii imagines, inter alias, ex quibus componuntur, figuras , aquam semper, ob diluuii tempora in eum incidentia , & ita porro alix periodi alios sibi proprios characteres repræsentant. Aurigam autem siue Erichthonium ille asterismus exhibet , utpote quem, ob exercitas illo ævo Circenses agitatorum artes, inter sidera, hominum, qui admirati eum fuere, studia collocaverunt. Quicquid itaque in ista imagine conspicitur, ad Erichthonium fere pertinet, cuius gloria seculum, de quo agimus, potissimum illustravit. Paulo altius itaque repetitis antiquissimis Græciæ sub Pelasgi posteris, Deucalione iidem, Hellene , atque Græco fati; variisque enarratis, qui eam diversis temporibus istis tenuerunt, populis ; atque ea occasione de quinque Græciæ dialectorum origine nonnullis observatis: de litterarum, quas seculo præcedenti in Græciam attulerat Cadmus , origine Noster nonnulla minime vulgaria affert, ita tamen, ut longe potissimam eorum, quæ habet dicenda de isto argumento, partem peculiari, quam liberaliter pollicetur, dissertationi reservaverit. Contentus interea ostendisse, quod eandem cum doctissimo Bocharto viam, in derivandis reliquorum populorum ex alphabeto Phœnicum literis, jam superiori seculo Petrus Franciscus Giambullarus, Academicus Florentinus, iniverit; ex cuius libro de Originibus linguæ Hetruscæ, Florentiæ anno 1549 impresso, prolixum in eam rem fragmentum adduxit. Jam litterarum inventarum potissimum usum sub initium fuisse monet, ut in Amphictyoniiis, (quorum originem & progressum ex Virorum doctorum ad Marmora Oxoniensia notis fufius persequitur,) gesta, legesque, & pacta Græcorum, in tabulas æneas inciderentur, hæque in locis sacris suspenderentur. Ad Amphictyoniorum autem imitationem, ab Erichthonio, rerum Athenis potito, Panathenæ instituta esse, additis reliquorum ludorum in solennibus hujusmodi conventibus frequentatorum turbæ, tum aliis quibusdam, tum curru imprimis, ex Epochis veterum Græcorum in Marmore Oxoniensi descriptis docet. Atque ad hoc Erichthonii inventum designandum,

in imagine a nobis exhibita, non cœleste tantum sidus pertinet, sed altera etiam figura numeris 3 & 4 notata. Etenim cum omne ludorum solennium, sequioribus temporibus institutorum genus, Amphictyonis, imo magis adhuc Panathenæis originem debeat, utpote in quibus, exemplo eorum, agitatorum semper fuerint instituta certamina, merito monumenta ad quoscunque ludos solennes spectantia, Erichthonii inservire memoriæ opinatur. Indeque jure huc ex Imperatoris Commodi nummo translatam a se esse credit eam, de qua agimus, figuram, licet ad Eleusinia repræsentanda ea primario ex mente ejus faciat: namque horum quoque Sacrorum ludos solennes, una cum aliis, originem Panathenæis debere contendit. Præter rem autem nos facturos putamus, si prolixius ea, quæ occasione ista de Eleusiniis sacris attulit, vellemus repetere. Quin potius Commodi nummum, eo quod ab Angelono olim parum exacte fuerit repræsentatus, hic quoque exhibebimus, prout a clarissimo Autore ex integerrimo prototypo, quod hodie apud Lugdunenses in Gallia in cimeliarchio suo asservat Petrus de S. Germano, fuit delineatus. Ejus partem averfam ita doctissimus Blanchinus explicat, ut illum, qui capite radiato quadrigas agit, ipsum Commodum esse dicat, Solis figura repræsentatum; ita tamen, ut simul ad ejus Circenses ludos exercendi libidinem, a Lampridio notatam, respiciatur. Zodiaci signa, capiti ejus imminencia, explicare difficile non est, cum in isto circulo iter suum Solem peragere, notum sit: ejus tamen repræsentatio eo minus hic videtur esse otiosa, quod nominibus suis singulos anni menses Commodus, Lampridio & Dione Cassio testibus, appellari voluerit, ac si ipse esset, qui Solis instar mensibus annum distingueret. Jam porro non in nubibus, ut Angelono visum fuerat, sed in monte, quadrigas agere nobilis ille agitator Blanchino videtur. Virum autem facem præferentem ad Eleusinia sacra pertinere credit, atque huc tum Lactantii locum Divin. Inst. L. I. c. 21, tum alia complura refert. Denique per facinoram, cum cornu copiarum monte collocaram, Cererem eum intelligere, dubium non est, licet expresse id non edoceat. Cæterum adhiberi in Panathenæis sacras cistas sive canistra, unde virginum *καὶνὴ ἰόρῳν* natum est nomen, Erichthonius voluit: talem itaque virginem sub num. 5 repræsentavit. Cistam vero Bacchi, quæ num. 7 conspicitur, cum serpen-

te

TAB. III.
Fig. 4.

te ex ea profliente , ad natales & educationem Erichthonii refert, prout describitur quoque ab Hygino Poet. Astronom. l. 2. c. 13, atque Baccho ab Erichthonio eam tributam esse censet. Cumq; Isthmiorum, Pythiorumque & cæterorum apud Græcos ludorum origines ab Erichthonio & institutis ab eoludis repetat , vasa quoque sive cistas cum inserto lauri ramo, quibus nummi antiqui ludos istos designant, exhibuit. Denique nummus sub numero 6 repræsentatus, & ex Golzii Magna Græcia desumptus, Argivorum est, id quod litera A notat. Eo autem clarissimus Auctor missas ab Argivis in Italiam hoc seculo colonias ob oculos ponere sategit, cum nimirum temo sive gubernaculum, & delphinus, navis qua iter fecerunt signum, trajectum ab iis ad quærendas in Italia sedes mare, luculente indicare videantur,

מזבח עולה

i. e.

DE ARA EXTERIORE TEMPLI SECUNDI EXERCITATIONES
Philologica, Auctore JOH. JACOBO CRAMERO,
Tigurino.

Lugduni Bat. apud Jord. Luchtmans, 1697. 4. Alph. 1. pl. 7.

Ritibus sacris Ebræorum ex tenebris, quibus obruti atque sepulti fuerunt, eruendis, licet multi, iique doctissimi Viri gnæviter operam dederint: nunquam tamen, quantamcunque etiam doctrinam ad hocce negotium attulerint, eo usque profecerunt, ut non aliquid caliginis discutiendæ relinqueretur. Comprobari hoc potest præsentī Viri doctissimi, Jo. Jacobi Crameri, opusculo. Extant enim non contemnendæ de hocce argumento doctissimorum Virorum commentationes: sed ex Nostrium impedire non potuerunt, quo minus iter hocce ingrederetur, simulque magnorum Virorum errores detegeret. Sed hoc quoque nomine hæc tractatio se commendat, quod Ebræorum ritus cum Gentium aliarum institutis subinde conferat. Ne specimen desit, pauca afferemus.

De loco altaris verba faciens, prolixè de altari ab Elia in monte Carmelo extructo disserit. Videri poterat Vir sanctissimus

mus Divinas leges , templum Hierosolymitanum , ceu locum publicum & solennem , cultui Numinis consecrantes , de industria migrare. Sed tamen nihil eum , quod reprehendi debeat , admisisse , vel inde Noster probat , quod illi solum constitutum fuerit , uno sacrificio aram istam imbuere. Ut autem prava admodum mortalium est indoles , ita posteriorum superstitioni hæc ara occasionem præbuit. Hinc & , observante Auctore , profanis Scripturibus templum Jovis in monte Carmelo laudatur. Vespasiano quoque Sacerdos ejus imperium prædixit , teste Suetonio. Sed vero tamen Deo ara hæc sacra mansit , utut invito & nolenti , quippe qui non alibi quam in Templo sibi sacra fieri volebat. Carmeli enim voce , qua Suetonius , Tacitusque montem , Deumque qui in eo colebatur , designant , non alium quam verum summumque Deum indigitari , vel ex Torrentio Auctori comprobatur , qui a Suetonio Carmelum vocari Deum docet , *qui sine nomine est & regnat in æternum*. Docet porro , aram exteriorē ἐν ὑπαιθρῳ , ut Philo loquitur , h. e. sub dio , & quidem prope templi vestibulum , positam fuisse. Idem de Gentilium aris constat. Varronis & Virgillii testimoniis non tantum probat , aras prope delubra fuisse , sed insuper ex Macrobio observat , ante aras apud Gentiles aream fuisse , quæ atrio , quod in templo Hierosolymitano ante aram hancce fuit , respondeat. Sub dio vero haud raro Gentilium aras fuisse , Lucianus , Homerus , Pausanias , apud Auctorem evincunt. Extat Exod. XX. 24 , 25. lex Numinis de ara ex terra scienda. Hanc & Moses ipse , & Salomon parum curasse videntur : quorum ille altare ex lignis construxit & ære obduxit Exod. XXVII. 1. & XXXVIII. 1. hic מִזְבֵּחַ נְחֹשֶׁת altare æneum in templo construxit , II. Par. IV. 1. Ista res largum disceptandi & altercandi argumentum Eruditis præbuit. Noster autem hæc ita componit , ut Mo- sis aram omnino terream , Salomonis autem lapideam fuisse asserat. Dicitur quidem , Mo- sen fecisse aram ex lignis Sittim , eamque obduxisse ære , sed nihilo secius fecit aram terream , quia corpus ipsum terra fuit , quam lignum primum & deinde æs ambierunt. Sic & Salomon construxit altare æneum , h. e. quod laminis æneis undique muniebatur , cætera saxum fuit. Id quod pluribus firmat.

Vetuit

Vetuit quoque Deus lapides *אבנים* *sectos* aut *politos* in altaris constructione adhibere, Exod. XX. 24. Quanta Judæorum, hic fuerit *ἀκριβεια*, ut Divinæ legi fieret satis, assatim Noster hic exponit. Sed & apud Gentiles simile quid deprehendere licebat. Meminit, inquit Auctor noster, Pausanias aræ ex crudolaterculo. Sed luculentius est testimonium Arriani, quod itidem adducit. Rationem legis non eandem omnes afferunt. Plerique putant, Deum ut omnem imagines conficiendi, adeoque idololatriæ occasionem Israelitis eriperet, hoc vetuisse. Qui ita sentiunt, illis exemplum prævit Maimonides. Sed Noster hanc quoque refert, eamque non contemnendam putat, Deum ornamenta ejusmodi abesse ab ara voluisse, ut eo clarius Messiam referret, cui *neque forma, neque decor* &c. Jes. LIII. 2. De constructione aræ verba cum facit Auctor, ostendit duas tantum in ea prominentias fuisse, nempe in fundamento & cingulo, ita ut fundamentum præ cingulo unum cubitum eminuerit, & simili ratione cingulum præ reliqua altaris parte, quæ *המזבח מקום* *locus foci* audit. Quibus rite explicatis & confirmatis, tum Capellum, tum Lightfootum, Viros celeberrimos, erroris hic postulat, quippe qui plures prominentias admiserint, nec focum altaris rite descriperint. In altitudine autem altaris definienda, Josepho cum cæteris Ebræis parum convenire, monet, nec infrequens Rabbiniis esse dicit, mensuras, quas Josephus habet, tertia fere parte minuire.

Gentiles constat Diis cœlestibus in ara supra terram elata sacra fecisse. Terrestribus enim sacrificia super terram, Inferis sub terra in fossis offerebant. Non male Judæorum quoque Sacra cum hisce componi, Noster contendit, quippe qui Deo cœlorum, in altari supra terram elato sacra ferebant. Sic & aram quadratam Deus postulavit, Exodi XXVII. 1. Gentilibus itidem hæc figura placuit. Testem Strabonem advocat Auctor, qui Arabum aras ad normam quadratas fuisse ait. Idem nummi comprobant, qui quadratas non minus, quam rotundas aras exhibent. Præ cæteris Crispinæ uxoris Commodi nummum laudat Diis genitalibus sacrum, quem ex Vaillantio affert, & in quo aram quadratam conspicere licet.

De fundamento altaris observat, in quantum ultra cingulum
N promi-

prominere debuit, ad orientem & meridiem penitus illud abfuisse, nisi quod latus orientale ad cornu, quod inter aquilonem & occidentem, & latus meridionale ad cornu, quod inter occidentem & meridiem situm fuit, cubitum habuerunt. Prætermittere hoc ideo nolimus, quod hinc Auctori occasio enascatur, clarissimos viros Capellum, L' Empereur, Lightfootum redarguendi, qui ad minutias istas, ut videri possunt, non attendentes, alios deinceps admiserint errores. Rationem autem huius rei ex Ebræis adfert, quod ara pertinuerit tota ad tribum Benjamin, quorsum istud Jacobi vaticinium referunt: *Benjamin lupus, qui discepsit, mane comedit prædam. Gen. LI. 27.* Etenim si ad meridiem & orientem, fundamentum prominuisset, jam pars altaris spectasset ad possessionem tribus Jehuda, cum tamen totam aram tribui Benjamin videlicet Divinum Jacobi oraculum.

Cingulum altaris postquam ex Ebræorum commentationibus erudite explicavit, addit etiam, illud circumdatum fuisse ארבע ספרות *filo sericeo.* Signavit illud dimidiam altaris altitudinem, maximumque usum præbuit, cum quorundam sacrificiorum sanguis supra illud, aliorum autem infra illud spargendus esset. Videntur Auctori cum hocce filo cognationem habuisse Gentilium vittæ, quibus aras suas ornare solebant. Sane in nummis quibusdam mediam aræ partem a vitta circumdari, illi est observatum. Quin & rubras vittas ab iis usurpatas, quibus ut Ebræi filo rubro aram cinxerint, ex Theocriti & Virgilii quibusdam locis colligit. Variis interpretum commentis vexatus est locus Ezech. XLIII, 15. *Harel, quatuor cubitorum est, ab ipso denique Ariele sursum versus cornua sunt quatuor.* Quidam duo ista nomina Harel & Ariel confundunt, alii, judice Cramero, recte discernunt. Præterea miratur, quid Abarbaneli in mentem venerit, ut a cæteris gentis suæ doctoribus hic plane in diversum abierit, per ארבע הרים h. e. *mons Dei* intelligendo locum altaris & spatium ejus, quod infra in terta occupat, quatuor cubitos amplum altumque, cui deinceps structuram altaris ipsius, nomine Ariel insignitam, imponat. Non dissimulat, sibi potius cæterorum Ebræorum sententiam arridere, nomineque Harel seu ארבע הרים seu locum foci designari; Ariel autem ארבע הרים Leonem Dei significare, eaque ipsum focum altaris h. e.

h. e. supremam ejus superficiem, quæ cornua & pyras sacras habuit, indicari: Leonis autem nomine recte insigniri ignem sacrum, quippe qui victimas omnes igne alio avidius ocysusque absumerit.

Quæ de cornibus altaris prolixè commentatur, non referemus. Saltem de loco celebri Psalm. CXVIII. 27. quæ ejus sententia sit, non possumus non indicare. Per cornua, latera altaris ibi intelligit, sensumque esse putat: *vincite sacrificia fæsti usque ad cornua altaris*, h. e. adferre tantam pecudum vim multitudinemque, ut ad aræ latera eas ad moveri oporteat. Caterum Gentilium quoque aras cornua habuisse, tantum abest ut diffiteatur, ut potius ex nummis id adstruat. Neutiquam tamen in sententiam Viri cujusdam eruditissimi, (Spenceri, ni fallimur,) ire potest, existimantis, Deum altare suum ideo cornibus instructum voluisse, quod cornua diu ante Mosis ætatem, tanquam religionis & excellentiæ singularis indices, altaribus addita fuissent. Namque hoc vel inde refelli posse putat quod cornua altaris Ebræorum plane aliam figuram habuerint, quam cornua altarum Gentilium. Porro num ante Moysen, & diu quidem, ut Vir ille eruditus asserat, cornua apud Gentiles excellentiæ & potentæ fuerint symbola, valde adhuc dubium incertumque esse dicit.

Ignem perpetuum, quem lex Divina jugiter ali præcipiebat, considerans, plerisque gentibus simile quid in moribus positum fuisse docet. Sed addit, duplicem fuisse ignem conservandi rationem. Vel enim in vasculis conditum tenebant, inquit, per modum lucernæ, ea fere ratione, qua Diodorus Siculus, sed minus recte, Judæis *Λύχνον ἀσάντων* tribuit: vel ignem perpetuum in aris focusque colebant. Atque huc potissimum Vestam refert, cujus præcipuum symbolum in arâ cum igne fuisse, plane contendit. Nimirum in memoriam ignis cœlitus delapsi, & Patriarcharum sacrificia consumentis, Gentiles Vestam veneratos fuisse, sibi persuadet. Cujus quidem rei documentum ex ipso nomine capit, cum vox *Εἰς* seu Vestæ Ebraicam redolet originem, & ex *יהוה* *ignis Dei seu ignis Deus*, commode derivari posse videatur. Tacemus quæ ex nummis, ut idem confirmet, affert.

Rationem consendendi altare explicaturo se offert Lex Di-

vina, per gradus in altare ascendere vetans, Exod. XX, 26. Plane, hic se Auctori non probant, qui legis hanc causam afferunt, quod Deus hac ratione Israelitas ab obsceno cultu Baal-Peoris avertere, voluerit. Namque quod alii de isto cultu tradiderunt, fabulis atque commentis annumerat. Istam nimirum Deum colendi rationem adeo absconam atque turpem esse, ut eam veteribus olim frequentatam fuisse, sibi nullo modo persuadere possit. Inductos autem fuisse viros doctos, ut ita exillimarent, prava interpretatione vocis *רצב*, quæ equidem in lingua Chaldaica *egerere* significet, sed longe rectius ad locum referatur, in quo apud Moabitas Baal colebatur. Tractum quippe montanum *Pebur* aut *Pegor* vocari Num. XXIII, 28. Deut. XXXIV, 5. Hac ergo opinione profligata, legis non aliam rationem esse probat, quam reverentiam, quæ sacris Divinisque rebus debetur. Quod cum facile ab omnibus intelligi possit, miratur, viros eruditos in ratione hujus legis investiganda tantopere fluctuasse. Cumprimis autem illi displicet Viri istius eruditi, quo cum supra etiam congressus est (Spencerum sine dubio innuit) sententia, asserentis, Deum eo animo hanc legem tradidisse, non ut gradus omnes, sed ut gradus multos, altos, pompæ potius quam usui deservientes, in altaris sui structura prohiberet: noluisse enim Deum, ut Israelitæ Gentilium ritu sacrificarent in excelsis, h. e. altaribus, ad quorum verticem non nisi gradibus altis scandebatur; quorsum & pyramides Ægyptiacas referendas esse contendit. Eninvero & verba legis omnem cavillationem excludentia, & mores Judæis receptos, palam huic sententiæ refragari monstrat. Frustra quoque & contra optimorum Historicorum fidem pyramides Ægyptiacas pro altaribus, sive excelsis, in quibus Deo sacrificia oblata fuerint, venditari ostendit.

Ebræorum effatum est: *omnes qui montem domus ingrediuntur, ad dextram ingrediuntur & circumcunt, exeuntque ad sinistram*. Simile quid, observante Nostro, in Gentilium sacris deprehendebatur. Plura quidem hujus rei adducit documenta, sed illustre cumprimis est Pythagoræ præceptum: *per dextram templum ingreditur, per sinistram exito*; quod rem omnem plane conficit. Hac & similia *ὡς ἐν παρόδῳ* observat, dum de clivo altaris ponticulisque ex Ebræorum monumentis accuratissime præcipit.

Magno-

Magno quoque consensu ab Ebræis doctoribus traditur, nefas plane fuisse victimam ligare. Columnæ istæ & annuli, qui in latere septentrionali atrii fuerunt, quosque accurate delineat, ut hac de re verba faceret, Auctori occasionem præbuere. Vocem vero עֲקִירָה qua Ebræi interdum utuntur, non de ligatione, sed de detentione, quæ manibus fit, capiendam esse monet. Quod ad Gentilium sacra attinet, dissentiunt quidem inter se Eruditi, fasne apud illos fuerit victimas ligare, an non; sed Auctor illis accedit, qui & apud eos nefas fuisse docent, ligare victimas. Idque postquam Servii aliorumque testimoniis comprobavit, nummisque idem evinci posse indicavit, quæ in contrariam partem afferri solent testimonia ita cum sua sententia conciliat, ut ante tempus sacrificii offerendi victimas ligatas fuisse, præeunte Servio largiatur.

Iussit quidem Deus Levit. I, II. victimas sanctiores ad latus aræ aquilonare mactare, minus vero sanctas ubique in atrio jugulari permisit. Nihil fecius utriusque generis hostias super ara ipsa cædi, observante Auctore nostro, fas fuit. Documenta, quibus hoc evincit, non afferemus: id saltem addimus, & hic in Gentilium sacris cum simile quid deprehendisse. Namque & illis solenne erat, bestias ad vel prope aras ferire. An autem aliquando hostias aris ante imposuerint, quam mactarent, difficilius indaginis esse pronuntiat. Nummi tamen nonnulli se illi obtulerunt, animantes adhuc viventes & a popis mox adoriendas in aris exhibentes, qui rem omnem illi conficere videntur. Sic & holocausta in sacris Gentilium, Ebræorum holocaustis plane similia, observat. Cum Ebræi in quibusdam sacrificiis חֲטָאוֹת h. e. *ablegmina*, ut Auctor vertit, facerent, Græci quoque ἁγῶς sacros esse voluerunt, ipsa voce ritus istius natales ab Ebræis repetendos quodammodo prodente. Tacemus quæ de מִנְחָה seu *fertis libaminibusque*, ut & salis thurisque in sacris usu, Gentilibus non minus quam Ebræis frequentato, ex Ebræorum pariter ac Græcorum Romanorumque monumentis commentatur.

Porro notum est, quod altare aliquando asylum criminis cuiusdam rei, & hinc pœnam metuentibus, præbuerit. Legem hac de re sancivit ipse Deus Exod. XXI. 14. Sed non quibusvis hoc asylum paruisse, ex Ebræis Doctoribus Noster monet. Primo quidem huc

confugere poterant *גלות* *rei exilis* h. e. quibus ceteroquin urbes in asyla institutæ securitatem immunitatemque a poena præstabant. De solis tamen Sacerdotibus hoc capiebant Ebraei, si Auctori credimus. Nec semper tamen his quoque altare præsidio erat. Nisi enim rem Divinam facerent, & ipsum supremum verticem altaris occupassent, non proderat illis aut ad altare se recepisse, aut cornua ejus tenuisse. Unde quod Joabus jure ab altari abstrahi potuerit, colligunt. Deinde & illi præsidium in altari inveniebant, qui cum se, reos noscent, metuebant, ne Reges ipsos ex jure Regio aut Synedrium ex singulari causa vita mulctarent. Exemplum hic illis Adonias præbet. Hæc Auctor ita edisserit, ut & hic Ebraeorum rituum in Gentiliis, præfertim Græcorum sacris, vestigia & diligenter quærat, & feliciter inveniat. Namque hi quoque non nisi in magno vitæ discrimine constitutis, & quidem in fontibus altaria per fugium præbere voluerunt, ita quidem ut fontes quandoque inde abstrahere non esset nefas: sed & ut tum demum miseris saluti esset hocce asylum, si verticem altaris occupassent; id quod formulæ, quæ in ara eos confedisse testantur, comprobant.

Tandem & de altaribus Christianorum nonnulla commentatur, finemque operi imponit mystica applicatione altaris Ebraeorum ad Christum Servatorem.

GEORGII ENGELBRECHT JCTI COMPENDIUM JURISPRUDENTIÆ secundum ordinem Digestorum concinnatum.

Helmstadii apud G. W. Hammium, 1697. in 4. Alph. 5. plag. 9.

Eundem scopum Autor Consultissimus, Serenissimorum Ducum Brunsvic. & Luneburgensium Consiliarius, in Academia Julia Codicis Professor, & Facultatis Juridicæ Senior celeberrimus, in hoc compendio concinnando sibi præfixit, quem hoc nostro tempore in tali commentandi genere Eckoldus, Lauterbachius, Struvius aliique observarunt; dum videlicet ea, quæ notatu digna & usui forensi accommoda in libris systematicis Juris Romani occurrunt, per positiones, secundum causarum seriem dispositas, animis lectorum compendiosa facilitate instillare allaborarunt. Et licet hoc nostro non minus, quam anteriore seculo complura Digestorum compendia conscripta fuerunt; forte tamen ad decus illustris Julicæ aliquo modo pertinere arbi-

arbitratus est Autor Excellentissimus, si & ipsa, ut aliae complures Academiae, systematale a suo Doctore compositum posset ostendere. Id omnino certum, quod, ut ipsemet Autor fatetur, auditorum suorum animos egregie sibi devinxerit, quippe qui ea, quae calamo ab ipsis avide primum excepta fuerant, typis nitide impressa obtinere enixe desiderarunt. Istud interea singulare in hoc compendio advertere par est, quod ea, quae Jure provinciali per Ducatus Brunsvigo - Luneburgenses specialiter sancita sunt, sedula cura sub tabulis congruis notata reperiantur.

LYCOPHRONIS CHALCIDENSIS ALEXANDRA, CUM GRÆCIS
Isaaci Tzetzi Commentariis &c. Cura JO. POTTERI.

Oxonii e Theatro Sheldoniano, 1697. in fol. Alph. 4. pl. 13.

INter Poetas septem, qui Ptolemæi Philadelphi tempore floruerunt, celebremq; illam Poetarum *Πλεάδα* constituunt, omnium consensu Lycophron Chalcidensis numeratur. Fuit itaque Poeta minime ignobilis, sed simul omnium obscurissimus, & data quidem opera, ut Sphingis etiam æmulum semet profiteri non dubitaverit. Ex ingenii vero, quæ reliquit, monumentis, non nisi *Alexandra* seu *Cassandra* superest, Poema, quod si non plane Tragœdiam, recte tamen Monodiam quandam Tragicam, Gulielmi Canteri in Prolegomenis ad Lycophronem judicio, dixeris. Quemadmodum autem in eo *Alexandra* seu *Cassandra* (quæ Priami Trojanorum Regis ac Hecubæ filia fuit, vaticinandi arte illustris; unde & a priscis quibusque Poetis velut vaticinans induci consuevit) oracula inprimis repræsentare constituit: ita vel eo nomine veniam affectatæ obscuritatis, quæ venerationem aliquam vaticiniis vel maxime conciliare creditur, videri poterat meruisse. Quicquid ejus sit, quanto se obscuriorem in *Alexandra* sua Lycophron noster præbuit, tanto magis Criticorum ingenia, qui illustrare eam & planiorem reddere allaborarunt, exercuit. Et primi quidem lucem aliquam *Alexandræ* Dædion, Orus & Theon, Grammatici veteres, affudisse memorantur, ex quorum scholis dudum deperditis Commentarios suos *Isaaci Tzetzi*, (Joannis illius Tzetzi, cujus *Chiliades* in vulgus notæ sunt, frater) seculo post Christum natum, duodecimo compilavit, Basileæ primum, quantum nobis quidem constat, A. 1546 typis descriptos: Latinam *Alexandræ* versionem pri-

mus,

mus, quod sciamus, *Bertrandus* quidam dedit, ediditque Basileæ A. 1558; quæ cum non æque omnibus probaretur, novam *Gulielmus Canterius* Ultrajectinus aggressus est, & feliciori absolvit successu, cum luculento ejusdem commentario Basileæ A. 1566, & iterum Parisiis A. 1607 typis vulgatam. *Josaphus* etiam *Scaliger* eo in Callandram affectu fuit, ut Latine eam, & carmine quidem jambico redderet: de qua versione tamen dissimulare non possumus quorundam censuram, a *Baillæto* in *Judiciis Eruditorum de Poetis Græcis* tomo IV. parte I. pag. 258 repetitam, *Scaligerum* id videriegisse, ut ostenderet, æque obscurum exhibere quempiam se posse in Latinis, atque *Lycophron* in Græcis fecerat. Denique & *Joannes Meursius* *Lycophroni* manum admovit, denuoque *Callandram* cum *Scaligeri* versione, sed centum a se in locis emendata, novo commentario illustratam, Lugduni Batavorum A. 1599 edidit. Sed vicit haud dubie omnium industriam, cui novissimam hanc editionem debemus, clarissimus *Joannes Potterus*, Collegii *Lincolniensis* in illustri *Academia Oxoniensi* Socius, quippe qui in eam non solum transtulit, quæ in prioribus quantvis pretii invenerat, sed & novo justoque nunc commentario eam *Lycophroni* vel invito lucem attulit, ut in *Prefatione* confidat, si cæterorum explicationibus adjungere commentarium suum *Lector* dignetur, adeo plana, perspicua & dilucida, paucis exceptis, fore omnia, ut nunquam posthac τὸ Ξενοῦν titulo se *Lycophron* esseferre possit. Ejus rei experimentum quisque facile capiet. Nobis non nisi de dispositione recentis editionis paucissima erunt addenda. Præmittuntur universo operi, post breve *Potteri* præfamen & veterum nonnullorum de *Lycophrone* judicia, *Isaacii Tzetze* de variis Poetarum generibus, nec non de vita & scriptis *Lycophronis* prolegomena. Hæc *Alexandra* ipsa excipit cum versione Latina *Canteri*, subjectis, post variantes *Lectiones*, *Tzetze* scholiis Græcis, quæ ex manuscriptis codicibus correctiora nunc & auctiora exhibentur, nec non emendationum specimine. Sequitur *Poematis* versio Latina, a *Scaligero*, ut diximus, adornata. Inde post triplices interjectos indices, *Gulielmi Canteri* primum, posteaque & *Joannis Meursii* commentarii in *Callandram* sistuntur. Postremum locum novi *Potteri* nostri commentarii occupant, quibus triplicis itidem generis indices subjiciuntur.

In Actis hujus anni pag. 10. lin. 3. a fine. post vocem hujusque, addatur: decennio sexto & ejus.

* * * * *

ACTA ERUDITORUM

Publicata Lipsiæ

Calendis Martii, Anno M DC XCVIII.

BIBLIOTHEQUE ORIENTALE &c.
h. c.

BIBLIOTHECA ORIENTALIS, SIVE LEXICON UNIVERSALE, omnia ea, quæ ad notitiam orientalium populorum pertinent, complexum: Autore

BARTHOLOMÆO DHERBELOT.

Parisiis, sumptibus Societatis Bibliopolarum A. 1697. fol. Alph. 12.

S I omnium expectationi non satisfacit, quod hunc produci-
mus, diu a nemine non inter eruditos desideratum opus,
eam unice subesse existimamus causam, quod tanta omni-
um animos de Autore ejus & singulari illius in litteris hisce
eruditione occupaverit opinio, ut mera miracula, quæ
attoniti nimirum ipsi contemplarentur, ab eo sibi polliciti
fuerint. Imo cum, ut sumus homines, semper ignota amare atque
admirari magis soleamus, facile nobis persuaderi patimur, esse haud
paucos, qui nescio quæ recondita atque stupenda in Arabum cetero-
rumque Orientalium libris delitescere antea opinati, jam, ubi referato
limine facilius ad istorum mysteriorum cognitionem patet accessus,
vix operæ suæ pretium se relaturos putent, si istis, supercilio suo pa-
rum respondentibus, paulo diutius immorentur. Verum ut ita sen-
tientes iniquiores esse in factum, quem tot annorum nixu nobis pe-
perit Viri doctissimi Musa, non dubitamus: ita id quidem potissimum
nunc cavendum esse existimavimus, ne nostra hac opera quispiam in-
ducatur, quo minus justum utilissimo, variaque eruditione refertis-
simo operi pretium statuatur.

Vix autem felicius alia via id consecuturos nos esse censemus;
O quam

quam si doctissimo Galandio manus quasi nostras ducente, paulo accuratius præstantissimum opus delineare instituamus. Ejus enim sive descriptionem hujus libri, sive de eo judicium tanto magis secure sequi licebit, quanto majorem in hoc eruditionis genere famam dudum sibi paravit, ipse quoque simile quondam, cum Constantinopoli adhuc versaretur, molitus opus; quod tamen in patriam reversus, & a Dherbeloto nostro jam occupatum esse audiens, abjiciendum esse existimavit. Ille itaque aptissimus dubio procul in hoc negotio judex, Dherbelotum post factos singulares prorsus in lingua Hebraica, Chaldaica, Arabica, Persica Turcicaque profectus, totum se libris istarum linguarum, quos vel Regia Parisiensis, vel Medicea apud Florentinos, vel privata sua, vel alia celebriores bibliothecæ ipsi suppeditabant, legendis dedisse ait. In eis pervolvendis primo id operam cum narrat dedisse, ut Lexicon Turco-Persicum concinnaret, atque eam in rem præstantissima lexica, Turcicis Persicisque vocabulis Arabica, vel Persica Arabicis explicantia, adhibuisse. Unde etiam subnatum ei esse dicit, quod pace tamen doctissimi Meninskii dictum cupit, Lexicon Turco-Persicum omnium perfectissimum, tribus voluminibus absolutum, quod hodie post fata Autoris, in fratris ejus museo aservari nos docet. Deinde in perlustrandis istarum gentium monumentis, ita eum versatum esse ait, ut quicquid notatu dignum sese offerebat, in Gallicam linguam conversum exciperet. Iste postmodum *ἐκλογαί*, decenti ordine dispositæ, geminum opus constituerunt, quorum alteri Anthologiæ nomen fecit, (de cujus editione non desperare nos sinit, in cujus manibus est, præstantissimus frater ejus,) alterum Bibliothecæ titulo jamentemur. Hujus vero, ut ad id, quod facere instituimus, propius accedamus, illa est facies, ut quicquid ad historiam populorum Orientalium pertinet, alphabetico ordine exhibeat. Cuique ista methodus seriem & nexum succedentium sibi invicem eventuum representare non permittat, duplici ratione morbo isti mederi voluit. Primo enim semper Dynastiæ cujusvis nomen, quo insignita fuit, loco suo exhibet, dumque in eo explicando versatur, omnium simul Principum, qui rerum summa in es potiti sunt, nomina, eo quo sibi invicem succellere ordine recenser, ut adeo facile continua serie cujusvis Dynastiæ historia ex hac Bibliotheca hauriri possit. Deinde cujusvis etiam Principis, de quo, loco quem litterarum ordo ei assignavit, disse-

ruit,

ruit, & antecessorem & successorem indicat, ut proinde hac quoque ratione nexus historiarum non ægre inveniri queat. Historiam autem Orientalium omnem a primis usque, quas jactant, originibus tradere non dubitavit, ne ipsis quidem omisissis iis, quæ de rebus ante Adamum gestis fabulantur. Quod ejus tanto magis probandum consilium est, quo difficilius sine accurata eorum noticia Poëtarum Arabum aliorumque redditur lectio. Historiam quoque Patriarcharum aliorumque Sanctorum, prout ab Orientalibus traditur, non prætermittendam duxit; quin & post Christi ortum, quotquot extiterunt celebres, sive sanctitate sive eruditione, Viri, fidem ejus amplexi, quorum in Orientalium scriptis est mentio, summo studio annotantur. Maximam tamen & potiorē partem profana tum antiquissimarum gentium, Persarum inquam, Sinensium, Scytharum & Tartarorum, tum recens exortorum Mahomedanorum, regnorumque omnium, fidem eorum amplexorum, absolvit historia. Quæ tanto majoris est facienda, quod de illustribus regnorum istorum conversionibus ne fando quidem antea ab Europæorum plerisque; aliquid fuerit inauditum. Nec hic tantum Principum ceterorumque in republica gerenda illustrium virorum res gestæ exponuntur: sed si quem sanctitas, si quem eruditio fecit conspicuum, de eo fusa pro re nata narratio instituitur. Et ut eo major rebus hic expositis constet fides, optimo consilio Orientales semper allegantur historici, a quibus accepit Dherbelotus quæ liberali manu nobiscum deinceps communicavit. Inter eos tres potissimum eminent, quorum integra fore opera in hoc volumine ille vertit & exhibuit: Kondemihir nimirum, Benschahnah, & Nighiaristan. Reliquorum, qui passim citantur, nec nomina recensere, nec numerum inire facile est. Jamque sufficere ista possent ad operis hujus commendationem; verum non sufficere videbantur doctissimo Dherbeloto, nisi Geographiam quoque Orientalium cum eorum historia jungeret. Præter ea itaque, quæ ex Abulfeda & Edrissi hausit, quorum opera integra, ab eruditis summo desiderio dudum expectata, huic Lexico suo per partes in locis suis inseruit, alia quoque huc spectantia undiquaque congestit. Et, quod imprimis mireris, non obiter nomina & situm locorum descripsisse contentus, ubi fieri id potuit, longitudo quoque & latitudines eorum indicavit. Quæ in re tum alia complures variorum observationes, tum illæ imprimis, quæ Maragæ, Holagou, Mogolici in Persia Imperatoris, auspiciis, a Nassireddino, &

Ulugbegi, qui magnum Tamerlanem avum habuit, auctoritate, ab excellentissimis Astronomis in Samarcandensi observatorio factæ sunt, egregie ei profuerunt. Verum de librorum Orientalium quoque, notitia, quam Dherbelotus noster in hoc opere præstat, pauca adhuc sunt dicenda. Sane si cum iis, quæ hac ex parte illi debemus, Hottingeri comparetur Bibliotheca, pauperis hanc dicas pecus, quod numerare liceat, illa regios greges, quibus multorum pastorum vix sufficiat cura. Sane enim non eorum tantum, quos ipse vidit Dherbelotus in Regia Parisiensi, Medicea, aliisque quas lustravit bibliothecis, librorum Orientalium recensio instituitur: sed integra Bibliotheca librorum Orientalium, quam celebris Mohamedanus Philosophus & Historicus Hagi Khalfa concinnavit, Gallice versa in hocce opere passim inserta legitur. Jam quid de plantis, animalibus, aliisque rebus Orientalium naturalibus dicemus, de quibus multa hinc inde Bibliotheca ista nos docet quid? de innumeris Alcorani locis, ex optimis interpretibus ejus, occasione data, sæpius explicatis, ubi opus est etiam, confutatis? Quid de multis Virorum doctorum observatis erroribus, aliisque, quæ ipse facilius deprehenderet Lector hujusmodi rerum curiosus, quam a nobis poterunt commemorari?

Procul dubio autem sitim ista relatione sibi excitatam, si non restingui, sedari saltem volent, quibus in deliciis studia istiusmodi esse solent. Ut & iis itaque aliqua ex parte satisfaciamus, & paucis exemplis edoceamus, quanta hic rerum novarum messis sit expectanda, duo potissimum delegimus capita, de quibus Dherbeloto ad nostros Lectores edisserendi copiam quasi faceremus. Nimirum quæ de Zabiiis, vel Sabiis, uti nonnulli vocant, itemque ea quæ de Zoroastre nos edocuit, paucis persequemur. Cum enim de istis, de quibus aliqua tamen adhuc inter Europæos increbuit fama, tam multa nova attulerit, facile conjectura fieri poterit, quanti facienda sint ea, quæ de inauditis plane rebus ex doctissima penu nobis depromsit. Zabiorum, itaque, quos Sabiah, & Sabioun, & Sabah apud Arabes, Sabian vero apud Perias appellari ait, quæ sit religio, inter ipsos Orientales scriptos non satis convenire dicit. Id interea certum esse, a Magis, cum quibus a nonnullis confunduntur, esse diversos; cum Zabii suo more, Deum colere sacrosque ritus suos obire, non minus ac Judæis Christianisque in Corano suo Mahomedes permittat, qui Magos contra ob

ob idololatricum ignis cultum, una cum aliis idolorum affectis, omnino tolerari prohibeat. Inde ex Houssain Vaez Persica Corani interpretatione (c. 2.) Zabiorum religionem ita describit, ut ex Judaismo, Christianismo, & Mahomedismo eam coaluisse dicat; imprimis vero in Angelorum cultu, psalmis Davidicis legendis, precibusque, modo versus Meridiem, modo ad Septentrionem conversa facie, funde adis assiduus esse Zabios tradat, quibus omnibus ex eodem autore addit, errorum, quibus Sadducei quondam infecti fuere, circa alterius vitae expectationem, suspectos eos nonnullis esse. Hinc porro observat, omnino habere eos ritus quosdam, quos a Christianis videntur accepisse, inter quos eminere dicit baptismum. Imo & Joannem Baptistam apud eos in veneratione fuisse ait, a quo *Menaai Jabia*, h. e. uti Dherbelotus ex ponit, discipulos Joannis sese appellari volunt; quæ appellatio, ut obiter id notemus, a doctissimo Simonio (Crit. V. T. L. 1. c. 7.) & Autore Judiciorum quorundam in Belgio Theologorum de Critica Simoniana (p. 133) non satis intellecta, conjecturis parum certis occasione dedit. Quod autem isto ipso baptismi simulacro induciti nonnulli Europæorum, qui Orientales provincias peragraverunt, Christianos illos esse crediderint, in eo erroris eos revincit. Jam non inhærebimus iis, quæ de libris Adami, a Zabiis jactatis, affert, aliis quoque observata, sed ad ea properabimus, quæ ex Ben Schuhna de iis excerptæ. Illum *Sirian* eos etiam appellare notat, eosque antiquissimæ mundi nationis propaginem facere, linguam Adami inter eos vigere nimis credulum existimare, religionem vero eorum a Scheith & Edris (h. e. Setho & Enocho) derivare. Ejusdem autoritate refert, septies eos quotidie in ardentissimas preces effundi, atque integros menses jejuniis accuratissime observatis transigere. Templum porro iis Mechanum in honore esse, quemadmodum & Pyramides Ægyptias, in quarum tertia Sabi filium Enoch sepulcrum esse opinentur. Locum tamen, quem præcipue religiosi peregrinationibus frequentent, prope Harran in Mesopotamia esse, quem Charras, Abrahami patriam, esse quidam credant. Hunc autem locum propterea majori religione eos venerari, nonnullos existimare, quod ibi vixerit Abrahami ætate Sabi Ben Mari, a quo illi potius quam a Sabi Ben Edris (h. e. filio Enoch) religionem suam derivandam esse sibi persuadeant. Post Ben Schuhnah producit Ben Hazem, qui Zabiorum religionem

antiquissimam, & ad Abrahami usq; tempora catholicam fuisse docet: & Scheherestanum, qui Musulmannicæ & Zabie religionis discrimen in eo versari testatur, quod illa inter creaturas spiritibus, hæc materia potiorum locum deberi statuatur. Ex Ebn Khalecan vero nonnulla observat, quæ supra positum inter Magos & Zabios discrimen confirmant, & fundamentum erroris confundentium eos luculente demonstrant. Scilicet dicit ille Autor, non esse Zabios Zoroastri discipulos, qui Magi vulgo vocantur, sed antiquitate hisce non cedere, utrosque vero, ut ab Ibrahim, qui Zerdascht (h. e. Zoroaster) fuerit cognominatus, & quem cum Abrahamo confundant, orti videantur, omnibus viribus eniti. Denique etiam æquivocationes vocis *Sabi* annotat, atque non tantum appellativo sensu pro apostata id quandoque usurpari, sed tam latæ significationis etiam esse observat, ut Persæ, Chaldei, Assyrii, Græci, verbo, omnium religionum gentes, quæ antequam Judaismus, Mohamevdanismus & Christianismus invecti fuere, existerunt, Zabiorum nomine designentur. Imo Christianos Historicos de Constantini M. conversione loquentes, a *Sabiis* ad Christi castra cum transisse, eodem sensu dicere observat. Sane si ista omnia & cum istis, quæ modo allegavimus, locis, & iis quæ R. Majemonides, Stanlejus, Huetius & alii de *Zabiis* tradidere contendas, facile deprehendes, quam multa, antea parum explorata, optimorum autorum fide accurate nos edocuerit Dherbelotus, quem nunc de Zoroastre disserentem paulisper etiam audiemus. Ejus nomen varie apud Orientales proferri, dum Zerdascht alii, alii Zaradascht, imo & Zerdoust nonnulli eum appellant, monet. Ex libro autem Philosophi cujusdam Giamasb, (quem Kerab alkeranat inscripsit) qui proxime post Zoroastri tempora floruit, refert, 1300 anno post diluvium, quo magna Planetarum contingerit conjunctio, natum Zoroastrem esse. Post eum autem, nova Planetarum facta conjunctio, ex montibus tertii climatis prodiisse hominem, qui *Sabeb alassa*, h. e. *Magister virga*, cognominatus sit, novæ religionis autorem, per quem Mosem intelligi Dherbelotus nos docet. Deinde autem ostendit, non Mose tantum antiquiorem facere, sed cum ipso etiam Abrahamo eundem esse existimare Zoroastrem Persarum Magos, atque hujus confusionis originem ab ipsis Judæis eorumque doctores repetit. Illi enim locum Geneseos interpretantes, quo ex Ur Chaldeorum exivisse

se Abrahamus dicitur, non urbem aliquam voce Ur, sed ignem denotari censent, ex quo ereptus Abraham, cum a Nemrodo in eum conjectus esset, divina virtute fuerit. Magos vero huic fabulæ addidisse docet, fieri non potuisse, ut ignis læderet Abrahamum, qui devotissimus ejus cultor fuerit; cujus religionem post tantum miraculum aliis quoque gentibus haud ægre eum persuasisse, suæque adeo religionis autorem esse existimant. Sed videamus porro, quæ ex Mahomedano scriptore Khondemiro de eo referat. Ille quoque de ætate Zoroastris cum Giamasbo consentire videtur; cum autem Astrologici imprimis studiis operam navasse ait, quæ cum de imminente magno aliquo Propheta eum edoceret, de seipso istam siderum prædictionem temere interpretatum fuisse dicit. Factum deinde esse ait, ut variis apparitionibus a malo Genio in hac credulitate sua confirmatus fuerit, qui ignis semper specie ei apparens, igneum quoque characterem ei impresserit; cujus postmodum oracula omnia, pro Propheta se jamjam, post exactum aliquod in solitudine tempus, venditans, in librum quandam, Zend appellatum, congesserit. Refert tamen ex eodem Khondemiro aliorum traditionem, qui multo juniorem Zoroastrem esse contententes, ex Hebræorum libris Bileani prophetiam de stella in Jacob exoritura eum didicisse, atque inde de magni prophetæ persona induenda animum summisse dicunt. Cui forsitan traditioni favet nominis Zoroastris interpretatio, quam autor Recognitionum Apostolicarum & Gregorius Turonensis secuti sunt, dum per vivum astrum, (quasi *ζωόντων ἀστρον* dicas) nomen istud explicant; attamen illius etymologiæ exiguam esse fidem, ipsi facile agnoscimus, cum Græcæ originis nomen illud esse nulla ratio permittere videatur. Verum non prætermittenda est alterius libri Orientalis, quem Tarikh Montek eb titulo allegat, traditio: qui præterquam quod Eliæ & Elifæi, ut & Rechabitarum discipulum, quorum prophetiis corruptis, librum Viræ composuerit, Zoroastrem dicat; primum cum doctrinæ de bono & malo principio autorem fuisse testatur, a qua sectatoribus ejus *Magorum* nomen impositum esse censet, quod corruptum esse ex Persica voce Meikhoufch, quæ dulce & amarum notet, manifesta ad duplex Magorum principium facta allusione, existimat. Jam prolixi non erimus in repetendis iis, quæ ex variis autoribus Orientalibus de ætate ejus dissentientibus Autor noster affert, quorum nonnulli

nulli Esdræ quoque discipulum eum fuisse putant. Forſan illi ex parte conciliari inter ſe poterunt, ſi cum Græcis Latinisque Scriptoribus plures Zoroaſtres admittamus. Id notatu dignum videtur, quod Zoroaſtrem eundem cum Smerdi, qui poſt Combyſem Perſicum thronum occupavit, fuiſſe, Dherbeloto dicere videatur Autor Tarik Montekheb, qui Mikhgouſch eum vocat, voce auribus mulctatum ſignificante: quodq; primum eum non fuiſſe, qui ignis religionem in Perſiam invexerit, ex aliis Autoribus erudite obſervaverit.

Certe ſi eorum, quæ notatu digna ubiq; in hoc libro ſeſe offerunt, rationem liceret habere, vix impetrare a nobis poſſemus, ut miſſum eum, paucis adeo ex eo decerptis, faceremus. Vel ſic enim ægre admodum præterimus, quæ de Angelo Mortis ex Mahomedanorum doctrina affert, cujus non nomen tantum idem quod Mahomedani, (Aſraëlis nimirum,) ſed alia quoq; eorum doctrinæ de illo ſententia, Chriſtianorum veterum prodidiſſe traditiones, opportune nos monet memoria noſtræ ſeſe modo offerens locus Auctoris operis imperfecti ad Mat. XXIV, 43. Non minus inviti omittimus, quæ de Abrahami genealogia obſervat, cujus parentem Azar, avum vero Tareh, ex Orientalium opinione eſſe docet. Ubi ſimul obſervat, eo quod Sacræ litteræ Tharam Abrahami parentem fuiſſe teſtentur, pleroſque exiſtimare, alium a Tharah Arabum Azarum non eſſe. Ipſe vero cenſet, Chronologos noſtros, ſi de Arabum Genealogia aliquid iis innotuiſſet, non opus habituros fuiſſe, ut conciliandæ cum ætate Abrahami & tempore mortis Tharæ epochæ tranſmigrationis Abrahami gratia, ad ſecundam ejus tranſmigrationem, cujus nulla in ſacris litteris extat mentio, recurrerent. Multo magis enim credit ad expediendos nodos ſi conveniens eſſe, ſi duos admittamus Tharas, patrem alterum Azaris cognomine inſignem, alterum avum Abrahæ; quam ſententiam cum ſacra Scriptura haud ægre conciliari poſſe ſibi perſuadet. Imo & de Platone quæ Arabes tradant quo minus referamus, vix continere nos poſſumus. Liceat ſaltem quandam ejus ad Philoſophum aliquem de miſeriis vitæ humanæ commentorare epiſtolam, quæ Arabicalingua in Bibliotheca Pariſienſi extat, nobis hætenus incognita. At quis æquo animo a nobis prætermitti patiatur inſigne ejus eſſatum, quod morti proximum eum edidiſſe Arabes tradunt? Cum enim interrogatus ab amicis, quænam ejus de hoc mundo noſtro ſententia ſit, eſſet: *Necesseſtate*, reſpondit

spondit, *adaetus in eum perveni, cum admiratione conjunctam in eo vitam duxi, jamque ubi linquendus mihi est, cum contentu eum despicio.* Illa etiam attentionem forsan mererentur, quæ de Mahomedis miraculis affert, de quibus divisæ esse videntur Christianorum in Europa sententiæ; dum alii cum Grotio (de Verit. Rel. Chr. l. 6. p. m. 202.) & Pfeiffero (Theol. Jud. & Mahommed.) nulla vel ab ipso sibi, vel ab affeclis Mahemmedo tribui miracula dicunt; alii cum Simonio (in Hist. Crit. Fidei nationum Oriental. c. 15.) & Chevræo (Hist. Mundi lib. 5. to. 3. p. 8.) multa de fama miraculorum ejus apud Mahomeda nostradunt. Varia ab Autore nostro Mahommedanorum Scriptorum loca afferuntur, quæ utriusque partis stabilire sententiam queant, ita tamen ut paulo accuratiore instituto examine, plus soliditatis in priore esse videatur. Imprimis observandus locus, quem ex Alcorani interpretibus ad caput Raad produxit: ubi cum incredulitatis eorum, quos infideles Mahommedes, eo quod miracula ab eo flagitarent, appellat, facta mentio esset; ista ex iis nonnemo fuit commentatus: Solere Deum miraculosa ea potissimum patrandi potestate instruere Prophetas, quæ maxime iis in locis, in quibus munere suo illis fungendum est, in pretio habeantur. Cumque adeo in Ægypto magia, in Judæa vero medendi ars Mosis & Christi temporibus magni apud omnes facta fuerit, iis quoque miracula concessa fuisse huic seculi genio maxime convenientia. Contra, eloquentiam linguæque Arabicæ puritatem Mahomedis ævo omnes potissimum cepisse, indeque maximum ejus miraculum ipsum Alcoranum esse, tanto nitore ab eo, idiota & plebejo homine, conscriptum.

At enim vero charta nos deficeret, si istiusmodi omnia annotare vellemus. Hoc forsan malam Lectorum nostrorum gratiam non inibimus, si quis qualisve fuerit Dherbelotus, ejus diligentæ præclarum hocce opus debemus, paucis indicaverimus. Cum enim ille, antequam prælis absolutum, luce frui hunc sortem suum cernere posset, præproperis fatis decesserit, merito justæ, quæ Dn. Cousin brevi vitæ historia persolvere illi voluit, hic quoque breviori illius repetitione ei reddenda ducimus. Natus itaque est anno hujus seculi XXV, parentibus insigni inter cives Parisienses loco positus. Juvenis statim, post alia hausta potius quam degustata studia, linguis orientalibus addiscendis totum sese mancipavit, Quarum amor in Italiam mox eum-

P

per-

pertraxit, ubi ob crebriora cum istis populis commercia, majores in isto studio progressus sibi pollicebatur. Romæ itaque potissimum, commoratus, familiarem Lucæ Holstenii & Leonis Allatii amicitiam meruit. Quin & Cardinalis Barberini atque Grimaldi ita sibi conciliavit animos, ut dignus a Grimaldo judicatus fuerit, qui Reginz Sueciæ Masfiliam honoris causa obviam mitteretur, quam eruditione suajam tum in admirationem rapuit. In patriam reversus in Fouqueti, reddituum Regiorum tum Præfecti, familiam, magnifico stipendio sollicitatus, pervenit. Cujus sequior fortuna adeo ei non obstitit, ut illo licet lapsu graviore jam præcipitato, Secretarii tamen & Interpretis linguarum Orientalium Regii munere fuerit ornatus. Verum Italiam de novo appetebat animus, insatiabili discendi cupiditate accensus. In quam anno 1666 delatus, Florentiæ a Serenissimo Magno Duce Ferdinando illis honoribus fuit cumulatus, qui privati Viri sortem fere excederent. Magnifice enim instructa sumtibus ejus non tantum fuit, quæ Dherbelorum exciperet domus, rhedaque & equi ex stabulis Magni Ducis designati, qui usibus ejus inservirent; sed locupletissima etiam Bibliotheca orientalium codicum, ei, antea ut pretium illi statuere, vellet rogato, (Duce nimirum illam sibi vendicare velle simulante) empta atque dono data est munificentissime. Auxit illa res ejus in Gallia famam. Quamobrem ab illustri Colberto magnis pollicitationibus revocatus, non antea a Cosmo, Serenissimo hodie Magno Hetruriæ Duce, ut dimitteretur impetrare potuit, quam Colberti litteras ei ostendisset. In patriam itaque redux a Potentissimo Rege suo ad familiare sæpius gratiosissime admissus colloquium, annuo 15000 librarum stipendio auctus fuit, atque in id incubuit totus, ut Orientalem, quam in Italia concinnare cœperat, Bibliothecam absolveret. Arabica lingua eam scribere primum ipsum ceperat impetus: jamque typos illi excudendæ necessarios fundi jusserrat Colbertus. Nescio tamen quid consilium istud interverterit, adeo, ut in Gallicam linguam convertere, quæ Arabica commentatus fuerat, atque hac, qua nunc tenemus, forma edere coactus fuerit. Interea eruditione sua meruit, ut Regia Syriacæ linguæ Professio post Auvergnii mortem ei demandaretur. Quæ quantacunque fuerit, pietatem ceterasque virtutes ejus non superavit; quibus id indeptus est, ut sexto Id. Decemb. A. MDCXCV fatis suis concedens, neminem funeri suo non illacrymantem reliquerit.

DES

DES POINTS FONDAMENTAUX DE LA RELIGION CHRE-
TIENNE &c,

I. c.

*DE ARTICULIS FUNDAMENTALIBUS RELIGIONIS CHRI-
stiana: auctore JOANNE GRAVEROL.*

Amstelod. apud Georg. Gallet, 1697. in 8. Plag. 8.

Nihil solennius est in Theologorum scholis, quam doctrinæ cœlestis capita, vel ut vocari solent, articulos fidei in fundamentales & non-fundamentales dispescere. Nec tamen dum id faciunt, omnibus ita se probant, ut desint, qui palam hic dissentiant, eosque impugnent. Quin aliorum hocce institutum damnant, omnia doctrinæ cœlestis capita æque creditu necessaria esse clamantes; alii recte quidem hæc ita discerni autumant, sed fundamentalium capitum sive, articulorum exiguum adeo numerum constituunt, ut ex illorum sententia vel turpissimos Mahomedis assecclas in Christianæ Ecclesiæ consortium admittere non sit nefas. Utrisque sua commentatione obviam ire voluit Johannes Graverolius: illis tamen præcipue certamen indicit, cum his in transitu velut pugnans, & Johannem Clericum, ut ipse profitetur, subinde feriens. Demonstrato itaque vario multipliceque, quem ista articulorum Christianæ doctrinæ distinctio præberet, usu, Romanenses, ut parum ei æquos, atro notat lapillo. Ut autem rite, quid articuli fundamentalis nomine veniat, demonstret, in tres classes ordinesque omnia ea, ex quibus Christiana religio, seu corpus ex suis partibus, componitur atque constatur, distribui posse observat. Quædam, inquit, plane necessaria sunt, utilia alia, alia *à diâ & papa* seu indifferentia. Indifferentia ea vocat, quibus Ecclesia carere potest, quæque prout temporis, loci & personarum ratio postulat, immutare non est nefas. Utilia autem ea dicit, quæ ad fidei, ut loquitur, perfectionem quidem faciunt, ita tamen comparata sunt, ut Ecclesia & sine iis subsistere, singulique credentes æternæ felicitatis composites fieri possint. Necessaria denique vocat, sine quibus nec Ecclesia salva est, nec singuli credentes ad æternam pertingere salutem possunt. Et hæc ad fundamentum fidei pertinere judicat, ut quod tale quid continet Theologiæ caput, pro fidei articulo fundamen-

cap. I. & II.

cap. III.

- cap. IV. mentali debeat reputari. Cumque porro in scholis, ut Auctor docet, ab articulis Catholicis, quos a nemine, qui inter Christianos nomen suum proſitetur, ignorari fas est, discerni soleant Theologi, quorum accuratior cognitio a docentibus solum exigitur, hoc pluribus confirmat, & ipsorum Romanensium testimoniis comprobatur. Et licet omnia, quæ Deus revelavit, ab omnibus seu divina effata summa animi submissione sint amplectenda, quantum ad auditores tamen, sufficere putat, si fide generali & implicita hoc faciant, si discenseris ab iis capitibus, quæ ad fundamentum pertinent. Ne autem alicui dubium suboriat, quo pacto dogmata hæc Christianæ religionis capitalia necessaria dici possint, more in scholis recepto aliud ad esse, aliud ad bene esse necessarium esse docet; præterea a necessitate medii distinguit necessitatem præcepti, & hæc omnia rite ad institutum, suum accommodat. Quibus ita præmissis, articulos quosdam fundamentales dari, & rationibus, & consensu doctorum hominum ex præcipuis orbis sectis, comprobare annitur. Nimirum a ratione, inquit, proprius abhorret, Deum imposuisse hominibus necessitatem distincte & explicite ea credendi, quæ ut cognoscere possint, in illorum viribus positum non est, quantamcunque etiam curam & diligentiam secum afferant. Jam, ita pergit, si res omnes divinis literarum monumentis proditæ æque creditu necessariæ essent, sequeretur sane, Deum tale quid, quod a paucissimis præstari potest, hominibus imposuisse. Quod cum nemo admittere possit, invictum inde robur se sententiæ suæ conciliasse, sibi persuadet. Consensu omnium fere sectarum idem confirmaturus, ad Judæos, Mahomedanos, Anabaptistas, Arminianos, Socinianos, Lutheranos, quin ipsos Romanenses, vel invito veritati testimonium perhibentes, provocat, prolatisque testimoniis suam sententiam comprobat. Hinc caliginem, quæ veritati hic a quibusdam offunditur, dispulsurus, cum Richelio Cardinali, cui inter novæ methodi inventores haud ultimus debetur locus, congregitur, ostenditque quam parum firmo nitantur talo, quæ pro adstruenda omnium articulorum fidei æqualitate Cardinalis attulerat. Hoc labore defunctus, & ipsa Scripturæ S. testimonia, & exempla conquirat. Refert huc ipsa Servatoris effata, summam Legis & Divinorum Vatum in eo positam dicentis, ut quæ ab aliis nobis fieri volumus, nos ipsis quoque præstemus, Matth. VII, 12, itemque maximum Numi-

nis

nis mandatum hoc esse, quod de eo diligendo præcipit, alterumque illi æquale de diligendis aliis, prædicantis, & similia. Idem colligit ex Matth. XXII. 36. sq. I. Cor. III. 11. 12. 13. Eph. II. 20. Et ita rem omnem plane se confecisse putans, ad alia digreditur, & quo pacto fundamentales articuli a non-fundamentalibus discerni possint, disquiri, deque characteribus fundamentalium articulorum exponit. Primo itaque ad ipsum lumen naturale, sive ut cum Claudio loquitur, *gustum conscientia* provocat, non certiorum evidentioremque characterem reperiri posse autumans, quam quem illud suppeditat. Addit alterum, quod scilicet Scriptura sacra ea, quæ præcipue necessaria sunt, subinde repetere & ita diligentius inculcare soleat, secundum regulam ipsi Chrysostomo quoque laudatam: *Sacra Scriptura non est multiloqua in his, quæ non sunt multum necessaria*. Tertium petit ab ipsa evidentiâ & claritate. Nimirum quæ creditu factumque ad salutem æternam consequendam sunt necessaria, tam clare tamque perspicue in divinis literis tradita esse, ut omnibus diligentiam studiumque in veritate inquirendi sincerum adhibentibus sua sponte se offerant. Nec contemnendum inde quoque characterem capi ait, quando ipsa Scriptura S. dogmatis aut articuli cujusdam necessitatem commendat, ut cum Paulus Ebr. XI. 6. dicit: *Credendum est* (seu oportet credere) *ei qui ad Deum accedat, Deum esse & sui studiosis præmia rependere*. Porro quando Deus certis dogmatibus aut virtutibus promissiones vitæ æternæ addit, de illorum præstantia & necessitate, judice Auctore, dubitari nequit. Sic Paulus I. Tim. IV. 8. de pietate dicit, *quod promissiones habeat & præsentia & futura vitæ*. Non aliter quoque judicandum, quando aliquid in Scriptura sacra ut finis & scopus Evangelii ac gratiæ Divinæ proponitur, ut cum Joh. XX. 31. dicitur: *hæc autem scripta sunt, ut credatis Jesum esse Christum filium Dei, & ut credentes vitam per ejus nomen adipiscamini*. Sed istud quoque pondus ac momentum censente Auctore habet, quando ipse Christus & Apostoli Christianam religionem velut ad summa quædam capita contrahunt, ut cum Christus dicit: *hæc est vita æterna, si te solum cognoscant verum Deum & quem misisti Jesum Christum* Joh. XVII. 3. Hæc omnia postquam prolixius deduxit, haud difficile esse pronuntiat, cognitis veritatibus fundamentalibus errores dijudicare, & quinam fundamentum ullo modo labefactent, quinam vero illud non attingant,

cap. IX.

cap. X.

cap. XII.

cognoscere. Simul tamen observat, articulos fundamentales inter se connexos & velut ætistissimo quodam vinculo colligatos esse, ut uno labefactato ceteros quoque corruiere necesse sit. Posse itaque eos duplici ratione considerari, primo quidem in se, non attendendo ad veritates quæ inde pendeant & legitime derivari queant, aut ad errores per quos destruantur: deinde ita, ut ad hæc omnia simul respiciatur. Priori modo si spectentur, pauciores articulos fidei constitui posse; ast longe plures esse, si posteriori modo considerentur. Quæ cum ita sint, mirandum non esse concludit, quod Theologi in numero articulorum fundamentalium definiendo non consentiant, cum alio alioque modo eos intueantur. Sed quod Latitudinarii cum Sociianis autumant, nullum articulum pro fundamentali habendum, nisi disertis verbis a Scriptura S. proferatur, id falsum esse ex suis principiis colligit, nec minus eos errare, dum numerum horum articulorum adeo coarctant, ex hæcenus allatis comprobari posse confidit. Ultimo loco cum Romanensibus denuo congregitur, jureque Protestantes ab eorum communione discesse docet.

*PINDARI OLYMPIA, NEMEA, PITHIA, ISTHIA. UNA
cum Latina omnium versione carmine Lyrico, per Nicolaum
Sudorium.*

Oxonii e Theatro Sheldoniano, 1697, fol. Alph. 7. pl. 15.

DE Pindaro, Lyricorum Poetarum principe, quid olim nuperque Viri docti senserint, late *Bailletus* in *Judiciis Eruditorum* de Poetis parte I. pag. 134. sqq. exposuit. Itaque de eo plura hoc loco dicere, supervacaneum foret. Odæ etiam ejus, quæ supersunt, toties seu una cum Scholiis antiquis Græcis, seu sine illis, typorum adminiculo descriptæ, & per orbem literatam dispersæ fuerunt, ut nullius facile subterfugere possint notitiam. Præ reliquis tamen editionibus ea hæcenus eminuit, quam *Erasmus Schmidius*, Græcarum eo tempore & Mathematices in vicina Wittebergeni Academia Professor, summo adornavit studio, cumque luculentis Commentariis suis Wittebergæ A. 1616 evulgavit. Neque contemnenda altera est, quæ hanc excepit, & a *Johanne Benedicto*, Græcæ linguæ in Salmurienfi Galliæ Academia Professore curata, A. 1620 Salmurii cum notis novaque Lati-

na

na Paraphrasi lucem adspexit. Ista vero cum in officinis librariis dudum disparuissent, novæ, quam nunc sistimus, Pindari editioni ex Collegio Magdalenensi Oxoniensis Academiæ Duumviri doctissimi, Ric. West & Rob. Wested manus admovent, ab ejusdem Collegii Præside eodemque Admodum Reverendo hoc tempore Oxoniensi Episcopo, ornatissimo item Viro D. Aldrich Ædis Christi Decano, nec non eruditissimo Viro D. Mill Aulæ S. Edmundi Principali, quod ipsinet in Præfatione grati deprædicant, excitati adjutique. In qua quid præstitum fuerit, id vero est, quod paucis a nobis erit indicandum. Exhibetur textus Pindari Græcus cum versione Latina Erasmi Schmidii, quem in mentem Poetæ altius, quam Criticorum ceteros penetrasse, candide clarissimi Editores profitentur. Subjiciuntur textui primum quidem Johannis Benedicti Paraphrasis, inde Editorum notæ ex Schmidianis magnam partem excerptæ, quibus & variæ Lectiones ex duobus manuscriptis Bibliothecæ Bodlejanæ collectæ immiscentur. Denique Scholia antiqua Græca (quæ nec in Schmidiana, nec in Benedictina editione comparent) subjunguntur integra, & multo quidem, quam olim prodierant, emendatiora. Ast maximum novæ huic editioni ornamentum præfixa Operi Chronologica Series conciliat, Olympionicarum cum annis Mundi, ante Nativitatem Christi, ab Urbe & ab Epocha Christianorum collationem ostendens, a Reverendo Admodum Episcopo Lichfieldensi Guilielmo Lloyd, cujus magnum opus Chronologicum dudum avidissime Eruditus Orbis expectat, adornata. Nec Index Vocum & Locutionum Operi suffixus, quem Editores ipsi confecerunt, tacendus est, prioribus omnibus multo locupletior, ut Lexici Pindariani loco haberi possit. Denique cum ad finem jam perducta editione, Nicolai Sudorii Parisiensis elegantissima Pindaricorum omnium versio Latina carmine Lyrico juxta numeros Horatianos sub finem superioris seculi composita, beneficio clarissimi D. Hannes ad manus Editorum pervenisset, operæ pretium se facturos existimarunt, si & eam universo operi attexerent.

DE VIRTUTIBUS ET VITIIS DISPUTATIONES ETHICÆ,
in quibus accurate differtur quicquid fere spectat ad Philosophiam Mora-
lem, ab Aristotele traditam decem libris Ethicorum ad Nicoma-
chum: Auctore JOSEPHO SAENZ DE AGUIRRE.

Romæ ex typographia Antonii de Rubeis, 1697, in fol. Alph. 7.
Quem

Quem Maxima Conciliorum omnium Hispaniæ & Novi Orbis Collectione, nec non edita in lucem Nicolai Antonii Bibliotheca Hispanica Veteri, egregie nuper de Orbe Erudito meritum alibi laudavimus, Eminentissimus Cardinalis de Aguirre, jam olim, cum in Salmanticensi Academia Doctoris adhuc Philosophiæ munere fungeretur, Philosophicis etiam scriptis inclaruit. Nam & Contemplatricem Philosophiam tribus comprehensam voluminibus, & Ethicam seu Moralem duobus tomis absolutam, tertio etiam de Virtutibus & vitiis adjecto, Salmanticæ luci publicæ exposuit. Eorum vero operum pleraque revisa & emendata cum in devexa nunc ætate Romæ recudere constituisset (quemadmodum jam antea Theologiam S. Anselmi Commentariis & Disputationibus tum dogmaticis tum scholasticis illustratam, & Salmanticæ primum tribus voluminibus editam, Romanis etiam typis describi curaverat) nunc quidem Opus illud de Virtutibus & Vitiis, quod postremo inter Philosophica loco commemoravimus, nitidiori charta & charactere exhibuit. De quo plura hoc loco dici, cum jamdudum Eruditorum manibus fuerit versatum, nec sine applausu ab iis exceptum, nosque non nisi liberos recens elaboratos recensere consueverimus, non attinet. De Virtutibus & Vitiis, non Theologicis, sed quatenus intra terminos rationis naturalis & moralis continentur, agi, vel ex eo intelligitur, quod Philosophicis Eminentissimi Auctoris scriptis Opus hoc annumeravimus. Methodum vero servatam in illo eam, quam in decem libris Ethicorum ad Nicomachum Aristotelestenuit, ipsum libri frontispicium testatur.

JOH. MOLLERI HOMONYMOSCOPIA HISTORICO-PHILO-
logico-Critica, sive Schediasma ταπεινὸν de Scriptoris
Homonymis.

Hamburgi, sumptibus Goth. Libzeitii, 1697. in 8.

Alph. 2. plag. 15.

Quum difficultatibus multis involuta sit antiquitatis cognitio & investigatio, haud exiguae sunt istæ censendæ, quæ in veterum auctorum historia explicanda obveniunt. Quo magis hi enim a memoria nostra sunt remoti, eo densioribus involuti sunt tenebris, ut
 pro-

proclivis sit circa eodẽm & facilis etiã circa eorum nomina lapsus. Nam ut raceamus, quoties mutata auctorum nomina lectoribus imposuerint, cognomina item ignorata, & vel a parentum vel patriæ nominibus imposita, quot confusiones pepererint; plurimas nebulas eadem nomina diversis auctoribus communia studiosis antiquitatis offundunt. Reperiuntur in antiqua historia, observante Jonfio lib. I. cap. 2. de Script. Hist. Phil. viginti octo Pythagoræ, viginti circiter Hippocrates, totidemque Socrates, sedecim Platones, quinquaginta quasi Dionysii, triginta fere Aristoteles, rotidemque Heracles: qui si minus distincte cognoscantur, & quæ huic tribuenda sunt scripta alteri assignentur, horrida necesse est nascatur confusio. Quocirca utilem se præstiturum credidit diligentissimus in omni literatura Auctor operam, si errores ab ὁμωνυμία Scriptorum exortos investigaret, & exempla non magis quam causas confusionis inde exortæ ob oculos poneret. Nata hinc ipsi Homonymorum hæc διάσκησις studiose collecta, causas & species homonymiæ hujus inquirens, confusiones erroneas inde ortas detegens, rationes discernendi Scriptores eodem nomine gaudentes enumerans, & jucundis digressionibus de nominibus eruditorum, eorumque vitis & ætate, lectorem instruens. Classes homonymorum Scriptorum constituit undecim, cap. 2. sect. I. enumeratas, quarum decimam implent ψευδώνυμοι, de quibus p. 29. seq. Primam autem quum eos complectatur, qui κατ' ἐξοχήν ὁμώνυμοι nuncupantur, eodemque & nomine & prænomine vel cognomine gaudent, haud paulo prolixius de iisdem commentandum duxit cap. 3. Multos ex veteribus Philosophis observatos a Diogene Laertio, Meursio, & Jonfio, ex Rabbinis a Buxtorffio, ex ævi præfci & medii Scriptoribus Christianis a Caveo, affirmat; eandem confusionem in Scriptoribus ætati nostræ proximioribus peperisse nomina Pauli Æmilii, Rudolphi Agricolæ, Hier. Aleandri, Wilh. Amicii, Jo. Andreæ, Jo. Aurifabri, Jo. Benedicti, Jo. Boissii, Jo. Brochmanni, Erasmi Brochmanni, Jo. Breidenbachii, Jo. Calvini, Jo. Capellani, Petri Castellani, Alphonfi a Castro, Chr. Coleri, Nic. Cusani, Jo. Deckheri, Em. Diazii, Jo. Drusii, Jo. Durzi, Jo. Eckii, Jac. Fabri, Octav. Ferrarii, Jo. Fischeri, Matthiæ Flacii, Ant. Fernandezii. Æg. Gonzalezii, Jac. Gordoni, Ant. Goveani, Jo. Gravii, Jo. de la Haye, Jo. Himmelii, Franc. Hottomanni, Thomæ Jamesii, Aug. Justiniani,

Jo. Langü, Jo. Lafci, Andr. Laurentii, Jobi Ludolfi, Aldi Manutii, Jo. Marquarti, Mart. Martinii, Jac. Martini, Jo. Matthæi, Ant. Matthæi, Phil. Matthæi, Julii Mazarini, Jac. Meieri, Jo. Merceri, Jo. Michaelis, Henr. Mori, Thomæ Mori, Ant. Musæ, And. Ofiandri, Hier. Oforii, Jo. Oweni, Franc. Patricii, Ben. Pererii, Theodori Pettræi, Franc. Piccolominei, Jo. Polyandri, Ant. Posslevini, Henr. Regii, Jo. Regii, Franc. Rodriguezii, Franc. Romani, Guerneri Rolincii, Casp. Sanctii, Jo. Schroderi, Casp. Schwenkfeldii, Jac. Sylvii, Jo. Sylvii, Francisci Sylvi, Eman. Vegæ, Andr. Velleii, Petri Pauli Vergerii, Jo. Vigerii, Franc. Xaverii, Franc. Zabarellæ, Theod. Zwingeri, observat. Jo. Molleri nomen, quod ipse gerit, cum multis sibi esse commune annotat, & peculiari commentatiuncula sub *Mola Musarum Castalia* titulo, recensum Scriptorum vel eodem secum gavisorum cognomine, vel alia huic affinia a molendinis ac re molitoria adeptorum, se editurum esse p. 82. promittit, & quot Molleros, Molitores, Mylios, Malderos, Monerios, Meulénios, Molanos, Molinæos, Molinas, Molinos, Muhlios, Mulénios, Mulmannos, Muhlpfortios, inter eruditos observaverit, enarrat; in Appendice p. 932. quinquaginta scriptores & libros eorum recensens, qui *Jo. Mulleri* seu *Molleri* nomen gerant. Homonymia istæ quum in multis sit fortuita, nec ratio evidens, cur idem plures gesserint nomen, dari possit; (p. 84.) plurimos tamen ob certas causas idem cum aliis nomen habere commune, vel a parentibus impositum vel certo consilio acceptum, cap. 4. ostendit. Nam ex veneratione Deorum ethnicos ab iisdem nomina mutuatos esse, ex Diodori, Diomedis, Diophanis, Herodoti, Herophili, Posidonii, Hermetis, Hermogenis, Hephæstionis, Apollonii, Dionysii, Heracliti, Athenæi, Epaphroditi & similibus nominibus constare, & Judæos veteres, ac Christianos postea, idem consilium esse secutos, ex Johannis, Danielis, Ezechielis, Samuelis, Josæ, Jeremæ, Esaiæ, Eliæ, Theodori, Theodosii, Theophili, Timothei, Adeodati, Godofredi, Godeschalci, & aliis hujusmodi appellationibus esse manifestum: Angelorum autem, Gabrielis, Urielis, Raphaëlis, & sanctorum Apostolorum, Martyrum ac Ecclesiæ Doctorem nomina ob eorundem cultum liberis esse imposita, non dubitandum. Affectum & amorem in parentes, majores, aut necessitudine junctos, etiam causam esse impositorum liberis nominum istorum quos isti gesserunt, jam Aristote-

lis

lis interpreti Ammonio observatum p. 90. annotat; indeque profectum docet, plurimisque exemplis illustrat, quod passim in Academicis, & claris urbibus aliis, eruditionis non minus quam nominis reperiantur hæredes multi. Cultui Principum obsequioso vel adulatorio sæpe deberi *ἐμνομιάν*, & subditos imperantium nominibus delectari, p. 113 ostendit. Vana persuasione etiam de quorundam nominum felicitate induci plurimos, ut idem multi expectant nomen, cap. 5. docet, ubi de infelicitate fatali quorundam nominum p. 118. agit, & quæ nomina quibus gentibus familiaria & usitata magis sint, p. 130. annotat: caput hoc denique elencho eorum inter eruditos claudit, qui cognomen prænominis loco simul adhibuerunt, v. g. *Alexander ab Alexandro*, *Benedictus de Benedictis*, *Galilaus de Galilaïs*, *Odauus de Oddu*, &c. p. 140. seq.

In Sectione *secunda* erroris ex homonymia sæpius orti exempla tam prisca quam recentiora enarrat & prolixo recensu exhibet, ordinata juxta literarum seriem instituto, Scriptoribus autem in septem classes redactis, & totidem capitibus inclusis. Inter cæteros notabilis est error Cornelii a Lapide, Danielem prophetam ab Attico capite plexum fingentis; cum martyr Christianus eo nomine fuerit, cum tribus fociis, seculo quarto supplicio capitæ affectus, observante Reinesio, p. 160. Elias duos, & Esras duos, nec non Hoseas & Jacobos geminos, errorum ansam præbuisse, p. 162. 163. 164. demonstrat. De Jobo, & Johannis capite, pluribus in locis, apud Ambianenses & Angeliacenses & Romanos, superstite, p. 169. de Johanne Evangelista, Apocalypsicis scriptore p. 173. de Juda epistolæ auctore, p. 181. de Nicolao, Nicolaitarum patriarcha, p. 189. de tribus Obadiis p. 191. de duobus Philippis, altero Apostolo altero Evangelista, p. 196. de Simeone p. 199. de Simone Mago p. 205. de Thoma Indorum Apostolo p. 210. de Zacharia, filio Barachæ, inter templum & altare occiso p. 212. de Philone Judæo p. 224. de variis scriptoribus Ebrais & Rabbinis ob *παρονομασίαν* inter se confusis, Gedalia, Jonathane, Josepho Gorionide, Onkelosio, Bensira p. 229. de Syris, Jacobo Nisibensi p. 248. Isaac monacho p. 249. Mose Barcephæ p. 249. de Arabum Abunzare Alpharabio p. 251. Locmanno p. 252. Jo. Mesuap. 253. de Ægyptiorum Thauto vel Hermete Trismegisto p. 255. de Persarum Zoroastre p. 260. Olthane p. 267. de Septentrionalibus Oshinis p. 269. de Sibyllis p. 271. copiose disserit, Græcos Scriptores ob homonymiam.

confusos cap. III. recenset, inter quos eminent Æneæ p. 279. Alexandri Aphrodisæi p. 280. Antipatri p. 283. Aristæneti p. 284. Aristoteles p. 287. Asclepiadæ p. 291. Chæcili p. 295. Demetrii Phalerei p. 298. Euclidæ p. 305. Harpocraciones p. 307. Heraclidæ p. 308. Hierocles p. 313. Homerip. 316. Isocrates p. 318. Musæi p. 321. Orphei p. 323. Palæphati p. 327. Philostrati p. 330. Plutarchi p. 332. Porphyrii p. 334. Pythagoræ p. 335. Timæi p. 344. Vettii Valentes p. 345. Xysti p. 347. Zosimi p. 349. Inter Latinos veteres auctores cap. IV. enumeratos præ cæteris eminent ob homonymiam confusi Æthicip. 352. 378. Apuleii p. 354. Arriani p. 356. Polliones p. 358. Artilii p. 359. Cassii p. 362. Catones p. 364. Eutropii p. 369. Fab. Pictores p. 371. Hygini p. 373. Juliani p. 374. Julii Cæsares p. 379. Justinip. 387. Livii p. 383. Macrip. 386. Petronii p. 394. Plinii p. 396. Quintiliani p. 401. Rufini p. 403. Senecæ p. 405. Severip. 408. Suetonii p. 409. Varrones p. 411. Victores p. 412. Inter Græcos Scriptores Christianos, cap. V. recensito homonymia locum dedit confusio, præ reliquis, in Anastasius p. 414. Apollinaribus p. 417. Asteriis p. 418. Athanasius p. 419. Athenagoris p. 426. Barlaamis p. 428. Basilii p. 429. Chrysoloris p. 430. Clementibus p. 432. (quo loco de Clemente II. P. R. latius disserit, & an gente Holfatus an Brandenburgicus fuerit, cum Cl. Tenzelio disquiri) Constantinis p. 443. Cyrillis p. 444. Dionysius p. 447. Dorotheis p. 452. Egesippis p. 454. Eusebiis p. 459. Eustathius, Eultratiis p. 464. Germanis p. 465. Georgius p. 466. Gennadiis p. 468. Gregorius p. 472. Heliodoris p. 474. Hermis p. 475. Chrysostomis p. 484. (ubi de Epistola ad Cæsarium contra Apollinaristas, publicæ luci nunc exposita, fuse narrat) Iulii Africanis p. 492. Justinis p. 497. Macariis p. 499. Methodiis p. 502. Psellis p. 504. Nicephoris p. 505. Olympiodoris p. 507. Origenibus p. 511. Palladiis p. 512. Procopiis p. 514. Simeonibus p. 516. Sophroniis p. 517. Theodoris p. 521. Themistiis p. 522. Theophanis p. 523. Theophilis, Titis p. 525. Xiphilinis p. 527. E Scriptoribus Christianis Latiniis vetustioribus, capite VI. recensitis, confusionem præ reliquis ob nominum paritatem dederunt Adones p. 530. Aimoini p. 531. Alani p. 533. Ambrosii p. 537. Anastasii p. 539. Arnobii p. 541. Berengarii p. 544. Bernhardi p. 546. Brunonis p. 549. Cypriani p. 562. Durandi p. 557. Eucherii p. 559. Fulgentii p. 562. Gelasii p. 564. Gregorii p. 569. Haymones p. 574. Hieronymi p. 577. Hilarii p. 479. Udalrici p. 582. Idacii p. 585. Ilidori p. 587. Paulini p.

601. Prosperi p. 608. Raymundi p. 612. Remigii p. 616. Scoti p. 620. Tertulliani p. 627. Thomæ p. 628. Victorini p. 633. Vigili p. 635. Vincentii p. 640. Inter recentiores Scriptores, cap. VII. expositos, præcipui videntur qui *ἑμωυμία* errori ansam præbuere, Aretini p. 647. Bacmeisteri p. 648. Brownii p. 656. Cæsi p. 658. Camerarii p. 659. Fabri p. 668. Fabricii p. 672. Gerhardi p. 676. Grynæi p. 679. Jansenii p. 685. Laurembergii p. 689. Lindenbrogi p. 691. Magiri p. 695. Majores p. 696. Martyres p. 699. Meibomii p. 700. Molinei p. 702. Mollerii p. 703. Neandri p. 705. Oldenburgeri p. 706. Osiandri p. 709. Porti p. 712. Reusneri p. 716. Socini p. 723. Vossii p. 729. Ortelii p. 730. Wolfii p. 731. Wowerii p. 733. Zwingeri p. 737. Sectione *tertia* modi ostenduntur, quibus confusioni isti, quæ ab homonymia possit oriri, eatur obviam: nempe distinctionis causa si certæ nominibus addantur notationes patronymicæ, p. 748. aut nominibus adjiciantur numeri p. 749. aut nomina prorsus mutantur p. 751. Quo loco quæstionem, an licita sit nominis mutatio? copiose pertractat p. 753. sq. & Majoragi p. 755. Biblica etiam p. 759. Romanorum item veterum p. 761. Judæorum p. 762. veterum Christianorum, p. 763. Ecclesiæ orientalis p. 765. & Pontificum Rom. p. 766. ac monachorum monialiumque p. 769. exempla adducit; arbitrariis nominum mutationibus, ab eruditis diversas ob rationes institutis, aliisque nominibus adscitis, in cap. III. expositis. Huc refert Homeri, Platonis, Aristotelis, Theophrasti, Catonis nomina, a Melesigene, Aristocle, Batto, Tyrtamo usurpata, p. 773. 774. Ex recentioribus insignia *μετονομασίας* documenta dedisse ait Jul. Pomponium Latum, antea Petrum Calabrum vel Bernhardinum dictum p. 775. Domitium Calderinum, Jo. Bapt. Egnatium, M. Ant. Flaminium, p. 780. M. Ant. Majoragium, Janum Parrhasium, Fabium Vigilem, Phædrum Volaterranum, Phil. Cosmum p. 781. Justum Jonam, Ph. Aur. Theophrastum Paracelsum, Ad. Pastoris, p. 782. Publ. Vigilantium, Alex. Alefium, Amatum Lusitanum p. 783. Gabr. Acoftam, Aët. Syncerum Sannazarium p. 784. Jo. Pierium Valerianum p. 785. & alios, qui vel a patria p. 791. vel a parentibus p. 792. vel a die natali p. 744. vel ob *ἐϋφημίας* p. 796. vel *ἐὐφωρίας* p. 798. nomen immutarunt. De his qui vernacula sua nomina in linguas peregrinas transformarunt, significatione retenta, caput IV. agit; copiosumque eorum indicem exhibuit Adr. Baillët in tractatu Gallico *Des Auteurs deguisez sous des noms etrangers*,

empruntez, supposez &c. a nobis in Tom II. Supplement. sect. 4. & 5. recensito, ut ceteros taceamus, qui de Pseudonymis fuerunt commentati. Doctissimus autem Auctor noster plures hujusmodi Scriptores detegit ex schedis Joach. Peuschelii & Jo. Vogelii p. 801. sed qui nominibus istis non perpetuo, verum in uno alterove libro solum, aut frequentiori epistolari commercio, crypticis nominibus sunt usi. Per omnem vitam qui adoptata in aliam linguam conversa nomina retinuerunt, p. 806. seq. recenset, ex antiquis Cepham & Petrum, Porphyrium, Pelagium p. 807. ætati autem nostræ propiores Armandum de de Bello visu, Hugonem de Prato Florido, Petrum de Vineis p. 808. Felicem Fabri, Matthiam Farinatorem, Johannem de Indagine, Johannem a Lapide, Felicem Malleolum, Thomam Malleolum, Conr. Molitorem p. 809. Jacobum de Paradiso, Radulphum de Rivo, Ægidium Aurifabrum, Henricum Eutrachelum, Petrum a Rivo, p. 810. & alios longe plurimos. Quo etiam refert barbari ævi Scriptores, non minus absconsis nominibus insignitos, in claustris plerisque delitescentes; quorum nonnulli in Epistolis & Lamentationibus obscurorum virorum exagitantur p. 814, alii p. 816. indicantur. Seculo nostro plurimos extitisse cognominum suorum metaphrastas inter eruditos, (et si Camerario, Lud. Vive. p. 819. & Frischlino p. 821. minus probantibus istum morem) exemplis multis p. 821. 825. seq. ostendit, quæ recensere nimis foret prolixum. Nec abludit Thuani ratio, qui in opere historico nomina pleraque Gallica Latinum in habitum efformavit, quorum copiosum Indicem nomina veste Latina donata patrio idiomati reddentem Genevæ 1634 excusum contexuit Petr. Beslinus, secundum Bailletum tom. IV. p. 203, vel potius Puteanus, secundum Menagium in Antibailleto cap. 33. p. 109. tom. I. Accessiones nominum seu agnomina, homonymis distinguendis idonea, cap. V. exequitur, & tam apud Hebræos p. 866. quam Romanos p. 867. usitata ea fuisse tradit Auctor. Omnia corporis atque animi morumque vitia vel virtutes, omnes fortunæ casus, ista suppeditare, & a locis nativitatibus, officiis, vitæ genere, honoribus, ea derivari p. 869. docet, exemplisque Græcorum p. 870. Romanorum p. 873. Ecclesiæ Patrum p. 875. Scholasticorum p. 878. Jurisconsultorum p. 882. Medicorum & Philosophorum p. 883. Societatum item integrarum & Collegiorum, nomina suis sociis tribuentium p. 884. illustrat. Qualis est Societas frugife-

ra anno 1617 fundata p. 885. Cæsianæ poeticæ Societates p. 886. Ristianus ordo Cycneus p. 887. Birckeni seu Berulii Societas Pegnicensis p. 888. Academia Naturæ Curiosorum Leopoldina p. 888. Italicæ eruditorum Academiæ p. 890. Sectio *quarta* consilia suggerit Bibliothecæ Scriptorum homonymorum concinnandæ, & simul varias rationes exponit, quibus instrui ea & apparari possit. Desiderari eam monuit jam Adr. Bailletus, quem præ cæteris idoneum isti conscribendæ Auctor existimat p. 893. & summopere utilem & necessariam esse censet p. 894. Verum ingentem eruditionis apparatus, & exactam omnium Scriptorum notitiam requiri observat; qua gavisos esse nonnullos, quorum in hoc argumento versata est industria, cap. II. & III. indicat. Exempli loco eos, quorum industria circa prænomina v.g. Adrianos, Antonios, Apollonios, Bernhardos, Simeones &c. cap. IV. & cognomina, v.g. Capellos, Pfellos &c. cap. V. fuit occupata, profert; tandemq; appendicis loco p. 932. quinquaginta auctores enumerat, qui *Molleri* sive *Mulleri* & *Myli* nomen, commune cum auctore, gesserunt. Plures proferri potuisse ait, sed eos, ut supra jam innuimus, peculiari operi, cognomina vel a molis & re molari vel eidem affinia adeptos Scriptores exhibituro, reservari, quod prolaturus sit cum titulo *Mola Musarum*, *Castalia* seu *Schola Eruditorum Panepistemonica*. Hæc *Mola*, æque ac *Cimbria literata*, cujus ἀποσπασματίον septem abhinc annis vidimus, nec non *Notitia Reipublicæ Ecclesiastico-literariæ Geographica*, aliquoties in libro jam recensito allegata, ut quamprimum lucem publicam adspiciant, optamus; certi monumenta haud proletariæ eruditionis ea futura, quum in hoc *de Homonymiis* commentario longe plura, quam titulus præfert, invenerimus, & de eruditorum vita ac ætate, haud obvia cognoverimus; qualia in istis, quæ promissit doctissimus Auctor, operibus plura exhibitum iri non dubitamus.

CHRONICON CŒNOBII MONTIS FRANCORUM GOSLARÆ.

Frankofurti, 1698. in 4. Plag. 15.

NOn incelebre olim Monialium in Monte-Francorum (*Frankenberg*) Goslaræ cœnobium fuit, cujus Annales præsentī opusculo complecti Auctor anonymus sustinuit. Et primordia quidem illius ad annum seculi decimi tertii vigesimum quintum aut sextum referenda existimat; fundamenta vero a Conrado II Hildesimensium Episcopo-

piscopo jacta; etsi Leznerus in Chron. monast. manuscripto Agnetis, quæ Henrici Ducis Saxonix & Comitiss Palatini ad Rhenum conjux fuit, auspiciis id factum tradiderit. Exstructum vero cœnobium Goslarix fuit in Monte Francorum, a Francis olim ita dicto, qui ad prædites prope Goslarium metalli fodinas, ab Ottone M. primum, ut vulgo creditur, detectas, advolarant, sedemque ibi collocaverant. Dicitur Sororibus Pœnitentibus S. Mariæ Magdalens Ordinis S. Augustini, illis nimirum, quæ post vitam in luxu ac libidinibus actam, insignis illius peccatricis Mariæ Magdalens exemplo, seriam pœnitentiam præferebant, &, ut in tabulis nonnullis dicitur, *mundi vanitatibus abnegatis semetipsas Domino laudis sacrificium offerebant.* Atque hæc indicasse obiter, pro instituti nostri ratione, suffecerit. In Opere autem ipso Lectores, præter ea quæ ad Cœnobii Historiam pertinent, tum de civitatis Goslarix, vicinarumque ditionum, nec non illustriorum in iis Familiarum fatis plurima notatu non indigna, tum inprimis Episcoporum Hildesienfium, ad quorum diœcesin Francobergensē nostrum monasterium spectabat, seriem integram ad Ernestum usque Bavarum, qui A. 1573 Burchardo ab Obergē successit,prehendunt.

RARIORUM PLANTARUM HORTI MEDICI AMSTELODAMENSIS Descriptio & Icones. Auctore JOANNE COMMELINO.

Opus posthumum.

Amstelodami apud P. & J. Blaeu & Abr. a Sommern, 1697. in fol. Alph. 4. Plag. 20.

SI quo in toto terrarum Orbe loco Botanices hoc tempore studium floret, in Hollandia certe floret quam maxime. Uti enim celeberrimæ huic provinciæ nunquam excellentia defuerunt ingenia, quibus omne literarum genus excultum promotumque fuit: ita Plantarum imprimis amore accendi in ea plurimos videas, & amœnissimæ Arti magis magisque exornandæ incumbere. Accedit negata aliis gentibus commoditas exoticis quibusque plantis potiundi, per commercia ab Inclytis Indiæ Orientalis & Occidentalis Societatibus per universum fere Orbem propagata. Neque sumptibus eam in rem impendendis parcunt, qui ad clavum Reipublicæ sedent. Nam & Academiæ Lugduno-Batavæ Curatores Amplissimi Hortum Lugduni Medicum

dicum publico usui instruxerunt, de quo nostris temporibus imprimis *Paulus Hermannus*, Vir in hoc studiorum genere exercitissimus, dum viveret, egregie meritus est, cujus & nos *Plantarum Horti Medici Lugduno-Batavi Catalogum* in his Actis A. 1687, pag. 245, & *Flores Lugduno-Batavae Flores* A. 1690, pag. 217. recensimus: & Amstelodamensis Reipublicæ Proceres gravissimi hortum similem commodo in nova urbis regione loco adornandum censuerunt, cura ejusdem tum *D. Joangi Hnydesoper*, Equiti, Toparchæ in Marsoveen &c. Consuli ac Senatori urbis amplissimo, nec non Societatis Indiæ Præfecto, tum *Joanni Commelino* Senatori iidem ordinis Viro, dum in vivis esset, spectatissimo, demandata. Quorum insigni industria, brevi temporis spatio, novus hortus tanta exoticarum inprimis rarissimarumque, nec ante in Europa spectatarum plantarum copia fuit instructus, ut hoc tempore non sine admiratione perlustrari a Botanophilis queat. Cui rei vel præsens hic, quem sistimus, Catalogus selectiorum centum & duodecim Plantarum documento esse potest, isq; Belgico-Latinus, a *Joanne Commelino* nimirum patrio sermone compositus, inque Latinum a *Frederico Ruyschio* Botanices Professore clarissimo & *Francisco Kiggelario* conversus, notisque illustratus. In quo non solum plantæ singulæ accurate describuntur, cujusq; fere natali solo, radice, pediculis, foliis, caule, floribus, seminibus, tempore quo floret, viribus, sapore, usu, cultura & propagatione designatis, sed & nitidissimis iconibus ad vivum ita delineantur, ut, qui in lectionem libri inciderit harum rerum cupidus, in horto ipso spatari, rarissimasque, nec nisi e regionibus alio sub Sole calentibus in Hollandiam advectas plantas, maxima cum oculorum animique delectatione, coram intueri sibi videri queat.

RESPONSIO DANIELIS PAPEBROCHII AD EXHIBITIONEM

Errorum per Adm. Rev. P. Sebastianum a S. Paulo Colonia A.

1693 evulgatam. Pars secunda.

Antverpiæ, apud viduam H. Thieullier, 1697. 4. Alphab. 3. plag. 4.

Delationibus Hispanicis coram Inquisitionis tribunali A. 1693 factis peculiarentur responsionem se oppositurum pollicetur celeberrimus Papebrochius, quem interim cum Adm. Rev. P. Sebastiano

R

a S,

a S. Paulo decertantem binis jam tum vicibus in Actis nostris introductum benevoli Lectores meminerunt. Quemadmodum autem priam modo Apologiæ Adversario ab ipso oppositæ partem hæctenus recensuimus: ita nunc secundam exhibemus, quæ responsionem ad res duos P. Sebastiani Articulos tredecim complectitur.

Et Articulo quidem XIII in Patrum scripta injurius ab Adversario suo vocatur Papebrochius, eo quod horum aliqua istis abjudicasset. Sed merito id abs se factum regerit, ac ideo Dionysium, Areopagitam librorum de Hierarchia auctorem esse denuo inficiatur, pluresque secum ita sentientes allegat; Dionysii autem cæteroquin opera hæreseos suspecta se unquam reddidisse pernegat. Librum Josephi Antiocheni de primitivæ Ecclesiæ perfectæ militia spurium se vitulamen nuncupasse ait ideo, quod nulla ejus tanquam adeo antiqui mentio idonea proferri queat: Brocardi enim, quæ audiant, Constitutiones, in quibus ille allegetur, nequaquam seculo XII, sed XIV demum scriptas, adeoque isti manifeste esse suppositas. In sententia de Symbolo Athanasiano ad recentiorum longe Athanasio scriptorem relato persistit, ac ad Cardinalis Ursini auctoritatem rationesque ab Oudino congestas Lectorem remittit; in canone vero Synodi Augustodunensis ab Adversario allegato, per fidem S. Athanasii Nicænum intelligi Symbolum contendit. Tractatum de virginitate Athanasium composuisse non absolute negat, sed ob styli diversitatem suspectum eum sibi reddi asserit. Joanni, Hierosolymitano Patriarchæ, librum de institutione monachorum, suffragiis Auctorum plurimorum in subsidium vocatis, iterum abjudicat, & quod a Carmelita quodam, ortu Hierosolymitano, seculo XIII exeunte fuerit confarcinatus, pro verisimillimo agnoscit. Ut S. Augustini regulam viris esse præscriptam neget fortius, totam ejus historiam repetit; eidem vero Augustino librum de fide seu de unitate Trinitatis contra Manichæos aut Henschenium aut se negare, prorsus abnuir, nec tamen, si negasset, temeritatis notam se meritum fuisse admittit, cum & Bellarminus, Sirmondus, Labbeus, Benedictini S. Mauri, alique idem fecerint. Quamvis Damascenum in sermone de assumptione B. Virginis Mariæ Euthymianam historiam incertam citasse affirmarit, inde tamen sequi haud vult, quod illum librum tanquam suspectum fictumque impudenter traduxerit. Visionem & plura ejus generis de Elia in Epipha-

nii de vitis Prophetarum libro enarrata, fabulisurique accensenda esse affirmat, eumque in finem ex hoc ipso libro fabulosissima nonnulla alia excerptit. S. Bertham Benedictinis vindicari non posse, melioribus, quam existimet quidem Adversarius, argumentis se probasse innuit. Daram a S. Alberto Carmelitis regulam nuspiam se nimis brevem & diminutam appellasse, aut ex argumento quoquam alio vituperasse testatur. Epistolam de processu & variis regulis Carmelitarum, genuinum fœrum S. Cyrilli Constantinopolitani esse, non se solum negasse ostendit, atque similem in modum declarat, quod & alia ejusmodi scripta haud præter rem in dubium vocaverit.

Antiquitatis indulgentiarum impugnata reus factus est articulo XIV Papebrochius, sed non nisi fictas ac omnino falsas a se proferri respondet, qualium nimis multas reperiri, ex quodam S. Congregationis A. 1678 habitæ decreto uberius demonstrat. Ac in horum numero recte haberi censet indulgentias, quas Leo IV Carmelitarum Ecclesias visitantibus perhibeatur concessisse, aliasque, quas quidem Adversarius falso pro fictitiis venditari causetur, sed suam hanc assertionem idoneis firmare rationibus omittat. Indulgentias trium, quinque, septem vel plurium annorum ante XI vel XII seculum in usu non fuisse, Morini quoque argumentis confirmat, & hunc, si Comentarium suum de disciplina in administratione poenitentiarum ultra decimum tertium seculum produxisset, indicaturum fuisse nullus dubitat, quam velocia indulgentiarum seculo decimo quinto & sequenti incrementa sumserint.

Dum objecta sibi Articulo XV placita historias sacras impugnantia amoliri a se studet, multa assert de reperenda ab Eliæ temporibus origine Ordinis Carmelitici, de qua & Janningum in Papebrochii defensionem latius egisse, in Actis his A. 1696. p. 133. indicavimus. Eliam Monachum dici posse haud negat, negat tamen eum vocandum Religiosum, & duo hæc vocabula, minimum quoad statum Veteris Testamenti, nequaquam coincidere opinatur, cum Religiosi titulus insinuet tria vota, perpetuæ paupertatis, castitatis & obedientiæ, quibus certe in Veteri Testamento nemo se obstrinxerit; sigillatim vero Eliam eorum observatorem fuisse negat. De Essenis non omnibus locutum se fuisse annotat, ubi eorum religionem Græcanicis superstitionibus permixtam dixerit, neque hoc judicio hæreticos hos pronunciatos,

ciatos, cum substitutionis aliquid oriri possit simplicioribus subinde Catholicis, qui tamen cum pertinacia errorem contra fidem non tueantur. In explodenda fabula de primo sacello in honorem B. Virginis Mariæ in monte Carmelo tempore Apostolorum ædificato, Taciti auctoritate, ut et ethnica, se nixum impune fuisse innuit, cum in rebus historicis non tam quærat, cujusnam religionis fuerit scriptor aliquis, sed potius, quam verax sit, quamque certo scire poterit ac re ipsa sciverit rem illam, de qua testimonium suppeditet. Ante Constantinianæ tempora in memoriam Deiparæ aut quorumvis aliorum Sanctorum extructa fuisse templa, multis quidem rationum momentis probatum dare Papebrochii nostri Adversarius conatus est; verum ille modo auctores adductos nullius in historia fidei, modo eorum testimonia aliis de causis parum huic probationi idonea esse regerit. Fratrum B. Mariæ nomen Carmelitis non invidet; modo ut ad Apostolica fere tempora istius nominis principium, occasione sacelli jam tunc sub eo nomine extructi in Carmelo, attollatur, minime admittit. De barratis Carmelitarum palliis prolixam commentationem inierit, quæ finita ostendit, quod nec primus nec solus Carmelitarum Florentinorum monumenta impugnaverit. Quod Carmelitas ex Terra Sancta in Europam transmigrasse ante seculum XIV negarit, id errori aut scribentis aut excudentis tribuit, & in istius locum seculum XIII substitui postulat. Quæ alias pro defendenda impugnatione antiquitatis Carmelitani Ordinis urget, referre singula ob institutum nostrum minime valemus; quemadmodum nec iis prolixius licet inhærere, quæ affert circa explosam narrationem de quatuordecim millibus infantium Bethlehemicorum martyrum; circa repudiatam historiam S. Brunonis, quoad damnationem Doctoris Parisiensis; circa S. Theodori miraculosam draconis debellationem fabulis accensitam, & circa argumenta alia, ad quæ stylus Accusatoris parum, ut Noster heic conqueritur, intra justæ methodi cancellos sese continens, ipsum subin deduxit.

Articulo XVI Chronologiam Carmelitarum P. Sebastianus texuit, & ex Sacra Scriptura, Pontificum Bullis, Breviariis, Missalibus, Martyrologiis, Historiis ac Revelationibus ostendere allaboravit, quod Carmelitarum Ordo inde ab Eliæ ævo, citra ullam interruptionem, adhæc usque tempora continuatus fuerit. At enim vero præter crambem recoctam nihil heic apponi censet Papebrochius, eamque ob rem
passim

passim ad antea jam abs se disputata provocat. Interim presso ubivis pede Adversarium insequi, & quam lubrica sint ejus fundamenta, denuo ostendere nequaquam pigratur. De Missalibus etiam & Breviariis non satis reverenter habitis, etsi jam ad Articulum IV satis suam mentem exposuerat, respondere tamen, Articulo XVII sic requirente, rursus cogitur; ubi inter alia Breviariorum minime vetustam originem urget, ac singulas Ecclesias sua sibi Breviaria arbitrato suo formasse & reformasse, nullum autem, nec etiam Romanum, ante Pium V, Pontificis auctoritate munitum reperiri objicit.

In Articuli XIX titulo laxa Martyrologiorum & Kalendariorum auctoritatis insinuat Papebrochius, qui tamen circa Kalendaria hoc accusationis caput ne verbo quidem unico probari miratur, Sub Martyrologiorum vero nomine non illa, quorum vel olim fuerit vel nunc sit publicus inter divina Officia usus, adeoque & aliqua auctoritas ecclesiastica, intelligi, sed in sensu valde improprio ac alieno ab eo, quem Fideles Martyrologiorum sacrorum tabulas citari audientes sibi concipiant, sermonem annotat institui de Martyrologio Gallicano Saulsayi, Brixienſi Fayni, & Franciscano Arturi, quæ certe singula passim erroribus obnoxia haud levibus deprehendantur, ob quos proin per omnia iisdem adhærere religioni sibi duxerit. Ast Martyrologium Romanum undiquaque se dilacerare & suspectum reddere, diserte negat; quædam vero, ubi res ita exigere videatur, se emendare non dissimulat: id quod jure optimo fieri exinde colligit, quoniam Ussuardi Martyrologium, cujus non minor per tot secula, ac Romani illius, obtinuerit auctoritas, a Maurolyco, Galeſinio, Molano corrigi tulerit. quin & totum abrogavit Ecclesia, substituto alio a Baronio & cæteris Romanæ Curia ministris quibusdam eruditissimis, jussu Gregorii XIII curato editoque A. 1584. quod ipsum etiam A. 1591 non minus visum fuerit variæ correctionis egere, quam porro sub Urbano VIII adhibitam constet; neque sic tamen plurima, quæ adhuc possint corrigi, deesse, ex Luca Holstenjo observat, cujus hac de re epistolam sub Articuli hujus calcem producit.

Ad accusationem novam, quæ Articulo XIX continetur, quasi traditiones omnes a synchronis non scriptas rejiceret, respondet Papebrochius, traditiones neque nullas neque omnes recipiendas esse aut rejiciendas, & argumentum a coævorum silentio petitum quandoque

que nullam, quandoque mediocre, sæpe maximam vim habere, quam discernere Critici eruditi sit officium, ubi ex instituto cuncta sedulo expenderit. Se interim in Sanctorum Actis rigidum adeo traditionum censorem ubivis minime egisse addit, quippe qui solum distinxerit varios verisimilitudinis, adeoque & fidei illis tribuendæ gradus; quemadmodum traditiones quoque, licet nudas, ubicunque potuerit, per conjecturas verosimiles stabilire, multasque prima etiam fronte absonas, dilucidare modis omnibus annis sit. Ut vero promiscue omnes atque singulas passim occurrentes recipiat, injungi sibi posse nequaquam adnuit, exemplisque non unis probat, traditiones sæpe receptissimas successu temporis, ad curiosorum veritatis scrutatorum indicium, suo merito explosas fuisse & rejectas. Similiter revelationes, ob quarum neglectum Articulo XX accusatur, non ubivis historici testimonii vices probe sustinere affirmat, & talium aliquot in medium adducit, quæ veritati alias receptæ in nonnullis contradixerint. Non enim semper impedire Deum ait naturalem hominis phantasiam e speciebus ante ecstasim impressis oriundam; unde fieri nequeat, quin aliqui subinde errores istis revelationibus ex conditione hominum naturali accedant. Istas vero, quas sigillatim rejectas P. Sebastianus conquerratur, non præter rem rejectas a se innuit, cum testibus idoneis destituantur.

Quod in regna civitatesque injuriis non fuerit, (quæ quidem in Articulo XXI occurrit accusatio,) dum monumenta quædam, historias & traditiones in iis frequentatas, pro veris assumere detrectarit, evictum dare hinc allaborat, quod solum supposititia repudiare sustinuerit; quæ quidem in re nihil abs se peccatum existimat, cum certe & Eminentissimus Cardinalis D' Aguirre plurima Hispanorum Pseudo-Chronica rejecerit, ac prudentiorum secum in hoc negotio lubenter facientium suffragia passim cumularit. Non ergo sibi idem attentanti succedere posse Hispanos, non Mediolanenses, aut alios, quos concitare nitatur Adversarius; quandoquidem illorum monumenta, quæ in Sanctorum Actis venerari noluerit, supposititiorum nomine insigniri omnino mereantur. Quid? quod ipsi regnorum aliquot & civitatum nominatarum Eruditi id agnoscant; prout hoc testimonii aliquibus Brugensium, Henschenianam de nece Caroli Boni, Comitæ Flandriæ, narrationem, quamvis receptæ Brugis traditioni contrariam, per omnia

omnia probantium illustrare imprimis satagit. Ita quoque omnium fere Ordinum historias, traditiones, monumenta, Sanctos & Scriptores Papebrochium ledere, Articulus XXII contenderat; verum Noster & paucos tantum Ordines Accusatorem allegare, & de his paucis id solum reapse probare asserit, quod eorum paucula quædam vel pro suspectis habita, vel ut manifeste erronea proposita, nec tamen sine ratione, fuerint. Infinita vicissim alia se innuit laudare, probare atq; illustrare, ultra quam ipsimet Ordinum eorundem Scriptores unquam fecerint, aut facere unquam tentaverint. Hinc neque in Ordinem Carmelitarum, neque Franciscanum, neque alios se injurium fuisse, neque D. Thomæ auctoritati quicquam proterve detraxisse, ex hoc ipso capite confirmat. A magistris vero suis, Bollando & Henschenio, ubi interdum secedat, impune id abs se suscipi existimat, cum in facti quaestionibus in magistri verba jurare nemo prorsus teneatur.

Quibus modis liberet se Papebrochius ab argutiis, conjecturis, fallacibus protestationibus, contradictionibus, injuriosisque satyris, (de quibus singulis accusatur Articulus XXIII) ad unguem heic referre nimis longum foret. Tacta quoque jam sunt in primæ partis delineatione, quæ ad Articulum XXIV denuo repetit, ubi ob allegatos laudatosque Ethnicos, Saracenos, Judæos, Hæreticosque se defendit.

Cæterum in Articulum suum XXV promiscuas quasdam accusationes conjecit P. Sebastianus, quibus qua ratione satisfecerit Papebrochius, adductis hinc exemplis nonnullis demonstrabimus. Negat, se uspiam asseruisse, aut ullo modo statuere, quod Maria & Josephus contraxerint matrimonium cum animo illud consuminandi: sententiam de Josepho, Deiparæ patruo, denuo tuetur, eamque non novam, sed ab aliis jam olim defensam esse scribit, peculiaribusque argumentis corroborat; neque tamen ideo incestus insinulari sanctum hoc par largitur; conjugia enim inter patruos & fratrum filias Judæis usitata fuisse, prævio Possino ostendit: Christum anno ætatis trigésimo completo baptismum suscepisse, nondum sibi a vero alienum videri proficitur: Josephum & Mariam extreme pauperes fuisse, ne nunc quidem admittit: sicut olim a fabulis minime abesse dixerat narrationem de Josephi virga præ virgis cæterorum cognatorum omnium, instar Aaronicæ illius, frondente, unde Sacerdotes templi Virginis bea-

beatissimæ conjugio ipsum divinitus destinatum esse cognoverint, ita mentem eandem se constanter retinere innuit. Christum vero d. 3. Aprilis esse mortuum nunquam se statuisse, sed Natalem modo Alexandrum ita sentientem citasse, palam cuivis apparere monet.

FREDERICI RUYTSCHII RESPONSIO AD GODEFRIDI BIDLOI Libellum, cui nomen Vindiciarum inscripsit.

Amstelædami, apud Joannem Wolters, 1697. in 4. plagul. 6.


Quos *Nobilis. Bidloo* adversus *Clarissimum Ruyfchium* anno superiore paravit *Vindicias*, *mensē Januār. præsentis anni p. 32.* paucis indigitavimus. Silitur nunc ipsius *Experientissimi Ruyfchii* ad eundem Bidloi libellum *Responsio*, qua hunc promissis suis plane excidisse, & nec accusatoris nec defensoris partes rite sustinuisse, prolixè ostendere nititur. Nec uberio rem posthac responsionem detrectat, modo Bidloo in subiecto prius humano publice sibi demonstraverit:

1. Glandulas cutaneas pyramidales esse, uti eas pronuntiavit & delineavit.
2. Quæ de membrana cerebri media sive arachnoide, ejusq; vasis sanguiferis in Figuris suis representari curavit;
3. Aortæ distributionem & divisionem Figuris suis convenientem;
4. In liene humano cellulas, fibras transversales, glandulas, aut medium illud inter venam & arteriam;
5. Radices vesiculæ felleæ e fundo emergentes, sicuti eos delineavit, scilicet ea organa, quæ pro radicibus delineavit, revera esse radices vesiculæ felleæ, e fundo emergentes, & contentam bilem in vesiculæ cavitatem effundentes;
6. Vasa sanguinea talem obtinere reptatum sub papillis pyramidalibus, glandulisque cutaneis, qualem iis affinxit; glandulasq; inter papillas sibi invicem ita consitas, uti eas delineari curavit, una & capillamenta vasculorum aquosorum glandulis interposita;
7. Mercurium fluere per ipsa papillarum pyramidalium foramina;
8. Arterias per cerebrum dispersas, semotis menubranis, cerebri substantia, cæteraque cum figuris suis convenientia, &c.

Lapis, et Calculi ens.
arenular: una cum a

TAB. IV. ad A. 1698.
pag. 137. M. Mart.

Barbæ seu fila componen-
tia lapidem crustaceum.



Arenulæ
Microscopio
auctæ.

Integræ
prout ex eun-
de foraminibus
caruncularum tunc
reducunt

Fractæ
ui Speculi

AA. Ren dissectus
B. Sinus amplius
C. Ureter deorsum
DDD Tubuli ureteris
EEE. Caruncula pap

vel Fila



vel Arenulas



communis.
musculoso fibris donata.

duas vesicæ tunicas insertio.
a rugosa.

ulcus appareat.

BREVIS INSTRUCTIO MEDICA DE GLUTINE IN CORP-
*oribus humanis producto, ejusq; effectibus, Calculo & Arthritide &c.**Autore JOHANNES BAPTISTA CONTOLI,**Matrophysico Bononiensi.*

Romæ, apud Bernabò, 1697. in 4. plag. 3. cum fig. æn.

CL. Autor, quo Excell. Bontii desiderio satisfaceret, sua circa calculi & arthritidis non minus generationem ac curationem paucis hic communicat cogitata, Illustris Ciampini, cujus favore ad nos pervenerunt, inscripta nomini. Utriusque affectus, alias frequentissimi, genesin a glutine cum Hippocrate derivaturus, ante omnia hujus formationem ex alimentorum particulis, solidioribus æque minusq; gravibus, ac fluidioribus & gravioribus; tum differentiam, qua gluten aliud in corpore nostro naturale, & fibris partim sanguinis colligandis, partim carnibus, ossibus, aliisque partibus solidis lamellarum interventu concinnandis necessarium: aliud præternaturale & excrementitium, in rugis ventriculi, vel acidi fermenti, vel assumptorum alimentorum culpa enatum, nunc tenuius, nunc crassius perhibetur, sistit enodatam. Hinc in arthritide gluten, modo naturale, occasione, solum transpirationis, in sedentaria v. g. vita, impeditæ coacervatum, modo præternaturale, tenuius tamen, pro causa venditat. Calculorum autem productionem excrementitio potius glutini crassiori, per renum carunculas, vel sub filamentorum, vel globulorum etiam, in tus concavorum & ad speculi ustorii calorem concrepantium schemate, cum ad modum, quem Figuræ appositæ illustrant, transcolato, atque in vesica cum urinæ amurca lapideas crustas, tunicis cepæ analogas, acidi medio compaginanti, ferè acceptam. Tandem præter alia medicamina diversis temporibus adhibenda, pro comminuendo calculo liquorem ex foliis parietariæ, eruca sylvestri, floribus papaveris erratici, alkekengi, limonibus parvis in particulas dissectis, atq; aqua fontana, in debita proportionem commixtis, post præviam digestionem destillatum; in arthritide vero curanda succum parietariæ interne, ac externe folia urticæ, imprimis commendat.

S

JOHAN-

TAB. IV.

JOHANNIS PHILIPPI WURZELBAUR, URANIES NORICES
BASIS.

Hoc est:

*INCLYTÆ CIVITATIS NORIBERGÆ SITUS GEOGRAPHI-
cus, secundum latitudinem & longitudinem.*

Noribergæ, sumtibus Autoris, anno 1697, fol. Alph. 1, pl. 4,
cum fig. ancis 4.

PRæcipuum Observacionum Astronomicarum, quarum ope, tan-
quam principii infallibilis, scientia hæc nobilissima humano generi
divinitus indulta est, fulcrum, basinque unicam esse Latitudinis lo-
corum, ex quibus phænomena ætherea contuemur, exactam notitiam,
rerum cœlestium consultis adeo extra aleam positum est, ut citra hanc
omnem in tam disita jactum inanem merito pronuncient. Quo ma-
gis commendandus nobis est publice clarissimus tractatus hujus *Au-
toris*, quod solertia suæ, vigiliarumque Astronomicarum, non paucis
abhinc annis Astronomiæ incremento præclare susceptorum tolerata-
rumq; , primum potissimumq; momentum esse voluerit, exactam situs
civitatis Noribergæ, observatorii sui splendidissimi, indaginem:
quam non sine expressis doctrinæ Astronomicæ reconditoris docu-
mentis, pro ulteriori operationum Uranicarum & Geographicarum
promotione, publico nunc impertivit. Et causam quidem satis præ-
gnantem tum exantlandi, tum evulgandi laboris hujus *Autor* habuit,
diversas diversorum Astronomorum circa Latitudinem urbis memo-
rata determinationes; quarum incertitudo justum observationibus
Noribergæ olim habitis pretium imminuit, ipsas etiam Atlantis Urani-
burgici *Tychonis* circa restitutionem motus Solaris constitutiones, mi-
nus alicubi accuratas effecit.

pag. 8.

• Ut ergo & antecessorum & suæ aliorumque deinceps obser-
vationes Noricæ sibi constarent, hoc est, cælum & Astronomiam pro-
pitiam haberent, aliisque rerum cœlestium scrutatoribus fide minus
incipiti probare se possent, inquisitioni huic qua oportuit cura incu-
buit, & negotio isthoc dexterrime defunctus est. Quanquam au-
tem diversitas sententiarum, circa locorum complurium latitudines
hinc inde obvia, scrupulum *Autori* primitus injiceret, dissensusne hic
libra-

librationi alicui axis mundani transcribendus esset: eodem tamen celeberrimo Mathematicorum pari, *Hevelio* & *Sturmio* exempto, nihil porro cunctatus, manus operi cum sumtibus & idoneis instrumentis ea ratione commodavit, quam in limine tractatus exposuit. Observandæ autem latitudinis probatissimas Recentiorum rationes tenuit, observationes, meridianas Solis tropici, & circumpolarium stellarum minimæ maximæque altitudinis; quam ad leges refractionum (etiam ultra 45 altitudinis gradum, & ad usque verticem fere, sensibilibus.) *Cassinianas*, utut *Ricciolo* improbatas, insuper etiam habitis *Maignani* circa incertitudinem refractionum objectionibus, exegit: ex propriis tamen experimentis, pro atmosphæræ Noribergensis conditione, aliquando ampliores statuere adactus. Cæterum, ob certas, quas exponit rationes, lentium telescopicarum usum, Anglis Gallisque Astronomis tantopere hodie commendatum, missum fecit. Assumpsit autem, ductu quamplurimum tentaminum animadversionumque, refractionem Solis tropici brumalis meridianam Noribergæ, paulo majorem; (adeoque majorem *Cassiniana* 3. 11; minorem vero *Tychoniana* 6. 30, in pari utrobique altitudine) horizontalem vero 30. 28; & his suppositis deinde auræ refractivæ, sive atmosphæræ altitudinem praxi trigonometrica deduxit unius milliarii Germanici, eamque in calculo refractionum, pro reliquis altitudinum gradibus determinandarum, adhibuit, quas peculiari hic Tabula expressit. Parallaxin Solis horizontali elegit *Cassinianam* 10. pag. 18.

His præstitutis, Quadrante primum bipedali altitudines stellæ polaris probatissimarum observationum cepit, minimam 47. 12; maximam 51. 48; unde neglecta refractione, suffragantibus præterea altitudinibus meridianis Solaribus annorum 1682, 83, 84, latitudinem Noribergæ 49. 30 indeptus est. Quia tamen diversis aliis observationibus per diversa alia organa institutis, altitudines stellæ polaris, illam (minorem) majorem; hanc (majorem) minorem reperit: consilio Cel. *Hevelii*, majoribus instrumentis orichalceis rem aggressus, impedimentis etiam loci observationis remotis, maximam demum consecutus est 50. 47. 23; minimam 47. 8, & inde latitudinem Noribergæ S 2 pag. 21, pag. 23, p. 24. seqq.

- pag. 29. Noribergæ 49. 28. 7: quam insuper ex observationibus aliarum circum-
polarium (humeri & pectoris Ursæ minoris) nec minorem 5, nec
majorem 2, differentia utique nullis instrumentis certo assignabili;
ex Solis vero altitudinibus tropicis ipsissimam eandem exactissime
pag. 31 consecutus est: *Autore* nostro fidem suam interponente, nullo fucō
temeratum observationum suarum recensum, earumque consensum
non casui, sed certæ & indubitatæ explorationi attribuendum.

- pag. 34. Visum etiam est *Autori* operæ pretium, ulterius in latitudinem
Noribergæ a Veteribus traditam inquirere. Quo loco non tantum
disceptat, utrum Segoduno (quod *Conrado Celti* visum) an vero Lo-
gorito, utrique inter loca Noricia *Ptolemaeo* relato, cum Noribergæ si-
tu conveniat: sed & ex *Bernhardi Waltheri*, concivis olim sui & *Re-*
giomontani discipuli, ac solertissimi suæ ætatis Astronomi, observati-

- pag. 44. onibus correctis latitudinem Noribergæ deducit 49. 28; solis 7 a sua
pag. 46. differentem. Coronidis porro loco subjungit stellas Noribergæ, Ho-
rizontem Boreum stringentes; prope verticem culminantes; & aste-
risinos circulo semper apparentium conclusos; longitudines demum
dierum, ad singulos Eclipticæ gradus.

- pag. 52. Circa longitudinem, non alia hæcenus via consultius quam
per phænomena cœlestia, Eclipses Lunæ & præcipue Satellitum Jovi-
alium indagandam, *Autor* juxta cum aliis conqueritur de difficultate,
ab adversis Geographorum circa primum Meridianum sententis ob-
orta; nimique, & nulla probabilis causa subnixa quorundam licen-
tia, qui eundem jam Hesperidum, jam Azoridum seu Flandricarum in-
sularum alicui, vario inter se dissensu, affixerunt: spreta temere *Pto-*
lemai autoritate, cui locus Fortunatarum occidentalisissimus delectus
est. Hunc eundem *Autor* noster, juxta placitum Domini *La Hire*, In-

- sulæ Ferri, cum distantia a Parisiis 20. 25, ex observationibus emer-
sionis primi Satellitis Jovialis, in Insula Promontorii viridis Goe-
réc, & Parisiis, a mathematicis Gallis A. 1682 mensibus Aprilis & Maji
peractis, collecta attribuit; Parisios vero inter & Noribergam, ex col-
latis momentis Eclipses Lunaribus, 30 Nov. st. vet. anno 1685; a Dno
Cassino & *La Hire* ibi; hic vero ab *Autore* observatæ, differentiam
statuit

statuit 8 5. His porro adjungit differentias meridianorum Noribergensis, aliorumque plus minus quadraginta locorum totius Orbis, nuperrimis famigeratissimorum Astronomorum observationibus celebratorum, ex dictis observationibus accurato calculo subductas. Promittit vero *Autor* clarissimus Rationes motus Solaris, eorumque quæ inde pendent, aut eo spectant, ex suis & *Waltheri* observationibus Noribergicis, observatis aliorum antiquis & recentibus amice respondentibus, Tabulis propriis concinnatas: quas ut auxiliante Deo propediem publicæ luci indulgeat, e re Astronomiæ fore oppido confidimus.

*DANIELIS SEVERINI SCULTETI ITERATA ECCLESIAE RE-
formatae Invitatio ad piam in doctrina fidei consensum, oc-
cassione Juriana Consultationis facta.*

Jenæ, apud Jo. Bielckium, 1697. in 8. Alphab. 2.

U^Ndecimus jam annus agitur, ex quo celeberrimus Jurius inter Irenicos nostri temporis comparuit, edito Roterodami libello: *Jugement sur les Methodes rigides & relaschees d'expliquer la Providence & la Grace, pour trouver un moyen de reconciliation entre les Protestans, qui suivent la Confession d'Augsbourg & les Reformés*, in Actis hisce A. 1687. pag. 148. seqq. a nobis prolixè recensito, in quo commendata multis nominibus sententia Dordracena, mutuam inter Protestantes tolerantiam enixe suadet. In hoc cum doctissimo Viro placuerit, Libri, quem nunc recensituri sumus, Auctorem nominatim compellare, motus is humanissima isthac invitatione, haud detrectandum sibi duxit officium publico scripto exponendi, quid sibi in Juriano isthoc libello probetur, quid minus; publicatis Hamburgi A. 1687. Animadversionibus suis in librum Jurianum modo indicatum ostendens, non Dordracenæ, sed Augustanæ Confessionis doctrinæ competere, quod Antagonista suus de illa prædicaverat. Quod tamen uti charitatis Christianæ atque officiorum vinculo illaeso protulerat, ita ipsemet pauculas piæ unionis condiciones articulis quibusdam tum dogmaticis tum practicis comprehensas subjunxerat. quarum ope universas Ecclesias Protestantes quam citissime ad amœnissimam animorum conjunctionem pervenire posse pollicebatur, si singula suarum

fatigerint partium. Nec diu ad hæc siluit celeberrimus *Jurius*. Anno enim mox secuto 1688 Consultationem ejus vidimus *Ultrajecti* excusam de Pace inter Protestantes ineunda; in cujus parte prima cum multis argumentis doctrinam *Dordracenam* de Gratia vindicasset, in Secunda quatuor vias conciliandi Protestantes proponit. Primam, qua una pars propriis hypothesebus valere jussis, in alterius castra transcat; secundam, qua conciliatione dogmatum controversorum; tertiam, qua tolerantia dogmatum ac rituum; & quartam, qua silentio dogmatum controversorum pax sancitur. Inter quas cum prima, quam *Sculterus* commendaverat, ad palatum non fuisset, in tertia præcæteris commendanda prolixus est *D. Jurius*, non improbatam etiam secunda & quarta. Et licet nova Confessione haudquaquam opus esse judicet, *Augustanam* sufficere ratus, subjungit tamen sub finem Confessionem, aut potius ideam confessionis communis, quæ futuræ conciliationi inservire possit, expositis etiam modis ac mediis, quibus reconciliationis hoc opus promovendum ac consummandum esse existimet. In hanc Consultationem directæ est hæc doctissimi *Scultereti* invitatio, sero quidem nunc, sed nulla tamen Auctoris culpa aut cunctatione (quippe quæ jam ante novem annos ad umbilicum deducta fuit,) lucem aspiciens. Quandoquidem vero Auctor in pristina sua sententia ac via in Animadversionibus commendata persévavit, facile quivis e dictis argumentum tractationis præfagire poterit. Scilicet, ut ipsemet in præfatione ad Reformatæ Ecclesiæ Theologos diserte indicat, universæ pacis conditiones generatim eo tendunt, ut Protestantes Ecclesiæ ad unam omnes Deo dare, quæ sunt Dei, haud renuant. Ut tamen paulo procedat distinctius, in Præfatione modo indicata, quinque præcipue assertiones deligit, quas cum posmatibus suis admissas præcipuos de rebus fidei conflictus feliciter sublaturas sperat. Prima amorem Dei erga homines commendat. Secunda miseriam relapsorum exaggerat. Tertia unionem duarum in Christo naturarum personalem vindicat. Quarta Christi hominis præsentiam statuminat, & quinta denique doctrinam Lutheranorum de corpore & sanguine Christi in S. coena realiter præsentibus declarat. In his vero sicuti præcipua controversorum capitum momenta latent, ita haud difficile conjicias, qualia sint consecutaria, quæ Auctor e singulis istis assertionibus elicit. Ut circa primam modo exempli in vicem hæreamus,

mus, colligit hinc non ea solum, quæ ad decreti absoluti & particularismi destructionem, verum etiam, quæ ad universalismi, & decreti, quod fidem respicit, confirmationem faciunt; quibus etiam tum regenerationis infantum in baptismo universalitatem, tum quæstiones connexas jungit. Singula vero hæc aliaque plura ex planis Scripturæ assertis breviter excerpta cum in finem Ecclesiæ Reformatæ ab Auctore proponuntur, ut planissimis his testimoniis convicti veritati cedant; imprimis autem contra D. Jurium in ipso tractatu fusiùs deducuntur, & ea quidem methodo, ut de singulis capitibus inter Lutheranos atque Reformatos controversis, veritatem primo ecclestem & perspicuis Scripturæ dictis proponat Auctor, sensumque ad normam Hermeneuticæ legitimam eruat, quam dehinc contorta sint adversariorum interpretationes, subinde ostendat, & exceptionibus tandem Jurianæ Consultationis satisfaciât. De cætero cum Particularismus palladium sit, in quo servando Jurius maximopere sollicitum se gessit, ideo haud præter rem in istum aciem suam Scultetus undique dirigit, & universalismi contra causam strenue defendit, non solum in omnibus fere capitibus illius petens, verum etiam in peculiari capite istius fœderatæ, inque alio vicissim universalismi innocentiam probans & evincens. Id omne autem hunc potissimum in finem agit, ut ostendat, retento hoc particularitatis dogmate tres istas vias Jurianas, conciliationis, tolerantæ & silentii dogmatum controversorum haudquaquam tutas fore, nec ingredi eas licere his, qui piam atque firmam pacem requirant; unde viam superesse consequatur vix aliam, præter eam, quam in suis Animadversionibus commendaverit, dogmatum videlicet emendationem, quam necessariam pariter ac facilem esse multis solidisque argumentis posteaquam probavit, suum tandem pacis consilium uberius exponit. Hoc summarim eo inclinat, ut Theologi Reformati ad sinceram amicitiam propendentes, ab Augustanæ Confessionis Theologis asserta citra partium studium ponderent, nec ad colloquium irenicum generale prius accedant, quam ubi ore animoque professi fuerint, se Jesum Dominum pro redemptore humani generis serio agnoscere, & ad ea omnia, quæ cum hac assertionem necessariam connexionem habeant, credenda esse paratissimos; quibus præmissis de dogmatibus controversis accurate ut dispiciatur, ac pie tandem transigatur, exoptat.

BENE-

BENEDICTI PICTETI, THEOLOGI GENEVENSIS, DE CON-
sensu ac dissensu inter Reformatos & Augustanæ Con-
fessionis Fratres Dissertatio.

Amstelodami, apud Georgium Gallet, 1697. in 12. plag. 8.

DUlm in recensenda doctissimi Sculteti iterata ad pacem in religione
sancendam Invitatione occupamur, commode in manus nostras
incidit novum clarissimi Picteti consilium, quod priori illi non incon-
grue a nobis subjicietur. Motum autem se imprimis ad istud propa-
landum ait Auctor opere illustri Pufendorffii, quod de consensu &
dissensu Protestantium composuit. In eo namque uti plurima sibi pro-
bari confitetur, quæ subinde hinc excerpit & commendat, ita vicissim
nonnulla dolet occurrere, quæ de Reformatis judicium non satis æ-
quum exhibeant. Utigitur demonstret, quam nihil penitus impe-
diat, quominus Lutherani atque Reformati in amicissima conspirent
fœdera, in eo maxime torus est, ut dissensum, qui utrinque observe-
tur, fundamentalem esse neget. Ante tamen, quam ipsas, quæ agi-
tantur, controversias enumerat, manifestum illum assensum urget,
quem circa plerosq; Augustanæ Confessionis articulos Reformati Lu-
theranis præbeant. Dissensum autem sigillatim post excutiens, ante
omnia de quæstione agit: num Christi corpus sit in, cum & sub pane
Eucharistiæ? quam a Reformatis negari ait, sed ita tamen, ut de sola
verborum, *hoc est corpus meum*, explicatione disceptetur. Placere
Reformatis figuratam, quam Lutherani improbare tantopere haud
valeant, cum ipsimet a litera recedant, & verbum *est* pro *inest*, *subest*,
continetur, invitaprorsus litera, exponant. Corpus Christi una cum
pane ore corporis a singulis tñm credentibus tum incredulis revera
munducari, Reformatos impune autumat abnuere, cum & Sancti Pa-
tres olim ita senserint, & ex Augustanæ Confessionis addictis multi as-
serant, quod Christi corpus per fidem tantum manducetur; ubi præ-
cipue ad Syngamma Suevorum, cujus auctor habeatur Brentius, Le-
ctorem remittit, atque testimonia Lutheri addit, qui partes de ea quæ-
stione dissentientes posse & debere dilectionem inter se colere asseru-
erit, prout & ille Melancthonem, quamvis in hoc negotio dissentien-
tem, pro charissimo nihiloscus Collega habuerit. In voluntate Dei
circa hominum salutem describenda, fundamentalem dissensum de-
prehen-

prehendi negat, cum utrinque pro certissimo constituitur, solos credentes servatum iri; redemptionis Christi pretium esse infiniti valoris, ita, ut ad servandos plures etiam mundos sufficeret; Christum redemisse homines ex omnibus, gente, ordine; Deum amore quodam generali ferri in homines tanquam creaturas suas, & variis eisdem beneficia largiri; serio ipsum mortalibus inungere, ut credant & respiciant, si servari velint; delectari cum potius conversione & vita peccatoris, quam ejusdem morte, ita, ut ipsi gratum foret, si omnes crederent. Sicubi interim heic duriores quædam in Reformatorum scriptis obveniunt locutiones, mirum id non esse ait, nec Lutherum a talibus abstinuisse contendit. Electionem ex mero Dei beneplacito pendere Reformatos quidem affirmare concedit, verum & istud ipsos monet addere, eodem decreto, quo salutem aliquibus destinavit, decrevisse quoque Deum mittere Filium, qui salutem electis compararet, ac pro iis satisfaceret, Spiritumque Sanctum, qui fidem ipsis ingeneraret, ac proinde neminem ad ultum servatum iri, nisi credentem ac bonis operibus incumbentem, quamvis non propter fidem ac bona opera. Augustanos vicissim, quos vocat, Fratres existimare, electionem ferri ex prævisione fidei, quæ tamen fides prævisa in solidum ex gratia & Dei donum sit. Talem vero dissensum a nemine fundamentalem appellari posse autumat. Quoad decretum reprobationis, & sigillatim quoad præteritionis actum, duas formari posse quæstiones innuit. Unam: cur Deus hunc vel illum prætereat? ad quam respondendum fit: quia peccator est. Alteram: cur Deus Paulum potius prætereat, quam Antonium, cum tamen uterque sit peccator? & hic respondet, causam esse Dei beneplacitum, qui misereatur, cujus velit, & quem velit, induret. Nullam igitur esse admittit controversiam, an damnet Deus homines ob impenitentiam prævisam? nec, an Deus prætereat quosdam homines ob peccatum? sed, an ideo Deus hunc elegerit, & illum præterierit, quia illum crediturum, hunc minus, præviderit; an vero tantum, quia Deo sic placuerit, cum uterque meruerit rejici? Prius defendi ab Augustanis, sed a Reformatis posterius; quos tamen ab istis ideo in fundamento dissentire nequaquam largitur. Circa gratiam convertentem utrinque concedi monet, eam non agere in truncos ac lapides, hominibusve suum liberum arbitrium adimere; nos resistere gratiæ externe vocanti per Evangelium, & quidem quotidie; peccatores initio gratiæ internæ reluctari; electos tamen gra-

tiæ efficaci nunquam finaliter resistere, & superari tandem naturam a gratia, carnem a Spiritu, ac proinde electos infallibiliter converti. Dissensum igitur in hoc articulo fundamentalem demonstrari sibi petit. Ad quaestionem: num veri fideles justificari possint gratia Dei excidere? nihil respondere Reformatos asserit, quod a Patribus itidem affirmatum non fuerit, nec ullam unquam licet super sanctorum perseverantiam movisse Lutheram ac Melancthonem monet. Equidem in Augustana Confessione damnari Anabaptistas, docentes, justificatos Spiritum Sanctum non posse amittere; verum istos existimasse, dari quosdam ita perfectos, ut non quidem immunes sint a peccatis ignorantia, incogitantia, involuntarius, sed tamen a peccati coram Deo damnantis macula; qualia certe Reformati in mentem nunquam venerint. Ubiquitatem Christi multis quoque Lutheranis displicuisse contendit; circa reliquas vero proprietates divinas humanæ Christi naturæ communicatas observat, fore tunc dissensum fundamentalem, si consequentia admitterentur, quas ex doctrina Reformatorum nonnulli elicuerint. Similem deinceps in modum circa baptismi efficaciam, necessitatem, aliaque ad hunc locum attinentia, in fundamento discrepare se a Lutheranis, nulla ratione concedit. Reliquas de imaginibus, de cereis, de placentis orbicularibus, de detegendo ad Jesu nomen capite, de confessione, & aliis ejuscemodi, disceptationes levissimas pronunciat. Labefactatam autem Dei cum omnipotentiam tum sanctitatem, propugnatam fati stricti coactionem, hæresin item Manichæam aut Nestorianam, non nisi per calumniam Reformati imputari superaddit. Talis ergo cum sit horum a Lutheranis dissensus, manifestum esse credit, quod mutuam ille tolerantiam minime impediat; cumque tor votis ab utraque parte expetita semper fuerit concordia, (id quod ex historia late probat,) facile eam iniri posse confidit, atque suum de ea statueranda consilium suppeditat. Colloquia nempe utriusque partis Theologorum minus sibi utilia videri proficitur, uti nec nova scripta promulgare consultum autumat. Novam quoque confessionem condi non vult, cum alia, quam Augustana, sed ea paucis immutata, opus non sit. Suadet vero, ut negotium per Politicos potius quam Theologos tractetur, aut seligantur mitioris ingenii Theologi. Suadet, ut Principes Protestantes omnes, Electoresque ac Reges, ad hoc opus summo cum studio se accingant, &

& sibi historiam dissensus Protestantium prælegi curent; ut Confessionem Augustinam cum Reformatorum Confessionibus conferri faciant; ut doctores suos ab omnibus convitiis & contumeliis abstinere jubeant, eosque hortentur, velint expendere, annon charitati Christianæ repugnet, nullam velle pacem colere cum iis, qui in quibusdam tantum, sed iis minime fundamentalibus, articulis dissentiant. Lutheranos vero Theologos, quorum moderatiora sint ingenia, excitat, ut aliis rigidioribus eandem moderationem insinuent. Ab omnibus denique cogitari vult, quod de mutua tantum concordia agatur atque tolerantia, minimeque ulli parti sententia mutanda injungatur.

REMARQUES SUR LA TRADUCTION DU NOUVEAU TESTAMENT &c.

i. c.

ANIMADVERSIONES IN VERSIONEM NOVI TESTAMENTI Gallicam, jussu Cleri Gallicani a Dionysio Ameloto Oratorii Presbytero concinnatam: auctore CLAUDIO BRUSSONO, Evangelii Miniistro.

Delphis Batavorum, apud Adr. Beemæ, 1697-12. Alph. 1. pl. 3.

UT subditos suos Reformatæ, quæ vocari solet, religioni addictos ad Ecclesiæ Romanæ sacra amplectenda adduceret, nihil fecit reliqui Galliarum Rex Potentissimus, Ludovicus XIV. Sed & Clerus Gallicanus, ut idem institutum promoveret, omnem gnæviter dedit operam: cumque Rex vi & terrore adversus dissentientes uteretur, Clerus alias quoque rationes inivit, quibus aut persuaderet iis, ut Romanæ Ecclesiæ nomina darent, aut ejus jam sacris initiatos magis magisque confirmaret. Inter alia vero, quæ hunc in finem inventa & excogitata fuerunt, præsentis libri auctor Claudius Bruffonus (is, cujus *Manna Mystica in Deserto*, seu Conciones in Gallia in locis desertis ad populum sub persecutione gementem habitæ, Amstelodami A. 1695 in lucem publicam prodierunt) referendam etiam censet librorum. Novi Testamenti in Gallicam linguam translationem, auspiciis Cleri Gallicani a Dionysio Ameloto adornatam. Hanc enim non eo com-

paratam contendit, ut textui Græco aut Vulgatæ saltem Versioni exacte responderet, sed ut veritati potius caligo objiceretur, hominesque Divinas literas scrutari sucti, sed Græcæ aut Latinæ etiam linguæ minus periti, in errorem inducerentur; locis quamplurimis eum in sensum inflexis aut detortis, ut dogmatibus, qualia Ecclesia Romana profitebatur, Reformata autem improbat ac rejicit, palam favere deprehenderentur. Id evincere, præcipuus Bruffoni in hoc opere scopus est, quem quo successu ubique attigerit, penes Lectorem esto judicium. Nam ut passim causæ religionis suæ servivisse Amelotum, nemo facile negaverit, (ut cum e. g. verba Actorum XIII. 2. *λατρυέτων δὲ αὐτῶν τῷ Κυρίῳ, καὶ νηστεύων*, ut Missæ sacrificium stabilire viderentur, ita transtulit, *pendant qu'ils offroient le sacrifice au Seigneur, & qu'ils jeûnoient*, id est, *dum illi Domino sacrificium offerrent, & jejunarent*; cum in ipsa tamen Vulgata simpliciter tantum & recte quidem vertantur, *ministrantibus illa Domino & jejunantibus*;) ita defutura forte Ameloto non sunt, quibus in multis locis versionem suam tueatur. Verum id dissimulare non possumus, dum Bruffonus versioni Ameloti castigandæ incumbit, magno eum simul studio & contentione dogmata ipsa per singulos Fidei Christianæ articulos excutere; ut justum adeo Reformatæ religionis adversus Romano-Catholicos assertæ ac propugnatae Systema in hoc opere exhibuerit.

DISSERTAZIONE EPISTOLARE DEL FOSFORO MINERALE &c.

i. e.

DISSERTATIO EPISTOLICA DE PHOSPHORO MINERALI,
*scu Lapide Bononiensi illuminabili, ad Actorum Eruditorum, quæ Lipsiæ
 publicantur, Collectores per scripta a Dn. LUDOVICO FER-*
DINANDO Comite MARSILIO, S. S. Caf.
*& Reg. Maj. Cubiculario & Legionis
 peditum Tribuno.*

Lipsiæ, apud viduam & hæredes Grossianos, 1698. 4.
 Constat plagulis 4, & tabulis 19 æri incisis.

Cum Dissertatio hæc Epistolica ad nos manuscripta primum pervenisset,

nisset, ab Illustrissimo Auctore, quo est in nos affectu plane singulari ac benignissimo, submissa, committere non potuimus, quin ejus summam sine mora cum Orbe Erudito communicaremus. Itaque anno jam superiore, mense Septembri, pag. 404 sqq. compendio exhibuimus, quæ de loco natali Lapidis Bononienſis, deque partibus eum componentibus, ac modo denique eum, ut Phosphori munus sustinere possit, rite præparandi, uberius in Dissertatione ipsa ab Excellentissimo Auctore exponuntur. Postquam vero typis descripta Dissertatio elegantissima est, sumtibus ab Auctore ipso liberaliter suppeditatis, de eo nunc certiores reddendos harum rerum Curiosos existimavimus, quibus nempe integram nunc perlegere, & singula accuratius, adhibitis inprimis in auxilium figuris æneis, comprehendere licebit. Gaudebunt vero iidem non immerito, adhuc rerum etiam naturalium studiis decus suam constare, cum Viri non natalium minus splendore, quam aulicis perinde ac militaribus muniis illustres ea minime dedignerentur.

GODEFRIDI GUILIELMI LEIBNITII ACCESSIONES HISTORICA, quibus utilia superiorum temporum Historiæ illustrandis scripta, monumentaque nondum hæcenus edita, inque iis Scriptores diu desiderati, continentur.

Lipsiæ, apud Nicolaum Forsterum Bibliopolam Hannoveranum;
A. 1698. in 4. Alph. 3. pl. 5.

Non infrequens in his Eruditorum Actis est Illustris Viri Godefridi Guiljelmi Leibnitii nomen, cujus ingeniosissima inprimis electromata Mathematica large in iis cum Orbe Erudito communicavimus. Nec contentus tamen Vir celeberrimus Mathematicarum scientiarum pomœria latissime protulisse, in omni liberalioris doctrinæ genere de Republica Literaria nunquam non annisus est præclare mereri. Triginta jam, & quod excurrit, lapsi sunt anni, ex quo Francosurtiad Moxum Novam Methodum discendæ docendæque Jurisprudentiæ ex artis didacticæ principiis & experientiæ luce, in Regno Eruditorum cum applausu publicavit; utque plura alia ingenii, quæ vulgavit, monumenta taceamus, quotusquisque est, cui non in deliciis sit Codex ille Juris Gentium Diplomæticus, quem laudabili exemplo

A. 1693; Hannoveræ edidit & nos in Actis illius anni mense Augusto pag. 370 sqq. prolixè recensuimus? Quemadmodum vero in isto tabulas authenticas Actorum publicorum maximam antea partem ineditas in lucem protraxit: ita nunc, instituto non minus commendando, Scriptores antiquos ad Germanicam cum primis Historiam illustrandam spectantes, nec adhucdum typis exscriptos, ut omnium usui paterent, in certa volumina distributos edere suscepit. Tamen enim jam ante eum Viri docti ac diligentes, Marquardus Freherus, Justus Reuberus, Simon Schar dius, Christianus Urstisius, Melchior Goldastus, Henrici Meibomii, Erpoldus Lindenbrogius, Henricus Canisius aliique, simili labore defuncti, quamplurimos rerum Germanicarum Scriptores, in justa spissaque satis volumina collectos, typorum beneficio publici juris fecerunt; existimandum tamen minime est, ita exhausta jam esse bibliothecarum omnium scrinia, quia bene multi supersint Scriptores alii, quos eripere tenebris ac in lucem produci, publice intersit. Quod studium a Lebnitio nunc occupatum tanto magis nobis gratulamur, quanto rectius Viri industriam, ac in discernendis, qui luce publica donari mereantur, qui minus, Auctoribus exactum judicium habemus exploratum. Et nunc quidem primo hoc, quod prodiit, volumine, quatuor exhibentur Auctores, tales quidem omnes, qui & a viris doctis jam lecti memoratiq; sunt, & prælo dudum destinati, multumque expectati, quos paucis indicabimus.

Primus Anonymus est, *Chronographus Saxo* Illustri Editori dictus, quod per annorum seriem a nato Christo usque ad annum æræ vulgaris MCLXXXVIII decurrat, ac Saxonica præ cæteris diligentius tradat. Codicem ipsum olim Christophori Broweri e S. J. cujus Annales Fuldeneses & Trevirenses nemini ignorantur, fuisse, & ab eo subinde citari, Clarissimi vero Papebrochii beneficio ad Editorem pervenisse, ex Præfatione universo operi præmissa discimus. Alter, Anonymus itidem (etsi Goldastus in Apologia pro Henrico IV *Golsche- rum* fuisse dictum, persuasissimum habuit) *Gesta Trevirorum* composuit; quæcum jam olim & Caspar Bruschius, & Marquardus Freherus, & Petrus etiam Lambecius edere constituissent, nec steterissent tamen promissis, Noster tandem tribus codicibus manuscriptis instructus, publici juris fecit. Tertius est *Johannes Viro Duranum*, Chronici auctor, quo suorum ac paulo superiorum temporum res gestas descripsit. Refert vero Editor, a Vossio quidem tradi,

Dura-

Duranum hunc Ludovici Bavari ac Caroli IV ætate vixisse, & Historiam, quæ manuscripta extet in monasterio S. Galli, ad annum usque 1348 produxisse: sed codicem suum eo usque non produci, (quippe qui ultra obitum Rudolphi Habsburgici, de quo varia narrantur, non porrigitur) & cum apud Sangallenses inquisivisset, responsum esse non reperiri. Memorat quoque obiter, insignem apud Bremenses Theologum Gerhardum Mejerum, a quo sibi manuscriptum exemplar Chronici hujus fuerit suppeditatum, hortatu suo præclarum opus aggregissimum esse *Glossarii Saxonici* titulo, quod eruditis gratissimum fore, neque nos dubitamus. Ultimus iterum Anonymus est, cujus *Chronicon Vetus Holstie*, quod jam ante Joh. Adamus Cypræus, deinde & Petrus Lambecius edere decreverant, seu (ut in codice Lambecii, beneficio celeberrimi Viri Danielis a Nessel, Consilarii & Bibliothecarii Cæsarei, ad Nostrum delato inscribitur) *Continuatio Chronici Slesvici Helmsldi*, hic exhibetur. Et si enim incultum Scriptorem Editor Illustris agnoscat, odioque in Danos abreptum multa contumeliosa in eos effutisse non dissimulet; perire tamen librum non voluit, quod notatu non indigna alia contineret, nec inclytæ Danorum gentis virtuti hominis, ut appareat, simplicis & affectibus indulgentis iudicio quicquam possit deteri.

LIBRI NOVI

- O**rcades seu Rerum Orcadensium Historia Libri tres, auctore Thor-
modo Torssao, Historiographo rerum Norwegicarum Regio-
Hafnia, literis Justini Hög, 1697. fol.
Lexicon Philologicum Martbia Martini. Accesserunt nonnulla alia. Tra-
jecti ad Rhenum apud Ant. Schouten, 1697. fol. Tomi II.
Jacobi Lydii Syntagma Sacrum de Re Militari, nec non de Jurejurando
Dissertatio Philologica; cum notis Salomonis Van Til. Dor-
draci apud Corn. Willegardum, 1698. 4.
Jo. Schefferi, Professoris quondam & Bibliothecarii Upsaliensis, Miscel-
lanea. Amstelod. apud Janssonio-Waesbergios.
Glossarium Universale Hebraicum, quo ad Hebraica Lingua fontes Lin-
gue & Dialecti pene omnes revocantur. Auctore Ludovico
Thomassino Oratorii D. J. Presbytero. Parisiæ ex typogra-
phia Regia, 1697. fol.

Vera

- Vera Theologia Mystica Compendium, sive Amoris Divini occulte semita*
 &c. Auctore R. P. F. Constantino de Barbançon, Predicatore,
 Capucino & Conventus Colonienſis Guardiano. Colonia, a-
 pud B. Gualterum, & Amſtelodami apud H. Wetſtenium,
 1698. 12.
- Catti Aborigines Batavorum. Dat is: De Katten de Voorouders der*
Bataviern, ofte de twee Katwyken aan Zeeen aan den Ryn;
door Adrianus Pars. Tot Leyden by Jo. du Vivie, 1697. 4.
- Lettres du Cardinal d' Oſſat. Nouvelle edition. Avec des Notes Histori-*
ques & Politiques de Mr. Amelot de la Houſſaie. A Paris,
chez Jean Boudot, 1698. 4.
- Hiſtoria trium Gordianorum. Daventria apud Albertum Fronten, 1697.*
Thoma Crenii Animadverſionum Philologicarum & Hiſtoricarum Pars
III. Lugd. Bat. apud Fred. Haaring, 1698. 8.
- Veteria avi Alaleſta, ſeu Vetera aliquot Monumenta &c. Collegit pri-*
mus & edidit, & obſervationes ſuas paſſim adjecit Anſonius
Matthæus. Lugd. Bat. apud Fr. Haaring, 1698. 8.
- Cornelii Van Bynkerhoek ad L. Leſſa 40 Dig. de Reb. Cred. Si cert. pet.*
Liber ſingularis. Et Diſſertatio de Paſſu juris ſtriſſi Contra-
Elibus in continenti adjeſſis. Haga Comitis, apud Abrab. De
Hondt, 1697. 8.
- La Rhetorique d' Ariſtote, traduite en François par ſeu Mr. Caſſandre.*
A Amſterdam chez J. Louis de Lorme, 1698. 12.
- Joachimi Targiri Medicina Compendiaria. Lugd. Bat. apud Fred.*
Haaring, 1698. 8.
- Jo. Conradi Barckbuſen Pyroſophia, ſuccincte atque breviter Iatrochy-*
miam, Rem Metallicam & Chryſopæiam perveſtigans. Lugd.
Bat. apud Corn. Boutenſtein, 1698. 4.
- Jugement du Public, & particulièrement de Mr. L' Abbé Renaudot, ſur le*
Diſſionaire Critique du Sr. Bayle. A Rotterdam chez Abra-
ham Acher, 1697. 4.
- Reſlexions ſur un imprimé qui a pour titre Jugement du Public &c. A*
Rotterdam, 1697. 4.

E R R A T A.

In Actis hujus anni pag. 32. lin. antepenult. pro anno ſuperiore lege anno
 1696, & pro anno præſenti lege anno ſuperiori. Pag. 108. lin. 15. ſic lege:
 nos docet? Quid de,

* * * * *

N. IV.
A C T A
ERUDITORUM

153

*Publicata Lipsiæ
Calendis Aprilis, Anno M DC XCVIII.*

HISTOIRE DE FRANCE,

i. e.

*HISTORIA FRANCICÆ, A PRIMA MONARCHIÆ FRANCI-
cæ in Galliis constitutione. Auctore P. GABRIELE DA-
NIELE. Tomus I.*

Parisiis apud Simonem Benard, 1697. 12. plag. 22.

NUnquam equidem Gallicanæ genti defuerunt decora ingenia, quæ in patria historia ornanda excolendaque, operam atque industriam suam collocarunt. Sed si quis forte existimet, per illorum curas vigilasque historiam Gallicam ad istud jam fastigium pervenisse, ut nihil illi omnino aut cultus, aut ornamenti, addi possit, is lecta luculenta admodum, quam tomo primo Historiæ suæ Francicæ præmisit Vir eruditissimus Gabriel Daniel, præfatione, secus sentiet. Sunt qui contendunt, saltem natales, originemque ultimam gentis hujus, plus quam Cimmeriis involutam esse tenebris, ut quæ eam in lucem protrahere instituant, operam, quod ajunt, oleumque non possint non perdere: si quæ autem forte literarum monumentis prodita ad nos pervenerint, ea jejuna admodum & sicca esse, & ita comparata, ut tædio potius repletura sint lectorem, tantum abest, ut suavitate quadam & jucunditate eum sint allectura. Hi si de ipsius gentis Francicæ origine, ejusque fati, priusquam in Gallia confedit, regnique, quod hodie floret, fundamenta jecit, loquantur, plane consentientem sibi habent Nostrum: sin de regni Francici in Gallia origine initioque verba faciant, adeo illis non suffragatur, ut regni hujus primordia, nec varietate eventuum, nec Regum fortissimorum celebritate, nec ulla alia re, Romanæ reipublicæ primordiis cedere, fidenter asserat. Quod autem jejuna & sicca, parumque ad delectandum

U

com

comparata videantur, quæ de primis Galliæ Regibus traduntur, id in-
scitiæ Historicorum, tum veterum, tum recentiorum, unice imputan-
dum esse affirmat. Paucissimos enim linguæ, qua scripserunt, in so-
lem accurate perspectam habuisse: alios autem styli, quo Historicum
uti decet, rationem ignorasse: plerosque legum, ad quas historiam
suis numeris absolutam exigere fas est, fuisse rudes. Quod ne temere
asseruisse videatur, leges istas, ad quas Historicus se componere debeat,
uberius edisserit, & quam iis non fecerint satis, qui in Francica Historia
ad posteros transmittenda elaborarunt, demonstrat, simulque sco-
pulos, ad quos ceteri fere omnes naufragium fecerint, summo studio
se evitaturum pollicetur. Hoc autem num præstiterit, ii quam re-
ctissime judicabunt, qui librum ipsum evolvere instituerint. Nobis hic
indicasse sufficit, Auctorem doctissimum non tantum notas, difficul-
tatibus quibusdam enodandis destinatas, vitis singulorum Regum sub-
jecisse, sed & dissertationes octo addidisse, in quibus cum multa scitu
haudquaquam indigna afferat, eas paucis delibasse nos non pigebit,
nec ab instituto nostro alienum erit.

Dissertat. I.

De Francici regni in Gallia conditore, anceps inter eruditos
est disceptatio. Sunt qui Pharamundum pro eo venditant: alii
Clodioni filio ejus honorem huncce deberi non ambigunt: saltem
Merovæum & Childericum rerum in Gallia potitos esse, nemini non
persuasum est. Ab hisce vero omnibus quo minus longe abiret Au-
ctor, & Clodovæum demum primum Francorum in Gallia Regem as-
fereret, gravissimis documentis adductus, temperare sibi non potuit.
Primo itaque ad veterum scriptorum, Prosperi scilicet, Idatii, Apol-
linaris, Procopii, Gregoriique Turonensis & ceterorum, qui ea ætate
scripserunt, silentium provocat. A vero plane abhorre ait, eos rem
tanti momenti silentio præterituros fuisse, siquidem ante Clodovæum
Franci fixam rerum suarum sedem in Gallia posuissent. Ipsumque
Prosperum rem omnem prorsus conficere, autumat. Hunc enim
de Pharamundo, Clodione, Merovæoq; aperte testari, quod *regnarint*
in Francia, Franciæ autem nomine ea ætate neutiquam venisse Galliam,
sed eum terrarum tractum, quem olim incolere Franci in Germania.
Nondum hic argumentorum finis est. Descendit ad singulos Reges, qui
ante Clodovæum summam rerum tenuere, probaturus eos non re-
gnasse in Gallia. De Clodione Gregorius Turonensis refert, eum
Came-

Cameracum urbem tractumque circumjacentem occupasse. Consentiant Prosper, Cassiodorus alique. Colligunt hinc plerique, huncce Regem sedem suam fixisse in Gallia. Id vero inde sequi, negat Auctor. Nimirum huncce Regem ceterosque sapius excursions in Galliam fecisse, fudisse Romanorum copias, urbes expugnasse, fateatur: sed eos ibi stabile regnum condidisse suarumque rerum fixisse sedem, id vero est, quod abnuat. Atque id eo manifestius esse putat, quod Historici, Merovæi cum Romanis bella litterarum in monumentis consignantes, cum non ex Gallia, sed ex propria priscaque Francorum sede copias contra Romanos educentem nobis sistant. Quæ autem de Childerico traduntur, fabulæ Romanensis speciem, iudice Nostro, palam præ se ferunt. Gregorius insuper Turonensis, alique veterum, Childericum, vastata Gallia, iterum trajecisse Rhenum & cum Odoacro Alemannis bellum intulisse commemorantes, illi rem omnem extra dubium ponere videntur. Ultimo loco luculenta Procopii Cæsariensis, Gregorii Turonensis, & Jonæ, qui fuit discipulus S. Columbani, testimonia profert, probarque, quæ Auctores isti de epocha conditi in Gallia Francorum regni tradunt, non in alium quadrare, quam in Clodovæum. Objici posse sibi dicit sepulchrum Childerici A. 1553 Tornaci detectum. Inde autem ut non difficietur probari posse, huncce Regem in Gallicana quadam expeditione occubuisse: ita eum in Gallia fixum stabileque regnum obtinuisse, hinc demonstrari posse inficiatur. Majoris ponderis esse dicit, quod alii objiciunt, in exercitu Clodovæi, cum Syagrio Romanorum duce rem habentis, fuisse Galliæ quosdam Regulos, Clodovæi cognatos, interque alios Ranacarium Regem Cameracensem. Observat itaque, Francorum gentem in plures Dynastias olim distributam fuisse, quarum quælibet Regulum suum, vel ut Sulpicius vocat, Subregulum habuerit, qui tamen totius gentis Regi paruerint. Hisce Regulis Clodovæus certas provincias in Gallia administrandas, ut porro censet, attribuit, a quibus deinceps nomen titulumque sortiti sint. Ex his itaque Ranacarium fuisse, Francorum, qui post conversionem Clodovæi Christianorum sacris imbui noluerunt, caput & propugnatorem: qui adeo cum ceteris, post Clodovæi demum in Galliam transitum, Regis Cameracensis titulo uti coeperit. Reliqua dubia non minori diligentia & ingenii acumine dissolvit.

Dissert. II.

Childericum Regem Merovæi filium, regia dignitate a Francis exutum, quod in libidines sine modo & sine se daret, sceminarumque primi ordinis pudicitia ab eo minime tuta esset, sunt qui tradunt. Addunt, tum a Francis Romani exercitus ducem, cui Ægidii nomen fuit, in Regem electum, donec novi Regis pertaxi Childericum a Thuringis, ad quos confugerat, accersitum, denuo Regem constituerent. Hofce in secunda dissertatione ex instituto sibi confutandos sumpsit Auctor. Tale quid enim unquam contigisse, plane negat. Nec contemnenda sententiæ suæ affert argumenta: cumprimis tamen temporum rationes huic commento plane repugnare observat. Afirmat quippe Idacius, Ægidium mortuum esse anno tertio Imperatoris Severi, h. e. quinto post mortem Merovæi. Qui itaque, ita infert Auctor, octo annos, postquam Childericus regno exutus est, Francorum genti præesse potuit? Totidem enim annos cum rerum, summa apud Francos potitum fuisse, qui secus sentiunt, autumant.

Dissert. III.

Tertia dissertatio de antiquitate & conditore Legis Salicæ exponit. Illis qui hanc legem a Philippo Longo demum latam aut inventam fuisse autumant, plane suffragari nequit. Non tantum enim Conradum de Lichtenau Abbatem Urspergenssem, Siebertum Gemblacensem, aliosque Scriptores Philippo Longo multum antiquiores, legis hujus meminisse: sed Vendelinum, Pithæum, Lindenbergiumque affatim dedisse probatum, jam tempore Caroli M. legem hancce notam fuisse. Agathiam quoque legis hujus injicere mentionem: & Childericum Austrasiæ Regem, in edicto A. 595 Coloniae promulgato, quoddam Salicæ legis caput antiquasse. Stilum insuper, sermonisque genus antiquitatem hujus legis tam manifeste prodere, ut omnis antiquitatis rudem esse pronuntiet, qui eam in lege ista non veneretur. Id saltem superesse, ut inquiratur, num Pharamundus, aut Clodovæus pro legis istius auctore sit reputandus. Pro Clodovæo Auctor pronuntiat, hisce potissimum rationibus inductus. Primo quidem, quod monetæ ex argento confectæ in hac lege injiciatur mentio, quæ Francis, priusquam in Gallia confederunt, non fuerit usitata. Deinde quod hæc lex subinde de Romanis h. e. Gallis inter Francos gentibus verba faciat. Gallos autem Francis permixtos, priusquam hi in Galliam transferint, quis, inquit, dixerit? Cæteras, quas affert, rationes instituti memores prætermittimus,

Circum-

Circumferuntur quidem varii antiquissimorum Franciæ Regum nummi, quos tamen Noster partim genuinos esse negat, partim indignos, qui commemorentur, judicat. Equidem Childeberti I & Clotharii I quosdam nummos mereri, qui diligentius revocentur sub examen: sed cum primis tamen in nonnullis Theodeberti I Austrasiæ Regis nummis exponendis, ingenii sui vires, in quarta dissertatione, periclitari voluit. Ex pluribus autem, quos *Le Blanc* in Tractatu Historico de Nummis Franciæ sistit, duos hic accuratius explicandos sibi sumpsit. Et is quidem, quem primo loco affert, sistit Principem, cujus caput mitra tegit, duobus margaritarum aut gemmarum ordinibus ornata, & in cujus apice crista aut simile ejusmodi ornamentum conspicitur: dextra hastam tenet is humero innixam: sinistram clypeus tegit, in quo eques pictus est. Inscriptio hæc est: D. N. THEODEBERTUS VICTOR. In altera nummi facie Victoria conspicitur, manu dextra crucem oblongam, sinistra globum cruce minori signatum tenens, addita inscriptione: VICTOR AAVCCCCI; ad latus Victoriæ sinistrum leguntur literæ: RE; sub pedibus: C. N. B. Non referemus hic eas rationes, quibus aliorum explicationes impugnat Auctor, sed solum quæ ipsiusmet de hoc nummo mens sit, paucis indicabimus. Primo itaque evincit, non Justinianum, aut alium quempiam, sed ipsum Theodebertum in prima nummi facie exhiberi. Id indicare ipsam inscriptionem: D. N. THEODEBERTUS, i. e. *Dominus Noster Theodebertus*. Cum vero Theodebertus hic Victor audiat, isque non unam ab hostibus suis reportarit victoriam, quænam hic indigitetur, disquirat, eamque quam victis fufisque in Italia ad Padum fluvium Gothis retulit, designari demonstrat. De inscriptione autem in altera nummi facie ita censet: VICTOR AAVCCCCI RE idem esse, ac *Victoria Augustorum Inlustrium Regum, aut Victoriæ Augustissimi Regis, aut denique Victoriæ Austrasiorum Captis Cæsis Gothis Intercepto Romanorum Exercitu, vel quod eodem fere recidit, Victoriæ Austrasiorum Captis Cæsis Gothis Italia*. De litteris C. N. B. deinceps ex instituto agit. Ceterum quod leges antiquas inscriptiones exponendi hanc interpretationem admittant, insignia quoque, & tituli Imperatoribus ceteroquin proprii a Francorum etiam Regibus olim fuerint usurpati, id quidem est quod pluribus demonstrat. Alter nummus, de quo Sirmondus, Harduinus, alique disceptarunt, in prima facie effigiem Theodeberti sistit, addita inscriptione: D. N.

U }

THE-

THEODEBERTUS. C. in altera Victoria conspicitur, dextra coronam tenens, cum inscriptione: VICTORIA A. C. C. N. & ad pedes victoria: RE; item: CONOB. In priori inscriptione littera C Harduino aliisque negotium facessit, illo quidem vocem Comitris ea designari existimante. Sed Noster C pro G more in nummis recepto poni, Regemque Theodebertum, exemplo Imperatorum, Sarmatarum, Parthicorum &c. titulo, ob gentes hasce devictas superbientium, se Gothicum ob fusos fugatosque Gothos, appellasse autumat. Alteram autem inscriptionem: VICTORIA A. CCC. N. RE. citra ambages ita interpretatur: *Victoria Augustorum Dominorum Nostrorum Regum*; aut: *Victoria Augustissimi Domini Nostri Regi*; aut denique: *Victoria Austrasiorum Capiti Celsi Gotthis Domino Nostro Regis*. De litteris C. N. B. sive quod perinde est CONOB, quæ in nummis variis non tantum Imperatorum, sed aliorum quoque Regum, non tamen ante Constantini M. ætatem, nec post Leonem Mauricum, conspiciuntur, ita censet, neutiquam eas ita interpretandas: *Constantinopoli Obsegnata*, ut nonnulli sibi persuadent; sed hoc sibi eas velle: ΚΟΝΣΤΑΝΤΙΝΟΣ Ο ΒΑΣΙΛΕΥΣ. Usus quidem iis in nummis primum fuisse ipsum Constantinum ait, sequentes autem Imperatores eas retinuisse, ut significarent, se Magni illius Constantini legitime esse successores: hinc ad aliarum quoque gentium Reges morem litteras istas nummis imprimendi profluxisse, qui hoc ipso, censente Auctore, demonstrare voluerunt, se nec Constantino, nec ejus successoribus inferiores deterioresque esse.

Differt. V. Quæ in quinta dissertatione de Childeberti I & Clotharii I quibusdam nummis observat, cum momentum non trahant, prætermittimus.

Differt. VI. In sexta autem de nomine Britanniae disceptat. Dederitne enim Britannia magna minori, Galliae scilicet provinciae, nomen: an vice versa, illa ab hac acceperit, disquiri inter eruditos solet. Auctori nostro talis hac de re sedet sententia. Britanniam magnam a Britonibus, Gallica gente, in ista insula confidente, nomen accepisse, pro explorato habet: sed Britones istos non ex Britannia minori, sed ex ea Galliae Belgicae parte, ubi hodie Monasterium (Montreuil) & Hesdinum (Hesdin) est, si ad Somonam fluvium procedas, in Angliam transiisse; licet hic ipse tractus Armoricae vel Aremoricae nomine olim quoque

que fuerit insignitus. Unde excusari posse Bedam, dum ex tractu Armorico Britones in Britanniam venisse scripsit: licet Auctori verosimilius videatur, eum censuisse, quod ex Britannia minori advenierint. Interim Britonum quosdam ex Britannia ab Anglis rursus pulsos, in Britanniam minorem se recepisse, & ita provinciæ huic Britanniae nomen fecisse, arbitratur.

Sed quæ de antiquis Britanniae minoris Regibus traduntur, ea Dissert. VII. paulo accuratius revocare sub examen, operæ pretium duxit. Paucis: quicquid de iis vulgo traditur, id commentis inanibusque annumerat fabulis. Historiam enim Chronologicam Britanniae, unde series & genealogia horum Regum plerumque petitur, ex fabulis cominentisq; ineptissimis plane compositam consarcinatamque esse. Frustra quoque citari Gildam, cum antiquus ille genuinusq; Gildas, cujus nonnulla opuscula in Bibliotheca Patrum extent, ne verbo quidem horum Regum injiciat mentionem. Gregorium insuper Turonensem de Britanniae minoris Principibus diserte & citra ambages dicere: *Comites, non Reges appellati sunt*. Ceterum Britanniae minoris fata hac occasione edisserens, observat, paruisse eam cum Gallia reliqua Romanis, donec accisis inclinatisque undique Romanorum in Occidente rebus, & ceteri Galli, & hujus quoque provinciæ incolæ, in libertatem se asserturi arma caperent. Sed reductos eos ad fidem obsequiumque fuisse ab Aetio. Deinde Britones ex Britannia magna pulsos, Romanis volentibus consentientibusque, in hacce Galliae parte, quæ nomen ab illis accepit, consedisse, & in amicitia Romanorum semper permanfisse. Sed Romanos Visigothorum impetum non amplius sustinentes, spemque retinendæ Britanniae minoris abjicientes, ut gentem nihilo secius in fide utcunque retinerent, principem Britonum nomine tituloque Comititis, ut tum moris erat, honestasse: Riothimumque Comitem, vel successorem ejus, non alio honoris titulo fulgentem, Britanniam tenuisse, cum Clodovæus Francici regni fundamentum in Gallia collocaret. Gessisse quidem Clodovæum cum Britonum Comite bellum, sed huncce victum, Clodovæoque imparē, pacem tandem ea lege impetrasse, ut urbes occupatas, saltem præcipuas, retinerent Franci, Britonumque domini Comitum titulo contenti, Francorum Regi ita parerent, ut Romanorum Imperatoribus hæcenus paruissent. Atque hæc ita se habere, ex quodam Gre-

Gregorii Turonensis loco elicit. Non ignorare se ait, Riorhimum, a Jornande vocari Regem: sed observatum hoc titulo cum insigniri, cum Romanis contra Visigothos auxilium tulerit, adeoque id saltem inde confici posse negat, Francis in Gallia rerum potentibus, Britonum Principes Reges dictos, quod præcipue sibi impugnandum sum sit: addit tamen, Jornandem hominem Gothicum, & ex sua gentis consuetudine ceterorum mores metientem, facile adduci potuisse, ut cuilibet gentis cujusdam Principi Regis nomen titulumque daret. Hunc ipsum quoque Riorhimum ne quidem in ficticia ista Regum Britannicorum serie comparere. Childeberti I autem epitaphium, nullum plane negotium sibi facessere ait. Licet enim in eo Britonum Rex memoretur, nondum tamen liquere, an non Britannia Magnæ Rex intelligatur. Ab homine insuper illepido, & quaslibet voces, ut versus Leoninos componeret, conquirente, magnam *ακρίβειαν* expectari aut exigi non posse, contendit.

Dissert, VIII

Ultimo tandem loco de conditore templi cathedralis, quod Lutetia Parisiorum est, disquirat. A Childeberto illud exstructum mul- ti sibi persuadent, versibus quibusdam Fortunati Episcopi Piclavien- sis industi; sed eos hoc sibi non velle, uberius monstrat. Nihil aliud quippe iis indicari, quam templum cathedrale fenestris vitreis ab hocce Rege ornatum, ejusque reditus nova accessione bonorum quorundam auctos fuisse.

NOUVELLE BIBLIOTHEQUE DES AUTEURS ECCLESIA- STIQUES.

Hoc est:

NOVÆ BIBLIOTHECÆ AUTORUM ECCLESIASTICORUM TOMUS VIII. Autore L. E. DUPINIO.

• Parisiis, apud Andream Pralardum, 1697. in 4. Alphab. 2.

EAdem methodo, qua septimum Bibliothecæ suæ Ecclesiasticæ to- mum Clarissimus Dupinius conscripsit, (de qua in Actis anni 1696, p. 31, 32. abunde diximus) octavum non ita pridem etiam composuit, ediditque in lucem. Qui cum in duas partes divisus, de- cimum pariter ac undecimum seculum complectatur, exiis, quæ ad deci-

decimum seculum pertinent, quædam pro instituti nostri ratione delibabimus.

In præfatione ad historiam seculi decimi, Ant. Arnaldum commemorat ab omnibus, qui hujus seculi res memorie prodiderunt, mire discrepare, ut qui in libro de Perpetuitate Fidei seculum decimum inter Ecclesiæ felicissima reponi velit; quod scilicet, cum præter consuetos corruptæ disciplinæ nexos, nihil novarum hæresium aut turbarum habuerit, prioribus omnino præferendum censeat: cum contra ceteri ad unum omnes conspirent, obscurissimum seculum fuisse, ignorantie tenebris late oblitum, & vitiorum mole oppressum. Quæ inter duo extrema Dupinius medium ita tenet, ut posteriori tamen sententiæ longe magis adhareat, Arnaldumque instituta morum, librorum, Pontificum & Virorum doctorum cum anterioribus seculis comparatione, confutet.

Atque his ita generatim in præfatione monitis, ipsam historiam controversiarum aggreditur, capiteque I Ecclesiæ Græcæ res exponit. Pag. 1.
 Has inter primum locum obtinent quartæ Leonis Philosophi Imperatoris nuptiæ, a Nicolao Patriarcha Cplitano, quod essent contra leges Ecclesiæ Græcæ, ab ipsomet Imperatore paulo ante id tempus confirmatas initæ, cum anathemate improbatæ: quod etiam retractare noluit Nicolaus, etsi Sergius Papa, cujus opem imploraverat Imperator, missis legatis, & ipse Leo. enixis precibus hominem placare tentassent: quapropter in exilium tandem A. 901 missus est, suffectusque Euthymius, qui cum magna Cleri Constantinopolitani parte quartas nuptias illas defenderat. Verum decennio post revocatus iterum est Nicolaus & in honore magno habitus, pulso Euthymio, cum quo tamen paulo post in synodo quadam unionem iis legibus sanxit, ut non equidem damnarentur amplius quartæ nuptiæ Leonis, quod olim factum, sed ut tamen, ne posthac a quoquâ similes inirentur, sub anathematis poena caveretur; irrogata insuper quinquennali poenitentia iis, qui post annum ætatis quadragesimum tertias nuptias contraherent, & triennali his, qui post tricesimum annum secundas inirent, si e primo matrimonio liberos suscepissent. Quas leges infecuto tempore tertius successorum Nicolai, Polyuctes, Patriarcha rigidioris disciplinæ severus custos, inprimis urfit, adeo ut Nicephoro Phocæ, Imperatori suo, qui Romanum, Constantini Porphyrogenneti filium & Leo-

Pag. 2.

pag. 3.

nis Philosophi nepotem, in Imperio excepit, ægre parceret, quum is spretis canonibus Theophanen Romani viduam secundis nuptiis duxisset. Inter viros doctos, quos hoc seculo Oriens habuit, illusterrimum

pag. 4.

haud dubie nomen ipsemet Constantinus Porphyrogenneta Imperator est, cujus scripta etiam recensentur. Clari præterea Simeon Metaphrastes, & Hippolytus Thebanus, cui esse tribuendum Indiculum XII Apostolorum a Combesio editum, post alios Autor noster quoque monet. Floruit & Eutychius Alexandrinus Patriarcha, natione Ægyptius, patriaque lingua Said Ibn Batrik dictus, scriptor Arabs, cujus Annales non adeo magni æstimat Dupinius, sed fabulis & vulgaribus historiis plenos censet. Dum vero non solum partem Annalium, quæ de Episcopis Alexandrinis agit, sub Originum Alexandrinarum titulo, cum Latina versione & notis Londini A. 1642, sed & ipsemet integros Annales ibidem A. 1658 edidisse Seldenum ait, fallitur Vir doctissimus: siquidem non Seldenus, sed Edwardus Pocockius editor integrorum Annalium Eutychii Latine a se versorum est, tametsi præfationem Seldeni repetit, imaginemque æri incisam præfixit: quo ipso deceptus Noster videtur.

pag. 5.

Caput secundum historiam Romanæ, ceterarumque Italiæ Ecclesiarum complectitur: in qua cum Autor se ad plurima referenda coactum cerneret turpia Pontificum Romanorum gesta, & infanda scelera seculi; ne in invidiam raperentur dicta, non solum in præfixa libro eam in rem admonitione, se non nisi invitum & historici legibus, *ne quid falsi audeat, ne quid veri non audeat*, coactum hæc talia scribere testatur, qui de cetero omnem reverentiam S. Petri, quam vocat, Sedi in pervertis etiam illis Pontificibus deferendam agnoscat: sed & in ipso aditu capitis verba profert Baronii, quem de neglecta Romanæ Curia autoritate suspectum esse non posse monet, & qui tamen ad A. 912. n. 14 ab acerrima longe in vectiva sibi temperare non potuerit. Huic testimonio Arnulphi quoque Aurelianensis Episcopi, testis oculati, querelas addit, Romam e luce, quam aliis olim suggerebat, in caliginem portentosam, futurisque seculis memorabilem incidisse conquesti. Atque sic auspiciatur historiam ab ordinatione Formosi Papæ, cui scilicet insecutam omnem calamitatem originem debuisse judicat. Ejus vero post fata e sepulchro effossi & truncati tribus digitis damnationem, præcipationemque in Tiberim a Stephano VI Papa factam

Etiam, ut horrendum barbarumque facinus abominatur. Sergium Papam, qui post alios (neq; enim nunc integram Pontificum-feriem exhibemus) Stephano successit, & Formosi damnationem iteravit, mon-
strum hominis vocat, ambitiosum, sævum, spurcæ libidini immer-
sum : "qui ex Marozia meretrice filium genuerit, patri simillimum, &
qui secuto tempore nefariis matris artibus ipse quoque ad Pontificiam
sedem evectus est A. 931, cum paulo antea illam tenuisset Johannes X
haud absimilis farinae homo, quem Marozia mater, æque meretrix,
Theodora cum deperiret, pro sua, quatum pollebat, autoritate ex
Diacono Ravennate Episcopum Bononiensem, mox Ravennatensem
Archiepiscopum, & denique Papam fecerat, dum interea Italia per-
petuis intestinis dissidiis semet attereret, & Romam sub specie
quadam libertatis teneret Albericus. Post mortem Alberici filius illius
Octavianus, urbis regie doming, ut omnem potestatem solus Romæ te-
neret, post Agapetum II, melioris commatis Papam, sed cui una cum
tribus qui eum antecesserant, non tam vires ad bonum, quam volunta-
tem attulisse Noster ait, Pontificem quoque eligi sese fecit, primusque
mutato nomine Johannes XII vocari voluit. Atque hic ille est nul-
la virtutum præditus, quæ Episcopum decerent, sed portentum lu-
xuriæ & libidini mancipatum, ut Noster prolixè satis exposuit :
qui, cum Othonem M. tum Germaniæ Regem, & Italiæ jure belli ac-
quisitæ dominum, Romanum Imperatorem coronasset, mox fracta
fide, quam sacramento dederat, adversus Cæsarem cum ejus hostibus
præter jus fasque conspiravit, & cum ab Othone corrigi se non pate-
retur, sed in apertam seditionem prorumperet, in Concilio Romano,
post patefacta plura etiam scelera, dignitate sua exutus est, electo in
ejus locum Leone VIII, quem tamen mox per factionem Ro-
ma expulit, & post atroces vindictas, quas de adversariis suis
sumsit, priusquam a reduce Imperatore puniri posset, horrenda morte
in ipsa libidine extinctus est: quæ omnia fuscè satis eandemque Dupinius
enarrat, nec Othonem ob motum sede sua Johannem peccati argu-
ens, nec Leonem VIII Antipapam accensens, quem potius *Venerandum
Leonem* vocat: imo Benedictum, quem in Johannis locum Romani
contra Leonem surrogaverant, & qui, Cæsare adventante, paulo post
dejectus a sede, quam occupaverat, & Hamburgum in exilium missus
est,

est, diserte Antipapam vocat, dignumque cetera Romano Episcopatu, si modo canonice ad eam dignitatem evectus fuisset. Neque eum improbat jus eligendi Papam, & investendi Archiepiscopos Episcoposque, quod Othoni & successoribus solenni Synodi Romanæ decreto ita concessum est, ut nec posset posthac sine consensu Imperatoris eligi Pontifex, nec ordinari Episcopus, quem non ipse prius investisset.

- Præterimus alia, quæ de Pontificibus Romanis, tum & de Episcopis Italiæ aliis dicuntur, ut ad Scriptores pergamus, quorum hoc capite, post recensitas epistolas Pontificum, & quæ ad ipsos ab aliis scriptæ sunt, mentio fit. Inter eos inprimis clarus est Ratherius, ex Lobienſi monacho Veronenſis, deinde Leodiensis, iterumque Veronenſis Episcopus, terque ob morum severitatem exul, Vir non minus probitate, quam eruditione, pro illorum temporum ratione plane insignis.
- pag. 19. Hujus scripta a Dacherio Spicilegii Tomo II & XII edita Noster sedulo recenset, & subinde excerpt, quæ indicant, longe plus aliis hominem suo seculo vidisse, & imprimis acrem fuisse vitiorum ubivis fere regnantium reprehensorem. Graviter enim in vitia Cleri sui, & in universum omnis invehitur, luxum, avaritiam, pauperum neglectum, superbiam, contemptum Canonum, lasciviam, indignos Procerum sacris muneribus inhiantium conatus, & cognata his alia; nullumque adeo in tanta corruptione hominem reperiri credit dignum Episcopali munere, nullum qui rite electo & ordinando puras manus imponat.
- pag. 20. Pontificem Romanum, cum ad illum de Clero suo humiliter conquestum scriberet, *Summum prima, hoc est, Romana sedis Pontificem, Archiepiscopum Archiepiscopum, & si de ullo mortalium jure dici possit, universalem Papam nominandum* vocat. Et, quod mireris, Cleri incompósitos mores aliquando, cum jam de anathemate cogitaret, non ad Pontificem, sed ad Imperatorem detulit, ejus voluntatem expectaturus, quam sequeretur. Post Ratherium Dupinius Attonis Episcopi Vercellenſis libros recenset, moderatoris, ut ait, neque adeo obscuri. Inde agit de Luitprando, cujus uti Chronicon & Paparum Vitas haud cunctanter cum aliis proscribit: ita sex postrema Historiæ Luitprandi capita, quæ longe alterius esse communiter existimantur, non indigna eodem autore judicat, etsi fragmentum alterius libri esse, Historiæ imperite assutum, non neget.
- pag. 21.

Tertio

Tertio capite ad Historiam Ecclesiarum Gallicarum progreditur, præmissaque stricta narratione rerum civilium, quarum summa, post varios expirantis Carolini stemmatis motus, hoc seculo ad Hugonem Capetum circa annum 987 devoluta est, sollicite omnes Ecclesiarum vicissitudines, & Episcoporum, aliorumque clarorum virorum merita, fata atque libros commemorat: de quibus omnibus pauca nunc adducemus. Celebre est imprimis Concilium Rhemense, quod in causa Arnulphi, Rhemenfis Archiepiscopi, ab Hugone Capeto Rege A. 991 convocatum est, ut ille, qui Carolo Lotharingæ Duci, fratri suo & postremo e stirpe Carolina Principi, per seditionem noctu portas urbis Rhemorum aperuerat, cognita in Synodo causa, læsæ majestatis condemnaretur, & e sede sua ejiceretur. Huic vero damnationi cum & silentium Romani Pontificis Johannis XV, ad quem causa prius delata fuerat, judicium suspendentis, obstaret, & antiquum Damasi decretum, quo non posse, nisi Romæ, judicari Episcopum cautum est: non obstantibus tamen his, de Arnulphi causa Synodus cognovit, eumque Archiepiscopatu indignum censuit, & Gerbertum surrogavit; causam pro Synodo in ejusdem congregatione imprimis animose adversus Pontificem perorante Arnulpho Aurelianensi Episcopo, cujus sane memorabilis oratio est, & proluxe a Nostro recensetur. At vero, quum ægerrime ferret istam damnationem Johannes Pontifex, nec prius minitendo desisteret, quam de congregando novo quodam ad causam cognoscendam Concilio consentiretur: tum prævidens tempestatem Gerbertus, Arnulphi creatus in Synodo successor, ad Siguinum intrepidam epistolam scripsit. Nec minores spiritus in Concilio Mosomeni A. 995 adversum se congregato præ se tulit, ut & in literis ad Adelheidem Reginam: quæ omnia apud Autorem videri possunt. Nobis incidit hac occasione in mentem, quod de Synodo Rhemenfi & Gerberti epistola ad Siguinum, una cum oratione in Synodo Mosomenfi habita sibi proposuerat aliquando Vir Clarissimus, Steph. Baluzius. Novam scilicet eorum editionem moliebatur, cum Conringii ope e codice MS. Helmæstadiensi caput LVI illius Synodi obtinisset, quod deest in editis codicibus, & quo continentur Canones Africani, qui de judicandis intra provinciam Episcopis agunt, quos in Gallia usque

P. 39.

P. 42.

P. 43.

- ad Gerberti tempora vim legum obtinuisse credit Baluzius in epistola ad Conringium, quæ habetur Syntagm. II. Epistol. Conringii ep. 3. Ceterum quam diversum adhibuerit stylum Gerbertus, postquam excidit quidem Rhemenſi ſede (paulo enim poſt in alia Synodo Rhemenſi motus iterum loco eſt, reſtituto Arnulpho) ſed
- p. 44. Orthonis Imp. favore, primo Ravennatenſem Archiepiſcopatum, & mox Pontificatum Romanum, dictus Sylveſter, impetraſſet, Noſter ſedulo annotat, & deinde ſcripta ejus commemorat, ac eruditionem collaudat, Mathematicam imprimis, e qua necromantiæ crimen male exſculptum non dubitat. Hinc ad alios Scriptores pergit.
- p. 45. Flodoardi Chronicon perperam eſſe pro dubio habitum a Pet. Pithœo, cenſet. Contra pro ſuppoſitiſ habet Gauterii Senonenſis Conſtitutioges. Aimoinum Hiſtoriæ Franciæ conditorem recte quidem Floriacenſem fuiſſe monachum obſervat, quem male aliqui pro San-Germanenſi habent, & poſtreina libri IV capita inde a 42, una cum toto libro quinto non eſſe Aimoini, ſed continuatoris monet: ſed tamen in eo labitur Vir doctus, quum apud Jodocum Badium A. 1514 primo autorem illum Aimonium fuiſſe dictum reſert; ut & cum ait, quinquaginta poſt primam editionem annis Pet. Pithœum verum autoris nomen reſtituiſſe, edidiſſeque librum Pariſ. A. 1567; cumq; Marq. Fréherum in Corpore Hiſtoriæ Franciæ A. 1613 Hanoveræ Aimoinum repetiſſe ſcribit. Siquidem Ioh. Parvus, qui editionem Badianam curaſſe creditur, Annonium vocat autorem illum, quod nomen longe etiam pejus in Ammonium detorquet in Catalogo ſuo Trithemius, & ſecutus illum Geſnerus in Bibliotheca: Aimonium vero vocat Sigebertus Gemblacenſis in libro de Scriptoriſ Eccleſ. c. 101. ex editione Aub. Miræi, cum in eodem libro editionis Suffridi Petri ſcribatur Aumonius, cui ſcriptioni Voſſius de Hiſtor. Lat. p. 355. inſiſtit, ubi perperam Aumonius ab Aimonio diverſum credit. Deinde Pet. Pithœus nunquam edidit Aimonium; ſed eo anno, quem ponit Dupinius, Joh. Nicotius reſtituit autori verum nomen, & librum illius ad MS. codicem reſenſitum edidit. Hujus vero editionis exemplari Pithœus poſtmodum in ſuum uſum varias adſcripſit notas, & quæ ex collatione membranarum veterum obſervaverat, egregia proſecto, ſed nunquam edita; niſi quod libro Pithœi, Emer. Bigotii beneficio uſus per aliquot menſes eſt Phil. Labbeus, prout ipſemet indicat
- in

in Dissertatione de Aimoino, quæ secundo tomo illius de Scriptoribus ecclesiasticis loco Appendicis adjecta est, & in quam varia Pithœi observata fluxerunt. Vid. p. 835. 837. seqq. Quod editionem Freheri attinet, nemo non videt, vicinitate nominum Hanoveram pro Hano-
via esse captam. De Gallis nunc non plura: nisi quod unicam solum Autoris observationem de Hilduino adhuc adjicimus, cui scilicet, p. 57.
a Trithemio falso tribui Historiam Lobienſium Abbatum contendit, capto per errorem Hilduini nomine pro Fulcuino.

De Germanicis Ecclesiis caput quartum agit. Harum Præsules ob sanctitatem vitæ, sacrarumque rerum peritiam vehementer extollit Noster: Ulricum scilicet Augustanum Episcopum, de quo pluribus agit; Brunonem Colonienſem Archiepiscopum, Regis Henrici Aucupis filium & Othonis M. Imp. fratrem, quem, cum alias inter Scriptores ecclesiasticos relatum non videas, scripsisse tamen commentarium in Pentateuchum, qui Bononiæ in bibliotheca Dominicanorum asservetur, ut & Vitas Sanctorum aliquot, Autor e Sixto Senensi observat. Norgerum sive Notkerum Balbulum (hunc enim unum e veteribus Scriptoribus eligemus) monachum Sangallensem, quem alii Othonis M. Imperatoris nepotem vocant, Noster ex Carolino stemmate, ortum ait, & maximam vitæ suæ partem nono seculo tranſegisse, anno 912 defunctum. Conjicit quoque cum Goldasto, hunc ipsum Norgerum esse autorem librorum duorum, quos de vitæ & gestis Caroli M. anonymus monachus Sangallensis ad Carolum Calvum ejus jussu scripsit, utpote qui se *senem & edentulum* scripsisse ait, quod ad balbum hominem egregie applicari posse censet: attribuitque illi insuper cum eodem Goldasto Vitam S. Galli, in dialogi forma scriptam.

In historia Ecclesiæ Anglicanæ, quæ caput quintum implet, imprimis Regum inſtauranda disciplina ecclesiastica studium commendatur: tum laudatur Dunstanus, Cantuariensis Archiepiscopus, & referuntur illius gesta. Inde concilia quædam referuntur, Scriptoresque pauci, qui hoc seculo in Anglia floruerunt.

Postremum caput varias observationes continet, quæ vel ad fidem vel ad ritus hujus seculi spectant. Quod fidem attinet, inter alia observatur, etsi communis fuerit opinio, corpus Christi vere, non figurate in S. Coena offerri non defuisse tamen apud Anglos & alibi, qui Ratramni opinionem tuerentur: non obstante, quod panis consecratus
ali-

- aliquando per miraculum, cum frangeretur, sanguinis guttas emisisse dicitur. Observatur præterea, Romano Pontifici non fuisse concessum, quicquam antiquis canonibus novis suis decretis derogare: fuisse tamen in ejus potestate, novos erigere Archiepiscopatus & Episcopatus, quales hoc seculo in Germania Magdeburgensis, Mersburgensis, Passaviensis, in Italia Placentinus constituti. Quod ritus attinet collapsamq; disciplinam, notatur, Romæ omnia fuisse argento vendita: indulgentias cœpisse: cœpisse plures Episcopatus uni viro tradi, ordinariq; juvenes octodecennes: esse productos gradus consanguinitatis usque in septimum, & affinitatem spiritualem proximis consanguinitatibus annumeratam, adeo, ut pro incestu tales nuptias haberent; quod præter alios Robertus Gallix Rex, Hugonis Capeti filius, cum Bertha uxore est expertus: cœpisse baptizari campanas, quod contra Menardum Noster nunquam prius fuisse factum tuerur: cœpisse primum sacri cultus loco haberi & recitari Officium B. Mariæ: cœpisse canonizari solenni ritu a Pontifice Sanctos, quorum omnium primus Ulricus Episcopus Augustanus a Papa Johanne XV Divis adscriptus est; nondum tamen adhibita voce canonizationis, quam demum in Bulla Alexandri III, cum is Eduardum Angliæ Regem Sancti titulo honoraret, A. 1161 deprehensam observat, vindicatque adversus dissentientes Autor; priores Ulrico canonizationes spuris tantum libris niti falsus, & elegantissimam de Sanctis veteris Ecclesiæ observationem annexens, lectu dignissimam. A qua ad canonizationem reversus, illam seculo XI & XII mire invaluisse annotat, ita tamen, ut Calixtus II & Eugenius III Pontifices non nisi in Concilio generali talem canonizationem suscipi posse existimarint, quod hodie secus fit, nec abrogaretur Metropolitanis atque Episcopis jus Sanctos vocandi, quos eo titulo dignos existimarent, & exponendi fidelium cultui; donec Alexander III & Innocentius III sibi solis hanc etiam potestatem adscriperint. Sub finem libri solide illos refutat Noster, qui Serenissimum septem Imperii Electorum Collegium a Gregorio V Papa institutum ferunt.

AD PERILLUSTREM ATQUE EXCELLENTISS. DN. CHRISTOPHORUM DITERICUM BOSIUM, Potentiss. Poloniarum Regis & Elect. Saxonie Consiliarium Intimum, ac nuper ad Conventionem Tractatus Pacis Legatum Extraordinarium & Plenipotentiarium &c. Epistola CHRISTFR.

WÄCHTLER, D.

Dresdæ

Dresdæ apud Jo. Conrad. Rüger, 1698. in fol. plag. 3.

A Vidissimam pacis Europam in contemplationem Instrumentorum Pacis modernorum rapere ingenia, vix mirum est. Neque alium in finem, quæ nunc recensenda venit, scripta est Epistola. Ubi enim commemoravit Autor Consulissimus obitum Caroli, Electoris Palatini, & Maximiliani Henrici Electoris Colonienfis, unde lites bello aptæ videbantur enatæ, felix auspiciu Gulielmi III Anglorum Regis, librandis juribus armorum succurrissæ animadvertit, ut pax, qua nunc gaudemus, eo celerius fieret. Et hinc orsus ab Instrumento Pacis Gallo-Hispanicæ, Pacem Pyreneam, Aquisgranensem ac Neomagensem cum Rysvicensi moderna ita componit, ut articulum ex articulo illustret, quidq; de controversia limitum, aliisq; capitibus nondum confectis metuendum sperandumve sit, indicet. Deinde ad Pacem Gallo-Britannicam progressus, instituendo comparationem Pacis modernæ cum Pace Bredana anni 1667 observat, cum Gulielmo III paulo honoratius quam cum Carolo II Rege Magnæ Britanniæ Gallos nunc egissæ. Ad impetrandam tamen plenariam restitutionem in Principatum Arausiconensem, & circa reliquas innovationes & immutationes, tum redditus, jura & commoda cum interesse debito, vix suffecturam Commissariorum industriam. Neque enim cum jure Arbitrii eos constitui, atque adeo officium illorum ad exercendos actus juridicos in invitum non porrigi. Eodem pertinere controversias super executione Capitulationis V Sept. 1696, itemque super limitibus & commutatione locorum quorundam ortas. Ex Instrumento Pacis Gallo-Belgiæ, duo tantum annotantur hic capita insigniora. Articulus enim quintus accedere innuitur ad istud genus fœderum, quale in omnibus tabulis Rysvicensibus non occurrat. Articulo autem undecimo contineri renunciationem prætensionum, non tantum præsentè bello natarum, sed & de temporibus præteritis: atque id propter artic. VI & VIII tenendum esse. Jam ad Pacem Gallo-Cæsaream descendens, non potuit non tenorem art. IV ex Tabulis Pacis Westphalicæ & Neomagenfis illustriorem reddere, & Dn. Legato Plenipotentiario Verjio in memoriam revocare ea, quæ ipso præsentè de jure Statuum Protestantium Ratisbonæ & Francofurti acta sint anno 1682 ac sequentibus. Tum vero laudat Excusationem Legatorum Gallicorum, ab ipsis eo tempo-

re, quum infecta re Francofurto discederent, publicæ luci expositam. Digressusque ad formulam primordiale[m], *presentibus, suffragantibus & consentientibus* &c. monendum censuit, hic opus quodammodo cultura quadam esse, & non nisi ex Protocollo Mediatoris iudicium ferendum. Vicissim quoad restitutionem eorum, quæ extra Alsatiam sita, laudatur Recensio Dominorum Legatorum Cæsareorum, post Tractatus Neomageneses ad Augustissimum Imperatorem d. 29 Januar. 1681 scripta, cum Responsione ad Literas Regis Christianissimi, Versaliis d. 10 Octobr. 1680 ad Comitata datas. Dein controversia Palatina, ejusque initium, & quousque ante belli incendia perventum in ea fuerit, quidque Romæ jam tunc actum, & quomodo super Mediatoris Arbitriq; caractere disceptatum; quid iterum Rati-bonæ 12 Martii, 1686 allegatum sit a Dn. Verjio; quomodo super possessorio, quod vocant, summarissimo ultro citroque in Curia Viennensi quæsitum; quid sperandum denique a Super Arbitro Romano videatur, recensetur, innuiturque magis, quam disquiritur. Similiter controversia Bipontinæ cum Episcopo Metensi tanguntur, & num is recte allegaverit pro se Grotium, expenditur. Commendatur deinde moderatio circa causam Lotharingicam, ac illustrantur iterum plures articuli. Quid hodie ante Ratificationem Statuum Imperii Protestantium actum, & qua quidque cautione monitum fuerit, non persequendum hic judicavit Autor, ad Illustrissimum utpote Dn. Bosium, arcanorum illorum omnium conscium & prorsus gnarum, se scribere recordatus. Transgressus autem ad Jura Statuum circa pacem faciendam cum exteris, singula hæc seculo demum instanti liquido elaboranda autumavit. Repetitis etiam initiis Pacis Westphalicæ & ad moderna temporatransductis, quærit, an compareant tunc Status ut Partes pacifcentes, an ut Ordines & per modum Comitiorum? an concurrat subinde character uterque? Hoc enim esse caput illud nobilissimum, quod neque distinxerit, neque animo complexus sit Autor nuperus Templi Pacis. Certe ex Tractatu præliminari Hamburgensi nil allegari posse contra Jura Statuum: favere autem iis diserte Tabulas Westphalicas. Et non debuisse excidere nupero Suprematus Autori illa, quæ hic animadvertuntur. Plenipotentiam etiam Ordinum Imperii modernam multum lucis inferre huic negotio, ipsumq; articulum Pacis LIX, LX & L causæ tantæ non parum prodesse; factaq; comparatione inter sty-

lum

lum Neomagensem & Ryfvicensem facile dicit intelligi, recte habere se, quæ ab Illustri Kulpisio in hanc rem jam ante sint observata; neq; pugnare cum iis, quæ ab Illustri Lynckero in eandem disputentur, si bonum cautumq; nanciscantur interpretem. Similiter rem non conficere eos, qui sub harmoniæ titulo & civilitatis cum humanitate inter Imperatorem & Status compensandæ, rem tantam tenent exhaurire. Et Reservatorum titulum non abjiciendum, sed cautius securiusque, quam olim sit factum, purgandum. In quam rem proferuntur argumenta uno plura, & plurimi modernorum Scriptorum vel excusantur, vel laudantur, vel castigantur. Ex Pace Gallo-Sabaudica illustrantur in primis articulus I, IV, V, & XIII, monenturq; nonnulla, quæ huc transcribere singula operosius foret instituto nostro. Concludit deniq; Autor, nihil superesse ad summam rei, nisi ut tota Historia conventuum, qui hujus seculi finem insignivere, decore prudenterque consignetur: sive ad exemplum Operis Conringiani de Finibus Imperii, cui nunc plurima supplementa parata sint, sive quis Wicquefortii ductui, libro II, capite XIV egregie repræsentato malit inhærere, & non tam jurium, quam rerum transactarum Historiam, pragmaticam scilicet & civilem, condere.

HISTORIA VITÆ ET OBITUS JOHANNIS LUDOVICI FABRICII, scripta auctore JO. HEINRICO HEIDEGGERO.

Tiguri, typis Davidis Gesneri, 1697, in 4. Constat plag. 20.

Magnorum virorum meritisq; vel in Ecclesiam vel in Rempublicam eminentium vitas literis consignare, laudabile semper in orbe eruditorum institutum fuit. Nam & æquissimum est, non pati eorum famam cum corporibus interire, sed eandem, quantum licet, cum seculorum perpetuitate exæquare: magnumque excitatoribus ingeniis addit stimulum, intueri in alios, in quibus virtutum decora tam pulchre exsplendescunt. Hoc enim dum faciunt, conantur quoque subinde, quæ tam pulchra atque honesta sunt, laudumque præconiis post suprema etiam fata feruntur, studiosa imitatione adsequi. Ut taceamus nunc, multa in relationibus hujus generis contineri, quæ ad rerum memoriam conservandam, temporumque illorum historiam penitus cognoscendam, egregie faciunt. Quapropter magnam ce-

leberrimus in Helvetiis Theologus *JO. HEINRICUS HEIDEGGERIUS* in iis a rerum curiosis gratiam, cum *JOHANNIS LUDOVICI FABRICII*, summi inter Reformatos Theologi, haud ita pridem placcide defuncti, vitam atque obitum eleganti utique commendatione delineavit. Nam ut ipse *Fabricius* ad sublimem eruditionis apicem feliciter erat enixus, summisque muneribus in ecclesia atque academia Heidelbergensi adhibitus, ita non possunt non eximiae virtutes resque gestae tanti Viri mereri, ut in publicum orbis eruditi theatrum prodiret, seculorum memoriae diligenter commendentur. Quod cum singulari dexteritate, qua polluit, praestiterit *Heideggerus*, & Rempubli- cam sibi obstrinxit, & specimen amicitiae honestissimae edidit erga amicum studiorum consiliorumque omnium socium, quod aemulatione alios accendere perquam idoneum fuerit. Sequenitur enim vero ejus vestigia, *Fabricium*que Lectoribus nostris, qualis erat, cum tantus fuisset dicatur, conspiciendum sistemus.

1632.

Natus est *Jo. Ludovicus Fabricius* Scaphusii, Helvetiorum Pago primario, die 29 Julii anni seculi hujus triglesimi secundi, patre *Jo. Fabricio* anno 1630 vi externa e Palatinatu in exilium ejecto, & a Scaphusanis promptissime recepto. Fuit vir ille litteris sic satis excultus, quique, ut *Fabricius* noster familiari in sermone retulit, adversus *Rosae Crucis Fratres* calami quoque telum strinxit, cujus quidem Sectae auctorem fuisse *Jungium*, Mathematicam Hamburgi professum, eumque librum, cui titulus est *Fama Fratrum Rosae Crucis* cudisse, pariter ex ore Secretarii Heidelbergensis, rei illius consue, confirmavit. Matrem habuit *Evam*, Georgii *Fischeri*, civis Wislocensis filiam. Sexto aetatis anno domesticos intra parietes litteras Germanicas atque Latinas addidit. Quamvis vero A. 1638 patrem amiserit, non destitit tamen sollicita admodum pro filio mater fides eundem magistris committere, qui virtutis & eruditionis omnigenae semina tenerrimo concederent animo, quae in amplissimas olim fruges adoleferent. Cum vero eas doctrinas, quibus ingenua juvenus impertiri solet, feliciter hausisset, Coloniam Agrippinam petiit, ubi & meditationi mature adfuevit, a corporis quippe atque oculorum imprimis viribus desertus; & lectioni auctorum classicorum, Poetarum praesertim Graecorum & Latinorum, strenue incubuit, Philosophiamque pene totam delibavit, ubique memoriae localis subsidia hinc inde conquesta cum judicio ad.

1638

1646

adhibens. Redux deinde Scaphusium, Hoferi opera in Philosophia
 nterius profecit, Alstedii quæ Cyclopædiam in usum suum convertit.
 Gestiens autem Colonia in repetere, in viam se dedit, cumque haud
 diu ibi sedisset, fratrem Heidelbergam abeuntem comitatus est, quor-
 sum & matrem atque sororem abduxit. Postea Ultrajectum abiit,
 & Gisberto Voetio diligentissime operam dedit, qui eum vicissim, in-
 genio juvenis impense delectatus, diu summa fovit benevolentia. Hic
 cum docendi licentiam impetravisset, Chronologicas Tabulas, Histo-
 riam usque ad Constantini ætatem continentes edidit; Ordines quo-
 que Ultrajectinos comitissimo sermone compellans. Ea in oratio-
 ne artificialem memoriam, quam singulariter æstimabat, summopere
 commendat, eamque a Simone Ceo inventam, postea a multis maxi-
 ma eruditione viris usurpatam atque excultam, a Schenkio Lovani-
 ensi in systema redactam, ab Alstedio interpolatam, a Torrentio de-
 nique Lipsiensi perfectam fuisse, memorat. Quamquam iudicium Fa-
 bricii, quod senior hac de arte tulit, memoratu dignum sit: artificio-
 sam memoriam usui esse posse, si ex veris rerum naturæ & humani in-
 genio consentaneis principiis, non ex impostorum, quorum in nu-
 merum Schenkium & Cæcilium Frey reponit, præceptionibus petat-
 ur; sed vix eam ex scriptis addisci posse, sed vivæ vocis doctrina & ex-
 emplis, præeunte præceptore, opus esse. Ipse interim huic arti junxe-
 rat & artem notatoriam, quæ usus exiguo tempore plurima scripsit.
 ipse, excerpfit atque excepit. Cum ergo studia ejus fierent jam ma-
 gis magisque conspicua, *Anthonius de la Lane* præsidii Reesani guber-
 nator adscivit hominem, filiique sui ætati & studiis præfecit, & utrum-
 que Parisios misit. Hæsit in urbe hac regni principe quatuor integros
 cum dimidio annos, summis Viris, Dallæo, Drelincurtio, Falcario, Me-
 trezatio & Albertino familiariter usus, Dallæo imprimis, cui multum
 se debere confessus est semper. Heidelbergam reversus, *de Theolo-
 gia principio* conscriptam accurate disputationem, ipso Carolo Ludo-
 vico Electore præsentem, sub umbone Friderici Spanhemii sustinuit. Hoc
 tempore cum Jo. Henrico Heideggero, recensione hujus auctore, a-
 micitiâ contraxit ætissimam, quæ in summa animorum studiorum-
 que consensione ad finem usque vitæ utriusque perduravit; quæ sum-
 ma voluntarum conspiratio effecit quoque, ut eodem anno ad supre-
 mos in Philosophia honores capeffendos animum uterque appelleret.

1648

1652

1656

1657

1659

1660

Paulo post vero Fabricius ad sacram functionem ordinatus fuit, licet ipse nondum esset certus, cui Ecclesiæ præponendus foret; interea vero Græcam linguam extra ordinem profiteri iussus. Hanc spartam nactus, de omni re Philosophica disputantes suo frequenter præsidio moderabatur. Præfectus deinde est *Ludovico de Rotbenschild* Baroni Saletionensi, quem Elector ex sanguine suo genitum impense diligebat. Sic factum est, ut sub anni finem in Galliam iterum proficisceretur, Salmurii pedem fixurus, & ex mandato Principis, cum *Amyraldo*, de concordia Ecclesiæ procuranda consilia initurus; a quo licet magno ipse honore affectus esset, non tamen temperare sibi potuit, quin subinde, quam parum utiles essent ejusmodi in disputando argutia, Studiosos submoneret. Salmurio Cadomum concessit, in qua urbe tum temporis conversationes litterariæ, ut dicebantur, a viris doctissimis stans diebus celebrabantur, quibus & Fabricium interesse sæpe contingebat. Qui tamen, cum Heidelbergam vix redux factus esset, statim cum Saletionensi Hagam Comitum Electoris iussu abiit; ubi cum substitisset per tempus, in Angliam trajecit, nec ibi diu moratus Caletum transfretavit, ubi in diversum discedentes Baro & Fabricius, ille Lutetiam, hic Lugdunum Batavorum petiit. Hic litteræ eidem, a Senatu Academico adferuntur, quibus ad docendam Theologiam Heidelbergam vocabatur. Statim vero ipse parere constituit, & ad suscipiendam functionem oblatam se comparare cœpit, petitis quoque ac obtentis, *Coccejo* brabeuta, summis in Theologia honoribus. Et Coccejum quidem semper fecit maximi, ita tamen, ut vilia nonnulla a pretiosis separare consueverit. Professionem Theologicam oratione de *immortalitate animarum* auspicatus est, cui mors alumni in Gallia defuncti occasionem dederat. Cum ita eo in munere latera cingeret doctissimorum Virorum, Hottingeri puta atque Spanhemii, summa fide, studio atque dexteritate muneri suo satisfacere conatus est. Interea commissa ipsi quoque fuit tum directio studiorum Principis hæredis Electoralis, & ephoria Collegii Sapientia, nec non & professio Philosophiæ. Hoc inclusus spatio diligenter se exercuit, & mox meditationes varias luci exposuit publicæ, quas inter illa imprimis excelsit, quæ de *meditatione* in genere agit. Edidit deinde *Typum disciplinarum omnium*, & meditationem geminam, quæ subtiliter, contra Hobbesium imprimis. Deum infinitum a finito intellectu concipi non posse asse-

asserentem, disputat. Quo labore defunctus *Apologiam probumano genere contra Athesismi calumniam* texuit, quam in Actis hiscæ A. 1683 pag. 176. a nobis recensitam meminimus. Scripsit & de *symbolica visionē Dei* disquisitionem elegantem. Instituit porro de ludis scenicis disquisitionem, quos agere juventuti politiciori & licitum esse, et ad mores formandos, et ad hominum animos dignoscendos, & ad rerum cognitionem animique præsentiam conciliandam aliæque multa necessarium quodammodo esse, idoneis argumentis confirmat, & contra adversarios obstrepentes defendit. Secura deinde alia disquisitio est de *controverſia de persona Christi* Evangelicos inter agitata, in qua id ostendendum sibi sumerat, litem omnem tantis studiis disceptatam in solis loquendi formulis consistere; quanquam varie ipsa a parte adversa accepta est. Eodem fere tempore de *Baptismo infantibus heterodoxorum* conferendo commentatus est, quos non ex libera parentum voluntate, sed vi & coactione legis civilis, Ministro oblatos sacro fonte non abluendos esse sciscit. Porro *Euclidem illum Catholicum*, septem epistolis distinctum, & genere scribendi mire festivo & sarcastico conscriptum, publici juris fecit, fratribusque Walenburgii inscripsit. A *comenio de visionibus & revelationibus novis*, quales ille evulgaverat, consultus, respondit, quamvis bonos & afflictos suspicionibus onerare subvereatur merito, sibi tamen videri, visionibus istis atque prædictionibus nil supra naturam et imaginationis morbum inesse. Cum vero Jo. Duraus pacem inter Protestantes velleret constituere, Fabricio quoque id negotii commendabat sedulo, cui tamen ipse, intercedente Principe, quod dolebat, immiscere se ausus non est. Cogitavit interim de ineundo matrimonio, virginemque nobilissimam *Agnetem Sibyllam de Bildebeck* duxit. Circa hoc tempus exercebant Mittelburgensem Ecclesiam contentiones *Johannem inter de Labadie & Ludovicum Wolzogium*, prævalidis utriusque partibus, Fabricius de hac causa consultus pacem serio suasit, & ne novo schismati majoribusque turbis occasionem subministrarent, rogavit; partibus autem, quibus involve-
re cum nonnulli volebant, prudenter abstinuit. Qualem etiam moderationem circa doctrinas vulgo non receptas, qualis illa est de *regno Ecclesiæ florentiæque ejus statu*, imprimis commendavit. Cum deinde *Spinoza Tractatum Theologico-Politicum* primum oculis suis usurparet, horribile scriptum, effusamque licentiam & blasphemandi furo-

1663

1665

1666

1668

1669

1671

rem

1673

1674

1676

1680

rem summo opere detestatus est; magna quoque circumspectione usus, cum ex mandato Electoris Mathematicum professionem offerre homini iussus esset, ut religioni consuleret, Spinosamque ab accipienda conditione averteret. Ipse vero a Franekeranis ad professionem Theologicam invitatus, accedere noluit, altercationes atque lites, quibus cum temporis collidebantur in Belgio Theologi, reformidans. Incidebant annis insequentibus ea tempora, quibus per Gallorum arma in Palatinatum ingens invehabatur vastitas, & misera quoque Heidelbergæ erat facies; in quo tamen rerum statu, Fabricii prudentia, Academia ista ab interitu feliciter est vindicata. Ea tempestate *Tinensis Episcopus*, ortu Belga, Regis Hispaniæ Consiliarius, quem Patris *Rocke* nomine venisse meminimus, concordiam inter dissidentes in religione conciliaturus, aulas Principum obibat, cumque de Palatini Electoris favore multum sibi pollicitus esset, Cæsareis literis instructus Heidelbergam venit, Baronis Keinenfis nomine assumpto. Disceptandæ hujus causæ negotium Fabricio demandatum fuit, ea dicta lege, ut cum Tinensis quæstionem præcipue de imperii civilis politia circa Ecclesiæ regimen institueret. Versatus in eo negotio est Fabricius integra fide & summa conscientia, ut cum Hierarchiam Romanam cum Ecclesia conciliari non posse, jam dudum esset persuasissimus, hominem intempestive solertem protelaret. Præsertim cum satis paterent ejus consilia, non ut pacem sanciret, sed ut per amicitia redintegrandæ speciem Protestantium colla Papæ dominationi subjeceret. Libentius in se suscepit negotium, quod Elector concordia studiosissimus ipsi imposuerat, ut nempe dissensiones inter Protestantes, si qua fieri posset, sopirentur, instituto eam in rem cum Menzero & Gerlachio, imprimis vero cum Conringio & Calixto commercio litterario, cui tamen quod eventus minus responderit, mors Electoris & Conringii impedivit. Interea tamen, cum Elector templum Concordiæ Manheimi fundasset, Fabricio sermonis primi officium, licet invito, impositum est, qui & Liturgiæ communis in Ecclesiis Palatinas Evangelicas introducendæ auctor extitit, quæ quidæ cum ad Darmstadios & Helmstadienses missa esset, ut iudicium subiret, ab illis quidem rejecta, ab his vero utroque pollice probata fuit. Carolo vero Ludovico die 20 Augusti demortuo, dici non potest, quam perniciosæ insidiæ Fabricii famæ atque fortunæ a sycophantis structæ fuerint, quas ille recte agendo potius quam

quam scriptis defensionibus refutavit; nec iterum a Franekeranis vocatus, venire voluit. Non desinebat interim Palatinos tentare Tinen-
 sis Episcopus, quantumvis frustra semper. Successit mors Electo-
 ris Caroli sine prole decedentis, quæ in luctus infinitos coniecit Fabrici-
 um. Edidit vero hoc anno triplicem dissertationem, unam, qua
 ostendebat, controversiam *de fide infantum* inter Evangelicos nullam
 esse; & aliam, *de baptismo per laicum vel mulierem* administrato,
 quam quæstionem non ad capita fidei, sed ad ea, quæ boni ordinis sunt,
 spectare adfirmabat. Hic singularis ejus animi moderatio clarissime
 eluxit, cum hostem, quem senserat capitalem, grave Dei judicium
 perculit; hunc enim, cum sententia sua mirum quantum adstringere
 posset, benefaciendo potius ulcisci voluit. Cæterum liberum Ro-
 mani cultus exercitium per univ.ersum Palatinatum introducebat no-
 vus Elector; cui conatui licet intercesserit frustra Fabricius, hoc ta-
 men ab Electore impetravit, ne exercitium simultaneum in templis
 Evangelicorum introduceretur. Et quia *Quæstio octogesima Heidel-
 bergensis Cathæbismi* valde impetebatur, evulgavit Fabricius disserta-
 tionem Historicam aliasque observationes perutiles. Ingruebat,
 haud ita multo post funestissimum bellum, quo totus Palatinatus, at-
 que Heidelberga crudeliter a Gallis devastata fuit. Hic cum complu-
 res Pastores Palatini Gallis obsides darentur, Fabricio ea gratia facta
 est, ut cum familia in Helvetiam proficisci potuerit. Substitit parum-
 per Tiguri, Tiguro vero Badam concessit, & inde per Neoburgum
 & Ratisbonam, Heidelbergam a Gallis desertam rediit. Hic Leidam
 vocabatur ad professionem Theologicam, obsequium tamen suum,
 pro more negavit. Intervenerunt tamen nova Ordinum Fœderati
 Belgii consilia, quibus Fabricium Angliæ Regis suoque nomine in Hel-
 vetiam ablegare res suas curaturum statuerunt. Cessit petitioni in-
 stanti, & Tigurum feliciter appellens injunctas sibi curas prudenter exe-
 cutus est. Valdensibus restituendis præclaram operam hæc occasio-
 ne navavit, quam ob causam Genevam quoque excurrit, & paulo post
 cum Duce Sabaudiz Ordinum jussu pactum & fœdus iniit; quo con-
 fecto Heidelbergam remigravit, & pene collapsam Ecclesiæ Palatinæ
 statum deprehendit, unde ingravescentibus malis ad exterorum,
 Helvetiorum imprimis, auxilia subsidia se convertit. Turbatus
 tamen mediis istis in curis a Tinenfi est, qui & litteris eum urgebat, &

1683

1685

1688

1689

1690

1692

ut a Cæsare Viennam evocaretur, perfecerat, quorum tamen concedere noluit; cumque Tinenſis ipſe Heidelbergam rediiſſet, ipſum re infecta diſcedere oportuit. Sed jam noviffima Heidelbergæ fata imminebant, quæ horrendo excidio ab exercitu Gallio deformabatur. Fabricius autem illa tempeſtate præviſa, Eberbachum atque inde Francofurtum ſecedens, Archivum Palatinum Eccleſiaſticum & Academicum in loca tutiora tranſtulerat. Francofurti cum eſſet, Eccleſiæ ſemper Palatinæ in tanto diſcrimine ſtudioſe invigilabat, præcipue cum Cleri Romani molitionibus in magnum periculum adduceretur. Sic cum variis curis infeſtaretur Fabricii animus, inſtabat ei ſuprema neceſſitas, cum lethalis morbus die 4. Januarii anni ſuperioris ipſum invaderet; in quo cum verſaretur, ut varia animi ad mortem ſubeundam imperterriti, & fidei devotioniſque ſingularis edidit ſpecimina, deque rebus variis prudentiſſime doctiſſimeque diſſeruit, ita placide demum die 1. Februarii expiravit.

1696

1697

Hæc de vita & morte eruditiffimi Fabricii eleganter commentatus eſt celeberrimus Heideggerus: quo opere ut crexit ſane amicitiz monumentum ære perennius; ita ipſe quoque ob rara in Rempubli- cam litterariam merita digniſſimus eſt, cui ſimilis nunc opera ab alio præſtetur. Hoc ipſo enim tempore, quo hæc conſignata a nobis li- teris ſunt, fama nunciat, rebus humanis eximium Virum valedixiſſe.

CONCILII TRIDENTINI ADEOQUE ET PONTIFICIORUM

Doctrina publica, exhibita a PAULO ANTONIO, S. S. Th.

L. P. P. & Conſiſt. Magd. Aſſeſ.

Nalæ, apud Jo. Frid. Zeitlerum, 1697. 8. plag. 12.

PEculiari equidem ediſto cavendum olim Pius IV Papa cenſuit, ne cui, prout liberet, Concilii Tridentini decreta liceret exponere, privataque auctoritate interpretari, ſed ut, ſi cui dubium aliquod oriretur, ad Sedem ille Apoſtolicam accederet, quæ per delegatos eam in rem Cardinales id reſolveret atque enodaret. Prohibitionem tamen iſtam ad eas ſolum difficultates ſequentibus temporibus reſtriſtam fuiſſe conſtat, quæ peculiari ipſiusmet conſtituentis declaratione egeant. exceptis omnino iis, quas e regulis Juris Doctorumque reſolutionibus decidere haud grave ſit. Natæ hinc fuerunt plures iſtius Concilii

Concilii editiones, quæ decreta ejusdem canonesque diversis illustratos annotationibus exhibuerunt. Quemadmodum enim Cardinalium declarationes collegit Joannes Gallemartius, sic citationes Johannes Soreallus & Horatius Lucius, Theologus ille, hic Jureconsultus, ac remissiones, quas vocat, Augustinus Barbosa addidere. Sed & novas præterea additiones Jureconsultus Cæsaraugustanus, Balthasar Andrezæ, submisit, prout varias Rotæ Romanæ decisiones eodem spectantes Prosperi Farinacii museum suppeditavit. Quæ singula in unam Concilii Tridentini editionem, anno 1664 Colonia Agrippinæ vulgatam, constipata prostant. Etharum quidem annotationum auctores mentem Concilii non explicare solum, sed & defendere imprimis, postulante id, quæ eidem se obstrictos norant, fide studuerunt. Neq; tamen est, cur ab Ecclesia Pontificia alieni conquérantur de defectu istiusmodi annotationum, unde ea haurire concedatur, quæ Tridentinis placitis opponere quis valeat. Nota est in vulgus opera, quam (ut alios nunc omittamus,) e Lutheranis Martinus præcipue Chemnitius, atque e Reformatis Jo. Henricus Heideggerus huc pridem contulit. Nectalibus carere notis patitur novam hanc Concilii Tridentini editionem in studiosæ Juventutis usum abs se adornatam publicus in Academia Fridericiana, quæ Halis floret, Theologiz Doctor, Maxime Reverendus Antonius, qui insuper enotanda sibi sedulo sumit insigniora illa loca ex Augustana Confessione aliisque scriptis nostratium publicis, quibus Concilii hujus verba aut aperte aut tectius opposita deprehendit; quorum allegationem textui quandoque ipsi inspergit, quandoque ad marginem apponit, totus adeo in id incumbens, ut sub uno conspectu thesin æque ac antithesin exhibeat, Lectoresque suos ad verum controversiæ statum cognoscendum manu ducat. Utiautem brevitati modis omnibus studere nititur, ita bonos non raro Auctores in supplementum abs se dictorum consulendos allegat. De cætero Concilii Tridentini verba, quæ ad doctrinam faciunt, integra plerumque apponit, utque rerum ac rationum nervi ubique eo melius percipiantur, indicia eorum diversis typorum genere impressa sistit. Sed cum in Sessionibus Concilii hujus non dogmatica modo, verum & plurima canonica, sive decreta ad Jus Pontificiorum Canonicum spectantia occurrant, ea penitus hinc semover, neque nisi obiter & in compendio insinuat, quæ ad Sessiones ab ipsismet Tri-

dentinis sæpe interruptas, sæpe prorogatas, sæpe rebus aliis impensas faciunt, & ex decretis de reformatione ea solum adducit, quæ ad scopum suum quid conferre arbitratur.

SAMUELIS STRYKII ICTI TRACTATUS DE ACTIONIBUS
Forensibus investigandis & caute eligendis, ut & de Actionum Præscriptione.

Halæ Magdeburgicæ, apud Henr. Joh. Meyeri har. & Godofr. Zimmerman, 1698 in 4. Constat plag. 67.

REm non minus necessariam, quam gratam iudicibus patronisque causarum facturus Illustris Auctor, utilissimam de Actionibus investigandis & eligendis materiam aggressus publicisque XI Disputationibus complexus est. Quoniam enim fori usus nomen actionis in libello exprimi haud desiderat, cæco nonnulli impetu in eum prolapsi sunt errorem, quod supervacua sit hodie actionis indagatio; cujus factis acerbis sentiunt poenas, vel imperite iudicando, vel actionem non competentem aut non salutarem eligendo. Itaque ante omnia supra laudatus Auctor actionem accurate investigari, & ex pluribus concurrentibus eam, qua vel facilius vel brevius vel plenius suum quis consequi possit, eligi jubet: totam vero hanc doctrinam quatuor persequitur sectionibus, quarum prima Actiones personales, secunda reales, tertia Actionum præscriptionem, & quarta appendicis vice, diversas temporum præscriptiones recenset; frustra enim contenditur actione mota, quæ exceptione præscriptionis eliditur. In singulis partibus ita versatus est, ut theoriæ praxeosque curam gereret, institutum vero suum sedulo oculis præfigeret, ne, de investigandis eligendisque actionibus tractaturus, ad specialem considerationem actionum, cui, adversus quem, & ad quid darentur, attentius, quam materia postulabat, transfiret. Hinc, ut ex multis pauca referantur, obligationem ad alimenta ex facto generationis deduxit, ostenditque quam bene ea sententia conspiret cum moribus, etiam ex damnato coitunatis alimenta decernentibus. In remedio *l. 32. ff. d. reb. cred.* ob generalitatem rationis, extensionem ad casus alios, secus atque nonnulli sentiunt, permittit: & actione communi dividundo præ actione pro socio electa, quantum sit in spe adjudicationis commodi declaravit.

Secl. I. m. 2.

§. 9.

d. m. §. 46.

ravit. Ad Cambiorum materiam delatus, diversitatem ex personis in- m. 6. §. 22,
tervenientibus & circumstantiis enascentem circa producendas actio-
nes diligenter excusit; præterea Actionem de recepto contra præse- m. 7. §. 18.
ctum postularum veredariumque ordinarium locum invenire, rationi-
bus & præjudiciis adversus dissentientes confirmavit. Actionem Furti m. 9. §. 36.
in duplum vel quadruplum perperam abrogatis accenseri monuit, at-
que in concursu interdicti unde vi, remediumque c. sepe 18. X. d. rest. m. 10. §. 6.
spol. & can. redintegranda. III. q. 1. postremum reliquis juxta usum,
fori præferendum esse duxit. Immissionem ex l. f. C. d. edict. D. Hadr. Sect. II. m.
roll. non produci posse ad codicillos contendit. Quam late pateat usus 2. §. 22.
utilis confessoria & negatoria actionis manifeste exposuit, normamq; m. 3. §. 11.
alterutrius eligendæ in eo constituit, quod in libertate naturali fun- m. 4. §. 5.
damentum quærentes negatoriam, in privilegio aut jure singulari au-
tem confessoriam actionem eligere teneantur. Postea præscriptio-
nem Actionum ope axiomatum inculcavit explicavitque; unde præ-
scriptionem accusationis hodie ad inquisitionem produci ostendit, re- Sect. III. m. 2.
steque feudum ecclesiasticum 30 annis præscribi, contra Pagensteche- ax. 5. n. 7.
rum defendit. Denique diversa tempora præscriptionum e. g. mo- d. Sect. m. 3.
mentorum, horarum, dierum, mensium, annorum, petitis ex vario ax. 5. n. 9.
jure exemplis, commemoravit. Ad calcem tractationis accessit, ob Sect. IV.
affinitatem materia, Dissertatio de Juribus & Actionibus non cessibili-
bus, a Christophoro Schucharto quondam sub Excell. Auctoris præ-
sidio habita.

D. LUDERI MENCKENII, SUPRÆ CURIÆ PROVING.

Lips. Assessoris, Tractatio Synoptica Institutionum Juris Justinianarum Theoretico-Practica usui moderno Imperii, & præcipue Saxonico, accommodata;

Lipsiæ apud Martin. Theodor. Heybey, A. 1698, in fol. plag. 49.

QUam in sublevando Juris studio circa Pandectas susceptæ curam, præterito, eam præsentī anno ad Institutiones produxit Auctor Consultiſſimꝝ, ratus ex paritate methodi iis, qui Juri operam dant, viam ad Digesta multo fore expeditiorē. Ac proinde id egit sollicitè, ut commentatio hæc ad Institutiones, in formam tabularum redacta, singulorum titulorum paragraphorumque ordinem ac summam, cum-

necessario definitionum, divisionum, declarationum & materiarum supplemento complecteretur; ita enim studiosæ Juventuti novum credidit adminiculum in apprehendendo & repetendo Jure iri comparatum. Experientia docet, nihil magis cupidas Studioforum mentes remorari, quam deficientem facultatem præparandi animum ad cognitu necessaria Juris fundamenta in ipso collegio Institutionum proponenda & confirmanda; præterea discendi cupiditate ardentem, principiis theoreticis practicisque recte intellectis, difficultate repetitionis angere; itaque ut utrique, pro virili sua, obviam iret impedimento, nucleum eorum, quæ solidam Institutionum peritiam sectanti prætermittenda non sunt, in tabulas conjecit, incenditque diligentiam illorum, qui indagaturi sunt § §. Sententiam, per numerum majusculis literis impressum, nec non axiomata casuum decisioni applicata sub finem titulorum, ut in promptu essent, collocavit; ista tamen cum circumspeditione, ne eadem regula sæpius prelo repetita chartam oneraret. Premisit autem tabulam nexum titulorum in Institutis sistentem, & præter potissimas divisiones, sub literarum diversitate, titulos usitatissimos referentem, quo singula perlustrare aut repetere impeditus titulos, qui maximi sunt usus, reliquis præferret memoriæque fideli committeret. Deinde, quoad fieri potuit, eandem, quam in Pandectis observavit, proponendi, dividendi, definiendique rationem secutus est, ut iter per amplissimam Pandectarum tractationem æqualitate methodi instrueretur. Sed quia ante undecim secula conscriptæ Institutiones haut exiguum exigunt definitionum, divisionum, declarationum ususque moderni supplementum, curam adhibuit, ne quid necessarii in his desiderari posset. Quo instituto computationem graduum ministerio schematis, Latinum Germanumque idioma simul exhibentis, adjuvit, successionemque veterem paucis, novissimam studiosius, est executus. Pariter ordinis facilitate ususque hodierni haud perfunctoria tractatione in primis subvenit titulis intricatis, e. g. de fidei commissariis hæreditatibus & ad Scutum Trebellianum, de satisfactionibus &c. nec non a prolixitate notissimis, v. g. de rerum divisione & acquirendo ipsarum dominio, de legatis, actionibus &c. Jus controversum, quod circa Institutionum interpretationem variis se ingerit locis, haud neglexit, neque tamen amplius, quam res institutumque desiderabat, tractavit, ad probatissimos JCos remittit-

mittendo & observantiam Imperii Saxoniaeque fideliter recensendo. Specialiora ex singulistitulis addi possent, verum ea brevitatís studio L. B. in perlustrando industriæ relinquimus consideranda.

DE LAPIDE ANTIATI EPISTOLA AD ILL. AC REV. DOM.
FRANCISCUM AQUAVIVAM &c. Authore FRANCISCO
BLANCHINO.

Romæ, typis Antonii de Rubeis, 1698 in 4. Plag. 3. cum fig. æn.

ANtium, Campaniæ Romanæ ignobile hætenus oppidum, celebrari sermonibus hominum cœpit, ex quo tempore hodiernus Pontifex Maximus navale ibidem non sine ingenti sumptu restituere constituit. Huic fini dum fossiores antiqua rudera versarent, inciderunt forte exeunte anno superiore in fragmentum marmoris, pavimento splendidi operis olim adhibitum, cuius superficies superior diligenter lavigata, ima vero & quæ solo adhærebat, impolita quidem ac rudis, duplici tamen signaculo insignita deprehendebatur. In horum signaculorum, quæ plumbo lapidis lacunis olim infuso, & altius quidem, ne ex attritu soli vitium caperent, impressa erant, altero imago Hadriani Imperatoris exhibetur, sumillima omnino ei, quæ frequens in ejusdem numismatibus occurrit, cum inscriptione, HADRIANVS AVGVSTVS: in altero solæ litteræ L. COC. nomen L. Cocceii prodentes cœparent. Eorum interpretationem cum Vir Illustrissimus & Reverendissimus Franciscus Aquaviva Aragonius, ex Atriæ Ducibus Archiepiscopus Larissensis, & Pontificis Cubiculo hoc tempore Præfectus, a Viro Clarissimo sæpiusq; a nobis in Actis hisce laudato, Francisko Blanchino Casparis F. Veronensi, S. Th. D. S. M. ad Martyr. de Urbe Canonico & Bibliothecæ Otthobonianæ Præfecto requisivisset, eam hic prompto obsequio aggressus est, atque ita præsens ipsi subnata commentatio, ex qua pauca delibasse quid prohibet?

Primum vero monet, Hadrianum Principem duos præsertim secessus frequentavisse, Antiatem & Tiburtinum. Et de Tiburtino quidem nihil porro memorandum duxit, quod ab Athanasio Kirchero æneis tabulis graphice delineatus jam esset, & a Pyrrho Ligorio luculento, sed luci publicæ nondum exposito, commentario illustratus.

tus. Antium vero oppidum jam olim Principum otio & vacation a civilibus curis dicatum, magnificisque ac splendidis ædificiis exornatum fuisse, comprobat. Nero utique, quod Antii natus esset, magno studio villam, Suetonio teste, profecutus est, colonia iterum deducta, portuque operis sumptuosissimi facto. Hadrianum vero in Antiati agro regiam suam statuisse, quæ præ cæteris Augustorum secessibus delectaretur, testem advocat Blanchinus certissimum, proximum nempe ab Hadriano scriptorem Philostratum, qui in Vita Apollonii Tyanei l. 8. c. 8. p. 421, cum de Apollonii libello Pythagoræ sententias ab Oraculo Trophonii comprobatas complexo dixisset, libellum istum narrat una cum Apollonii epistolis quibusdam, post mortem Apollonii ad Imperatorem Hadrianum fuisse delatum, & ab hoc ista omnia in regia, quam Antii habebat, fuisse collocata, *quod præter cæteras Italia civitates Antio maxime delectaretur.* Ex quo factum etiam, ut illuc ex Ionia familiares omnes Apollonii confluerint, & incolis oræ Antiatis permixti florentissimam juventutem præceptis Philosophiæ, quæ ab Apollonio nomen consecuta est, imbuerint. Hinc vero manifestum esse colligit, fragmentum hoc lapidis apud Antium nuper effossi pavementum indicare splendidissimi ædificii ab Hadriano in villa ista, quam adeo in deliciis habebat, regio cultu exstructi. Neque minus villæ magnificentiam comprobari censet ex monumentis aliis longe nobilioribus, ibidem jam patrum memoria repertis & in Urbem transvectis. Nam & Apollinis signum, quod inter elegantissimas Urbis statuas referri consuevit, & in hortis Vaticanis visitur; & celeberrimam istam gladiatoris statuam, quæ in hortis Burghefianis custoditur, aliaque illius villæ ornamenta; quin & complures elegantis sculpturæ statuas, quæ hodie in suburbana Pamphiliorum villa ad Janiculum spectantur, imprimis Cybelem sive Junonem Tyriam aut Deam Syriam leoni insidentem, & Berenicem stolatam ac stantem, quas ægeis tabulis Descriptio Villæ Pamphilianæ typis vulgata exhibet, e ruinis Antii egesta fuisse, idoneis testibus confirmat. Nec silentio præmittendum, quod novisse omnes Blanchinus asseverat, in fundo hortorum suburbanorum Pamphiliorum in Antiate colonia sito, dum recentissimum opus navale a Summo Pontifice restitutum inchoaretur, duo signa pastorum, unius lac expressum e vase porrigentis, alterius cum hædo ludentis, fuisse reperta. Cæterum inter causas

alias

alias, cur Antiatem oram Hadrianus frequentaret, & eam Auctor doctissimus cenferet, quod Princeps abditarum artium, divinatoriæ imprimis, astrologiæ & magicæ studio impense deditus, Templum Fortunæ, quod apud Antium erat oraculis reddendis celebre, invensum crebre duxerit. Quibus ita expositis, ad alterum ex signaculis plumbeis, quod literas L. COC. exhibere supra innuimus, progreditur. Compendium nominis *Lucii Cocceii* id esse cum nullus dubitaret, & ex Clarissimo Raphaelē Fabretto cognovisset, in epigraphe templi Puteolani quendam L. Cocceium Architectum memorari, disquirat primum, idemne forte sit cum hoc Cocceio noster. Id quod negat tamen, cum templum Puteolanum ejusque nuncupationem ad Octavianum Augustum referri debere, cum omnibus fere auctoribus persuasissimum habeat, eoque palam sit L. Cocceium templi illius architectum, cujus nomen in epigraphe ejus legi raro exemplo meruit, vitam ad Hadriani usque tempora producere non potuisse. Nostrium itaque in plumbeo saxi Antiatis signaculo adnotatum, alium putat fuisse, Cocceiæ tamen gentis hominem. Si vero quæratur, cur Cocceius hic, cum Principis ac suum nomen ad posteros transmittere decrevisset, utrumque tamen ita occuluerit, ut nemini nisi opere subverso pateret: (signacula enim superficiei lapidis imæ, quæ solum spectabat, impressa jam supra diximus) ejus rei non desunt Blanchino ingeniosissimo conjecturæ. Primum enim Hadrianum ipsum ædificiorum plurimorum auctorem, ut decretum etiam ei in nummis elogium fuerit *Restitutoris Orbis Terrarum*, in appositione tamen sui nominis temperantem & moderatum haberi voluisse observat; quod vel ex his Spartiani in Hadriano n. 19. verbis elucescat: *cum opera ubique infinita* (Hadrianus) *fecisset, nunquam ipse, nisi in Trajani patris templo, nomen suum scripsit.* Deinde tanto minus monet ausum esse architectum proprium exponere nomen suum, quod Principem a suo temperare nosset; maxime quod apud antiquos parcius ille honor inscribendi nominis artificibus etiam præstantibus tribueretur, & Hadriano, teste Dione, insolitum non esset, excellentes artifices ex invidia tollere ac subvertere. Itaque Cocceium putat maluisse nomen suum sub pavimento furtim saxo inferere, Principis tamen imagine, ne, si forte saxum erueretur, fraudi id sibi foret, adjuncta, eaque ex nummo publica Senat9 auctoritate decreto petita. Atq; hæc ex Epistola præsen-

ti decerpta suffecerint. Reditura enim sæpius est occasio Blanchini mentionem faciendi, cui non ingenii tantum felicitas & doctrina haud vulgaris, sed cum primis insignis Eminentissimi Cardinalis OTTHOBONI Bibliotheca, cui præfectus est, lucubrationibus id genus pluribus Literatum Orbem ditandi facultatem abunde subministrant.

VETERIS ÆVI ANALECTA, SEU VETERA ALIQUA MONUMENTA, quæ hactenus nondum visa. Collegit primus, & edit, & observationes suas passim adjecit ANTONIUS MATTHÆUS.

Lugduni Batavorum, apud Fred. Haaring, 1698 in 8.
Constat 1 alph. 16. plag.

p. 1.

Analecta hæc ævi veteris, notis atque animadversionibus suis instructa atque ornata, in lucem protulit, cui plura hujus generis monumenta debemus, in Actis nostris suo quæque loco laudata, celeberrimus Antonius Matthæus, de Historia non minus quam Jurisprudentia præclare meritis. In iis primum locum occupat *Antonii Pontii Hariadenus Barbarossa*, seu Bellum Tunetanum, quod Carolus V Cæsar cum famoso illo pirata Turcico anno 1535 gessit, Halahasan Mahumeti filium, quem alii Muleassem vocant, in Tunetanum regnum feliciter & gloriose restituens. Idem argumentum persecutus est Jovius Hist. lib. 34, cujus fidem alioquin subleſtam in hac parte historiæ minime laborare censet Editor, Pontum cum Jovio passim conferens, illumque ex hoc subinde illustrans. Pontus vero, qui huic ipse expeditioni interfuit, Hariadeni ejusque fratris natu majoris Horuccii ortum, progressus & fata breviter exponit, & quibus artibus post Algerios, Tenenses (pro quibus *Teleſinos* substituendos conjicit Editor) Trimeſenses, ab utroque fratre subactos, Hariadenus cæſo ab Hispanis fratre Horuccio, Tunetanum quoque regnum, Muleasse pulſo, in ditionem redegerit, commemorat. Hinc bellum ipsum pro Muleasse reducendo a Cæsare susceptum aggreditur: & in hoc primum Guletam arcem, in intimo Byrsæ vel Carthaginis sinu a Barbarossâ egregie munitam, post mensis unius oppugnationem a Cæsare expugnatam, nec multo post, copiis Barbarossâ proſtigatis, Tunetum ipsam ab hoste relictam in deditionem X. Cal. Aug. venisse narrat; atque sic Halahasane restituto finem huic expeditioni impositum fuisse. in qua Cæsaris

faris humanitas, constantia, invictusque animus eluxerit, multisque documentis sit comprobata.

Succedit *Ant. Schonhovii Commentatio epistolica ad Corn. Gualterum de origine & sedibus Francorum*, quam licet Bon. Vulcanius ut magni pretii thesaurum sibi servaverit, nec cum quoquam communicare voluerit, Matthæus tamen publico non amplius censuit invidendam. Schonhovii vero sententia de Francis, quam Hadr. Junius quoque, eodem Vulcanio teste, in Batavia est securus, huc redit: Francos a Trojanis minime oriundos, verum origine esse Germanos, & inter eos Catts potius quam Chaucis adscribendos; ab ultimis vero Germaniæ oris in mediterranea evasisse, atque Gallias suis incursionibus terra marique, inde usque a Probi imperio, & maxime sub Constantio vexasse, easque nonnunquam diutius infedis, ab obitu vero Aetii regnum in iis condidisse. Nomen Francos traxisse vel a libertate, vela ferocia; plures autem eorum fuisse gentes, ex quibus duarum nomina celebrentur, Saliorum & Ansuariorum. Salios non a fluvio Sala dictos, sed nomen illud domo secum extulisse, & ex veteri gentis consuetudine, ut ait Ammianus Marcellinus lib. 17. cap. 8. sic fuisse appellatos, licet postea inter Mœnum Salamque confederint. Immigrasse vero illos antea in sedes Chamavorum, qui hodie Campenses; Bructerorum, quos dicas paludum incolas, ubi hodie Zwolla; Tenslerorum, ubi hodie Darentia, & quorum regio præcipua hodiernum Drenta, in qua columnæ Herculis spectentur; Tubantum, quorum regio hodie Tuwente vel Twente. Ab his ergo Francis Salis adhuc in Bructeris superesse nomen *Saland*, eorumque fuisse legem Salicam, a Pharamundo Rege latam; cujus caput, quo forminx a regni successione remouentur, Franci in controversia cum Burgundis proferre nequiverint, extet tamen loco aliquo sibi non temere prodendo, ejusque vestigia in Procopio quoque inveniri. Aliam fuisse legem Francorum Gombetam, quæ forte ad Ansuarios spectaverit. Strabonis ævo nomen Francorum fuisse ignoratum, & in alterius gentis Germanicæ nomine delituisse. Sapientes Francorum dictos fuisse *Gastos*, Germanica voce die *Weiseste Sapientissimi* a Gallis corrupta. Sub finem docet, quod genus fuerit Gonlæ Augustæ quæ Henrico III Imp. nupsit.

Alteræ ad eundem Gualterum epistola in etymon Germanorum inquit, eosque dictos putat primum *Wermannos*, viros eblicolcos, & inde a Gallis *Germanos*, mutatione W in G adeo ipfis

- familiari, ut se *Gallos* appellarent, quos Germani *Walos* dixerant. Has Schonhovii epistolas excipit incerti Auctoris *Chronicon Belgicum*, idiomate Belgico perscriptum, quod incipit in anno 1285, & desinit in anno 1479, quo nata est Margaretha Austriaca, Maximiliani & Mariæ Burgundicæ filia. Persequitur vero res præcipue Belgicas, & in his Nassovix gentis illam familiam, quæ Engelberti matrimonio cum Joana dominio Leccæ & Bredæ anno 1400 est posita. Alicubi & externa annotat, veluti Ptolemaidem urbem, quæ & *Acon*, atque adeo ab auctore Belgice *Aken* appellatur, a Gentilibus, hoc est Saracenis, anno 1292 fuisse destructam; Comitem autem Nivernensem aliosque magnates a Turcis fuisse captos prælio anno 1396 d. 28. Aug. quod aliud esse non potest, nisi famosum illud ad Nicopolim inter Sigismundum Regem Hungariæ & Baiazethem Turcarum Imp. depugnatum; quo res Christiana temeritate Gallorum, inter quos præcipuus Johannes Burgundus Comes Nivernensis, summum in discrimen fuit adducta. Editor vero in notis subjectis existimat subesse mendum, & aliud prælium innui inter Ludovicum (forte Vladislaum) & Amurathem commissum. Annexum est huic Chronico *fragmentum alterius Chronici*, quo Johannis primi, Hannoniæ, Hollandiæ Selandiæq; Comitis, anno 1305 defuncti, ejusque filii Wilhelmi Boni anno 1337 extincti, res gestæ exponuntur. Quando vero & qua occasione Hannonia Flandris subdita acceperit Comites, in notis docet Editor; qui & aliud *fragmentum Chronici rhythimici* adjecit, de Margarethæ Imperatricis, Ludovici Bavari viduæ, prælio cum filio Wilhelmo, & Delfensium rebellionem contra Albertum Ducem anno 1358, quibus cohærent alii rhythmignomici. Deinde comparat *Joannu de Lemmege Chronicon Groningæ*, in quo, præmissa divisione Frisiæ primum in septem, postea in tres partes, Groningam anno 1110 primum muro circumdatam memorat. Editor vero in notis observat, ab Episcopo Ultrajectino Harberto anno 1138 iterum fuisse nudatam muris, iisque adhuc anno 1222 caruisse. Auctor Chronici vetustiora illa sicco pede præterit, ad annum vero 1345 notat, Wilhelmu Com. Holl. Ultrajectum occupasse exercitu centum & octoginta millium armorum, in quo fuerint sexcenti proceres auro gestato dignitatis suæ indicium præferentes. Quem numerum alii quidem ab Editore laudati minuunt, at qui minimum ponunt, centum millia & octingentos nominant. Hinc
- Auctor

Auctor attingit Alberti Bavari Comitis Hollandiæ in Frisios bella, ejus filii Johannis in Groninganos studium, horum foedus cum Ommelandis, certamina cum vicinis, motusque civiles, Senatu urbis anno 1413 trucidato, & desinit in Friderico a Blanckenheim Episcopo Ultraje-ctino, qui Groningam a se obsessam tandem in fidem accepit, & anno 1419 in sua verba adegir.

p. 130.

Sequuntur vernaculi rursus *Annales Henrica ab Erp*, Abbatissæ cœnobii in suburbanis Trajectensibus, quod vulgo *Vrouwen-clooster* dicitur. Præmisit Editor doctissimus observati-
onem de fundatione & dotatione cœnobii monachorum Oestbroken S. Laurentio dicati, ex quo cœnobium illud monialium anno 131 præ-
pagatum sit, in eamque rem nonnulla affert diplomata. *Annales* vero ipsi ab anno 1421 initium capiunt, inque rebus suæ ætatis & maxime
monasterii sui commemoratur Abbatissæ, quæ ab anno 1505 ad annum
1548 cœnobio præfuerit. Continuatio Annalium istorum ad annum
1583 alterius studio debetur, ejus in fine exponitur, quæ monasterio
inferenda sint ab ea, quæ monialis recipi desiderat. Hinc exhibetur
instrumentum Notarii confectum anno 1322 de electione Jacobi de
Outhorne Decani Ultrajectensis in Episcopum Ecclesiæ illius, ex quo
cognoscere licet ritus & ceremonias in hujusmodi electione tum tem-
poris receptas: unde ab Editore *Conclave Ultrajectinum* inscribitur.

p. 141.

p. 188.

Profertur porro *Vita Philippi Burgundi* a Gerardo Noviomago, viro
aliis quoque ingenii monumentis claro, eleganter perscripta. Phi-
lippus vero ille filius fuit Philippi Boni Ducis Burgundiæ & Margaretha
Posthia naturalis, qui Maximiliano Imp. ejusq; filio Philippo & nepoti
Carolo operam suam domi militiæque probavit, legationem
Maximiliani Imp. ad Papam obiit, in qua corruptissimos aulæ Pontifi-
ciæ totiusque Cleri Romani mores deprehendit, Caroli sororem ad
Regem Daniæ Christiænum deduxit, tandem Præfectus mari cum ef-
fet, auctoritate Caroli Regis Hispaniarum adduci se passus est, ut anno
1517 Episcopatum Ultrajectinum susceperet, quo Fridericus Badensis
se abdicaverat. In qua statione, flagrante cum Geldris bello, quod
Campensium Zwollensiumque discordia conflaverat, anno 1524 de-
cessit; Princeps literarum amans nec imperitus, qui omnes fere Hi-
storias veterum Gallicæ legerat, Latinos vero Historicos omnes præ-
lectore hoc Gerardo audiverat, quin & sacros utriusque Instrumenti
libros ita excusserat, ut Erasmi versionem cum Vulgata acri judicio

p. 216.

- p. 238. conferret. Subjectum est huic Vitz *Stemma Burgundicum*, ab Emondo de Dynter contextum, per Merovingicos, Carolingicos, Lovanenses Brabantiae Duces, ad Burgundos, & hinc ad Austriacos deductum. In hanc Vitam uberioribus notas Editor composuit, quibus
- p. 242. partim acta & monumenta inseruit integra, veluti *Legationem Caroli ad Trajectenses*, ut illos adduceret ad Episcopatum Philippo conferendum, *Leonis X Papae privilegium* de non evocandis civibus Trajectinis, *Philippi Episcopi inbronisationem, constitutiones de annona, de modo procedendi coram curia Episcopali, inventarium bonorum ab eo relictorum*, & alia hujusmodi; partim quaedam Auctoris capita & dicta illustravit, ut cum de voce *curtisan*, *curtu*, *curie* agens, observat morbum Gallicum in paralipomenis Urspergensis adjectis vocari *morbum curialem*. Aulæ etiam Pontificiæ avaritiam pluribus perstringit, quæ novos Episcopos exhauriat sumptibus. Quodnam fuerit munus *Decanorum & Provisorum*, & cur iidem provincialibus fuerint graves & odiosi, allata de his transactione inter Ducem Burgundię & Rudolphum a Diepholt, exponit. Porro in his Analectis locum dedit Editor *Rationario aulæ & imperii Caroli Audaci* Ducis Burgundiæ, quod *Olivarius Marcannus*, Aulæ istius præfectus, in castris ad Nussiam anno 1474 Gallice conscripserat, sed cujus versio Belgica ab æquali Olivarii, ut Editor suspicatur, confecta nunc primum prodit, cum Gallica editio vix habeatur. Ac in aulicis officiis & ministeriis hæc classes constituuntur: *prima* eorum, qui sacra cultumque divinum curabant, quorum præter Eleemosynarium fuere quadraginta. 2. Consilii status & justitiæ, cujus caput Cancellarius: Principem vero ipsum bis in quaque hebdomade, diebus Lunæ & Veneris, cuicumque etiam tenuiori aditum ad se præbuisse, & desideria libellosque supplices excepisse: quod qua pompa & ceremonia factum sit, Auctor describit. 3. Consilii bellici, quod ex quatuor viris equestri ordinis constitutum fuit. 4. Præfectorum æarii & reddituum; ipsumque Principem non dubitasse subinde sedere ad calculos & rationes subducere, hoc tantum discrimine, quod ipse calculis aureis fuerit usus, minister argenteis. 5. Eorum, qui in comitatu Principis non tam ministerii quam splendoris causa alebantur: in quibus sex Duces fuere, duodecim Principes, Marchiones, Comites, & in universum præter plures equestri ordinis, quadraginta quatuor eminentioris Nobilitatis. 6. Palatinorum & eorum

eorum maxime, qui in cubiculo Principis ministrabant. Inter officia vero Palatina primum locum tenuisse Cubicularium seu Camerlingum primum; ab eo proximum fuisse Aulæ Praefectum seu Magistrum; hinc quatuor Summularios, qui circa lectum & cubiculum Principis occupantur, sedecim Nobiles, sex Archiatros, quatuor Chirurgo, quadraginta Pueros nobiles &c. 7. Dapiferi & aliorum qui cibos in mensam inferrent; mensæ autem cum cibis semper impositum fuisse vasculum instar navis habens, in quod conjiciebantur frusta in pauperes distribuenda. 8. Pincernæ & eorum qui potum curabant: ubi inquiritur in etymologiam vocis *echanson*, quæ Gallis pincernam significat, & quis prior digniorque in accumbendo habeatur locus, definitur. 9. Carptoris præcipui, qui cibos secat, cui alii quinquaginta subserviunt. 10. Eorum, qui in culina parandis cibis occupantur. 11. Stabuli & equitum curatorum, quorum Magister, in quinquaginta equestri ordinis habens imperium, Principi gladium præfert, & in Scutolabarium seu vexillum primarium gestat. 12. Fecialium, in quibus sunt sex Reges armorum & octo Heroldi. 13. Tubicinum & tibicinum. 14. Custodum corporis & stipatorum. 15. Metatorum, qui assignant hospitia, quorum primicerius Marechalculus. 16. Janitorum. Expositis Aulæ officiis progreditur ad statum militarem, Principemque aluisse refert octo equitum, octodecim peditum millia, cum omni instrumento bellico, annuasque duas myriades vel milliones, ut loquimur, insumsisse. Notis etiam hoc Rationarium instruxit Editor, quibus varia officiorum genera explicat, & subinde ex Jure publico Romano illustrat: veluti quam varie accipiat vox *capella* & *capellani*; *Cancellarii* olim qui sunt dicti, & qui hodie intelligantur; de *Mareschalci* nomine & munere; quatuor Festa majora appellari *de vier boechtyden*; & plura alia quæ enumerare non fert instituti nostri ratio. Agmen in his Analectis claudit *Hermanni Goudani historia belli anno 1507 inter Hollandos Geldrosque gesti*, ex duobus MS. inter se collatis cum variantibus lectionibus edita. Belli eventa solum perscripsit in ea auctor, causas & consilia de industria omittens, ne quem offenderet. Narrat vero, in hoc bello oppugnatam esse arcem puerorum, vulgo *Puderoeyen*; eamque sic appellatam putat in memoriam partus illius, quo Hollandiæ Comitis uxor, mendicæ geminos trahenti impudicitiam exprobrans, ex hujus imprecatione tot partus enixa fertur,

p. 455.

p. 456.

p. 463.

p. 469.

p. 473.

p. 495.

p. 505.

- tur, quot annus habet dies, totidemque fenestras in rei gestæ argumen-
tum arci fuisse insertas. Inter cætera Waterlandiæ, quæ pars est Insu-
læ Batavorum, & ex qua anno 1421 septuaginta pagi aquis fuere merfi,
P. 529. situm & incolarum mores describit, quos a fide, robore & laboris stu-
dio commendat; negat vero in illa regione aliequos, unumque eo
delatum ab Assendelphis pro prodigio fuisse occisum, & in memoriam
P. 541. hujus facinoris insignibus publicis esse insertum. Subjecta denique
est appendix quindecim epistolarum, quas Petrus Scriverius ad Jo.
Isacium Pontanum dedit. Versantur ex in rei literariæ argumentis,
variamque doctrinam continent: veluti Christophorum Butkenium
insignem esse impostorem, qui diplomata confingat, & vera falsaque
juxta habeat. Fluvium, qui Amstelodamum alluit, perperam scribi
Tyam, rectius *Tam*, Belgis *bet Ye*, ut in prisca monumentis legitur.
Marquardum Freherum in animo habuisse edere Otfridum cum
continentariis linguæ Germanicæ & Glossario Alemannico; quod u-
trumque jam animo volvit celeberrimus Argentoratensis Antecessor
Jo. Schilterus, a cujus industria & consummata doctrina *Glossarium*
Teutonicum, & novam *Otfridi Evangelicorum* a Matthia Flacio Illyrico
Basileæ 1571 editorum expectare jussi sumus editionem. A Floren-
tio V Comite Hollandiæ anno 1290 ordinem equestrem D. Jacobi esse
institutum. Hæc specimenis loco sufficiant: neque enim omnia vel
vacat vel decet excerpere.

— D. VITI RIEDLINI MEDICI AUGUSTANI LINEARUM
Medicarum Annus II seu MDCXCVI.

Augustæ Vindel. apud Kronigerum & Hæredes Gœbelii, 1697, in 8.
Alph. 2. pl. 4.

EJUSDEM LINEARUM MEDICARUM ANNUS III,
seu MDCXCVII.

Augustæ Vind. apud eosdem, 1698. in 8. Alph. 2. pl. 16.

PROmissis stetit Auctor Clarissimus, ut more apum vitiosum otium
se fugere ipso opere testaretur, & non ita pridem secundum Line-
arum Medicarum Annum, ut & nuperrime tertium exhibuit, quorum
uterque tot, quot annus dies, continet observationes; quarum, pari me-
thodo, qua Annum primum in Actis A. 1696, p. 474 recensuimus,

cx

ex singulis mensibus unam producere lubet. Sic ex I Mensis Observ. XXV intelligitur, & mortuis basia non semper impune infigi; cum quædam mulier Turcica, sic amorem suum versus quendam febrili maligna extinctum servum testatorem reddere volens, ipsam hanc febrem inde contraxerit. Secundi Observatio XXIII testatur, quandam, licet aliquoties gravida venæsectionem in pede instituerit, nunquam tamen inde abortum esse passam; unde, necessitate urgente, ut hæ venæ in prægnantibus interdum secentur, haud adeo difficulter concedi posse, facile colligitur. Inter varia alia, quæ sternutationem concitant, aliquando & lac oculis ophthalmiæ ergo inspersum ut numeretur, meruisse, tertii Mensis prima Linea indicat: quam ipsam sternutationem ebrietatis imminens signum cuidam tam certum extitisse, ut illam semper inde sibi certo prædixerit, nec eventus eum unquam, nisi quando rum pocula seposuerit, fefellerit, Aprilis Linea XXIII testis est. Dari morbos, qui, nisi rite tractentur, si vel maxime curentur, graviora post se trahant mala, exemplum scabiosæ, quod ipsis Maji Kalendis narratur, quæ sic curata in epilepsiam tam gravem incidit, ut hæc & mortem post se traxerit, non parum confirmat. Ex Observatione XXVII sexti Mensis patet, quod, si opus fuerit, acidularum potus per bene longum temporis spatium sat tuto continuari possit; cum quædam ibi describatur, quæ per integrum biennium, non sine insigni suo fructu, in melancholia in maniam degenerante usa fuit. Catarthum, qui suffocare solet, non solum illis esse infestum, qui aqualiculum alunt, sed & eos necare, quorum cutis vix ossibus hæret, binis huc spectantibus historiis Julii Linea XXVIII probat. Apoplecticum Germanum, qui olim Italico quoque & Gallico sermone animi sui sensa promere didicerat, linguæ usu a morbo aliquandiu privatum, hujus redeuntis indicia non tam vernacula, quam illis linguis exseruisse, ultima Mensis Augusti linea narratur: quem sequentis XXII Medicos excitat, ne desperent, si vel maxime morbis gravissimis laborantes ægroti, in devexa jam ætate constituti, curandi iisdem obveniant; & his enim sæpius medicamenta non omnino frustra adhiberi, exemplo hydropicæ feliciter curatæ evincitur. Utut Anatomia, ob egregios, quos in detegendis etiam plurium morborum causis præstat usus, sufficienter laudari non possit, interdum tamen & illa mediante nos exoptatum scopum non obtinere, Mensis Octobris Linea antepenultima exemplo

puellæ, quæ prius ante mortem cum urina excreverat, cuius tamen vestigia in cadavere aperto nullo modo inveniri potuerit, demonstrat. Ex tertia undecimi Mensis Linea innotescit causâ, cur cuidam clyster applicari non potuerit, haud ita communis, turgens nempe urina vesicæ; cuius si memores in similibus casibus præxin medicam exercentes fuerint, eadem merito accusanda, in alias frustra non inquirent. Decoctum denique herbæ Thee uti passim in his Lineis laudatur, ita ultimi Mensis Linea XXVIII patet, quod quandam hypochondriacam, pluribus aliis remediis frustra omnino in usum ductis, sic juverit, ut omnino antihypochondriacorum medicamentorum classi inferi mereatur.

Ut ad anam III progrediamur. Mense Jan. Lin. XVIII innuitur, aurium dolore gravissimum facili levique remedio, hydromeli nempe auri instillato, feliciter fuisse sublatum, rupto inde abscessu quodam, qui in aure latuerat. Vulgo jam constat, icterum omne, quod in corpore humano reperitur, serum flavo colore tingere. Confirmatur id M. Febr. Lin. VII exemplo matronæ, quæ dum ictero vehementibus stipato symptomatibus laboraret, quoties capillum evulsit, guttulam flavo colore tinctam ex eodem extillasse deprehendit. M. Martio Lin. XXVI bellidis usus egregius adversus tussim domestico Auctoris Experientissimi exemplo comprobatur. Inter remedia antidynterica M. Apr. Obf. XIII commendantur myrtilli bacca instar pulvis cum pane & saccharo coctæ, & eo quidem magis laudantur, quod nec iis, qui a medicamentis abhorrent, fastidiantur. M. Majo, Lin. XV aquæ pluviae instar acidularum, primo paulatim ascendendo, hinc in summo gradu per aliquot dies pergendo, & tandem iterum descendendo, potæ usus in cachecticis & tabe afflictis, exemplo Pastoris cujusdam, qui hoc remedio, aliis frustra adhibitis, convaluerit, ostenditur; nec inimitabile remedium Auctor Clarissimus censet, si & aliæ admittantur aut requirant circumstantiæ, quod pluvia, adulto præsertim vere & ipsa æstate, particulis variis, etiam medicatis, sit imprægnata. M. Jun. Lin. XXI uti generatim monetur, in arthriticis morbis haud raro scorbutici quid latere, adeoque antiscorbutica medicamenta arthriticis exhibenda: ita speciatim essentia antiscorbutica ex conis abietis cum spiritu cochleariæ laudatur. M. Jul. Lin. IX docetur, opium in parva dosi nonnunquam plus præstare, quam in magna. Cum febris alba originem suam plerumque aut a mensibus jamjam instan-

stantibus, at impeditis, aut ab iisdem non rite fluentibus aut denovo obstructis trahat, morbus ille puellis creditur proprius, quæ decimum tertium ad minimum ætatis annum attigerunt. Auctor vero M. Aug. Lin. XVI octennem sistit puellam febre ista divexatam. M. Sept. Lin. XI icterum memorat a motu corporis nimio obortum. Uti lac quorundam morborum salutare remedium a pluribus celebratur: ita lac calidum vaccinum speciatim & in hypercatharsi conducere, M. Oct. Lin. X. comprobatur. Dentium dolorem capillis rescissis cessare, docetur M. Nov. Lin. IV exemplo puerperæ, quæ acerbissimis dentium doloribus adeo afflicta, ut totas noctes insomnes trahere cogere, remediis laudatissimis & opiatis etiam frustra adhibitis, dolore omni, simul ac capillorum sat magnam quantitatem abscindi sibi curasset, fuerit liberata. M. Dec. Obs. XXIV exemplum adducitur tum maris, tum foeminæ, qui a pupis, quibus delectari puellæ consueverunt, a prima infantia per totum vitæ tempus sic abhorruerunt, ut earum conspectum sustinere plane non potuerint.

ADAMI RECHENBERGII VOLUMEN DISSERTATIONUM Historico-politicarum varii & curiosi argumenti, in Academia Lipsiensis publice propositarum.

Lipsiæ, apud Gott. Enoch. Grossium, 1698, in 8. alph. 4.

Quid Auctor celeberrimus hoc dissertationum conjunctim editarum volumine promittat, ex ejusdem adposita inscriptione apparet. Moris nempe in Academiis est, ut adolescentes vires ingenii periclitanturi, ex consilio præceptorum suorum, varia argumenta ventilare instituant. Rechenbergius vero hic suis quondam discipulis, ex historia & civili doctrina, non prætita nimis aut ignobilia argumenta suggestit elaboranda, aut ipse elaboravit. Quorum indicem cum nominibus eorum, qui in conflictu respondentium partes sustinuerunt, volumini huic præmisit, idque in duas partes dispescuit. In *Prima* dissertatio prima est de quaestione, *an mundus exigua sapientia regatur?* secunda, de *casibus ministrorum in republ. eminentium* &c. In *parte secunda* prima est de *inconsultis clericorum consiliis*; secunda, de *stratagematibus politicis ex S. historia*; tertia, de *vitiiis, quibus civitas impar est*, ex *C. Tacit. Annal. III. 53*; quarta de eo, *quod licet pro amico*

ex Gellii N. A. I. 3. &c. Omnes nempe illæ dissertationes numero XLIV argumenti non in jucundi sunt: quarum excerpta dare hic superdedimus, cum rerum variarum indices adjecti sint.

Des Herrn DE LA CROIX allgemeine Welt-Beschreibung &c.

i. e.

*A. PHER. DE LA CROIX GEOGRAPHIA UNIVERSALIS
ex Gallico idiomate in Germanicum traducta, & hic illic aucta,
nec non indicibus accuratis instructa ab HIERONY-
MO DICELIO.*

Lipsiæ apud Joh. Ludov. Gleditsch, 1697, 4. Constat Alph. 9^o pl. 8.
& figurar. æn. plag. 24.

J Am dudum de studiosa Geographiæ juventute, aliisque nobilissimæ hujus scientiæ cultoribus optime meruit Vir Clarissimus, Hieronymus Dicelius. Inprimis vero proximis abhinc duobus annis suam in hoc genere industriam publico comprobavit, editis vernaculo nostro sermone scriptis, e quibus in Geographiæ studio proficere haud parum & illi possunt, qui Latine aut exoticarum linguarum periti non sunt. Cum enim Dictionarium Geographicum, non magnum quidem illud, at iis, quibus vasta in hoc genere opera evolvere non licet, utilissimum, Bruxellis A. 1694 Gallico sermone prodiiisset, dignum id censuit, quod in Germanicum nostrum transferret, passimque a se auctum ac suppletum Lipsiæ A. 1696 publici juris faceret. Eodem anno Martini Zeileri Germanicum de Decem Germaniæ Circulis librum, quem non contemnendis accessionibus auctum jam A. 1688 publicaverat, denuo edidit, Genealogia Principum & Historia rerum notabilium ad annum usque 1696 producta. His absolutis, majus Opus quod hic exhibemus, aggressus est. Cum enim A. Pher. De la Croix Geographi Regii Geographiam universalem tabulis æneis illustratam, quam is Parisiis A. 1693 Gallico idiomate edidit, publico cum applausu exceptam intellexisset, ob facilem inprimis commodamque, quam is adhibuit, methodum; eam quoque Germanice vertendam, ut omnium usui pateret, censuit, tandemque anno superiori publicæ luci exposuit, multis in locis, præcipue ubi Germanica tractantur, commendatam. Quatuor vero Geographia ista partibus absolvitur, quarum

quarum prima Sphæricam & Cosmographiam, nec non Geographiæ generalia, partemque Europæ, altera Europæ reliqua præter Galliam, tertia Galliam, quarta Asiæ, Africam & Americam complectitur. Specialiora excerpte supervacaneum ducimus ex opere, quod seu ut editum Gallice est, seu ut hic Germanice exhibetur, dudum omnium manibus versatur.

LIBRI NOVI.

Job. Philippi Datt Volumen Rerum Germanicarum novum, sive de Pace Imperii Publica Libri V. Ulmæ apud Georg. Guil. Kühn. 1693. fol.

Francisci Maria Pechii Tractatus de Servitutibus in genere. Geneva apud Fratres de Tournes, 1698. fol.

Ferdin. Christoph. Harprecht Consiliorum Tubingensium Volumen III & IV. Tübingæ apud Job. Georg. Cottam, 1698. fol.

Job. Christiani Ileri de Honoribus sive Gradibus Academicis Liber. Francof. ad Manum apud Frid. Knochium, 1698. 4.

Arcana Pacis Westphalicæ, sive Relatio Historica de S. R. Imperii Pacificatione Osnabrugo-Monasteriensis. Francof. ad Manum, apud eundem, 1698. 4.

Ansaldo de Ansaldo Discursus Legales de Commercio & Mercatura. Geneva apud Fratres de Tournes, 1698 fol.

Jacobi Wenckeri Dissertatio de Pfsalburgeris. Accesserunt Disquisitiones duæ de Ulsburgeris & Glevenburgeris. Argentorati apud I. Reinb. Dulfceckerum, 1698. 4.

Gothofredi Christiani Leiseri Jus Georgicum sive Tractatus de Prædiis. Lipsiæ & Francof. apud Hæredes Friderici Lancisii, 1698. fol.

Traité de la Preuve par Témoins en matière civile. Par Mr. Danty. A Paris chez Charles Osmont, 1697. 4.

Otonis Philippi Zaunschliffier Opera Juridica. Francof. ad Manum apud Viduam Hermanni a Sande, 1698. 4.

Jo. Schilteri Juris prudentia totius tam Romana quam Germanica prius Legitima Elementa. Argentorati apud J. R. Dulfceckerum, 1698. 8.

Mich. Bernardi Valentini Medicina Nov-Antiqua. Francof. ad Manum, apud Jo. Dav. Zunnerum, 1698. 4.

Pharmacopée Universelle, contenant toutes les compositions de Pharmacie,

- cie, leurs vertus, leurs doses &c. Par Nic. Lemery. A Paris, chez Laurent d' Houry, 1697. 4.*
- Le Tresor de la Medecine, contenant l' Anatomie des parties du Corps humain, les maladies auxquelles elles sont sujetes, les remedes specifiques &c. A Paris chez Barth. Girin, 1697. 12.*
- Traité de Physique & de Chirurgie, par Jean Fontailles. A Paris, chez la Veuve de Claude Thiboust, 1697. 12.*
- Les Oeuvres d' Hipocrate traduites en Francois avec des remarques, & conferées sur les manuscrits de la Bibliothegue du Roy. A Paris, par la Compagnie des Marchands, 1697.*
- Rosini Lentulii Miscellanea Medico - Practica tripartita. Ulmae apud G. W. Kühn, 1698. 4.*
- Petri Poterii Opera omnia Practica & Chymica, cum Additamentis Frederici Hofmanni. Francof. ad Mœnum, apud Frid. Knobinm, 1698. 4.*
- Caroli Musitani Chirurgia Theoretico - Practica, seu Trutina Chirurgico - Physica. Colonia Allobrogum apud Cramerum & Perachon, 1698. 4.*
- Philosophia Ecclesiastica, h. e. Exercitationum Academicarum Tomus II. Auctore Jo. Christoph. Sturmio. Altorfii apud Jo. Wilhelmum Koblesum, 1698. 8.*
- Jo. Jac. Francisci Basis universæ Medicinæ. Constantia apud F. X. Straub, 1698. 8.*
- Les Anciens Liturgies, ou la Maniere dont on a dit la Sainte Messe dans chaque Siecle, dans les Eglises d' Orient & dans celles d' Occident. A Paris, chez Jean de Nully, 1697. 8.*
- La Vie en abrégé de Madame de Chantal, Mere & Fondatrice de l' Ordre de la Visitation de S. Marie. A Paris, chez Simon Benard, 1697. 12.*
- Apparatus ad Bibliothecam Maximam veterum Patrum &c. Opera Domini Nicolai le Nourry. Tomus II. Parisiis apud Jo. Anisson, 1697. 8.*
- Rituale Parisiense auctoritate Illustrissimi D. Ludovici Antonii de Noailles, Archiepiscopi Parisiensis &c. editum. Parisiis apud Ludovicum Jesse, 1697. 4.*
- Explication des Maximes des Saints sur la Vie interiere, par Messire Fr. de Salignac Fenelon, Archeveque Duc de Cambrai &c. E-diti-*

MENSIS APRILIS A. M DC XCVIII. 199

dizion nouvelle, où on ajoute diverses pieces, qui concernent ce livre. A Amsterd. chez Henri Wetstein, 1698. 12.

De Canonico Ordine Disquisitiones, quibus ejus origo, propagatio varia & natura dilucide tractantur. Parisiis apud. Edm. Coutarot, 1697. 4.

Memoire & pieces concernant l'exemption de l'Eglise Catedrale & Metropolitaine de Tours. A Paris, chez F. H. Muguet, 1697. fol.

Synopsis Theologia Judaica, veteris & nova, auctore Jo. Henrico Majo. Gissa Hufforum, 1698. 4.

Davidis Psalmi XII, & totidem S. Scripturae veteris Testamenti integra capita, quae novi speciminis loco Biblicarum suarum Emendationum & Interpretationum, prisco Hebraeo metro restituit Marcus Meibomius. Amstelodami apud Henr. Westenium, 1698. fol.

Jo. Ludovici Fabricii Theologi Palatini Opera omnia. Tiguri apud Dav. Gesnerum, 1698. 4.

Christi. Francisci Paulini Rerum & Antiquitatum Germanicarum Synagma. Francof. ad Maenum apud Frid. Knochium, 1698. 4.

Joannis Clerici Opera Philosophica in quatuor volumina digesta. Amstelod. apud Georg. Gallet, 1698. 8.

Dernieres Decouvertes dans l'Amerique Septentrionale de Monsieur de La Sale, mises au jour par Mr. le Chevalier Tonti. A Paris chez Jean Guignard, 1697. 12.

Relation Historique de la Pologne, contenant le pouvoir de ses Rois, leur election & couronnement. A Paris chez Nic. Le Gras, 1697. 12.

Histoire des Dietes de Pologne pour les elections des Rois par Mr. de La Bisardiere. A Paris, chez J. Jombert, 1697. 12.

Del' Art de la Verriere &c. La maniere de faire les Perles &c. par Mr. Haudicquer de Blancourt. A Paris chez J. Jombert, 1697. 12.

Nouveau Voyage autour du Monde, par Guillaume Dampier. Traduit de l'Anglois. A Amsterdam chez Paul Marret, 1698. 12.

De Nederlandische Herbarius, ofte Kruidboek der voornaamste Kruiden &c. met kopere platen versiert door Steph. Blankaart. T. Amsterdam by Jan Ten Hoorn, 1698.

S. S. Patrum qui temporibus Apostolicis floruerunt, Barnaba, Clementis, Herma, Ignatii, Polycarpi Opera. J. B. Corelerius Soc. Sorbon. Theologus, ex MSS. codicibus eruit, ac correxit, versionibusque & notis illustravit. Accesserunt nota integre aliorum &c. Antverpiæ, Huguetanorum sumptibus, 1698. fol.

M. Fabii Quintiliani Declamationes innumeris locis emendata, ex recensione Ulrici Obrechtii. Argentor. apud J. R. Dulfheckerum, 1698.

4.

Chronicon Universale & Alsaticum Jacobi de Konigsbaven Presbyteri ad D. Thoma Argentorati A. 1583. Nunc primum editum ex MS. & observationibus illustratum a Jo. Schiltero, Argentorati apud Josiam Stadel, 1698. 4.

Ferd. Christoph. Harprechtii Tractatus Academici de Successionibus. Ulma apud Georg. Wilb. Kubn, 1698. 4.

Jo. Wolfgang Textoris Disputationes Academicae duabus partibus distinctæ. Francof. ad Mænum 1698. 4.

Marcelli Malpighii Opera posthuma. Supplementa necessaria addidit, innumerisque in locis emendavit Petrus Regii. Amstelod. apud Georg. Gallet, 1698. 4.

Nonvelle Fortification Francoise, Espagnole, Italienne & Hollandoise. A Amsterd. chez George Gallet, 1698. 8.

Martini Lister octo Exercitationes Medicinales &c. de quibusdam Morbis Chronicis. Editio ultima. Amstel. apud eundem, 1698. 8.

Jo. Clerici Compendium Historia Universalis ab initio Mundi usque ad Carolum Magnum. Amstelodami apud eundem, 1698. 8.

Joannis Baptasari Braun Historia Augusta, seu Vita Romanorum Caesarum a C. Julio Cesare usque ad modernum gloriosissime Imperantem Leopoldum, Augusta Vindel. apud Jo. Casparum Ben-card, 1698. 4.

D. Justiniani Institutionum Libri IV. notis maxime necessariis explanata a Jo. Samuele Stryckio. Hala Magdeb. apud J. F. Zeitlerum, 1698. 4.

Vesperæ Groningana, sive Amica de rebus sacris Colloquia. Amstelod. apud Henr. Desbordes, 1698. 12.

Jconologia, ou la Science des Emblemes, Devises &c. Par J. B. de l'Academie Francoise. A Amsterdam chez Adriam Braackman, 1698. 12.

* *

ACTA ERUDITORUM

Publicata Lipsiæ

Calendis Maji, Anno M DC XCVIII.

GLI ANTICHI SEPOLCRI, OVERO MAUSOLEI ROMANI ET Etruschi, trovati in Roma & in altri luoghi celebri; nelli quali si contengono molte erudite memorie, raccolti &c.

h. e.

SEPULCRA ANTIQUA SEU MAUSOLEA ROMANA ET Etrusca, in Roma aliisque celebribus in locis inventa, in quibus multe erudite antiquitates continentur; collecta, depicta & rique incisæ PETRO SANCTI BARTOLI.

Romæ ex typographia Antonii de Rossi, 1697, fol. plag. 4. & Tab. 110.

QUo anno 1680 Sepulcrum Nafonianum, & 1691 Lucernas antiquas sepulcrales, notis Johannis Petri Bellorii illustratas, aliisque temporibus alia in lucem produxit publicam Vir solertissimus, jam insignem aliquem veterum sepulcralium monumentorum numerum simul perlustrandum Lectoris antiquarum rerum studiosi exponit oculis. Orsus enim ab illo, quod Curiatorum esse, creditur in Albano, Tab. I & II, in quinque quasi classes reliqua dividit, quarum *prima* comprehendit sepulcra antiquissima familiarum Romanarum, quæ detecta simul fuerunt in illa parte viz Aureliæ, in qua villa Corsina sita est; *secunda*, sepulcra familiarum, quarum nomen ad nos pervenit, quæq; tempore Reipublicæ Romanæ floruerunt; *tertia*, sepulcra ejusdem ætatis, sed familiarum, quarum nomen tempus delevit; *quarta*, sepulcra tempore Imperatorum Romanorum constructa; *quinta*, sepulcra peregrina lingua, inprimis Etrusca, inscripta. *Prima* ergo classi tribuuntur Tab. III - - XXIV, in quibus non ædificia tantum sepulcrorum, sed inscriptiones quoque, picturæ, sigilla, sculpturæ, opera plastica, musiva, urnæ, lacrymatoria, aliæq; vasa ad sacrificia pro mortuis faciendâ spectantia repræsentantur. Quod

Cc

ad

adsecundam attinet classem, in ea reperiuntur delineata (1) sepulcrum familiae Furiae in eremo Camaldolitana A. 1665, ubi Tusculum olim erat, detectum, Tab. XXV & XXVI. (2) Caji Publicii Aedilis plebis, cui honoris virtutisque causa senatus consulto populiq; jussu locus monumento, quo ipse posterique ejus inferrentur, publice in Urbe datus est, Tab. XXVII. (3) Familiae Scipionum in via Appia vulgo tributum, Tab. XXVIII, XXIX. (4) Familiae Serviliae in via Appia prope castrum pratorum & circum Caracalla, Tab. XXX & XXXI. (5) Plautii ultra pontem in via, qua Tyburitur, Tab. XXXII, XXXIII, XXXIV. (6) Ceciliae Metellae, quod vulgo caput Bovis dicitur, in via Appia, Tab. XXXV, -- XXXIIX. (7) Familiae Pompejorum in via Appia intra Romae moenia, Tab. XXXIX. (8) Sexti Lartidii Erasmi, aliorumque diversis nominibus gaudentium, vicinum portae Capenae, Tab. XL & XLI. (9) Q. Veranii in via Appia, Tab. XLII. (10) M. Antonii Antii Lupi in via Ostiensis, Tab. XLIII. (11) P. Vibii, in via Cassia, quod falso Neronis esse dicitur, Tab. XLIV. Tertio in ordine comparent (1) sepulcrum antiquum detectum in vinea Cavalleriorum, inter S. Sabam & moenia Romae, depictum Tab. XLV & XLVI, cernunturque in eo canales testacei, urnae defuncti respondentes, ut illam vino lacteque perfundere possent in sacris anniversariis. (2) Repertum in vinea Dominici Gentilis, Tab. XLVII. (3) Aliud in eadem vinea inventum, Tab. XLIIIX. (4) Tyburi vicinum, Tab. XLIX. (5) Ex vivo saxo excisum in radicibus montis Apeninini detectum A. 1692, Tab. L. (6) In via Portuensi, cujus marmora Romam translata tempore Alexandri VII, Tab. LI, LII. (7) Ex lateribus totum constructum, in via Asinaria, distinctumque in cameram sepulcralem, ambitum qui hanc cingit, & vestibulum, cum arca sepulcrali, Tab. LIII -- LVII. (8) Extra portam Naviam, in via Praenestina, Tab. LVIII. (9) Musivum opus repertum in tumulo antiquo, quod erat in via Asinaria, eleganter referens effigiem sacerdotis Ceteris currentis, unaque manu facem, altera tria papavera tenentis, ut symbolum esset cursus velocissimi Solis, cujus calorem, humidum terrae (per papavera designatum,) fecundantem fax repraesentat, Tab. LIX. Ad quartam classem pertinent (1) Pyramis Caji Cestii Septemviris epulorum, quae Romae extat, Tab. LX -- LXX. (2) Mausoleum Augusti in Campo Martio, Tab. LXXI, LXXII. (3) Sepulcrum quod Virgilii esse creditur, in Paufilyppo prope Neapolim, Tab. LXXIII.

(4)

(4) Columna Trajana, Tab. LXXIV. (5) Moles Imperatoris Ælii Adriani, Tab. LXXV - - LXXIIX. (6) Columna Antonina, Tab. LXXIX. (7) Sepulcrum Alexandri Severi Imperatoris & Julæ Mammææ, Tab. LXXX - - LXXXVI. (8) Munatii Planci, quod Cajetæ visitur, Tab. LXXXVII, LXXXIIX. (9) Julæ Saturninæ & Caji Sulpicii Clyti, Tab. LXXX. Inter sepulcra *pergrino idiomate* inscripta primum illud est, Tab. XC, cujus inscriptionem Herrichius noster restitutam explicatamque dedit in Actis Erud. 1696, mense Octobr. p. 482. Quam restitutionem genuinam esse quoque, censuit doctissimus Johannes Pastricius, dum a Bellorio celeberrimo rogatus Græcos versus ita convertit:

Tantisper sistens hic urnam cerne puelli
Erepti subito matris ab uberibus.
Perpetuum patri luctum hoc in funere linquens,
Bis quinque expletis mensibus interiit.
Indole talis erat, fuit olim qualis Iacchus,
Acer & Alcides, pulcher & Endymion.

Huic succedunt monumenta Etrusca, Perusiæ fere omnia reperta, expressaq; Tab. IXC. - - IIC. Totum opus clauditur representatione *vasorum cinerariumum* seu urnarum, Tab. IC - - CVII, in quibus tamen non comparent foramina illa, quibus instructæ urnæ in villa Corsina repertæ, per quæ lac vinumque infundebant inferias Manibus defuncti mittentes. Appendicis tandem loco accedunt (1) sculptura aliqua reperta in sepulcro Viæ Appiæ, tres scæminas capite turres gestantes referens. (2) Duo signa, quorum unum in cryptis martyrum extra viam Aureliam A. 1661 repertum fuit, & Bacchi Cererisq; triumphum exhibet, alterum aquilam, ex cratere a Ganymede porrecto bibentem. Manifestum autem est ex diligenti inspectione horum sepulcrorum, (in primis Tab. LXXX) veteres sepulcra sua data opera terra contexisse, neque casu factum esse, ut ipsa sepulcra sepulcra quasi deprehendantur. Horum enim monumentorum recondita, interna, & angustæ viæ, instar canalium & Labyrinthorum factæ, non casui, sed consilio artificum, suam se debere originem clare satis loquuntur. Urnarum receptacula olim *Columbaria* dicta fuisse, patet ex Inscriptione veteri, quæ in camera sepulcrali XXVII (triginta enim quatuor Auctor perstravit) villæ Corsinæ extitit:

Q CAECILIVS. Q. L.
PRIMVS. EMIT. IN

C c 2

MO-

ACTA ERUDITORUM
 MONUMENTO. PALANGARIORVM
 IN. AGRO. FONTEIANO. QVOD. EST
 VIA. AV RELIA. IN. CLIVO. RVTARIO
 PARTE. SINISTERIORE. COL
 VMBARIA. N. X. OLLARVM
 N. XXXX. SIBI. ET

CAECILIAE. Q. Q. L. ATTICE
 CONIVGIVAE. ET
 Q. CAECILIO. FRVCTO. L. SVO
 ET. LIBERTIS. LIBERTABVS
 SVIS. POSTERISQVE. EORVM
 HAEC. COLVMBARIA. ET. OLLAE.

NUMISMATA SVMMORVM PONTIFICVM, TEMPLI VATICANI fabricam indicantia, Chronologica ejusdem fabricae narratione ac multiplici eruditione explicata atque uberiori numismatum omnium Pontificiorum lucubrationi veluti prodromus praemissa, a Patre PHILIPPO BONANNI, Societatis Jesu.

Romae sumptibus Felicis Casaretti & Paribeni 1696, in fol.
 Constat plag. 64 & tabulis aere expressis 86.

Quamvis multi doctissimi viri in describenda Vaticana Basilica eximia cum laude fuerunt versati, & ante paucos annos nobilissimus Eques Carolus Fontana copiose, in libro, quem in Actis Eruditorum Anni 1694 mense Novembr. laudavimus, illorum satisfecit desiderio, qui Architecturae studio tenentur; non contemnendam tamen publico praestitisse operam censendus est doctissimus Bonanni, aliis jam editis scriptis celeberrimus, quod illius templi historiam conscribere aggressus est. Cum enim illustrissimi Praefulis Johannis Ciampini, ad quem libri hujus praefatio dirigitur, jussu accurate numismata Pontificum indagaret, in multisq; deprehenderet Vaticanæ Basilicæ molem diversis temporibus expressam, ejusdemq; fabricæ ætatem chronologicis quasi tabulis consignatam,

cupido

cupido ipsum incescit, singula ad ipsam spectantia intime perlustrandi, & accurate designatas singulas hujus Basilicæ partes, servata ubiq; iusta temporum serie, uno volumine comprehendendi ac describendi, ut non ipse tantum ædificii hujus splendidissimi apparatus, sed & magni nominis viri, qui operam suam in eo exstruendo collocarunt, nec non maxima opum vis, quæ in eodem exornando a Pontificibus erogatæ fuerunt, hinc possint cognosci. Itaq; numismata Pontificum ad hoc argumentum spectantia, quæq; in majori opere sparsa & separata proferenda erant, conjunctim hic exhibet & declarat, orsus *capite primo* a Vaticano colle & Basilica a Constantino Imperatore primum in eo excitata, quam describit *capite secundo*, ejusque mensuras affert ex Severano *capite tertio*, ita ut non dissimulet, eas neq; cum tabulis ichnographicis Oldoini, Ferrabosci, Alpharani, Fontanæ, convenire, neque etiam has tabulas inter se consentire. *Capite quarto* de atrio ejusq; mensuris, januis & scalis agit, denuo conquestus de varietate mensurarum, quam in diversis auctoribusprehenderit; *quinto* autem partes Basilicæ interiores delineat, erroresque notat, quos incisoris fortasse incuria in orthographiam ejus templi, quam Eques Carolus Fontana lib. II cap. 10. de templo Vaticano exhibet, irrepsisse putat. De circo autem Neroniano sub Basilica latente *sexto* disputat capite, verumque ejus situm & longitudinem ex Grimaldi autographo, quod in Archivo Vaticanæ Basilicæ adservatur, tradit, vindicatque a Fontanæ objectionibus, Pyrrhi Ligorii rejiciens auctoritatem, quem, cum Pompejo Ugonio, antiquitatum quidem curiosissimum indagatorem, sed literarum plane rudem fuisse affirmat. *Septimo capite* fabricas exteriores Basilicæ additas, oratoria, sacratia, cœmeterium, *octavo* altaria Basilicæ recenset, quorum cum magnus sit numerus, illa eodem tempore simul extitisse hauri credendum censet, sed diverso; cum post fundatam a Constantino Basilicam, varii Pontifices ac Romanæ Ecclesiæ procures eadem diversis temporibus excitarent, ipsaque vario ætatum intervallo vel diruta, vel resecta, nonnisi mutarent & situm. *Capite nono*, in quo apsidem, fenestras, tetraem, picturasque describit doctissimus Auctor, illas etiam commemorat, quas fieri curavit Formosus Pontifex, quasque salutasse ferunt ejusdem cadaver, cum ad sepulcrum deferretur, narratque fabrum quendam lignarium, Nicola delli Agnelleti da Vetralla vulgo dictum,

cum elaborandæ tecti a Benedicto XII restituitrabi insisteret, illaque commota ipse casui esset proximus, hoc periculo ita fuisse exterritum, ut diuidia ejus barba statim canesceret. *Decimo capite* de fronte & porticu Basilicæ exponit, non omittens inter sculpturas & picturas, quibus exornata fuere sensim a Pontificibus, illam, quæ coloribus representavit inventionem corporum beatorum Apostolorum Petri & Pauli, quam accidisse perhibent A. C. 251 sub Cornelio, cui dubitanti, quænam essent Petri, quænam Pauli ossa, vox cælo emissa dubitationē ademerit dicens, majora ossa sunt prædicatoris, minora piscatoris. Eodem in capite monet, binas fenestras, per quas lumen naves majores irradiabat, non expressas esse in tabula Equitis Fontanæ, crucemq; ex albo marmore, quæ in apice frontis collocata a Sylvestro, formam Græcæ habuisse crucis, neq; fuisse radiatam aut eo modo exsculptam, ut a Fontana representatur. *Sequentibus duobus capitibus* agit de novæ Basilicæ extructione, a Nicolao V ope Bernardi (non Antonii aut Hieronymi) Rosselini & Leonis Baptistæ Alberti inchoata, & a Julio II continuata, qui usus architecto primum Juliano (non Julio) a Sancto Gallo, eoque non ex Rhætia sed Etruria potius oriundo, deinde vero Bramante, cujus jussu veteris Basilicæ dimidium disiectum statim fuit, quam ruinam ægerime tulit Michael Angelus Bonarota, qui Bramantis audaciam inculpavit, quod pretiosas columnas a Constantino magno erectas temere prosterneret, cum eas novis ædibus servare potuisset incolumes. *Capite decimo tertio & quarto* refert Cl. Autor, ut Leo X, demortuo Bramante, Romam revocaverit Julianum a S. Gallo, eique adjunxerit fratrem Jucundum Veronensem Dominicanum & Raphaëlem Sanctium Urbinatem, qui nova & profundiora fundamenta ad parastates Bramantis suffulciendos jecerint, utque prioribus quidem Roma discedentibus, ultimo autem in ætatis flore mortuo, cura hujus fabricæ demandata fuerit Balthasari Peruzio Senensi, novam ideam Pontifici offerenti, Juliano vero suffectus fuerit patruus, Antonius a S. Gallo, qui Paulo III (parum enim sub Adriano VI & Clemente VII promotum fuerat opus) novam rursus ideam, eamque longe ampliorem Peruziana, obtulerit, cujus exemplar ex ligno a Labacco compactum & publicæ censuræ expositum, longitudinemque habens palm. 35, latitud. palm. 26, altitud. vero 20 $\frac{1}{2}$ palm. constiterit 4084 scutar. artificii munere 1500 scutatorum addiçto: deniq; ut demortuo Laurentio Floren-

Floren-

Florentino, vulgo Lorenzetto, qui fundamenta primum jasta novis saxorum molibus obfirmavit, & arcuatis circumquaq; operibus admovit fulcimenta, & anno sequenti Antonio a S. Gallo morte abrepto, in Michaelē Angelum Bonarotam, quamvis invitum, illorum partes translatae fuerint, qui reprobarit ideam Antonii tanquam Gothici quid olentem, nimis spatiosam, tenebricosam & vix 50 annorum intervallo absolvendam; quindecim autem diebus aliam composuerit. 25 nummis tantum expensis, qua novam Basilicam repraesentavit minorē quidem mole, sed augustiorem formā, & pulcherrimo ornatu splendidiorem, quā mirifice placuerit Pontifici. Quousque ergo opus produxerit Bonarota, qui seipsum in epistola quadam Italica ad amicum Michel Agniolo appellat, in hoc quoque capite exponitur, sed quā gesta sub Julio III, in *sequenti*, ubi Cl. Auctor fusius explicat, quantis cum difficultatibus conficiendum fuerit illustri huic Architecto, quanta ille sedulitate & dexteritate, quamq; excelsō cum primis animo fuerit praeditus, ut nec illū voces sinistrae vulgi, nec artificum aemulatio, nec calumniarū obtreptantium, nec Principum contumeliarū adeo perculerint, ut de firma statione mentis consiliiq; sui depelleretur. Quamvis enim honeste discedere Roma potuisset, evocatus Florentiam a Magno Duce Etruriarū, omnia tamen perpeti maluit, quam aedificium, cui tot annos gratis operam suam impenderat, tali relinquere in statu, quo liceret adhuc architectis discedere a praescripta norma, ejusque recte facta aut consulta suo errore corrumpere. Cum autem inter Bonarotae inventa praeter ceteris emineat tholus Basilicae impositus, cujus exemplar primum ex argilla, deinde ligno, a Gallo quodam fieri curaverat Michael, qui id unius anni spatio perfecit; totum *caput decimum sextum* tribuitur hujus tholi delineationi, cujus constructio ad Sixtum usque dilata fuit. Quamvis enim Pius IV Bonarotam novis aemulorum molestiis afflictum in patroeinium suum recepisset, ipse tamen, ut *capite decimo septimo* traditur, Bonarota post aliquot annos die 17 Februarii A. C. 1564 e vivis excessit, Florentiamque translatus tumulo, quem collegium pictorum, statuariorum & architectorum suis manibus exstruxerat, cohonestatus fuit. Pyrrho ergo Ligorio, quem jam Paulus IV fabricae praefecerat, Pius IV socium addidit Jacobum Barozium, cui deinde soli Bonarotae opus absolvendum commissum est, cum Pontifex Ligorium a Bonarotae vestigiis discedere animadvertisset. Barozio defuncto, ejus discipulo Jacobo a Porta,

Romano

Romano, eadem provincia demandata fuit a Gregorio XIII, qui hujus directione & Thomæ de Cevaleriis consiliis multa magnifica molitus est. Idem quoque Architectus, ut porro narratur *capite decimo octavo*, auspiciis Sixti V, cum Equite Dominico Fontana, vestigia legens Bonarotæ, tholum illum magnum viginti duorum mensium spatio, adhibitis sexcentis operariis dies noctesque collaborantibus, & centum aureorum millibus quovis anno consumtis, exceptis laminis plumbeis, quibus tholus contegitur, & bracteis aureis, quibus costæ mirifice exornantur, nec non laterna, pila & cruce: quæ omnia deinde septem mensibus confecta sunt ab eodem architecto, præcipue auspiciis Clementis VIII, quoniam, ut ex *capite decimo nono* constat, Urbang VII, Gregorius XIV, & Innocentius IX, qui biennii spatio Pontificiam occupant sedem, temporum angustia prohibiti Sixti opus absolvere non potuerunt. Hujus ergo jussu erismata quoque æneis bracteis inauratis texit Horatius Censor, Romanus, artis fusoriæ peritissimus, quibus postmodum ad alios templi usus adhibitis similia plumbea suffecta fuerunt; pilam autem æneam & crucem deauratam, cujus altitudo 25 palmis comprehenditur, ex ære conflavit Sebastianus Torrisanus, patria Bononiensis. Qui Gregorio successit Leo XI nihil memoria dignum in Vaticanæ Basilicæ fabrica peregit, sed Paulus V, cujus acta prolixius referuntur *capite vigesimo*, omnes ipsum præcedentes Papas tantum non post se reliquit, dum diruta reliqua parte Basilicæ Constantinianæ, ope Caroli Maderni, ut verba inscriptionis ab Urbano VII compositæ habent, Vaticanum templum a Julio II inchoatum & usque ad Gregorii & Clementis sacella assiduo centum annorum opificio productum, tantæ molis accessione universum Constantinianæ Basilicæ ambitum includens, confecit, Confessionem Petri exornavit, frontemque orientalem seu porticum extruxit. *Capite vigesimo primo* doctissimus Bonannus, sacella, altaria, tumulosque Vaticanæ Basilicæ describit, artificumque, qui illa sculpturis aut picturis condecorantur, nomina commemorat, meritis celebrans laudibus statum beatissimæ Virginis filium exanimem in gremio gerentis, quam Michael Angelus Bonarota, nondum annum agens vigesimum quintum, exsculpsit. Cum autem artificem reprehenderent nonnulli, quod seniore matrem filium, & juniorem filio matrem, effinxerit, causam ab illo inquirenti Ascanio Condivio suo familiari respondit Michael, non temere, sed

sed jure a se id factum, quandoquidem Deiparæ virginum dotes conveniant, quæ puerperii, floridam juventutem venustatem ut plurimum deturpantis, damnis non affliguntur; redemptoris vero corpus pœnis consumptum a se efformatum, eam referens ætatem, in qua mortem obivit. Id quoque commemoratum non indignum censemus, cum picturæ bene multæ præstantillimorum artificum, non tam temporis edacitate, quam humiditate & nitrosa carie parietum corrosæ & pæne oblitteratæ essent, paucos ante annos Josephum Montanum e patre Pisarenfi Laureti natum, & non minus pictoria quam poetica arte instructum, modum invenisse non solum pretiosas illas tabulas in pristinum statum restituendi, sed in posterum etiam ab injuriis servandi incolumes, eumque ob hanc peritiam non tantum munere quingentorum & quinquaginta nummorum dignum judicatum ab Eminentissimis Patrib9, sed & decreto generali factò A. 1694 d. 16 Junii & a Pontifice Innocentio XII probato, singulis eidem mensibus, quoad vixerit, duodecim scutatos nummos exsolvendos fuisse sancitum. Ultimum sacellum, ubi sacri baptismatis fons asservatur, *capite vigesimo secundo* delineatur. Hujus autem tabrum Illustrissimus Præsul Vespinianus, auspiciis Innocentii XII, ex porphyretico lapide, quo testæ olim fuit arca marmorea Ottonis II Imperatoris ossa continens, secundum delineationem Equitis Caroli Fontanæ, fieri curavit conchæ figura, in qua perficienda sudant adhuc artifices, & sacellum quoque pretioso & variegato lapide exornant. *Vigesimo secundo capite* de antiquitate lignæ cathedræ B. Petri studiose agit Auctor, & quod genuina eademque sit, quæ a Pudente, qui Apostolum Romam venientem domi excepit, Petro oblata fuerit, contra secus sentientes defendit, nihil ejus sanctitati officere censens, quod Herculis monstra domantis imagines præ se ferat; cum divinam virtutem in Petro nobis repræsentent, qui Herculis initar falorum Deorum monstra miraculis & doctrina felicissime confecerit. Hanc Eques Berninus sub majori apside inter sepulcra Pauli III & Urbani VIII collocavit, jussu Pontificis Alexandri VII, cujus numisma A. 1663 cufum opus illud magnificum repræsentat, cum hoc lemmate: *Prima sedes, Fidei regula, Ecclesie fundamentum*. Includitur autem lignea cathedra æneæ, cui aurum superinductum, quæque manibus quatuor Ecclesiæ doctorum sustinetur, quorum duo Latini sunt, S. Ambrosius Mediolanensis E-

piscopus, & S. Augustinus Hipponensis Antistes; totidemque Græci, S. Athanasius Alexandrinus, & Johannes Chrysostomus Constantino-
 politanus Patriarcha, quorum statuarum palmos 17 altæ, ex ære quoque
 fusæ & deauratæ sunt. Hujus operis magnificentia vel hinc colligi
 potest, quod Equiti Bernino in præmium delineationis erogati fuere
 nummi scutati 8000, Joanni Artusio de Piscina, pro fundendi labore,
 scutati 28000, ærisque pondus æquavit 219061 libras, reliquos sumtus ut
 taceamus. Sed huic tamen monumento palmam præripit Confes-
 sio Petri ab Urbano VIII exornata, de qua fuse exponit Auctor
 in *capite vigesimo quarto*, traditque confessionis vocem non in-
 frequenter scriptoribus ecclesiasticis pro sepulcro vel corpore Mar-
 tyrum usurpari, propterea quod, censente Bulengero, in altaris, quod
 martyri dedicatum, palliis aut tabulis argenteis, marmoreisque Con-
 fessio illius expressa plerumque fuit. Porro autem antiquam ejus ob
 oculos ponit structuram, nec non immensam auri argentique copiam,
 quam summi Pontifices in exornando Petri dormitorio effuderunt, al-
 tare simul describens, quod subterraneæ huic ædiculæ imminabat, re-
 fertque ut sepulchrum illud muris obstructum fuerit anno 1200 ab In-
 nocentio, ne Pseudopapis ad illud accessus pateret, denuo vero aper-
 tum a Paulo V, pretiosisque lapidibus, nec non auro & argento conde-
 coratum, qui etiam sacras cryptas Vaticanas, quas Clemens VIII fi-
 gura crucis extruxerat A. 1594, sacris veteris Basilicæ monumentis di-
 tarit, denique ut coronidem adjecerit exornationi altaris D. Petri Ur-
 banus VIII, opera Equitis Bernini adjutus. Multi equidem fuerunt,
 qui Pontificis istius mentem ab hoc molimine avertere voluerunt,
 variis usi argumentis; periclitari *primo*, ajentes, erga principem
 Apostolorum venerationem, si forte, cum terra egereretur, sacri ejus
 cineres eo loco abesse deprehenderentur, ubi fidelium cœtus illos la-
 tere pie opinabatur, & perduelles Romanæ Ecclesiæ hostes negabant,
 multumque dedecoris in Pontificiam auctoritatem redundaturum, si
 (ut olim Sixto V accidit, cum D. Hieronymi corpus in extructo a se fa-
 cello reperire non potuit) sepulchrum quoque Petri non detegeretur:
secundo, tanti thesauri jacturam imminere, propterea quod, cum eo-
 dem de loco quamplurima sepulera nulla inscriptione notata alio
 transferenda sint, facile accidere possit, ut Apostolorum principis
 monumentum, nulla fortassis nota insignitum, cum iisdem amove-
 atur: *tertio* denique, sepulcralem urnam, longa annorum serie fa-
 cile

cile consumtam, posse operariorum incuria in effodiendo dilacerari, atq; pretiosos cineres cum terræ glebis ita confundi, ut nunquam separari, neque recognosci amplius possent. Neque tamen a suo proposito dimoveri se passus est Urbanus, sed ex ære Corinthio auro obducto Mausoleum ædificavit, cujus splendorem omnis merito mirabitur posteritas. Tota moles, præter aurum quo fulget, æquare dicitur 186392 libras, in eaque perficienda Berninus novem integros annos infumisit, quorum spatio trecentos nummos singulis mensibus illi exsolvere iussit Pontifex, ea vero absoluta, decies mille nummos Bernino largitus est, unumq; ex ejus fratribus in Basilica Lateranensi Canonicum constituit, alterum Clericis Vaticanæ beneficiatis addidit. Neque vero hic subsistit Urbani magnificentia, sed ut *sequenti* traditur *capite*, quatuor ingentia loculamenta, quæ in pilis maximo hemisphærio superpositis vacua erant, A. 1630 variis marmoribus incrustavit, ac in iisdem ingentes statuas marmoreas, 22 palmorum altitudine, collocavit. Harum prima est effigies Veronicæ efformata a Francisco Mocho, cui præstantissimo alias artifice id vitio datum fuit, quod currentis formam expressit, non vero stantis, ut statuam decet, quæ a stando vel statuendo nomen habet; altera est Longini Centurionis ab Equite Bernino expressa, tertia Helenæ ab Andrea Bolgio elaborata; & quarta S. Andreae Apostoli, formata a Francisco Quesnoy, vulgo Fiammingo dicto, qui quinque annis in statua exsculpenda consumptis, cum intellexisset, eam non eo in loculamento, quod illi destinaverat, collocatam, sed Helenæ quasi cedere iussam, mæore consumptus vivere desit. Post Urbanum Innocentius X novo cælaturæ opere ornatis sacellis, interjectis in utraque templi ala marmoreis columnis, stratoque e vario lapide pavimento, Basilicam magnifice terminavit, ita ut eidem pavimento restituendam curarit rotam illam porphyreticam, supra quam Romanorum Imperator coronandus olim sistebatur, antequam ad sacrum Apostolicæ confessionis locum duceretur. Hæc ex illis, quæ de ipsa Basilica retulit Bonannus, excerpere visum nobis fuit. In reliquis enim capitibus de illis agit, quæ extra Basilicam digna commemoratu occurrunt, nempe de porticu a Paulo V excitata plasticoque opere exornata *capite vigesimo sexto*, in quo etiam ex Donati recenset Roma, quomodo restitutum illud nobis fuerit, quod longa temporum series & hominum oblivio ex officinis removerat. Factum id Julii II

tempore a Johanne Utinensi, juvene prompto & sagaci, qui Romæ in comitatu & contubernio Raphaelis erat artis pictoriæ studiosus. Cum enim in cryptas, quas in Titi Cæsaris palatio ac thermis Esquiliarum ea tempestate effoderant, cum magistro frequenter descenderet, miratus parietinas plasticis torcumatis loricatas, quæ quamvis tot ante seculis sepulta, adhuc tamen vegeta & integra vetustatem sub terra, quasi ex tuto, non senserant, factis aliquot experimentis deprehendit, nihil aliud fuisse intritam veterum platarum, quam marmoris contusi candidum & cribro excretum pulverem, macerata cum calce subactum ac mollium. *Capite vigesimo septimo* versatur in describendis quinque Templi januis, quæ modo æneæ, modo argenteæ, modo ligneæ olim fuerunt; *vigesimo octavo* autem in delineanda porticu & Mœnianis, in quibus soliti Pontifices triplicem capere coronam, & plaudentem populum salutare prece signoque lustrare, & *vigesimo nono* in designandis turribus campanariis, quarum fundamenta jacere iussit Paulus V, sed non absolvit, hac potissimum de causa, quod labile, fundamentum judicatum fuerit, ineptumque ad novum pondus turrium ferendum, quas Madernus delineaverat. Nihilominus tamen Urbanus VIII Berninum in australi angulo turrim exstruere iussit, sed cum a turris mole fornicum porticusque rimulæ magis indies relaxarentur, mortuo Urbano Innocentius X destrui fecit illam molem, conqueustus postmodum, quod imperiti cujusdam administri suasionem importuna, ad demolitionem turris præcipiti decreto properasset, quæ incolumis servari potuisset, si Martini Longi consilio locus fuisset relictus. Porro *capitis trigesimali* argumentum sunt scalæ ante Basilicam positæ, quarum successu temporis varius fuit numerus graduum, donec tandem Alexander VII illos ad 21 gradus in triplicem seriem distributos reduxit. Rectas scalas interjacet semicircularis, per quam Pontificis & Regum sedilia facile convehuntur, ascenditque singulis annis, solenni D. Petri festo, tributarius Regni Neapolitani mannus. Eam Numidico lapide stravit Berninus, gradibus ita sagaciter incurvatis, ut cum rectis gradibus, licet altioribus, apte conjungantur, planamque intermediam aream apte superent. *Capite trigesimo primo* de porticibus ab Alexandro VII ovali figura magnifice extructis, *trigesimo secundo* de fontibus exponit Auctor, in amplo porticus theatro collocatis. Quorum unum, quem in Vaticana platea Paulus V constituerat,

tuerat, postquam aquam olim dictam Trajanam in agro Braccianensi e saluberrimis fontibus collectam, veteribus aquæ Alfeatinæ ductibus restituta, novisque additis, (unde & Paulam nomine suo adpellavit) in Urbem derivaverat, Alexander VII suo loco amotum collocavit in area porticus, eique similem Eques Carolus Fontana in opposita parte meridiem respiciente posuit. Sed pergamus cum Auctore ad obeliscum a Sixto V in foro Vaticano erectum, ad quod arduum opus, ut ex *capite trigesimo tertio* patet, Pontifex e quingentis architectis, qui Romæ convenerant, elegit Dominicum Fontanam, ex pago Miliagri Novocomensem, eique primum addidit Jacobum a Porta & Bartholomeum Ammanatum, deinde vero soli Fontanæ, metuente ne, si forte optime a se cogitata alii minus recte exsequerentur, sibi ut inventori culpa tribueretur, totum opus commisit; quem deinde, re feliciter confecta, non solum operarii humeris exceptum, nova triumpho pompa, inter faustas acclamationes, nec non tympanorum sonitus & tubarum clangores, domum detulerunt, ut tanti artificis peritia celebraretur, sed etiam lætus summus Pontifex regiis muneribus ditavit. Collo enim ejus torquem aureum iussit imponi a Cardinali Azzolino, cui addidit quinquies mille aureos nummos, pensionemque annuam duorum millium nummorum aureorum, nec non fructus decem millium aureorum, quos decem milites Lauretani singulis annis percepturi erant; trabes insuper omnes, funes, ferrum, ac instrumenta omnia, quibus in glorioso opere usus ille fuerat, quorum valor viginti millia nummorum æquabat. Tandem postquam Cl. Auctor partem Basilicæ exteriorem minoresq; tholos *trigesimo quarto* capite descripsit, de palatio quoque Vaticano agit in tribus capitibus ultimis. Nam *capite trigesimo quinto* de porta commentatur palatii Vaticani extructa a Paulo V, quam evertere coactus fuit Berninus, cum eidem ab Alexandro VII amplissimæ porticus ac novæ scalæ construendæ cura fuisset commissa. Hic enim Pontifex animadvertens scalam, per quam ad aulam Regiam adscendebatur, pessime constitutam, & tanti palatii dignitati parum esse consonam, adeoque obscuram, ut summi Pontifices, cum e palatio in templum sella gestatoria devehentur, ac Purpuratorum ipsos comitantium cœtus tenebricosum transitum exhorrescerent, præcepit Bernino, ut arduum illud opus moliretur; qui non raro fassus est amicis, quod si unquam ex aliquo opere gloriam lucra-

tus fuerit, ex hac certe scalarum constructione, in qua tot difficillimæ res generosis ausis superandæ fuerint, a posteris se sibi laudem aliquam polliceri. Sunt autem scalæ illæ exornatæ a Bernino exsculpto simulacro Magni Constantini, equo insidentis admirantisque crucem, quæ auro splendida in opposito arcu rutilat. *Capite trigesimo sexto & septimo* habetur tum chronologica palatii Vaticani descriptio, ostendens quæ nam partes a quibusque Pontificibus vel ædificatæ, vel exornatæ fuerint; tum ichnographica ejusdem explicatio, quod ita spatiosum est, ut plura quasi oppida comprehendat. Sunt enim in eodem duodecim amplissimæ aulæ, duo maxima sacella ad sacras Pontificum functiones accommodata, duodecim alia minora, scalæ nobiliores viginti, atria plura quam decem, officinæ quamplurimæ, cubicula pro omnibus palatii ministris, alia denique pro ipso Pontifice millenarium superantia numerum, præter inferiora domicilia famulorum, subterraneasque cellas variis usibus destinatas, quæ cubicula, si in unam summam redigantur, numerum 3000 excedunt.

Ultimo loco monendus est Lector, Bonannum, ubi ad Auctores provocat, pleraque propriis ipsorum verbis, barbarie licet inquinatis, protulisse, ne stylo elegantiori, ut ait, depravarentur; partesque Basilicæ præcipuas tabulis eleganter pictis ærique incisis representasse.

JUS DEI FOEDERALE, DELINEATUM A JOH. WOLFG. JAGERO, S. S. Theol. D. Sereniss. Wirtemb. Ducis Consiliario, General. Superint. & Abbate Maulbronnens.

Tubingæ, apud Joh. Georgium Cottam, 1698, 8. Alphab. 1.

Operis majoris de fœdere gratiæ ejusque sponsore prodromum appellat librum hunc in ipso titulo Maxime Reverendus Auctor, quandoquidem in eo de fœdere solum primo, quod cum stante adhuc homine supremum Numen iniisse novimus, agere instituit, ad fœdus istud novum, quod per Christum sancitum fuit, alio tempore progressurus. Ubique verò ad partes vocat Illustrem Pusendorffium, quem in tractatu de jure Dei feciali utrumque fœdus magno cum acumine exposuisse conficitur, sed ita tamen, ut eum nihilominus a veri linea interdum abiisse su-

superaddat, ideoque incumbere sibi arbitretur, ut ipsum modeste in viam reducat. Quo autem inoffenso pede in hoc campo progrediatur, tricas prius, quæ ex nominibus suboriri possent, remouet, sensumque vocabulorum, & Hebraici בְּרִית & Græcorum συνθήκη atque διαθήκη latius examinat, ac de fœdere proprie sic dicto se heic acturum pollicetur. Et tale omnino cum primo homine, inque eo cum toto genere humano, per temperamentum quoddam maiestatis ac bonitatis suæ Deum pepigisse affirmat, sententiamque suam ex præmio vitæ æternæ, Adamo sub conditione præstitæ legi obedientiæ liberaliter promisso, imprimis roborat. Alieni vero cum nonnulli sint ab hac sententia, hiuc rationes eorum ad examen Auctor revocat, non obstare ratus, quod Deus absolutus creaturarum omnium sit dominus, ac proinde leges ad arbitrium & ex mero placito præscribere valeat: dominio enim hoc absoluto circa hominem, sicuti & circa angelos, cum uti noluisse, sed id per miram quandam *συγκατάθεσιν* temperasse respondet. Porro in fœderibus de mutua utilitate, lucro, defensione, utrique parti prospici, nihil autem horum ad Deum redundare, adversariis concedit quidem, sed inde tantum istud sequi ait; non dari fœdus quoddam æquale inter Deum & creaturam, nec tale, quale sit inter homines; plane sicut recte asseratur, justitiam commutativam non dari inter Deum & hominem, & ex eo tamen colligere haud liceat, quod justitiæ commutativæ virtus in Deo plane non repariatur. Tamen si denique officium ab homine præstandum antecedenter ad fœdus utique debitum jam fuerit, Deum tamen in hoc ostendere voluisse notat, quam liberaliter cum homine ageret, dum cultum & obsequium haud frustra, verum sub opulentæ remunerationis spe exegerit, istaque ratione semetipsum debitorem, non vi quidem justitiæ, sed vi tamen veritatis, effecerit. Atque in hoc fœdere considerandum sistit Adamum tanquam totius humani generis caput, & naturale, primumque ejus parentem, & morale, ac velut quendam syndicum, qui non pro se tantummodo contraxerit, sed & pro universa posteritate, & bona sibi qua statim collata, qua promissa, tanquam bona communia toti naturæ, & sibi & suis habuerit vel amiserit. Voetium igitur, Maccovium, aliosque e rigidioribus Calvinianis, qui labem originale non per naturalem & seminalem, sed per fœderalem cursum propagari statuunt, refellit. An vero & Pu-

fen-

fendorfius iisdem fuerit adſtipulatus, non ſatis liquere ait; fœderis certe ſolius ipſum meminiffe, capitisque naturalis rationem omiſſiſſe obſervat. Placæum dehinc, Amyraldum, & ſequaces, qui Adamum caput morale & fœderale fuiſſe negent, itidem refutat. Quod ad promiſſionem divinam in hoc fœdere attinet, vitæ illam æternæ fuiſſe probat, indeq; non adverſus Socinianos modo & aſſentientem hiſce Epiſcopium, quorum hic non minus atque illi nihil fuiſſe promiſſum doceat, verum Cameronem quoq; & Amyraldum, Paradifi ſolum terreſtris beatitudinem in fœdere hoc promiſſam ſtatuentes diſputat. Vitam vero æternam Deum ſub conditione legis perfectè implendæ hominibus pollicitum fuiſſe, iſtamque conditionem Protoplaſtos acceptiſſe, uberius eviſtum dat. Sigillum atque Sacramentum fœderis arborem vitæ conſtituit, ac viciliſſim in arbore ſcientiæ boni & mali nullam Sacramenti rationem agnoſcit, iſtoque pacto & a Wiſſio & a Puſendorſio, hanc ad iſtam dignitatem evehentibus, plane recedit. Arborem enim ſcientiæ boni & mali argumentum fuiſſe & ſignum voluntatis divinæ abſolutæ, & indicaiſſe, quod Deus imperium habeat illimitatum in creaturam rationalem, etiam quam imagine ſua inſtruxerit: Sacramenta autem eſſe media efficacia & collativa alicujus favoris divini, uti arbor vitæ medium conſervandæ & in infinitum prorogandæ vitæ fuerit, cum contra arbor ſcientiæ boni & mali mortem fuerit minata; ſicuti & per eam conditio hominis primi facta fuerit deterior, cum naturalem libertatem circumſcripſerit; at Sacramenta eſſe pignora gratiæ & ſigilla promiſſiones Divinas obſignantia, quorum uſus utentium felicitati inſerviat. Ne tamen quis exiſtimet, ac ſi eo pacto favere velit Reformatis, qui Sacramenta pro nudis ſignis habeant, idcirco magnum eſſe inter Sacramenta fœderis operum & fœderis gratiæ differentiam oſtendit. Prolixus porro eſt in eo, ut evincat, primum hominē ſufficientibus ad implendam fœderis conditionem inſtructum viribus fuiſſe, eaque ſini ſingulas ejus potentias perluftrat, ac in intellectu primum ſapientiam & concreatam, & ſupernaturalem, & acquiſitam deprædicat; Adamum quoque vi Theologiæ naturalis cognitionem de Deo ut uno & trino habuiſſe aſſumat. Aſt potentiam credendi in Chriſtum eidem abjudicat, ſi rō credere id, quod fiducialiter meritum Chriſti apprehendere, deſignet. Fidem namque in illo ſenſu ſpectatam non contentam fuiſſe ait in lege cordi Adami inſculpta, ſed datam a Deo poſt lapſum, ut eſſet inſtrumentum apprehendens meritum & ſatisfactionem Chriſti, qui ſit ſponſor, mediator & fun-

fundator fœderis Evangelici; nec vitam spiritualementalem in primo homine constituisse in fide seu potentia credendi in Christum, sed in illa habituali sanctitate & iustitia; adhuc fidem seu fiduciam in Christi meritum accendi tantum verbo Evangelii, hoc autem esse specialissimum beneficium gratiæ fœderalis in Christo sanctitæ. His deductis, circa voluntatem primi hominis libertatem atque sanctitatem, & circa appetitum sensitivum reſtitutionem ejusdem considerat. Singulas vero istarum qualitarum non supernaturales fuisse, sed naturales, asserit, purorum vero naturalium statum penitus exterminat, eaque occasione ad Vincentii Contensonii *ſententia* excurrit: an Deus creare potuerit hominem tantum ut animal rationale, riſibile, admirativum, & sic in ſuis conſtitutivis atque conſecutivis, non ut in ſe ſentiens rebellionem inter appetitum ſenſitivum & rationalem, sed ut habens omnia in ſe, in ordine & in pace? Ubi quidem Deum de potentia ſua abſoluta hominem ita creare potuiſſe haud inſiciatur; at ſi de potentia & proceſſu divino ordinario ſermo ſit, poſſibilem illum ſtatum non fuiſſe exiſtimat, quippe cum eundem nunquam exiſtiſſe in conſeſſo apud omnes ſit. Sicut autem hætenus de anima primi hominis diſſeruit, ita nunc ad corpus ejusdem pergit, atque præter hujus impaſſibilitatem, immortalitatem maxime adverſus Socinianos vindicat, ac Puſendorffio quoque non ſatis pro dignitate hujus qualitatibus primo homini conceſſæ judicanti contradicit. Dominium in creaturas non ad conſtitutiva divini imaginis, sed ad ejus conſecutiva refert. Ad legem primo homini datam delatus, duplicem eam facit, inſcriptam alteram, alteramque præſcriptam. Iſtam quoad radicem & fundamentum, amorem nempe Dei & proximi, eandem conſtituit cum Decalogo, ejusque fontem juſtitiam & ſanctitatem Dei eſſentialem nuncupat, ac ideo cum Vitriario, indifferens voluntatis divini arbitrium potius allegante, in pugnam deſcendit; quocum Puſendorffium per omnia facere minime largitur, hujusque ſententiam de moralitate actionum ex impoſitione legiſlatoris dependente, eo ſenſu admitti poſſe docet, ut reſtringatur ad moralitatem relativam, quæ per ordinem ad legem emergat; præter quam tamen alia adhuc ſit moralitas fundamentalis ſeu inſinſeca, quæ a lege præſcindat, ita, ut etiam ſi lex non eſſet, tamen actus aliquis, ſicuti & ejus objectum, inſinſece aut bonus aut malus diceretur, & hanc non aliunde niſi a divina ſanctitate dependere au-

E c

tumat.

tumat. Legem dehinc primo homini præscriptam ex Gen. II, 16. 17. repetit, inque ea palmariam fœderis conditionem latuisse, prout contendat Pufendorfius, haudquaquam concedit. Nam uti positiva hæc lex palmaria non fuerit, sed titulus hic legi de amando Deo & proximo potius conveniat: ita neque istam conditionem fœderis palmariam fuisse regerit; unde & Jacobus mandatum illud de Dei proximique amore legem regiam appellet, quod cognomen ad nullam e positivis trahendum sit. Post insinuatæ rationes, cur ea lex a Deo data? & refutata denuo ex instituto Witsii, arborem scientiæ boni & mali Sacramentum efficientis argumenta, ad arborem vitæ se confert, ac nec ejus vim medicam, nec ipsam typum Evangelii fuisse censet. Legem de Sabbatho jam tum in statu primo locum habuisse, vero putat esse simillimum. Circa quæstionem: an in primo fœdere locum habuerint sacrificia? ita se gerit, ut & Pontificios redarguat, qui ea Juris esse Naturæ statuant, & quosdam e Patribus, qui ad alterum extremum prolapsi, ne a Deo quidem præcepta, sed permissa tantum eadem fuisse sentiant. Ipse autem medium tenere allaborans, per sacrificia novi fœderis dedicationem factam fuisse perhibet; unde pro eorumdem primaria intentione & scopo principali Evangelicam representationem habet. Quemadmodum autem hominem cito nimis factum constat fœdis fragum, ita non potest Auctor maxime Reverendus, quin de tristissima fœderis primi violatione suas meditationes subjungat. Et ejus quidem auctorem designat Diabolum, cujus machinationes ex historia Mosaica distincte proponit, ac gravitatem peccati a Protoplastis commissi urget, Helmontii commenta de carnis luxuria primo peccato mortisque causa simul explodens. Ad perseverantiam homines primos auxilio divino opus omnino habuisse contendit, ab eorum tamen liberrimo motu, flexu & nutu istud pendisse ait, an adjutorio illo uti vellent aut nollent: unde auxilium in statu integro collatum, non fuerit adjutorium voluntatis seu volitionis & actionis, sed tantummodo possibilitatis, quo fieret, ut possent perseverare, si vellent, sive quo sola possibilitas perseverandi juvaretur. De cætero fœdus illud ex parte quidem Dei adhuc stare monet, nullusque dubitat, quin, si hodie daretur homo, qui in Adamo non peccasset, & impleret fœderis conditionem, promissum ille præmium vitæ æternæ esset obtenturus. At culpa tamen hominis antiquatum istud testatur, dum, quia homo

fidem

fidem datam fregerit, Deus ideo non amplius teneatur ad promissa sua, idque eo magis, quoniam se homo prorsus incapacem fecerit ad fœderis conditiones adimplendas; unde jure optimo Deus declarat, nullum amplius hominem per fœdus hoc vitam æternam posse consequi. Cum interim fœdus omne, in casum violationis, sanctionem pœnalem adjectam habeat, inde & mortis comminationem, a Deo fœderi primo superadditam, ex Gen. II, 27. allegat, eamque non præcepto solum positivo de non comedendo, sed naturali itidem adjunctâ, ac sub mortis nomine, præter solutionem animæ a corpore, mortem etiam spirituales, imo æternam, intelligendam; minas quoque istas divinæ & justitiæ, & sanctitati, & majestati quam maxime conformes fuisse inquit. Nec iniquam vocari debere factam posteris istius fœderis fragili imputationem probat, & hanc non mediate tantum per labem inhærentem ab Adamo in singulos homines propagatam fieri, adversus Placatum fusiis demonstrat. Hominem præterea, etiam antiquato fœdere legali operum, nihilofecius ad exacte servandam legem divinam, connatam adstrictum mansisse infert, cumque hanc assertionem nervose admodum statuminarit Pufendorfius, prolixius eandem contra Arminii alia omnia sentientis objectiones defendit. Denique in providentia divina circa primi istius fœderis violationem explicanda, ita inter duos scopulos navigandum præcipit, ut neque otiosum Deum spectatorem faciamus istius certaminis, ex quo totius generis humani fata, quin & universæ naturæ ordo pependere, neque injurii simus in ipsius sanctitatem, causam mali in eum refundentes, qui hujus severissimum ultorem se exhibeat; quem postremum tamen scopulum omnium minime evitent prædeterminantes, prout nec celeberrimi Viri, Spanhemius, Burmannus, Pictetus, diversas licet vias ingressi, ab eo satis sibi caveant.

*THE ABYSSINIAN PHILOSOPHY CONFUTED, OR, TEL-
luris Theoria neither sacred, nor agreeable to reason, &c.
h. c.*

*HABESSINIANA PHILOSOPHIA CONFUTATA, SEU TEL-
luris Theoria nec sacra, nec cum ratione conveniens, &c.
auctore ROBERTO St. CLAIR.*

Londini apud W, Neuton, 1697, 12. plag. 12.

Quem

Quem in Actis Eruditorum A. 1692 M. Nov. pag. 505 sqq. laudavimus, doctissimi Ramazzini libellus de fontibus Mutinensibus, in Anglicum idioma conversus, dissertationeque præliminari contra Burnetium, & notis doctissimi Roberti S. Clair auctior, superiori rursus anno in lucem prodit, titulum ideo præferens Habessinianæ Philosophiæ confutata, quod Ramazzinus cap. IV ex Francisci Patricii libro Italico de antiquorum Rhetorica, exculo Venetiis apud Franciscum Senensem A. 1562, ostendit, Burnetii hypothesin novam non esse, sed jam inter Habesinos quosdam olim fuisse receptam. Ut ergo paucis edisseramus illa, quæ contra Burnetium disputat Robertus, primum loca Scripturæ S. quibus hypothesin suam superstruit Burnetius, ab ejusdem explicationibus vindicat, & ad 2. Pet. 3. v. 5. 6. responderet, ipso Burnetio fatente, sacram Scripturam non esse consignatam literis, ut Philosophiam nos edoceret; deinde nullum Apostolo coævum scriptorem hanc fovisse sententiam, aquas terram circumdedit, ut albumen ovi vitellum, neque Apostolum reprehendere homines propter ignorantiam in philosophiæ naturalis quodam argumento, sed propter atheistica principia (vid. v. 3;) adeoque hunc textum contra Burnetium militare, cum illos objurget Petrus, qui mundi originem ex materia legibus mechanicis mota derivant, exclusa divina potentia, cujus neque Burnetius mentionem faciat. Ad aliud argumentum ex Ps. 24. 2. petatum, quo super aquas fundatam crustam terræ probare satagit Burnetius, regerit, particulam *in* in idiomate Ebræo significare etiam *juxta*, ut ex Ps. 2. v. 3 patet; Proverb. VIII. 27. autem jungenda monet esse loca Job. XXV. v. 10. II. Ps. 104. 9, ex quibus loci controversi explicatio petenda, cum diserte satis testentur, littora esse terminos, quibus cohibetur mare, ne terram inundare possit. Contra autem objicit Burnetio Ps. 104. v. 5, qui evincat, terram a Deo semel fundatam perstitisse, nec, ut vult Burnetius, in abyssum ruisse præcipitem. Negat quoque, si vel ipsa Burnetii hypothesi admittatur tantisper, tantam, post primam præcipitationem, particularum terrarum copiam in aere potuisse manere residuam, ut magnæ crustæ terræ oleo admixta constituendæ sufficeret. Porro urget, terram jam aridam fuisse & densatam, teste Gen. I. v. 9, ante creationem Solis, quæ demum quarta contigerit die, neque proinde consolidatam ab æstu Solis. Atque si vel maxime detur, fieri id potuisse in Zona torrida, negat tamen id accidere potuisse

potuisse circa polos, atque ideo ob pressiois inæqualitatem ne quidem formari ovalem illam figuram potuisse. Præterea objicit, a Burnetio non definiri rationem, quam oleum ad terram admiscendam habuerit, neq; determinari, ad quam olei profunditatem terra commiscenda descenderit, ut calore Solis potuerit hæc mixtura in crustam excoqui, cum in ipsa Zona torrida Solis radii aquam non admodum alte penetrant; ut nautarum constet experimento, qui porum refrigerandum in mare immergant. Si autem dicat, prope superficiem olei coaluisse crustam, monet hinc consequi, magnam adhuc olei copiam perstitisse infra crustam, fractæque terræ testæ, Oceano innatare debere, quod tamen nullibi compareat. Porro absolum esse judicat, dicere terræ crustam ante creationem piscium & volucrum, quæ quinto die facta est, crevisse, cum rationi consentaneum non sit, pisces usque ad diluvium in clausa vixisse abyssu, neque explicari satis possit, quomodo crustam illam percurrere potuerint aves recens creatæ, aut qua ratione benedictio divina locum habuerit, quæ homini dominium tribuit in pisces maris, si densa illa crusta ab homine fuissent sejuncti. Questus porro, Burnetium contradicere Scripturæ in situ Paradisi definiendo, dum illum in Africam transtulit, ad Waltherum Rawleigh provocat, qui in Asia illum fuisse demonstravit. Tandem ad hypothesein fractæ telluris crustæ diluvii tempore falsi coarguendam, quaris ex Burnetio Robertus, quid factum illi terræ parti, cui arca insisteret? quæ procul omni dubio, si & ipsa desideret in abyssum, arcam quoque in mare præcipitasset, ingenti cum exitio animalium eadem comprehensorum. Tandem vero aliam proponit hypothesein circa modum, quo probabiliter diluvium fieri potuerit, supponens magnas in terræ visceribus esse cavitates aquis repletas, quæ cum Oceano communicent, in illisque dari mineralia & metalla varia. Quemadmodum ergo in siphone, cujus crus brevius sphaera vitrea instructum, si eidem aqua repleto injicias limaturam ferri, affundasque parum olei vitrioli, ex collocatione metalli cum sale acido aer generatur, qui occupans sphaeram siphonis deprimit aquam in crure breviori, & in productiori adeo attollit, ut quoque extrudat, cessante vero illo conflictu aqua denuo subsidit: ita censet potuisse diluvii tempore talem fieri congressum salium cum metallis variis in terræ cryptis conclusis, ut genitus subito & se expandens aer, non tantum quibusdam in locis disjiceret terræ mo-





lem incumbentem, fontesque abyssi aperiret, exitum præbentes variis effluviis mineralibus & metallicis, ingentes illos nimbos cum maximo fragore tonitruque concitantibus, turbataque aeris temperie contrahentibus hominum post diluvium viventium ætatem; sed etiam aliis in cavitatibus collectus & rarefactus ita urgeret aquam subjacentem, ut inundaret terram, ipsosque montes contegeret, sopita autem effervescentia illa denuo intra pristinos terminos rediret. Adje-
cit huic Dissertationi Auctor experimenta nonnulla miscellanea, primum agens de lampadum æquabiliter semper lucentium præparatione, jubensque vasculum præparare *aa*, instructum operculo & tubulo ex ejus fundo assurgente *bb*, ejus altitudinis, ad quam oleum infundi solet. Huic aqua primum immittitur ad altitudinem *c* inferius os tubuli operiens, cui deinde oleum superfunditur. Accenso vero ellychnio, tubulo *b* aptatur vasculum aliud, ex quo tantum aquæ guttatim destillat in ipsum, quantum olei absuitur, quo fit, ut olei superficies in eadem semper altitudine detineatur. Porro modum proponit majori in copia sulphuris oleum per campanam adipiscendi, si adhibeatur vas *bb* duobus tubis recurvis *aa* instructum, per quos aer ingredi possit, cui aptandum vitrum *cc* collo *pp* præditum, cui deinde recipientia aliquot vasa *ff* aqua aliquousque repleta, mediante canale recurvo *ee* applicantur. Tandem monet, multo sibi prius quam Hombergio pholphorum (qui tamen vix hoc nomine dignus sit) innotuisse ex sale Ammoniac & calce viva paratum, & a Boyleo salis fusilis nomine fuisse donatum, cum massa hæc facile per deliquium solvatur in liquorem, qui evaporatus diu fluorem retineat, sed remotus ab igne statim concresecat, atque modico igne denuo fundatur. Quamvis autem hic liquor singularis sit, in frigido quippe dissolvens sublimati corrosivi pondus sibi æquale, & ex hac solutione spiritum sanguinem depurantem, moschi que odorem spargentem, parare doceat Quercetanus, testatur tamen Auctor experientia nixus, fallere hac in re Quercetanum, graviterque invehitur in auctorem Londinensis Dispensatorii, quod hunc processum libro suo inseruerit. Notæ Ramazzini libro adjectæ pauca admodum sunt, & ad Hydrostaticam potissimum referendæ. Præcipuæ ex illis sunt sequentes. Male Ramazzinum dubitare, utrum pressura fluidi horizontalis sit æqualis pressioni perpendiculari ejusdem altitudinis, nec ne. Urinatores nullum sentire dolorem a pressione

TAB IV.

Fig. 1.

Fig. 2.

A. 1698. pag. 222. §§.



one aquæ Oceani, quoniam aer succis animalibus admixtus, quæ fibras corporis humani tubulosas replent, efficit elasticitate sua, ut pressione illa fibrarum parietes quidem arctius conjungi, non vero sibi adprimi vehementer possint, ut adeo, perinde ac vesica, quando excreta urina contrahitur, doloris expers est, nec ipsæ fibræ sua contractione molestiam aliquam nobis afferant. Rationem, cur urinator ascendat aquam deorsum pellens, descendat aquam sursum protrudens, hanc esse, quod aqua resistat motui manuum, atque ita corpus in contrariam partem projiciatur. Qui descendunt in campana urinatoria, sentire aliquam compressionem, dum deorsum feruntur, non vero quando in fundo maris quiescunt. Mare Caspium se exonerare in Sinum Persicum. Aetnam furentem aquam cum igne simul quandoque eructare, quia rarefactus in visceribus montis aer aquam, cui imminet, qua data porta expellit.

JAC. B. DEMONSTRATIO SYNTHETICA PROBLEMATIS DE
Infinitis Cycloidibus absque adminiculo infinite parvorum; item
Constructio aliorum huius affinium a se propositorum mense
Majo A. 1697.

Cum sub finem anni 1696 solutione mea Problematis de Curva cellerrimi descensus, quam omnibus nunc constat esse Cycloidem, ipsam paranda occuparer, animum subiit aliud, huic quidem quoad materiam affine, sed quoad applicationem methodi de maximis & minimis plane diversum, quo videlicet porro quaeritur, quænam ex infinitis Cycloidibus illa sit, per quam descendens grave ad datam quandam positionem lineam citissime pertingat. Et quoniam ex consideratione similitudinis Cycloidum solutioni viam parere illico videbam, indeque animadvertēbam, modum operandi in omnibus aliis Curvis similibus eundem existerē, imo non ad descensum tantum celerrimum, sed ad plurimas alias curvarum functiones applicari posse; quemadmodum si quaeratur ex infinitis curvis similibus illa, cujus inter commune principium & datam positionem lineam interceptus vel arcus, vel area, vel nata conversio arcus superficies, aut spatii conversio solidum sit minimum &c. constitui Problema non minus utile quam elegans publice proponere, ut & alii ejus contemplationi vacare, mecumque in
 . par-

partem solutionis venire possent. Ad imitationem itaque Fratris, qui in Programmate suo Problemati de Curva celerrimi descensus alia minus principaliora adjunxerat, primario meo de Figuris Iloperimetris Problemati ipsi vicissim proponendo alterum hoc secundarium subjeci, sed duobus tantum verbis, & in casu duntaxat simplicissimo lineæ rectæ verticalis, nec nisi Cycloidis, Circuli, Parabolæque facta mentione, studioque etiam suppressa voce curvarum *similium*, tum quod persuasum haberem, qui in una quæsitum præstiterit, in omnibus pariter illud præstiturum esse, tum quoque ne fundamentum solutionis nimis aperre darem. Factum autem est, hoc non obstante, ut præter Fratrem Illustrissimus quoque Vir D. Marchio Hospitalius adyta problematis optime penetraret, solutionemque non tantum hujus, sed & aliorum hujus occasione a Fratre m. Aug. 1697 Diarii Gallici propositorum nupero Actorum Januario exhiberet. Ego itaque, ne actum agam, nec tamen etiam nihil inventi mihi asseram, cum totum jure potuissim, illa tantum quæ ab Illustrissimo Viro Fratreque meo intacta relicta sunt, delibare breviter, ac primo quidem Problematis a me in in Cycloide propositi demonstrationem syntheticam citra adjumentum infinite parvorum, in gratiam eorum qui horum calculum vel ignorant vel improbant, exhibere animus est; quod faciam suppositis tantum vulgo notis Lemmatibus: 1. quod arcus circuli major ad sinum suum majorem habeat rationem, quam minor ad suum: 2. quod tangens major sit arcu suo.

Prop: Si super eadem base horizontaliter constituta AR dua consistant Cycloides AFC, ABP, quarum altera AFC datum perpendicularum ZR ad angulos rectos secat in C, ac demittantur super illud duo gravia ex communi principio A, illud quod per AFC descendit, breviori tempore ad perpendicularum appellet. (fig. 1.)

TAB. V.
Fig. 3.

Dem: Sunt axes Cycloidum ZC, RP; semicirculi genitores ZLC, RTP, quorum ille radio GL in duos quadrantes sit divisus. Fiant AR, AZ \perp , ducanturque rectæ HF, FDS, CI. BE. illa perpendicularis, hæc parallelæ basi; necnon ZDI & huic parallela FM, ut ex fig. liquet: erunt AR & AZ, AZ & AH, RP & ZC, RTE & ZLD partes Cycloidum similes, adeoque proportionales. Quare

1. *Hypoth. Si* $AR > AZ$: LD. GS < (lemm. 1) LZ. GZ. & permutando LD. LZ < GS. GZ, componendoque DLZ. LZ < SZ. GZ, sum-

sumtis consequentium duplis DLZ. GLZ < SZ. CZ :: SD. CI < (lem. 2.) SD. CD; inverse & permutatim CLZ. CD > DLZ. SD, & tandem per conversionem CLZ. DLZ > DLZ. DLZ - SD, h. e. ex nat. Cycl. AZ. AM < AM. AH; unde VAZ. VAH (:: VRP. V CZ) < AM (DLZ.) AH :: ETR. AZ :: ETR. CLZ. Ergo ETR: VRP > CLZ: V CZ. Sunt autem hæ quantitates, ut tempora descensuum per AB & per AC, demonstrante Hugenio in Tractatu de pendulis, & nuper id quoque assumente Illustrissimo Hospitalio, Tempus igitur per AB majus est tempore per AC. *Q. E. D.*

2. *Hyp.* Si AR < AZ: ZM - FD = CD > DS = HM; cum igitur hoc casu fiat AH > AZ, erit AM major media Arithmetica, eoque fortius media Geometrica inter AZ & AH; unde statim in ipsis terminis habetur AZ. AM < AM. AH. e quo cætera deducuntur, ut prius.

Cæterum generaliter observabam, in omnibus ejusmodi quæstionibus ubi ex infinitis Curvis similibus aliqua invenienda est, quæ functionem quampiam optime præstet, quod duarum curvarum, quarum intersectione quæsitum determinatur, altera semper possit esse *Linea*, quam voco, *Functionis*, adeoque nunc Mechanica nunc Algebraica, dum altera perpetuo est Algebraica: quod hujus vices ipsa semper Recta præstare possit, quo casu altera, utut plerumque a *linea functionis* diversa, ab ejus tamen descriptione dependet: quod ambæ denique datæ cuidam e curvis similibus sic adaptari queant, ut earum ordinatæ vel inter se sint parallelæ, vel hujus fiant tangentes, aut perpendiculares, aut alio aliquo modo illi applicentur. Exempla sunt:

1. *Ex infinitis Circulis per A transeuntibus & centra habentibus in horizontali AB, illum invenire, per quem descensus fit celerrimus ex puncto A ad datum perpendiculum.* (fig. 4)

Constr. Datus sit semicirculus AQB divisus in duos quadrantes ANC, BNC, in cujus circumferentia sumto indefinite puncto Q agantur rectæ QP, QB, quarum illa parallela est radio NC, hæc ipsum secat in T: & fiat Linea Functionis ASX, nempe talis, ut ejus ordinata PS tempus descensus per AQ repræsentet, hoc modo: Super diametro circuli AB erigatur quadrans curvæ Lemniscatæ ARB (vid. Act. Lipf. 1694, p. 337 †, & 1695 p. 543) cujus nodus A, e quo subtendatur curvæ recta AR media proportionalis inter AB & 2PQ, ac sumatur PS = arcui AR pro sinistro, aut ARB + BR pro dextro circuli quadrante. Quo

Ff

facto

TAB. V.
Fig. 4.

facto fiat Curva Algebraica AVX, cujus applicata PV quarta sit proportionalis ad rectas AR. AB & 2NT; hæc priorem interfecabit in puncto aliquo X, unde demissa in AB perpendiculari XM erit, ut AM ad AB, sic distantia perpendiculari a puncto unde grave demittitur, ad diametrum circuli quæfiti.

2. *Positum, quæ prius, invenire Circulum, cujus inter punctum A & datum perpendiculum interceptus arcus sit minimus.* (fig. 4)

Constr. Fiat Linea Functionis, nempe Linea Sinuum ASX, sumpta ubique PS = arcui AQ, tum describatur Curva Algebraica AVX, facta PV = NT, & ex puncto intersectionis X demittatur perpendicularis XM, eritque ut supra, AM ad AB, sicut distantia perpendiculari a puncto A ad diametrum circuli quæfiti. Nota tamen, Problema simplicius quodammodo construi intersectione solius lineæ rectæ & lineæ functionis, si hujus ordinatæ in tangentes datæ curvæ projiciantur. Vid. gener. constr. infra in solutione sex Problematum fraternorum.

3. *Ex infinitis Curvis similibus, & circa punctum A axemque communem AC similiter constitutis, quarum una data sit AB, invenire aliam AD occurrentem rectæ positione data DE in D, e quo demissa in axem perpendiculari DM, vel comprehensum spatium ADM, vel nata conversione curvæ circa axem superficies, vel natum conversione spatii solidum sit maximum minimumve.* (fig. 5)

TAB. 54
Fig. 5.

Constr. Sumto indefinite in curva data AB puncto B, ducatur tangens BG, axi perpendicularis BC, & hinc tangenti perpendicularis CL; quo facto functio primæ quæstionis, h. e. spatium ABC dividatur per $\frac{1}{2}$ CL; functio secundæ sive superficies sphæroidis geniti conversione curvæ AB per semicircumferentiam radii BC; functio tertiæ seu solidum spatii ABC rotatione effectum per rectangulum sub dicta semicircumferentia & triente CL: quotienti semper abscindatur ex tangente æqualis BG, erit G ad curvam quandam AGH, quam secet recta AG datæ rectæ DE parallela in G. Ex G ducatur GB tangens datam curvam, sitque punctum contactus B; tum juncta AB, quæ datam DE secet in D, fiat curva AD similis ipsi AB. Hæc erit optata.

EJUSDEM SOLUTIO SEX PROBLEMATUM FRATERNORUM
in Ephem. Gall. 26 Aug. 1697 propositorum.

Probl. 1. *In superficie dati Conoidis vel Sphæroidis, ex gr. Parabolici, inter duo data puncta geometricè describere Lineam omnium in illa superficie sic duellarum brevissimam.* (fig. 6.)

Sol.

Sol. Notanda primum ambiguitas in voce *geometricæ*, quæ procul dubio in causa fuit, cur Illustriss. D. Marchio Hospitalius in solutionibus suis m. Jan, Actorum exhibitis hoc Problema prorsus neglexerit. Si hac voce talis constructio poscatur, qua indefinite omnia puncta curvæ inveniantur per meras quantitates ordinarias seu algebraicas, dico, Problema in ipso Cono Cylindroque non minus difficile imo impossibile, atque in cæteris Conoidibus Sphæroidibusque. Sin vero & illa constructio *geometricæ* esse concedatur, in qua quantitates quoque transcendentes seu quadraturæ, quæ ipso Cel. D. Leibnitio adstipulante non minori jure *geometricarum* quantitatum nomine veniunt, adhibentur, Problema in omnibus pariter Conoidibus ac Sphæroidibus, æque ac in Cono Cylindrove, est facillimum: Est enim Curvæ quæcunque ABC, cujus tantum tangens dari concedatur, sitque basis ejus $CD = a$, applicata quædam arbitraria basi parallela $BG = c$, alia indeterminata $MN = x$, tangens ME data per $x = t$; rotetur autem, curva ABC circa axem AD, & gignat conoides ABCFDA, cujus polus A, meridianus ABC, æquator CF, eiq; parallelus per M transiens MH. Tum sumto æquatoris arcu $CF = \text{fact} dx: xx \sqrt{xx} - cc$, transeat per F meridianus AHE, secabit hic parallelum MH in puncto aliquo H curvæ cujusdam BH, quæ talis, ut quælibet ejus portio omnium aliarum in eadem superficie ductarum, & iisdem punctis interceptarum curvarum sit brevissima; ipsa autem longitudo curvæ $BH = \text{std} x: \sqrt{xx} - cc$.

Applicatio constructionis ad Conum. (fig. 7 & 8) Sit Conus ACFD factus conversione \triangle li rectanguli ACD circa cathetum AD; ponatur hoc \triangle lum seorsim super recta infinita GD, centroque C radio CA describatur quadrans circuli KIG, & radio minori CD circulus PRQ; tum sumto in latere conî AC puncto utcunq; B, transferatur AB in CS, & ducatur SL parallela ipsi CK secans rectam KL ipsi CD parallelam in L, ac denique per punctum L intra asymptotos CD, CK trajiciatur hyperbola LO; quo facto per punctum quodvis O in hyperbola acceptum duæ ducantur rectæ asymptotis parallelae OI, OT, quarum illa quadrantem KIG secet in I, hæc latus conî AC in T; arcuque quadrantis KI ex circumferentiâ minoris circuli PRQ, i. e. basis conî CF, refecetur hinc inde æqualis arcus PR seu CF, qui nonnunquam totam circumferentiâ excedit; ac tandem in latere conî

TAB. V.
Fig. 7-8.

Ef 2

per

per F transeunte sumatur $AH = CT$; eritque H punctum optatæ curvæ BH; ipsa vero $BH = \sqrt{CT^2 - CS^2}$, adeoque nequit esse (quod quis suspicari posset) aliqua sectionum conicarum, cum harum nulla rectificationem admittat: tota vero curva conum serpentis in modum ambit, duoque coni latera a supremo curvæ puncto B utrinque æquidistantia sibi asymptota habet, subinde & unum tantum, cum curva coni superficiem aliquoties exacte circumit; circumit autem semel, ubi latus Coni AC radii basis DC duplum est, bis ubi quadruplum, ter ubi sextuplum &c. Effici præterea potest facile, ut curva per duo quævis data puncta transeat, prout supremum ejus punctum B in alio aliove latere coni, propiusque vel remotius ab ejus vertice assumitur.

Schol. Quia constructio hæc requirit, ut ex circulis utcumque inæqualibus KG, PQ, æquales abscindantur arcus KI, PR, quod supponit anguli sectionem in data ratione; hæc vero generaliter non nisi per quantitates transcendentes absolvitur; constat, quod dixi, curvam geometricam, i. e. algebraicam non esse descriptibilem. In superficie Cylindrica puncta curvæ reperiri possunt continua arcus bisectione, sed inventio omnium indefinite punctorum pariter sectionem arcus in data ratione vel ejus rectificationem supponit.

Atque hæc de primo Problemate dicta sufficiant: Cætera supra laudatus Vir Illustriss. D. Marchio Hospitalius nupero Januario plene & eleganter soluta dedit. Sed quia observo, paulo generaliora a Fratre proponi potuisse, ea sequentem in modum formo ac solvo:

Probl. 2 & 3. Axi ET insistant infinita curvæ BL, BF genere eadem, h. e. quarum ordinatæ ML, MF constanter sint proportionales; sitque alia curvæ CL ex prioribus spatia auferens BLM, BCD, tum inter se, tum dato spatio equalia. *Quæritur, quæ sit natura Curvæ CL, quæ ratio ducendi ejus tangentes, & quodnam in illa punctum alteri ubi vis dato puncto proximum?* (fig 9)

TAB. V.
Fig. 9.

Sol. Esto data ex infinitis una BL, datumque in curva CL ubi vis punctum C, e quo demissa in axem applicata CD, quæ fecet datam curvam in G, ducatur tangens GE; super DE constituatur \square EH = spatio dato BGD, fiatque CH. HD :: DE. DT; juncta C T curvam CL tanget in C. Nota ratione ducendi tangentes, natura curvæ latere nequit; estque semper, quod hic specialiter annoto, reducibilis ad casum Problematis Beauniani generalius concepti in, Dec. 1695, adeoque, con-

construibilis per Logarithmicam, vid. m. Jul. 1696. Punctum curvæ CL proximum ipsi B quodnam sit, generaliter ostendit Vir perillustis, potestq; nullo negotio ad aliud quodvis datum punctum accommodari.

Probl. 4 & 5. In eadem fig. sunt BC, BL infinita curva similes seu specie eadem, e quibus curva CL auferat arcus æquales BC, BL; quaritur natura curvæ CL, ejus tangens in puncto C, & punctum curvæ dato cuipiam puncto proximum. (fig. 9)

Sol. Exemplum proponit Frater in parabolis. Huic sæpe laudatus D. Marchio ita satisfacit, ut ducta per C parabola BC, ejusque tangente CE, faciat CE-BC. BC :: BD. BT. Addo, si in hac proportionē duntaxat BD vertatur in BE, constructio generaliter ad omnes curvas similes se extendet; unde & componendo semper erit CE. BC :: ET. BT. Quemadmodum etiam si curva CL talis esse ponatur, ut ex curvis similibus areas abscindat æquales BCD, BLM, reperitur $\triangle CDE$. BCD :: ET. BT, quæ Theoremata observari merentur. De natura curvæ CL, punctoque in illa alteri cuidam proximo eadem tenenda, quæ in §. præced.

Probl. 6. Sint infinita Curva similes BH, DL, circa idem punctum A similiter constituta, quas trajiciant dua rectæ positione data AH, ED, quarum altera AH transeat per A: quaritur arcuum ambabus rectis interceptorum maximus minimusve. (fig. 10)

TAB. V.
Fig. 10.

Sol. Data sit una curvarum similium BH secans rectam positione datam AH in H, alterique positione datæ ED ducatur per A parallela AG. Evolvatur curva HB, principio evolutionis factò in H, & gignat curvam HG, quæ rectam AG secet in G; filum autem evolvens, dum describit G punctum, sit GB tangens curvam in B. Jungatur AB secans rectam ED in D, ac per D transeat portio curvæ DL similis portioni BH, erit arcus DL omnium rectis AH, ED interceptorum maximus minimusve.

Coroll. Patet hinc insignis Evolutionum usus, nondum quod scio consideratus, nempe: Si sit Curva quævis HB, ejus evolutione, descripta HG, filum evolvens BG atque ex punctis H & G inflectantur rectæ HA, GA, concurrentes in quolibet puncto A, & posteriori per B agatur parallela recta infinita BF, erit evoluta BH omnium circa idem punctum A similiter descriptarum ac rectis AH, BF interceptarum curvarum

varum maxima minimave. Quin & amplius, si accipiat in curva HG quodvis aliud punctum C, quod filum evolvens IC dum describit tangit curvam BH in I; atque ex I recta agatur IM ductæ CA parallela, erit arcus BI omnium rectis IM, BF interceptorum maximus minimusve.

EJUSDEM SOLUTIO PROBLEMATIS FRATERNI IN ACTIS
m. Maj. 1697 p. 211 propositi de Curva infinita Logarithmica ad angulos rectos secante.

Problema de Curva inveniendâ, quæ infinitas Lineas ordinatim positione datas tangit, jam m. Octobri 1695 solutum dedimus. Questio hic est de tali, quæ datas omnes ad angulos rectos secet. Dependet autem Problema a methodo tangentium inversa, ut nullam generalem solutionem admittat, estque pro varia datarum positione miræ diversitatis; neque gradus vel species curvarum est character facilitatis vel difficultatis problematis, cum nonnunquam in algebraicis res difficulter, in transcendentibus contra facile succedat.

Exempla promiscue algebraicarum & transcendentium Curvarum, in quibus solutio facilis:

1. Si eidem axi insistant infinitæ Parabolæ aequalium parametrorum sed diversorum versicium, sive (quod eodem recidit) si ex infinitis una super plano suo ita protrudatur, ut singula ejus puncta rectas describant axi parallelas, erit Curva, quæ infinitas illas parabolas, seu unicam ita motam perpetuo ad angulos rectos secat, Logarithmica, cujus subtangens æquatur semiparametro parabolæ. Et vicissim, si Logarithmica dicta ratione super axe promoveatur, Curva quam continuo ad rectos secat angulos, est Parabola. Ita si Parabola Cubica super axe propellatur, quam ad rectos secat, est Hyperbola; si altiores Parabolæ, ab altioribus gradatim Hyperbolis normaliter secantur, & vicissim &c.

2. Si infinitæ aequalium parametrorum Parabolæ axibus parallelis insistant, & vertices habeant in linea his axibus perpendiculari, sive, si Parabolæ ita ferantur, ut singula ejus puncta rectas describant axi perpendiculares, Curva quam infinitæ vel unica sic mota normaliter intersecat, Parabola est cubicalis secundi generis, cujus latus rectum ad parabolæ parametrum est, ut 9 ad 16. Si alia Paraboloides ita ferantur, aliis itidem Paraboloides normaliter secantur, & vice versa. &c.

3. Si

3. Si infinita Paraboloides ejusdem gradus (cujus index sit m) sed diversorum laterum rectorum, circa eundem axem & verticem consistant, Curva quæ has omnes normaliter trajicit, constanter est Ellipsis, cujus centrum in communi vertice, latus transversum in axe, ejusque ratio ad latus rectum, ut 1 ad m :

4. Si infinita æqualium subtangendum Logarithmica super totidem axibus parallelis consistant, transeantque per commune punctum B; queritur Curva eas omnes normaliter interfecans. (fig. 11) Constr. TAB. V. Fig. n.
 Esto una earum data FB cum suo axe AG, inque hunc demissa perpendiculari BA; sumtoque quolibet in Logarithmica puncto F, agantur ad axem perpendicularis FG, tangens FL, & huic parallela BM, ac insuper ad partes Logarithmicæ ab axe remotiores statuatur in axe recta AN arbitrariæ longitudinis, major tamen subtangente GL: quo facto sumatur inter duplam subtangente & excessum, quo NG superat AM, media proportionalis, eique in recta BA æqualis abscindatur BI sursum deorsumve, prout punctum F supra infrave B assumtum fuerit; ac denique ex I ducatur IH parallela axi secansque applicatam GF in H; erit H punctum in optatâ Curva CHD, cui similes & æquales in cæteris rectorum BA, BC sese decussantium angulis constitui possunt. Nota, Maxima Curvæ altitudo $BD = \sqrt{GL \text{ in } AN - GL}$. Si $GM \perp AN$, cadit IH in BC, fitque maxima curvæ latitudo:

5. Queritur denique Linea (quod est exemplum speciale Fratris) quæ omnes Logarithmicas super eodem axe & per idem punctum duclas ad angulos rectos fecat: (fig. 12.) Constructio talis: Esto axis communis Am, punctum intersectionis Logarithmicarum B, earum una data BBf; demissa in axem perpendiculari BA, per punctum F utcumque acceptum in Logarithmica agantur rectæ FT, FN, secantes rectam BA in T & N, quarumque illa axi parallela sit, hæc tangat Logarithmicam (prætereaque supra T, si quidem punctum N inferius sit ipso T; abscindatur TN = inferiori TN) quo facto diametro AN, nempe AT + TN, describatur semicirculus APN, cui occurrat recta FT in P; sumtaque arbitraria quadam constante L, abscindatur in BA ex puncto T recta TR = $\sqrt{\frac{1}{2} TA^2 \div L^2}$, & jungatur RP, (vel si punctum T superius sit ipso B, descripto super TR semicirculo applicetur illi prius TP, ac tum demum jungatur RP; junctæ in recta FT æquales hinc inde abscin-

TAB. V.
Fig. 11.

scindantur TS, TS; eruntque puncta S, S ad Curvam quandam m C M C m, quæ omnes Logarithmicas circa punctum B constitutas ad angulos rectos secabit, ut requirebatur. Nota, sumta $TR = \sqrt{\frac{1}{2} TA^2 + L^2}$, occurret Curva axi in puncto m, ut sit $Am = L$; sed sumta $TR = \sqrt{\frac{1}{2} TA^2 - L^2}$, transibit inter puncta A & B, nec ad axem pertinget. Maxima Curvæ latitudo $BC = \sqrt{\frac{1}{2} BA^2 - QL^2}$.

Atque horum omnium solutio facilis admodum fuit: dari autem possunt aliæ curvarum positiones, quæ Problema magis arduum reddunt, & vel in simplici Parabola ad casus methodi tangentium inversæ nondum exploratos deducunt; veluti, *si quaratur Curva, quæ omnes Parabolas super eodem axe extructas, lateraque suæ rectæ respectivæ verticum a puncto fixo distantis aequalia habentes, ad rectos angulos trajicit. &c.* Cui addi potest & hoc: *Queritur Curva, quæ Parabolam aut aliam datam Curvam super plano suo circa datum punctum in orbem conversam in angulo dato secat; quemadmodum constat, rectam ita conversam circa extremitatem suam in angulo recto secari a Circulo, in obliquo a Logarithmica spirali.*

NOUVELLE BIBLIOTHEQUE DES

Auteurs Ecclesiastiques,

h. c.

NOVÆ BIBLIOTHECÆ AUTORUM ECCLESIASTICORUM
Tomus VIII, Autore L. E. DUPINIO.

Parisiis, apud Andr. Pralardum, A. 1697, in 4.

Constat 2 alph.

DAmus itaque, quam promissimus nuper, partem alteram Tomi VIII Piniani, quæ historiam controversiarum & librorum seculi undecimi complectitur, eo quidem minus temnendam, quo majoris momenti res hoc seculo agitatae sunt: controversia Sacramentaria, quam hæresin Noster vocat: jus Pontificum Romanorum in Reges & Imperatores per excommunicationem e solio quoq; deturbandos: Græcorum a Latinis aperta secessio: bonarum literarum resuscitatio aliqua, quæ tamen præ nimia barbarie antegressa, qua plurimorum ad-
huc

huc animi tenebantur, intra exiguos paucorum virorum eruditorum cancellos includebatur: dum alibi jejuna surgebat dialectica subtilitas, & sterili Theologiæ Scholasticæ ortum præbebat hoc seculo infelicem. Hæc quum ita in præfatione, velut conspectum seculi præbiturus Pinius præhabisset, historiam a Fulberto Carnotensi orditur, præcipuo scilicet liberalium artium, nec non Theologiæ restauratore, e cujus schola quamplurimos produisse viros scientia pietateque inclutos, & per Galliam ac Germaniam prorsus illustre nomen magistri sui reddidisse memorat. E scriptis vero Fulberti, quæ suo more prolixiuscule recenset, epistolas magni præ ceteris æstimat, utpote castigato satis dicendi genere compositas, & plurimum ingenii ac nitoris præ se ferentes. Non tam placent illi reliqua ejus scripta, & inprimis poetica, quæ invitis admodum Musis composita censet. Editionem operum Fulberti, quæ a Corolo de Villiers Parisiis anno 1608 adornata est, haud paulo negligentius, quam decebat, esse tractatam, non difficitur.

p. I.

p. 6.

Inde agit de Berengarii causa, qui unus discipulorum Fulberti fuit, magistro suo moribundo, ut fama est, jam suspectus. Non dubitat Autor noster, ad stipulatum esse ejus de Eucharistia dogmati Eusebium Brunonem, Andegavensem Episcopum, ad quem sese primo contulerat Carnoto egressus Berengarius: atque id, cum e Durandi Troarnensis, & Deodui Leodienfis coævorum scriptorum testimoniis constet, negari non posse putat: etsi successu temporis Brunonem, rectius considerata, ad Ecclesiæ fidem rediisse, factumque Berengarii adversarium, simul annotet. Ipsi autem Berengarii poenitentiam, & seriam erroris, ter licet, editis totidem confessionibus, ejerati rejectionem, aut nullam fictamque, aut sero admodum factam credit: cum Mabillonius adversus postremam quoque confessionem, ab ipsomet Berengario editum aliquod scriptum in Italiæ quadam bibliotheca, inter vetustos codices manu exaratum videri, & Bertholdus Constantienfis Presbyter nunquam mutasse sententiam Berengarium diserte scribat. De cetero, postquam reliquos ejusdem errores, scripta, & adversarios commemorasset, dicendi genus aridum & scholasticum atro carbone norat, recteque illi sophismatum dialecticorum, contra simplicitatem Apostolicæ fidei abusum a Sigeberto Gemblacensi objectum ait: nec magnam ejus in antiquitate ecclesiastica pe-

p. 8.

p. 10.

p. 12.

Gg

ritiam

p. 17. ritiam judicat. Berengarium excipit capite III Lanfrancus, Cantuariensis Archiepiscopus, perpetuus illius hostis & impugnator: inter
 cujus opera libellus etiam de celanda confessione habetur, quem
 Noster ob intricatam obscuritatem, frigidas allegorias, ac debilem argumentorum vim, cum Dacherio mallet alii quam Lanfranco tribuere, si modo hæc ad librum falsi convincendum sufficerent. Querit, quomodo sit intelligendum, cum in illo libro dicit Lanfrancus, confessionem publicorum peccatorum nonnisi ad sacerdotem esse instituentdam, occulta vero cuivis clerico, etiamsi sacris ordinibus non initiato, quin & laico homini confiteri licere? Existimat, occultorum nomine venialia peccata innui, mortalia publicorum; vel potius, per publicorum confessionem intelligi sedulam peccatorum singulorum enumerationem, per confessionem occultorum summariam solum & generalem confessionem absque singulorum enumeratione, qualem laici ad semetipsos instituere possint, & quam Lanfranci ævo maxime obtinuisse notat. Lanfranco reliqui adduntur hoc capite, qui Berengario se opposuerunt, Hugo Lingonensis Episcopus, Durandus Troarnensis Abbas, Guitmundus Archiepiscopus Aversanus, & Algerus Cluniacensis Monachus & Diaconus Leodiensis. Postremus hic ad insequens seculum rectius pertineret, quippe quo scripsit, ut Auctor non diffitetur: sed ob argumenti vicinitatem huc tractus est. Scripsit librum de Sacramento corporis & sanguinis Domini, quem Lanfranci etiam & Guitmundi scriptis antetulit olim Petrus Venerabilis; sed a quo Pinius dissentit, ampliorem quidem librum illum & allegatis veterum Patrum locis ditiozem non negans, ast nervis ac dictione Lanfranco multo inferiore judicans. Recenset etiam reliqua scripta Algeri: quibus addi adhuc posset liber de Gratia & libero Arbitrio, cuius meminit Trithemius in Catalogo suo.

p. 22. Post hæc tribus capitibus historiam Pontificum Romanorum huius seculi tradit: quarto scilicet Paparum, qui ante Gregorium VII regnarunt, quinto ipsius Gregorii, & sexto eorum qui Gregorium insecuti sunt. Agmen inter omnes ducit Gerbertus, seu Sylvester II, de quo jam antecedente seculo dictum est, & qui sub initium huius Papalem quoque thronum tenebat. Sergium IV, qui juxta Dithmarum Os porci antea nominatus legem de mutando nomine Pontificum tulit, falso a nonnullis credi primum etiam suum nomen mutasse moneri;

monet, cum id jam antecedente seculo esset a Johanne XII aliisque Romanis Pontificibus factum. De successoribus Sergii usque ad Leonem IX, excepto tamen Clemente II, dicit, mirum non esse, quod nulum eorum vigilantia pastoralis monumentum superfit: siquidem non ut pasceret Christi gregem, sed ut ambitioni suae ceterisque immoderatis cupiditatibus facerent satis, curam suam omnem intenderint. Mallet etiam Leonem IX, quem alias magni aestimat, a sua in Normannos expeditione abstinuisse, nec praefuisse ducem infelici praelio, quo concisa acie sua omni ipsemet captus est: allegat vero Bennonem, qui Hildebrandi consiliis & bellum & infelicem ejus eventum adscribit. Istius igitur Hildebrandi, qui jam tum in aula Leonis IX multum valuit, & postmodum sub diversis Pontificibus, imprimis sub Alexandro II rebus majoribus, imo summis admotus, tandem Pontifex Gregorius VII post Alexandri mortem evasit, res gestas fufe omnes enarrat, & tentatam per tot artes omnipotentiam in his terris: ut scilicet summus fieret spiritualium ac temporalium rerum totius orbis dominus; negotiorum civilium & ecclesiasticorum judex & arbiter supremus; omnium gratiarum, cujuscunque demum illae generis essent, diribitor; & non minus Episcopatum ceterarumque functionum ecclesiasticarum, quam regnorum atque provinciarum, quin & bonorum opumque quae privati possidebant, qui pro arbitrio decerneret dispensator. Quibus vero in istis omnia vel tentavit, vel obtinuerit, ex ipsiusmet Gregorii epistolis, servato temporum ordine, diligentissime Autor enarrat. Verum ipsa eorum copia prohibemur, quo minus inde aliqua excerpamus, rectius apud Autorem ipsum legenda. Sufficiat judicium ejus de Gregorio, quem, post laudatas ingenii, eruditionis & animi imperterriti nonnullas dotes, praecipiti more esse ad Papalem dignitatem evehctum, zelo pro magnitudine Romanae Sedis praepostero iniqua ausum, quae ultra potestatis limites essent suscepisse, longe maximas in ecclesia & republica turbas excitasse, in personas provinciasque Regum ac Principum jus sibi non debitum usurpasse, atque adeo ultra terminos ecclesiasticam Romanae Sedis potestatem evehxisse, non diffidendum putat. Post Gregorium Victor III & Urbanus II Sedem Pontificiam tenuerunt, nihilo remissius tentata a Gregorio prosecuti: de quibus agit caput sextum. Inde controversias Latino-rum cum Graecis peculiari capite exponit Noster: quae primo quidem

p. 24.

p. 32.

p. 68.

p. 77.

sub Imperatore Constantino Monomacho spectare ad concordiam videbantur, mox tamen, indignante Cæsare, Michaelæ Cerulario Patriarcha Constantinopolitano autore, in apertum schisma, & secessionem manifestam præcepit: frustra laborante Principe, nec quicquam agentibus cum excommunicatione sua Legatis Papæ: frustra etiam tentato ab Occidentalibus per Venetum Patriarcham Petro Patriarcham Antiocheno, quanquam is Cerulario non in omnibus ad stipularetur. Harum turbarum culpam omnem in Græcos devolvit Pinius, nec omittit tentatæ iterum sub Stephano IX Papa pacis, nunquam tamen secutæ, mentionem.

p. 83.

p. 84.

p. 98.

Tum ad Scriptores regreditur, & octavo capite de Petro Damiani agit, quem male cum Petro de Honestis confundi persuasus est. Hujus postquam vitam recensuisset, epistolas commemorat: quas inter notatu in primis digna libri primi duodecima ad Alexandrum II Papam scripta: quippe in qua duos abusus reprehendit, quod anathematis poena omnibus promiscue decretalibus ut plurimum apponatur, absque tamen sufficienti causa, & quod non liceat minorum gentium clericis laicis vitia suorum Episcoporum reprehendere, reosque, ut corrigantur, ad superius tribunal deferre. Eo vero magis digna notatu posterior hæc epistolæ pars est, quo insignior observatio Autoris nostri, quam nemini hætenus obtigisse prorsus miramur. Nempe hanc ipsam esse librum Petri Damiani *de Correctione Papæ & Episcoporum*, qui Argentorati primum anno 1562 editus *yo. Seias* erat a Possævino non sine acerbitate, & a secutis Possævini Labbeo atque Natali Alexandro insimulatus: cum alii, genuinum quidem librum eum esse Petri fixtum, sed tamen in editione operum illius a Constantino Cajetano curata, quæ Romæ primum, postea & Lugduni atque Parisiis prodiiit, locum non habere existimarent. Sed utrumque scrupulum tollit nunc doctissimus Pinius, novimusque adeo & haud dubie esse scriptum Damiani, & in omnibus, nulla etiam excepta, epistolarum editionibus suo comparere loco. Ceterum mallet Noster, epistolas hujus auctoris esse juxta seriem temporum, quibus scriptæ sunt, aut pro materiarum vicinitate digestas, quam juxta personarum, ad quas scriptæ sunt, dignationes, ut factum est: nec satis æquo animo fert divulsâ ab epistolis opuscula Damiani, quorum longe maxima pars nihil aliud quam epistolæ sunt, & hinc multo rectius in prima

ma editione inter epistolas una fuerint excusa. Commemoratur & editionem epistolarum, quæ separatim apud Nivellium Parisiis anno 1610 in 4 prodit.

In Ecclesiarum Anglicanarum historia hujus seculi, quæ capite IX traditur, magnum præ ceteris nomen Anselmi est; Cantuariensis Archiepiscopi, cujus vitam satis fuscæ Autor exponit, nec minore accuratone de scriptis ejus agit. Nos libri de Fide Trinitatis & de Incarnatione Verbi solum meminimus, quem Anselmus Urbano II Papæ nuncupatum, adversus Roscelinum, Franciæ clericum, Petri Abælardi magistrum scripsit, qui de tribus in Divinitate Personis peculiari modo aut senserat, aut locutus minimum fuerat. *Si in Deo*, dicebat, *tres persone sunt una tantum res, & non sunt tres res, unaquaque per se separatim, sicut tres Angeli, aut tres anime; ita tamen, ut potentia & voluntate omnino sint idem: ergo Pater & Spiritus S. cum Filio est incarnatus.* Hoc itaque assertum sub examen revocat Anselmus, & concedit quidem, tres Personas dici posse *tres res*, si per *res* non substantiæ, sed relationes intelligantur. At substantias a Roscelino innui, doctrinamque adeo ejus falsam esse, ex eo patere putat, quod subiungit, *unaquaque per se separatim*, idemque data Roscelini de Angelis & animabus similitudine (quam tamen ipsius esse Roscelini, & non ab eo potius, qui sententiam ejus sibi narraverat, additam, ipse non satis certus est) indigitari.

p. 101

Caput decimum de Autoribus agit, quorum scripta ad disciplinam ecclesiasticam spectant. Est inter eos Burchardus Wormatiensis Episcopus, qui magnum illud, sed exigui momenti, Decretorum volumen conscribillavit, adjutu & ope Olberti, Gemblacensis Abbatis, ut Noster ait Sigebertum secutus; dum alii dicente & magistrante Olberto illud fuisse centonifatam, cum vetusto autore libri de Gestis Gemblacensium dicere malunt. Anselmo Luccensi Collectionem Canonum tribuunt vulgo, & extat sane talis manuscripta in pluribus bibliothecis, etiam sub nomine ejus in bibliotheca Barberiniana. Verum falso adscribi Anselmo librum eum, Noster cum Anton. Augustino & Baluzio, adductis eorum rationibus, monet. Voluit aliquando Collectionem illam ex antiquis codicibus edere Tomo XII Spicilegii sui Dacherius, ut Baluzius in præfatione ad Ant. Augustini Dialogos de Emendatione Gratiani testis est: sed illa neque XII nec XIII

p. 104.

p. 108.

Tomo factum. E vitarum scriptoribus, & qui historiam ecclesiasticam pertractarunt, de quibus caput undecimum agit, unicum seligimus Ademarum, Chronici Francici scriptorem, cujus nimirum ineditam hactenus epistolam a Baluzio secum communicatam Autor recenset. Scripta est post Concilium primum Lemovicense A. 1029 habitum, ad Jordanum Episcopum urbis ejus, ceterosque Abbates & clericos totius dioceseos, ad Arnulphum Rutenensem Episcopum, ad Theodoricum Metensem, ad Kunigundam Henrici III Imp. viduam, ad Conradum Imperatorem, ad Guilielmum Aquitaniae Ducem, & ad Johannem XVIII Papam; quem ait ut ferum hominem, iracundum & crudelem describi. Est vero argumentum epistolae quaestio, num Martialis Lemovicensis Episcopus jure in Apostolorum numero habeatur? Quod cum negasset Benedictus quidam, Abbatiae S. Michaelis Clusini in Pedemontio Prior, & Aquitanos affirmantes asinos & verum ignaros esse publice etiam pro concione dixisset; Ademarum, qui assensum omnes sui monasterii monachos, excepto adhuc praeter se unico, Benedicto praebuisse agre ferebat, epistolam, quam diximus, acrem adversus illum composuit, cujus excerpta legi merentur. Refert vero Autor, plures adhuc de eodem argumento sermones Baluzium possidere, quos & ab eodem scriptos autore censeat. Graecorum scriptorum hujus seculi, quorum recensionem Autor capite XII instituit, praecipui sunt Mich. Psellus, cujus scripta etsi magnopere Leo Allatius extollat, in materia tamen ecclesiasticis nec utilia admodum, nec insigniter erudita, neque etiam satis diserta & facunda Nostro videntur; Simeon, Junior dictus, quem Hesychastarum sive Quietistarum principii fuisse addictum, cetera optimae notae scriptorem, Vinus observat: Theophylactus, Acridae in Bulgaria Archiepiscopus, cujus commentarios magni praeter ceteris aestimat, multo pluris adhuc habendos, si ab embolismis aliorum, quibus undique scatent, puriores e MSS. codicibus Regiis Parisiensibus ederentur; quod fieri posse, luculenter Rich. Simonius inter pulcerrimas plurimas de Theophylacti libris observationes ostendit in Historia Crit. Interpretum Novi Testamenti cap. 28.

p. 112.

p. 113.

p. 129.

Scriptorum historiam sequitur c. XIII historia Conciliorum, atque huic demum postremo capite XIV Observationes Ecclesiasticae subjiiciuntur. In his inter alia proferretur Autor, se Roscelinum pro Tritheita neutiquam habere, sed plane credere, illum per tres res, in-

com-

commodius solum locutum, tres unius naturæ Divinæ personas indiguisse, subsistentes per se & distinctas. Observat, imminutam hoc seculo Pontificum Romanorum, & inprimis Gregorii VII artibus, non Regum solum Principumque, sed & Archiepiscoporum & Episcoporum auctoritatem, crescente cum horum omnium detrimento, & ultra id quod decebat, Paparum & Cardinalium potentia: hoc enim seculo Cardinales cœpisse primas in electione Pontificis, & in rebus gerendis partes tenere. Notat præterea peculiarem quarundam Ecclesiarum in celebrando Missæ sacrificio ritum, quo solebat Sacerdoti recens ordinato, ipso die ordinationis dari hostia, quacum in tot particulas divisa per integros quadraginta dies oblationem instituere necesse habuerit, ut sic Christi meminisset, post suam resurrectionem intra quadraginta dies Apostolis suis apparentis: qua de re Fulbertus in epistola quadam agit. Ceterum legi hæc & alia præclara multa apud Autorem ipsum merentur, qui libro indices suo more luculentissimos annexuit.

*SYNOPSIS THEOLOGIÆ JUDAICÆ VETERIS ET NOVÆ,
adornata a JO. HENR. MAJO.*

Giesæ, apud Henningum Müllerum, 1698, 4. Alphab. 2.

TAmetsi in recensendis pariter ac examinandis Judæorum circa præcipua religionis capita sententiis hoc & superiori seculo plures e Theologorum ac Philologorum numero occupatos se gesserunt, (ignota namque nemini sunt, quæ in hoc negotio præter Lutherum, Reuchlinus, Fagius, Münsterus, Havemannus, Helvicus, Müllerus, Hoornebekius, Coccejus, Hulsius, Wagenfeilius, a Lent, alii que præstitere;) non deesse tamen sibi sensit Maxime Reverendus Giesiensium Theologus Jo. Henr. Majus, quæ istorum laboribus cum fructu superadderet. Postquam enim vulgata, publicisque Disputationibus pertractatæ Theologiæ qua Symbolicæ qua Moralis Synopsi, Judaicam quoque simili ratione proponere consultum ratus est, eam sibi operam strenue perficiendam sumsit, ut non veterem modo, eamque nonnisi appellatione a Christiana diversam, sed novam quoque a tradita antiquitus per Prophetas cœlesti veritate prorsus alienam, ac ideo improprie sic dictam Judæorum Theologiam exhiberet, istamque uberius deduceret ac confirmaret, hanc vero argumentis maxime idoneis

neis configeret. Ordine igitur articulorum fidei systematico servato, qua in parte Judæi vel nobiscum faciant, vel a nobis discrepent, ad oculum ostendit, ac deinceps ad Judæicorum errorum oppugnationem clypeos & gladios ex S. Scripturæ promptuario ante omnia est mutuatus; sed tamen domestica quoque Judæorum testimonia, & scriptis Cabbalistarum, Talmudistarum Rabbinarumq; petita adversus ipsosmet adhibuit. Nec antiqui solum Fœderis, sed novi etiam libros cum Magistrorum verbis diligenter contulit, ac præcipuas adversariorum objectiones exceptionesve, quæ in utroque Nizzachon, Chissluk æmuna, & similibus scriptis contra Christianos directæ ex instituto sunt, suo quamque loco accurate dissolvit. De cætero synopsis duntaxat & sciagraphiam plenioris Systematis se dare innuit, ac secundam aliquando editionem multo auctiorem promittit, inque ea imprimis omnia Hebræorum testimonia jam Latine reddita multa que horum alia Hebraice, si quis sumtus impendere voluerit, suppeditaturum sese pollicetur.

THOMÆ CRENII ANIMADVERSIONUM PHILOLOGICARUM & Historicarum Pars tertia.

Lugduni Batavorum, apud Fr. Haering, 1698, 8. plag. 16.

QUæ duabus Animadversionum Philologicarum & Historicarum partibus, a Nobilissimo Crenio hætenus vulgatis, & a nobis suo loco recensitis, non exiguam percepere voluptatem Eruditi, eandem & ex tertia, quæ nunc in lucem prodit, polliceri sibi omnino poterunt; quandoquidem ille larga rursus manu, quæ & prodesse queant & delectare, more suo curiosis elegantiarum litterariarum æstimatoribus in hac suppeditat.

Nobis igitur nonnullas ex iisdem delibaturis nominandæ primum hac vice videntur epistolæ, quas aut e MStis suis, aut aliis e latebris protractas exhibet, quasque inter p. 143. comparat aliqua Lutheri nostri ad Martinum Glaferum, qua ille huic de uxore ducta deque suscepta ex eadem prole gratulatur, cumque de cætero ad constantiam in puriori religione excitat. Post eam statim Jo. Calvini literæ ad Petrum Martyrem sistuntur, ab eodem huic in Palatinatum suadentes. Pag. 146 Brenzii ad Joachimum Camerarium directæ profertur exhortatio,

ut

ut Notationem figurarum in libros Novi Testamenti edere haud cunctetur. Ad Marinum Merfennum p. 83. & seqq. scribens introducitur Sixtinus Amama, prolaris quibusdam a Merfennio adversus Antibarbarum suum Biblicum convitiis motus, ut & hæc a se ampliatur, & libri istius sui argumentum, scopumque & usum prolixius delineet. Vicissim p. 93. adfertur Merfenni ad medicum quendam, Florianum Crusium, epistola, de ratione atheos convincendi quædam disserens. Francisci Junii ad Muusholium literæ p. 195. inter alia locum Hebr. IX, 2. illustrant. Peuceri ad Electorem Brandenburgicum Joachimum missæ, Chronici sui commendatitiæ p. 191. leguntur. L. Carrio ad J. Lipsium scribens p. 15. & istud maxime efflagitat, ut ab hoc Jurisprudentia publice laudetur. Ad se ipsum vero exaratam Auctor valde celebrat & integram repetit Maxime Reverendi Præfulis hodie Wunstorfensis, nostri quondam Collegæ, D. Polycarpi Lyseri epistolam, satis abundeque ostendentem, minus congrue in præcedenti secunda Animadversionum harum parte, Pauli Dolscii nomen pro ficto atque a Philippo Melanchthone assumpto venditari; cum Paulum certe Dolscium Rectoris primum Gymnasii, Doctoris deinceps Medicinæ ac Physici, tandemque & Consulis officio Halis Saxonum functum fuisse constet, prout eundem quoque Ecclesiasten pariter ac Ecclesiasticum Græco sermone expressisse dubium haud sit.

Alia ab his lustrantibus notatu imprimis dignæ visæ sunt coacervatæ passim observationes de extantioribus Auctorum quorundam nobilissimorum editionibus, aut in eorundem libros indicibus, Julii puta Cæsaris, Catulli, Tibulli, Propertii, p. 6. Taciti, Lucani, p. 7. Virgilii, Horatii, p. 8. Plauti, p. 9. M. Terentii Varronis, p. 11. Sallustii, p. 12. Juvenalis, p. 15. Persii, p. 16. Martialis, p. 17. &c. Quæ de Casaubono p. 76. afferuntur in utramque partem judicia, aliena magis sunt, quam Nostri propria. Alibi tamen a p. 153 usque ad 176. in eo totus est, ut magnorum quorundam Virorum ἀμαρτυρήματα μνημονεύει ostendat, lapsosque, ubi ubi potest, erigat. Sed nec justas horum aliorumque laudes reticet, ac Oberti imprimis Giphanii p. 99. Jo. Pricæi, p. 130. Pauli Gerhardi, cujus cantionibus ecclesiasticis se valde delectari dicit, p. 179. Jo. Reuchlini, p. 202. & plurium merita ac dotes celebrat, prout eorum etiam munera enumerat, ac genium moresque non raro depingit.

Angelum Politianum utut a nota illa adversus Scripturam Sa-

Hh

gram

cram voce prorsus impia liberare G. J. Vossius nitatur, profanum tamen maxime & in verbum Domini iniquissimum fuisse, p. 22. nullus dubitat. Aristotelem in Papatu olim Viris Θεοπνεύστis aequalem, imo superiorem, ab imperitis Concionatoribus fuisse judicatum, testimoniis non unis p. 25. probatum dat.

Ad dicta Scripturæ illustranda interdum quoque excurrit, velut ubi p. 118. in excutiendis verbis Principum Sacerdotum & Seniorum ad Judam directis, οὐ δὲ ψα, occupatur, & Atticisimū in iisdem obvium ostendit; nec non ubi p. 181. Lightfootum notat, quod in Floris Hebraicis ad Matth. XVI, 19. claves soli Petro commissas, at potestatem ligandi & absolvendi Apostolis quoque reliquis datam, licet alio plane sensu, quam velint Pontificii, existimet. E decimo quarto Geneseos capite, in quo de Abrahamo narratur, quod arma sua conjunxerit cum populis infidelibus, occasionem apprehendit disceptandi super quæstione: an in bello justo milites infideles in auxilium vocare, aut auxilium ipsi ferre Principi sit licitum? & heic quidem in negativam sententiam se propendere non dissimulat.

Physicam propius attingunt, quæ p. 209. de æstu marino illiusque causis disserit, sicuti ad Medicos imprimis spectant lemmata, quæ p. 143. de voluntaria ecstasi accumulat. Nec injucundus lectus est Catalogus eorum, qui artem quidem Medicam professi, Theologica tamen simul scientia instructi fuerunt, aut controversiis minimum Theologicis frequentes se immiscuerunt.

Curiosi tandem quilibet invenient, in quo paulisper subsistant, ubi raram, quam vocat Auctor, sterilemque & a nemine Romano præter unum Apicium, & hodie nuspiam extantem C. Matium, justo hætenus commentario expositam materiam de Coquis paulo uberius illustratam sub secundi capitis initium deprehendent.

B. GEBHARDI THEODORI MEIERI HISTORIA

Religionum.

Helmstadii, apud Georg. Wölfg. Hammium, 1697. 4.

Alphab. 2. plag. 5.

GRavissimum in luctum conjecta fuit Illustris Academia Julia, ubi anno 1693. finiente, post amissos paulo ante celeberrimos Duum-Viros

Viros, *Heigelium* & *Buſmannum*, tertium quoque *Gebhardum Theodorum Meierum*, Theologiæ & Antiquitatum Eccleſiaſticarum per annos bene multos Profeſſorem ſibi eripi cognovit. Nec dubium, quin Literatus Orbis univerſus eundem, utut jam ſexagenarium, diutius ſuperſtitem optarit, ut editis ab ſe ſcriptis aliis maxima eruditione reſer-
tis ea etiam, quæ affecta modo reliquit, potuiſſet addere. Multum namque Theologiæ non minus ac Antiquitatum ſacrarum cultores delectarunt exaſciata, quæ in lucem publicam emiſit, opera, equibus nominare jam liceat *Hiſtoricam de Collectionibus Canonum relationem*, Codici Canonum Eccleſiæ univerſæ a Juſtiniano Imperatore confirmato & juxta editionem Chriſtophori Juſtelli reſenſito præmiſſam; quam excepit accurata *in univerſum Theologia Moraliſ cum dogmatica tum pragmatica ſtudio Introductio*, partem primam & ſecundam *Theologia Moraliſ* comitem mox naſta. Næc ignotus eſt eruditiffimus *de recondita veteris Eccleſiæ Theologia & ſoleni ſacrorum coram præſanti & nondum initiatis occultatione* liber, Hiſtoricusque *de tribus novellorum naſcentis Eccleſiæ Chriſtianorum initamentis* Commentarius. Collecta ab ipſo *Academia Julia Monumenta*, cum Theologorum tum Jureconſultorum in eadem quondam docentium memorias complectentia, magis adhuc juvarent Eruditos, ſi Medicorum quoque ac Philoſophorum vitas addere, prout quidem conſtituerat, eidem licuiſſet. Aliena, quæ in Studioſorum uſus reſenſuit, quæque in præmiſſa huic operi e, uſdem vita indicantur, opuſcula ſilentio præterimus, ſicuti prolixum nimis fore reputamus, Academicas enumerare Diſputationes, in quibus themata lætiſſima ab ipſo perquam eleganter atque erudite tractata deprehenduntur. Ne tamen penitus interciderent, quos moriens in ſeriniis ſuis reliquit, doctiſſimi tractatus, cavendum merito putavit Moraliſ hodie apud Helmſtadienſes Profeſſor Clariffimus *Phil. Ludovicus Böhmerus*, qui uti poſt hac peculiarem B. Meieri *de Notariis Eccleſiæ veteris* librum, *tertiamque Moraliſ Theologia partem* ſe editurum eſt pollicitus, ita nunc *Religionum*, quam nominavimus, *Hiſtoriam* præmiſit. Ea maximam partem in deſcriptione *Religionis divinitus revelata* occupatur, quippe cujus non antiqua modo facies, quam inde a prima ſua origine ad Novum uſque Teſtamentum habuit, ſed & recentior, quam per ſingula a nato Chriſto ſecula diverſimode ſortita fuit, & ad noſtrum uſque ævum tenuit, delineata *ως ἐν συνόψει*

cernitur. Iſtam dehinc tractationem Religionis & priſcæ illius *Ethnica*, & hodiernæ *Judaica* brevior excipit conſideratio, qua finita *Muhammedana* quoque ſub cenſum vocatur. Ubivis autem in cujuſque originem, incrementaque pariter & decrementa, & hodiernum ſtatum ſolicite inquiritur. Sed antequam ad ſpecialiorem Religionum modo recenſitarum hiftoriam acceſſus fit, nonnulla generatiſimè monentur de Religionis nomine, exiſtentia, natura, notis; prout & Atheiſmi pariter ac Naturaliſmi ſuccincta quædam hiftoria ſuppeditatur.

GEORGII CALIXTI DE TOLERANTIA REFORMATORIUM
circa quaſtiones inter ipſos & Auguſtanam Confeſſionem profeſſos
controverſas Conſultatio.

Helmſtadii, apud Georg. Wölfg. Hammium, 1697, 4.

Alphab. 1. pl. 4.

Magni cujuſdam S. R. I. Principis, natam Reformatos inter atque educatam conjugem ſibi delecturi, conſcientiæ fluctuanti ut conſuleret celeberrimus poſt fata quoque ſua Georgius Calixtus, peculiarem aliquando de Reformatorum circa controverſas quaſtiones tolerantia conſultationem conſcripſit, non ea quidem fini, ut in lucem publicam protraheretur, ſed ut, ubi humillimo deſuncta eſſet obſequio, ab aliorum conſpectu penitus remota deliteſceret. Incidit tamen mox in manus alicujus, qui, licet inconſulto prorſus Auctore, in lingua vernacula Francofurti A. 1650 eam fecit imprimi, aſt mendis plurimis fœdatam; unde poſt octennium, Calixto interea A. 1656 vita functo, emendatiorem illius editionem Latinam optime de Manibus paternis meritis filius Fridericus Ulricus in lucem publicam emiſit. Multum ergo vel prima Actorum noſtrorum initia cum anteverterit tractatus hic, non eſt, ut de contentis illius plura in medium afferamus.

Sed cum iterata vice anno ſuperiori eundem prælo ſubmittens Maxime Reverendus Fridericus Ulricus Calixtus, hodie ſuperſtes, præſatione ipſum ſat proluxa ornaverit, non poſſumus, quin ex hac nonnulla delibemus. Et in præſiori quidem tolerantia hujus declaratione ea occupatur, variaque ad ſcripti iſtius illuſtrationem uberiorem attinentia accumulatur. Nervus autem eo generatiſimè tendit, ut oſtendatur, poſſe aliquem, utut errori ſacrorum communionem impediendi implicitum,

citum, nihilofecius ceu verum Christianum, ceu ejusdem cœlestis Patris filium, ceu concorporem & cohæredem omnino tolerari, dummodo salvificam in Symbolo Apostolico, eoque sensu catholico ac orthodoxo intellecto, definitam fidem sartam testamq; ille custodierit. Inde prout Socinianos furfurisque similis in Christianam religionem quammaxime injurios ab omni tolerantia concedenda spe exclusos cupit penitus: ita Pontificios certe atque Calvinianos, ut in foro civili suam libertatem in Imperio obtineant, ita in foro quoque Theologico ad modum hunc suffferri posse, nullus abnuit. Tolerantiam interea dum nominat, ab iis longius recedit, qui sublato prorsus schismate, in religionum, quæ audiant, discrepantium unione facienda desudent; eam namque nec sperare se, nec molitum unquam fuisse Parentem suum, testatur, cum impedimenta remoram huc allatura pertinacius certe negotio huic incumbant, quam ut eis amoliendis humanæ vires sufficiant. Quod si enim vel istud largiamur tantisper, omnia in controversiam hætenus vocata sopita esse, pacata & conciliata, superesse vero solum istum dissensum, qui in articulo de S. Eucharistia emergat, tunc nondum ita comparatum esse ait Ecclesiæ statum, ut schisma removeri possit, cum, quousque certamina Eucharistica non cessatura sint, nostrum aliquis nec cum Pontificiis, nec cum Reformatis de eodem pane edere, & cum iis de eodem calice bibere valeat; quemadmodum nec neutri horum id nobiscum facere, rebus ita se habentibus, concessum sit. Non obstante tamen hoc, inter Lutheranos Pontificiosque & Reformatos, quoad articulos in tribus œcumenicis Symbolis propositos, unionem communionemque actualem dari asserit, at, quantum ad doctrinas schisma excitantes, unionem duntaxat virtutalem deprehendi contendit, quam in infucato desiderio, voto, affectu & studio unam eandemque communionem restaurandi atque frequentandi sitam esse ait, quamque uberius contra Illustrem Pufendorhium, eam ceu inane commentum explodentem, statuminare nititur. Tolerantia vero, cui patrocinator, fundamentum istud substernit, quod tria cardinalia Symbola omnes, quæ ad salutem necessario pertineant, doctrinas complementantur, (in qua hypothesi roboranda multus est,) & quemadmodum hæc a trium in Imperio Romano vigentium religionum sociis æque, monet recipi, ita singularum asseclas Christiana charitate dignos habendos, & tanquam veros veri nominis Christianos diligendos, spiri-

tualique tolerantia sufferendos venire concludit. Quod ipsum postquam argumentis adhuc quibusdam aliis confirmavit, imprimis etiam ad istud provocat, quod connubialia inter diversæ religionis personas pacta hodie nequaquam infrequentia sint; nisi vero supponatur hypothesis, quæ utrique contrahentium parti veri Christianismi atque salvificæ religionis possessionem relinquit, fore pacta talia abominanda, & illicita inferre, quæ tamen inter Christianos nulla lege publica interdicta esse manifesto satis constat.

De cætero præfationi huic subjecit Catalogum Scriptorum omnium, quotquot aut a Patre suo composita accepit, aut ipse unquam evulgavit, & illa quidem sic disposuit, ut unicuique prout fiat cognoscere, quo ordine in certos tomos ita digeri & compingi debeant, ne materiæ inter se cohærentia luxetur; id quod eorum Lectoribus gratissimum fore, certo nobis persuademus.

COURS DE MATHEMATIQUE, QUI COMPREND TOUTES les parties de cette Science les plus utiles & les plus nécessaires à un homme de Guerre, & à tous ceux, qui se veulent perfectionner dans les Mathématiques.

h. e.

*CURSUS MATHEMATICÆ COMPREHENDENS OMNES E-
jus partes maxime utiles & necessarias viris, qui militia nomen de-
derunt, omnibusque illis, qui perfectam hujus scientiæ
cognitionem affectant, auctore Dn. OZANAM,
Matheseos Professore.*

Parisiis apud Johannem Jombertum, 1697. in 8. Tomi V.

Constant Alph. 4. plag. 11., cum multis tabulis

ære expressis.

Non infrequens est in Actis Eruditorum nomen Ozanami, qui disciplinas Mathematicas militibus cum primis utiles, post Architecturam militarem seorsim excusam, & in Actis A. 1694 commemoratam, quinque tomis non adeo spissis comprehensas, satisque perspicue explicatas in lucem emisit publicam. Continentur autem Tomo primo Introductio in Mathesin & breve Algebrae speciosæ compendium, cum
Geo-

Geometria practica, nec non Elementorum Euclidis libris sex prioribus & undecimo duodecimoque, brevi facillique methodo explicationum & demonstratorum, cujusvis propositionis usu simul addito. Secundus tomus complectitur Arithmetica, Trigonometria, tabulasque ad illam pertinentes, tam vulgares quam logarithmicas. Tertium tomum Geometria occupat cum partibus suis, Geodæsia, Longimetria, Planimetria & Stereometria. In quarto tomo doctrinam Machinarum, tam simplicium quam compositarum, nec non Staticam & Hydrostaticam Auctor proponit, una cum Perspectiva; ultimo autem Cosmographiam & Gnomonicam. In hoc ergo opus non transtulit solum illa, quæ in opusculis quibusdam mathematicis seorsim olim editis tradiderat, sed multa quoque superaddidit theoremata & problemata, nonnulla quoque emendavit. Quo pertinent illa, quæ olim asseruerat in Dictionario Mathematico de stellis Borbonicis, nec non de proprietatibus Quadratricis Tschirnhausianæ. Ingenue enim agnoscit errorem (quem etiam in recensione illius libri jam tum notavimus) a se commissum, monitus a Nicolao, Patre S. J. in Geometria versatissimo, cujus literas duas Tolosæ A. 1691 datas Staticæ suæ inseruit. Harum in prima non solum Nicolaus demonstrationem theorematum, quæ in dubium vocarat Ozanamus, proponit, sed refert quoque, se considerasse penitus Quadratricis hujus novæ naturam, cum spatiorum ejus & solidorum, quæ rotatione ejus gignuntur, mensuras indagando, tum tangentes ejus & continuationem, quæ superius inferiusque in infinitum fieri possit, relationemque singularem quam ad Cycloidem habet, & id genus alia perquirendo, cunctaque congestisse in libellum triginta propositionibus constantem. In altera determinatum situm centri gravitatis novæ Quadratricis, respondensque negative ad Ozanami quæstionem, num Zonæ hemisphaeroidis & cylindri ejusdem basis sint inter se æquales, eundem certiores facit, se non absolvisse tantum librum de Superficiebus rotundis, sed opus quoque de Conchoidibus in tres libros divisum, in quibus agat de Conchoide Nicomedis pariter ac de reliquis omnibus aliis, quæ formari possunt aliarum figurarum, v. g. Trianguli, Ellipsis, &c. adminiculo, examinetque Quadraturas, Tangentes, solida rotatione formata, & centra gravitatis: his autem adjectum fuisse de variis Cissloidibus tractatum, propter magnam affinitatem, quam inter Cissloides & Conchoides deprehen-

henderit. Ceterum rationes, quibus fretus Ozanamus Cosmogri. parte 1. cap. 2. p. 37. contendit, fixas quoque stellas corpora esse opaca. & a Sole lumen. mutuari, rerum cœlestium consultis examinandas relinquimus.

Meminit haud dubie *Lector Benevolus* Problematum, quæ Clarissimus *Jacobus Bernoullius*, Professor Mathematicum Basileensis, Clarissimo *Joanni Bernoullio*, Professori Mathematicum Groningensi, Frater Fratri in Actis hisce nostris, anno superiore, mense Majo, pag. 214. proposuit. Solutionem Problematum illorum a *Johanne* institutam exhibuimus mense Januario præsentis anni pag. 52. sqq. & excerptam quidem ex Diario Eruditorum Parisiensi. Nunc vero cum ex eodem Parisiensi Diario d. 17 Febr. 1698. p. 78. intellexerimus, *Jacobo* primarii problematis, quod de figuris isoperimetris agit, solutionem non omni ex parte probari, eumque hanc ob causam ad genuinam solutionem indagandam Geometris plusculum temporis, antequam suam publicæ luci exponat, relinquere, hac de re admonendos rerum harum curiosos existimavimus.

E R R A T A.

Anno superiori pag. 115. l. 6 pro $\frac{n}{vi-n}$ leg. $\frac{1-n}{vi-n}$ Pag. 128. l. 4,

del. &c. Pag. 129. l. 2 post &c. inseratur = (ut supra ostensum)

$\frac{dx}{dy} \frac{dy}{dz}$

—, —, —, &c. ibid. lin. 14. del. dn . Pag. 130. l. 15. pro $\therefore dy. dy$ leg.

$\frac{x}{y} \frac{y}{z}$

$\therefore dy. dx$. Pag. 209. l. 16. priori adx præfigatur signum —. ibid. l. 18. pro zdx leg. adx . Pag. 211. l. 9. pro & axe leg. axe .

Hoc anno pag. 54. l. 5. pro *integrale* aut *summam* quantitatum $GHdx$ leg. *applicatus* GH . In eadem linea deleantur hæc tria verba

$\frac{x}{x}$
Unde evidens est. Ibid. l. 8. post *haberi* inseratur *potest*. Ibid. l. 14. pro *ut b est ad PZ aut GH leg. ut subtangens curva BH est ad abscissam BG*.

Pag. 55. l. 21. pro *tangit* leg. *tangat*. Pag. 139. pro

$\frac{o}{50.} \frac{1}{47.} \frac{11}{23}$ legatur $\frac{o}{51.} \frac{1}{47.} \frac{11}{35}$.

* * * * *

ACTA ERUDITORUM

Publicata Lipsiæ

Calendis Junii, Anno M DC XCVIII.

JACOBI LYDII SYNTAGMA SACRUM DE RE MILITARI, nec non de Jurejurando Dissertatio Philologica. Opus posthumum, e tenebris erutum ac notis illustratum a SALOMONE van TIL, Theologo Dordraceno.

Dordraci, apud Cornelium Willegardum, 1698. 4. chart. aug.

Alphab. 2. plag. 7. figg. æn. 12.

Dilcescit equidem jam ante annos aliquot ex vita hac, sed non item ex Eruditorum memoria Vir celeberrimus, Jacobus Lydius, Ecclesiæ, dum viveret, Dordracenæ Antistes, de cujus Manibus bene meritus est Maxime Reverendus Salomon van Til, dum libris ejus, quos ipse adhuc superstes edidit, *Belgio puta glorioso*, Dialogo de *Cena Domini*, *Agonistica Sacra*, Annotationibus in historiam Passionis Christi sub *Florum sparsionis* titulo vulgatis, similibusque forsan aliis, bipertitum hoc opus tanquam factum posthumum associavit.

Horum alterum sacri *de re militari* syntagmatis nomen præfixum gerit, potissimamque ibi industriam in eo Auctor collocat, ut non solum ex eruditione profana singulas militiæ veteris partes uberior delineet, verum & loca imprimis Biblica, in quibus rituum apud milites tunc receptorum aliqua occurrit mentio, aut quicquam insuper, quod ad pristinam belli rationem attinet, innuitur, abunde illustret.

Eum igitur in finem consuetudinem belligerandi universam ad oculum legentibus demonstrat per integros sex libros, exorsusque a belliindictione, militum deinceps delectum & factam signi sive vexilli ad hunc promovendum erectionem commemorat. Inde ad auspicia & omina in bello suscipiendo progressus, de inspectione jecoris, de commixtione sagittarum, de graviori solito signorum pondere, deque

aliis, quæ antiqui vulgo crediderint, omnibus curiosa quædam in medium adducit, at pleraque horum a sapientioribus non raro neglecta fuisse simul innuit. Tum de ætate militum conscribendorum agit, ejusdemque considerationi privilegia, quæ vacationem a militia concesserint, adjungit, & hanc sane nonnisi anno quinquagesimo datam innuit. Sed a necessitate bellandi penitus immunes Deum præstitisse ædificantes, plantantes, neogamos & meticulosos, ex Deuteronomio probat; attamen hanc libertatem in bello solum spontaneo pro dilatione imperii suscepto, non æque in bello legali a supremo Numine mandato obtinuisse superaddit; heic autem non minus atque illic plebsque aut omnes *ἑκαστος* in bellum proruisse, ac hos servilem in morem notis stigmatibusque insignitos, modo in manu, modo in brachio Imperatoris sui nomen tulisse observat. Quæ singula posteaquam libro *primo* latius exposuit, in *secundo* ordinem militare caputim delibat, & quænam veteribus Legio fuerit, quæ ordinis equestris dispositio, quænam Chiliarchis, Hecatontarchis, Signiferis seu Vexillariis, Buccinatoribus, Exploratoribusque munia incubuerint, disquirat. Præmissa libro *tertio* militarium vestium, chlamydis, paludamenti, sagi, calceorum descriptione mox arma canit, quorum materiam æs admodum durable constituit, quorumque officinas oppidatim apertas fuisse monet. Sigillatim vero galeam, thoracem, & quæ minus ab hoc differat, lorica, clypeos item & scuta; atque horum *Φυλακικὰ*, vaginam, baltheum, cingulum, pharetras contemplatur, & dum instrumenta ad ordinem in militia servandum usurpata huc quoque refert, de signis, interque hæc quam maxime de vexillis, disserit, ac horum varias figuras enumerat, plurima præ cæteris de aquila & dracone in signorum vicem adhibitis commentatus, nec receptum ævo demum inferiori labarum omittit, prout & de tubis non nihil adjicit. Arma ad nocendum damnumque inferendum conflata duorum facit generum. Alia namque leviora & magis communia appellat, gladium puta, hastam, lanceam, arcum, sagittas, fundam, secures; alia graviora, machinas nimirum bellicas, quibus ballistas, arietem, currus, naves, catts annumerat, & singulorum formam pariter ac usum distincte tradit. Libro *quarto* in castra, aciem, ipsaque prælia pergit, classicumque & pugnam meditatur. Nunquam autem in bellum progressos ait veteres ante invocationem Numinis, institu-

tamque

tamque per sacrificia quoque & devotiones præparationem, cui distributas etiam tesseras, militumque adhortationem & facis ardentis projectionem accenseret. Pugnam præterea indictam refert aut per coccineam vestem, aut per clypeum in altum elevatum, quæ signa statim infecutus fuerit confictus ipse, in quo clamorem inconditum undique exauditum, vasa & arma cum fragore percussa, brachiaque militum denudata sistit, & Regis tunc præsentis conspectum mira quadam vim militum animos ad fortitudinem excitasse colligit. Urbes aut corona cinctas & admotis ut plurimum scalis invasas, aut circumvallatione arcatas & ad deditionem impulsas, vel vi paulatim captas annotat, Librum quintum disciplinæ militum contemplandæ destinatum voluit. Et iis certe peregrino cuipiam negotio se immiscere, aut ultra stipendia quid appetere nequitiam licuisse, e contra obedientiam duci per omnia præstandam, & curam circa castrorum ordinem munditiamque strenue adhibendam incubuisse, testimoniis non unis evincit, ac de cætero eorum exercitia venatione, cursu, prælio imaginario discoloque absoluta fuisse edocet. In tentoriis eos dormivisse & ab aeris inclementia tutos quievisse, alios tamen interim, ut vigilias probe observarent, decuisse, & alibi alios custodum apud captivos vicem obivisse; delinquentes vero aut hybernatione extra castra, aut fustigatione, aut sanguinis missione, aut transitione per agmen hastis configentium, aut vestium abscissione punitos legi asserit. Exitum denique belli sextus liber spectandum proponit, cumque ille aut per fœdera obtineatur aut per victoriam, de istis non minus ac de hac Lætiorem Noster instruit. Fœdera humano non raro sanguine coaluisse, aut pecore, maciato firmata; victoria autem obtenta cantatum epinicium, oblata sacrificia, agitata convivia ludosque, choreas etiam ductas fuisse, ait. Triumphum porro pompam prædæque ac spoliis e loco publico suspensionem, gladii in bello adhibiti consecrationem, armorum hostilium combustionem, & equos subnervandi consuetudinem sigillatim enarrat. Captis urbibus signum in muris erectum, istasque sale conspersas ac aratro inducto solitudini & vastitati perpetuæ devotas ostendit. Cibus super hostium devictorum cæsis corporibus sumtum, & capita eorum amputata afferri ac ostendi iussa, superstitesque in ignominiam tonsos ubi introduxit, vicissim præmia exercitui vincenti data, prædam nempe inter milites divisam, promotionem be-

ne meritorum ad majores dignitates, coronas ac honestam interdum missionem; aut mortuorum decus aggestos pro monumento tumulos & enses armaque cum iisdem sepulta celebrat.

Sicut autem singula, quæ hæcenus a nobis recensita sunt, iusto eruditissimus Auctor studio pertractat, ita unusquisque haud difficulter colliget, lucem utique clarissimam hinc accepisse Scripturæ Sacrae loca plurima, quæ alias rerum in hoc opere commemoratarum ignaris nonnisi obscurissima apparere poterant. Apponemus pro instituti nostri ratione pauca quædam istius rei specimina. Dum per vestem aut tunicam coccineam datum fuisse pugnae signum perhibet, Danielis Prophetæ verba ex Cap. XI. comm. ult. adducit, ubi ambiguitatem quandam oriri notat ex voce *יָדֵינָה*, quam vulgo *palatium* interpretentur, atque integrum sensum ita reddant: & *figet tentoria palatii sui inter maria*. At enimvero cum Hebraicum illud vocabulum ejusdem cum *דָּגָן* originationis sit, nihil ob stare autumat, quin per vestem aut tunicam id exponat, ut *tentoria tunicae suae* sint tentoria, unde tunica coccinea, signum pugnae, extendi consueverit. Jobum Cap. XLI, 20. in verbis, quæ alii vertant, & *deridebis vibrantem basiam*, potius ad conquassationem facis a Pyrophoro prælium jamjam committendum denunciante susceptam respexisse putat, unde & LXX Interpretes digitum huc intendentes non inepte ea sic reddiderint: καὶ ἀγελαῖ δὲ σεισὺ πυρφόγῃ. Circa locum 2. Sam. XII, 31. qui vindictam, quam David contra cives Rabbat exercuit, in plebisque versionibus hoc sensu exhibet, quasi eos transire fecisset *per fornacem lateritiam*, suspicionem allegat Menochii, existimantis, potius hoc significari, quod mandavit David, ut per ordinatam militum aciem quadrangulam & laterum typum ac figuram referentem medii transirent Ammonitæ, & militum Israëlitarum hastis telisque configerentur & occiderentur. Quam certe suspicionem non repugnare censet Veterum moribus, utpote qui in delinquentes milites sic animadvertere omnino sueverint. *Cornua* Amos VI, 13. jactata non illubenter de illo munitionum genere, quod hodie ab acutorum angulorum prominentia vocetur *Hornwerck*, accipere se velle innuit. Paulum in effato, quo *stigmata Domini Jesu in corpore suo se portare* Gal. VI, 17. asseruerit, stigmata, quibus olim insignitos constet milites, in mente habuisse arbitratur. Ex eo, quod disciplina bellica quon-

quondam postularit, ut miles cæteris rebus ac negotiis relictis uni se militiæ daret, abunde perspicui posse censet mentem Apostoli, qui 2. Timoth. II, 4. idem affirmaverit. Quam pulchre corpora nostra σκηναὶ & σκηνώματα appellentur, & in morte καταλύεσθαι & διατίθεσθαι 2. Cor. V, 1. II. Pet. I, 13. 14. dicantur, ex descriptione tentorium in castris erigi ac iterum dissolvi solitorum demonstrat. Triumphum Christi Col. II, 15. insinuat ex triumphatione veterum non parum illustrat. Victoria parta coronas latreas in gremio Jovis depositas fuisse meminit, & eo fortassis respexisse Johannem censet, dum fideles jam victores & in cælo triumphantes *ad Christum throno insidentem coronas suas deponasse*, Apoc. IV, 10. scripserit.

Sed nec infrequentes insuper excursus ad varia, quæ philologiam & historiam propius attingunt, themata in opere præsentis Auctor instituit, utpote quando agit v. c. p. 29. de Jacobitis, qui abs se baptizatis ferro candenti stigma inurant; p. 50. de usu æris in antiquis imaginibus; pag. 83. de columba Babyloniorum, & p. 86. de Luna Turcarum insignibus; p. 139. de navibus ex papyro constructis; p. 171. de Diis stercore humano cultis, & de quadam constitutione Ecclesiastica stercoreis & pediculorum esum urinæque potum prohibente. Juendum quoque lectu est, quod de *calceatis dentibus*, quorum apud Plantum mentio, p. 45. s. commentatur. Sicut nempe milites calceis pedes suos muniverint, ut tuto viam asperam ac scrupulosam calcare possent; ita parasitum sibi quoque dentes autumat promittere calceatos, ad asperissimum quemvis cibum comminuendum, etiam si sentes essent manducandi.

Piis vero accensendum venit meditationibus, quando prolixam inter Christum crucifixum & Imperatores triumphantes comparationem a p. 213. ad 221. instituit. Eidem Salvatori optimo, quem patientem milites Romani multifariam ludibrio exposuerint, istam quoque poenam, quæ per sanguinis e vena cæsa missionem fiebat, irrogatam fuisse, p. 197. a vero parum abludere existimat.

Atque hæc de primo hoc tractatu dicenda nobis fuerunt. Jam pergendum est ad alterum; ubi in describendo *juramento* Noster occupatur, sollicitèque ea congerit, quæ de personis jurantibus, de juramenti formulis, de personis rebusque per quas juratum, de gestibus & ceremoniis in juramento usurpatis, de loco item ac denique de tem-

pore juramenti passim apud Auctores reperuntur. Videlicet Senatorum olim, Imperatoresque ac Consules, sponsum quoque & sponsam, itemque milites solenniter jurasse, capite *primo* ostendit. Capite *secundo* Judæos ut plurimum cum imprecatione alicujus mali ac pœnæ, si fallerent, juramenta concepisce narrat, sed & alias, cum Christianorum tum Gentilium jurandi formulâs enumerat. Personas atque res, per quas juratum, ubi Capite *tertio* insinuat, per Deum perque res ad Numina relatas, per Anchialum, per octo Numina, per legem, per Evangelium, per coelum, Solem, aquam, tetram, per Hierosolimam, per Templum, per caput, modisque innumeris fere aliis, quin & non raro per res ludicras, veluti per barbam, per anserem, canem, hircum, per alium capasque juramentum fieri solitum observat. Gestibus jurantium caput *quartum* assignatum est, ubi de elatis ab his duobus digitis prioribus, & manu interdum integra, interdum utraque, deque eadem femori (quo nomine indigitari censet gentilia,) supposita, de contactu Evangeliorum aut universi sacri Codicis, de transitu per medium divisorum pecorum, de tactis lauro, cereis, annulo, de sceptro elevato, de admoto cervici gladio, deque aliis hujuscemodi ritibus pro more suo doctè perquam atque eleganter agit. E locis, quorum juraturi se receperint, templa, in iisque aras, sepulera Martyrum & aliorum defunctorum, lacusque & similia capite *quinto* commemorat; inque *sexto*, quod unum superest, novo cum primis anno Juramenta militibus tempestiva habita, die autem Dominico jurare nefas olim creditum; ad hæc manè aut a jejunis jusjurandum exactum fuisse innuit, & his deductis de perjurii pœnis peculiare corollarium subnectit.

De cætero ne solas editoris partes sustineret laudatus supra a nobis Tillius, absolute opere notas quasdam a se conceptas & ad priorum de re militari tractatum referendas exhibuit, in quibus præter ulteriorem lemmatum, quæ Lydius accumulavit, nobilissimorum illustrationem, ea quoque in Supplementorum vicem adjunxit, quæ, ut ut ad rem præsentem maxime pertinerent, a Lydio tamen omiſsa apprehendit, qualia sunt tympana, galearum ornamenta, ocreæ, conatus evocandi Deos tutelares ab hostibus ideo susceptus, ut ablata tutela urbem facilius occuparent, & alia, quæ nullo negotio a curiosis harum elegantiarum scrutatoribus suo loco reperiri poterunt.

EMA-

*EMANVELIS THESAURI IDEA ARGVTÆ ET IN-
geniosa dictionis, ex principiis Aristotelicis sic eruta, ut in uniuersum
arti oratoria, & inprimis lapidaria atque symbolica inferuiat.*

*Omnia nunc primum ex Italico Latine
conuersa.*

Francos. & Lpſiæ, ſumptibus Jo. Melch. Suſtermanni, 1698. in 4.
Conſtat 4. Alph. 5. plag.

Emanuel Theſaurus, non magis ſtemmatus gloria & Comitatus di-
gnitate ac inſignibus, quam eleganti eruditione illuſtris, eam ſibi
ſamam Inſcriptionibus ſuis comparauit, ut unicuique quaſi, præſtantiſſi-
mus certe artifex in arguto hoc ſcribendi genere ſuſpiciatur, ad cuius
opera velut ad Polycleti regulam ſcripta ſua exigere ſolent, qui in
concinnandis huiusmodi ingenii ſœtibz elaborant. Neque vero
exemplis modo iuuat argute dicendi ſtudioſos, ſed ipſam argutiarum
artem protulit, primusque ſolide conſtituit, veſtigia quædam ſecutus
Ariſtotelis, quæ in eius Rhetoricis ſagaciffime deprehenderat. Quod
in mentem nobis reuocat iudicium de eodem Rhetoricorum libello
Boilei, Poetarum inter Gallos principis, qui in fine Præfat. in verſio-
nem ſuam libelli Dionyſiani *περὶ ὑψηλῆς* negat, ſe ullo ex libro plura
didiciſſe, quam ex Ariſtotelis Rhetoricis, quos Gallica lingua proin-
de nuper venuſtiſſime expreſſit Caſſander. Cæterum artem hanc ſu-
am ex Ariſtotelicis principiis erutam Theſaurus ſub titulo: *Il Cannoc-
chiale Ariſtotelico, o ſia Idea delle argutezze heroiche, vulgarmente
chiamate Impreſe*, primum Taurini anno 1654 Italice eulgauiſſe,
quod opus deinde Romani Venerique typi ſæpius & minimum ſexies
iterarunt. In noſtris vero regionibus, quo rari importantur libri Ita-
lici, nec a multis adeo inter doctos leguntur, vulgo ignoratum fuit in-
ſigne hoc opus; ut, dum beneficio & ſtudio Viri cl. *Casparis Corberi*,
humaniorum literarum in Academia Julia Profeſſoris doctiſſimi, ele-
ganter Latine conuerſum nunc primum prodiit, novum illud videri
poſſit. Non igitur ſperamus diuidiæ Lectori fore, ut libri huius, Itali-
cus ſi ſpectetur ortus, paulo vetuſtioris, ſummam & formam paucis pro
inſtituti ratione exhibeamus. Primum erudite Auctor inquiri in no-
mina, quibus Græci, Romani, Itali & Galli argutias ſignificant, & ex
his colligit duo argutiarum genera, alterum in opere & factio, alterum in

in

in verbis positum: quorum illud artem Symbolicam, hoc Lapidariam parit. Vtriusque prolem partusque postquam enumeravit, ad quatuor causarum genera doctrinam artis revocat, & argutiarum primo considerat instrumenta, quorum beneficio formantur argutiæ: videlicet mente, (quam argutiam vocat archetypam) voce, literis, gestu, figura picta vel sculpta, aut modo ex hisce scripto & composito. Deinde causas effectrices argutiarum, seu illas qui fingant pariantque, persecutus, alias refert ad auctorem Deum, veluti sensus tropologicos, allegoricos, anagogicos, quos in sacris literis inveniunt Interpretes; alias ad spiritus vel angelos, veluti oracula, somnia, ostenta; alias ad naturam in admirandis eius operibus, seu ordini ejus consentientibus, seu ab eo aberrantibus, veluti monstris; alias ad animalia, quæ illi videntur argutari, si quid ominosi perficiunt, ut apes ori Platonis insidentes; alias denique, de quibus hic maxime quaeritur, ad hominem, quæ nascuntur vel ab ingenio, vel a furore, vel ab exercitatione. Ingenium a prudentia quomodo differat, & quid intersit inter opera artificialia docta & ingeniosa docet; exempla ingeniosæ & argutæ artis ex architectura, pictura, automatis, optica, & inventione tubi petens. Furoris argutias in affectu, afflatu, entusiasmo divino & poetico, dementia seu ridicula seu atroci, collocat. Exercitatione comprehendit praxin, lectionem, observationem, indicis categorici præsidium, (cui Morhofius quoque multum tribuit) & imitationem, singula præceptis exemplisque copiose illustrans. Quod hic semel admonitum, in cæteris omnibus intelligi volumus: nusquam enim deest vel præceptorum lux, vel selectissimorum exemplorum varietas. Formam artis huius ponit in figuris ingeniosis: figuras vero definit novitate, quadam dictionis ad oblectandum auditorem reperta, quæ vel sensus afficit, unde nascitur figurarum genus harmonicum; vel affectus, unde quædam sunt patheticæ; vel intelligentiam, quas proprie ingeniosas vocat. Harmonicum figurarum genus in periodorum constructione cernitur, quas in concinnas distinguit & rotundas. Concinnitatem in æqualitate membrorum, contraposis, & similiter cadentibus spectat, tabulisque metricis ante oculos ponit. Rotunditatem proficisci docet a dimensione pedum, pulchritudine verborum, & iusta quantitate. Quæ singula quomodo dignoscamus & consequamur, accurate luculenterque tradit. Eodem modo Inscriptiones ob-


servat

servat esse vel concisas vel rotundas: & harum duo profert exempla, alterum avi Augustei, alterum Constantini M. quas acri iudicio inter se contendit. Figuras patheticas nova quadam ratione distribuit in duo genera, quæ vel intellectus operationes, vel animi motus in oratione exprimunt. Vtriusque varias aliisque inobservatas species, & bonorum Auctorum exemplis, & perpetuo quodam suo exemplo, per omnes figuras ducto, comprobat. Ad ingeniosas denique figuras, quibus omnis argutia nititur, accedens, proprii sermonis indolem, prius exponit, & Latinæ atque Italicæ linguæ ætates distinguit, ex quibus de cuiusque puritate iudicari possit. Ingeniosam vero orationem aut Grammatica vocum immutatione niti, cum pro propriis prisca, peregrina, derivata, mutata, composita, ficta adhibentur; aut in significatione peregrina spectari, quam uno verbo appellat Metaphoram, & omnis argutiæ parentem iudicemque agnoscit. Distinguit Metaphoram in vocem, propositionem, & argumentum: de voce autem metaphorica, a qua reliquæ species propullulant, & cuius ea est natura, ut rem alterius rei beneficio velociter significet, primum præcipiens, in octo illam species diducit. Nam res significatur vel similitudine rei, quæ est metaphora *proportionis*, aut nominis, quæ est metaphora *homonymiæ*; vel ex re conjuncta, eaque plana, quæ est metaphora *attributionis*, aut profunda, quæ est metaphora *Laconismi*; vel ex contrario seu re ipsa, quæ est metaphora *oppositi*, seu opinione hominum, quæ est metaphora *deceptionis*; vel denique facilitatem rei cognoscendæ atque adeo suavitatem affectus eius magnitudo, quæ est metaphora *hyperboles*, aut evidentia, quæ est metaphora *hypotyposis*. Singulas porro species distincte futeque persequitur, materiam & exempla cuiusque metaphoræ ad summa genera indicis categorici referens, usumque in variis argutorum operum generibus commonstrans. Pergit deinde ad metaphoras continuatas, seu propositionem metaphoricam, hoc est allegoricam; eamque collectis secundam seriem categoriarum simplicium vocum, quæ inter se transferuntur, proprietatibus facile pertexi posse, exemplo Rosæ & Reginæ describendæ ostendit. Argumentum denique metaphoricum, in quo sita sit præcipua vis argutiarum, decem exemplis propositis, in fallacia quadam & cavillatione positum observat; quæ differat a Dialectica, quod sit urbana, hoc est, in alia prorsus versetur materia, ad ali-

K k

um

um finem referatur, & alia figura ac forma induatur. Rationem fabricandi enthymematis arguti facit triplicem, ut vel arguta rei propositæ afferatur ratio, vel argutum aliquid consequens ex ea derivetur, vel animadversio quædam mirabilis subiiciatur. Cum vero Hispani argutam quandam concionandi rationem in Italiam invexerint; istam quoque præceptis suis contineri ostendit, & per singulas species metaphoriæ thema concionatorium argute & ingeniose tractare docet. Forma argutiarum hoc modo late exposita, finem quoque earundem & materiam attingit; eosdemque esse argutiarum fines, qui sint Rhetoricæ, ut vel ad deliberandum, vel ad demonstrandum, vel ad iudicandum pertineant; hisque tribus generibus omnem earum materiam quoque contineri demonstrat. Affert deinde theoremata practica duodecim, quæ exemplo perpetuo apud electos incluxit arguta enthymemata condere & formare docent. His in universum de omni argutiarum genere expositis, speciatim agit de ridiculis & inscriptionibus: & ridiculum in deformitate physica vel morali, sed innoxia, situm esse ostendit, eiusque gratiam ab aliqua metaphora proficisci, exemplo thematis ridiculi, per omnes metaphorarum species variati, ostendit. Inscriptiones vero argutas conciso stilo, qui plurimum differat ab oratorio, conscribendas esse monet; & elogium Ciceronis de legione Martia, & Taciti de Galba, in formam inscriptionis redigit, illud quibusdam detractis mutatisque, hoc nullo verbo mutato. Hinc transit ad Symbolicam artem, quæ in figura & facto exhibet argutias, eiusque totidem esse species, quot argutiarum verbalium, & ex eodem metaphoriæ fonte promanare, exemplis e quaque metaphoriæ specie derivatis demonstrat. Primum vero exquisitæ & *κατὰ ἀρχαίας* philosophicam agit de argutiis heroicis, perfectissima symbolorum specie, quæ Itali vocant *imprese*; quorum naturam & formam postquam investigaverat, una & triginta legibus ea circumscribit, & ad has celeberrima quæque symbola examinat: cumque aulicum exacte istis respondere deprehendat, captum humani ingenii excedere pronunciat, ut omnes symboli heroici perfectiones dotesque, assequatur. Subiicit deinde peculiarem de Emblematis tractationem, in quibus excolendis summam laudem tribuit Alciato; suæque ipsius emblemata in statuas horti Raconisii signum aliquod cœleste exhibentes profert. Reliqua symbola in facto posita, veluti saltationes persona-



sonatas, ludos equeſtres, tragœdias, comœdias &c. breviter definit, & quomodo ex his inter ſe mixtis, veluti facta quadam inſitione, novæ ſpecies produci poſſint, admonet, & poſtremo thema quoddam in omnes argutias tam verborum quam ſymbolorum convertens, colophonem operi imponit.

DE METHODO ARCUS CURVÆ PARABOLICÆ
inter ſe comparandi, per D. T.

Cum hoc in argumento, niſi quis genuinam ſequatur methodum, proclive ſit in magnas incidere prolixitates, hac vice oſtendam, qua ratione, eaque ſatis facili, comparatio illa inſtituenda, & qua via huc uſque in hac re progreſſus fuerim.

Sit A R S T V Parabola, cujus ſemilatus rectum AC, & Hyperbola C F I L N, cujus aſymptotos AM; factis reliquis, quæ TAB. VI. erudito Lectori ex ipſa figuræ inſpectione manifeſta ſunt, notum eſt Fig. 1.
(1) ſi fiat, ut AD ad AG, ita AK ad AM, ſpatia FDGI & LKMN ſemper æqualia, adeoque infinita ſpatia reperiri poſſe æqualia aſſumpto FDIG; id quod methodo Cavalleriana facillime demonſtratur. (2) Rectangulum ex AC in arcum Parabolicum RS æquari ſemper ſpatio hyperbolico FPQI. Unde efficitur, quia aſſumptis arcibus Parabolicis, RS, TV, menſuræ ſpatiorum P F I Q & W L N O inveniri, atque ex his cognitis porro ſola additione & ſubtractione ſpatiorum rectilinearum derivari poſſunt ſpatia FDGI, LKMN, æquationem hanc elici poſſe, ejusque ope, ſi ex eadem arcus RS & TV tollantur, Geometrice determinari, quid in determinatione arcuum Parabolicorum datam ad ſe invicem rationem habentium poſſibile ſit aut impoſſibile.

Sic ergo AB = BC = a, AD = b, AG = c, DF = d,
GI = e, AK = f, AM = g, KL = h, NM = i,
RS = x, TV = y, ſitque brevitatæ cauſa 2aa = kk,
& AC = k.

Poſito primum, arcum RS ad TV eſſe, ut 1 ad 2, reperitur FDGI
 $4kx - cc + 2ce + bb - 2bd - dd + ee,$ & LKMN =

$$\frac{8kx - gg + 2gi + ff - 2fh - hh + ii.}{4} \quad Kk \quad \text{Quæ}$$

Quibus positis æqualibus, statim adparet, x tolli non posse, siue dupla siue alia quæcunque ratio assumatur. Id ergo cum impossibile sit, si unum spatium $L K M N$ assumatur, ex sola inspectione figuræ liquet, id multo minus esse possibile, si spatia $L K M N$ dupla, aut in data ratione, ut r ad s assumantur; quoniam spatia $W L N O$ continue fiunt majora. Quo perspecto non duxi operæ pretium, id calculo experiri ulterius: sed dudum est, quod hanc disquisitionem seposui, vix illam in memoriam revocaturus, nisi nunciatum mihi fuisset, rem ab alio Geometrice determinatam esse. Cum vero certus quoque essem de methodi meæ universalitate, per quam idem indagare possem, quidquid aliâ methodo alius investigarit, ad manus summi disquisitionem sepositam, positisque calculis denuo reperi, verissimum esse, quod olim asserueram, absolute impossibile esse, ut inveniatur arcus Parabolicus, a vertice remotior, qui ad arcum alium vertici propiorem datam habeat rationem, sine data Hyperbolæ Quadratura. Porro autem universaliter sumens, ut r ad s , sic figura $F D G I = \frac{4 k x - c c + 2 c e + b b - 2 b d - d d + e e}{8 k x - e g}$ ad figuram $L K M N =$

$$\frac{4}{+ 2 g i + f f - 2 f h - h h + i i} \text{ inveni } 4 r k x = 8 s k x \text{ \& proinde}$$

$r = 2 s$, ut sublato x oriatur æquatio inter solas cognitās, quæ, cum nihil absurdi contineat, indicio est, Geometrice rem determinari posse. Non diffiteor, me miratum primum fuisse, quomodo hæc cum priori mea positione possent consistere: statim tamen ex constructione, quæ facilis admodum est, perspexi, arcum $T V$ debere includere arcum $R S$, si ille hoc major sit, aut si plures assumantur, nonnullos in unum latus, reliquos in alterum cadere debere, de quo casu fortassis nunquam cogitarem, nisi hæc occasio ad reiterandum data fuisset calculum, qui ad hanc rem manu quasi me reduxit. Non ero prolixus in his ulterius explicandis. Si enim nullus possit dari arcus a vertice remotior, qui in data sit ratione ad illum, qui vertici propior, ut supra ostensum, necesse est, ut major minorem includat. Hæc autem publice ideo commemoranda duxi, quoniam hæc via facilis admodum est, nec prolixum calculum requirit: unicum hoc adjiciens, methodum hanc meam particularem esse, & ad solam parabolam accom-

commodatam, sed præsto tamen esse mihi aliam methodum, paulo profundius latentem, & ab hac plane diversam, cujus ope non solum arcus curvæ Parabolicæ, sed quarumvis curvarum, quantum equidem possibile est, comparari possunt; meque eandem, quamprimum ea, quæ ad ipsam pertinent, ad perfectionem erunt deducta, cum publico communicaturum.

JOH. BERNOULLI INVESTIGATIO ALGEBRAICA

arcuum Parabolicorum assignatam inter se rationem habentium.

*Demonstratio Isochronismi Descensuum in
Cycloide &c.*

JAm diu est quod novimus extensionem curvæ parabolicæ & quadraturam spatii hyperbolici mutuam connexionem habere; novimus etiam areas hyperbolicas inter asymptoti applicatas secundum progressionem geometricam procedentes esse æquales; quod pariter intelligendum de ipsis segmentis hyperbolicis, quibus illæ areæ a trapeziis rectilincis deficiunt, sunt enim etiam hæc trapezia rectilinea inter se æqualia. Unde non difficulter ad assignatam aream hyperbolicam inter asymptoti applicatas comprehensam inveniri potest alia hujusmodi area in data ratione.

Quod si igitur portiones curvæ parabolicæ in eadem essent ratione cum istis areis, oppido factum haberemus quod quærimus, hoc est a dato quovis in parabola puncto in promptu esset statim rescare arcum, qui haberet ad alium datum rationem datam. Verum enim vero portiones curvæ parabolicæ licet generaliter dicantur per quadraturam hyperbolæ rectificari, non tamen istis areis inter applicatas asymptoti proportionari possunt, sed aliis areis comprehensis inter applicatas axis conjugati: aut hæc areæ ut alteræ illæ inter se æquari nō possunt, nisi binæ tantum, & quidem similiter ultra citraque axem sumtæ, unde etiam contingit, ut impossibile sit dato arcui parabolico alium æqualem sed dissimilem abscindere, hoc enim si fieri posset, ipsam quoque rectificationem parabolæ, hyperbolæ quadraturam post se traheret. Hinc etiam accedit, quod etiamsi ratio data sit inæqualitatis, non tamen a quovis in parabola ad libitum assumpto puncto rescari possit arcus quæ situs; sed id ipsum punctum per constructionem demum sit determinandum.

Ut igitur modum invenirem comparandi arcus parabolicos, in ratione data quavis inæqualitatis; vidi quidem per facile, areas illas hyperbolicas super axe conjugato esse prius in data ratione sumendas, sed hoc ipsum est quod aliquid laboris & industriæ requirere videbatur. Qua tamen via Algebra duce sola (hic enim methodus differentialis aliave infinitesimalis nihil omnino præstat) redditus fuerim voti compos, calculi quem inivi capita principaliora indicabo.

TAB. VI.

Fig. 2.

Esto (fig. 2) Parabola CAN, cujus axis AX, semiparameter AD; inque ea arcus datus BC, ad quem assignandus sit alius MN rationem habens datam n ad 1. Ducta normali RA δ , centroque A & semiaxe AD descripta hyperbola æquilatera IDZ; erit, cum notum est, rectangulum sub AD & arcu parabolico quovis BC æquale areæ seu trapezio hyperbolico correspondenti HRSI; quod nimirum continetur inter applicatas axis conjugati HR, IS: hoc est, arcus parabolici BC, MN sunt ut correspondentia trapezia hyperbolica RI, α Z. Res itaque eo recidit, ut dato RI determinetur aliud α Z, quod se habeat ad illud ut n ad 1, id quod sic efficio.

Ductis asymptotis AG, AT & ad eas applicatis DE, HF, IG, intelligantur AK, AL, AQ, AT continue proportionales in ratione AF ad AG: palam est quod ductis applicatis KV, LW, QY, TZ non solum trapezia hyperbolica KW, LY, QZ tam inter se quam ipsi trapezio hyperbolico FI sint æqualia: sed etiam ductis subtentis IH, VW, WY, YZ, ipsa segmenta hyperbolica VW, WY, YZ sint inter se & ipsi segmento IH æqualia: ideoque si sumantur tot continue proportionales AK, AL &c. quot sunt unitates in $n + 1$, erit numerus segmentorum inter V & Z $= n$: & proinde summa segmentorum VW + WY + &c. est ad segmentum HI ut n ad 1. Jam vero si prima continue proportionalium AK sumatur debite magnitudinis, ita ut demissis applicatis ad axem conjugatum VA, WB &c. summa trapeziorum rectilineorum α W + ζ Y + &c. seu polygonum rectilineum α VWYZ δ sit ad trapezium rectilineum RI ut n ad 1, (quod utique fieri potest, quamvis trapezia rectilinea α W, ζ Y, &c. inter se non sint æqualia; sufficit enim quædam majora esse, quædam minora, ut ita per compensationem simul omnia toties præcisè contineant ipsum RI, quoties n continet unitatem) hoc inquam si ita factum sit; manifestum est aream hyperbolicam VZ δ α seu sum-

mm

nam trapeziorum hyperbolicorum $\alpha W + \zeta Y + \&c$, fore ad trapezium hyperbolicum RI ut n ad r : est enim totum ad totum, seu polygonum rectilineum $\alpha VWYZ\delta$ ad trapezium rectilineum RI , ut ablatum ad ablatum, seu ut summa segmentorum $VW + WY + YZ$ ad segmentum HI ; utrobique nempe ut n ad r : ergo etiam reliquum ad reliquum seu trapez. hyperb. RI , & per consequens arcus parabolicus MN ad arcum parabolicum BC , datam habebit rationem n ad r . Id unicum igitur intendendum est, ut determinetur punctum K : in hunc finem voco cognitae DE seu $AE = a$, $AF = b$, $AG = c$; in-

$$\text{cognitam } AK = x; \text{ erunt } AL = \frac{cx}{b}, AQ = \frac{cex}{bb}, AT = \frac{c^3x}{b^3}, \&c.$$

$$\text{reperietur autem } \alpha V = x \sqrt{\frac{1}{2}} + \frac{aa}{x} \sqrt{\frac{1}{2}}, \zeta W = \frac{cx}{b} \sqrt{\frac{1}{2}} + \frac{aab}{cx} \sqrt{\frac{1}{2}},$$

$$\gamma Y = \frac{cex}{bb} \sqrt{\frac{1}{2}} + \frac{aabb}{cex} \sqrt{\frac{1}{2}} \&c. \text{ Item } A\alpha = x \sqrt{\frac{1}{2}} - \frac{ac}{x} \sqrt{\frac{1}{2}},$$

$$A\zeta = \frac{cx}{b} \sqrt{\frac{1}{2}} - \frac{aab}{cx} \sqrt{\frac{1}{2}}, A\gamma = \frac{cex}{bb} \sqrt{\frac{1}{2}} - \frac{aabb}{cex} \sqrt{\frac{1}{2}}, \&c. \text{ ideoque}$$

$$\alpha V + \zeta W = \frac{cx + bx}{b} \sqrt{\frac{1}{2}} + \frac{aac + aab}{cx} \sqrt{\frac{1}{2}}, \zeta W + \gamma Y = \frac{cex + bcx}{bb}$$

$$\sqrt{\frac{1}{2}} + \frac{aabc + aabb}{cex} \sqrt{\frac{1}{2}}, \&c.$$

multiplicatis respective per

$$A\zeta - A\alpha (a\zeta) = \frac{cx - bx}{b} \sqrt{\frac{1}{2}} + \frac{aac - aab}{cx} \sqrt{\frac{1}{2}}, A\gamma - A\zeta (\zeta\gamma) =$$

$$\frac{cex - bcx}{bb} \sqrt{\frac{1}{2}} + \frac{aabc - aabb}{cex} \sqrt{\frac{1}{2}}, \&c.$$

provenit,

cc--

$$\frac{cc - bb}{abb} \cdot xx + \frac{aacc - aabb}{bc} + \frac{cc - bb}{2ccxx} a^4 = aV + cW \text{ in } aC = 2 \text{ trpz.}$$

$$\text{rectilin. } aW, \frac{c^4 - bbcc}{2b^4} \cdot xx + \frac{aacc - aabb}{bc} + \frac{bbcc - b^4}{2c^4xx} a^4 = cW$$

$$+ \gamma Y \text{ in } c\gamma = 2 \text{ trpz. rectil. } cY, \frac{c^6 - bbcc^4}{2b^6} \cdot xx + \frac{aacc - aabb}{bc} = +$$

$$\frac{b^4cc - b^6}{2c^6xx} a^4 = \gamma Y + \delta Z \text{ in } \gamma\delta = 2 \text{ trpz. rectilin. } \gamma Z,$$

$$\frac{c^{2n} - bbcc^{2n-2}}{2b^{2n}} + \frac{aacc - aabb}{bc} + \frac{b^{2n-2}cc - b^{2n}}{2c^{2n}xx} a^4 = du-$$

plo ultimi trpz, rectilin.

His omnibus in summam collectis (quod commode fieri potest, omnes enim primi termini, ut & omnes ultimi constituunt progressionem geometricam, cujus numerus terminorum est n , medii vero faciunt seriem æqualium) habebitur adhibendo vulgares regulas pro summandis progressionibus geometricis.

$$\frac{c^{2n} - b^{2n}}{2b^{2n}} \cdot xx + \frac{naac - naabb}{bc} + \frac{c^{2n} - b^{2n}}{2c^{2n}xx} a^4 = 2 \text{ sum.}$$

trpz. rectil. = 2 polyg. rectil. $aVWYZ\delta$: sed multiplicando $RH + SI$ per RS prodibit duplum trapezii rectilinei RI , =

$$\frac{cc - bb}{2} + \frac{aacc - aabb}{bc} + \frac{cc - bb}{2bbcc} a^4; \text{ \& secundum ea quæ su-}$$

pra dicta sunt, trpz. rectil. RI est ad polyg. rectil. $aVWYZ\delta$, ut

$$1 \text{ ad } n, \text{ hoc est } \frac{1}{2} + \frac{1}{bc} + \frac{1}{2bbcc} a^4$$

debet

$$\text{debet æquari } \frac{c^{2n} - b^{2n}}{2b^{2n}} \times x + \frac{n a a c c - n a a b b}{b c} + \frac{c^{2n} - b^{2n}}{2c^{2n} x x} a^4$$

quibus reductis pervenietur ad hanc æquationem quadratam

$$\frac{c^{2n}}{x} + \frac{n c^{2n} b^{2n} + n a^4 c^{2n-2} b^{2n-2}}{c^{2n} - b^{2n}} \times x = \frac{a^4 + b^{2n}}{c c - b b}$$

Sumta itaque AK = radici hujus æquationis x, factoque ut bⁿ ad cⁿ ita AK ad AT, determinabunt applicatæ KV, TZ puncta V & Z, ex quibus educatæ axi parallelæ VM, ZN auferent ex parabola arcum optatum MN, qui scilicet ad arcum expositum BC rationem obtinebit datam n ad 1. Q. E. F.

Quod notatu dignum hic venit, atque mihi ad longe operosiorum calculum ab initio animum præparanti supra vorum tamen & expectationem successit, est, quod trapezia rectilinea a W, G Y, &c. formaverint tres progressionibus indefinite summabiles; si enim alia prodissent a geometricis diversæ & non indefinite summabiles (quod facillime accidere potuisset, si pro incognita alia quævis quam AK accepta fuisset) problema sane per unam & generalem æquationem pro numero indefinito n solvi non potuisset, sed pro singulis numeris iisque integris & rationalibus duntaxat, singulares semper de novo æquationes fuissent querendæ, magis minusve compositæ pro re nata. Hoc vero incommodum opportune sublatum est progressionibus illis geometricis; adeo ut pro numero n non solum numerum integrum, sed & fractum surdumve quemvis substituere possimus in æquatione generali, quæ ideo tamen nunquam supra quadratam ascenderet, unde problema in omni casu est planum. Suppono autem datarum b & c etiam datas esse potestates bⁿ & cⁿ quarum quidem ratio si n sit numerus surdus, haberi non potest nisi mediante Logarithmica.

Dixi supra, non posse citra ipsam rectificationem parabolæ inveniri duos arcus æquales & dissimiles. Jam dico porro, si ratio data 1 ad n sit inæqualitatis, arcum majorem debere intra limites suos complecti minorem; seu extremitatem unam M majoris fore vicinioræ vertici A, quam extremitatem minoris B, alteram vero majoris extre-

L I m it a -

mitatem N, ab eodem A remotiorem fore, quam minoris alteram extremitatem C: Id est, si intelligantur BO, CP normales ad axem AX, cadet necessario arcus OP, qui utique ipsi BC est æqualis, totus intra MN. Quod si quis se habere putet aliam methodum, quæ aliud doceat, per quam scilicet arcus minor BC vel OP sive totus sive pro parte extra majorem caderet, sciat ex hoc solo aut absolute eam esse fallacem, aut inventam se habere quadraturam hyperbolæ, hæcenus frustra quæsitam.

Quod superest, ex iisdem fundamentis, quibus hic usus sum, potest etiam solvi sequens: *Datis duobus, tribus pluribusve arcibus parabolicis discretis, assignare alium arcum continuum omnibus illis simul sumtis æqualem.* Memorabile quoque est, quod quamvis omnis arcus parabolicus rectificationem recuset, possit tamen inveniri arcus, qui datum alium arcum excedat vel ab eodem deficiat excessu vel defectu rectificabili. Hujusmodi alia multa omitto.

Hæc jam jam dimissurus accipio D. L. H. Tractatum Mechanicum A. 1695 Parisiis impressum, quem aperiens fortuito incidi in propositionem 120, ubi demonstrare nititur *Antbor* Isochronismum in Cycloide ab *Hugenio* primo inventum. Posteriora tantum hujus demonstrationis verba legens vidi eum concludere, tempus descensus per Cycloidem esse duplum temporis descensus per Diametrum verticalem circuli generatoris; hoc autem cum absolute falsum scirem (ipso quippe *Hugenio* jam demonstrante, tempus per Cycloidem sese habere ad tempus per Diametrum, in ratione semicircumferentiæ circuli ad Diametrum) animum incescit, explorare unde gravis iste error originem traxerit.

Hanc itaque ut detegerem, demonstrationem memoratam (quam alias, quod de propositionis veritate diu ante persuasus essem, forsitan nunquam legissem) legere cœpi, sed ulterius progredi non erat necesse, quod in ipso statim limine deprehendi anguem in herba non latentem sed patentem. Concludit enim positis quoruncunque & quibuscunque analogiis $a, b :: c, d \mid m, n :: p, q \mid r, s :: t, u$ fore aggregatum omnium primarum $a + m + r$ ad aggregatum omnium secundarum $b + n + s$, ut aggregatum omnium tertiæ $c + p + t$ ad aggregatum omnium quartarum $d + q + u$; quod num verum sit, judicent alii. Hoc saltem dico, quod si id verum esset, circulus, hyper-

hyperbola & nulla non figura foret quadrabilis, & nulla non curva, rectificabilis: mirabile quoque compendium nobis subministraret investigandi dicto citius tempus descensus per quamcunque curvam; foret enim semper, secundum ratiocinium *Autoris*, tempus per curvam ad tempus per altitudinem ejus verticalem, ut ipsa curva ad ipsam altitudinem.

Ex dictis liquet quanto consultius fecisset, nudam allegasse propositionem nobilissimi hujus inventi, & Lectorem remisisse ad demonstrationem *Hugenianam*. Quod si vero *Hugeniana* licet legitima, sed ob multarum propositionum farraginem & perplexitatem non arrisit, laudo propositum succinctiorem tradendi, modo tradidisset genuinam. Qua in re cum a scopo multum aberraverit, hic ego vices ejus supplebo, demonstraturus brevissime simul ac perspicue, quod in Cycloide cujus axis ad perpendicularum erectus est, vertice deorsum spectante, tempora descensus quibus mobile a quocunque in ea puncto dimissum, ad punctum imum verticis pervenit, sunt inter se aequalia. Sit (Fig. 3) Cyclois FDC, cujus axis AD, circulus generator ABD; dico tempus per quamvis portionem GMD fore æquale tempori per integram semicycloidem FED. Concipiatur DG divisa in partes indefinite parvas Mm, ut & DF in alias numero æquales Ee; unde erit partium una in DF, ad partium unam in DG, ut ipsa DF ad DG; assumantur jam ex illis partibus duæ homologæ Mm, Ee, id est tales quæ secent DF, DG proportionaliter in E, M, ducanturque applicatæ ET, MN, item DB, DO, DL.

TAB. VI.

Fig. 3.

Quoniam igitur per hyp. DF, DE, & DG, DM, sunt proportionales, ergo etiam earum semisses, quæ per naturam cycloidis sunt DA, DB, & DL, DO harumque quadrata sunt proportionalia, id est DA q. DB q. (DA. DT):: DL q. DO q. (DH. DN) dividendo AT. DT:: HN. DN, ideoque AT q. HN q. (seu per naturam gravium descendantium velocitas in E ad velocitatem in M):: DT q. DN q:: DB. DO:: DE. DM:: (per hyp.) Ee. Mm; quoniam itaque velocitas in E est ad velocitatem in M, ut Ee ad Mm, patet quod tempus per Ee sit æquale tempori per Mm, id quod de omnibus aliis portionibus homologis demonstratur, unde tempus per omnes Ee id est per DF erit æquale tempori per omnes Mm id est per DG; ergo descensus per DF & DG sunt isochroni. Q. E. D.

Ll 2

EXPLI-

EXPLICATION DES MAXIMES DES SAINTS,
sur la vie interieure &c.

i. e.

Præcepta Sanctorum de vita interiori explicata a Dn. FR. DE SALIGNAC FENELON, Archiepiscopo Duce Cameracensi &c.

Editio nova.

Amstelodami apud Henr. Wetsteinium, 1698. 12. Plag. 12.

Qui Theologiam, quam mysticam vocant, in Ecclesia Romanensi profitentur, nunquam tot admiratores habent, ut non apud suos quoque quosdam hostes experiantur. Ipse Robertus Bellarminus Cardinalis hoc intellexit, asseruitque, Mysticorum Theologorum hæc esse fata, ut sublimiores eorum loquendi formulæ laudentur ab aliis, ab aliis vituperentur, cum in diversum plerumque trahi possint sensum. Idque suo hodie exemplo comprobatur Reverendissimus Archi-Episcopus Dux Cameracensis *Franciscus de Salignac Fenelon*. Quam enim edidit explicationem sententiarum, quibus viri sanctitate inelyti usi sint, de vita interiori, tantum abest, ut omnibus sese probaverit, ut potius celeberrimi Galliarum Præsules, *Ludovicus Antonius de Noailles* Archiepiscopus Parisiensis, *Jacobus Benignus Bossuet* Episcopus Meldensis, & *Paulus de Godet des Marnis* Episcopus Carnotensis, edita declaratione nonnulla atro in ea notaverint carbone. Lis hinc exortum plurimum jam celebratur sermonibus. Galliarum Rex autem, cum eam indies magis magisque gliscere videret, ad Romanum Pontificem, ut ejus judicio atque sententia finiretur, illam deferri curavit. Nos itaque lectoribus nostris haud ingratum fore speramus, si summam libri antea memorati ea, qua decet, fide exhibeamus, quæque in eo reprehendantur, paucis indicemus.

Constitutum nimirum Auctori Illustrissimo est, cuncta Mysticorum effata, ad *amoris*, ut vocat, *puri* fontem revocata, ita explicare, ut quid verum rectumque, quid falsum & erroneum sit, luculenter & citra ambages ab omnibus perspicui possit. Quod ut rite efficeret, statim in limine varios amoris gradus vel species potius constituit. Primo namque, inquit, homines quidam, qui se Deum amare profitentur, non ipsum Deum amant, sed bona & munera varia quæ ab ipso seim-

petra-

petratos sperant. Talis amor Judæorum carnalium fuit, Deum colentium, ut eo largiores terræ proventus consequerentur. Hunc amorem *pure servilem* vocat. Nonnulli Deum quidem ipsum amant, sed ut instrumentum saltem & medium suæ felicitatis, ita ut ad se ipsos ceu ultimum finem cuncta referant. Hic amor *concupiscentiæ* illi audit. Sunt porro, qui Deum propter ipsum Deum amare incipiunt, simul tamen suæ quoque felicitatis rationem habent, ita ut magis Deum propter suam felicitatem, quam propter ipsum Deum amant. Hinc *amor spæi*, ut Auctor vocat, enascitur. Alii ulterius progrediuntur, Deumque ita amant, ut omnem felicitatem suam illi postponant: non quidem quod hanc quoque non concupiscant, sed quod amorem suæ felicitatis, amoris quo Deum solum propter Deum ejusque gloriam amant, subiciant. Longe perfectior quidem iste amor est, quam hactenus enumeratæ species: imperfectus idem tamen & impurus adhuc, si conferatur cum purissimo amore, de quo mox dicitur; hinc Auctori semper *amor impurus* audit. Nonnulli denique Deum amant tantum quia amore dignus est, nulla proprii commodi exinde ad se redundaturi ratione, nullaque aut æternæ aut temporalis felicitatis spe adducti. Hæc est perfectissima amoris species, Auctori *amor purus* salutatur.

Hiscæ itaque præmissis asserit, amorem concupiscentiæ utpo- **Artic. L**
 te plane mercenarium, Deo placere non posse, cum ejusmodi homo non Deum, sed seipsum amet: posse tamen per eum hominem ad veram justitiam consequendam (utitur stilo Romanensis Ecclesiæ) quodammodo præparari, si per eum pravis cupiditatibus utcumque frenum injiciatur. Sed ab hoc amore sedulo & summa circumspectione secernendum esse eum amorem, in quo nostris commodis deus anteponeatur. Damnat itaque & rejicit illorum sententiam, ut decretis Concilii Tridentini contrariam, qui & istum amorem, quo quis suam felicitatem amat, sed ita ut Deum commodis suis præferat, homine pio & sancto indignum pronuntiant, proculque facessere jubent, & per amorem concupiscentiæ homines ad sanctitatem quodammodo præparari inficias eunt. Ex eodem autem fundamento **Art. II.**
tres status justorum, quorum subinde apud ejusmodi Scriptores injicitur mentio, derivat. Nimirum qui Deum præcipue quidem amant, sed ut suæ quoque felicitatis suorumque commodorum habeant ra-

tionem, in duplici constituti sunt discrimine: apud nonnullos aniori puro admixtus est timor aliquis, ne incommodum aliquod accipiant: apud alios spes felicitatis obtinendæ huic amori adhæret. Illi primum iustorum ordinem constituunt, in quibus adhuc est spiritus servitutis: hi secundum, de spiritu mercenario adhuc participantes. Sed ad tertium pertinent, qui pure amant, indeque filiorum nomen titulumque promerentur. Tres hæc statibus decantatas in scholis Mysticorum vias, *purgationis, illuminationis & contemplationis* respondere docet. In via purgationis homines non tantum amore Dei, sed & metu pœnarum infernalium concitados, debellare vitia: in via illuminationis in studio virtutum eos proficere, hinc amore Numinis, inde spe felicitatis obtinendæ eos quodammodo impellente: in via contemplationis autem sive unionis, nec filialem amorem, nec spem, quæ filios Dei deceat, cessare quidem, interim homines tantum puro amore adductos recte agere, virtutibusque operari. Fatetur itaque, in hominibus pure Deum amantibus, & timorem filialem & spem esse, sed pure, non habita ulla ratione commodi proprii, h. e. ut non aliam ob causam aut timeant aut sperent, quam quia hoc Deus iussit, ejusque voluntati istud est conveniens. Hinc si supponant ejusmodi homines cum Augustino aliisque, quod tamen plane fieri nequit, Deum velle animas suas annihilare, aut æternis cruciatibus affligere, non minus tamen Deum amatu-ros, quam cum persuasi sunt, se æternæ felicitatis aliquando participes fore. Hæc ut recte dici putat, ita rejicit contra illorum sententiam, qui dicunt, hominem per amorem purum ne velle quidem ulla ratione præmium, quod ipse Deus est, nec timori, nec spei in illis

Art. III. locum superesse, & id genus alia. Tantum autem abest, ut omnibus ad purum amorem ceu summum & perfectissimum gradum ex sententia Auctoris adspirare liceat, ut paucis concessum sit adire Corinthum, multique sanctissimorum virorum ad eum non pervenerint. Unde & rursus eos damnat, qui omnes promiscue ad istum amorem perducendos contendunt, istum autem amorem, cui impuritatis aliquid adhuc adhæret, ut indignum homine sancto rejiciunt. Ceterum si quis ad istum amoris gradum pervenerit, in eo nihilo secius spem & amorem distinctas esse virtutes. Licet enim sine convenient, cum ejusmodi homo nec amet aliam ob causam, quam quia Deus hoc vult,

nec

nec speret aliam ob causam, quam quia Deus vult: nihilo feciustamen aliud esse objectum formale amoris, bonitatem scilicet Divinæ Numinis absolute & in se spectatam; aliud objectum formale spei esse, bonitatem scilicet Numinis relate & quoad nos spectatam, & quidem prout difficulter obtineri potest, atque hoc ad distinguendas a se invicem hasce virtutes sufficere. Damnat itaque eos, qui spem cum amore puro consistere posse abnuunt.

Art. V.

Quid resignatio sacra & indifferentia sacra in scholis Mysticorum sibi velint, hinc itidem luculenter exponit. Nimirum per resignationem sacram homo felicitatis suæ cupiditatem voluntati Numinis subjicit, ut felicitatis quidem desiderio teneatur, sed tamen ut nihil concupiscat, quod voluntati divinæ adversetur. Indifferens autem nihil amplius suæ felicitatis aut sui commodi causa concupiscit, sed simpliciter & pure omnia ea vult, quæ Deus vult. Vult itaque æternam felicitatem, non quod sui commodi causa istam desideret, sed quoniam novit Deum velle, ut ejus particeps fiat. Perperam itaque & improbe eos sentire ait, qui per indifferentiam sanctam homines nihil plane velle, ne ea quidem, quæ Deus piis impertire decrevit, ut æternam felicitatem, autumant.

Art. VI.

Ut autem juxta Auctorem omnino desideria hominum pure Deum amantium, quibus ea desiderant, quæ Deus vult, eorundemque preces, quibus itidem a Deo ea petunt, quæ ipsius voluntati sunt convenientia, ex sancta hac indifferentia procedunt: ita neutiquam miraculosam & extraordinariam inspirationem secum conjunctam habet. Adeoque docente porro Auctore, cum homines pure Deum amantes, non aliis inspirationibus aut afflatibus Divinis gaudeant, quam qui omnibus piis sanctisque communes sunt, nisi manifestis documentis comprobetur rem se habere: non possunt quoque aliam actionum suarum regulam constituere, quam verbum Divinum. Errare ergo eos pronuntiat, qui homines pure Deum amantes & ex sancta indifferentia agentes, lege scripta velut solutos esse docent, suosque motus ex miraculosa inspiratione ortos eeu normam & regulam suarum actionum eos sequi posse. Si magnæ spiritualesque tentationes accedant, indifferentia ista sancta vocari solet *derelictio* (*abandon*) qua anima se totam, quantum ad commoda propria, Deo permittit: estque revera, judice Auctore, nihil aliud quam *abnegatio sui ipsius*. Istæ autem tentationes extremæ, de quibus apud Mysticos multus sermo est,

Art. VII.

Art. VIII.

est,

est, ut eo tendunt, ut anima magis magisque purgetur: ita sedulo cavendum monet, ne vulgaris tentatio statim pro suprema ista habeatur. Idque tum illis qui facile sibi persuadent, se ejusmodi tentationibus affligi, tum conscientiarum directoribus, sedulo esse observandum. Damnat autem eos, qui in ejusmodi tentationibus nec amori, nec reliquis virtutibus locum concedunt, nec aut tentatorum, aut directorum conscientiarum officia justis hic limitibus circumscribunt.

- Art. IX.** Animam tamen in hisce tentationibus constitutam neutiquam a Deo deferi, fidei quoque explicitæ, spei, ceterarumque virtutum non esse, expertem: utut suavitatem, quam ceteroquin ex virtutum exercitio percipere solebat, non sentiat, nec ex actibus mentis reflexis certior reddatur, se, quod sui officii erat, sincere & bona fide præstitisse. Actus tamen mentis directos, veros utique esse, virtutesque omnes in anima producere, utut anima vix sentiat se eas edere: atque hanc esse eam operationem mentis, quam Franciscus de Sales *apicem mentis* appellat. Rejicit ergo illorum sententiam, qui animam in hoc statu omnium virtutum expertem, certitudine conscientiarum destitutam, nec directos quoque actus edere statuunt. Docet porro, cum Deus piis omnibus sanctisque vitam æternam promiserit, nefas esse credere Deum velle, ut aliquis æternum miser sit. Animas itaque se ceu victimas Deo offerentes, paratasque Deum amare etiam si æternum excruciantur essent, nunquam absolute deduci nequeat, ponere, ac si dicerent: amabo te Deus, etiam si me æternis cruciatibus adjudicares. Fieri tamen posse, ut, si extrema tentatio accedat, anima peccatorum suorum conscia, eorumque scditatem sibi sistens, plane sibi persuadeat, se æternum damnatum iri, simul tamen constans propositum Deum nihilo secius amandi retineat. Et tum quidem directorem recte facere, si animam persuasioni justæ condemnationis & reprobationis tantisper acquiescere patiatur, nec rationibus ad aliam sententiam eam transducere laboret, donec tentatio cesset. Sed ut sua sponte & libere aliquis hoc sibi persuadeat, summum esse nefas. Legis veteris & novæ inter alia quoque hoc discrimen statuit, quod hæc non tantum ostendat, quid faciendum omittendumve sit, sed vires etiam conferat, quas ab illa frustra quis expectaverit. Animam itaque sanctam nihil facere posse, nisi gratia divina fuerit adjuncta. Hanc,

si sa-

ſciat, ſequi gratiam, non autem eam præcurrere, quod illi non poſſit non male cedere. Poſſe eandem cooperari cum gratia, ſine ſtrepitu ac tumultu amoris ad proprium commodum ſpectantis, ſed placide: ſine motu, vere tamen. Atq; hoc ſibi velle Myſticos, qui *activitate* ab anima abeſſe volunt. Hoc nomine enim turbidos & inquietos animæ motus, ex amore noſtri commodi ortos, ad bonum tamen finem tendentes, eos intelligere. Qui autem animam non tantum tali activitate privant, ſed omni actione eam deſtitui, nihil cooperari, & mere paſſive ſe habere aſſerunt, turpiter, cenſente Auctore, errant. Nec probat illorum effata, qui animam puro Dei amore flagrantem ſe ipſam revera odiſſe, nullamque ſui curam amplius gerere profitentur. Quin eas ſumma vigilantia & ſtudio ea, quæ ad ſe pertinent, curare ait, non tamen ſuæ felicitatis amore abreptas, ſed ut voluntati divinæ faciant fatiſ. Et ita quoque eas ſeipſas amare. Abnegationem autem & odium ſui ipſius in divinis literis, non hoc ſibi velle, quod ſeipſos nullo modo homines amare debeant: hoc enim impium eſſe, cum inde ſequeretur, animam creaturam Dei quoad eſſentiam malam eſſe, qui Manichæorum olim error fuerit. De actibus mentis directis atque refle-

Art. XII.

xis poſtquam iterum nonnulla monuit, docet, in extremis iſtis tentationibus, ad animam purgandam, partem ejus inferiorem a ſuperiori ſeparari, ita ut in hac quoad intellectum & voluntatem pax & quies & ſumma tranquillitas eſſe poſſit, cum eodem tempore in illa, quoad ſenſus & imaginationem ſit conturbatio, dolor, anxietas. Atque hujus rei exemplum ipſum Chriſtum Servatorem cruci affixum nobis præbere. Hæc quamvis ita ſe habeant, addit tamen, quoad partem inferiorem animæ nihil committi, cujus ratio a ſuperiori quoque exigi nequeat; cum hæc ſeparatio neutiquam eo uſque extendenda ſit, ac ſi pars animæ inferior partis ſuperioris imperio plane amplius obnoxia non ſit. Ut ergo non probat illos, qui actiones a parte inferiori eum commiſſas nemini imputari poſſe putant: ita nec illis ſuffragatur, qui corporis carniſque caſtigations coercitioneſque, ut hominibus ad ſublimiorem ſanctitatis gradum evectis parum utiles, contemnunt. Obſervat porro, ſtudium ſibi ipſi conſulendi ſibi que omnia vendicandi (*proprietate*) duplex eſſe: vel enim homines ita ſibi conſulere proſpicereque, ut divinæ gloriæ voluntatiſque nullam omnino

Art. XIII.

Art. XIV.

Art. XV.

Art. XVI.

Mm habe-

habeant rationem, intolerabilem suam ambitionem hoc ipso prode-
tes: vel contra, eos ira sibi rebusque suis bene cupere, ut tamen præ-
cipue ad divinam gloriam cuncta referant. Optat videlicet ejusmo-
di homo, ut in virtutibus proficiat, præcipue quidem ideo, ut Divini
Numinis inde amplificetur gloria, secundario tamen ut & ipse præ-
mium suæ virtuti respondens accipiat. Quando ergo Mystici scri-
ptores abdicationem studii sibi consulendi (*desappropriation*) com-
mendant, nihil aliud sibi volunt, quam quod per eam anima ita pur-
gari debeat, ut virtutem, sanctitatem, sapientiam neutiquam ideo de-
sideret, ut etiam secundario ullum inde ad se redundet commodum,
sed ut omnia simpliciter ad gloriam Divini Numinis referre discat.
Interim illis, qui studium sibi consulendi posteriori modo acceptum,
non tam imperfectionem, quam vitium atque peccatum esse contem-
dunt, & revera omnes virtutes odiumque peccati ab anima pure Deum

Art. XVII. amante abesse jubent, neutiquam suffragatur. Redit hinc ad tentationes & a communibus extraordinarias sedulo discernendas, nec quæ his

Art. XVIII. solum conveniat, illis afferendam medelam, diligenter inculcat. Cæ-
terum ut voluntas Dei, docente Auctore, alia esse censetur, quando ali-
quid præcipit, alia quando quid permittit: ita monet, non statim pro-
licitis ea esse reputanda, quæ eum permittere credimus, ita scilicet vio-
lenta & physica quadam ratione hæc non impediat. Magnopere ergo
eos errare inde concludit, qui & peccata ea licita putant, quæ hac ra-
tione a Deo non impediuntur, & peccata quoque amant, ut per ea

Art. XIX. purgata anima ad majorem perfectionis gradum evahatur. De præ-
cipibus ita censet, eas quæ ore proferuntur, Deo placere non posse, nisi
mente quoque simul peragantur: quin fieri quandoque posse, ut ex-
pediat sola mente Deum precari, verbis nullis ore prolatis: quod ta-
men omnibus tanto minus imitandum putat, quanto majorem vim,
ad continuandas cum zelo preces ista mentalis oralisque precatationis
conjunctio habet.

Art. XX. De librorum sacrorum asceticorumque lectione
eodem modo judicat. Ad explendum vanum istud, quo multi labo-
rant, sciendi desiderium lecti, parum, inquit, prosunt. Contra
ad excitandam mentem, & alimentum velut quoddam salutare
cogitationibus præbendum multum juvant, si rite tractentur, nec
internæ Spiritus Divini operationi inde forte impedimentum aliquod
afferatur. Non minus quoque, ut in contemplatione caute se gerant
disci-

disciplinæ hujus alumni, monet. A meditatione scilicet contemplationem ita differre, quod illa ratiocinatione peragatur, comiteturque amorem impurum, dum scilicet homo super commodis aut incommodis suis ratiocinando, hinc ad virtutem se ipsum magis magisque incitat: hæc autem, contemplatio scilicet, amoris puri exercitium sit, & in actibus mentis simplicibus, directis, placidis uniformibusque consistat. Licet itaque contemplatio perfectior sit meditatione, hanc tamen Deo non minus gratam esse, adeoque plerisque sanctorum fuisse frequentatam, omnibusque qui ad summum amoris gradum non pervenerunt, commendandam, tantum abest, ut ceu jejuna ac sterilis rejici debeat. Posse autem monet animam ab ista meditatione ad contemplationem progredi, si animadvertat, meditationem non eam amplius utilitatem asserre, quam antea attulerat, & si nullibi, quam in Dei a se pure amati præsentia, quo delectetur, nutriatur, & ad virtutes excitetur, reperiat. Fatetur tamen, posse animam, si conditio ejus hoc exigat, a contemplatione rursus ad meditationem regredi; quin etiam si habitum quoque contemplationis obtinuerit, fieri tamen posse censet, ut eundem rursus, si forte donis divinis non probe fuerit usa, amittat: & tum omnino ad meditationem illi esse recurrendum. Habitum autem istum, qui tamen mutationis non sit expertus, ex amore puro omnes actiones deliberato animo susceptas ad gloriam Dei referendi, esse *perpetuam istam orationem* a Christo & Paulo commendatam, & a contemplatione in hoc inter alia differre, quod hæc per alias virtutes quandoque interruptatur, illa non item. Rejicit ergo illorum sententiam qui contemplationem nunquam interruptam in quibusdam statuunt. Eo ipso autem tempore, quo interruptipitur, virtutes omnes non minori animi tranquillitate exerceri, quam cum contemplationi litat, docet. Sed pergit de contemplatione, ostenditque, eandem negativam esse, dum circa rem, quæ aut in sensus cadit, aut imaginatione comprehenditur, voluntarie non occupatur: positivam contra recte vocari, prout actus simplex, immaterialis & pure intellectualis per eam indigitatur. Occupari tamen, hoc non obstant, istam contemplationem circa essentiam pariter ac attributa divina, quin & circa S.S. Trinitatem, ut & circa humanam Christi naturam, & quæ hinc fluunt mysteria: quæ non tantum probat, sed & secus sentientes graviter redarguit. Quo pacto autem fieri possit, ut tum in primo

Art. XXII.

Art. XXIII.

Art. XXIV.

Art. XXV.

Art. XXVI.

Art. XXVII.

Art. XXVIII.

Mm 2

inci-

- incipientis contemplationis fervore, tum in summis illis tentationibus, distincta, sensibili & reflexa consideratione sive visione Christi anima privetur, uberius hic explicat. Nec prætermittit contemplationem, quam Mystici *passivam* vocant. Quod non ita capiendum monet, ac si anima tum nihil agat, sed quod omnes motus & actus turbidi & inquieti tum ab ea procul absint. Hinc & *orationem silentii & quietis* eam vocari, summæque perfectionis esse documentum: Resellit ergo eos, qui contemplationem quandam pure passivam statuunt, ita ut anima nihil tum revera agat aut cum gratia cooperetur: itemque, qui hanc contemplationem pure infusam, pure gratuitam, nec meritoriam esse docent, eamque pro miraculosa venditant, similique de ea comminiscuntur. Atque eo modo, quo contemplationem passivam explicavit, *statum* quoque *passivum* Mysticorum intelligendam monet: eumque in perpetua quadam contemplatione passiva consistere, aut speciem ecstaticos esse, plane abnuvit. Sed qui in eo constituti sunt, in simplicitate columbarum retinere prudentiam serpentum. Nimirum eos totos quidem sese Divinæ providentiæ permittere, & nullo casu moveri, securosque futurorum esse, ex prudentiæ tamen regulis dispicere quid faciendum, quidve omittendum sit, adeoque prudentia ceu dono Dei recte uti, non sui commodi aut felicitatis causa, sed ut patris sui cœlestis voluntati faciant satis. Ac licet servili metu procul facessere jussu, per filialem libertatem & simplicitatem cuncta agant, caute tamen & circumspecte eos se gerere, nec suas propensiones temere sequi, ne quid, quod nefas sit, admittant. Omnes autem virtutes, quæ ab ejusmodi hominibus exerceantur, ad amorem, ceu caput & fontem ultimum, revocari, quin ipsas virtutes nihil aliud esse quam hunc amorem purum, qui pro diversitate objectorum in varias virtutes abeat. Non ergo concedit, quod nonnulli autumant, ab ejusmodi hominibus virtutes non amplius exerceri, quod amor eminenter
- Art. XXXIV. omnes virtutes in se contineat. Ad alia hinc digrediens, per *mortem spiritualem* purgationem animæ a motibus amoris impuri in ea adhuc residuis: per *resurrectionem spiritualem* ipsum habitum amoris perfecti & puri, ad quem post tentationes spirituales homo pervenit, intelligit. *Transformationis* autem nomine, cujus itidem frequens apud Mysticos mentio, non mutationem naturæ humanæ in Divinam, aut unionem hypostaticam, vel simile quid apud sobrios hujus Theo-

Theologiae cultores indigitari; sed tantum ipsum statum animæ in eminentiori gradu passivum, in quo omnis activitatis & turbidorum motuum amoris impuri expers, lineamenta imaginis Divinæ recipiat, ut hæc in ea exsplendescere incipiat, idque veteres quoque *Deificationem* appellasse. Hunc tamen statum mutari posse docet. Art. XXXVI. Addit porro, animas ita transformatas, formulis & præscriptionibus cultum internum dirigentibus, ut ceteros, non habere opus: interim eos quotidie actus indistinctos contemplationis puræ, & distinctos omnium virtutum, sed placide & tranquille, modo statui, in quo vivunt, convenienti producere. Easdem quoque adhuc peccare posse, Art. XXXVII. tum venialiter, ut in scholis Romanensium loquuntur, tum mortaliter, iisdemque non tantum conducere, sed & plane incumbere, ut peccata Art. XXXVIII. sua confiteantur. Adhærere sæpius hisce animabus, non obstante puritate amoris, certas imperfectiones ex naturæ potius quam voluntatis infirmitate procedentes: per quas ut ut lex Divina non migretur, multum tamen eas inde affigi, Deumque ea ratione ad patientiam, obedientiam superioribus præstandam, aliasque virtutes eas magis magisque excitare. Sed negligentiam supinam in tractandis rebus sacris, officiorum intermissionem, & id genus alia vitia in ea excusari aut tolerari non posse, nec in animam contemplantem aut transformatam cadere, nisi sibi ipsi turpiter illudere velit. Ceterum unitam esse ejusmodi animam cum Deo immediate variis modis, dum scilicet Deum per se, non intercedente proprii commodi ratione, amat: dum eum contemplatur nulla intercedente operatione imaginationis aut ratiocinationis &c. Neutiquam eam cum Deo ita unitam esse, ut nec fidei locus concedatur, nec gratiæ aut muneris mediatorio Christi, aut ut omnes infirmitates plane abesse credantur. Præterea licet per *nuptias spirituales* archissime cum Deo jungatur, ut unus quasi cum eo spiritus censeri debeat, ejusque voluntas voluntati Divinæ plane sit conformis: originalem tamen integritatem eam non recuperare in hac vita, sed & concupiscentiam pravam in ea remanere, nec peccatorum quotidianorum eam esse immunem; quæ tamen non obstant, quo minus summa puritas & perfectio illi tribui possit, cum per ea revera anima non commaculetur. Unionem hanc, ut porro docet, Mystici *essentialem* aut *substantialem* vocant, non quod revera essentialis sit, sed ut indicent, actus amoris puri, in quo hæc unio consistit, æquales

- semper & uniformes esse, atq; ab actibus amoris impuri multum differ-
- Art. XLIII. re. Sed & istud monet, animam transformatam, licet Divino quodam lumine interdum repleatur, cujus etiam sapientissimi expertes sint, præsertim si plus humanæ sapientiæ & eruditionis habeant, quam experientiæ & gratiæ: nihilo secius decisionibus Ecclesiæ & directioni Pastorum, utpote qui ad regendum gregem sibi commissum peculiari-
 Art. XLIV. bus donis instructi sint, eam lubentissime se submittere. Hos ipsos tamen Pastores sanctosque homines arcana disciplinæ mysticæ non promiscue omnibus proponere, cum non omnes ad eam perfectionis gradum perveniant: atque hinc disciplinam hanc arcanam esse, non quod ipsi Ecclesiæ sit aut fuerit unquam ignota, quæ porius semper æperfonuerit constanti traditione, sed quod prudentes Pastores hominum, quibus proponatur, instituunt selectum. Tandem addit, omnes vias interiores etiam eminentissimas nonnisi ad statum habituales amoris puri ducere: simulque sedulo inculcat, magna opus esse cautione, ne nubem prehensimus pro Junone, vanisque illusionibus mens se ipsam decipiat. Sæpius enim contingere, ut multi id se jam consecutos credant, a quo tamen longissime sint remoti: contra ut ab eo prope absint, qui tam prope se abesse sibi non persuadent, quorum certissimus character sit obedientia, quam superioribus præstant. Finit totum opusculum præcipua capita per ἀνακεφαλαίωσιν paucis repetendo.
- Art. XLV.

Nunc quid supra memorati Galliæ Præsules in hocce libro reprehendant, paucis ex illorum Declaratione huic editioni subjuncta indicabimus. Profitentur autem, se ad Declarationem hanc edendam hac præcipue de causa fuisse adductos, quod viderint, Archiepiscopum Cameracensem ad suam sententiam stabiliendam subinde ipsorum auctoritate uti, præcipue autem ad 34. articulos occasione libri, cui titulus, *Moyen court &c.* aliorumque scriptorum, a fœmina Quietismi propugnatrice professorum, ab Archiepiscopo Parisiensi, Episc. Meldensi, & Tronsbano totius Sulpitianæ Societatis Superiori promulgatos provocare. Quod tamen cum perperam faciat, & a doctrina in hiis articulis stabilita plane recedat, ipsi quoque librum Archiepiscopi Cameracensis non probent, publice hoc declarare suam esse partium se judicasse.

Cum primis itaque hoc redarguunt, quod spes Theologiae in libro

bro Archiepiscopi Cameracensis plane tollatur, cum extra statum gratiæ, tum inter perfectos in ipso gratiæ statu. Licet enim id abnuat Auctor, & diserte secus se sentire profiteatur, ex ejus tamen de amore proprii commodi placitis nihil aliud consequi: solam vocem sp̃i hic usurpari, rem ipsam plane everti: quanquam & manifeste secum pugnantia loquatur. Nec probant quod scripserit: *vita æterna desiderium bonum est, sed nihil desiderandum nisi Dei voluntas*; & istud quidem a Francisco Salesio etiam assertum abnuunt, quem minus recte subinde ab Auctore in partes trahi, passim conqueruntur. Affe- runt & alia eo fere collimantia, quibus & istud addunt, itidem ab Auctore prolatum: *sancta indifferentia admittit generalia desideria omnium latentium voluntatum Dei*; quibus voluntatibus, inquirunt, etiam reprobationis & aliorum & suæ decreta continentur, & desiderium ad ea usque extenditur. Cui effato licet articulus V, quod dicitur, optandam & postulandam salutem ut rem quam Deus velit, favere quodammodo videatur: rem tamen secus se habere, probare annuntur. Non minus & illud advertunt, quod ex indifferentia diligenter ab Auctore inculcata consequatur, e.g. in extremis probationibus seu tentationibus invincibiliter animæ esse persuasum, se juxta a Deo esse reprobam, & tum sacrificium salutis, quod ordinarie conditionatum sit, fieri absolutum; posse quoque animam, permittente, direttore, suæ justæ condemnationi ac reprobationi simpliciter acquiescere, & id genus alia. Longe aliter hæc in articulis definita esse, a quibus & in eo abeat Auctor, quod virtutum Moralium & Theologicarum distinctionem obscurat, quin virtutibus omnem honorem detrahat, asserendo amore puro id effici, ne quisquam virtutis studiosus esse velit. Nec istud prætermittunt, quod scripserit, animas transformatas ex præsentis disciplina peccata confessas, remissionē peccatorū optare, non ut purificationem & liberationem propriam, sed ut rem quam Deus vult; itemq; quod concupiscentiæ vim in quibusdam hominibus, adeoq; & mortificationis utilitatem necessitatemq; extenuet: quod docuerit, contemplationem cum pura & directa est, nunquam voluntarie occupari ulla imagine sensibili, ulla idea Divinitatis distincta & nominabili, h.e. limitata, sed tantum purissima atque abstractissima ratione entis illimitati; unde sequatur, eam in alia objecta, v.g. in attributa, quævis personasque Divinas, atque adeo in ipsam Christi humanita-

tem,

tem, propria electione non ferri. Porro arguunt, quod docuerit, animas contemplativas duobus in statibus (supra indicatis) Christo distincte viso ac per fidem præsente privari, & quod distinctam visionem Christi in ipsa contemplationis intervalla conjecerit. Sed & de gratia non recte cum sentire queruntur, cum scripserit, nunquam licitum gratiam prævenire, neque quicquam expectare a se, propriaque industria, & propriis conatibus. Cum primis autem ægre ferunt, quod *actum continuum*, quem absurdissimum & Patribus inauditum vocant, a Quietistis introductum, sub nomine placidæ & æquabilis cujusdam uniformitatis lectoribus suis denuo propinaverit, & quod orationem passivam sive quietis in scenam rursus produxerit, affirmatque ipsam contemplationem in purissimo amore consistere, hunc autem non modo per se justificantem atque purificantem, sed consummantem atque perficientem statuerit. Sed & istud notant, quod doctrinam de amore puro arcanam dixerit, non temere quibusvis, nec etiam omnibus sanctis proponendam, cum tamen illud Christi, *Esote perfecti*, ad omnes Christianos pertineat. Progrediuntur hinc ad alia, objiciuntque Auctori, quod cum Gnosticos, Beguardos, Illuminatosque hinc inde reprehenderit, Molinosi tamen, ut & foeminae, cui articuli antea memorati oppositi erant, nullam unquam fecerit mentionem. Rejiciunt quoque hoc assertum, quod amor concupiscentiæ, etsi impius atque sacrilegus, ad justiciam & conversionem præparet animas, cum tamen ejusmodi motus, quibus animæ præparentur, a Spiritu Sancto excitentur: quod amor justificans, quo propria felicitas ideo tantum requiritur, ut medium ad finem ultimum, subinde mercenarius vocetur: quemadmodum & istud reprehendunt, quod casus impossibilis, ut anima juxta Deum licet usque ad finem diligens, æterno tamen supplicio mulctetur, fiat possibilis: quod actus directi, qui animæ reflectentis aciem effugiant, sint ista operatio, quam Franciscus Salesius *apicem animæ* appellitet: quod in his mira illa & inaudita animæ divulsæ separatio fiat, ita ut in parte superiori sit spes summa, in inferiori desperatio, & quod illa in directis, hæc in reflexis artibus consistat, & quidem quod hoc fieri dicatur ad exemplum Christi exemplaris nostri, quasi in Christo, ut in nobis, involuntariæ fuerint illæ perturbationes. Mirantur insuper, quod in hoc libro altum sit silentium de amore gratitudinis erga Deum, & Redemptorem Christum,

flum, cum de perfectorum amore agitur: quod cum decretum Concilii Tridentini spem per se esse bonam definientis laudaverit, ex eodem decreto tamen non addiderit, sanctissimos quosque & perfectissimos eo incitamento esse permotos. Addunt, dogmata in libro hocce tradita eo tendere, ut actuum directorum beneficio vitium cum virtute opposita stare possit. Tandem & istud conqueruntur, Ecclesie peregrinantis ac in patriam suspirantis gemitus hic extinguere: alia autem quæ adhuc redargui possent, alia occasione se in lucem protrahere proficentur. Additæ etiam sunt in hac editione, præter articulos supra memoratos, epistolæ aliquot, duæ quidem ipsius Archiepiscopi Cameracensis, quarum altera Romano Pontifici causam suam commendat, summamque doctrinæ suæ exhibet, altera nihil gratius sibi contingere potuisse, quam quod ad Romanum Pontificem controversia ista fuerit delata, testatur: & una Gallie Regis ad Romanum Pontificem, qua litem hanc illi denunciat, atque ut eam quam citissime finiat, rogat.

INSTRUCTION PASTORALE ETC.

i. e.

*Instructio Pastoralis Dn. FRANCISCI DE SALIGNAC DE
LA MOTHE FENELON, concernens librum illius de Præceptis
Sanctorum circa vitam interiorem.*

Editio nova.

Amstelodami apud Henr. Wetsteinium, 1698. 12. Plag. 10.

QUæ in Declaratione trium Gallie Præfulum Illustrissimo Auctori obijciuntur, ea in Pastoralis hac, ut vocat, Instructione ita diluere annitur, ut mentem suam uberius explicet atque declaret. Omnem autem doctrinam in libro ipso uberius explicatam, ad duo revocat capita, quorum unum est, quod charitas, virtutum Theologicarum princeps, sit talis amor Dei, quo eum sine ullo intuitu præmii alicujus amamus, quamvis in statu charitatis perfectissimo semper præmium desideremus: alterum, quod sit status charitatis perfectus, in quo amor hic sit velut fons & scaturigo cæterarum actionum, ita tamen, ut nec causas actionum impulsivas, nec specificam illarum distinctionem tol-

Nn

la,

lat, amor autem mercenarius & ad commodum aliquod spectans procul hinc facessere jubeatur.

Artic. I.

Ad specialia descendens, fatetur nullam traditionem arcanam & Ecclesiæ incognitam de summa etiam Christianismi perfectione admittendam esse: sed tamen cautis Pastoribus omnino id observandum, ne quælibet quibuslibet proponant, & summæ perfectionis exercitium non nisi animabus maximo ejus desiderio laborantibus commendent. Id quod Cassiani atque Clementis Alexandrini testimoniis comprobatur, atque huc trahit illud Christi: *non potestis portare*

Art. II.

modo, & Apostoli monitum de lacte infirmioribus præbendo. Quod ad spem attingit, monet distinguendum hic sedulo esse inter amorem puræ concupiscentiæ, utpote naturalem, & amorem spei, supernaturalem, & solis veris Christianis proprium. Quæ ne confunderentur, diligenter gnaviterque se dedisse operam. Porro ab *actu spei* discernendum esse *statum* hominis peccatoris, qui hunc actum edit: per actum enim spei Deum ceu summum bonum cæteris amoris nostri objectis præferri, cum status hominis peccatoris, sperantis tamen, non ejusmodi sit, ut Deum sibi ipsi præferat. Quod autem Auctor per quinque amoris gradus totidem status hominum intellexerit, id quidem est, quod hic prolixius probatur. Cæterum, ita pergit, licet animæ perfectæ se plane componant ad voluntatem divinam, non tamen inde desinunt æternam sperare salutem, multo minus fas est consentire, in suam reprobationem. Nunquam hoc se docuisse proficitur, adductisque variis documentis evincit. Quin addit, animas perfectas non tantum desiderare æternam salutem, quia Deus hoc jubet, sed & quia nostrum bonum est: nec enim hæc sibi invicem repugnare. De

Art. III.

voce commodi (interér) monet, eam dupliciter capi posse; aut enim ea denotari objectum, quod nobis bonum est, aut propensionem, quæ per amorem sui ipsius naturalem aliquis ad tale objectum fertur, ea designari. In priori sensu recte dici: beatitudo est maximum nostrorum commodorum; sed in posteriori significatione imperfectionem simul connotari, quæ ab animabus perfectis abesse debeat. Hoc ut probe observetur, rogatur, cum ex vero sensu hujus vocis tota doctrina sua pendeat: interim se eadem ita usum ad exemplum cæterorum scriptorum Mysticorum. Observatur porro, se per *objectum formale spei* idem indicasse, quod in scholis *motivum spei* vocari solet, causasque cur hæc

Artic. IV.

VOCE

voce uti noluerit, affert. De spe autem non minus ac cæteris virtutibus reperit, eas omnino distinctos suos habere actus, causasque impulsivas sibi proprias; nihilo secius omnes ex amore puro, ceu communi fonte, proficisci, ut verum omnino sit illud Augustini: *nihil omnino virtutem esse affirmaverim, nisi summum amorem Dei*. Et hanc doctrinam articulis sæpius memoratis non adversari demonstrat. Sibi quoque constat, quando discrimen inter animas perfectas & imperfectas, sive mercenarias exponit. Nimirum in his præter amorem supernaturalem, quo in Deo se ipsas amant, amorem naturalem, quo se ipsas amant, esse docet, unde mercenaria voluntatis dispositio oriatur: quæ licet positive in actus supernaturales non influat, dimittit tamen, ut Auctor docet, perfectionem voluntatis, quæ fortius amat, si solo amore puro amet. Unde & statum ejusmodi animarum mixtum esse docet ex duobus amoribus, etsi actus supernaturales virtutum puri, & sine mixtione maneant. In animabus perfectis autem omnes actus virtutum & puri sunt, & nihil ex commodi proprii intuitu secum vehunt. Addit, quando dixerit statum hunc habitualement & variabilem esse, hoc intelligendum esse de modo ordinario, quo voluntas suos actus edit. Charitatem, quando hac voce tertia virtus theologica denotatur, semper puram & sine intuitu ad commodum proprium esse, non abnuat: quartam amoris speciem tamen ideo impuram & ad commodum proprium spectantem a se dictam, quod in animabus in hoc statu constitutis adhuc amor quidam mercenarius superferat, ut actus charitatis ab hac anima profecti plane puri sint. Si quis autem neget, Deum amari non posse, nisi nostræ beatitudinis amore adducti hoc faciamus, eum Moïsi & Pauli exemplo rectiora edoceri posse, quorum ille, ut ex libro vitæ deleteretur, hic, ut anathema fieret in gratiam fratrum, optavit. Sed & alia quæ hinc sequantur, absurda subjicit. Quod porro asseruit, amorem puræ concupiscentiæ præparare animas ad justitiam, hoc non aliter intelligi cupit, quam quod ita saltem obstacula passionum vehementiorum tollantur. Bernhardi quoque hic se tueretur auctoritate. Nec istud argui posse ait, quod cum Augustino dixerit: *Omne quod non venit ex principio charitatis, venit ex cupiditate*. Namque per charitatem se intelligere omnem amorem ordinatum in se consideratum, per cupiditatem autem omnem amorem particularem sui ipsius. Hisce ita expeditis, de extremis, quas

Art. V.

Art. VI.

Art. VII.

Art. VIII.

Art. IX.

Art. X.

quas vocant, probationibus seu tentationibus paulo uberius mentem suam declarat. Et primo quidem denuo inculcat, suppositionem animarum, quod Deum amare velint, etiamsi æternis ab eo adjudicentur cruciatibus, impossibilem esse. Deinde docet, easdem animas, etsi sibi imaginentur se æternam damnationem promereri, revera tamen illud non credere. Nec aliter unquam hac de re se docuisse. Possent tamen animas heroicas Deo offerre sacrificium, quod quoad vitam æternam saltem conditionatum sit, in quantum ista nonnisi bonum creatum est, & ut in amore Numinis semper persistant. Multis Sanctorum exemplis hoc confirmat. Interim non negat, esse unicum casum summe extremarum probationum, ubi animæ non amplius conditionate, sed absolute loquantur. Tum non dicere eas: *ego vellem, sed ego volo*. In priori casu ubi sacrificium hoc conditionatum est, spectare, istud ipsam beatitudinem formalem seu creatam, in quantum hæc separata est ab amore Numinis. In posteriori casu, ubi hoc sacrificium absolutum est, neutiquam ad ipsam beatitudinem, sed tantum ad amorem vel propensionem nostram ad beatitudinem (*intérêt propre pour l'éternité*) istud spectare. Atque hic amor commodi nostri cum imperfectio sit, non videt quid obstat, quo minus sacrificium offerri possit; atque hanc suam mentem fuisse pluribus demonstrat. Hinc autem lucem affundere porro annititur alteri effato, quod Gallicani Præsules itidem impugnarunt, scilicet, Directorem tum posse permittere, ut anima simpliciter acquiescat jacturæ commodi proprii & condemnationi justæ, in qua respectu Dei se esse putat. Acquiescit, inquit, jacturæ non beatitudinis, sed commodi proprii: imaginatur sibi, ac si propter peccata sua Deo displiceat, & hinc propter Deum angitur. Neutiquam autem per hanc condemnationem, qua scilicet condemnat sua peccata, æternam intelligi reprobationem, cui quod anima acquiescere possit, se unquam statuisse prorsus inficiatur, idque pluribus probat. Et ita cætera quoque, quæ cum hac doctrina connexa sunt, diluit. Monet porro recte capienda esse, quæ de indifferentia sancta docuerit, nec ulla ratione inde inferendum, ac si nefas sit æternam salutem expetere. Multo minus tale quid se docere aut admittere ait, unde sequatur, perfectos homines a Deo expresse bonorum spiritualia tum temporalia petere non debere. Quin se ita sentiens, quod anima perfecta omnia bona, quæ Ecclesia a Deo petit, itidem precipi-

Art. XI.

Art. XII.

precibus suis a Deo efflagitare debeat: hæc tamen non amore naturali, ut animæ imperfectæ, sed amore supernaturali, puro, quem & amorem charitatis vocat, eam desiderare. *Art. XIII.* *Activitatem* quoque denuo ab anima perfecta facessere jubet: gratiam semper præsentem statuit, licet motus ejus non semper sentiantur, qui etiam intempestive & per animi inquietudinem non sint consecretandi: si tamen per excitationem cooperatio intelligatur, ad eam omnes citra controversiam obstrictos esse. Sed & *actus reflexos* animæ se plane rejecisse negat, *Art. XIV.* eosque omnino aliquando admittendos esse demonstrat. *Art. XV.* Quod autem ad distinctionem seu separationem partis animæ superioris & inferioris attinet, nunquam se docuisse dicit, hanc separationem esse totalem, supernaturalem & miraculosam, multo minus, quod quæ a parte inferiori geruntur, superiori imputari nequeant: sed hoc saltem se velle, quod pars inferior, quorsum præcipue imaginationem refert, possit turbari, ut superior; intellectus & voluntas, quæ & tranquilla sit, ita ut, cum utriusque partis communicatio permaneat, illorum quæ ab inferiori geruntur, a superiori ratio exigi queat. Monet etiam, ne utquam hoc se statuere, quod actus reflexi tantum sint in parte inferiori, directi in superiori, cum reflexi omnino ad superiorem pertineant. De contemplatione ita statuit, eam quidem esse exercitium *Art. XVI.* amoris puri, sed tamen ejusdem amoris alia quoque esse exercitia. Namque eundem amorem per omnes actus virtutum sese exercere: interdum etiam per meditationem. Hinc omnes quidem fideles vocatos esse ad perfectionem, sed non ad eadem exercitia amoris perfecti. *Art. XVII.* *Statum* autem, quem *passivum* vocat, nihil aliud sibi esse contendit, quam statum amoris puri, in quo omnes actus virtutis placide & tranquille exercentur. Passivum autem hunc statum dici, non quod vera & efficax cooperatio cum gratia excludatur, nec ut animæ ejusmodi minus vigilantes circa seipsas esse jubeantur, aut ut a laboribus, quibus vincere tentationes oportet, liberentur, sed ut omnis excludatur *activitas*, hoc est turbidi & inquieti motus, qui amorem impurum & imperfectum comitantur. Hinc *passivitas*, ut vocant, non actio-
Art. XVIII. ni, sed activitati, juxta Auctorem opponitur, neque miraculosam quandam, sed ordinariam inspirationem gratiæ, quæ omnibus justis communis est, secum conjunctam habet. Tandem de contemplatione addit, per eam nunquam reipsa animam privari visione Christi.

Nec hoc se docuisse. Hoc saltem se velle, quod aliquando anima visione distincta, sensibili & reflexa Christi privetur, quæ privatio tamen apparens saltem sit & transiens. Idque fieri in initio contemplationis, ob ejus imperfectionem, & in extremis tentationibus: quæ cum cito transire soleant, nisi forte anima gratiæ Divinæ resistens ipsa efficiat, ut diuturniores sint, ipsam hanc privationem transitoriam quoque esse, inde infert. Quod autem ad contemplationem negativam attinet, quæ secundum Dionysium nullam imaginem aut ideam distinctam aut nominabilem admittat, eam circa solam Divinitatem, limitum omnium expertem, occupari. Interim nullam esse contemplationem fatetur, quæ non aliquando interrumpatur, & tum quidem in intervallis istis, omnia objecta fidei, cum primis humanitatem Christi, intellectui exhiberi. Cæterum Christo perturbationes involuntarias se tribuisse negat, istasque voces ab aliis libro suo insertas fuisse conqueritur, indeque inter alia probat, quod cum antecedentibus & sequentibus nullum nexum habeant. Sic & ad accusationem, quod mala fide ad Franciscum Salesium provocaverit, respondet, illos, qui librum imprimi curarunt, certa loca pro ipsis Francisci Salesii verbis habuisse, cum tamen mentem saltem ejus exprimere, non referre verba, sibi fuerit constitutum. Ostendit etiam, quo pacto judicandum sit de effatis ejusmodi virorum, quæ duriora videntur.

Art. XIX.

Art. XX.

Cæterum cum Auctori omnis difficultas ex voce commodi proprii (*intérêt propre*) oriri videatur, nihil amplius superesse putat, quam ut demonstret, hanc vocem, ut & vocem *mercenarii*, a præstantissimis Theologiæ, præsertim Mysticæ, scriptoribus ita usurpari, ut imperfectionem quandam iisdem innuant. Et in eo quidem satis prolixus est, initiumque facit a Catechismo Tridentino, deinde Patrum, Clementis Alexandrini, Tertulliani &c. Scriptorumque Mysticorum verba huc facientia affert & illustrat. Colligit autem inde porro, hæc Theologorum effata de statu habituali, non actibus transitoriis loqui, nec tamen Doctores istos a statu perfecto desiderium vitæ æternæ abesse voluisse; id autem manifestum esse, amoris perfectionem idem esse, ac quod Mystici abdicationem virtutum (*desappropriation des vertus*) appellant. Subnectit hinc ex libro suo varia loca, iisdem ostensurus, se non aliter locutum, ac Theologi ac Doctores loqui consueverint,

rint, repetiturque paucis, in quo caput totius causæ consistat, & ita addita adhortatione opus suum finit.

Addita quoque est huic editioni damnatio propositionum Michaelis de Molinos per Bullam Innocentii XI, ut & Epistola Auctoris ad Romanum Pontificem, sed Latino sermone conscripta, Gallica enim ejusdem epistolæ versio subnexa est libro ejus de Sententiis Sanctorum. Præterea Breve Apostolicum Innocentii XII ad Auctorem, ut & Epistola Auctoris ad Amicum, qua conqueritur, sine ratione nonnullos ægre tulisse, Epistolam ad Amicum, libro de Sententiis Sanctorum subjectam, publicæ luci expositam fuisse, hic quoque comparent.

MELANGE CRITIQUE DE LITTERATURE ETC.

i. c.

Miscellanea Critica Litteraria, ex familiaribus DAVIDIS ANCILLON colloquiis congesta. Tom. I. & II.

Basileæ apud Jo. Georg. König, 1698. in 8. Alph. 1. plag. 18.

Venerandi Parentis sui Davidis Ancillon, Reformatæ apud Metenses Ecclesiæ olim Ministri, postea cum parte gregis sui, persecutionis in Gallia acerbitate, ad Potentissimi Electoris Brandenburgici Regiam confugere compulsi, dicta factaque illustriora studiose annotavit Filius, illo parente non indignus, Daniel Ancillon. Qui & optimo Parenti debitæ pietati satisfaciendi, & publicis commodis inserviendi studio, in præsentis opusculi utraque in lucem producere voluit. Facta enim illius quod attinet, vitæ ejus historiam & titulus & præfatio nobis pollicentur, tomo forte novo reservatam, cum in his, qui nunc prodierunt, nullibi hæc compareat: Dicta vero illustriora, ad rem ecclesiasticam & litterariam maxime spectantia, primis his duobus tomis nobis exhibentur.

Ancilloniana istud opus forsân appellandum foret, si sæculi genius, quod in hujusmodi scriptorum appellatione plerique faciunt, esset sequendus. Verum contemptus, in quem nostro ævo hujus generis titulis insignita opuscula adducta fuerunt, Clarissimum Editorem movit, ut cum ab huic Parentis sui *Λεψύβοις* quam longissime abesse voluerit.

luerit. Imo ut eo minus istiusmodi librorum, quibus post edita *Arlequiniana* publicam turpitudinis notam pene inusitam credit, faciem habitumque præsens opusculum referret, ordinem quoque voluit immutatum; litterarumque alphabeti seriem propterea, in enarrandis rebus, de quibus aliquid memoria dignum Patri suo excidisse est arbitratus, observans, ad unum sive titulum sive caput omnia refert, quæ quacunque ratione ad illud spectantia, diversis temporibus ab eo fuerè prolata.

- Inter ea vero, quæ primis his tomis continentur, non dissimulamus esse quædam, de quorum certitudine forte alii dubitabunt, aut de quibus aliter hæcenus Viri eruditi statuerint. Veluti cum duæ tantum admittuntur apud veteres Societates eruditæ, quæ exemplum omnibus hodiernis in Italia, Gallia, Angliaque Academiis præbuerint, alteraque earum Platonis fuisse dicitur, altera Ciceronis, ex qua Academicæ Quæstiones aliique ejus libri prodierint. Cum Tertulliani Apologeticum anno Christi 192 vel 193 prodissè statuatur, quicquid contra accuratiores Critici argumentis suis moliantur. Cum *Alcoranum* non nomen habetur, sed verbum, *confessus* est sive *correx* significans, quasi dicas Alcoranum vel confessionem doctrinæ & fidei Mahometicæ, vel correctionem Vet. & Novi testamenti esse. Cum Henricus Cornelius Agrippa in xenodochio supremum diem obiisse narratur, secus quam optimi statuunt autores. Cum dicitur, ante Bedam neminem in Apocalypsin Comment. scripsisse, nec post eum quenquam istius libri explicationem aggressum, usque ad an. 1389, quo in Polonia aut Livonia novus in eam Commentarius prodierit. Cum dicitur, Aristotelem Dialogorum in scribendo formam maxime adamasse, summumque in isto scribendi genere extitisse artificem, quem Cicero imprimis sibi in eo imitandum proposuerit. Cum duos tantum esse Dionysios, Alexandrinum nempe & Rhetorem, scriptis celebres traditur. Cum Bedam Romæ haud dubie fuisse, eique rei firmandæ Juelli Episcopi Part. II. p. 70. Salisburienfis sufficere auctoritatem dicitur. Cum Cardanus, utcumque ea de re dubitet ipse, omnino tamen Dæmonis familiaris conversatione pollutus fuisse memoratur, ejusque rei argumentum habetur, quod omnia astrorum motui atque influentiis adscriperit. Cum maximum quondam Galliarum ornamentum Petrus de Marca, Protestantium, apud quos Ministri Ecclesiæ partibus defunctus jam fuerat, castris
- Part. I. p. 19.
p. 43.
p. 78.
p. 69.
p. 170.
p. 196.
p. 213.
p. 308.
p. 359.

castris desertis ad Romanam Ecclesiam transfugisse perhibetur: quam fabulam esse, doctissimi quidam Viri luculentis argumentis dudum conati sunt ostendere. Cum Colomesio non Pauli, sed Petri prænomen tribuitur. Cum Davidis Paræi filius fuisse Daniel dicitur, quem nepotem ejus extitisse alii nos docent. Cum is, qui de Legibus Hebræorum eruditissime commentatus est Spencerus, cum eo, qui Originis contra Celsum libros eruditis notis illustratos evulgavit, idem fuisse statuitur: quos alias Joannis & Gulielmi prænominibus a se distingui invicem novimus &c. Sed his similibusque aliis missis, quædant ex hoc opere deligemus, quæ non omnibus hæcenus innotuere, & observatu tamen non indigna videntur. Cum autem Miscellanea Critica Litteraria illud inscribatur, ab iis ordini liceat, quæ ad litterariam rem maxime spectant. Multos, ut id primo loco annotemus, anonymos pseudonymosve Scriptores passim occasione data detexit, ad quorum notitiam non adeo facile unusquisque pervenerit. Sic Commentarium in Apocalypsin, qui sine autoris nomine prodit, ista tantum verba, *Sis Organon Jesu*, in frontispicio exhibens, *Strepiani Gros*, V. D. apud Genevenses Ministri esse notat: a quo ipso accepit, verba paulo ante adducta ideo ab eo in fronte libri posita fuisse, quod utrumque nomen ejus, litteris transpositis, fere referrent. Alium vero Commentarium, qui *Jona de Buyn* nomine in eundem librum extat, celeberrimi Launæi, Cleri metu nomen suum occultantis, factum esse docet. Libri Gallica lingua sub titulo Considerationum liberiorum Collectionis Actorum authenticorum a *Blondello* congestorum scripti, quo acerbissime vir ille doctus exceptus fuit, ob impugnatam Joannæ Papisæ historiam, parentem *Galtbierum*, Verbi Divini in tractu Rupellensi quondam Ministrum esse: librum autem, qui de Religionû conciliatoribus sub Johannis Rolegraviî nomine circumfertur, *Gruverolo* deberi, qui Lugduni in Gallia olim, hodie Londini in Anglia Gallorum exulum Ecclesiam moderatur. Inter scripta, quæ Tridentino Concilio subvertendo inserviant, maxime commendat Gallica lingua editum volumen, cujus hic fere titulus est: *Examen Concilii Tridentini*, quo causæ quæ irritum illud faciunt, una cum vi Regibus & Principibus Christianis, nec non Ecclesiæ Gallicanæ omnibusque Catholicis ab eo illata, luculenter exponuntur; cujus libri autorem *Gulielmum Ranchinum* esse, sibi certo constare ait. *Mezereu* insigni Gallorum

p. 94.

p. 410.

p. 454.

Part. I. p. 166.

p. 167.

p. 404.

Part. II. p. 86.

p. 135.

p. 149.

Do

rum

p. 177.

p. 163.

p. 164.

p. 138.

p. 142.

rum Historico a nonnullis tribui, quæ sub *Perefixii* nomine, circumfertur, Henrici Magni Vitam, magis forte notum est, quam ut hoc loco dici mereatur: ut &, quod Catechismi Tridentini autor sit *P. Franciscus Forieri*, Ordinis Dominicani Monachus, natione Lusitanus, qui jussu Cardinalis *Caroli Borromæi* eum concinnasse dicitur. Majus autem forsitan operæ pretium nobis erit sperandum, si tentatam ab Ancillon nostro castigationem quandam clarissimi Bailletti retulerimus. Ille in libro suo de Scriptoribus personatis *Cæsarem Aquilinium*, qui de tribus Historicis Concilii Tridentini tractatum edidit, *Scipionem Henricum* esse dixit; quod falsissimum Nostro videtur. Primo enim Scipionem Henricum Romanam Ecclesiam manifeste securum esse ait, cum contra Calvinistam fuisse eum, qui sub Cæsaris Aquilini nomine delitescit, omnes Pontificiarum partium Viri eruditi credant. Deinde Scipionem Henricum manifestissime Petrum Suavem impugnare in ea, quam edidit, Censura Historico - Theologica; cum contra Aquilinius eum laudet atque defendat. Sed non contentus hac censura Ancillonus, duos quoque ab Hedovilleo (in Ephemeridibus Gallicis anni 1663 d. 23. Martii) commissos errores observat. Prior est, quod Calvinistam crediderit Autorem sub Aquilini nomine latentem Hedovilleus, quem tamen in Romanæ Ecclesiæ communione vixisse constat. Alter, quod post Pallaviciniani operis editionem, nullum alium istius argumenti librum, præter eum quem Aquilinius concinnavit, prodisse, putet; cum tamen doctissimus quidam ex Scotis Vir, Romanæ itidem Ecclesiæ addictus, Comes Julius Clemens, notas 64. morales, censorias, historicas, ad inscriptionem, epistolam ad Lectorem, & tredecim capita Introductionis Pallavicini scripserit. Quanto celebrior est in Gallia olim Anti - Cottoni titulo concinnati operis fama, eo obscurior hactenus de autore ejus fuit mustitatio. *Servino* nonnulli, Generali quondam in Senatu Parisiensi Advocato, eum tribuerunt; alii Monacho cuidam, quibus etiam assentiendum esse putavit *P. Petrus Josephus Aurélianensis, Soc. Jes.* in vita Cortoni. At falli illos omnes sibi persuasissimum esse Ancillonus ait: certis enim testimoniis sibi constare, a celeberrimo illo Reformatae Ecclesiæ Doctore, *Petro Molino*, factum istum exclusum esse. Vitæ Philippi Mornæi partem fere dimidiam nobilem quendam Picardum, *Davidem Lixiam*, concinnasse testatur, a quo acceptam illam telam duo Mornæi amanuenses perfec-
rint,

rint; præfationem autem operi præfixam illustris *Conversi* ingenio debet. * Celebrem quondam Ecclesiæ Reformatæ apud Metenses Ministrum *Paulum Ferrium*, inter alia quæ edidit doctissima scripta, ejus quoque esse autorem, quod Gallica lingua hoc fere titulo anno 1624 evulgatum est: Notæ historicæ ad dissertationem, quam de morte & miraculis S. Liberii nuper evulgavit Dominus de Ramberviller, Balliviæ in Episcopatu Metensi Præfectus; ejusque rei fidem facere illius libri exemplum, ab ipso Ferrio sibi donatum, in cujus frontispicio propria manu se illius fræter parentem fuerit professus. Gallici libri, qui *Bellum Autorum* inscribitur, fabrum Gueretum fuisse. Male autem a quibusdam Brayero Doctori Sorbonico & Canonico Verdunensi tribui tractatum *Religio Hollandorum* insignitum, cui Dn. de la Fontaine, qui Regis Galliz negotia quondam Hagæ Comitum obiit, materiam suppeditasse perperam quidam suspicentur. Legionis enim ejusdam Helvetorum non ignotum quondam præfectum, Stouppam, qui Cromwello per aliquod tempus operam navaverat, illum librum composuisse, ab ipso se accepisse Ancillonus noster testatur. Quidenique etiam *Mercurium Helvetum & Militem Suecum*, Gallica lingua concinne adeo facta opuscula, ut ex Balzaci calamo profluxisse visa nonnullis fuerint, Friderico Spanhemio restituit, quem *Commentarii Historici* quoque *de Vita Comitû de Dobna* autorem esse prodit.

Nec desunt alia, quæ ad Virorum doctorum vitam, mores & scripta cognoscenda pertinent, oppido jucunda, quæ ex Ancillonianis hisce discere liceat. Sane notatu non indignum videtur, quod Davide Blondello refertur, cum a Præside Parlamenti Parisiensis Domino *De Mesmes* annum 1200 librarum, ab alio autem ejusdem Parlamenti Consiliario 600 librarum stipendium accepisse, ut Romani Pontificis oppugnaret primatum; quorum tamen uterque & corpore & animo cum Ecclesia Romana communionem exercuisse dicitur. Idem Blondellus, in terra prostratus, librisque circumvallatus, operam litteris navasse, similesque olim Jacobi Cujacii fuisse mores observantur. De Bodino narratur, Dialogum ejus, quo Turca, Judæus & Christianus inducantur loquentes, Turcæ partes Postello, Judæi ipso Bodino sustinente, in Bibliotheca Potentissimi Galliarum Regis inveniri. Nec dubitamus ulli, ad Dialogum Bodini ἐπιπαισμενῶν Ancillonum nostrum respexisse, cujus tamen paulo aliam rationem esse no-

- runt, quibus ipsum istud opusculum, cujus in Germania quoque aliquot *Στοιχεΐα* extant, perlustrare licuit. Sane ex illo vix confirmari posse putemus quorundam traditionem, qui Bodinum animam Judaicis superstitionibus imbutam effasse dicunt; quod tamen haud obscure Noster insinuare videtur. Ast elegans est, modo vera sit, de Bodino & sapientissima Angliæ Regina Elisabetha fabula. Ægre illa tulerat, quod parum honorifice de fœmineo sexu in libris de Republica Bodinus sensisset. Quamobrem ut vindictam ab eo sumeret, in Angliam allectum, & ad colloquium admissum, frigide admodum cum a se dimisit, verbis, quæ, quod Latine non inconcinna ad nomen Bodini allusio exprimi nequeat, prout ab ipsa prolata fuerunt, apponere liceat. Dixit igitur: *Bodin apprenez en me voyant, que vous n'êtes qu'un Bodin.* De Casaubono multa fuisse disseruntur. Inter alia præcipuum suæ in rebus Ecclesiasticis peritiæ specimen daturus fuisse dicitur, in libro singulari de Libertate Ecclesiastica: verum ex improvviso accidisse, ut cum 264 illius libri paginæ typis exscriptæ jam essent, Henricus IV, compositis jam Venerorum cum P. R. controversiis, ultra progredi prohibuerit, iis quoque, quæ excusa jam fuerant, diligenter suppressis. De religione Casauboni istud judicium fertur, ad Romanam Ecclesiam illam forte, quam jaçant nonnulli, ejus haud fuisse animi propensionem, cæco tamen Patrum & antiquitatis Ecclesiasticæ amore religionis systema cum sibi finxisse, quale forsitan nemo mortaliū alius hodie sequatur; ejusque rei ex quadam ejus ad Danielem Heinsium epistola (quæ inter epistolas præstantium & eruditorum Virorum 143 est) confirmatio petitur. Ceterum notabile est industria ejus exemplum, utpote qui ut somnum quasi averruncaret, aceto adspargere nocturno tempore oculos solitus fuerit. De Paulo Ferrio, cujus supra jam facta fuit mentio, referri meretur, quod Historiam reformationis urbis Metensis, Consistorii Ecclesiæ Reformatæ in illa urbe precibus, describendam susceperit. Ediderat enim Episcopatus Metensis Suffraganeus, *De Madaure*, Historiam natæ, promotæ, & collabentis in ea urbe hæreseos, cui opponere Ferrium volebant, qui hæreticorum nomine Metensi Suffraganeo appellabantur. Ille itaque utilissimum opus quidem suscepit, magnaue Historiæ Metensis, temporum quoque ante reformationem elapsorum, parte exposita, quam longissime perduxit, sed imperfectum hæreditibus suis, morte præventus reli-

reliquit, dignum quod ista quoque conditione lucem publicam intueatur. Inter hæredes illos quidam nepos ejus fuisse refertur, *Du Vivier*, qui ab ipsa licet nativitate sua oculis captus, tantos tamen in elegantioribus litteris, Historicis item, Philosophicis & Theologicis fecit progressus; ut in territorio Metensi ecclesiastico officio dignus fuerit judicatus. Ille cum Carentonæ verba ad populum aliquando faceret, cum preces pro ægrotis pro more essent faciendæ, nec exiguus esset eorum, pro quibus orandum erat, numerus, omnes tamen, unica tantum vice sibi antea recitari jussos, feliciter adeo ejus memoria reddidit, ut unicum ante preces prætermisum, in ipsis precibus atque commemoraverit, in signi eo ipso omnium præsentium excitata admiratione. Repeteremus, quæ ista occasione adducuntur, ab aliis quoque cæcis patrata cum stupore aliorum facinora, nisi de celebri autore Gallo, Godello, quædam potius commemoranda esse duceremus. Et magni momenti forsitan non est, quod de poemate ejus, quo vitam Pauli Apostoli descripsit, narratur; in secunda scilicet ejus editione ommissa esse, quæ de Paulo, picturas in atrio Sacerdotis Summi contemplante, facta fuerant: monuerat enim doctissimus Dallæus, picturis hujusmodi locum apud Judæos religionem neutiquam reliquisse. At magis notari merentur, quæ de Ecclesiastica ejus Historia notantur. Cum primo enim ejus tomo ita comparatum esse dicitur, ut nihil merito in fide atque sinceritate Autoris desideres: verum aliam sequentium rationem esse. Cum enim eo lecto Cardinalis Grimaldus, ob nimiam adversus Ecclesiam Romanam styli libertatem, hæresin Godello ad se accersito exprobraret, seque Romæ redditum, ad Papam quicquid legisset exacte relaturum minatus esset, territus minis istis bonus ille Vir minus candidum deinceps se præstitit. De Launojo denique tantum quæ narrantur addere liceat, qui librum de Regia in matrimonium potestate invitatus jussu regio composuisse dicitur. Occasionem mandato illi conjugium cujusdam ex Galliæ magnatibus, cum illustri quadam ex familia Lotharingica foemina dedisse fertur: Launojo autem quavis data occasione dixisse, nihil minus animi sui sensus, quam istum librum suum, unquam conveniens fuisse.

Sunt quoque ad Historiam tam Civilem quam Ecclesiasticam spectantia in hoc libro nonnulla, ex quibus speciminis loco paucissima saltem attingere liceat. Eminent inter ea, quæ de origine acerbis-

p. 272

p. 293.

p. 331.

Part. I. p. 113.

linarum inter Colinzum & Guisium diffensionum, quarum superiori seculo mœsta spectatrix Gallia fuit, narrantur, quæ in manuscripto volumine, omnia Colinzæ Guisique contra se invicem molimina complexo, & in Bibliotheca Segueriana asservato, luculenter exponitur. Scilicet arctissimæ amicitix nexu sibi mutuo a teneris alligatos fuisse duos istos Gallix Heroas dicitur; Furiam autem, quæ acerbissimorum dissidiorum causam inter ipsos excitaverit, Valentinensem Ducissam extitisse. Cum enim pila aliquando se forte ambo exercerent, Colinzus, ut solebat liberius cum Guisio loqui, non posse se ajebat animum inducere, credat, Guisium, quod fama tum ferebat, meretricem in torum sibi addicendum, qui homo esset & prudentia & generis ac meritorum laudibus illustris. Per meretricem autem illustrem illam foeminam intelligebat, quam adeo tum deperisse Guisius narratur, ut ferali ob verba ista concepto contra Colinzum odio, paulo post aversum ab eo animum publice declaraverit. Et hanc, si non præcipuam, non ultimam saltem exercitæ in nuptiis Parisinis omnibus seculis detestandæ crudelitatis causam fuisse, Ancillonus existimat. Colinzum enim vivum ferre nec Guisius, nec illa foemina poterant: occidere vero, iis qui partes ejus sequebantur salvis, non valebant. Obrinuit itaque cum furore conjunctus amor tantum, *quantum* nunquam *religio* potuisset *suadere malorum*: ipso Guisio haud raro id testato, plus factum esse, quam ipse quidem fieri voluisset, qui, modo unius Colinzæ sanguinem exsorbere licuisset, contentum se futurum fuisse, quavis data occasione solebat dicere. Verum de istis satis. Quæ de Curix Romanæ moliminibus, quibus Concilio Tridentino in Gallia, auctoritatem parare, quantum conniti animo, quantum labore contendere potuit, conata est, narrantur, adhuc referre animus erat: accuratissime enim ea omnia, una cum fortissimis, quibus contra nisi Clerus Proceresque Gallicani fuerunt, conatibus Ancillonus exposuit. Verum sit modus in rebus. Ea quoque, quæ ad ipsum Ancillonum pertinent, passim disjecta colligere volebamus, sed cum pauca ea sint, magisque luculenta in vitæ ejus descriptione Clarissimus filius ipsius expectare nos jubeat, isto quoque labore duximus esse supersedendum.

p. 136.

EXCER.



R

*EXCERPTUM EX EPISTOLA WITTENBERGA MIS-
sa ad Amicum a D. IO. GOTHOFREDO BERGERO, in Aca-
demia Wittenbergenſi Medicina Profeſſore primario, de Arteria
Aorta diſiſione in ramos Carotides &
Subclavios.*

QUum aliquot abhinc annis in cadaveribus humanis falſas com-
plurium Anatomicorum delineationes arteriæ aortæ, e cor-
de egredientis, ex eademque orientium arteriarum ſubclaviarum, at-
que carotidum, in theatro Anatomico non ſemel demonſtraverim,
ortæque nuper admodum ea de re lites fuerint inter clariffimos Belgii
Anatomicos, Fridericum Ruyschium & Godefridum Bidloo; non
injucundum fore putavi, ſi, quam præterito menſe in Anatome ca-
daveris forminei delineandam curavi, earundem arteriarum origi-
nem, diſiſionemque naturalem, Tecum communicarem. En
itaque Figuram, Cordis & Arteriæ Aortæ magnitudinem, hujus-
que diſiſionem in ramos Carotides & Subclavios naturalem, exhi-
bentem. Ubi

A. Cor puerperæ XX annorum.

TAB. VII.

B. Vena Cava dextrorſum paulum reflexa, hiansque in C, dex-
tram cordis Auriculam, cujus magna pars corde tegitur.

D. Pars Sacculi membranofi, in quem expanſa cava, communem
cum auricula cavitatem conſtituit.

E. Truncus cavæ ſuperior.

F. Inferior.

G. Aorta, emergens e ſiniſtro cordis ventriculo, flexuque am-
plo ſe ſupra cor attollens.

G. H. Arcus, quem ſupra cor progrediens aorta, inferioraque
verſus incurva, efformat.

I. Ex convexa arcus parte egrediens Trunculus, abiens in K
Arteriam Carotidem dextram, & L Subclaviam ejus la-
teris.


M. Subclavia ſiniſtra, quam olim quodam ſpatio cum Arteria,
cervicali coalitam offendi, quemadmodum etiam in Fig. II
D. Ruyschii obſervatur.

N. Ar-

- N. Arteria Cervicalis sinistra, hic distincta origine ex ipsa prodiens aorta.
- O. Arteria Carotis sinistra, ex ipso pariter arcu aortæ, inter trunculum carotidis & subclaviæ dextræ, ac cervicalem sinistram existens, quam vulgo ex subclavia sinistra emitti opinantur.
- P. Arteria pulmonaria, sive Vena arteriosa, ex dextro cordis ventriculo prodiens.
- Q. Canalis arteriosus, qui ex prædicta arteria sanguinem in aortam ducit in foetu.
- R. R. Aorta descendens.

LIBRI NOVI.

- Reliquia Spelmanniana. The Posthumous Works of Sir Henry Spelman. With the Life of the Author. London by Aunsbam and Churchil, 1698. fol.*
- A Commentary upon the third Book of Moses, called Leviticus, by Simon Lord Bishop of Ely. London, by R. Cbisswel, 1698. 4.*
- Antonii Bynai de Morte Jesu Christi Liber III. Amstelodami apud G. Borstium, 1698. 4.*
- Phædri, Augusti liberti, Fabularum Æsopicarum libri V. cum integris commentariis Marqui. Gudii, Conr. Rittersbusii &c. curante Petro Burmanno. Amstel. apud Henr. Westseiniun, 1698. 12.*
- Histoire de Nestorianisme; par le P. Louis Doucin de la C. de J. A Rotterdam chez R. Leers, 1698. 4.*
- Thomæ Gasskeri Opera Critica. Trajecti ad Rhenum apud Franc. Halmam &c. 1698. fol.*
- P. D. Huetii Tractatus de Situ Paradisi terrestris, nunc primum Latine factus. Accedit ejusdem Commentarius de Navigationibus Sæloniis. Ultrajecti apud Wilb. van de Water, 1698. 8.*
- Laurentii Zacagnii Collectanea veterum monumentorum Ecclesiæ Græcæ & Latine. Roma, typis Collegii de Propaganda Fide, 1698. in 4.*



ACTA ERUDITORUM

Publicata Lipsiæ

Calendis Julii, Anno M DC XCVIII.

DELLA NATURA DE' FIUMI TRATTATO FISICO
MATEMATICO &c.

h. c.

*DE NATURA FLUMINUM TRACTATUS PHYSICO-MATHE-
maticus Doctore DOMINICI GUGLIELMINI, primarii Mathe-
matici Gymnasii Bononiensis, & Membri Academia
Regia Scientiarum.*

Bononiæ apud Ludovicum Mariam Ruinettum, 1697. 4.
Constat plag. 48. cum 15 tabulis ære expressis.

NOta dudum sunt Orbi Litterato, quæ Celeberrimus Au-
ctor in libris de Mensura aquarum currentium, a no-
bis in Actis A. 1692. p. 431. 510. commemoratis, non
sine laude ingenii proposuit. In quibus tradendis cum
rigore Geometrico procedere sibi proposuisset, ab-
stinendum sibi censuit a consideratione impedimen-
torum, a quibus nunquam fere libera esse solet aqua per canales pro-
fluens. Jam vero theoriâ aliquam fluminum daturus probe animad-
vertit, non sibi fore licitum tali abstractione uti, sed omnino confide-
randa esse impedimenta, non quidem particularia omnia, quod factum
impossibile, sed generaliora, ut hinc derivari possit, quid secundum
circumstantias certas, vel in mutando aquæ cursu valeant, vel produ-
cendo effectus alios, qui miratu digni videri solent. Unde & æquos
sibi sperat futuros Lectores, si tantam hic non invenient *ακρίβειαν*,
quanta exigi solet a Geometris, nec illam universalitatem, qua con-
cipi

Pp

cipi

cipi solent propositiones magis abstractæ; cum maxima illa circumstantiarum varietas, quæ incertas reddere solet plerasque scientiæ naturalis partes, non patiatur, ut quis in hoc argumento physico-mathematico, majori cum certitudine versetur. Quod eo magis futurum sperat, quo pauciores sunt scriptores, qui operæ pretium fecerunt in hac scientia locupletanda, & quo pluribus falsis suppositionibus ipsa hucusque fuit contaminata. Harum non paucas detexit perspicacissimus Auctor, alveorum proprietates nondum cognitæ invenit, non raro etiam ab ipsa theoria digressus est, tradendo regulas præcipui usus in architectura, quæ circa aquas occupatur. Neque dubitat in posterum omnia hæc perfectius traditum iri, si modo diligentius elaboretur in illa mechanices parte, quam nemo alius adhuc tetigit, præter Dn. Nevvtonum, qui tamen ita eam proposuit, ut nondum ad doctrinam de fluminibus eandem applicare liceat. Orditur autem Cl. Auctor opus, in quatuordecim capita divisum, a consideratione liquidorum in genere, duas ad illorum constitutionem requirens conditiones essentielles: ut nimirum corpus illud, quod liquidum dici debet, unum nobis appareat, non vero instar acervi ex pluribus particulis congesti; deinde ut permeabile sit, neque relinquat apertum, quem pervasit aliud corpus, locum, sed permeans semper circumdet, quicumque etiam fuerit ejus velocitatis gradus, si perfecte liquidum sit, omnique lentore destitutum; cujus generis tamen pauca liquida dari fatetur. Atque jamjam propositam ideam mentalem vocat; physicam autem traditurus, poscit non solum, ut particularum liquidum corpus constituentium magnitudo insensibilis sit, sed etiam nulla, aut tam exigua sit particularum illarum connexio, ut gravitas illarum facile possit superare cohesionis momentum, eaque illarum figura, ut una alteri imposita quiete consistere non diu possit, sed data vel minima occasione provolvatur deorsumque ruat. Quæ ut clarius intelligantur, duo facit fluidorum genera, quorum primum est fluidorum artificialium, aut potius corporum liquefactorum, alterum naturalium. Primum omnem fluiditatem violentæ ignis agitationi dividendæ particularum unionem cum debeat, non putat illius particulis necesse esse ut tribuatur determinata aliqua figura, quoniam violentia motus omne coherentie momentum potius est, sive a figura particularum minimarum, sive ab externa pressione proveniat. In secundo gene-

genere agitationem corpusculorum intestinam non requirit, quamvis lubenter concedat, vix unquam illa motu esse destituta, cum propter perfectum æquilibrium cuilibet impressioni facile cedant; sufficere, judicans figuram corpusculorum talem, ut se in puncto tantum contingere possint, convexam scilicet, quæcunque etiam sit curvatis species, sive spherica sive spheroidæ aut his affinis, modo connexionem particularum vicinarum impediatur. Et cum pauca censetur esse talia fluida, aquam nimirum, aerem, & argentum vivum, reliqua autem ex varia particularum salinarum, terrearum, bituminosarum &c. commixtione cum illis orta, figuras quoque particularum, ex quibus ipsa constant, determinare satagit, aquam constare affirmans ex spherulis solidis, quæ poros inter se relinquunt sensibilibiter in recta linea dispositos, & hoc modo componant non fluidum tantum corpus ob figuram suam rotundam, sed & diaphanum, propter pororum rectitudinem, & grave patiter ac incompressibile, propter suam soliditatem. Mercurii corpuscula minima spheroidæ esse conjicit, quorum diameter major maximam habeat rationem ad diametrum minorem, non multum excedentem diametrum particulæ æthereæ; quo fiat, ut non solum interstitia admodum parva relinquuntur, per quæ æther transire, quidem sed non libere satis possit, atque adeo ejus actio, in qua essentia lucis consistit, vel perturbetur, vel insensibilis fiat, sed etiam propter magnitudinem diametri majoris respectu minoris, tam pauca sint illa interstitia, ut Mercurii corpus grave pariter sit ac opacum. Fluiditatem aeris cum elasticitate conjunctam melius, quam factum huc usque fuit, explicari posse putat, si ponatur, esse illum congeriem spirarum spherice contortarum & æthere repletarum, qui tantum per angustas revolutionum distantias in earum cavitatem penetrare possit. Manifestum enim hinc fieri, non tantum leve corpus esse aerem, quia singulæ spherulæ parum habent materiæ, & nullos inter se poros relinquunt, sed elasticum etiam, ob ætherem inter helicum interstitia continue fluentem, quodq; compressum etiam fluiditatem retineat, quoniam spherica corpuscula compressa spheroidæ induunt, quæ fluidi naturæ non repugnat. Existimat præterea, ætheris particulas ab aqueis sola differre exilitate & varietate motus, quo agitantur, ita ut ob hanc exiguitatem, quo major in rerum natura non detur, æther in determinato spatio, v. g. pedis cubici, minus habeat

beat materiæ quam ullum aliud corpus, cum inter ejus particulas intercedant quam plurima spatia vacua, quæ a nullo alio corpore repleri possint. Suam ergo de aqua ut probabiliorē reddat hypothesin Celeberr. Auctor, ostendit, posito aquam esse aggregatum minimarum spherularum gravium, omnia hinc consequi, quæ in aqua occurrunt, phænomena, nonnullasque ex præcipuis propositionibus hydrostaticis demonstrat. Porro de origine fontium agit, præ reliquis hypothesibus Cartesianam sibi probari faslus, quæ origines fontium ex aquis in terræ visceribus contentis & cum mari communicantibus deducuntur; si scilicet statuatur, a calore subterraneo illas in vaporem redactas elevari, concretasque rursus in receptacula colligi, & a pluvia niveque liquefacta, per terræ poros huc penetrante, sensim augeri, donec tandem exundent, flumenque constituentes in mare procurrant. Hujus aquarum fluentium motus principium gravitatem esse ut intelligatur, probat Guglielminus, easdem motus leges, quas solida deorsum ruentia observare ostendit Galilæus, fluidis etiam applicari posse; quamvis, ut diversæ corporum affectiones variant eorum proprietates, ita quoque efficiant, ut in quibusdam casibus diversimode exerceantur impressiones a gravitate receptæ. Quem in finem sollicite exponit, in quibus convenient aut discrepent phænomena corporum solidorum & fluidorum cadentium, atque hinc regulas derivat, quas flumina suo in cursu observare solent. Ad has autem rite adplicandas cum penitior consideratio alveorum requiratur, & proprietatum, quæ ipsi ratione profunditatis, latitudinis & declivitatis competunt, hanc quoque diligentem instituit, stabilitaque paradoxa opinione, quod necesse non sit, ut fluminis, suum ad terminum procurfuri, fundus aliquam habeat declivitatem, explicat quid possit vis aquarum in alveorum declivitate aut latitudine vel augenda vel minuenda. Deinde progressus ad ea, quæ de rectitudine aut tortuositate alveorum scitu sunt necessaria, disquirat, qui fiat, ut fluvii recto prius pergentes tramite exedant quasi litus, & tortuose procedant, traditaque ratione, quam munienda littora, ut a malo hoc immunita reserventur, proprietates & effectus fluminum tam rectorum quam tortuosorum recenset. Hac quoque occasione ad quæstionem a Varenio Geographo de origine alveorum motam respondet, non negari posse, quosdam alveos hominum opera effossos, cum id diserte ab

Histo-

Historicis, v. g. de Padi alveo ab Æmilio Scauro elaborato, memoria sit proditum; sibi tamen videri, maximam alveorum partem a natura factam, & illos vel excavatos vi aquarum ex fontibus proruentium, vel formatos in planitie camporum, per alluviones. Cæterum cum varii aquarum motus in fluminibus pro diversis observentur circumstantiis, ad quas pertinent gurgites, & vortices tam cæci quam voraginibus imminentes, quæ aquam & res innatantes absorbent, cataractæ ex quibus aquæ præcipitantur, derivatio fluminis in aliud flumen aut in mare, nec non fluviorum plurium conjunctio; omnia hæc, & ultima quidem illa duo distinctis capitibus explicat, simul effectus enumerans noxios interdum, quandoque vero utiles, qui a conjunctione aut separatione fluviorum ortum habent. Jam cum nullum flumen sit, quod eandem semper aquæ quantitatem vehat, nec unquam crescat aut minuatur; quoniam si ad quantitatem aquæ absolutam respicias, palam est, ejus incrementum ex majori vigore scaturiginum, multitudine pluviarum niviumque liquefactarum, & aqua fluviorum influentium aucta, procedere; si autem aream sectionis, quam occupat aqua in dato situ fluminis, consideres, ad priora quoque concurrere possunt restagnatio maris & fluminum majorum, in quæ aquas suas emittunt minora, imo, licet insensibiliter, vis ventorum currenti contrariorum, restrictio alvei, & generaliter omnia impedimenta inferiora, quæ velocitatem cursus fluminis imminuunt: ideoque de his omnibus doctissimus Auctor magna cum cura exponit, simul commemorans effectus, qui sequantur, quando fluvii pleno fluentes alveo percurrunt aggeres, quibus alias coercentur. Solent autem, præter fluvios perennes & torrentes aquam pluviam ex montibus convenientes, fluvii quoque reperiri in planitie ortum habentes, quorum alvei maximam partem ab hominibus effossi sunt cum in finem, ut in illos confluat aqua pluvia alias stagnatura, & campi agrique ad culturam idonei reddantur; unde nec hos omittendos sibi censuit, sed luculentè ostendit, quomodo alvei illorum disponendi, ut commode se exonerare possint in vicina flumina, paludes aut mare; quibus machinis impedienda fluminum in illas fossas regurgitatio; quomodo rite collocanda ostia; qua cautione utendum, cum de eo agitur, utrum satius sit, cunctas unire alicujus regionis aquas, & in unam fossam deducere, an vero illas per plures aquæ ductus ad suum terminum derivare.

re, factaque mentione fluminum subterraneorum, differentiam & usum eorum explicat. Ejusdem fere census sunt canales, in quos a fluminibus majoribus aliqua aquæ portio, ut vel irrigationi, vel movendæ alicui machinæ, vel aliis usibus humanis inserviat, ita corrivatur, ut influxus aquæ minui pro lubitu, aut plane sisti possit, extructis hunc in finem emissariis. Hæc ergo incilia quomodo construenda, quibus efficienda in locis cataraetæ, emissaria & ostiola, quæ Italis Paraporti vocantur, & aperta flumini aquam reddunt, fundumque canalis excavant, qui cognoscere desiderat, perspicuis ea regulis a Cl. Auctore comprehensa reperiet; qui deinde media quoque proponit, quibus navigabilia reddi possint flumina, modo impedimenta illa tollere liceat, quæ vel ex parte alvei, vel aquæ per illum currentis existunt. Porro cum magno cedat hominibus commodo, si steriles ob nimiam humiditatem terræ ad culturam aptæ reddantur, neque id semper effossione fossarum, de quibus antea dictum, fieri possit, præsertim in locis depressioribus, sed quandoque requiratur, ut aqua fluminum turbidorū iis immittatur, quæ deponendo terram fundum sensim elevet; de hac quoque re copiose præcipit, monstrando, quibusnam in casibus, & quibus modis cum fructu suscipi possit, tandemque ob oculos ponit ea, quæ probe consideranda sunt, quando flumen per novum alveum, sive ad ostium suum, sive ad aliud plane deducendum est, ne cum Nerone vestigia irritæ spei posteris relinquamus.

THESAURUS ANTIQUITATUM ROMANARUM, CONGECTUS a JO. GEORGIO GRAEVIO.
Tomus VII & VIII.

TRAJECTI AD RHENUM APUD FR. HALMAM, ET LUGDUNI Batavorum apud Petrum vander Aa, 1698. fol.
Constant ambo Tomi 16 alph. & plurimis iconismis.

Iterum ex libraria sua instructissima penū gazas depromit & evulgat celeberrimus Graevius, elegantiores rarioresque digerens & in classes veluti redactos suisque voluminibus inclusos proferens liberos qui etsi novi non sunt, venustiores tamen quia eos reddidit, ut typorum nitidorum & elegantissimorum iconismorum gratia priores editiones

tiones superent; non minus doctissimo Editori se debere agnoscit. Respublica Literaria, quam recentes quando prorsus nec editos antea profert libros. Eos indicasse sufficiat, e quibus excerpere nonnulla, aut argumentum eorum latius exponere, operæ nostræ ratio non permittit, in his fufius enarrandis solum occupata, qui nunquam antea publicam adspexere lucem.

In septimo tomo exhibentur Richardi Streinnii p. 1069. Ant. Augustini p. 1143. & Fulvii Ursini p. 1278. *de gentium & familiarum Romanarum ortu & successione* commentarii; ex quibus Streinnius Baro Schvvarzenavius anno 1558 librum suum *de gentibus & familiis Rom.* Argentorati publicæ primum luci exposuerat, sub auspice is Hottomanni ad istam eruditionem proventus; Augustini autem & Ursini commentarii e majoribus ipsorum operibus sunt excerpti. Iis subjecta est p. 1309. *Notitia dignitatum utriusque Imperii*, cum prolixo Guidi Panciroli commentario, qui in Italia & Gallia sub seculi hujus initium excusus, nunc sexaginta & pluribus æneis tabulis nitidissime cælatis venustior est exhibitus. Agmen claudit Valentis Chimentellii, doctissimi Itali, *de Honore Biselli* commentatio p. 2021. cui occasionem dederat in Pisano agro reperta basis, seu arcula marmorea, cui incisa hæc inscriptio:

D. M
Q. LARGENNI
Q. F. GAL. SEVER
AEDILI. PISAS
Q. LARGENNIV
CHRESIMVS. PA
QVI. OB. HONOR
BISELLI. HS. L. N
REL. P. PISANOR
DEDIT

Hanc epigraphen erudita Dissertatione explicandam cum sibi tumisset Chimentellius, in Pisano Lyceo eloquentiæ & politices Professor anno 666, de variis sellarum generibus, quibus tum magistratus tum privati homines sunt usi, duxit disserendum; deque sellis curulibus, subsellis senatoriis, lecticis conularibus, thronis, solis, cathedris, & similibus, multa haud proleteria attulit: appendicis loco ac odori mun-

scis

scâ Pisanis epistolam adjiciens, quam & ipsam non omittendam ratus, p. 2199 collocavit Thesauri doctissimus promulgator.

Octavus tomus pluscula complectitur opuscula, pleraque ad anni Romani supputationem & solennia festorum spectantia. *Kalendarii* itaque *veteris Romani* aliquot exempla seu ectypa oculis subjiciuntur: *urbanum* Augusti temporibus marmori incisum, ex ædibus Massæorum p. 1. cum notis Ariæ Montani & Petri Ciaconii p. 16: *rusticum* e Farnesiana bibliotheca depromptum p. 19. cum notis Vrsini p. 21: alterius *Kalendarii* fragmenta, ex ædibus Capranicorum p. 29. & apud Vrsinum p. 31. His subjicitur Sibrandi Siccamae in *Fastos Kalendarum Romanorum* commentarius anno 1599 editus p. 33. ejusque de *veteri anno Romano* dissertatio p. 81. Sequitur *Kalendarium*, quod in libris antiquis Ovidii Fastis præfixum cernitur p. 89. quod autem multis in locis aliter in suo MSto legi annotat Cl. Editor in Præf. Hoc excipit aliud *Kalendarium* circa annum Chr. CCCLIV sub Imp. Constantio Constantini M. filio compositum p. 96. cum iconismis eidem præfixis, singulos anni menses delineantibus: quod a Petro Lambecio in appendice Libri IV Biblioth. Vindobonensis p. 277 proditum, cum ejusdem notis sistitur p. 103. Commentarios in istud Marcum Vellerman scripsisse, asservatos olim in Mazariniana bibliotheca, indicavit Nicolaus Heinsius per literas Christophoro Arnoldo, qui id memorat in Præf. Operum Vellermanor. p. 8. *Kalendaris* istis antiquis subjiciuntur recentiora duo a Th. Demistero p. 115. & Dion. Petavio p. 125. adornata, adjecta *expositione compendiarie Kalendaris Romani*, a Petro Gassendo instituta p. 139. Sequitur Petri Violæ de *veteri novaque Romanorum temporum ratione* libellus Venetiis 1546 excusus, parum obviu p. 139. Hadr. Junii de *annis & mensibus* commentatiuncula, quæ anno 1556 prodierat p. 199. ejusdemque *Fastorum* liber p. 229. Inde sistuntur de *anno Romano* diversorum auctorum diatribæ, Jo. Lalamantii p. 259. Jac. Christmanni p. 285. Jos. Scaligeri p. 307. Dion. Petavii p. 325. Sam. Petiti p. 371. Wilh. Langii p. 397. petitiæ omnes ex majoribus eorum operibus chronologicis. Succedit Erycii Puteani de *Bissexto* liber, qui intercalandi rationem exponit p. 419. Petri Tassini de *Romanorum anno seculari*, ejusque potissimum per ludos seculares celebritate, & horum chronologia, opus historicum, chronicum & criticum anno 1641 editum p. 467. Erycii Puteani de *Nundinis Romanis* liber anno

1645 evulgatus, quem *Fastorum novam faculam*, ut superiorem de Bissexto temporis faculam, ipse auctor insignivit, p. 641. Gregorii Tolosani ex Syntagmate decerptum *de nundinu & mercatibus* fragmentum p. 697. Jo. Bapt. Belli diatriba *de Pharsalici confictus mense & die* p. 70, in qua vigesimus Julii prælio isti ex Maphæano marmore assignatur. Petri Morestelli *de triplici anno Romanorum, mensibus, eorumque partibus, deque die civili & diversitate dierum* libri quinque, anno 1604 sub titulo *Philomusi* editi p. 732. ejusdem *Alypius*, sive *de prætorum Romanorum feriis* liber p. 789.

His tot hominum doctorum commentationibus, quæ anni & solennium festorum apud veteres Romanos rationem exponunt, attexit doctissimus Editor alterius argumenti Dissertationes, quæ Romanas alias antiquitates attingunt: nempe Julii Cæsaris Bulengeri de *tributis ac vectigalibus Populi R-m.* librum, qui est nonus majoris operis *de Imperio Romano*, p. 819. Vinc. Contareni *de frumentaria Romanorum largitione, & de militari Romanorum stipendio* commentarium Patavii 1609 editum p. 923. Jo. Schefferi *Agrippam liberatorem*, sive dissertationem *de novis & vetustis* Argentorati a. 1645 publici primum juris factam p. 975. Barn. Brillonii *de veteri ritu nuptiarum & jure connubiorum*, p. 1007. Ant. Hotmanni *de veteri ritu nuptiarum* p. 1107. ejusdemque *de sponsalibus, jure matrimoniorum, spuris item & legitimis* p. 1145. dissertationes. Jo. Meursii *de luxu Romanorum*, librum anno 1611 editum p. 1215. ejusdemque argumenti commentarium Stanislai Kobierzykii anno 1618 publicæ luci expositum p. 1251. Coronidem huic tomo imponit Joachimi Johannis Maderi *de coronis sacris & profanis* Helmstädi anno 1662 excusus libellus p. 1403.

DAVIDIS GREGORII M. D. ASTRONOMIÆ PROFESSORIS
Saviliani & S. R. S. CATENARIA, ad Rev. Virum D. HENRICUM ALDRICH S. T. P. Decanum Aedis Christi
Oxonia.

Transcripta ex Actis (Transactions) Philosophicis Anglicanis
mensis Augusti, 1693, pag. 633. seqq.

Um Problema de figura Catenæ (id est lineæ flexilis, versus centrum longinquum gravis, & pondere suo dum a duobus extre-

Qq

mis


mis immotis dependet incurvata) sit inter hujus ævi Philosophos imprimis nobile, ac a Celeberrimis Viris *Hugenio*, *Leibnitio* & *Bernoullio*, plurimæ figuræ istius proprietates fuerint detectæ, & in Actis Eruditorum *Lipsiæ* (at sine demonstratione) editæ: Libuit harum omnium, demonstrationes pertexere, ope Methodi *Newtonianæ* Geometris hodie familiaris, fluxiones e fluentium relatione data determinandi & vicissim; & alias insignes Curvæ hujus proprietates nunc primum detectas adjicere, tibique, Reverende Decane, harum rerum Judici idoneb mittere.

Prop. I. Problema.

TAB. IX. *Fig. 1.* ¶ Invenire relationem inter fluxionem axeos & fluxionem ordinatæ in Curva Catenaria.

Sit Catena FAD ab extremitatibus F & D dependens, cujus punctum imum (seu Curvæ vertex) A , axis AB ad horizontem erectus, eique applicata BD horizonti parallela. Inveniendæ est relatio inter Bb seu Dd & d ; posito b puncto ipsi B proximo, & b d ad B D , item Dd ad BA parallela.

Ex Mechanicis constat, Potentias tres in æquilibrio positas eandem habere rationem cum rectis tribus ad ipsarum directiones parallelis, vel in dato angulo inclinatis, a mutuo occurssu terminatis; Adeoque si Dd exponat gravitatem absolutam particulæ Dd (ut in Catena æqualiter crassâ rite fit) d representabit gravitatis partem eam quæ normaliter in Dd agit, quaque fit ut dD (ob Catenæ flexilitatem circa d mobilis) in situm verticalem se componere conatur. Adeoque si d (sive fluxio ordinatæ BD) constans sit; gravitatis actio in partes correspondentes Catenæ Dd normaliter exerta etiam constans erit, sive ubique eadem. Exponatur hæc per rectam a . Porro ex supra citato Lemmate Mechanico, Dd sive fluxio axeos AB exponet vim secundum directionem ipsius dD exerendam, quæ priori conatui lineæ gravis dD ad componendam se in situm verticalem æquipolleat, eumque impedire possit. Hæc vero vis oritur a lineâ gravi DA secundum directionem dD trahente; estque proinde (cæteris manentibus) lineæ DA proportionalis. Est igitur d fluxio ordinatæ ad dD fluxionem abscissæ, sicut constans recta a ad DA curvam.
q. e. f. Coro-



Corollarium.

Si recta DT tangat Catenariam, & axi BA producto occurrat in T, erit DB.BT :: (d δ. δD ::) a. DA Curvam.

Prop. 2. Theorema.

Fig. 1. Si ad perpendicularum AB tanquam axem, vertice A, describatur hyperbola æquilatera AH, cujus semi-axi AC æqualis a; & ad eundem axem & verticem, parabola AP cujus parameter æqualis quadruplo axi hyperbolæ, & producatur semper hyperbolæ ordinata HB, donec HF æqualis Curvæ AP: Dico Curvam FAD in quo puncta F & D versantur (positis BD, BF æqualibus) esse Catenariam.

Vocetur AB x, erit Bb = x, & BH = $\sqrt{2ax + x^2}$. Unde

de ex methodo fluxionum, fluxio ipsius BH (five mh) = $\frac{ax + x\dot{x}}{\sqrt{2ax + x^2}}$

Rursus quia parabolæ AP parameter = 8a, erit BP = $\sqrt{8ax}$.

Unde np (hoc est fluxio ipsius BP) æqualis $\frac{2ax}{\sqrt{2ax}}$. Quare fluxio

Curvæ AP (= Pp = $\sqrt{npq + Pnq}$) = $\sqrt{\frac{4a^2x + x^3}{2ax}}$

= $\sqrt{\frac{2ax^2 + x\dot{x}^2}{x}}$ quæ, ducendo tam numeratorem quam deno-

minatorem in $\sqrt{2ax + x^2}$, = $\frac{2ax + x\dot{x}}{\sqrt{2ax + x^2}}$. Et cum HF sit

ubique = AP, erit fluxio HF rectæ, hoc est mh + sf

= $\frac{2ax + x\dot{x}}{\sqrt{2ax + x^2}}$. Sed hætenus inventa est mh = $\frac{ax + x\dot{x}}{\sqrt{2ax + x^2}}$

Unde sf five fluxio ipsius BF ordinatæ ad axem Catenariæ, est

Qq æqua-

æqualis $\sqrt{\frac{ax}{2ax+x^2}}$. Et igitur fluxio Curvæ AF (five ipsa Ff = $\frac{vsfg + Fs g}{\sqrt{a^2 x^2 + x^2}} = \frac{ax + x^2}{\sqrt{2ax + x^2}}$, cujus fluens modo ostensa est $\sqrt{2ax + x^2}$. Et igitur AF = $\sqrt{\frac{ax}{2ax + x^2}}$.

Patetque fluxionem ordinatæ BF five $\sqrt{\frac{ax}{2ax + x^2}}$ esse ad \dot{x} fluxionem abscissæ AB sicut data a ad Curvam AF, quæ est superius inventa Catenariæ proprietas. Igitur Catenariæ puncta recte determinantur per præcedentem constructionem. q. e. d.

Corollaria.

1. Ex constructione patet, BF ordinatam Catenariæ æuari Curvæ parabolicæ AP, dempta BH correspondente ordinata hyperbolæ conterminæ AH.

2. Ex demonstratione constat, Catenariam Curvam AF æuari BH correspondenti ordinatæ Conterminæ Hyperbolæ æquilateræ. Cum enim harum linearum fluxiones æquentur, & simul nascantur, ipsæ lineæ; patet illas ubique esse æquales. Unde data catena, dabitur AC five a, quippe æqualis semi-axi Hyperbolæ æquilateræ cujus vertex A, & ordinata ad abscissam AB catenæ AD est æqualis.

3. Catenariæ omnes sunt inter se similes, cum ex simili similibus & similiter positarum figurarum constructione generentur. Unde duæ rectæ ad Horizontem similiter inclinatæ per Catenarum vertices ductæ abscindunt figuras similes, & Catenarum portiones abscindentibus rectis proportionales.

4. Si Catena QAD suspendatur a punctis Q & D inæqualiter altis, Curvæ pars FAD eadem manet, ac si ex punctis æqualiter F & D esset suspensa, quoniam nihil refert utrum punctum F affixum sit vel non affixum ad planum verticale.

5. Si Catenæ vis trahens secundum directionem d Dexponatur per Dd, dividetur, ut vulgo notum, in vim ut d secundum directionem horizontalem, & vim ut dD secundum directionem verticalem:

lem: Igitur vis in Catenæ extremo directe accedendi ad axem, est ad vim in eodem descendendi secundum perpendiculum; sive vis sustentis pars secundum directionem BD agens, est ad ejusdem partem, secundum directionem DD agentem, ut semi-axis Hyperbolæ terminæ AH ad DA longitudinem Catenæ usque ad verticem Curvæ: Unde data Catenæ ratio hæc datur. Et in eadem Catenæ nunc magis nunc minus laxè suspensa, vis ista Horizontalis est ut Hyperbolæ terminæ axis, cum DA eadem maneat si extrema æqualia sint.

6. Catenæ in plano verticali, sed situ inverso, figuram servat, nec decedit, adeoque arcum seu fornecem facit tenuissimum: Hoc est sphaeræ minimæ rigidæ & lubricæ in inversa Curvæ Catenaria dispositæ, arcum constituunt cujus nulla pars ab aliis extrorsum vel introrsum propellitur; sed manentibus infimis punctis immotis, virtute suæ figuræ sustinetur. Cum enim punctorum Curvæ Catenariæ situs, partiumque inclinatio ad Horizontem eadem sit, sive in situ FAD, sive in situ inverso, dummodo Curvæ sit in plano ad Horizontem recto, patet illam æque servare figuram immutatam in uno situ ac in altero. Et e converso solæ Catenariæ sunt fornices sive arcus legitimi: Et cujuscunque alterius figuræ Arcus ideo sustinetur, quod in illius crassitie quadam Catenaria inclusa sit: Neque, si tenuissimus esset, partesque haberet lubricas sustineretur. Ex præcedente Corol. 5. colligitur quali vi arcus, muros quibus insitit extra propellit; nempe hæc eadem est cum parte vis Catenam sustententis, quæ secundum directionem Horizontalem trahit. Quæ enim in Catenæ introrsum trahit vis, in arcu Catenæ æquali, extrorsum propellit. Alia omnia de murorum quibus fornices, imponuntur firmitate requisita, ex hac Theoria Geometricæ determinantur, quæ in ædificiorum extruptione præcipua sunt.

7. Si loco gravitatis alia quælibet vis similiter agens in lineam flexilem vires suas exerat, eadem producet lineam. V.g. Si ventus æquabilis supponatur, & secundum rectas datæ positione rectæ parallelas spirans, lineæ vento inflata eadem erit cum Catenaria. Nam cum omnia quæ in gravitate consideravimus, in altera hac vi obtineant, patet eandem Curvam productum iri.

Prop. 3. Theorema.

Fig. 2. SI manente prædicta Hyperbola AH, per A ducatur recta G
Qq 3 AL

AL axi AB normalis, & describatur Curva KR ejus naturæ, ut BK sit tertia proportionalis rectis BH & AC, & ad AC applicetur rectangulum AV æquale spatio interminato ABKRLA, erit F concursus rectarum HB, V G ad Catenariam.

Nam ex constructione est $BK = \frac{a^2}{\sqrt{2ax + x^2}}$, quare fluxio

spatii ABKRLA = (BK kb = BK x Bb =) $\frac{a^2 x}{\sqrt{2ax + x^2}}$.
 spatium ABKRLA,

Cumque $BF = \frac{\text{fluxio spatii ABKRLA}}{AC}$, & AC detur, erit fluxio

ipsius BF = $\frac{\text{fluxio spatii ABKRLA}}{AC} = \frac{a x}{\sqrt{2ax + x^2}}$. Sed

in præcedentis Prop. constructione, fluxio ordinatæ BF

= $\frac{a x}{\sqrt{2ax + x^2}}$. Quare hæc constructio eodem redit cum constructione Prop. præcedentis, & consequenter punctum F est ad Catenariam. q. e. d.

Corollarium.

Sicut in Prop. præced. Catenaria describitur ex data longitudine Curvæ parabolicæ, ita in hac, illius descriptio pendet a quadratura spatii in quo $x^2 y^2 = a^4 - 2axy^2$. Nam y (sive

BK) = $\frac{a^2}{\sqrt{2ax + x^2}}$.

Prop. 4. Theorema.

Fig. 1. Spatium AGF sub Catenaria AF & rectis FG, AG ad AB, BF parallelis comprehensum, æquale est rectangulo sub semi-axe AC, & DH intervallo applicatarum in Hyperbola & Catenaria.

Nam

Nam $\dot{D}H = (\dot{B}H - \dot{B}\dot{D}) =$, ex Prop: 2. hujus, $\frac{a\dot{x} + \dot{x}\dot{x}}{2ax + x^2}$
 $= \frac{a\dot{x}}{2ax + x^2} = \frac{\dot{x}\dot{x}}{2ax + x^2}$. Quare fluxio rectanguli sub da-
 ta AC & DH $= (\frac{a\dot{x}\dot{x}}{2ax + x^2} = \dot{x}\dot{x} \frac{a\dot{x}}{2ax + x^2} = f s x F G =)$
 fluxioni spatii A GF. Cumque figuræ hæ simul nascantur, sequitur
 rectangulum sub AC & DH æquari spatio A GF. q. e. d.

Corollarium.

Hinc sequitur spatium FAD, sub Catena FAD & recta Ho-
 rizontali FD comprehensum, æquari rectangulo sub FD & BA, dem-
 pto rectangulo sub Hyperbolæ AH axe alterutro, & DH excessu re-
 ctæ BH, vel Curvæ AD, supra ordinatam BD.

Prop. 5. Theorema.

Fig. 1. SI ad rectam AL applicetur rectangulum LE æquale spatii
 Hyperbolico ALH, erit E centrum Æquilibrii Curvæ
 Catenariæ AFD.

Concipiatur Curva gravis FA librari super axe GL. Ex Cen-
 trobarycis constat momentum gravis FA exponi per superficiem Cy-
 lindrici recti super FA erecti, & resecti plano per GL transeunte, cum
 plano Curvæ angulum semirectum faciente. Et hujus superficiæ flu-
 xio, sive FA x FG, æqualis est fluxioni spatii ALH sive BH x HL;
 quia FA, BH, item FG & HL æquantur. Ac propterea (cum simul
 nascantur) dicta superficies Cylandrici recti æqualis est spatii Hyper-
 bolico ALH. Hoc proinde applicatum ad ipsum grave AF, vel illi
 æqualem rectam AL, facit latitudinem AE æqualem distantiam centri
 gravitatis ab axe librationis GL. Unde Curvæ FAD, æqualiter ad
 utramque axeos AB partem jacentis, centrum æquilibrii est E. q. e. d.

Corollaria.

1. Spatia ABHL, BAH, & AGF sunt Arithmetice pro-
 por-

portionalia. Nam fluxio spatii ALH = $(\sqrt{\frac{ax+xx}{2ax+xx}})xx$
 $= \frac{ax+xx}{\sqrt{2ax+xx}} = \frac{2ax+xx-axxx}{\sqrt{2ax+xx}} = x \sqrt{2ax+xx}$
 $= \frac{axx}{\sqrt{2ax+xx}} =)$ fluxioni spatii BAH, multatæ fluxione
 spatii AGF, per Prop. 4. hujus. Cumque hæ tres figuræ simul na-
 scantur, erit BAH — AGF (ALH —) BL — BAH. Quare 2B
 AH = BL + AGF. Unde sequitur spatia BL, BAH & AGF esse
 in proportione Arithmetica.

2. Catenæ centrum gravitatis est omnium linearum ejusdem
 longitudinis, eisdemque terminos habentium, infimum. Nam tan-
 tum descendet grave quantum potest. Cumque tantum descendat
 figura, quantum ejus centrum gravitatis descendit, sese disponet li-
 nea gravis flexilis, ut ejus centrum gravitatis sit inferius quam si aliam
 quamcunque figuram indueret. Atque ex hoc symptomate lineæ gra-
 vis flexilis, reliqua omnia facile deduci possent.

3. Si super quascunque Curvas eandem longitudinem eisdem-
 que terminos D & F cum Catenaria FAD habentes, erecti Cylindrici
 recti secantur plano per DF transeunte; superficierum Cylindrica-
 rum sic resectarum maxima est quæ super Catenariam insistit. Hæ e-
 nim superficies (si angulus sub planis fuerit semirectus) ad ipsas Cur-
 vas (quæ sunt in casu præsentis longitudinis ejusdem) applicatæ,
 latitudines faciunt æquales distantis centrorum gravitatis Curvarum
 a DF recta: Cum distantia hæc sit in Catenaria maxima (ob maxi-
 mum descensum centri gravitatis) erit Cylindrica superficies appli-
 canda etiam maxima. Et quoniam superficierum Cylindricarum re-
 sectarum plano cum planobaseos angulum quemvis continente, ea-
 dem est ratio atque cum dictus angulus est semirectus, patet propo-
 situm universaliter.

Lemma.

Fig. 1. SI in cujusvis Curvæ AFQ, descriptæ evolutione alterius
 Curvæ KV, ordinatam quamvis F Bad axem AB norma-
 lem,

lem, a correspondente in KV puncto V demittatur normalis VR ordinata occurrens in R: Erunt, manente fluxione axeos AB eadem, fluxio fluxionis ordinata BF, fluxio Curvæ AF, & recta FR continue proportionales.

Producatur rectula Ff donec proximæ ordinatæ w φ occurrat in o. Et quoniam ex hypothesi $Fs = f w$, erit $o = Ff$, adeoque o φ erit fluxio ipsius fs, hoc est fluxio fluxionis ordinatæ. Porro triangula o φ f, fFR sunt æquiangula, quia o φ f = alterno fFR, & f o φ = (Ffr =) fFR, quia illorum intervallum Rfr alterutris respectu evanescit, cum Rr præfr nulla sit. Et igitur o φ. φ f :: fF. FR: sed φ f, fF æquales sunt, cum fluxione utriusvis tantum differant. Quare o φ. fF :: fF. FR. q. e. d.

Prop. 6. Problema.

Fig. 1. Invenire Curvam KV, cujus evolutione Catenaria AFQ describitur.

Vocetur ut prius AB, x; item BF, y. Est, ex Prop. 2 hujus,

$\dot{y} = \frac{a \dot{x}}{\sqrt{2ax + x^2}}$, sive $2ax\dot{y}^2 + x^2\dot{y}^2 = a^2\dot{x}^2$. Quare, per factis nunc usurpatam *Newtoni* methodum, $2a\dot{x}\dot{y}^2 + 4ax\dot{y}\ddot{y} + 2x\dot{x}\dot{y}^2 + 2x^2\ddot{y}\dot{y} (= 2a^2\dot{x}\ddot{x} \text{ quæ, propter } \dot{x} = 0 \text{ cum constans } \dot{x} \text{ non fluat}) = 0$. Quare $\ddot{y} = \left(\frac{a\dot{x}\ddot{y} - \dot{x}\dot{x}\ddot{y}}{2ax + x^2} \right)$

$\frac{a + x}{2ax + x^2}$ in $\frac{a\dot{x}^2}{\sqrt{2ax + x^2}}$ ponendo loco \dot{y} , ejus valorem $\frac{a\dot{x}}{\sqrt{2ax + x^2}}$.

(Nam signum — quantitati \ddot{y} præfixum, tantum denotat locum puncti R ex F spectati, oppositum esse loco puncti F ex B spectati, cum curva AFQ est cava versus axem AB) Et Ff,

per Prop. 2 hujus, $= \frac{a + x \text{ in } x}{\sqrt{2ax + x^2}}$. Quare per præcedens Lemma, $FR = \left(\frac{Ff g}{y} = \frac{a + x \text{ in } x^2}{2ax + x^2} \text{ in } \frac{2ax + x^2 \text{ in } \sqrt{2ax + x^2}}{a + x \text{ in } x^2} \right) =$

Rr 2x

$a+x$ in $\sqrt{2ax+x^2}$. Rursus ob triangu^ala rectangula Fsf ,

FRV , habentia angulos fFs , VFR æquales, quia VFs est utriusque complementum ad rectum, est $Fs.s :: FR.VR$,

sive $x \cdot \sqrt{2ax+x^2} :: \frac{ax}{a+x}$ in $\sqrt{2ax+x^2}$. VR ; quæ proinde

æqualis $a+x$. Hæc igitur est natura curvæ KV , ut si AB vocetur x , erit $FR = \frac{a+x}{a}$ in $\sqrt{2ax+x^2}$, & $VR = a+x$.

q. c. i.

Corollaria.

1. $AC.CB :: BH.FR$. Hæc enim est proprietas rectæ FR , superius inventa.

2. Recta CB æqualis est rectæ BI sive VR . Utraque enim est æqualis $a+x$.

3. Recta evolvens VF est tertia proportionalis ipsis AC , CB . Nam ob æquiangu^ala triangu^ala fFs , VFR , est $s.F.f$

$:: FR.VF$. Sive $x \cdot \sqrt{2ax+x^2} :: \frac{ax+xx}{a+x}$ in $\sqrt{2ax+x^2}$. VF

quæ proinde $= \frac{a+x}{a}$. Unde $a \cdot a+x :: a+x$. VF , quæ

præterea est radius circuli Catenæ in F æquicurvi.

4. Cum punctum F est in A , sive cum vertex evolutione describitur, id est cum $x = 0$, valor evolventis rectæ VF , quæ in hoc casu est KA , nempe $\frac{a+x}{a}$ fiet a : hoc est punctum K , ubi Curva

VK occurrit axi, tantum extat supra Catenæ verticem A , quantum C deprimitur infra eundem. Unde diameter circuli, Catenæ ad verticem æquicurvi, æqualis est axi conterminæ Hyperbolæ AH . Adeoque Catenæ AD & Hyperbolæ AH eadem est curvatura in vertice A : Nam vulgo notum est circulum prædictum, Hyperbolæ æquilatere

teræ A H in vertice A æquicurvum esse. Sed & hoc aliunde, ex ipsa Catenæ natura Prop. 2 hujus demonstrata, constat. Nam nascent FH five (AP — nascenti BP =) $\sqrt{2ax + x^2}$ dupla est nascentis BH five ($\sqrt{2ax + x^2}$, hoc est, evanescente x^2 , cum x minima sit) $\sqrt{2ax}$; Et igitur idem punctum est tam in nascente Hyperbola quam nascente Catenaria; h. e. Nascent Hyperbola AH cum nascente Catenaria A D coincidit, & proinde æquicurvæ sunt hæ lineæ ad verticem A.

5. Curva KV est tertia proportionalis ad rectam A C, & curvam AF, five rectam AL. Ex natura enim evolutionis, $KV = (VKA - KA - VF - KA - \frac{a+x}{a} - a = \frac{a^2 + 2ax + x^2}{a} - a = 2ax + x^2$. Et igitur $a \sqrt{2ax + x^2} : \sqrt{2ax + x^2} :: KV$.

Sed $\sqrt{2ax + x^2}$, ex Corol. 2, Prop. 2, = AF. Unde AC.AF : A F. KV.

6. Recta KI dupla est ipsius AB. Cum enim BI = (BC =) CA + AB, erit AI = CA + 2AB; At AK = AC, per Corol. 4 hujus; Igitur KI = 2AB.

7. Rectangulum sub AC & BR est æquale duplo spatio hyperbolico BAH. Nam FR in AC = $(a + x \text{ in } \sqrt{2ax + x^2})$ in a = $a + x \text{ in } \sqrt{2ax + x^2} = x \text{ in } \sqrt{2ax + x^2} + a \text{ in } \sqrt{2ax + x^2} = AB \text{ in } BH + AC \text{ in } BH = AB \text{ in } BH + AC \text{ in } BD + AC \text{ in } DH$. Quare FR in AC = BD in AC, hoc est BR in AC = AB in BH + AC in DH. Sed, per Prop. 4 hujus, AC in DH = AGF spatio. Et igitur BR in AC = (ABHL + AGF = per Corol. 1, Prop. 5) 2BAH.

Prop. 7. Theorema.

Fig. 3. SI in Curva Logarithmica LAG, cujus data subtangens HS æqualis rectæ a, Corol. 2, Prop. 2, hujus definitæ, sumatur punctum A, cujus distantia ab HP asymptoto, nempe AC, æqualis sit subtangenti HS, & ex punctis H & Putcunque in asymptoto sumptis, a puncto C æqualiter distantibus, erigantur HL, PG ordinatæ ad Logarithm.

arithmicam, quarum semisumma ponatur æqualis HD vel PF, erunt D & F ad Catenariam rectæ AC correspondentem.

Vocetur ABx, adeoque CB vel DH semisumma ordinarum HL, PG erit $a + x$; semidifferentia earundem vocetur y. Unde $HL = a + x + y$, & $PC = a + x - y$. Cumque ex natura Logarithmicæ, CA sit inter has media proportionalis, erit $a^2 + 2ax + x^2 - y^2 = a^2$. Unde $y = \sqrt{2ax + x^2}$. Adeoque $HL = a + x + \sqrt{2ax + x^2}$ & $PG = a + x - \sqrt{2ax + x^2}$. Quare fluxio ipsius HL, sive ipsa lm est $\frac{ax + xx + x\sqrt{2ax + x^2}}{\sqrt{2ax + x^2}}$. Et ob æquiangula-

triangula lml, LHS, est LH.HS: : lm.mL: unde mL sive dδ fluxio

ipsum BD = $\frac{ax}{\sqrt{2ax + x^2}}$. Hoc est Curva AD ex Logarithmica supradicto modo genita, ejus est natura, ut si axis vocetur x, ejusque

fluxio x, fluxio ordinatæ BD sit $\frac{ax}{\sqrt{2ax + x^2}}$. Sed hæc ipsa est proprietas Catenariæ ad quam a pertinet, Prop. 1 hujus demonstrata. Ergo Curva FAD superius descripta est hæc ipsa Catenaria. q. e. d.

Corollaria.

1. Sicut ope Logarithmorum Catenaria describitur, vice versa ope Catenariæ per ipsarum rerum naturam productæ, numeri dati vel potius rationis datæ Logarithmus invenitur. Ut si posita CA unitas, cujus Logarithmus est nihilo æqualis, quæritur Logarithmus numeri CQ sive rationis inter CA & CQ; Rectis CQ & CA tertia proportionalis sit CV, ipsarumque CQ, CV semisumma CB; ex B ordinata ad Catenariam, nempe BD est Logarithmus quæsitus. Ratio ex Propositione manifesta est.

2. Vicissim si dato Logarithmo CH vel CP, quæritur correspondens numerus HL vel PG, seu ratio HL ad CA, sive PG ad CA. Ex H vel P erigatur perpendicularum Catenæ occurrens in D vel F, ipsique HD vel PF hoc est CB, fiat æqualis CR ad horizontalem AR terminata; Eritque AR semidifferentia quæsitærum LH, GP, sicut ex supra demonstrata Catenæ natura HD vel CR est earundem semi-

semisumma: (Nam in tribus quantitibus Geometricæ proportionabilibus quales sunt HL, CA, PG, quadratum semisummae extremarum multatum quadrato mediae, æquatur quadrato semidifferentiæ extremarum.) Adeoque CR + AR, & CR — AR sunt numeri HL vel GP, dato Logarithmo CH vel CP congrui.

3. Ex demonstratione patet, quod sicut HD semisumma Logarithmicæ ordinarum HL, PG, ad CH normaliter applicata in H, est ordinata Catenariæ, sic semidifferentia earundem HL, PG, ad CA normaliter applicata in B est ordinata Hyperbolæ æquilateræ, centro C vertice A descriptæ: ac proinde (per Corol. 2, Prop. 2 hujus) æqualis Catenæ AD. Nam $y = \sqrt{2ax + x^2}$. Cumque Corol. præced. ostensum sit, AR esse etiam semidifferentiam rectorum HL, PG; patet AR esse æqualem Catenariæ portioni AD. Unde obiter elucescit modus, data Catena AD, inveniendi C centrum Hyperbolæ conterminæ, vel punctum in asymptoto Logarithmicæ GL. Nam si sumatur AR æqualis Catenæ AD, & ex junctæ rectæ BR puncto medio erigatur ad ipsam BR normalis, hæc occurret BA axi Catenæ in quaesito puncto C, uti patet. Nam sic erit CR = CB.

4. Hinc etiam sequitur, si BDT angulus fiat æqualis ACR, rectam DT tangere Catenariam in D. Nam sic fiet in triangulis æquiangulis DBT, CAR; DB. BT :: CA. AR, sive huic æqualem AD curvam. Et igitur, per Corol. Prop. 1 hujus, DT tangit Catenariam.

5. Sequitur etiam, spatium ACHD æquari rectangulo sub CA & AR. Nam quoniam AYD est, per Prop. 4 æquale rectangulo sub CA & (AD — BD =, per Corol. 3 hujus Prop. AR — AY =) YR, patet propositum. Et quoniam CA datur, constat spatium ACHD esse sicut AD curva, illiusque fluxionem Hd sicut Dd fluxio hujus.

6. Si per punctum K ubi CR secatur HD, ducatur KZ parallela PH, rectæ AC occurrens in Z, sumaturque CE æqualis semisummae ipsarum BC, CZ, erit E centrum Equilibræ Curvæ FAD.

Intelligatur super FAD erecta superficies Cylindrici recti resecti plano per PH ad angulos semirectos cum plano Curvæ FAD; Exponet hæc superficies momentum Curvæ FAD super axe PH librata, ejusque fluxio est D H in D d + P F in F f

$$Rr + 3 = 2$$

$$= 2BC \text{ in } AD = 2 \text{ in } a + x \text{ in } \frac{a^2 x^2 + x^4}{2ax + x^2} = \frac{2a^2 x^2 + 4axx^2 + 2x^2 x^2}{\sqrt{2ax + x^2}}$$

$$= \frac{a^2 x}{\sqrt{2ax + x^2}} + \frac{a^2 x + axx}{\sqrt{2ax + x^2}} + \frac{3axx + 2x^2 x}{\sqrt{2ax + x^2}} \text{ cujus fluens}$$

$$\text{in } BD + a \sqrt{2ax + x^2} + x \sqrt{2ax + x^2} = C \text{ in } BD + C \text{ in } AD.$$

Quare $C \text{ in } BD + C \text{ in } AD =$ (quoniam simul nascitur, dictæ superficiei Cylindricæ =) momento Curvæ FAD super axe PH librata. Unde distantia centri gravitatis Curvæ FAD

$$C \text{ in } BD + C \text{ in } AD \quad C \text{ in } BD$$

a puncto C est $\frac{C \text{ in } BD}{2AD}$ sive $\frac{1}{2} \frac{C \text{ in } BD}{AD} + \frac{1}{2} CB.$

Porro ob ZK parallelam AR , est $AD : BD :: (AR : ZK ::)$

$$C \text{ in } A : C \text{ in } Z : \text{ unde } CZ = \frac{C \text{ in } BD}{AD}, \text{ \& igitur } CE, \text{ quæ per con-}$$

$$\text{structionem est} = \frac{1}{2} BC + \frac{1}{2} CZ, \text{ erit} = \frac{1}{2} \frac{C \text{ in } BD}{AD} + \frac{1}{2} BC :$$

hoc est Curvæ FAD centrum gravitatis, & E punctum ex constructione definitum, æqualiter distant a C ; sed & in eadem recta & versus easdem partes sita sunt, ergo coincidunt illa.

Potest & coincidentia puncti E ut supra determinati, cum centro æquilibrii Prop. 5 hujus definitio, synthetice sic ostendi.

Per Corol. 1, Prop. 5, $2BAX = AYD + BA \text{ in } AR$. Unde $AH + 2BAX = (ACHD + BA \text{ in } AR = \text{per præced. Corol.}) AR \text{ in } CA + BA \text{ in } AR$: hoc est $BD \text{ in } AC + 2BAX = AR \text{ in } CB$; sive $BD \text{ in } AC = AR \text{ in } CB - 2BAX$. Unde $BD \text{ in } AC + AD \text{ in } BC = (AD \text{ in } BC + AR \text{ in } CB - 2BAX = 2AD \text{ in } AC + 2AD \text{ in } AB - 2BAX = 2AD \text{ in } AC + 2AD \text{ in } AB - 2BAX$

$$= 2AD \text{ in } AC + 2AD \text{ in } AB - 2BAX. \text{ Et applicando ad } 2AD, \text{ erit } \frac{1}{2} \frac{BD \text{ in } AC}{AD} + \frac{1}{2} BC$$

$$= (AC + \frac{AB \text{ in } AD - BAX}{AD}) CA + \frac{ARX}{AR}. \text{ Sed } \frac{ARX}{AR}$$

est distantia centri æquilibrii Catenæ a vertice A , per Prop. 5 hujus.

hujus determinata, ac proinde, secundum dictam Prop. 5, CA

ARX

B Din A C

* $\frac{AR}{AR}$ est distantia puncti E a C, & $\frac{1}{2} \frac{AD}{AD}$ * $\frac{1}{2} B C$

est ejusdem E distantia ab eodem C, secundum hoc Corol. 6. Unde patet duas istas determinationes puncti E eodem recidere,

ARX

B Din A C

quoniam CA * $\frac{AR}{AR} = \frac{1}{2} \frac{AD}{AD}$ * $\frac{1}{2} B C$.

7. Spatii PFADH centrum gravitatis est in I, medio puncto rectæ CE. Cum centrum gravitatis fluxionis ipsius AD sive Dd & Ff, duplo magis distet a PH, quam centrum gravitatis fluxionis ipsius ACHd, sive DHhd & Ffpf, & $\overline{Dd} + \overline{Ff}$ in AC datam, æquale $\overline{Ddh} + \overline{Ffp}$; patet & fluentis FAD centrum gravitatis E duplo magis distare a PH, quam fluentis PFADH centrum I. Sed libet propositum aliter & ad modum superiorum ostendere.

Intelligatur super figuræ PFADH erectus cylindricus rectus & resectus plano per PH transeunte, cum plano baseos angulum semirectum comprehendente; exponet istud solidum, momentum figuræ PFADH super axe PH librata: Hujusque solidi sive prædicti momenti fluxio, (solida nempe erecta super Pffp & HDdh) producit, si momentum fluxionis, sive fluxio momenti ipsius AD, ducatur in $\frac{1}{2}$ AC datam. Nam per Corol. 5 hujus Prop. $\overline{HDdh} = \overline{Dd}$ in AC: Quare ipsum momentum fluens producit ducendo momentum curvæ FAD respectu axis PH, superiore Corol. determinatum, nempe CA in ED + CB in AD, in $\frac{1}{2}$ AC; eritque proinde $\frac{1}{2}$ AC in AC in ED + $\frac{1}{2}$ AC in CB in AD. Adeoque si hoc applicetur ad figuram librata PFADH, sive CA in AD, per hujus Prop. Corol. 5, fiet distantia centri gravitatis figuræ PFADH ab axe PH = ($\frac{1}{2} \frac{AD}{AD}$ + $\frac{1}{2} CB$) dimidiæ rectæ CE superius determinatæ.

8. Si per N punctum ubi DT tangens Catenariam in D, secat AR, ducatur recta parallela ipsi BC, occurrens rectæ per E ad AR parallela in O; erit O centrum gravitatis curvæ AD. Nam per Corol. 6, centrum gravitatis curvæ AD est in recta EO, sed demon-

strabi-

strabitur illud esse in NO recta, & proinde erit ipsum O punctum. Intelligatur DA librari circa HL axem; hujus momentum est curva DA, ducta in distantiam centri gravitatis ab HL: Et ejus proinde fluxio = DA in Hh (Hh est fluxio distantiae axis librationis a gravitatis

centro) = $\sqrt{2ax + x^2}$ in $\frac{ax}{\sqrt{2ax + x^2}} = ax$. Ac proinde ipsum momentum Curvæ gravis DA circa axem HL librati = ax . Et igitur distantia centri gravitatis ab eodem axe est ax applicata ad AD, si-
A C in D Y

ve $\frac{ax}{AR}$. Sed quia DT tangit Catenariam, per Corol. 4 hu-
A R

jus Prop. angulus BDT five DNY = ACR, & anguli ad A & Y sunt recti, quare in triangulis æquiangulis RAC, DYN; RA. AC; : D
A C in D Y

Y. YN. Unde YN = $\frac{AC \text{ in } DY}{RA}$, hoc est YN est distantia cen-
R A

tri gravitatis Catenæ AD ab axe HL, five centrum prædictum est in recta NO.

9. Si per I ducatur recta ad AR parallela, rectæ ON produ-
ctæ occurrens in W, erit W centrum gravitatis spatii ACHD. Nam per Corol. 7, centrum gravitatis spatii ACHD est in recta IW, sed ut mox ostendetur, est in NW, & proinde est ipsum W punctum. Eodem enim modo quo in Corol. præced. fluxio momenti spatii ACHD, circa HL librati, ostenditur esse (ACHD in Hh = AC in AD in

Hh = a in $\sqrt{2ax + x^2}$ in $\frac{ax}{\sqrt{2ax + x^2}} = a^2x$. Ac proinde ipsum momentum spatii ACHD circa axem HL librati, æquale est fluenti
cujus a^2x est fluxio, hoc est ipsi a^2x . Hoc igitur applicatum ad ipsum
spatium ACHD five a in $\sqrt{2ax + x^2}$, dat distantiam centri gravi-
tatis spatii ACHD ab HL = $\frac{AC \text{ in } DY}{RA}$.
A C in D Y
R A

Sed Corol. præced. ostensa est YN = $\frac{AC \text{ in } DY}{RA}$. Et igitur cen-
trum gravitatis spatii ACHD est in NW. Atque ex duobus hisce
ulti.

ultimis Corollaris invenitur centrum gravitatis cujusvis portionis Catenæ etiam ad verticem A non pertingentis; vel cujusvis spatii Catenariæ portione quavis, & aliis rectis præter prædictas comprehensi.

10. Hinc mensurantur superficies & solida genita rotatione Catenæ, aut spatii sub illa & rectis comprehensi, circa axes datos. Nam figura rotatione genita æquatur, uti vulgo notum, figuræ rotatæ ductæ in peripheriam a centro gravitatis inter rotandum percursum, etiam datam cum detur illius radius sive distantia centri gravitatis ab axe

dato. Sic si Catenæ AD rotetur circa axem AB, $\frac{\pi}{\rho}$ AN est periphe-

ria a centro gravitatis O percursa, ($\frac{\pi}{\rho}$ denotat rationem peripheriæ circuli ad semidiametrum) adeoque superficies rotatione Catenæ A

D genita = $\left(\frac{\pi}{\rho} \text{ in AN in AD} \right) \frac{\pi}{\rho} \text{ in AN in AR}$. Hoc est cir-

culus cujus radius potest duplum rectangulum RAN, æquabitur superficiæ a Catenæ AD rotatione circa axem AB genitæ. Pari modo solidum genitum rotatione spatii ACHD circa AC, æquale ostendetur Cylindro cujus basis est prædictus circulus, altitudo vero æqualis AC. Similiterque superficies & solida, ex rotatione harum figurarum circa alios quosvis datos axes facta mensurantur. Nam dato centro gravitatis hæc non latebunt,

ERRATA.

p. 308, lin. 3, l. $\frac{a^2 x^2}{2ax + x^2} + x^2$: p. 309, lin. 17 l. Horizontem.
lin. ult. l. AL: p. 310, lin. 7, l. BK in Bb: p. 311, lin. 4, l. = x in; eadem, l. fs in FG; lin. 20, l. FA in FG; eadem, l. BH in HC: p. 312, lin. 2 in fine, l. in x; lin. 3, Numeratores fr. ita legantur, $\frac{a}{2ax + x^2} - a$ in x.

ANTIQUITAS ECCLESIAE ILLUSTRATA, OPERA ET STUDIO EMANUELIS A SCHELSTRATE. Tomus Secundus.

Ss

Romæ,

Romæ, typis Congregationis de propaganda fide, 1697. fol.
Alphab. 10.

POSTHUMUM hoc Illustris & a nobis sæpe laudati Auctoris Opus, quod lucem aspexisse publicam jam A. 1693 sub finem mensis Februarii p. 95, & mense Majo p. 195 in Actis nostris diximus, annodemum superiori 1697 prelum evasis, monuitque nos ille, qui ad Lectorem quædam est præfatus, librosque a celeberrimo Schelstrateno editos (ac magnam partem suo loco a nobis etiam recensitos,) enumerat, quod *Illustrata* ab ipso *Antiquitatis Ecclesiæ* Tomus *quartus*, *quintus* atque *sextus* lucem nunquam aspecturi sint; Tomum autem *tertium* ita ab Auctore recognitum quidem ait, ut ex illius jam morientis testimonio dignus, qui typis exscriberetur, pronuntiatus fuerit, appendice tamen cum careat, cum aliquando vulgatum iri nondum satis manifestum esse addit. Quatuor interim posteriorum ideam atque dispositionem ex scheda post Auctoris obitum reperta exhibet, atque ex operibus, quæ imperfecta is reliquit, illud imprimis, quo *modum ex forma characterum sive Latinorum sive Græcorum scripturæ vetustatem dignoscendi* monstrare instituerit, ad umbilicum haud perductum maximopere dolet. In *Geographice* autem hoc, quod *chronologicum* mense Majo A. 1693 a nobis delineatum excipit, deducuntur ea prolixius, quæ olim in editione *Antiquitatis illustratæ* A. 1678 facta in prima & secunda partis primæ Dissertatione concisius examinaverat, inque eo totus Auctor est, ut & susceptam a Christo Ecclesiæ institutionem, & dispositam ejusdem ab Apostolis ordinationem dilucidet; quod quidem negotium sex Dissertationibus, peculiari insuper Appendice stipatis, absolvit.

In prima de locis istis agit, ubi *Christus & Apostoli fidem prædicarunt*, cumque in Judaicis regionibus Evangelium primo omnium personuisse indubium existimet, de his etiam sub ipsum statim initium nonnulla disserit. Recensitis autem variis Judææ nominibus, de illius terminis factaque in tribus ac tetrarchias divisione multa commentatur. Et tetrarchias quidem tempore Christi quatuor fuisse observat. Sicut autem Iturææ & Trachonitidis regiones ad Philippi tetrarchiam spectasse innuit, ita sub Trachonitidis nomine apud Lucam Gaulanitidis & Balanæ regiones comprehendi statuit. Ad
Hero-

Herodis Antipæ tetrarchiam, cujus ibidem Lucas meminit, Galilææ & Peræ regiones refert, in quarum ultima Johannem Baptistam verfatum, inque arce Machærunte decollatum, reliquias autem ejus Sebaſtem translatus dicit, ac Joannem proinde Phocam corrigit, qui in edito per Leonem Allatium itinerario Sebaſte cum ab Herode capite minutum aſſeruit. Galilæam Gentium non ideo ſic vocatam cenſet, quod a reliqua Galilæa per Romanos ſeparata fuerit, ſed nomen iſtud ei inditum potius a civitatibus, quas Salomon Hiram Tyriorum Regi dederit. Circa tetrarchiam quartam, Samariam, Judæam & Idumæam complectentem, notat, eam a Luca ſub conſueto tetrarchiæ nomine non adduci, utpote qui potius affirmet, procuraviſſe Pontium Pilatum Judæam, idque ideo factum cenſet, quod hæc Archelai tetrarchia a Romanis in provinciam redacta Syriæque contributa, & eam ob rem a Romanorum Procuratore gubernata fuerit. Chriſtum *ἀντιπροσώπως* in gentilium regionibus Evangelium prædicaviſſe negat, ac ad partes quidem Tyri & Sidonis eum acceſſiſſe, non prædicandi tamen animo, contendit. Per totam vero Judæam, ejusque regiones trans & citra Jordanem poſitas, Chriſtum æque ac Apoſtolos præconio hoc defunctos oſtendit. Poſt Chriſti aſcenſionem Apoſtolos Hieroſolymis in domo Johannis, uſquedum Spiritum Sanctum acciperent, remanſiſſe; hoc autem in ipſos cœlitus demiſſo, non ſtatim per regiones diſperſos, nec niſi poſt longum ſatis ab aſcenſione Chriſti tempus, dubium an ſorte, an modo forſan alio diſiſos fuiſſe edocet. Provincias ſingulis Apoſtolis aſſignatas ex Hyppoliti, Epiſcopi Portuenſis, Synopſi a Combefiſio edita recenſet, & hanc, utut ab Hyppolito ſcripta forſan non fuerit, Synopſi tamen ſub Dorothei Tyrenſis nomine ſæpius editæ præfert, quippe in qua non pauca incertis dubiisq; hiſtoriis nitantur, quædam etiam veritati palam repugnent. Idem de ſepuaginta Diſcipulorum Catalogo ſub ejusdem Dorothei nomine a Domino du Cange vulgato pronunciat, ac ſinceriores iſtorum ſyllabum ex Chronico Alexandrino adducit. Quinam autem ex his, & quibus in locis prædicarint, inſtigatu nimis difficile apparere queritur. Explicatis deniq; rationibus, cur brevi adeo temporis ſpacio totum orbem Evangelii ſonus pervaverit, annales prædicationis Apoſtolicæ diſtinctius paulo conſpiciendos dat.

In Diſſertatione ſecunda quæſtiones ab omnibus fere Theologis, ut ait, atque Eruditis prætermiſſas pertractat: *quam* nimirum au-

gloriam Apostoli a Christo acceperint? & in quibus munis obeundis auctoritate pares? quaque ex his cum aliis, quam Apostoli, divinitus communicata fuerint? Ubi primo quidem Apostolorum in missione, in Evangelii per totum mundum prædicatione, in docendi officio, in librorum edendorum facultate, in linguarum & miraculorum dono, in consecratione & administratione Sacramentorum, sigillatim Baptismi & Eucharistiae, in potestate solvendi & ligandi peccatores, ac denique in potestate consecrandi Episcopos & ordinandi Ministros, auctoritatem parem agnoscit. Munus Apostolis proprium regimen Ecclesiae appellat; doctrinae autem propagationem, miraculorum virtutem, potestatem ordinis & Sacramentorum consecrationem, ad alios etiam, Discipulos puta, Presbyteros, Episcopos, & similes transmissa autumat. Negat vero ad ejusmodi personas translatam universalem jurisdictionem, quam sibi reservarint Apostoli; quamvis neque ex his singuli sollicitudinem Ecclesiarum omnium semper, sed exortis modo novis subinde hæresibus, exercuerint. Petrum tamen & Paulum tanquam in perpetuo universalis curæ studio occupatos introducit. Hanc ipsam porro universalem sollicitudinem ad nullam omnino Ecclesiarum a reliquis Apostolis fundatarum alligatam, per inductionem earundem specialiozem, adversus Marcum Antonium de Dominis prolixius ostendere, aut in Petri tamen cathedra ad successores transmissam eam fuisse, multis rationibus probare, Apostoli quoque hujus primatum velut in Scriptura sacra dictis, Conciliorum generalium actis, Pontificum decretis, antiquorum Patrum testimoniis, Græcorum Latinorumque scriptis, Parisiensis quoque Universitatis, & perpetuo Gallicanæ aliarumque Ecclesiarum consensu assatim fundatum sistere annuitur.

Tertia Dissertatione inquirat, quanam ei sit Ecclesia, in qua Petrus suam cathedram constituerit? ac Romanam eam esse respondet, utque hoc obtineat, pro certo ante omnia supponit, quod Petrus Romanam venerit: quam assertionem uti ex argumentis quibusdam aliis, ita ex Ignatii imprimis, Irenæi, Papiæ, Tertulliani, Eusebii, Origenis, Petri Alexandrini, Athanasii, Epiphani, & eos sequentium testimoniis roborare; ac Romanum porro cum Episcopum egisse, parili modo evincere; hinc Romanos Episcopos Petro in sede Episcopali & in Cathedra Apostolica successisse, eosque Apostolicam auctoritatem per universum orbem semper tenuisse, petito ex singulis seculis suffragio mani-

manifestum reddere laborat; prout omnes quoque totius orbis Ecclesiarum primatum Romani Pontificis agnovisse contendit, & ut hoc probet eo dilucidius, ad præcipuarum ex iis assensum provocat. In Palestina enim Theophilum Cæsareensem in quæstione de Paschatis die, & Aurelium Imperatorem in causa Pauli Samosatani, de primatu Pontificis Romani testimonium edidisse; quarto sæculo, occasione controversiæ de sede Antiochena, Hieronymum cum monachis Syria, eos item, qui de sede Antiochena contenderint, pluresque auctoritatem illius supremam agnovisse colligit. Quidnam Ponti regio, Asiaque & Thracia de hoc Pontificis primatu sentierint, ex facto Marcionis Pontici, & ex iis, quæ emergente schismate Novatiano contingere, atque rebus gestis commonstrat, simili methodo circa allegandas Illyrici, Galliarum, Hispaniarum, Africa, Ægypti, cæterarumque regionum Ecclesias, Romanum Pontificem pro supremo Episcopo venerantes, usus.

Quarta Dissertatio versatur circa institutos ab Apostolis in urbibus *Episcopos*, & in provinciis *Metropolitanos*; ubi dispositionem provinciarum Ecclesiasticarum juxta dispositionem provinciarum Imperii factam reputat, eaque fini variam Imperii in Dioeceses & Provincias distributionem, regimenque earum sub uno aut pluribus Imperatoribus ad Barbarorum usque invasionem examinat. Ab ipso autem nascentis Ecclesiæ exordio hanc distributionem per Apostolos quoque factam, singulisque primum civitatibus veros Episcopos præfectos contendit, Salmasium & alios, qui demum post Apostolorum tempora consuetudinem hanc introductam statuunt, refellere laborans. Quamvis interim Patrum aliqui Episcopos Apostolorum successores nuncupent, sano tamen sensu id accipiendum venire monet, ut nimirum in partem modo sollicitudinis, non in plenitudinem potestatis & universalis gubernationis eosdem vocatos existimes, cum Episcopis sane in aliorum dioeceses potestas nulla uspiam concessa reperiatur. Sicut autem Augusti temporibus Imperium distribui contigerit in provincias, quibus singulis aut Exconsules aut Prætores præfuerint, civitatem autem, in qua Magistratus ille federit, metropolim vocare usus tulerit; sic inde ab Apostolorum temporibus Metropolitanorum institutionem obtinuisse affirmat. In Italia quidem primis hoc sæculis usu haud venisse, cum ibi Ecclesia civilem administratio-

nem aliquandiu secuta, non metropoles septendecim pro totidem regionum aut provinciarum numero, sed duas tantum, Romanam & Mediolanensem, habuerit. Italiam namque in duas partes divisam postea duobus Vicariis, Vicario puta Italiae & Vicario Urbis, subjectam fuisse; unde etiam Episcopus Mediolanensis tanquam Metropolitanus septem regiones Vicarii Italiae, & Romanus decem alias subjectas sibi direxit. Quo tamen pacto reliquæ deinceps metropolitanae in Italia dignitates initia sua sumserint, latius demonstrat, provinciarumque tum Orientalium tum Occidentalium aliarum Metropolitanas vindicat.

Sicut ergo Apostolos in provinciis super plures Episcopos certos constituisse Metropolitanos hætenus asseruit, ita in majoribus Orientalis Imperii diocesibus, quæ singulae plures sub se provincias complectebantur, majores etiam ex instituto Apostolico Ecclesiasticas dignitates ordinatas refert, *Exarchorum* nempe & *Patriarcharum*, quos in Dissertatione quinta contemplatur. Equidem & Orientis in quinque dioceses distributionem quarto demum seculo sub Constantino M. cœpisse, & Exarchorum dignitatem eandem subsecutam esse, nonnullis contendere observat. Verum istis se quam maxime opponit, & ad Apostolorum tempora regredi heic quemlibet debere flagitat. Exarchos autem constitutos vult in Asiana, Pontica & Thracica diocesibus, sic ut prima antiquissimis temporibus paruerit Episcopo Ephesino, secunda Cæsareensi Cappadociae, tertiaque Heracleensi, usquedum Byzantium sedes Romani Imperii evaserit, ejusque Episcopi Regiae urbis splendore elati, Exarchatus modo nominatos invadentes, Patriarchicum in illos jus sibi met assumerint. Quod deinceps ad Patriarchatus attinet, nondum quidem Apostolorum tempore cognitum hoc nomen, rem tamen notissimam fuisse edocet, primamque sedem Patriarchalem erexisse Petrum Antiochia, secundam Alexandria, quorsum discipulum suum Marcum miserit. Juris enim Patriarchalis tellera potissimum cum sit, Metropolitanas consecrare, convocare, Episcopos ad Concilia, deque causis illorum cognoscere; non posse certe ab hac dignitate excludi Episcopum Alexandrinum, qui per totam Egyptum, & Antiochenum, qui per Orientis diocesin actus istos exercuerit; quæ cuncta latius probat, adductis antiquorum testimoniis, & rejeclis Joannis Launojii ac Eduardi Stillingfleet sententiis, quorum ille Patriarchas olim eosdem ac Metropolitanas fuisse, hic vero Patriarchas

chas ante Nicænum Concilium nullos Metropolitas sub se habuisse auctumet. De cætero exemplum Episcoporum Constantinopolitanorum, tres Exarchatus sibi subicientium, imitatos refert Episcopos Hierosolymitanos, dum in avulsas a Patriarchatu Antiocheno tres Palæstinas jus Patriarchicum sibi vindicarint; sed hæc quinto demum sæculo contigisse memorat.

Sexta tandem Dissertatio *Patriarchatum Romanum* prolixis effert laudibus, Salmasioque primum contradicit & sequacibus, qui Romani Pontificis auctoritatem intra regiones suburbicarias arctaverint; has enim isti paruisse regerit tanquam Metropolitæ, cujus provincia Ecclesiastica pro dignitate sedis Apostolicæ per decem regiones suburbicarias a Tuscia & Umbria usque ad Siciliam protensa fuerit. Ad quem sensum collimare vult Canonem Concilii Nicæni sexti, in quo statuatur, ut Episcopus Alexandrinus potestatem habeat Ægypti, Lybiæ & Pentapolis, quia Episcopo Romano parilis mos sit, ut nimirum regiones suburbicarias, sicut habeat Rufini paraphrasis, speciali sollicitudine gubernet. Ast præter hæc regiones totius quoque Occidentis Patriarcham semper egisse Pontificem Romanum, late probat ex juribus tali personæ competentibus, quæ nunquam non per Occidentem totum libera huic relicta legantur, in ordinandis Metropolitibus & firmandis suo judicio Episcoporum electionibus, in convocatione Episcoporum ad Synodum, in relationibus & judiciis de causis majoribus, inque rebus ejuscemodi aliis, circa quas nulla Occidentis Ecclesia se ei unquam opposuerit. Quibus deductis quærit: num contra Romanum Episcopum creari possit alius in Occidente Patriarcha? & cum responsio heic suppeditanda dependeat a solutione quæstionis hujus: utrum nempe Pontifex sit centrum, radix & caput communionis Ecclesiasticæ? hac ipsa affirmata, priorem pernegat, omnemque orthodoxam sub cælo Ecclesiam separationem isthanc abhorrere scribit. Imprimis eam detestatam ait Gallicanam Ecclesiam, occasione libelli, cui titulus: Optatus Gallus de cavendo schismate. Dum enim in eo Auctor præsagium futuri schismatis ex Patriarchæ per Gallias creatione avertere studuerit, putasse Eruditos, sub ementito cavendi schismatis titulo auctorem illud voluisse promovere; unde libellum cæu schismatis incentivum sic perhorruerit Ecclesia Gallicana, ut statim Archi. Episcopus Parisiensis in Provinciali suo Concilio Parisiis A.

1640 celebrato illum proſcripſerit, & tanquam nefarium opus execratuſ fuerit; prout & plerique Gallix Doctores, imprimis vero De Marca & Habertius, eundem libellum oppugnarint, quorum poſtremus cauſam inſuper Cardinalis Richeli, quem Optatus de Patriarchatus ambitione accuſaverat, ſtrenue ſuſtinuerit. Ne vero quiſquam ex iis, quæ de Patriarchatus Romani terminis dicta ſunt, concludat, poteſtatem Pontificiam Occidentis modo ſinitibus contineri, ſubjungit, quod, quamvis Patriarchatum Occidentis ſuis Petrus ſucceſſoribus præcipue reliquerit, id tamen nihil officiat ſummo Primatui, ratione cujus ſucceſſores ejusdem totius Eccleſiæ curam gerant, & non modo Occidentis Episcopis & Metropolit, verum Orientis quoque Patriarchis præſtat, ad eorum diœceſes ſolicitudinem ſuam Pontificiam merito extendant.

Sequitur *Appendix*, antiquas Imperii & Eccleſiæ, inque hac Patriarchatum, Metropoleon & Episcopatum orbis Catholici Notitias, ex variis manuſcriptis codicibus tum Græcis tum Latinis maximam partem nunc primum editas comprehendens. Eminent inter eas *Itinerarium*, ſub nomine Antonini Auguſti clarum, Hieroclis item Grammatici *Comes peregrinationis* ſeu *Notitia Provinciarum* cum collatione facta a Luca Holſtenio, & *Supplementum* ejusdem Auctoris per eundem Holſtenium ex codice antiquiſſimo Farnesiano deſcriptum, nec non Nili Doxapatrii commentarius *de quinque thronis Patriarchalibus*. Tractatus vero hos non minus atque reliquos notis ſubinde neceſſariis illuſtrat, quæque de eorum auctoribus hætenus latuere, explicat, præſertim vero de Hierocle primus, uti opinatur, obſervat, quod ille ante Conſtantinum Porphyrogenitum vixerit, eo quod hic ſecundo de thematibus libro quædam ex ejus Commentario Geographico adduxerit. Cum autem, uti ſupra retulimus, primos Eccleſiarum fundatores, in diſtributione provinciarum ordinem provinciarum Imperii inuitatos ſentiat, idcirco ad hanc materiam dilucidandam plurimum ſe collaturum credidit, ſi in primam Romanarum provinciarum inſtitutionem inquireret, & quæ in Scriptoribus eo facientia reſererat, in medium adduceret. Præſtat id in *Differatione Appendix præſentis*, in qua undecim capitibus totidem Romanarum diœceſium provincias perluſtrat, & quo tempore ſingulæ inſtitutæ ſint, ex antiquiſſimis gentis illius monumentis demonſtrare ſatagit.

De

De cætero utut in Præfatione, in qua institutum hujus Operis universum Auctor ipse describit, *Charitas* quoque seu *Tabulas Geographicas*, dicta præcipua egregie illustraturas, magno labore confecisse & passim inseruisse se perhibeat, frustra tamen eas quis quæserit, cum, quod in præfamine alio testatur is, qui Editoris partes sustinuit, supremam æ manum adhuc desiderent, quam tamen versatissimus in Geographia Lubinus, etiamsi rogatus, admove delectaverit.

DANIELIS GEORGII MORHOFII ORATIONES ET PROGRAMMATA.

Hamburgi sumtibus Goth. Libernickels, 1698, in 8.

Constat 3 Alph.

Qui dicendi artes legesque carminis magna, dum viveret, laude professus est *Dan. Georgius Morhofius*, æternum Kiloniensis Academicæ ornamentum; idem & Oratoris & Poetæ nomen deusque raro exemplo egregie sustinuit; quod nec Ciceroni nec Virgilio contigisse scimus. Illum enim, ut jam olim Cassius Severus judicavit, eloquentia sua in carminibus destituit: hunc felicitas ingenii in oratione soluta reliquit. Quæ vero Morhofii fuerit in carmine pangendo felicitas, opera ejus Poetica testantur, ab hæredibus in unum collecta corpus, & cum Henr. Muhlii doctissima præfatione edita, in Actis superioris anni mense Junio indicata. Ejusdem nunc Orationes & Programmata cura Filiorum conquista evulgantur, ex quibus cognoscitur, qua in pedestri sermone valuerit eloquentia. Ac orationibus quidem, cum in genere demonstrativo vel loco communi versentur, nec tam ad persuadendum quam ad delectandum sint compositæ, exquisitiorem adhibuit cultum, genusque dicendi sectatus est argutius, auribusque horum temporum accommodatum, in quo poeticum nonnunquam decorem relucere voluit, ex interiorum literarum myrothecio petita quædam subinde aspergens ornamenta, quibus doctas aures teneret caperetque. Prima oratio dicta est *in Kiloniensis Academiae inauguratione*, & in consilii atque instituti illius commendatione, Principisque fundatoris laudibus decurrit. Altera cum Magistros crearet Decanus recitata, exponit causas, ob quas minus multi ad solidam aliquam sapientiam perveniant, easque in tribus ponit vitiis, qui-

T t

qui-

quibus non raro laborant, qui in literarum cultoribus nomen suum profitentur, ignavia, philautia & discordia, quibus expellendis consilia & remedia suppeditat. Succedit *Panegyricus* in nuptias Serenissimorum Principum Christiani Alberti & Fridericæ Amaliæ Ducum Holstatiæ, publico nomine dictus. Quarta oratio, cum magistratum Academia Kiloniensis adiret habita, *de intemperantia in studiis* agit, *eruditiorumque qui ex ista oriuntur morbis*, eorum potissimum perstringens vitia, qui in studiis doctrinæ colendis uni ambitioni obtemperant, atque alia omnia, quam fructum, ex solida scientia sperandum, sibi proposita habent. Quinta in Magistrorum renunciatione *virum bonum ex mente Philosophorum gentilium* describit. Sexta *de otio sapientibus dando* inscribitur, qua postquam qui vere sapientium nomine digni sunt exposuit, e republica esse ostendit his tale parari otium, ut sine curis rei familiaris sapientiæ studiis vacare, & æquo animo iis commodis, quæ vita practica secum fert, carere possint. Septima *que utilitates e literis in rem publicam redundent*, generatim docet. Octava quos *fructus Holstatiæ Kiloniumque urbs ex Academia percipiant*, speciatim persequitur. Nona est declamatio *de auro ejusque laudibus*, qua accumulatus est Maioragii *Phibochrysum*, qui specie laudandi auri varia hominum genera notaverat, quos auri sacra fames ab officio abducere consuevit. Hanc orationem, quæ inter Maloragianas non compareret, & a Marquardo Gudios semel edita paucis erat visa, cum Morhofius suæ junctam anno 1690 in lucem revocasset, eam quoque editores Filii inter paternas Orationes, veluti ab illo adoptatam, extare legiti-que voluerunt.

Orationibus subjiciuntur Programmata, publico & privato nomine scripta, & in Academia Kiloniensi proposita. In publicis, quorum conscribendorum provinciam ab anno 1674 sustinuit, prima comparent, diebus festis Natalis Domini, Paschatos, Pentecostes & Archangeli Michaelis, more in aliis quoque Germaniæ Academiis recepto, in eum maxime finem proposita, ut de festo religiosa pietate, transigendo admoneantur cives academici, & alicubi ad beneficentiam erga verbi divini præcones excitentur; simul autem, ut pote ad eruditos auditores directæ, eruditam alicujus doctrinæ ab illo tempore non alienæ explicationem continere solent: qualia sunt & hæc Morhofiana, multa elegantique eruditione referta. Succedunt
fune-

funebria, quibus cives academici ad exequias honoratiorum invitantur, quorum vita obitusque exponitur, præmisso plerumque loco communi ad illud tempus accommodato. Tertia classis Programmatum publicorum spectat ad varia negotia academica, & vel edicta, vel testimonia, vel relegationes, vel ad solennes orationes habendas invitationem comprehendit. Quæ vero suo nomine scripsit & publicavit Programmata Morhofius, iis scholas publicas privatasque a se instituendas aperit, aut orationes exercitationis causa habendas indicit; numero omnium, quæ publico privatoque nomine scripsit, Programmatum ultra centenarium excurrente.

A DISCOURSE OF MEDALS &c.

h. c.

DE NUMISMATIBUS ANTIQVIS PARITER ATQVE MODERNIS Dissertatio: cui accedit Virorum illustrium, quorum effigies in nummis nusquam obvias Sculptorum conservavit diligentia, Catalogus, usque simul earundem indicato; una cum digressione de Physiognomia, Autore JOANNE EVELYN Armigero, S. R. S.

Londini apud Benj. Tooke, 1697 in fol. Alph. 4.

Cum pauca hæcenus Anglica lingua de re nummaria prodierint, id sibi agendum eo, qui ob oculos nobis versatur, libro diligentissimæ Autor ejus, qui edita jam olim Historia Chalcographiæ aliisque scriptis famam inter suos consecutus est, censuit, ut quicquid apud aliarum gentium scriptores ad scientiam rei nummarie pertinens assidua lectione invenerat, apto ordine dispositum vernacula lingua exponeret. Hæc enim ratione se consecuturum putavit, ut & accenderentur complures ad illa studia diligentius deinceps tractanda, & manu ductio nem aliquam haberent, quæ in isto itinere hæsitantes in regiam viam posset deducere.

Auspicia itaque illi tractationi facit brevi de origine variisque ætatis pecuniæ, ejusque diversa apud varias gentes pro temporum ratione materia, valore, modulo ac typo, dissertatione. In ea simul de gemino usu, cui antiquitus nummi destinabantur, agit, illaque oc-

C. I.

T t 2

cast-

- p. 8. catione receptiorem contra J. Harduinum de nummis maximi moduli, quos *Medaglioni* Itali appellant, sententiam defendit: eos scilicet monetæ usum minime præbuisse, sed ob solennia publica cufos, amicis Principum populoque fuisse donatos. Inde speciatim de Hebræorum, Græcorum, Pœnorum, Germanorum, Gothorum, Hunnorum, Lombardorum, Britannorum aliorumque Barbarorum nummis generalia quædam monet. Quin & de ludicris nummis Saturnalium tempore ex plumbo apud Romanos conflatis multa disserit, nec vero abssimile credit, illi, qui lusus & joci causa Regis titulo in festo illo gaudebat, servo potestatem concessam fuisse nummos hujusmodi cuedendi, quibus patrioni sui nomen, ludicramque aliquam figuram exprimeret. Specialius vero agit de illo nummorum latere, quod *caput* sive *faciem* stylo antiquariis familiari appellare solent, & quid in eo observandum sit explicat, notis, quas illud ad distinguendos genuinos a sublesta fidei nummis suppeditare potest, fide optima indicatis. Hic dum de ornamentis capitum in nummis conspicuorum disserit, observat, eam, qua hodie utuntur Europæ Reges, coronarum formam apud Anglos natales suos habuisse: eam enim jam in Eduardi Confessoris, magis vero luculente in Eduardi IV nummis esse conspicuam. Utque eo fortius Gallos ejus inventionem sibi tribuentes reprimat, neminem ante Ludovicum XII, nec eum quidem, antequam nuptiali fœdere Henrici VIII, Angliæ Regis, sibi junxisset sororem, ea usum fuisse ostendit: similitum fœderum occasione ad Scotos quoque, Hispanos & Danos ejus usum dimanasse affirmans, a quibus deinceps Poloni quoque, Sueci & Lusitani eum acceperint. At prolixissime omnium de *aversis* nummorum agit: ubi postquam in compendium redigere, & ad certas classes, quantum quidem fieri potest, reducere conatus esset ea, quæ in antiquorum nummorum *aversis* repræsentantur, insignemque ex illis in omne genus litterarum derivandos usus explicasset; Belgarum præcipue in conservando ista ratione insigniorum eventuum, a primis constitutæ Reipublicæ temporibus, memoria diligentiam commendat, quæ ex Historia Metallica Reipublicæ Belgicæ a Bizoto concinnata & ab aliis postmodum continuata abunde elucescit. Gallorum vero serviles adulationes, quarum memoriam nummorum ope æternitati transcripserunt, impense detestatur, earumque insignia quædam specimina ex Francia Metallica adducit. Ad Anglos autem
- C. II.
- p. 23.
- p. 26.
- p. 34.
- C. III.
- p. 73.
- p. 77.

autem denique delatus, acerbissime queritur, quod nihil fere extet, quod nummorum insignium rerum eventus conservantium mereatur nomen, ante Jacobi primitempora. Eduardi tamen III aureum nummum allegat, quem primum & antiquissimum esse existimat eorum, qui in hunc censum aliquo modo referri queant. Ejus facies ipsum Regem armatum & in nave constitutum, dextra gladium, sinistra scutum, Britanniae Franciaeque insignibus conspicuum, tenentem, una cum vexillo regio in puppe navis defixo representat, addita ista inscriptione: EDWARD. DI. GRA. REX. ANGL. Z FRAN. DNS. IB. In averſa vero roſam radios ſuos verſus quatuor leones corona ducali inſignes totidemque lilia protendentem exhibet, legendorum loco appoſitis verbis ex Luc. IV, 30. JHS. AUT. TRANSIENS. PER. MEDIUM. ILLORV. IBAT. Videtur hic nummus clariffimo Autori cuſus eſſe illo tempore, quo pax inter Eduardum III & Joannem Franciae Regem fuit conſtituta, quod factum eſt anno 1360, nec difficile putat, ea quae in facie ejus videmus explicare, utpote quae omnia ſtabilitum ab Eduardo maris dominium, confirmatumq; in Galliae regnum juſ manifeſte reſpiciant. At difficilius eſt averſae partis explicatio, quam nonnullos de magno myſterio tranſmutandi metalla interpretari, alios pro magica habere ait, quae amuleti vim nummo iſti conciliet. Quos alios commemorat rariores Anglorum nummos, omnes hic recenſere nimis foret prolixum. Inſigniorum itaque quorundam mentionem feciſſe ſufficiat. Inter eos procul dubio locum ſibi depoſcit iſ, quo caput Eccleſiae Anglicanae in triplici inſcriptione, Hebraea, Graeca atque Latina Henricus VIII ſe venditavit, e quibus Latinam hic legi ſuffecerit: HENRICVS. OCTA. ANGLIAE. FRANCI. ET. HIB. REX. FIDEL. DEFENSOR. ET. IN. TERR. ECCLE. ANGLI. ET. HIBE. SVB. CHRIST. CAPVT. SVPREMV. Item ille, quem Sereniſſimae Eliſabethae honoribus ſacrum eſſe voluere ſubditi ejus, nihil felicitati ſuae ſub ejus imperio deeſſe, quam aeternam ejus durationem, ſentientes. In eo in altera parte Reginae facies nomenque, cum inſcriptione:

Hec mihi quod tanto virtus perſuſa decore

Non habet aeternos inuolara dies:

in averſa Phoenix ſiſtitur ex flammiſ emergens, circumſcriptis verbis:

T t 3

Feli-

p. 86.

p. 89.

p. 93.

*Felices Arabes mundi quibus unica Phœnix
Phœnicem reparat deperiundo novam.
O miseros Anglos mundi quibus unica Phœnix
Ultima sit nostro, tristitia fata, solo.*

- Alium ad ejusdem Reginae tempora pertinentem, quo classis Hispanicae clades, qua anno 1588 cœlitus afflicta fuit, celebratur, a Bizoto etiam in Historia Metallica Hollandiae p. 59 repræsentatum, vel ideo hic commemorandum duximus, quod perperam olim aures asininas interpretatus in eo fuerit Bizotus, quæ ligamentorum, quibus Papæ, Regis Philippi, & ceterorum procerum in averſa nummi parte repræsentatorum oculi (alludendo ad inscriptionem: *o cœcis hominum mentes! O pectora cœca!*) adstringuntur, extrema sunt. Attentionem quoque meretur ille, in cujus facie omnibus seculis memorandus totius Angliæ Archi-Praeful Gul. Laud exhibetur, qui in averſa parte, quæ Angelum exhibet cum mitra & pedo in cœlum evolantem, quem duo alii sequuntur coronam cum sceptro & reliquis Regni insignibus eodem asportantes, SANCTI CAROLI PRÆCURSOR appellatur. Sed omiſſis deliciis istis, ad caput IV progrediendum, quod gloriæ nationis Anglicanae destinatum esse unice videtur. In eo enim magni, qui in Anglia, nostro potissimum ævo, exorti sunt Viri, commemorantur, quorum vel in Rempublicam, vel in Ecclesiam, vel in litteras, vel denique in artes merita nummorum ope æternitati consecrari mererentur. Quibus si forte aliquando, quod optat, honor ille contingat, studiose nummos, effigies eorum repræsentantes, colligi & asservari jubet, non minus digna posteris præbituros spectacula, quam nobis hodie nummi veteres philosophos & artifices exprimentes exhibent.
- P. 170. Imo & illos, qui Reipublicæ turbatores oculis nostris sistunt non negligendos putat, atque exempli loco nonnullas Reipublicæ Anglicanae incendiariorum effigies ex nummis adducit. At ut absolvat tandem, omnia, quæ ad utramque nummorum faciem pertinent, de legendis denique & inscriptionibus agit, in quibus intelligendis ut hujus artis tyrones juvet, notas & abbreviationes vocum, quæ in numismatibus Romanis occurrunt, ex Patino cum additionibus quibusdam suis inferuit: quas longe ampliores dare potuisset, si tum a se ipso allegatos autores, tum indicem Inscriptionum Gruterianarum in auxilium voluisset vocare. Inde vero illos instruere incipit, qui in cimeliarchiis
- C. IV.
- C. V.
- P. 190.
- P. 193.
- C. VI.

in.

instruendis aliquid operæ atque impensæ collocare satagunt. Et his quidem cum illis imprimis monet contrahenda esse commercia, qui in fodienda sive vomere atque ligone, sive alia quacunque ratione terra occupantur, utpote in qua maximus hujusmodi thesaurorum cumulus reconditus delitescat. Atque illa occasione Angliam imprimis defossorum hujusmodi thesaurorum plenam esse monet, ex Chronico Saxonico docens, Romanos, cum ex improvviso in eos Saxones fulminis instar irruerent, thesauros omnes qui erant in Britannia coacervasse, parteque eorum ad vicina Galliarum littora secum deportata, partem in terra defodiisse. Quam cum ea nondum solertia, qua aliæ Europæ nationes, Angli rimati hæcenus fuerint, ut deinceps id faciant, eos incitat. Inde ea, quæ ad nummum genuinum a supposito discernendum faciant, quantum quidem ejus fieri potest indicat, non omittit iis, quæ genuinorum quoque nummorum pretium augent atque existimationem. Cui fini alphabetico ordine rariores nummos Græcos medii & minimi moduli indicat, atque occasione nummorum Græcorum Othonis, æreos ejus nummos genuinos dari non amplius dubitandum putat, in Syria atque Ægypto maximam partem, paucos etiam Romæ cufos: eos tamen non exacte adeo, atque aurei argenteique, faciem ejus referentes. Si ad maximum modulum assurgant, inæstimabile, si medii moduli sint, minime pigendum XL Librarum, h. e. Vallengium CLX pretium esse ait. Cumque rariores sint in quibusdam regionibus nummi, oppido frequentes in aliis, quinam potissimum in Anglia soleant effodi, quibusque in locis, indicat. Et postquam prolixissime in detegendis omnibus impostorum fraudibus versatus fuisset, varias methodos, quibus delineationes & ectypa nummorum facili negotio confici possint, exponit. De ipsa re monetali inde, ejusque primum apud Romanos conditione præfatusque ei magistratibus breviter, paulo fusius autem de ejus apud Anglos antiquioribus nostrisque temporibus statu, variisque oppidis privilegio monetæ cudendi insignibus agit. Speciatim vero modum persequitur, quo iis qui pondere suo publicam monetam defraudare solent, sceleratis hominibus, obviam ire solent monetariæ rei apud Anglos præfecti, inventorumque eo spectantium auctores nominat, dignos existimans quorum memoria nummis consecratur. Maxime tamen eam, quam Galli inierunt, malum istud sanandi rationem commendat, qui exactissima nummorum suorum rotunditate, quorum margines dentibus

P. 199.

P. 200. 209.

P. 202.

P. 205.

P. 207.

P. 219.
C. VII.

P. 225.

P. 226.

p. 127.

p. 237.

p. 240.

p. 241.

p. 245.

p. 247.

p. 252.

tibus insuper muniunt, & elegantissima, quam in superficie eorum adhibent politura, non limæ tantum & aquæ fortis injurias ab iis depulerunt, sed id etiam consecuti sunt, ut imitari genuinam monetam impostores nulla ratione queant. Verum uti istas pestium Reipublicæ fraudes, tanquam ei perniciosissimas detestatur, ita ipsos quoque Principes a majore statuendo pecuniæ pretio, quam revera habet, avertere conatur, cum quanto populorum ipsorumque Principum detrimento id conjunctum sit, ex historia Romana, Gallica, Anglica, & Germanica evincens. Quod malum cum Angliam quoque ab aliquo tempore invaserit, consilia de quarrenda ei medela suppeditat, quæ prolixius hic recensere super sedemus. Quin potius ad celebriorum artificum commemorationem properamus, qui nostris temporibus in flandis feriundisque nummis excelluerunt. Ex Italis hic potissimum commemorantur *Lavino*, *Parmigiano*, *Vincentino*, *Bellas*, *Leon Leoni*: ex Gallis *Hameranus*, *Bossier*, *Goujon*, *Carteron*, & longissime omnes illos antecellens *Varinus*: ex iis quorum apud Anglos effulsit industria, *Synons*, *Rawlins*, *Harris*, *Christian*, *Rotte*. & alii complures, Itali præprimis, qui in nummis pariter fabricandis ac gemmarum sculptura admirationem seculi sui meruerunt. Cum hujusmodi artificibus ut familiare contrahant amicitiam rei nummariaæ studiosi suadet, imo & ipsos artis delineandi, sculpendi, flandi ac feriundi nummos, Cl. Morelli exemplo, peritos esse cupit. Quibus ne quidquam ad hæc excolenda studia desit, Bibliotheca qualis instruenda sit etiam docet, omnibus, qui de re nummaria commentati sunt, scriptoribus communioris. Et si forte ad externos invisere cuiquam detur, cum illustrium cimeliarchiorum notitiam ex notissimis Patini atque Sponii libris petere jubet, Angliæ vero gazophylacia ipsæmet breviter recenset. Et si cui instruere hujusmodi gazophylacium forsitan placeat, qui sit ab eo in disponendis nummis observandus ordo, luculentè describit. Tandemque hanc institutionem suam catalogo nummorum, quos ab Imperatoribus, qui Joviano usque ad Heraclium succedere, habemus, finit, ampliorem Græcorum & Romanorum numismatum, in gratiam eorum qui in legendis & inscriptionibus percipiendis nondum satis sunt exercitati, Baudeloti methodo daturus, nisi a Cl. Viro Obed. Walker, qui simile opus de re nummaria vernacula lingua non ita pridem edidit, fuisset præventus.

Jam

Jam duo sunt, quæ appendicis veluti loco tractationi isti Autor noster accedere voluit. Primum proluxa satis est de virorum magnorum sive penicillo sive scalpello repræsentatis imaginibus commentatio, quarum collectionem ad supplenda ea, in quibus nummi deficiunt, ut instituant qui cimeliarchia instruant, suadet. Quod ut eo facilius possint efficere, magnorum Angliæ virorum catalogum texit, quorum imagines congerere operæ pretium sit, quos in peculiare Theologorum, Historicorum, Philosophorum, Physicorum, Mathematicorum, Jureconsultorum, Poetarum, Musicorum, eorum item qui difficillimis itineribus, aut ingentibus beneficiis inclaruere, classes digestos, alphabetico ordine recenset. Quin & fœminas, quæ litteris vel aliis præclaris virtutibus in illa gente effloruerunt, enarrat, earumque picturas comparari jubet: nec non summos Regni Proceres maximis meritis claros; eos item qui conspirationes, protraxis ex latetibus suis earum autoribus, dispulerunt; qui artibus, corporis statura, longævitate vel alia denique quacunque re insignes fuerunt. Quorum omnium licet numerosum satis produxerit exercitum, longe plures tamen a se prætermisissos ait, quorum accuratam recensionem, nisi invidio fato impeditus fuisset, Clar. Turnerus fuerit instituturus. Interea ad alias nationes excurrit, magnorumque apud eos virorum fœminarumque, qui famam quacunque ratione sunt consecuti, quorumque proinde colligendæ sint effigies, nomina in classes suas digesta recitat. Utque eos, qui hujusmodi collectiones instituere cupiunt, juvet non nihil, non tantum musea quædam commemorat, insigni effigiarum hujusmodi apparatu conspicua; qualia Marollium atque Beughenium instruxisse, ex publicis qui prostant catalogis patet, (ex quorum priore etiam aliquot volumina illustrium virorum effigies complexa, multis redempta librarum millibus, Bibliothecæ Regiæ Parisiensi illata fuerunt;) verum etiam collectiones chalcographicas quæ publice prostant, a Boissardo, Thomasino, Strada aliisque curatas indicat. Atque ea occasione Viri hujusmodi elegantiarum oppido amantis, Domini Begani, cui rerum maritimarum apud Rupî- fortenses hodie concredita cura est, meminit; quem omnium, qui nostra ætate litteris vel aliis meritis illustres evasere, effigies, una cum elogiis eorum editurum dicit. Quod opus suum ut eo magis reddat conspicuum, nullis parcens sumptibus, multos viros eruditos, infucios atque invitos,

ll u—

per

per eos quos alii pictores emillarios, depingi curat, & hac ipsa arte, celebris Historici dicam an Historiæ corruptoris Varillasii, cui nulla ratione, ut publice comparere effigiem suam pateretur, poterat persuaderi, delineationem nactus est. At & Perraltii commendat industriam, cujus duo satis spissila volumina, effigies hujusmodi complectentia, absoluta jam esse, publicam famam ferre dicit.

C. IX.

Alterum quod per modum appendicis assuere isti operi cl. Auctori placuit, prolixa satis de Physiognomia Dissertatio est. In ea singulas vultus humani partes pererrat, atque regulas, ex quibus judicium ferri de interiore mentis humanæ facie queat, præscribit; eas vero Aristotelis, Plinii, Plutarchi, aliorumque gravissimorum auctorum suffragiis, imo ipsis exemplis magnorum virorum, quorum faciem corporisque habitum antiqua monumenta nobis conservarunt, docte confirmat. Ut autem huic scientiæ paulo majorem conciliet auctoritatem, oppido multa affert, quæ omnino majorem attentionem videntur mereri. Sic enim, ut exempli loco nonnulla adducamus, mirabile dictu est, quod de tæmina quadam Florentina narrat, eam leonem, qui carceribus effractis filium ejus invaserat, solo obtutu adeo terruissè, ut incolumi illo relicto trepidus fugam dederit. Item quod ex

p. 301.

Borelli observationibus de non nemine commemorat, qui conscius sibi ejus, quod in oculis circumferebat, fascini, quocunque delatus erat, monebat, ne infantes aut gravidæ ad se accederent propius, ne obtutu suo invitus licet ipsis noceret. Atque naturalem hujusmodi oculorum vim haud raro occasionem dedisse sibi persuadet, ut tanquam pacti cum malis genis rei cremati fuerint homines hac quidem ex parte prorsus innocentes. At forte magis jucundum fuerit Philippi Pembrocæ Comitæ hic legere exemplum, quem naturali quadam sagacitate, assidua contemplatione effigierum maximorum virorum, & minime proletaria artis pictoriæ scientia adjuta, eo usque profecisse narrat, ut ex sola hominum facie de occultis eorum intentionibus maximeque arte constructis machinationibus felicissime conjecturam facere potuerit. Unde & Jacobum I eo semper in explorandis Legatorum recens ad se delatorum intentione atque consiliis usum fuisse, eoque referendam esse modo laudati Regis sententiam a Verulamio commemoratam, *Lingua aures ferit, gestus vero oculos alloquitur*, narrat. Atque hoc quidem esse donum magnorum Principum ministris appri-

p. 302.

apprime necessarium, Aristotelem & Ciceronem jam annotasse observat, cujus complura alia, ex Romana maxime historia petita, exempla adducit. Ulti autem ad mores hominum animosque perno-scendos oppido multum facere posse hanc artem tuetur: ita nullam e-jus in futuris prælagiendis vim esse contendit. Imo & in moribus conjectandis eam fallere posse concedit, cum casus & consuetudo mul-tum in lineamenta hominū possint, ita ut aliter ex illis conjicias, quam faceres, si ipsos naturæ tractus intueri daretur. Hanc autem pariter ac alias objectiones, quæ artis Physiognomicæ pretium imminuere videntur, satis apte removet. Magis prolixè tamen in explicandis va-riis variarum gentium corporis & animi habitibus, sibi invicem, ut ipse putat, exacte respondentibus versatur, & in causas eorum doctè & ingeniose inquirat, quænam cæli acrisvæ temperies hoc vel aliud corpo-ris temperamentum, & quales hoc animi inclinationes producere so-leat, solícite investigans. Denique de crinibus & voce coronidis loco nonnulla observat, providentiamque divinam in distinguendis homi-num vultibus agnoscit & veneratur. Epilogi vero loco sententiam suam quibusdam adhuc gravissimorum scriptorum testimoniis, lucu-lentisquæ magnorum virorum (quorum facies exacte ingenio intimæ-que animi dispositioni respondet) a novissima Angliæ historia ei sup-peditatis exemplis confirmatam dedit.

p. 304.

p. 306. 324.

p. 311.

p. 333.

p. 337.

D. AVRELII AVGVSTINI LIBRI DVO DE ADVLTERINIS

Conjugiis ad Pollentium, cum notis Jurisconsulti celeberrimi, qui-bus dogma Ecclesiæ de Matrimonii dissolutione illu-stratur.

Jenæ apud Jo. Bielckium, 1698. in 4. Constat II plag.

D. Augustinus in libris, quos de Evangelico sermone scripserat, quem Salvator secundum Matthæum in monte habuit, docue-rat nec permillum esse conjugibus divortium facere nisi ob fornicatio-nem, nec qui ex hac causa a conjugē discesserit, ad alteras nuptias trans-ire posse. Pollentius, cui mira videbatur ista Augustini privata sen-tentia, quæ praxi Ecclesiæ & fori repugnabat, datis ad Augustinum li-teris dubia illi sua veluti consulendo exposuit, & in alia omnia disce-dens sensit, mulierem qualibet ex causa posse a marito divertere, dum

Uu 2

ma.

maneat innupta, &, si divortio causam dederit adulterium, nuptias secundas non esse prohibitas, nixus potissimum auctoritate Pauli 1. Cor. VII. 10. 11. & ipsius Salvatoris apud Matth. V. 31. Hinc nati sunt Augustino duo hi libri ad Pollentium *de conjugis adulterio*, quibus sententiam suam repetit & tuetur. Quum vero Pontificii juris Doctores in hac controversia ad auctoritatem Augustini provocare soleant, celeberrimus quidam Jurisconsultus, quem *Joannem Schiltzium* Argentoratensem Antecessorem esse accepimus, in ejus argumenta duxit inquirendum, & quid iis veri falseve subfit, rectene an secus concludant, notis cuique capiti subiectis breviter nervoseque ostendit. Ac primum animadvertit, controversiam esse duplicem: alteram *de jure divortiorum*, quæ Augustinus nisi ex causa adulterii negabat esse permittenda; alteram *de jure iterum nubendi*, quod Augustinus vivente altera parte concedit nemini, ne quidem ex causa adulterii: nisi quod cap. VI. innuit, Christianos tantum conjuges hoc præcepto teneri; unde colligas, mulieri ab adultero non Christiano discedenti nuptias secundas minus fuisse interdictas. Pollentium vero in prioris quaestione labi docet notarum Auctor, abreptum Hebræorum Romanorumque moribus ac legibus, quibus divortiorum licentia invaluerat. In hac ergo parte triumphare Augustini facundiam & disputandi subtilitatem, licet argumentis ejus non id semper conficiatur, quod illis colligere velit. Sic locum illum Paulinum 1. Cor. VII. 10. 11. nec ab Augustino, nec a Pollentio recte capi & explicari observat. Augustinum ex præjudicata opinione mulierem, quæ discedat a viro, accipere de ea quæ ob adulterium divortat aut repudietur, atque adeo, ut Scholæ loquuntur, petere principium. Pollentium contra, quæ Apostolus in eam conditionem conferat, si fiat, pure accipere, ac si licite fieri possint, atque adeo quæ *de facto* dicuntur, perperam *de jure* intelligere. In altera vero parte controversiæ, quæ de jure iterum nubendi, si factum est divortium, quaeritur, Augustinum sine causa ab apertis Christi verbis Matth. V. 32. discedere, eisque vim inferre notat; cum ea, quæ particulis exceptivis regulæ eximuntur, non in vim exceptionis, sed exempli valere velit, invito sensu communi, rectisque interpretandi regulis, ad Grammaticæ, Logicæ, subiectæque materiæ principia revocatis. Neque reliquas ejus rationes ita esse comparatas, ut nos cogant ad contortam interpretationem verborum perspicuorum con-

con-

confugere, evolutio cuiusque argumenti paralogismo demonstrat. Hæc fere sunt, quæ priori libro disputantur & notantur. Altero libro eadem controversia discutitur, a Pollentio denuo & luculentius exposita, novisque rationibus munita, quibus Augustinus occurrit, suamque sententiam tuetur & expolit. Doctissimus vero Schilterus & hic Augustinum κατὰ πῶτα sequitur, & quid sit in controversia, cuius ponderis sint rationes aut responsiones allatæ, quæ inter se consentaneæ sint aut dissentaneæ, magno iudicio examinat: sub finem ex Lib. 2. Retractat. cap. 57. observans, in hac sententia ipsum sibi non satis fidere nec satisfacere Augustinum. Plura ex parvo libello excerpere non refert, quem suo quisque commodofacilius perlegere, & ex ipso fonte dulcius haurire poterit, quæ faciunt ad iudicium de hac controversia instruendum, quæ hodiernum diversarum religionum fora distrahit. Unum illud addimus, notas non esse editas ab Auctore, sed delatas ad doctissimum Virum D. Georgium Schubartum, bono publico cum Præfatione ipsius Jenæ esse evulgatas; ut non solum vera sententia ex notis his possit cognosci, sed &, quomodo in huiusmodi scriptoribus lectores versari oporteat, hoc exemplo intelligeretur.

A SECOND VINDICATION OF THE REASONABLENESS OF Christianity.

h. e.

REPETITÆ LIBRI DE RATIONALITATE RELIGIONIS

Christiane Vindiciæ, a Libri istius

Autore edita.

Londini apud A. & J. Churchill, 1697. 8. Alph. 1. plag. 8.

Quæ de Religionis Christianæ rationalitate commentatus sit Vir peringeniosus, & ob alia scripta oppido celebris, Joannes Locke, in Actis nostris anno 1696 p. 463 & sq. fuscæ ac luculente exposuimus: ubi etiam, quam grave bellum a Viro Cl. Joanne Eduardo ob istum librum ei indictum fuerit, indicatum a nobis esse meminimus. Ultimum Eduardi scriptum, quod Socinianismi delarvati titulo inscriptum edidit, & cuius argumentum eodem loco a nobis explicatum fuit, parum quidem initio movere visum doctissimum Antagonistam ejus. Præ-

Uu3

ei

cipue cum non ultimæ exultationis inter suos Vir, clarissimus Bold, Ecclesiæ Anglicanæ Presbyter, habitum a se ad populum sermonem, ejusdem cum Lockii libro argumenti, paulo post ediderit, cui notas ad delarvatum Eduardi Socinianiſmum adjecerat, Lockiique sententiam contra ejus objectiones defenderat. Attamen cum Eduardus illum quoque Autorem severe exceperit, Lockius ipse causam suam iteratis istis Vindictiis agere instituit. Ut enim egregie rem ab isto promacho suo, cetera sibi plane ignoto, gestam fuisse persuasum habeat, ne tamen obtundi majoribus Eduardi, in libro quodam, *Symbolum Sociniani* inscripto, triumphum ob silentium Lockii agentis clamoribus quisquam se pateretur, necessariam hanc suam quoque operam se judicasse refert.

Maxima vero harum Vindictiarum pars eo redit, ut neget doctiss. Lockius suam esse, quam Eduardus repræsentavit, mentem: quem pessimæ fidei propterea accusat, & ut ipsis libri sui verbis affictus sibi opiniones probet, ubique urget. Sic enim quæ de unico tantum fidei admissio articulo ipsi exprobraverat, quam vana sint, solide jam in prioribus Vindictiis a se demonstratum esse ait, quibus ipsum Eduardum victum multa quidem pharmaca parum prudenti, quo usus fuerat, loquendi generi adhibuisse, & nescio quo sensu errorem de unico fidei articulo Lockio tribuisse videri velle observat, sed clarissima ejus loca adducit, in quibus sine ulla restrictione Lockium accusarit, ac si unicum tantum fidei articulum admitteret. Quam imputationem ut falsitatis eo clarius redarguat, ipsissima verba libri sui (p. 291 & 301) allegat, quibus unico illi articulo, quod Jesus sit Messias, concomitantes illum articulos de resurrectione Christi, exaltatione, & adventu ad judicium junxerit; atque distincte docet, se cum de unico illo fidei articulo loquitur, haudquaquam excludere vel negare reliquos, qui vel ex lumine rationis innotescunt, vel a Deo quoque revelati fuerunt, sed tantum dicere, Christum atque Apostolos eos, qui illum fidei articulum admisere, in numerum credentium recepisse. Verum quo tendimus? Rectius nos ipsos, quo minus ulterius progrediamur, continebimus: potissima enim controversiarum hic agitararum capita a libi a nobis indicata sunt; uberior vero earum explicatio & a scopo nostro aliena est, & cum aliquo tædio conjuncta foret.

PHAE-

*PHAEDRI AVG. LIBERTI FABVLAE AESOPIAE, CUM
commentariis Marquardi Gudii & aliorum, edente PETRO
BURMANNO.*

Amstelædami apud Henr. Wetstenium, 1698, in 8. Constat 2 alph.

Plures ingenio & doctrina præstantes viri in fabulis his Phædri edendis emendandisque utilem operam posuerunt; quorum omnium doctos labores congefſit, priorumque cunſtarum editionum compendium fecit, uno hoc volumine præclaras omnes annotationes complexus vir clariffimus Petrus Burmannus. Celeberrimi enim viri Marqu. Gudii multorum votis expetitas in hæ Phædri fabulas animadverſiones & notas, opera viri ſummi Jo. Georgii Grævii naſtus; cum eas ſolas in lucem emittere ſtatuiſſet, perſuaderi ſibi tamen paſſus eſt, ut aliorum etiam antea editas annotationes vel excerptas vel integras adjungeret. Fabulis igitur Phædri emendatiſſime excuſis Tan. Fabri, Jo. Schefferi, Jo. Freinſhemii, Joh. Lud. Praſchii, Caſp. Scioppii, Franc. Guyeri, Is. Neveleti, Jo. Meurfii, Petri Axenii notas, & propria induſtria conſcriptas obſervationes ſubſtravit, breves etiam Nic. Heinfii notatiunculas, ex codice quo is olim fuerat uſus petitas, admifcuit; Conr. Rittershuſii autem & Nic. Rigaltii geminas notas, priores & poſteriores, (quarum iſtæ A. 1599, hæ A. 1617 & iterum A. 1630 lucem adſpexere in Gallia) æque ac Marquardi Gudii nunc primum editas, peculiarem in locum rejecit. Indices geminos eosque copioſos tum Phædri fabellis, tum ad iſtas annotationibus, addidit, qui ubertate & accurata numerorum ratione antea vulgatos multum præſtant. Qualis autem futurus ſit philologicus iſte in Privilegio Pot. Ordinum Holl. & Weſtſſiæ, quod huic libro præmittitur, memoratus Index, a Nic. Diſpontino adornatus, nondum conſtat & dies docebit. Cæterum non notas modo celeberrimi Gudii eruditas nunc e tenebris produſtas debemus clariffimo Editori, verum etiam fabulas quatuor antehac anemine conſpectas, per Gudium ex manuſcripto Divionenſi depromtas & reſtitutas, eidem acceptas ferimus: unam de ægrotante milvio, alteram de ſeporibus vitam abrumpere ſibi cupientibus, tertiam de vulpe naturæ impetum ſequente, quartam de mure leoni gratiam refe.

referente, p. 325. seqq. Dolendum modo, plures Editorem e schedis Gudianis non potuisse proferre, quia autographum, ex quo quatuor istas exhibuit, in fine lacerum fuit, pluribus foliis, in quibus triginta novæ & nunquam editæ fabulæ ex Divionensi codice descriptæ extiterunt, abscissis & deficientibus.

LIBRI NOVI.

Job. Jacobi Hofmanni *Lexicon Universale*. Editio absolutissima, præter Supplementa & Additiones, antea seorsim editas, nunc suis locis & ordini insertas, tertia parte, quam antebac, auctor. Tomi IV. Lugduni Bat. apud Jac. Hackium, Corn. Boutsseyn &c. in fol.

Manethonis Apotelesmaticorum Libri VI, nunc primum ex Bibliotheca Medicæ editi, cura Jacobi Gronovii, qui etiam Latine versis ac notis adjecit. Lugd. Bat. apud Fred. Haaring, 1698.

The present State of the Socinian Controversy, and the Doctrine of the Catholick Fathers concerning a Trinity in Unity. By William Sherlock. London printed for William Rogers, 1698. 4.

Voyages and Discoveries in South-America, by Christopher d'Acugna, Mons. Acarete, M. Grillet and Bechamel. London, for S. Buckley, 1698. 8.

Alcali vindicatum: Or, the Acid Opiniator not guilty of Truth. By William Coward. London for Tim. Childe, 1698. 8.

The Doctrine of Acids in the cure of diseases farther asserted. By John Colbatch. London for Dan. Brown, 1698. 8.

A Concordance to the Holy Scriptures. In a more exact Method then hath hitherto been Extant. Cambridge By John Hayes, for Awnsham and John Churchill, London, 1698. fol.

Jo. Clerici Opera Philosophica in quatuor volumina digesta. Amstel. apud Georgum Gallet, 1698.

Les Hommes Illustres, qui ont paru en France pendant ce Siècle, augmenté des Eloges de Messieurs Arnauld & Pascal. Par Mr. Perrault. Suivant la Copie imprimée à Paris, chez Antoine Dezallier, 1698. 12.

* * * * *

ACTA ERUDITORUM

Publicata Lipsiæ

Calendis Augusti, Anno M DC XCVIII.

*VESPERÆ GRONINGANÆ, SIVE AMICA DE REBUS
sacris Colloquia.*

Amstelædami, apud Henricum Desbordes, 1698, 8.
Constant plagulis 30.

Ecclésiæ Gallicanæ Reformatæ Pastores quatuor ob religionem patriam extorres, at ab Illustribus Groningæ & Omlandiarum Ordinibus suscepti, Ecclesiæque provinciali Gallo-Belgicæ præpositi, in eam haud ita pridem sententiam convenere, ut per vices semel hebdomatim recurrentes amicum de rebus eruditis, philosophicis, criticisque ac potissimum theologicis colloquium instituerent, libera illi, qui colloquentes exciperet, potestate relicta, selectam aliquam materiam proponendi, quæ exercitii argumentum esset. Et hunc quidem, qui scenam pro alterante ordinis ratione aperiret, meditata semper loqui, quæstionem formare, in utramque partem differere, difficultatem enodandam indicare, sententiasque rogare; sed, qui responderent, eos imparatos & prout ingenii vis extemporanea tulcrit, proferre sua voluerunt. Accessit vero mox post primas congressiones alius e vicinia Pastor, quem quantum sibi assumere ob pietatem ejus & doctrinam illi minime dubitarunt, junctaq; sic industria per hebdomadas bene multas sua hæc colloquia per seriem non interruptam continuarunt, & fortassis etiamnum continuant. Ut ne tamen sibi solis Musisque suis canere viderentur, suasu insuper novi hujus Socii excitati, ea quæ in singulis conventibus dicta fuissent, in chartam quoque conjicere ac luci publicæ exponere decreverunt. Data ergo est eorum uni hæc provin-

Xx

vin.

vincia, ut sermones aut hastenus habitos aut imposterum miscendos literis consignaret, & Gallico, quo uti ipsis colloquendum placuit, idiomate in Latinum transfunderet; qui partium sibi demandatarum satagens, colloquiorum viginti hanc veluti historiam suffragiis reliquorum probatam composuit, eamque a vespertinis horis, quas exercitiis istis destinare visum fuit, sub Vesperarum Groningarum titulo vulgavit.

Quemadmodum autem ex hac totius instituti delineatione, quemvis facili negotio cogniturum autumamus, quod liber hic miscellaneas exercitationes, & eas quidem nulla ut plurimum compagine inter se connexas, sed solutas liberasque, & ad varia argumenta, prout hæc se obtulere, excurrentes sistant: ita ordinis inter differendum a collocutoribus eruditissimis observari soliti vel duo heic specimina exhibere consultum arbitramur.

Primo loco ea afferemus, quæ ad illustrandum dictum Petrinum de bona conscientia, quæ sit *ἐπερώτημα εἰς Θεόν*, i. Pet. III, 21. in tertio Colloquio fuere monita. Multa nempe disseruit auspiciū ejusdem faciens Vir doctissimus de conscientia, quam judicium mentis de factis aut faciendis in ordine ad Dei judicium definivit, eamque deinceps in bonam & malam dispescuit. De faciendis bonam illam esse dixit, quæ judicet de bonis & malis, quoad congruant aut discrepent a recta ratione & a regula actionum nostrarum a Deo præscripta; de factis vicissim, cum in plurimis peccaverimus, bonam non esse conscientiam dixit, nisi cum peccatum agnitum, seriaque poenitentia acta, & recursus ad misericordiam divinam susceptus fuerit, & persuasus quis sit de impetrata venia, inque hac persuasione acquiescat. Talem conscientiam esse *ἐπερώτημα εἰς Θεόν*, quæ interroget & petat, quid ad salutem obtinendam facto opus sit? Dicti ergo Petri hunc videri sensum: Baptismum non eum esse, qui maculas corporis eluat, sed in quo bona conscientia interroget, quid facto opus sit ad salutem? allusione facta ad interrogationem, quam Judæi Petri prædicatione perculsi & postea baptizati ad hunc direxerint, Act. II, 37. Sicut autem interrogationem illam bonæ conscientia eam esse dixit, qua quis Deum consulat, quid ab ipso velit fieri; ita non excludi debere addidit eam interrogationem, qua peccator baptizatus interroget, quomodo Deus erga ipsum affectus sit; quaque in precibus suis Deum compellet: non-

ac

ne tu meus es pater? ubi depositis sordibus animæ conscientia de gratia Dei certior facta pacata efficiatur, unde ex sensu remissionis peccatorū bona illa conscientia nascatur, qua fretus fidelis audacter Deum interroget, annon favor ipsius per Christi mortem sibi sit conciliatus? Percepta hac expositione vix verosimile judicarunt aliqui, tam alta mente repostam mansisse apud primos Petri auditores hujus suæ interrogationis memoriam, ut inde occasionem is habuerit, diu satis post habitam primam istam concionem eos sic alloquendi. Quid? quod Petrum tunc ita percontantes varia postmodum in loca dispersi fuerint, multi etiam ex iis obierint, aliis plurimis in eorum locum aggregatis, qui Apostolum concionantem non audiverint, nec interrogationis istius primorum et Judæis proselytorum recordari adeo potuerint. Respondit autem Vir doctus, utique prioribus duntaxat illis, qui Petrum concionantem audiverint, hanc locutionem præbuisse *μνημόσυνον* interrogationis olim factæ, & alios revera non intellexisse Petrinum scopum, sed hos tamen nihilosecius hoc agnoscere potuisse, quod Petrus verum salutis medium ac viam esse bonam in Deum conscientiam asseruerit. Nondum vero penitus satisfieri dubio responsione hac adstantes rati sunt, aliusque se observasse dixit, quod *ἐπερωτᾶν* æque ac simplex *ἐρωτᾶν* non interrogare tantum, sed & orare ac precari significet, unde sensus sit: Baptismum non id esse, quo salvemur, sed orationem, quam bona conscientia fundat ad Deum; & hanc interpretationem postea latius deduxit atque vindicare studuit. Attamen post primas illas *Φρονήδας* meminit, apud Hammondum similem se expositionem vocis *ἐπερωτήματα* per interrogationem legisse, quo auctore denuo perlustrato in castra Viri docti, qui colloquii hujus initium fecerat, transiit. Equidem adhuc objecit, dici quidem potuisse a Christianismi tyronibus, cum primum suam ad Christum conversionem meditarentur, quid faciemus? non autem pariter ab illis, qui jam ante plures annos tyrocinium posuerint, religionemque Christianam docti fuerint, ac proin, quid facto opus sit ad salutem, minime ignoraverint. Sed in promptu esse responsionem agnovit, agi de Baptismo, per quem salvi fiamus, in quo omni tempore distinguī debeat baptismus aquæ, qui non salvet, a bona conscientia ex Deo quærente, quid a nobis exigit, obsequiumque promittente, quam demum salus consequatur.

Alterum specimen depromemus e colloquio decimo, in quo de polygamia Patriarcharum, deque gradibus affinitatis & de nuptiis incestis actum fuit. Duas imprimis Quæstiones sententias retulerat, unam eorum, qui statuunt, polygamiam Patriarcharum in vitio utique cubasse, sed a Deo fuisse excusatam, condonatam, toleratam; alteram eorum, qui super polygamia a Deo cum Patriarchis dispensatum fuisse censeant; se autem priori illi calculum suum adicere professus est. At idem Vir doctus, quem antea primum disserentem introduximus, neutri sententiæ adharere voluit, mentemque suam sic explicuit. In matrimonio aliud constituere ejus essentiam, aliud ad ejusdem melius esse quid conferre. Prius conjunctionem vocavit a Deo factam, posterius bonam quandam conditionem, qualis heic sit bonum charitatis in genere humano fovendæ & constringendæ. Bonum hoc in generis humani primordiis non aliter quam per copulatos fratres sororesque obtineri potuisse, sed lapsu temporis & generationum sibi succedentium multiplicatione, per remotiorum advocacy potius promotum id fuisse innuit. Porro ad fomentum charitatis plurimum conferre unitatem viri & uxoris, sed commississe tamen Deum, ut ista conditio, licet optima, abesset, dubium an recentis generis humani multiplicationi hoc indulgens, an alia de causa? Christum autem τὸ melius esse conjugii hac in parte perfecte restituisse. Divortii insuper ignorationem per se quoque ad melius conjugii omnino facere, sed Deum pariter istius licentiam indulgisse ob Judæorum & forsan quoque aliorum ante eos populorum *σκληροκαρδίαν* innuit; Christum vero tanquam supremum charitatis magistrum & hoc charitatis fomentum pristinum recollectiile. Patriarchas igitur ac alios in V. T. & polygamiam & divortium sectantes nequaquā adulterii insimulandos venire, sed velut jure sibi concessio utentes considerari debere affirmavit. Sed cum objiceretur, nuspiam legi, quod primæva conjugii institutio ulla ex parte relaxata fuerit; respondit, dubium haud esse, quin Abrahamum ea de re Deus monuerit & informarit. E Lev. XIX, 18. objectum fuit, disertissimis ibi verbis polygamiam prohiberi. Negavit hoc Vir doctus, istamque legem potius cautionem esse dixit, n gratiam uxoris factam, quam dimittere dato illi repudiū libello certis quibusdam in casibus marito integrum non fuerit. Prohibuisse namque legislatorem, ut ne vir ductam antea a se vitiatam repudi-

puclaret, & aliam ei superinduceret, quæ ægre isti faceret, fortemque ejus amarant redderet. Delati collocutores ad locum Deut. XXIV, i. f. disquisiverunt: an ob solam adulterii causam, an vero & ob alias leviores viro Israëlita dimittere uxorem olim licuerit? Ubi post varia in utramque partem disputata acquirerunt tandem in hac sententia, quod utique Judæi & ob solam displicentiam, & ob alias causas non adeo prægnantes, suas uxores dimiserint; interdici autem heic primo marito, ne uxorem ita dimissam post copulam cum alio resumeret, non, quod hæc interim per subsequens conjugium adultera effecta fuerit, sed in refrænationem petulantia maritorum & laxæ illius repudiorum & conjugiorum repetitorum licentia, & in favorem repudiatæ semel uxoris, ne ea denuo prioris mariti arbitrio & odio subiceretur. Ulterius de conjugii incestuosis multa promiscue dicta fuerunt in hoc colloquio, alio asserente, quod omnes nuptiæ contractæ cum personis talibus, quibuscum eas contrahere non sinat consanguinitas affinitasve, vitium a natura & intrinsece secum habeant; alio e contra, id valere tantum in linea recta, non item in collateralis, prolixius ostendente; tandem vero Vir ille doctus, quem collocutores nostri sibi acciverant, ita rem definivit: vitium nullum a natura & intrinsece, inherere istis matrimoniis, quæ inter proximos instituuntur. Equidem quoad conjugia in linea recta, non legi in libris Mosæicis, ullum unquam patrem accepisse in uxorem filiam a se genitam, aut ullam matrem nupsisse filio; non audere tamen se ex Scripturæ silentio argumentum contra ejusmodi conjugiorum validitatem depromere, quia nusquam ante Mosén prohibita inveniantur. Nec velle se vicissim affirmare, quod permissa fuerint, cum non satis norit, quænam sit eorum habitudo & relatio ad Dei naturam ejusque sanctitatem. At in aliis conjugiiis, quæ in transverso gradu occurrant, nihil se deprehendere, unde concludi possit, illa a natura vetari, & intrinseca quadam *ἀνομία* laborare.

Ad modum igitur hætenus delineatum in unoquoque colloquio Viri solertissimi se gesserunt, unde reliquorum argumenta breviter tantum cum benevolo Lectore adhuc communicabimus. *Primum* expendit locum Exod. IV, 24. 25. 26. In *secundo* tractatur questio: an circumcisions omitio in deserto *facta* fuerit? & dicta Jos. V, 2. & 9. illustrantur. De *tertio* jam plura diximus. *Quartum* in tempus,

quo Magi ad Christum accesserint, inquirat. *Quintum*. quod paulo brevius est & abruptum, lucis nonnihil affert probationi resurrectionis Christi *1. Cor. XV, 13. 14.* & quæstioni: cur Christus a Magdalena tangi noluerit? itemque effato Salvatoris *Matth. XXVI, 29.* de vino novo, quod bibere velit cum Discipulis in regno Dei. *Sextum* agit de nomine, quod Christus per hæreditatem accepisse dicatur *Ebr. I, 4.* *Septimum τὴ ἐπίγεια & τὴ ἐπὶ οὐρανῶν* occasione dicti *Joh. III, 12.* considerat. *Octavum* occupatur in quæstione: utrum legi Mosis morali Christus aliquid addiderit? *Nonnulli* polygamiam ab ipsis Christianismi principiis prohibitam fuisse ostendit, & præceptum Paulinum *1. Tim. III, 2.* illustrat. Post *decimum*, cujus contenta fusius retulimus, in *undecimo* quæstiones de divortio ex *Matth. XIX.* emergentes cumulantur atque resolvuntur. *Duodecimum* exegesis exhibet capitis, quod vigesimum quartum est apud Matthæum. *Decimum tertium* verba Christi de Phariseis in cathedra Mosis sedentibus ex *Matth. XXIII, 3. 4.* perpendit. *Decimum quartum* de fidei non morituro agit. In *decimo quinto* post novum de divortio locum *Marc. X, 11.* s. alius quoque ex *Matth. XVI, 22.* ubi ad Christum Petrus ait: ἰλεώς σοι Κύριε, explanatur. *Decimum sextum* Pauli verba *Ebr. VIII, 9.* cum dicto *Jeremiæ cap. XXXI, 32.* locumque *Ebr. X, 38.* cum *Hab. II, 4.* confert. *Decimum septimum* de angelo, cujus meminit *Psaltes Ps. XXXIV, 8.* & de angelorum respectu fidelium superioritate vel inferioritate; *decimum octavum* de sensu *Psalmi octavi*, itemque de significatione vocum *Θησαυρὸς, σὴς. βρῶσις*, occasione moniti *Matth. VI, 19.* disceptat, ac sub finem de versu ejusdem capitis vigesimo septimo observationes quasdam suppeditat. *Decimum nonum* in fronte gerit quæstionem: quid significet ἵνα & ὅπως, cum citatur Scriptura Veteris Testamenti his verbis: ἵνα vel ὅπως πληρωθῇ &c. & quomodo Scripturæ impleri dicantur? tandemque *vigesimum* vim testimoniorum Veteris Testamenti ad probandum, Jesum esse Messiam; & applicationem vaticinii *Esaiani* e capite ejus septimo *v. 14.* a *Matthæo cap. I, 22. 23.* factam vindicat.

LEXICON PHILOLOGICUM, PRÆCIPUE ETYMOLOGICUM

& Sacrum, auctore MATTHIA MARTINIO &c.

Trajeciti ad Rhenum, apud Antonium Schouten, 1697. fol.

Alph. 21.

Mat-

MAtthiæ Martini, quod hic exhibemus, Lexicon Philologicum jam dudum adeo innotuit omnibus, unde eo vel verbum dicere super-
vacaneum fuerit. Itaque tantum, quæ novæ huic utilissimi operis editioni accesserint, paucis indicasse suffecerit. Primum Auctoris vita ab A-
nonymo composita adjecta est, in qua narratur, ut natus Martinus Frei-
enhagen in Comitatu Waldeckensi A. 1572 fuerit: ut post absolutum
studiorum in illustri Scholâ Herbornensi cursum, Dillæam primum,
arcem Comitum Nassoviorum, A. 1595 ad Concionatoris Aulici mu-
nus vocatus fuerit: ut A. 1596 in Herbornensi Scholâ Professoris
spartam subierit: ut ab Emdanis A. 1607 ad Ministerium verbi fuerit
adscitus: ut denique A. 1610 Rectoratum illustris Scholæ Brenænsis
susceperit, magnoque studio, nec sine insigni Scholæ incremento ad-
ministraverit, donec A. 1630 in pago Kirchtimmeke ad quartum fere
ab urbe Brema lapidem, quorsum corpore jam languidior ad capien-
dam recreationem excurrerat, catharro suffocante exstingueretur.
Synodo eum Dordracenæ magna cum auctoritate interfuisse, a Sena-
tu Bremensi una cum Henrico Iselburgio & Ludovico Crocio dele-
gatum, ex Actis Synodi constat; nec ignotum, quam strenuum Refor-
mata Religionis adversus Lutheranos promachum se exhibuerit. Il-
lud operæ pretium fuerit monuisse, quod auditoribus suis commen-
davit assidue, ut ad Fœderis leges atque ritus Dei Oeconomiam diri-
gerent: unde, cum inter discipulos ejus etiam Johannes Coccejus fue-
rit, licet utcunque originem Coccejanæ de Fœderibus methodi intel-
ligere. Unicum addimus, etsi id tanti forte non est, studiis incubu-
isse eo, quem proximo mense in Blondello & Cujacio notavimus, mo-
re, humi nempe stratum, media inter librorum hinc inde sparsa volu-
mina. Alterum, quod Philologico Lexico adjungere Editori visum
fuit, ejusdem Etymologicum est, seu Cadmus Græco-Phoenix, liber
Johannis Georgii Grævi, Viri celeberrimi, qui ut denuo typis describe-
retur auctor fuit, judicio doctus & studiosæ juventuti perutilis, pau-
cisque hætenus notus. Ast maximum novæ editioni decus Grævius
ipse conciliavit, Glossario Isidori, quod toties in Etymologico esset lau-
datum, nec reperiretur nisi in Isidori operibus, in Glossarum Scripto-
ribus a Bonaventura Vulcanio editis, & in Corpore Auctorum Latine
Lingux Dionysii Gothofredi, eoque in paucorum esset manibus, an-
nexo; sed cum emendasset ante, & Annotationibus eruditus, quæque
solæ

solæ emptores novæ Martiniani Lexici editionis, etiam eos, qui veteri jam instructi sunt, allicere poterunt, illustrasset. Cæterum cum in Dedicatione Glossarii Isidoriani ita exornati ad Fratrem suavissimum Gothofredum Grævium, Senatorem urbis nostræ & hoc tempore Syndicum gravissimum, Grævius indicaverit, molitum se jam olim editionem Glossariorum suorum manuscriptorum, cum Fasciculo aliorum Scriptorum ἀνεκδότων utriusque linguæ studiis servientium; rogandum publice meritissimum de bonis litteris Virum censemus, ut institutum illud ne abiciat, vitamq; illi & otium ad illud feliciter exequendum merito apprecamur. Denique & Viri Clarissimi *Theodori Jansonii ab Almeloveen* Auctarium ac Variorum Collectanea in Glossarium Isidori sub calcem totius operis subjiciuntur.

SAGGIO DELLA SCIOCCHEZZA DI NICOLÒ MACHIAVELLI.

h. e.

*SCRUTINIUM STULTITIÆ MACHIAVELLI SOLO ETIAM
discursu naturali sic detecta, ut pateat, axiomata ipsius præcipua com-
muni quoq; orbis terrarum utilitati atque commodis
repugnare; auctore JO. LAURENTIO LUC-
CHESINIO, S. Jesu, S. Congr. Rituum
Consultore.*

Romæ, typis R. Cameræ Apostolicæ, 1697, in 4. Alph. 1. plag. 22.

POST Anton. Possevinum, Innocent. Gentilletum, Thom. Bozium, Ribadeneiram & alios Machiavelli antagonistas, præsens quoque harum Lectionum, quæ Illustri *Magliabecchio* curante ad nos nuperime pervenerunt, Autor celeberrimus, flagitiosa ejus dogmata, quib; civilem doctrinam corrumpit, aggressus est. Cujus quidem institutum eo tendit, ut non tam, quod cum pietate maxime atq; divini verbi sancitis *Φορτικὰ* isthæc ἀνέκματα pugnent, quod a plerisque factitatum hæctenus, quam quod noxia eadem quoque sint, atque privatum cujusque Principis commodum (quod Interesse vocant) evertant, ne hæc etiam specie pluribus dehinc imponant, demonstraret. Eam rem ut feliciter expediret, Salomonis Proverbia, veras quippe illas regnandi artes

artes & normam continentia fundamenti voluit esse loco, quorum capitis I versus XII priores ita exposuit, ut Salomonis consilia promovendis non minus hujus vitæ commodis inservire, & quemadmodum ab iisdem longissime recedant Machiavellica deliramenta, sic non posse non damnosa eadem existere, & perniciem afferre auscultantibus ostendat. Sic Lectione II occasione verborum S. textus v. 2. 3. 4. *ad sciendam sapientiam, intelligentiam &c.* quales optimæ sunt Imperantis dotes & virtutes, & quæ vera illa Status ratio sit, explicatur, & caput XVIII *Principis Machiaveli* simul impugnatur. Sic Lectione XVI occasione verborum v. 7 *Timor domini principium Sapientie*, ejusdem alterum impium assertum, quod idololatria Romanorum magnitudinem & fortitudinem bellicam promoverit, evertitur. Singula vera themata exemplis illustrantur ex sacra divini codicis atque profana quoque hystoria depromptis.

ACCESSIONUM HISTORICARUM TOMUS II. CONTINENS
potissimum Chronicon Alberici Monachi trium Fontium, diu desideratum & e Manuscriptis editum a G. G. L.

Hannoveræ, apud Nic. Försterum, 1698, 4. Alph. 4. pl. 21.

Prosequitur institutum suum, de quo mense hujus anni Martio pag. 149 diximus, Illustris Accessionum Historicarum Editor, *Godefridus Guilielmus Leibnitius*, jamque *Albericum*, Ordinis Cisterciensis in cœnobio trium fontium, quod ad Leodiensẽm Diocœsin spectat, monachum, Chronici a mundo condito ad annum usque Christi 1241 producti auctorem, e tenebris in lucem publicam protraxit. Et si enim, versatum Chronicon illud dudum fuerit doctorum virorum manibus, cujus auctoritatem jam suo tempore passim sequi se professus est Chronici magni Belgici Scriptor, idemque Canonicus quondam Regularis prope Nussiam, & e recentioribus tum viri alii clarissimi, tum Jo. Jacobus Chiffletius in primis magni æstimarunt; editionem etiam illius Andreas Quercetanus, ut Aubertus Miræus in Auctario Scriptorum Ecclesiasticorum memorat, molitus fuit: hætenus tamen, quod sciamus, typis illud excusum nusquam comparuit. Itaque optime de Orbe Literato meritis est celeberrimus Leibnitius, dum integrum, antiquum & membranaceum illius codicem nactus, omnium usui Chronicon

Y y nicon

nicon hoc exposuit, vel eo nomine merito commendandum, quod in digerendis illustrium Familiarum genealogiis magna in eo diligentia eluceat, qualem in aliis istorum temporum Scriptoribus, si unum nondum editum, qui seculo XII floruit, & Leibnitio nostro teste, cognationes familiarum nobilium studiose itidem explicuit, excipias, frustra quænaveris. Tametsi nec quoad ipsam rerum gestarum historiam sterile adeo Chronicon est, quin in eo recenscantur alibi non obvia (quale e.g. est, quod nonnisi in eo, & ex illo in Chronico magno Belgico se legitisse Leibnitius testatur, Fridericum nempe Barbarossam, cum primum in Italiam tenderet, in frequenti Procerum Germaniæ conventu constituisse, ut si forte tunc extingueretur Suevica sive *Wæbelingiadum* adoptivorum familia, Imperium in Henricum Leonem *Guelfum* transferretur) & in eodem selectiora librorum, qui dudum periere, loca conservantur, imo & editi nonnulli Scriptores, quorum verba hic illic recitantur, emendari ex illo possunt. Sed de his ipsam Illustris Editoris præfationem, inque ea elegantissimam de Hugone a S. Victore, qui Saxonix & Blankenburgensium quidem Comitum familiæ vindicatur, digressionem, nec non Annotata præfationi prioris Accessionum Historicarum voluminis adjicienda, ab unoquoque legi malimus. Nos vero non nisi aliquod Præfationis hujus vel supplementum, ab ipso celeberrimo Editore, ut in Actis nostris publicaretur, transmissum hic annexemus.

Absentia Editoris a typographicis operibus & festinationis necessitas ob nundinas imminentes effecere, ut nonnulla in præfatione exciderent aut transponerentur. Addere scilicet opera pretium fuisset, Johannem Parisinum, Canonicum apud S. Victorem, qui in Memoriali Historico Hugonem a S. Victore Saxonem genere & ortu præpotenti parentela fuisse scripsit, extare in Scriptoribus Franciscis Duchemianis. Et ubi refertur Gl. Paulinum Meibomio seniori tanquam primo autori deductionem Hugonis ex Blankenburgiis Comitibus tribuere, adscribendum erat, idem tamen jam ante diserte haberi in Manuscripto Chronico Halberstadeni Winnigstadii, celeberrimo Meibomio nepote etiam restante. Et cum pagina sequente hient verba, quibudam nescio quo casu omisissis, post hæc verba: avunculumque simul Halberst. Archidiaconatum tenuisse, addendum: quorum ratio commode reddi non potest; quibus deinde subiiciendum, nisi Reinbardo Episcopo fundatori aut vicinis aut cognatione pro-

propinqua junctos fuisse ponamus. Pag. proxima, qua est)(. 2, verba ex conjectura opinor Viri docti referenda erant ad id quod dicitur de diœcesi Catalaunensi, tanquam in ea sit Monasterium trium fontium, quod habet codex Claramontanus manu recentiore scriptus ex conjectura opinor Viri docti & Bibliotheca Cisterciensi Caroli de Viseh. Nam diœcesis Leodiensis . . . codice meo membranaceo, pariter ac recentiore Gvelfebytano, disertis verbis nominatur. In Leodiensi certe diœcesi vixisse. &c. &c.

Sphalmata etiam nonnulla ob diſſas causas, in extrema præsertim, parte operis, incorrecta mansere. Ita sub initium Variarum Lectionum ponitur, unum tantum prioris partis Alberici frustum affuisse, pro quo legi debet Miltum. Et anno 1214 p. 473 in literis qua ibi dicuntur Amphibologica, omittenda erant commata; & ann. 1220 pro Bononia civitate Angliæ, leg. Italiæ, & ann. 1224 pro Vernoilh, forte Vernoilh, id est Verneuil; & anno 1226 pro Benbinhusen leg. Bebinhusen, & ann. 1239 p. 571 pro Romani leg. Comani.

EVANGELIUM MEDICI, SEU MEDICINA MYSTICA, DE

suspenſis Naturæ legibus, sive de miraculis reliquique cæ totis B-

ſſois memoratis, qua Medica indagini subjici possunt.

Auctore BERNARDO CONNOR, M. D. e

Regiæ Societate Londinensi, nec non e Regali

Medicorum Londinensium

Collegio.

Londini, apud Samuelem Briscoe, 1697. 8. plag. 19£.

Cum multi sint, qui in dubium vocant commemorata in sacris literis miracula, hac potissimum ratione moti, quod mente concipere non possint modum, quo illa fuerint producta, hos ut reselleret doctissimus Auctor, in libro præsentis demonstrare suscepit, non magis arduum esse conceptu, quomodo infinita Numinis potentia miracula, in homine præcipue, operetur, quam quo repetit indices neglecta naturæ phænomena. Hunc ergo in finem primum de statu corporis præsertim organici secundum naturam agit, tres statuens hominis partes, spiritum nempe seu substantiam cogitantem, corpus, h. e. partium solidarum seriem & fabricam, & animam seu fluida corporis; harumque posteriorum partium æconomiam & usum breviter explicat. Hinc ad statum corporis humani præter naturam pergit, qui in deprava-

vata aut perturbata partium solidarum & fluidarum dispositione consistit, qua omnia vel aliqua corporis seorsim, aut animi, vel utriusque, simul munia læduntur, aut quædam abolentur, & de morbis nonnulla commentatur. Tandem ad statum corporis humani supra naturam transit, inculcans, supremum rerum Opificem, qui solus sit unica & immediata effectuum omnium causa, etiamsi per motus leges, quas ipse sancivit, omnes naturæ effectus ut plurimum hæcenus produxerit, posse tamen pro arbitrio vel easdem leges abolere penitus, vel suspendere aliquandiu, prout ipsi libitum fuerit, & suspensis illis legibus diversos effectus vel novos creare. Cum enim motus sit effectuum omnium unica causa, ipseque unice & immediate a Deo solo procedat, adeoque materia, ejusque figura & moles, quæ vulgo naturales seu secundæ causæ dicuntur, veræ causæ non sint, sed tantum passiva quædam, apta tamen instrumenta & occasiones, quæ summum Opificem ad producendos, secundum leges a se latas, effectus determinant; manifestum esse putat, immensam Dei potentiam, etiam sine ulla motus lege & naturæ auxilio, varia in corporibus admiranda esse. Quoniam autem tres præcipuæ sunt motus leges, nimirum (1) Corpus, quod movetur, ab alio movetur; (2) Corpus in motu positum obviis corporibus, si molis non sint ingentis, motum communicat; (3) Corpus in motu positum in motu semper consistit, donec motum alteri corpori communicaverit: Auctore judice, hæc leges ita suspendi possunt, ut (1) Deus moveat corpus, sine occasione alterius corporis irruentis; (2) data corporis irruentis occasione, Deus non moveat impulsim corpus; (3) Deus corpus in motu positum subito sistat, non communicato eodem alteri corpori. Primæ autem legis suspensione facta, cum corpus tripliciter moveri possit a Deo, ut scilicet, vel motu totius uniformi & cum tota sua mole moveatur; vel singulæ minutissimæ ejusdem particulæ non tantum communi totiq, sed etiam proprio motu agitentur; vel singulæ exilissimæ particulæ non tantum moveantur, sed etiam figuras deponant & novas recipiant: juxta primum ex his modis plane concipi posse censet experientissimus Auctor, quomodo aspestabilis hæc Mundi materia in tam diversas partes, in tam miras formas disposita sit & coagmentata; quomodo rursus in pristinum suum chaos reduci possit; quomodo corpora sine naturali impellente per aerem ferri, maria removeri, nec non aquæ abyssi supra terræ

terræ superficiem evehi & terram inundare possint: juxta secundum autem movendi modum, qua ratione homo, ex motus intestini in fluidis corporis defectu mortuus, restaurato principiorum sanguinis motu, ad vitam revocari; quomodo materia morbida in toto sanguine vel aliqua corporis parte latitans subito auferri, vel intus corrigi possit, ut cæci videant, surdi audiant, muti loquantur &c. contra vero nervorū canaliculi aliena materia infarciri & obturari, ut homines surdi, muti, cæci evadant, imo tota sanguinis massa corrumpi & inquinari, latentes morborū fomites suscitando, & novas figuras iisdem imprimendo, ut homines peste, lepra, aliisque morbis corripiantur: juxta tertium denique illorum modorum, quomodo (cum corpora inter se non discrepent, nisi quoad molem, texturam, figuram & proportionem molecularum, ex quibus constant) aqua in vinum aut sanguinem, corpusque humanum in salem possint commutari. Porro si secundam motus legem suspensam ponamus, poterit corpus humanum famelicis favientium belluarum rictibus expositum illasum persistere, & vita frui ceteri ventriculo conclusū; poterit rubus coacervatis in vorticem flammis non comburi; poterit homo fieri immortalis, & in æternum vivere sine alimentis, dum principiorum attritio & transpiratio præpeditur, ut nullum eorum fiat dispendium. Tertia denique lege suspensa, poterit flumen ad mare properans in cursu siti, Solis motus inhiberi, singularium, ex quibus fluida constant, particularum motus intestinus coerceri, ut ex fluido fiat solidum corpus, & mare in parietes hinc inde divisum solidescat, possitque humanum corpus aquæ aut aeri inambulare.

Quibus generatim explicatis, specialia quædam miracula declarare aggreditur Auctor, qualia sunt corporis humani ortus miraculosus ejusdemque resurrectio. De his ita disserit, ut primo recenscat modum, quo generationis opus, secundum statutas naturæ leges, perficitur. Cum autem generatio aliud nihil sit, quam staminum in semine seu ovo muliebri contentorum debita expansio & rarefactio, a fermento maris prolifico facta, idque causa tantum sit occasionalis hujus motus a Deo producti, hinc efficit, Deum sine ullo fermenti virilis appulsu aut miscela, stamina, quæ ipse jam dudum solus in debitam seriem & ordinem disposuit, expandere & ita disponere posse, ut ovulum in uterum virgineū delapsū incrementa sumat, & in em-

bryonem fœtumque paulatim turgeſcat. Nec difficilius explicatu cenſet, quod Deus, eadem lege motus ſuſpenſa, hominem ex informi gleba, ſeu certa terræ, ſalis, aquæ & ſulphuris portione cõdiderit, cordiq; & fluidis partibus impreſſerit motum, aut ex coſta viri fœminam formarit, ita ut vel pauca virilis coſtæ materiæ, tanquam ſtabili baſi, nova ſuperaddita ſit materia, ut fœminæ ſtatura viri ſtaturæ pro generanda prole reſponderit, vel fœmina primum cum puſillo formata corpore, ex aſſumptis indies alimentis ad debitam muliebris corporis magnitudinem, puellarum more, paulatim adoleverit. Quod ad reſurrectionem corporum demortuorum attinet, vel illorum partes ſolidæ adhuc integræ ſunt, vel in minimas moleculas hinc inde diſperſas reſolutæ. In priori caſu Auctor facile concipi poſſe cenſet, quod reſuſcitari poſſint corpora, ſi ſuſpenſa lege motus prima, ceſſans fluidorum motus reſtauretur, vel effuſus ſanguis venis reſtituatur: in poſteriori autem ita requirit, ſuſpensionem legis motus primæ, ut Deus colligat non ſolum particulas, quotquot ad idem corpus conſtituendum ſufficiunt, ſed eaſdem quoque illis figuras imprimat, apteque diſponat; ſi vel maxime ponamus, eaſdem a ſe invicem longiſſime eſſe diſſitas, &, poſt tot annorum orbes, figuras & naturam ſuam ſæpius depoſuiſſe, ut v. g. quod corpusculum olim ſulphur fuit, nunc fortalſe ſalis naturam induerit, & quod terræ quondam, nunc aquæ ſit indolis. Ut enim idem corpus reſuſcitetur, neceſſarium eſſe judicat, ut non ſolum adſit una eademque numero materia, & una eademque terræ, aquæ, ſalis & ſulphuris proportio, ſed etiam partes illæ eundem ſervent ſitum, quem antea habuerunt, prætereaque ut partes, quæ nunc ſunt ſulphuræ, aquæ & terræ, eadem ſint, quæ olim fuerunt ſalinæ, ſulphuræ, aquæ & terræ; neq; tamen opus eſſe cenſet, ut tota eadem materiæ moles & quantitas, & idem elementarium particularum numerus, iterum ſibi aptetur & reſurgat; cum ut aliquod idem ſit corpus organicum, non neceſſe ſit, ut habeat eaſdem omnino diſenſiones, aut molem, aut pondus, ſed ut habeat eandem materiam cum eadem organorum fabrica, ſitu & numero. Ex quibus porro colligit, corpora hominum non reſurreſtura cum tota illa materia, cum qua moriuntur, nec cum tricennarii hominis ſtatura, ſed cum eodem corpore & cum eadem materiæ quantitate, cum qua primo nata ſunt, imo forſan cum qua in utero generata ſunt, dum illis ſpiritus cogitans con-

junge-

jungebatur, ita ut omnes homines futuri sint ejusdem magnitudinis. Credibile quoque existimat, corpus nostrum resurrecturum cum iis duntaxat partibus, quæ ad vitam constituendam & conservandam omnino necessariæ sunt, cariturum autem organis, quæ præparando chylo & secernendis a sanguine humoribus, vel etiam respirationi sunt destinata, cum nullum olim futurum sit spirituum aut sanguinis dispendium, neque partium solidarum a sanguine nutritio, sed una eademque, quæ renata est, sanguinis, spirituum & partium solidarum quantitas incorrupta semper, juxta secundæ legis motu suspensionem, perduratura; ita ut corpus redivivum non solum tota post ortum advena materia, sed etiam ab omnibus faeculentis partibus expurgatum, & superfluis organis tanquam exuviis spoliatum, ad minimam molem reducat & volumen, nec tamen desinat esse totum & integrum corpus humanum, quia omnibus partibus in hoc statu ad vitam necessariis constat. Unde concludit, fore ut homines, qui cum naturali seu ponderoso & crassiori corpore olim obierunt, cum spiritali quodam microsomate seu pusillo corpusculo, passerum forsân, imo fortassis & muscarum instar, leves maxime, agiles, & summe mobiles renascantur. Porro Auctor, an multiplex esse possit corporis humani præsentia, disquirat, affirmans, quamvis omnia argumenta, quæ hæcenus allata sunt, ut multiplex corporis nostri præsentia probetur, non tantum rationi, sed etiam corporis cujusvis, præcipue organici, naturæ & structuræ penitus repugnent, se tamen post diuturnum per devias naturæ salebras scrutinium, dum forte de exilibus embryonis staminibus, & de diversis nutritionis gradibus cogitaret, clare tandem & perspicue concepissem, quod suum vel Theobaldi corpus, operante Numinis potentia, novo quodam sed unico tantum modo, & in peculiari quodam sensu, ita vere multiplicari possit, ut integrum & vivum possit esse in plurimis dissitisque locis, in eodem temporis momento, non tamen cum solita magnitudine; concipere autem haut potuisse, hominem totum, seu corpus ejus cum anima, posse esse duobus in locis simul, in eodem instanti: neque tutum tamen aliis, nec sibi congruum visum fuisse, enodatum hocce problema promulgare, quod quidam ex amicis veriti fuerint, id novis inter literatos litibus, bellis interlinis, & nescio quibus tumultuosis erroribus, originem daturum. Ceterum cum non in humano solum corpore, sed etiam anima rationali miracula

cula producta legantur, hæc quoque illustraturus Auctor primum agit de statu animæ secundum naturam, questus animam describi satis non posse, cum non plane sciatur, quid spiritus sit, & fortassis animæ constet ex sui generis materia, subtilitate, agilitate, & pluribus aliis proprietatibus ætherem longe superante. Deinde exponit, quis usus sit animæ humanæ in corpore, quem, cum anima non sit causa motuum vitalium, in eo reponit, ut sensus sit auctor & liberi motus arbiter, hoc est, ut ideas habeat & conceptus desuo corpore & de omnibus circumstantibus, tam nocivis quam salubribus corporibus, corpusque in motum agat, ut noxia corpora fugiat, & proficua complectatur, corpusque adeo nostrum juxta rationis normam gubernet & conservet. Quomodo autem anima & corpus in se mutuo agant, id quidem fateatur Auctor nullis posse mechanicis legibus explicari, sed ad Deum omnino confugiendum esse, qui dum illas diversæ naturæ substantias connubio quodam associavit, leges quasdam & quasi pacta conventa inter utramque statuerit, quarum prima sit, quod juxta peculiare in humano corpore motus, peculiare in animo excitari debeant ideas; altera, quod secundum diversas animæ cogitationes & affectus, peculiare in corpore motus debeant produci. Quibus legibus suspensis a Deo, exoritur animæ status supra naturam, ut (1) anima possit cogitare, sine ulla facta in organo sensuum impressione; (2) hac facta, anima possit non cogitare; atque adeo prioris legis suspensione facta, homo quivis sine ullo studio, sine ullis præceptis, & sine ullo prorsus animi labore possit, quæ ante multa secula venerunt, certo dijudicare, quæ post multa secula futura sunt, certo vaticinio prædicere, & aliis sub aptis diversorum sonorum & linguarum vocabulis exponere, latentemque somniorum, aliarumque mysticarum rerum sensum cæco caliginis velotectum explicare, & in apertam lucem proferre: quoad secundæ tandem legis suspensionem, possit homo, etsi toto corpore sanus sit, & nullo somno, yeterno, aut apoplexia correptus, in claro meridie adstantes homines, aut aliud quoddam obvium corpus, apertis oculis non videre. Quæ quidem omnia maturo Auctor eruditorum judicio emendanda subjicit, nec non probis & sagacibus rerum sacrarum præconibus fidei mysteriis, patefacto jam itinere, applicanda relinquit. Nos vero exponere hæc more nostro volumus, i. e. historice, censura Lectoribus relicta; quibus num ea, quæ para-

paradoxa in iis sunt, omni ex parte se sint probatura, non sine causa forte dubitamus. Subnexæ huic libro sunt duæ Auctoris epistolæ, in quarum prima ad nobilem virum D. Eduardum Suthwell S. R. Socium scripta, suam de secretionem animali sententiam dicit, rejectisque aliorum hypothesebus, affirmat, veram rationem, cur bilis v. g. in hepate seceretur, non esse, quod similis sit pori & humoris figura, sed quia integrantes succi biliosi partes seu moleculæ, ex peculiari suorum elementorum proportionem, atque ex consimili textura & figura, sibi ipsis facilius uniri possunt, quam moleculis lymphæ, urinæ, aut alterius liquoris, ac proinde bilis per glandulosos acinos, quoniam per ipsos primo post factus conceptionem in utero filtrari cœpit, ad vitam terminum cribrari non desinit; perinde ut per chartam bibulam oleo imbutam, si eidem aqua cum oleo commixta affundatur, oleum tantum, non aqua, transmittitur. In altera epistola ad literatum quendam Cantabrigiensem data, Sciagraphia exhibetur Oeconomix animalis, demonstratæ Oxonii primum A. 1695, deinde Londini, & tandem Cantabrigiæ A. 1696.

*BATH MEMOIRS: OR OBSERVATIONS IN THREE AND
forty Years Practice &c.*

h. c.

*OBSERVATIONES THERMALES QUADRAGINTA TRIUM
annorum, seu Curationes morborum thermarum usu tam exter-*

no quam interno perfectæ, benedicente Deo, dirigente

ROBERTO PEIRCE, Doct. Medico & Socio

Collegii Medici Londinensis.

Bristolii, apud H. Hammond, 1697. 8. Alph. 1. plag. 4.

Qui literis Historias has Medicas consignavit experientissimus Auctor, ab anno 1653 usque ad annum 1697 perpetuus urbis, quæ a thermis nomen habet, incola fuit, illasque solum consignavit, quarum ipse fuit testis, non sectatus incertas aliorum relationes. In Præfatione inter hypotheseas, ex quibus declarari solet thermarum calor, illam, quam Henricus Rochas commentus est, maxime probabilem iudicat, quod scilicet ex conflictu variorum salium aliorumque mineralium & metallorum constans ille calor progeneretur, non vero ab actuali

Zz

igne

igne supposito ducat originem ; cum aqua ad ignem maxime ferveſcens calorem non retineat ad 17 horas, id quod tamen facere ſolent aquæ thermarum. Cæterum hiſtorias illas in duos digeſſit libros Cl. Auctor, quorum primus de uſu thermarum externo, ſecundus de interno agit, quorum hic dudum intermiſſus, ante paucos annos denuo introductus fuit. Singula librorum capita peculiari morbo ſunt deſtinata, a quo thermis uſi (qui plerumque ſuis deſignantur nominibus) convaluerunt. Et in primo quidem libro comparent dolores vagi & fixi, malum iſchiaticum, ſtupor artuum & paralyſis, arthritis, morbi cutanei, morbiſque mulierum & infantum. Secundus complectitur (poſt uſum aquæ potionis in genere explicatum) morbos pectorales, palpitationem cordis, hydropem, diabetem, cachexiam, ſtomachi infirmitates, morboſque viæ urinariæ. Ex quibus exemplis omnibus concludit, aquas thermales debellando maximo morborum numero pares eſſe; ſicubi autem noxam aliquam ægro attulerint, eam non ther- mis, ſed pravo, & ſine medici conſilio ſuſcepto illarum uſui eſſe adſcribendam.

Die älteſte Deutſche ſo wol allgemeine/als inſonderheit Elſaſſiſche und Straßburgiſche Chronick.

Hoc eſt :

VETUSTISSIMUM CHRONICON GERMANICUM UNIVERſale & Alſaticum JACOBI de KONIGSHOFEN, nunc primum editum ex manuſcriptis, & Obſervationibus Hiſtoricis illuſtratum a D. JOH. SCHILTERO.

Argentorati, apud Joſiam Städelium, 1698, 4. Conſtat alphab. 7. plag. 12. & aliquot fig. æn.

Jacobus de Königshofen, cui & Tvvingeri cognomen a nonnullis tribuitur, nobili ſtirpe apud Argentoratenses ortus, & Presbyterorum urbis patriæ ordini adſcriptus, ſeculo poſt natum Chriſtum decimo quarto inclaruit, nominique ſuo famam poſthumam conciliavit, ſcripto lingua Germanica Chronico, quo res inde ab orbe condito geſtas, & hiſtoriam præ cæteris Alſatiæ, ac primariæ ejusdem urbis Argentinenſis illuſtrare ſtudit. Nec me-
dio-

diocrem opus hoc applausum apud eruditos consecutum est, qui istud olim *arwvmpas* sub titulo, *Chronick uff unser Frauen Haus*, a loco, ubi manuscriptum asservabatur, frequenter allegarunt. At nemini haec integrum fuit typis istud publicis exscriptum legere; quamobrem circa haustas ex eodem narrationes fides adhibita iis, qui manu exarata illius exemplaria se evolvisse testati sunt. Prout autem haec non potuerunt non a describentibus variis interpolationibus modo augeri, modo minui, modo alias corrumpi: ita vel eruditissimos quosque ad incerta de hoc Auctore testimonia edenda seduci passim contigit, quos inter celeberrimus etiam Gerhardus Johannes Vossius non depravatam modo ejus nomen suo de Historicis Latinis tractatui inseruit, Kongelshovium eundem nominans, sed & circa solam Argentinam haestasse laborē ejus innuit, atque hunc insuper ad annum 1400 protractum affirmavit, cum tamen & universalem ille Historiam persequatur, & in anno 1386 jam tum desinat. Dudum equidem est, quod Franciscus Guilimannus, a quo sub Latino Regio villani nomine citatur, editurum se Auctorem hunc promisit; fidem vero suam, incertū qua de causa, nunquam is exsolvit. Sibi ergo relictam arbitratus hanc provinciam *Schiltew* Illustris, optime non de Auctore solum isto, sed & de inclyta Argentoratensium urbe mereri per accuratam illius editionem voluit. Et hanc quidem ita adornavit, ut textum ante omnia ipsum, cum variis bibliothecarum qua publicarum qua privatarum codicibus probae notae manuscriptis collatum exhibeat, ne apice quidem ullo uspiam mutato, tamen si dialectus istorum temporum loquendi consuetudinem, secuta alicui paulo horridior apparere possit. Sua namque utilitate haud carituram ejus lectionem sibi penitus persuasum habuit, cum ea mediante in sensum veterum vocabulorum non ita aliunde cognitorum penetrare liceat. Id quod statim in praefatione nobili quodam exemplo manifestum reddit. Vocem nempe *Glese*, in antiqua Imperii matricula saepius occurrentem, a nenuine Jctorum ante Goldastum exponi potuisse ait; quem tamen ipsum circa eam humani quid fuisse passum ostendit, dum per Germanicum *Lanze*, quod equites quatuor designet, interpretandam autumarit. Notasse hunc illius errorem Ericum equidem Mauritium observat, sed ita tamen, ut alium errorem in istius locum substituerit, vocem isthanc reddens per peditem, cum sane equitem potius eadem innui e Chronico praesenti pateat,

ubi inter alia Cap. II. §. 198. memoretur *ein Heer von 1500 Gifsen und 30000 Fußgänger*, h. e. exercitus equites 1500; peditesque 30000 continens. Varias deinde lectiones ad marginem adjungit, inque hoc non minus ac in fine paginarum, Auctores alios, apud quos historiae in Chronico hoc enarratae itidem leguntur, nominat, ac notulas quandoque breviores superaddit, quibus praeter allatas in medium illustratio- nes textus alias, antiqua maxime vocabula praeter ceteris obscuriora ex- planat. Insuper cum Latinum quoque Chronicon Königshofius concinnare instituerit, ex eo nonnulla subinde cum Germanica narratione confert; quamvis Latinam istam scriptionem pro imperfecta se ha- bere non dissimulet, eamque operis majoris apparatus modo quen- dam continere opinetur. Praecipuam vero Editor doctissimus indu- striam contulit in unam & viginti observationes Historicas prolixio- res, quae absolutum demum opus Königshofianum integrum excipi- unt, ac pro occasione nobilissimorum ejus lemmatum, discursus solida & varia eruditione reertos complectuntur.

Caterum non est, ut ex Chronici hujus contentis multa in praesens decerpamus. Sequi Auctorem ubivis deprehendas Hierony- mianum Eusebii Chronicon, Martinum item Polonum, Vincentium Bellovacensem, & quosdam id generis Scriptores alios, qui, cum non raro fabulas venditare pro historiis consueverint, & Nostro ansam a veritatis tramite non semel aberrandi suppeditarunt; ac pro- inde narrationes aliquot confictas facile quis ei condonabit, si praefertim istud, quo scripsit ille, seculum his talibus valde omnino dele- ctatum fuisse cogitaverit. Seria interim & joci nonnunquam haud illepidis temperat, velut ubi mox ab initio quaestionem inspergit: cur femina viris ut plurimum loquaciores sint, ac in societatem coeuntes confabulandi modum vix tenere valeant? Et ejus rei causam inde de- rivat, quod Adamum ex humo, Evam vero ex costa condere Creatori placuerit; jam ossa in vase quodam gyrata strepitum nunquam non majorem edere infert, quam si humi particulas eidem ingestas circum- agitaveris.

Magis vero sibi nos postulant utilissimae, quas Editorem addi- disse diximus, observationes, quae praeter plurima diplomata antiqua, actaque & observata ex Archivis omnium rarissima (in quibus submi- nistrandis facilem admodum se praebuisset Illustrem Obrechtum gratus

pro-

proficitur,) varia quoque alia, eaque ad eruditionem imprimis historiam spectantia, non citra insignem Lectoris fructum pariter ac voluptatem accumulunt. Nos igitur in specimen nonnulla hinc deprimere consilium arbitramur.

Observatione *prima* literas non a Mose demum inventas, sed statim a mundi exordio a Deo angelisque hominibus monstratas fuisse probat, ac deinceps ad vexatissimam de inventione typographiæ quæstionem excurrit, latius evincere satagens, quod istius gloria non nisi Argentoratensibus debeatur. In *tertia* de festis diebus in honorem B. Mariæ Virginis institutis erudite disserit. In *quarta* Bullam Clementis VI angelis mandantem examinat, eamque allegatis Baluzii argumentis pro ficta habendam venire innuit. In *quinta* fabulam de Francis originem suam Trojanis debentibus considerat, eamque post indagatum ejus ortum explodit. Catalogum Episcoporum Argentinenfium, ab Erkenbaldo Latinis versibus comprehensum, ex Chronico Konigshofii Latino plenior, quam vulgo hæcenus comparuit, in *sexta* legendum exhibet. In *septima* originem Majorum Domus in Gallia inde a temporibus Ansberti & Blithildis derivandam esse probat, eumque in finem carmen istud antiquissimum de origine & exordio gentis Francorum, quod A. 1644 primus edidit Aquinas a S. Joseph, quodq; sententiam modo memoratam affatim corroborat, una cum schematè genealogico ad istius ductum formato subnectit. *Ostava* observatio genus atque vitam S. Attalæ, primæ cœnobii S. Stephani Argentinenfis Abbatis, latius persequitur, & e reliquiis ejusdè, quæ hodiernum monstrantur, abscissam a fure quodam jussu Verntrudis, Abbatis Hohenburgensis, manum æri incisam repræsentat, & verba, quæ lapidi pretioso eam continenti inscripta sunt: GOTHE FRIT GOTHEFRIT. CIDE LERE DÛ DA, ita exponit: *Gottes Fried, Guter Fried; Zeiten Lebre rädret*, h. e. Dei pax, bona pax; seculi dogma occidit. Argentoratum non a Clodovæi demum ævo, sed inde a temporibus longe antiquissimis Monasterium (*das Münster*) habuisse istamque Ecclesiam semper cathedralem fuisse, adversus Oseam Schædæum observatione *nona* demonstrat, ac ejus varias mutationes & accessiones enarrat, ornamenta insuper, raraque & pretiosa, quibus superbit, cimelia, nec minus epigraphia quædam antiquissima commemorat, tandemque in horologio ejus artificiosissimo desinit, cujus de-

scriptionem a Conrado Dasipodio (qui istius una cum Davide Wolckensteinio structorem egit,) conceptam apponit. Argentorati nomen, post urbis hujus antiquitatem, observatione *undecima* indagat, primoq; istud Argentoratus pronunciatum fuisse existimat, composito hoc ex act9 & argentarius vocabulo, & appellatione ista loco huic eam ob rem indita, quod ex indultu Romanorum Imperatorum argentarii in armis argento vestiendis occupati actus suos ibi exercuerint. Situm vero ejus primum non minus ac primam ejus amplificationem in adjecto schemate ichnographico spectandum fuit, atq; in sequenti *duodecima* antiquissimum illius regimen describit: ubi ad leges tunc receptas delatus, veterem Alamannorum legem temporibus Lotharii Augusti latam ex MSto optimo Latinam primum, & postea ex sua versione Germanicam notis peculiarib9 stipatam adjungit; ut veteres illius civitatis articulos, Lotharii & Philippi privilegia, aliaque istiusmodi monumenta, quæ heic itidem publicantur, taceamus. Observatione *decima septima*, qua de bello ab Armeniacis A. 1439 & 1446 concitato (*dem armen Gecken Kriege*) agit, ex Archivo Argentoratenſi acta atque annotata plurima rerum tunc gestarum seriem apprimè illustrantia producit. Monumenta, quæ ad factam Argentorati in Judæos nequissimos A. 1349 flammis feralibus animadversionem, gentisque hujus A. 1369 subsecutam in urbem receptionem pertinent, in observationem *decimam octavam* constipantur. Trebetam, Nini Assyriorum Regis filium, primum urbis Trevirorum conditorem fuisse, atque in Argentoratenſes quoque dominium suum exercuisse, allatis observatione decima nona multis argumentis penitus inficiatur. Afflictioniſ illius, quæ sicut ante alibi locorum, ita A. 1418 & in Alsatia plurimos ex utroque sexu homines miro impulsu adegit ad saltationem, ob miseros hos ad S. Viti ædem tunc ablegatos, vulgo *Veitz-tanz* dictam, observatione *vigesima prima* meminit, & providam Senatus Argentoratenſis circa istos curam e literis quibusdam tunc in eorum gratiam exaratis celebrat.

Quod superest, in peculiarem adhuc appendicem congestit Editor solertissimus diplomata quædam & monumenta, quæ in antecedentibus observationibus suo loco commode inserere non potuit, idonea tamen, quæ passim ibidem dicta confirmarent, reputavit. Quinimo post duos Indices locupletissimos, quorum alter vocabula antiqua

qua in Chronico Königshofiano obvia, & in notulis observationibus explicata, alter vero historias & res in universo opere tractatas complectitur, brevius aliquod Chronicon ad exemplar MStum Archivi Reipublicæ Argentoratensis expressum comparet, in quo Auctor anonymus origines & fata civitatis *Friburgensis in Brügovia*, usque ad Maximiliani I. Imperatoris mortem, annumque adeo 1519 progressus, enarravit.

PHILOSOPHIA MENTIS ET SENSUUM SECUNDUM utramque Aristotelis methodum pertractata, Metaphysice & Empirice, a JOANNE BAPTISTA PTOLEMÆO, Soc.

Jesu.

Romæ, ex typographia R. Cam. Apost. 1696, in fol.

Alph. 8. pl. 6. & fig. æn. tab. 4.

Augustæ Vindelicorum, apud Jo. Casp. Bencard, 1698, fol.

Alph. 9. pl. 12. & fig. æn. tab. 4.

Philosophiæ Peripateticæ adeo hætenus adversa fata fuere, ut a paucis æstimata, plurimis etiam prorsus fuerit despectui. Nimirum vel ipsa illi antiquitas nocuit, vel interpretum ignorantia, quippe quos passim, spretis vel minus intellectis utilioribus, palæas legisse tantum, indeque inanes quasdam contentiunculas confinxisse constat. Sed videtur & Aristoteli obfuisse discipulorum pertinacia, qui quæcunque ejus præcepta, quantumvis absfona maxime (qualia multa comprehenduntur in Physicis) acerrime propugnare, quam vel latum unguem a Magistro discedere maluerunt. Quod cum probe advertisset Vir Clarissimus, *Jo. Baptista Ptolemæus*, novo habitu Philosophiam illam prodire voluit, si quisquam alius, felicissime Aristotelem, cum recentioribus committens. Ita enim hoc Opere sectatur Aristotelem, ut mathematica eaque facillima methodo utiliora ejus præcepta exponat, & præterea novos Philosophos tantum abest ut fastidiat, ut potius in consilium sapius advocet, & recens inventorum, quæ jactant, pleraque Aristotelem haud latuisse doceat. Lectores vero suos admonet, ut primo maximi momenti negotium esse putent philosophari, ac proinde strenua diligentia dignissimum; deinde ut sibi persuadeant vel fingant, hætenus se nihil novisse de rebus philosophicis, atq;

atque adeo remotis præjudiciis cuncta animadvertant, nihilque veluti obvium & tritum negligent aut aspernentur. Ita enim futurum sperat, ut cuncta paulatim iis pateant, factoque a facilioribus initio ad sublimia sensim ordine, quo ipsa gaudet natura, feliciq; detur ascendere. Ut autem de methodo, quam Auctor doctissimus sibi proposuit, Lectori benevolo utcumque constet, (universam enim æconomiam accuratamque membrorum singulorum connexionem hoc loco repræsentare, operosum nimis foret,) in tres partes præcipuas totum opus distribuendum videtur, Logicam, Physicam, & Theologiam Naturalem. Et *Logica* quidem iterum tribus partibus absolvitur, *Logico-Grammatica*, elementa Philosophiæ seu linguæ Philosophicæ institutiones complexa, in qua termini primum, quorum in Philosophia usus est, explicantur, ac de propositionibus inde variisque earum affectionibus, de propositionibus item illativis, ac denique de syllogismo agitur: *Logico-Physica*, in qua tum de scientia in genere, tum de tribus sciendi artificijs, definitione, divisione & argumentatione accurate disseritur: & *Logico-Metaphysica*, prima & generalissima humanæ mentis objecta exhibente, quippe in qua de impossibili & ente rationis, de possibili, de ente & ejus attributis, de ente relativo & absoluto, de substantia & accidente disquiritur. *Physica* seu naturalium rerum Scientia similiter tres partes complectitur, *Physico-Metaphysicam*, quæ circa magis abstrusa & secretiora occupatur, & de corporis naturalis idea & essentia, de corporum naturalium ortu & mutatione, de ente & non ente, de modis, loco, tempore & quantitate rerum exponit: *Physiologiam generalem*, qua varia Philosophorum de principiis corporis naturalis systemata expenduntur ac inter se comparantur, simulq; de causa efficiente, de motu item & impetu, variisq; ejus generib; nec non de qualitatibus & qualificationibus corporum disceptatur: & *Physicam particularem*, in qua de mundo, & quomodo opere sex dierum fuerit conditus, atque speciatim de globo terraqueo, mundo subterraneo, atmosphæra & meteoris, corporibus cœlestibus; tum de elementis, aëre, igne, aqua, terra; de mixto inanimi, salibus, fossilibus, lapidibus, metallis ac mineralibus; de corpore animali, vitæque plantarum nec non brutorum, de vi interna sentiendi, de appetitu sensibili & passionibus, de motu animalium spontaneo ac naturali, de sensibus externis eorumque objectis iusto studio disseritur. In *Theologia Naturali*

turali denique seu scientia de Spiritu & incorporeis, videas de Spiritu in genere præmitti quædam, inde existentiam Summi Spiritus seu Dei demonstrationibus moralibus, physicis ac metaphysicis asseri; proponi deinde essentiam & attributa Divina, omnipotentiam inprimis tum in se tum quoad exercitium, adeoque Deum ut creantem, ut conservantem, ut concurrentem & omnia immediate cooperantem, ut præmotentem & prædeterminantem physice; agi porro de Intelligentiis & Angelis, postremoque loco de Anima ejusque immortalitate.

Nam hic quidem editio Romana definit. Non dissimulandum tamen, in editione Augustana Theologiæ Naturali subjunctam insuper esse *Erbicam*, in qua de Voluntate ejusque objecto Bono, de Passionibus, Virtutibus, ultimoque Fine hominis erudite atque eleganter disseritur.

INAUGURATIO ACADEMIÆ FRIDERICIANÆ POTENTISSIMI Principis FRIDERICI III Marchionis & Electoris Brandenburgici &c. serenissimæ auspiciis natalis ipsius die Calendis Julii 1714 XCIV dedicata, nunc sacro Eiusdem mandato a CHRISTOPHORO CELLARIO conscripta.

Halæ Magdeburgicæ, typis CH. A. Zeitleri, 1698, fol.
Constat Alph. 2. plag. 4.

UT Principum res gestæ in obscuro latent, nisi litterarum studiis & ingeniorum monumentis illustrentur: ita nihil illi præclarius, nihil immortalitate dignius agunt, quam cum litterarum studia in majus meliusque provehant. Propria hæc Europæ Gentium gloria est, in quibus Germani cum ceteris certant, & in Germanis (ut de Saxonibus nunc taceamus) Brandenburgici sibi hanc laudem adserunt singularem. Quorum potentissimus Elector *Fridericus III.* sapientissimus Princeps non contentus gloria Majorum, qui illustres litterarum sedes juxta Oderam & in Borussia condiderant: neque accessione Duisburgensis Academiæ, quam gloriosus Pater *Fridericus Wilhelmus Magnus* addiderat; nisi & ipse, pro summo in bonas litteras amore ac indulgentia, novum Templum ornandis & augendis Musarum sacris dedicasset. Cui vicinam Hallensem urbem, in Ducatu Magdeburgico sitam, elegit, Gentilis sui *Alberti* vestigia secutus, Archiepiscopi Mag-

A a a

de-

deburgici, & Electoris Moguntini, nec non Romanæ Ecclesiæ Cardinalis, qui de eadem civitate idem cogitaverat. Impetratis ergo ab invictissimo Imperatore privilegiis, tanto apparatu tantaque magnificentia Calendis Juliis, natali Electoris, cl. I. oc. XCIV dedicata est Academia Fridericiana, ut parem splendorem, in litterarum studia collatum, non facile quisquam, vel nostra vel patrum etiam memoria observaverit. Digna res visa, quæ posteritati commendetur, quia raro contingit, ut tanto honore studia liberalia adficiantur. Quam curam serenissimus Elector Christophoro Cellario, elegantiorum litterarum in Academia illa Professori clarissimo, mandavit, qui impigre obsecutus, *Historiam Inaugurationis*, quam recensemus, hoc ordine consignavit.

Præfatus de Romanorum gloria, qui barbaras nationes litterarum studiis mitigaverint, Germanos sero hujus boni participes factos ostendit, quia diutissime Romanis repugnassent; & cum vix tandem commercium admisissent, omnem humanitatis cultum in Italia æque & in provinciis inundatione barbararum gentium penitus fuisse extinctum. Ortu autem beatoris sæculi cum restitui cœpissent litteræ, Brandenburgicos Electores ac Marchiones inprimis fuisse, qui in laudis illius societatem venirent. Qui ut bona illa ad plures propagarent, instituerint novas Academias, quæ vero cupiditati Friderici Electoris non suffecerint, qui, alieno quamvis tempore, inter belli flammæ sacrarium Musis & bonis artibus dedicavit. Expositis deinde initiis, quæ tanquam fausta auspicia maturaverint opus, in eo Auctor est clarissimus, ut apparatus ejus rei, dignum tanto Principe, eumque tam in Aula quam in Academia, describat. Hinc ad ingressum Electoris in Hallensem urbem, pridie Calend. Jul. summo splendore ac plausu celebratum, procedit, & inde ad ipsam Inaugurationis solennitatem, cujus pompam admirabilem, quam ne verbis quidem possit adsequi, vel solius progressus mora, ex Collegio in templum Arcis, quæ brevis via sit, intra duas horas vix absoluti, ostendit, utrimque arcente multitudine, ut sæpe consisteretur, donec submota turba esset. Ipse nunc sequitur Dedicationis ritus, ab illustri viro Paulo Fuchio, Electoris Oratore & Consiliario intimo, peractus, quem plausus & gratulationes exceperint, & deinde epulæ regales, Professoribus Electoris mensæ adhibitæ, Studiosis, quotquot aderant, etiam qui spectandi

di

di causa ex circumjacentibus Academiis advolaverant, liberalissimè omnibus exceptis. Ex quo Auctor ad Honores progreditur, altero die, præsentè iterum Electore, pluribus quam quinquaginta Candidatis Academico more collatos. Delineantur etiam Numismata, infolennitatis hujus memoriam obsignata, & Comitibus, qui studiorum causa in Academia erant, ac Professoribus eodem tempore distributa. Et hæcenus Historia Inaugurationis: quam Additamenta varia comitantur, quorum primo loco sunt Privilegia Pontificia, auctoritate Clementis VII, Pontificis Maximi, per Cardinalem Campegium, Legatum de latere, pro Hallensi Academia Alberto, Magdeburgensi Archiepiscopo anno c1610 XXXI data: quibus Cæsarea conjunguntur, ab augustissimo Imperatore *LEOPOLDO* 51c XCIII mense Octobri liberalissime concessa: post quæ Electoralia exhibentur, quæ multas & insignes immunitates & Professoribus & Studiosis adolescentibus indulgent. Programmata succedunt, unum Electoris nomine, alterum a Directore Academiæ, Samuele Strykio IC. celeberrimo editum. Vtroque Inauguratio indicata, & invitati quibus commodum esset vel spectare dedicationem, vel uti etiam doctrinis & privilegiis Academiæ inaugurandæ: cujus cives etiam admoniti, ut se dignos tantis beneficiis præstarent, & serenissimum Fundatorem devota reverentia modestique exciperent. Adjuncta est Epistola, qua Hallensis Academia tres cæteras Brandenburgicas, sorores suas, ad dedicationem invitavit; cum singularum Responsionibus. Deinde referuntur tres Orationes, prima sacra Benjaminis Ursini, Theologi Electoralis Brandenburgici, ex Esa. XLIX. 23 habita: altera summi viri, quem laudavimus, Pauli Fuchsi, qua Electoris sui auspiciis & jussu Academiam disertissime dedicavit: tertia Christophori Cellarii, qua munificentissimo Conditori, Academiæ nomine, gratias agit. Quod reliquum est hujus libri, gratulationes continet, quibus præmissa est consummatissimi viri Ezechielis Spanhemii ad clarissimum Morellium Epistola, qua immortalis operis, Dedicationis Academiæ, laudes est persecutus: post quam celeberrimi viri Jo. Georgii Grævii de eadem re ad serenissimum Electorem est gratulatio, Epistolæ habitum elegantissimum induta. Subsequuntur Poetarum Belgicorum Acclamationes, Joannis Mensingæ, Petri Francii, Jani Broukhufii, singulæ ingenio auctoris sui dignæ: quibus subjungitur tandem Ode Teutonica, quam inter nocturnos con-

centus Studiosi Juvenes Academiæ Fundatori devotionis suæ documentum obtulerunt.

*M. TULLII CICERONIS EPISTOLARUM AD DIVERSOS
(Familiares vocant.) libri XVI. CHRISTOPHORUS CELLA-
RIUS recensuit, & Adnotationibus illustravit, In-
dicesque plures adjecit.*

Lipsiæ, sumtu Jo. Friderici Gleditsch, 1698, 8.
Constant Alph. 2. plag. 12.

Marci Tullii Ciceronis Epistolas ad Diversos in usum familiarem, scholarum maxime, clarissimus Editor nova forma atque facie adornavit. Vidit nempe, & longo usu expertus ipse fuerat, nullam fere editionem esse, quæ adolescentium cupiditati satisfaciat, præter meritissimorum de Cicerone Pauli Manutii & Johannis Georgii Grævii, ut uberis doctrinæ, ita majoris molis ac pretii volumina. Adolescentes autem & habilem & vilioris pretii librum desiderare, & hunc quoque claris notulis illuminatum, sine quibus tenebræ legentibus tam in historia plerumque, quam sæpe etiam in Latinitate offundantur. Quam ob causam hanc omnibus commodam parabilemque editionem apparavit. Præfatione ostendit, sibi minus illorum industriam placere, qui Ciceronis Epistolas ex ordine, quo Tiro libertus, ut creditur, disposuerat, emovere, ac secundum tempora collocare conati fuerint. Præterquam enim, quod plures sint Epistolæ, de quarum anno nihil quidquam constare possit; novitate ordinis & veterum omnium, & recentium plurimorum allegationes conturbari & inutiliter fieri demonstrat; nec vetustum ordinem sineratione esse, quo ad eundem scriptæ Epistolæ jungantur, quod sane lucem rebus adferat, quia plerumque ad eundem similes & cognatæ sint, quæ se mutuo interpretentur. Argumenta Epistolis præposita neque plane vetera, ab aliis suppeditata; neque omnino nova adhibuit: sed ubi visum erat satis commoda esse, servavit priora; aliquando nova dedit; sæpius adjecit, demtis, mutatis, vetera ornatiora, & intelligendis Epistolis idonea magis reddidit. Textum Ciceronis emendatissimum exhibuit, usus opera excellentium Criticorum, maxime quos honoris causa nominat, Petri Victorii & Jo. Georgii Grævii. Adnotationibus

nibus, quæ singulis Epistolis aut pagellis subjiciuntur, cum historiarum rerum illustravit, tum Latinitatis ostendit elegantiam; & nihil inextricatum reliquit, quod interpretatione indigeat. Præmissa est Vita Ciceronis, breviter, novo modo, ex libris ejus excerpta, cum Consulatum factis, qui per vitam illius rempublicam gesserunt: quod interesset non ignorari, ex quorum ordine notitia rerum non mediocriter illuminetur. Epistolæ in sectiones minores sunt divisæ, ut Indices quasi digito commonstrent, ubi unumquodque facillime inveniatur. Sunt autem plures Indices subjuncti, I. Eorum, ad quos sunt scriptæ Epistolæ a Cicerone: etiam a quibus nonnullæ ad Ciceronem: II. Rerum notabiliorum: III. Verborum & Formularum: IV. Utriusque Ordinis Epistolarum, antiqui & Siberiani, ut inter se, si opus sit, conferri possint.

CHRISTIANI DAUMII EPISTOLÆ LATINÆ AD JO.

FRID. HEKELIUM scriptæ, a JO. ANDREA

GLEICHIO editæ.

Dresdæ, apud Jo. Jac. Winckler, 1697, in 8.

Constant plag. 14.

OMnino probandum eorum studium, qui clarorum virorum epistolas colligunt easque faciunt juris publici. Cum enim in iis familiariter scribere ad amicos soleamus multa, quæ scire ipsorum tantum interest, nec ideo statim in vulgi notitiam perferenda; inde sit evidens, exemplisque compluribus patet, recte ex Epistolis peti arcana litterariæ rei, variorum etiam consiliorum & diversæ doctorum instituta. Quamvis simul idem hoc admonet, quod temere committendæ typis & evulgandæ non sint tales epistolæ, quæ & auctori & editori possint esse damno, præsertim cum viventium, ut Vellejus Paterculus ait, uti magna admiratio, ita censura difficilis sit. Insons autem studium censendum est Editoris harum doctissimi Daumii, Scholæ Cygnæ seu Zuiccaviensis Rectoris, epistolarum, quæ neminem bonum lædunt, nec asperius de quoquam judicium aut sententiam adversam continent, varia tamen ad rem literariam pertinentia tradunt, e quibus nonnulla speciminis loco proferemus. Th. Reinesii mortem d. 23. Febr. 1667. sibi nunciata luget Daumius p. 2, Historiam ecclesiasticam

cam Gothanam, quæ auctores habet Vitum Lud. Seckendorffium & Jo. Henr. Boeclerum, laudat *p. 5. & 11.* Sententiam de Gregorii IX. P. M. Decretalibus epistolis summorum Pontificum exponit *p. 14.* Ex Scaligeri Conjectaneis ad Varronem observat, *dapatica & dapatilia* veteres vocasse omnia opipara *p. 27.* De duplici *vel* *sc* criticam exercet *p. 30. 31.* Erasmi operum catalogum ab ipso editum anno 1523 quovis ære sibi comparari expetit *p. 38.* Casp. Barthii animadversiones manuscriptas in Belli Palæstini Scriptores necdum editas, unquam prodituras esse dubitat *p. 40.* Ant. Riccoboni de historia commentarios laudat, cum primis Venetam eorum anni 1568 editionem *p. 48.* Theophylactum schismati, quo Spiritus S. processio a Filio negatur, accessisse ait *p. 50.* Adversariorum C. Barthii libros *divendentes* inter ignorantium hæredum manus strangulatum iri vere ominatur *p. 61.* Marii Victoris Massiliensis copiam sibi adimi per Nic. Heinsum dolet *p. 62.* Epistolas doctorum hominum Erasmi, Melanchthonis, Camerarii, Fabri, Stephani, Rittershusii, Lingelsheimii, Putschii, Casauboni, Gruteri, Bongarsii, Heinsii, Salmasii, Neandri, Hoeschelii, Chytræi, Scaligeri, Barthii, Cornarii, Haloandri, Taubmanni, Gronovii & aliorum sibi suppetere indicat *p. 96. 97.* quas se etiam editurum esse promittit *p. 111.* & similes Hekelium possidere memorat *p. 132. 133. 136.* Judicia doctorum, quæ de ipso Daumio ferant, inque scriptis suis exponant, diligenter a se annotari proficitur *p. 103.* Scholasticos labores plenos tædii depingit *p. 109. 127. 129. 150.* Henrici Pauperis Septimellensis editionem sibi propositam, & ab Ant. Magliabechio ac Marqu. Gudio juvari narrat *p. 88. 92. 96. 105. 119. 135. 139.* De gravi suo a scala lapsu queritur *p. 140.* Ratisbonenses viros doctrina & officiis claros enumerat *p. 142. 143.* Naudæum 4. Non. Febr. 1601 natum, d. 4. Cal. Sextil. 1653 mortuum esse tradit *p. 144.* Locum ex Virgilii Culice explicat *p. 148.* Bonum virum describit *p. 152.* Literas seu epistolas Latinas senio confectum se invitum, potius Germanicas scribere indicat *p. 154.*

Epistolis Daumianis insertæ sunt etiam aliorum præstantium virorum nonnullæ ad Daumium datæ *literæ*; videlicet Casparis Alexandri *p. 50.* Georgii Matthiæ Königii *p. 56. 59.* Casp. Barthii *p. 62. 63. 64.* Nic. Heinsii *p. 88.* Jobi Ludolfi *p. 75.* (qui locum quendam Ciceronis in Catone cap. 15. emendat.) Jo. Petri Lotichii *p. 78.* Sub finem annexa est Jo. Fr. Hekelii ad Joach. Fellerum epistola, in qua eum.

con-

MENSIS AUGUSTI A. M DC XCVIII. 375

consolatur super obitu Daumii, cui epitaphium adjecit, e quo discimus, natum fuisse Daumium d. 29. Mart. 1612, mortuum d. 15. Dec. 1687. Subjunctæ etiam sunt Benedicti Hopferi binæ epistolæ p. 43. 44. memoratæ, quas ad Königium anno 1674 exaravit, quando cum Ducibus Wurtembergensibus per Galliam, Angliam, Belgium, Daniæ & Sueciam peregrinatus fuit, doctorum virorum & eorum operum, quæ sub manu habebant, cum eos accederet, indices; evulgatæ jam anno 1687 in appendice Epistolarum Rol. Marefii Lipsiæ recusarum.

NOUVEAUX MEMOIRES SUR L' ETAT PRESENT DE LA CHINE &c.

i. c.

NOVI DE STATU PRÆSENTI CHINÆ COMMENTARII,
auctore P. LUDOVICO LE COMTE e Soc. Jesu, Mathematico Regio.

Amstelodami, apud H. Desbordes & A. Schelte, 1698, 12.

Alph. 1. pl. 8. cum fig. æn.

Tertia hæc est utilissimi libri editio, etsi prima vice is Parisiis anno demum 1696 prodierit. Ex quo cuivis conjectare in proclivi est, non sine applausu, etsi de Sinensium rebus tot jam extent commentationes, exceptum fuisse. Et Auctor quidem ejus est Ludovicus Le Comte, unus ex sex illis Patribus Jesuitis, quos Ludovicus Galliarum Rex ante hos tredecim annos in Regnum Siamense, & inde ad Sinas, provehendis ibidem studiis mathematicis, præcipue vero curandæ (ut vocant) Missioni Evangelicæ convertendisque paganis, ablegaverat. Hic suo munere ibidem hucusque perfunctus, itineris Sinensis superati commoda, incommoda; fata in dicto Imperio objecta, secunda, sinistra; labores pro amplianda religione Christiana susceptos, eorumque discrimina & successus, cum rationibus catechisandi, & impedimentis tantum non insuperabilibus negotio convertendorum infidelium intercedentibus; tum eximium Imperatoris Sinensis erga se & commilitones suos favorem; persecutiones Christianorum, præcipue Missionariorum, nuperas; indultam denique memorati Mon-

ar-

archæ gratia Christianis securitatem, & libertatis circa amplexandam religionem Christianam, lege publica Sinensibus promiscue inco-
lis concessæ historiam, editis per modum Epistolarum, ad diversos
Regni Gallici Proceres & Cardinales, Illustrissimas etiam, Nemoro-
siam & Bullionensem, Ducissas scriptarum, Commentariis con-
cinnostylo exposuit.

Sed & præterea Sinense Imperium, per omnia, quæ ad geo-
graphiam ejus historicam, physicam & politicam spectant, momenta
tam curioso, supraque genium & consuetudinem aliorum Scriptorum,
quos idem argumentum occupatos pridem habuit, testis scilicet ocu-
latissimus, descripsit, ut vereamur, ne vitio vertatur nobis, quod tar-
de nimis recensum libri sumus aggressi. Et nunc etiam tam copio-
sam variamque materiam nobis offerri deprehendimus, ut aut non-
nisi nomenclatoris subeundæ nobis partesint, summis rerum capitibus
indicatis; aut unicum solummodo argumentum, ex quo specimen de
reliquis capi queat, studiosius paulo sit prosequendum. Quis enim
vastissimi hujus Imperii partes & limitanea, fertilitatem & terræ na-
scentia, saltim nobis Europæis peregrina; tot naturæ miracula, circa
fluvios, montana & sylvas pallim obvia: quis gentis Sinicæ origi-
nem, antiquitatem & chronologiam; incredibilem populi multitu-
dinem; fandi scribendiq; indolem & modum; mores, studia, victum,
vestes, nuptias & matrimonia; urbes, urbiumque structuras concin-
nas & magnificas, templa & ædificia: quis regiminis formam & con-
ditionem, jura Imperatoris majestatica, cultum & concilia splendida,
officia domus regnatricis & amplissima regni ministeria, regiæ ejusq;
inclita palatia; obventus ærarii immensos, ejusque & monetæ, tem-
poris item & festorum, viarum & postarum publicarum ac itinerum;
rei literariæ, forensium judiciorum, medicinæ, mercaturæ, agricultu-
ræ, & piscatus rationes: quis deniq; religionis Sinensium primæ, ejusq;
veræ, succedentis deinceps, ejusq; idololatricæ momenta, hujusq; na-
tales & sectas; Christianismi etiam fata statumque Ecclesiæ Sinensis
Christianæ digne satis compendio exponat? Itaque missis aliis, cum
politica inprimis Sinensium prudentia, formaque regiminis, præ aliis
eluceat, Auctorque ipse hoc argumentum diligentissime pertracta-
rit, non ingratum Lectori benevolo futurum speramus, si quæ Auctor
de Sinensium præclaris institutis, quibus tanti Imperii moles sustine-
tur, in litteras retulit, sola nunc hoc loco repetamus.

Inter

Inter universas, quas Antiquitas sibi finxit, regiminis species, nulla fortassis est, cujus exemplo formata sit monarchia Sinensi excellentior. Primi enim Status hujus florentissimi legislatores, eundem suo jam ævo ad id fere fastigii evexere, in quo hodie conspicitur: adeo, ut cum alia Imperia, communi sorte rerum mundanarum, infantia velut imbecillitatibus obnoxia sint; informia primo nascantur, adolescent deinceps, & cæteris ætatis gradibus succellu temporis superatis, sensim ad perfectionem aspirent: Sinensē ex adverso, tanquam summo sapientissimoque rerum moderatore architecto ejus unico, primam structuræ suæ faciem, quasi legibus politicis incongruam, exuere necesse nunquam habuerit. Prima ejus, ante annos circiter quater mille cœptæ, forma monarchica, primis Noë nepotibus (cujus fidem indubiam facit chronologia Sinensis verior, Sapientibus ipsorum, interque eos principi illorum Confutio recepta, & Sacris Pandectis non uno argumento conformis) summa cum innocentia, nec minori utique prudentia usurpata, in hunc usque diem perstitit illibata. Adeo ut, tam longo seculorum decursu, ne nomen quidem aut idea regiminis aristocratici plurimumve capitum, genti huic innotuerit: frustra conatis Batavis auspicia autoritatemque Reipublicæ suæ commendare Sinensibus, cum ante 40 annos circiter commerciorum libertatem, solenni legatione in Sinas destinata, aucuparentur. Rempublicam sine Rege nihil aliud esse credunt, quam monstrum plurium capitum, barbarum tempore, ambitione, seditionibus & corruptelis ingenii humani conceptum.

Utcunque autem alieni sint a regimine aristocratico, tyrannico tamen imperio longe vehementius offenduntur: id enim nequaquam a summa potestate, sed ab incontinentia Principum, quam nec ratio nec divinæ leges ferant, oriri; eorumque facultatem moderato potentia suæ usu non imminui, sed geminari philosophantur: non secus ac summus Mundi Imperator nihilominus potens aestimari debeat, utut a maleficio tam procul absit, ut ne malefacere quidem possit.

Cæterum autoritas illimitata legibus Sinensibus Principi conciliata, & necessitas illi simul injuncta ejusdem non temere usurpandæ, duæ illæ columnæ sunt, quæ a tot seculis grande ædificium Sinensis Monarchiæ hucusque sustinent. Summa Principis veneratio ad usque

cultum adorationis procedens, primus est sensus, quo subditi imbuuntur. Salutatur filius cœli, dominusque mundi unicus. Mandata ejus sancta; dicta loco oraculorum habentur: conspectus ejus rarus; nec nisi submissis genibus compellatio. Ipsi Aulæ Magnates, & Principes regię domus, coram ipso, quin itatis diebus coram absentis throno, ad terram usq; incurvati, subjectionis submississimæ cultum exhibent.

Tantæ adversus Principem religioni non exiguum pondus accedit a beneficiis, quorum spem sibi quisque ab ejus gratia, pro conditione sua meritisque concipit; tanquam a cujus arbitrio, quamprimum Imperii fasces capeſſivit, res suæ prosperæ adversæque pendeant unice.

Summi hujus axiomatis Imperatorii inter partes primas est, de officiis regni absolute disponere, eaque nullo pretio venalia habere, sed ex merito, pro scientia, probitate, longa rerum experientia, morum gravitate & concinnitate ambientium diribere; eadem rursus ex levi offensa, munerisque neglectu, in digniorem transferre. Sola frons porrectior in concilio publico Præfectum civitatis officio privavit, viliorem hac oris sui inconstantia Principi judicatum, quam qui locum suum tenere, personamque referre debeat. Expugnata muneribus justitia, primum Status Ministrum, ætate venerabilem, animique dotibus eximium, gregarium effecit militem, pro palatio regio cum vilissimis quibusque excubantem.

Enimvero severitas ista Principes etiam domus regię aliquando percellit. Certamen gallorum gallinaceorum, in quo Orientis populi non exiguam oblectationem quærunt, in deliciis quotidianis Monarchæ consanguineo habitum, nihil proficientibus monitis, refractarium prærogativa natalium, comitatu servorum, pensionibus annuis, omnique cætera dignitate spoliavit. Quin sola multitudo horum Principum indies major, metusq; ne pravi quorundam mores successu temporis universos contemptui promiscuæ plebis exponeret, decretum Monarchæ, qui rerum hodie potitur, extorsere, quo nemini eorum titulum natalium usurpare permittitur, sine expressio Imperatoris indultu, eundem solius virtutis expertæ præmium relinquentis.

Jus vitæ & necis, quod & adversus consanguineos exercet, adeo ipsi proprium est in cæteros subditos, ut in criminalibus nec pe-
nes

nes Proreges aut Concilia, Senatufve ullos sit, sententiam latam exsequi. Processu enim in quoque loco aut provincia eousque perducto, eadem judicio Imperatoris subijcitur, cujus deinceps est, inferiorum magistratum placita, quod ipsi, sed imminuta ut plurimum poena, suum est, confirmare, aut rescindere.

• Nec minor ipsi facultas imponendis, si ere publica visum fuerit, populo tributis extraordinariis. Ea tamen hactenus Principum moderatio fuit, ut nunquam fere suo hoc jure usi fuerint. Sive quod sumtibus in bellum cum finitimis populis gerendum vires ærarii sufficiant: sive quod civilibus motibus periculosum ducatur, subditorum animos intestinis malis exercitos, intempestivo insuper subsidiorum extraordinariorum onere ad turbas concitare.

Quod enim aliquid redditus Imperii publicis legibus definitos, eorum summa tam immanis est, ut si provinciæ Sinenses minus essent fertiles, & indigenæ minus industrii ac sunt, tantum Imperium nihil aliud futurum esset, quam cœtus mendicorum & sentina ærumnosorum; quæ facies est cæterorum fere regnorum Indicorum. Ingentes hi census, qui subductis quantum potest exacte rationibus, annuatim plus nonaginta & sex milliones uncialium nostrorum conficiunt, ad tantum potentiæ fastigium Principem attollunt, idoneumque reddunt perpetuo alendis numerosissimis exercitibus, totque populis in officio retinendis.

Belli pacisque negotia ab ejus arbitrio pendent unice: in quibus tamen majestatem imperii summo studio & circumspectione tuetur. Mandata ejus cætera plane sunt irrevocabilia, nec supremis Curiis aut Proregibus, ad quos destinantur, publicationem eorum & relationem in commentarios publicos tantillo differre momento licet.

Singularis porro character majestatis Imperatoriæ est liberri-
ma successoris electio, quem ex plebeja æque familia ac domo regia fortiri Principem jus fasque sinunt. Et fuere olim, qui in stirpe regia, utcunq; numerosa, dignitati Imperii parem non invenientes, hæredes scripsere mediocrium natalium, sed eximia virtutis animiq; dotibus illustres: professi, non solum publico Status commodo procurando id sibi constitutum esse, verum etiam ut honori consulant propriorum liberorum; quibus scilicet pro indolis ingenique sui mediocritate satis sit, privatam vitam agere, quam in folio constitutis censuræ aut

etiam opprobrio & execrationi vulgi exponi. In paucis tamen ejusmodi exempla consunt: plerique Principum suæ rationem habuere familiæ, neque tamen semper maximum natu filiorum cæteris præhabuere. Qui hodie tanta cum prudentiæ laude imperium tenet, secundogenitus est; fratre natu majore in sorte sua non minus acquiescente, ac quoque ex plebe minimo: ut adeo, quæ Principatibus Europæis nunquam non formidabilis est Principum, regis domus multitudo, nihil Sinensibus facessat negotii; nec a morte extremi Imperatoris, cum eorum ultra bis mille per omnes provincias sparsi numerarentur, quicquam tranquillitati publicæ intercesserit. Cujus causâ alia esse non potest, quam summum erga Monarcham obsequium, qui in Sina quantovis Principum numero non difficiliter moderatur, quam alibi Reges promiscuæ multitudini.

Tanta insuper Imperatoris est autoritas, ut in mortuos non minus juris exerceat, quam in vivos: illos enim jam probro, jam honoribus afficit, ornandis puniendisve eorum sive personis sive familiis. Exornat bene meritos singularibus honorum titulis, declaratque eos sanctos. Interdum templa ipsis extruit, & pro meritorum magnitudine ad cultum aliquem, eorum Diis debitum, iis exhibendum plebem obligat. Ab ipsis enim Imperii primordiis Imperator caput religionis habitus est, cui soli etiam convenient publicæ sacrificiorum oblationes, propitiando supremo cœli Domino instituendæ.

Tandem etiam peculiare jus eidem competit, non levis utique momenti, dum eidem abrogare licet characteres linguæ veteres, & in locum horum substituere novos; mutare nomina provinciarum, civitatum, familiarum; abdicare usum certorum terminorum, alios effingere, atque in conversationem, scripturam & libros invehere. Adeo ut loquendi mos, de quo Europæorum tantæ sunt querelæ, & cui infringendo omnis Græcorum Romanorumque potentia impar fuit, quem rigidum, levem, injustum tyrannum jure meritoque salutamus; compellitur sit cervicem quasi submittere legibus Imperatoris Sinici, quascunque refractario huic præscribere placuerit.

Utcumque vero tanta tamque illimitata Imperatoris potestas idonea videri possit pessimis in Republica effectibus producendis: legibus tamen Imperii tam prudenter cautum est salutis reipublicæ, ut quan-

quantumcunque Princeps suis se permittere velit affectibus, five circa abusum dignitatis suæ, morumque licentiam, five circa proprium ut vocant interesse, non facile diuque ipsi genio suo indulgere liceat. Ut enim præcipuos obices commemoremus, quorum objectu muneris sui innocentiam caste illibateque tueri compellitur: primo antiquis legislatoribus ab incunabulis statim hujus monarchiæ, tanquam princeps regiminis auspigati axioma statutum est: Principes patres esse populi, non dominos super throno ideo collocatos, ut a subditis tanquam mancipiis servitia accipiant. Inde est, quod frequentissime Avus salutetur, titulo inter omnia honoris officia acceptissimo. Atque is de Principe sensus magistratibus æque ac vulgo adeo fixus est, ut ab amore subditorum omnem laudandi ejus materiam capefiant; ex adverso a praxi hujus regulæ tantillo recedentem, utcunque cetera civilibus bellicisque artibus & prudentia regnandi insignem, nihili æstiment.

Deinde cuiq; Officiali regni (Mandarinos idiomate suo nuncupant,) liberum est Imperatorem navorum suorum certa ratione arguere. Si cui enim de Principe quidpiam innotescat, reprehensione aut emendatione dignum, supplici libello in aulam misso, in eoq; enixissimum obsequium & venerationem erga Majestatem Principis præfatus, eandem humillimis obtestatur precibus, ut ad veteres sanctiones, sanctæque prædecessorum exempla ne dedignetur respicere: indicio deinceps ejus, quod Principem dedeceat, quam moderatissime facto. Libellus iste una cum aliis, quos Principi quotidie offerri moris est, supplicibus chartis in mensa, iisdem recipiendis destinata, reponitur, Principi, ut leges volunt, deinceps cognoscendus. Si monitor nihil profecerit, par querela per hunc aliove Mandarinos, pro zelo aut fiducia eorum, usque dum Princeps ad sanio rem mentem redeat, repetitur. Id genus animadversionis plurimum in usu, eoque nihil efficacius fuisse Principi in orbitam virtutis, a qua deflexerat, revocando, annales testantur Sinici: ut ut periculosa subinde fuerit magistris ista domino rum suorum correptio.

Arctius adhuc vinculum cupiditati Principum injiciunt leges, ad quarum præscriptum historia Imperii Imperatorumq; singulorum adornanda est. Injungunt enim certis doctoribus, commodo suo minime studentibus, ut summo studio singula Principis dicta factaque

in dies singulos adnotent. Unusquisque horum divisa, nec cum cæteris communicata opera, sibi animadversa, simplici recte secusque factorum recensu, in chartam conjicit, quam per foramen certo conclavi, custodiendis istis commentariolis parato, immittit; quod ne spes timorve partes suas hic agere valeant, nec vivo Principe, nec familia adhuc Principis regni gubernaculis hærente aperitur. Iisdem demum in alteram familiam translatis, postquam omnes hæ schedæ cognitæ invicemque collatæ fuerint, earum suffragio Imperatoris uniuscujusque historia sincere conditur: ut posteritati exemplo sit, ubi laudabiliter, censura vero & abominationi publicæ, si partibus suis turpiter sit defunctus. Quod si ergo Principem vel modica tangat fama nominisq; sui cura, modum mediumq; toto regiminis sui tempore facile tenebit, ne severos istos censores, qui odii adulationisque causas procul habent, post fata publicos gestorū indices experiat, quæ falsis suis nunquam debilem aspergere queant ignominiam.

Omnium autem tenerrime animum Principis tangere necesse est exemplum subditorum, ad exemplum ejus in perniciem utriusque certissime se componentium. Isto enim pravis affectibus in transversum abrepto, bonique publici parum sollicito, de suo quisque civium protinus remittere discit officio. Mandarinī, in sua quisque provincia aut civitate, jure se potitos arbitrantur, pro lubitu decernendi, ex quo supremum magistratum justitiæ & æquitatis migrasse limites intelligunt. Ministri regni officia indignis vendunt. Proreges in tyrannos degenerant. Præfecti jus pro sua quisque libidine intorquent. Vulgus oppressum & exhaustum levi impulsu in seditionem concitatur. Latrociniis infestantur viæ publicæ, agminatim acervatis prædonibus: iisque in locis, ubi magna vis est incolarum, momento fere ingentes coeunt exercitus, occasionem sub prætextu specioso captantes tranquillitatem intervertendi publicam,

Ex funestis his principiis decumanos identidem fluctus inundasse Sinam, novisque eandem subjecisse dominis, diligenter animadversum est. Ita ut vel hinc certum sit, Imperatoris solum nullo firmiori suffulciri tibicine, quam intemerata legum observantia, quarum vis & præstantia experimento quadraginta seculorum explorata est.

Hæ porro leges vel formam regiminis adornant, ejusque
 varia

varia Concilia & Curias, quibus singulis peculiares partes sunt & cognitiones, quarumque decreta supremi Principis judicio subiecta sunt; vel judiciis & causis forensibus limites constituunt, secundum quos, pro varietate circumstantiarum, unicuique jus suum reddere oportet.

Hæc Concilia, Curias & Tribunalia eorumque munia sigillatim hic recensere fors præter rem fuerit, cum de illorum numero, ordine, momentis & autoritate ex aliis jamdum constet autoribus: qua ratione tamen corpora ista tam valida coerceantur, quo minus aut Principis officiant autoritati, aut contra statum publicum sinistri quid machinari valeant, vel omnino fines præscriptos excedant, ex Autore breviter repetere lubet. Unum ejus est remedium, negotia summorum Tribunalium ita partiri, ut nullum illorum ab unius solius pendeat arbitrio, sed cætera in consortium curæ & laboris simul adhibeantur: cavendis hac ratione fraudibus & prævaricationibus, tutius alioqui faciliusque exercendis, ubi conspirantium communitas est infrequentior.

Altero, uniuscujusque Tribunalis collegis Mandarinus adjungitur, cui, quid in quoque ejus confesso agatur, probe attendendum est. Hic extra numerum Assessorum constitutus, conventibus tamen singulis interest, actisque recognoscendis operam navat: Inspectorum nos fortasse diceremus. Muntris ejus deinde est, secreto Aulam de gestis instruere, aut palam accusare officiales secus admissorum, non solum in administratione officii, verum etiam privatæ vitæ momentis. Ipsorum actiones, dicta, mores censuræ ejus subsunt, nec quicquam est quod virgulam ejus effugiat. Quoque minus prosopolepsiarum vitio obnoxius sit, neve aut favore eorum, quorum peccata dissimulasset, meliorem sperare; aut vindicta justæ acculatorum peiorem metuere fortunam possit, in eodem perpetuo retinetur officio.

Præter supremas, quarum mentio hucusque facta est, Curias, quæ Imperatori in regia Pequino præsto sunt; singulis provinciis sui præsunt Proreges, diversæ sortis, amplissimæque potestatis: quibus & ipsis, uti Imperatori, suæ sunt Curie, supremis Curis ita subordinatæ, ut ab illis ad has provocetur. Singulis præterea civitatibus certi Præfedi constituuntur, cum Mandarinis aliis: qui omnes prædictis sub.

sublunt Proregibus. Horum speciale munus est, coactis provinciæ suæ Mandarinis præcipuis, explorare mores probos improbosque, Præfectorum aliorumque ministrorum provincialium, secretis deinde codicillis ad Curias supremas deferre, quod nosse Principis interest, delatis sive ab officio removendis, sive ad dicendam causam in aulam accersendis.

Cæterum Proregum autoritas, Imperatoriæ similis, libatur potentia aliorum magnorum Mandarinorum; omniumque maxime lege publica, qua permittitur populo male habito aut oppresso, de injuriis a Prorege acceptis ipso Principe coram conqueri, aliumque efflagitare: quod ipsi etiam respectu cæterorum Præfectorum ipsi integrum est. Verum enimvero quia privatis non semper in expedito est, ad Aulam se conferre, & justæ populi querelæ ad aures Principis nonnunquam penetrare nequeunt; quod hic loci non infrequens est, ubi Præfecti superiores Mandarinos, hi Curias supremas sæpius ære corrumpunt: suetum est Imperatori, secreto personatos ablegare Inspectores, viros spectatæ integritatis & prudentiæ, qui universas circumeuntes provincias, agrestes, plebem, mercatores, quodcumque genus hominum, quomodo magistratus se gerant, quam diligentissime percontantur. Ubi secretis relationibus, aut quiraro imponere solet, rumore publico, certiores redditi sunt malefactorum ab hoc illove perpetratorum; larva protinus deposita, a Principe se delegatos declarant, fontibus manum injiciunt, tractosque in forum ac criminis convictos meritis poenis subijciunt.

Hoc inquisitionis artificium olim in officio continuit iudices; occupato vero, nostra adhuc memoria, a Tartaris toto Sinensi imperio, in usu ferme esse desuit: quod quidam horum Delegatorum, mandato munere abusi, pecuniam aucuparentur, cum a nocentibus, quos præter fas absolvebant, tum ab innocentibus, quibus injustas accusationes minarum fulminibus intentabant.

Hujus loco Princeps hodiernus, erga subditos suos tenerrime affectus, ipse regi provinciæ, ut citra ullas fraudum strophas & ludificationes uniuscujusque querelas cognoscere coram possit, obire instituit: id quod eo civium solatio applausuque perfecit, ut ab eo tempore veluti alter Titus, amor & deliciarum generis humani salutatus fuerit.

Omni.

Omnium vero maxime memorabilis est illa ratio coercendæ Proregum Præfectorumque libidinis, de qua, similive ejus, dubium an ulla res publica, aut legislator, utcunque perspicax aut severus, unquam cogitaverit. Illorum quilibet tenetur identidem errores suos, secreto publice in officio commisos, humili scripto sincere consignare, consignatosque in Aulam deinde mittere: quod ipsum tam molestum est noxiis, quam periculosum. Ex una enim parte grave est, seipsum acculare criminis, quod Princeps plane impunitum esse non sinit; quanquam moderata sit ejus animadversio: ex altera parte longe adhuc periculosus est, idem dissimulare. Quod si enim contingat, secretis Inspectorum, quorum supra mentio, libellis ipsum reum deprehendi, minimus defectus temere occultatus capite luendus est. Ut adeo consultius sit admissa integre confiteri, quam formidine peregrini indicii, poenæque tanto asperioris confici. Et est omnino ratio hujus veluti torturæ non mediocri quidem Sinensibus supplicio, salutaris tamen medicinæ instar, quæ in vitia proclives circumspectos reddit, & vel ingratis suis virtutum studiosos.

Circa ordinanda judicia, leges Mandarinis inferioris ordinis indulgent, ut non expectata partium imploratione, ipsis ultro cognitionem auspicari, & secundum jus fasque pronunciare liceat; consuetis fori nostri formulis hic plane non receptis. Ubicunque contingat noxium ab ipsis deprehendi, in vicis, viis publicis, domibusque, extemplo prompta illis est fustigatio, qua per unum alterumque comitatus sui reo probe depexo, Mandarinis ad destinata suatam serenus est reditus, tanquam hæc expeditio ad ipsos nihil pertinuisset.

In ordinariis vero causæ cognitionibus, actor prima instantia coram Mandarinis quocunque superioris ordinis persequi jus suum potest, præteritis inferiorum ordinum magistratibus: causaque coram superiori agitari cœpta, inferior cognitionem ejus sibi vindicare nequit, nisi Judicis primo implorati mandato ad ipsum devolvatur. In magni momenti negotiis, a Proregibus ad Curiam supremam, cujus eorum negotiorum cura est, appellatur, ejusque sententia, Ministris Status prius communicata, Principi offertur; qui exactius aliquando causæ scrutinium exigit; sæpius e vestigio decernit: decretumque per Curiam prædictam Proregibus renunciat, propter executioni mandandum.

Ccc

Tam

Tam vasti Imperii innumeris pene causis dirimendis, prope si-
dem superat Principem sufficere posse. Enimvero, præterquam quod
bellorum cum vicinis gentibus necessitudines, & negotiationes exte-
ræ, quæ in Aulis Statuum Europæorum potissimam partem consilio-
rum conficiunt, Sinenfium Imperatorem parum exercent: causæ
civiles ipsum interpellantes ad normam sanctionum publicarum adeo
exactæ sunt, ut facillime, unoque velut ictu oculi, ob summam legum
simplicitatem liquet, in quam partem sententia inclinanda sit. Qua
dicatilitæ facultatis felicitate, vel bihorium quoque die satis est uni
Principi ad ordinandam suis auspiciis rempublicam, cui regundæ plus
triginta aliis opus foret, si legum tam exacta, tamque cauta non ef-
set determinatio.

Cæterum tranquillitas publica, quæ anima est rerum publica-
rum, cujusque conservatio tanto evadit difficilius, quanto ampliori-
bus illæ terris & provinciis constant, in Imperio Sinico tribus potissi-
mum custoditur præfidiis. Primum in certis consilii principis mor-
talibus, Sinenfis populi animis penitissime infixis. Alterum in axio-
matibus politicis, momenta Imperii præcipua circumferentibus..
Tertium in præfinita ratione disciplinæ politicæ, quæ per omnes par-
tes concinna est & expolita..

Præceptorum moralium primum familiæ sanctitatem attinet, libe-
risque enixissime & super omnia commendat amorem, obsequium, &
reverentiam erga parentes; nec indigna liberorum tractatione, nec
quacunque dignitate eorundem, aut ætate provectiori, vel minimum
temeranda, aut ex animo delenda. Primus hic naturæ pietatisque
sensus ad quam perfectionem in his terris provectus sit, enunciari cre-
dique vix potest. Nihil subjectionis est aut officii, ad quod liberi pa-
rentibus non teneantur. Obligatio eorum est, parentes toto vitæ
decurfu alere; defunctos amarissimis continuisque prosequi lachry-
mis; iusta eorum funebria solennibus ceremoniis profusoque sumtu
celebrare; in luctu per triennium perseverare, totoque hoc tempore
nullo publico fungi officio: adeo ut Ministris Status Mandarinisque
tum necesse sit, renunciare suo muneri, ut privatis in ædibus lugubri
huic officio tanto vacare possint liberius. Parens contra amplissi-
mo jure adversus liberos utitur. Si nequitiam unius ex liberis ad ma-
gistratum deferat, nulla indicii probatione tenetur: pro certo enim
habe-

habetur, culpa non vacare prolem, a qua pater alienum se gerit. Quin patria hæc potestas eousque fertur, ut patri continua filii contumacia magistratus opem pluries implorare compulso, capitis eundem accusare liceat. Autori nostro hoc rigore percusso, Sinenses reposuere: cui quæso melius quam parenti prolis suæ mores perspecti esse possint? qui eandem educavit præceptis vitæ morumque imbuir, cuique a tot annis omnes ejus actiones exploratæ sunt. Et rursus: estne qui sinceriori ac magis composito in eam feratur affectu, atque parens? Quod si ergo, qui eandem intime novit, tenerrimeque erga eam affectus est, judicio eam suo condemnat, qua fronte quoque merito excusare aut absolvere queamus? Instanti, intercedere aliquando inter homines naturalem aliquam antipathiam, quam inter parentem etiam & sobolem locum habere nihil vetet; regessere: homines neutiquam immaniores esse posse belluarum ferocissimis, quarum nulla tamen in proprios foetus sæviat; & si vel maxime id monstri inter homines existat, proli tamen ejus convenire, obsequio, blanditiis, servitorumque illecebris efferrati animum demulcere. Quod si eo proterviæ impietatisque filius abripiatur, ut contumeliis incessat parentes, aut necem eis intenet: tam horribili scelere universum Imperium, præcipue provincia, in qua commissum est, commovetur. Ipse Princeps sententiam mortis in reum pronunciat. Omnes vicini magistratus, & imprimis civitatis ejus, officio dejiciuntur. Consanguinei ejus, ob neglectum debitæ animadversionis, severissime puniuntur: cum, judicio omnium, necesse fuerit, tam pravam indolem pluribus experimentis se dudum prodidisse; nec prolapsus ad abominandum hoc facinus, nisi per nequitiae complures gradus fieri potuerit. Tandem nullum tanto sceleri supplicium par esse credentibus, jam frustillatim conciditur, jam igne concrematur; ædes, quæ mansionem impio præbuere, funditus diruuntur, vicinis etiam circumcirca subversis, excitatis etiam hinc inde monumentis, in memoriam execrandi hujus flagitii.

Altero præcepto populo commendatur reverentia erga Mandarinos, par cultui, qui Principi, cujus personam referunt, exhibetur. Cujus gratia Mandarinum in publicum non nisi amplo cum comitatu prodeunt, eaque oris specie, quæ venerationem incutiat intuentibus; leætica insuper veteri splendida, præcedente toto Tribunalis sui ministe-

rio, circumdatique omnibus dignitatis suæ insignibus. Iisdem visis, populus submisit consilium, & ad latera recedit, ne qua transitu impediatur: jus pro tribunali dicentibus, partes submissis genibus coram mandata præstolantur. Iter facientibus universi vicorum, per quos transitus est, incolæ catervatim occurrunt, sua offerentes servitia, eosque ad territorii sui confinia deducunt. Jam quando de provincia sua, munere ex voto incolarum probe perfuncti decedunt, tantis honoribus afficiuntur, qui vel stupidum percillant. Statim atque in proximo sunt itineris, omnis multitudo viam publicam per intervalla in ordines disposita occupat, ad duo vel tria ab urbe quaque milliaria. Toto hoc tractu mensæ elegantissimæ instratæ visuntur, bellariis saccharo conditis onustæ, potuque theæ. Preces inde detinentium, atque ut appositis frui ne dedignentur, modeste invitantium; a quibus ubi se expedivere, mox alii paribus instant flagitationibus; ut adeo illis abscessus inter vota plaususque populi conficiendus sit: evergetas alii appellanti; conservatores alii, patresque populi. Jacturam eorum plurimi deplorant; ut ferreos esse oporteat Mandarinos, qui tam profusæ pietatis spectaculo immoti lachrymis populi suas non misceant.

Præter summam hanc liberorum erga parentes, populi ergo Mandarinos reverentiam, cui præcipue quies, tam publica provinciarum, quam privata cujusque familiæ procul dubio debetur: moralis ipsorum philosophia docet, maxime rei publicæ interesse inter cives illibatam servari morum civilitatē, modestiam, certamque elegantiam formam, aptam conciliandis emolliendisque animis. Hoc ipsum homines a brutis, Sinenfes a cæteris populis distinguere contendunt; ferocitatemque, quæ apud certas nationes offenditur, respublicas certissime perturbare persuasum habent. Animos enim, qui cæco impetu ferri sueverunt, domesticis contentionibus innutritos, nullius personæ rationem habentes, assuetudinis vitio turbones esse & ad defectiones proclives, pronunciant. Cum ex adverso homines, qui alter alterum humanitate officiiisque antevertunt; qui sufferre, dissimulare, dolores suppressere docti sunt; qui solícite observant discrimina, quæ ætas, dignitas & merita sanxere; genii sui indole boni ordinis custodes sint, nec citra notam violentiæ moderationis suæ limites transiliant.

Operæ pretium foret, quibus humanitatis legibus,

&c

& quo ceremoniarum ambitu, juxta hoc præceptum, officia in communi vita præstanda, præsertim circa salutaciones mutuas, congressus & convivia, modumque conscribendarum epistolarum exequantur, latius exponi: ea etiam, quæ circa axiomata Sinensium publica, eorumque profundas rationes; circa instituta civilia, dignitatum ordines, Principum Mandarinorumque conditiones, & fortunas; urbium harmonicas dispositiones, & quæ cætera legibus publicis formæ externæ Reipublicæ Sinensis concinnandæ sancita sunt & introducta, ab Auctore edisseruntur, memorari uberius. Sed limites instituti nostri jam dudum videmur nobis supergressi, ac prolixitate abunde compensasse recensionis tarditatem.

PETRI POTERII OPERA OMNIA PRACTICA ET CHYMICA, cum Annotationibus & Additamentis utilissimis pariter ac curiosis FRIDERICI HOFMANNI, Filii, Hallensis, Medici Elector. Brandenburg. Philosophi & Professoris Medicina Primarii in Academia Fridericiana. Accessit nova doctrina de Febribus, ex principiis Mechanicis solide deducta, cum Indice locupletissimo.

Francofurti ad Mœnium impensis Frider. Knochii, 1698, 4.
Constant Alph. 5. plag. 1.

Tantum apud eruditos applausum invenerunt scripta *Poterii*, ut post duas illorum editiones, quarum altera Lugduni A. 1653, altera Francofurti 1665 in 8. prodiit, etiam tertia, ob exemplorum defectum, maximopere expeteretur. Precibus itaque multorum permotus Excellentissimus *Hoffmannus*, qui fama sua meritisque in Medicinam egregiis resuscitat patrios cineres, curam in se suscepit novæ editionis operum *Poterii* adornandæ, quo & publico prodesset & bibliopolæ simul desiderio satisfaceret. Non occupabimur in recensione & commendatione ipsius *Poteriani* operis, ne vino vendibili hederam suspendere videamur, quandoquidem istud plurimorum versatur manibus, & ubique magni æstimatur: saltim, quod nostri est officii, paucis indicabimus, quid novi & commodi novæ huic editioni accesserit.

Celeberrimus, quem laudavimus modo, Hoffmannus ut magis aptaret Philiatricorum lectioni scripta Poterii, loca in illis obscuriora Additamentis & Annotationibus curiosis non minus quam utilibus illustravit, emendanda modeste castigavit, defectus supplevit, morborum causas & varios medicamentorum effectus e principiis Physico-Mechanicis solide deduxit, non omillis observationibus, cautelis & historiis notabilioribus, quas ipsi, praxia medicam exercenti, suggestit experientia. Insuper familiaria sibi, & comprobata toto die in Praxi remedia, eorumque compendiosas præparationes passim adiecit; e quorum numero tantummodo unum atque alterum, speciemus loco, huc transferre sufficiat. V. g. in *Annotat. ad Observat. Centur. II. cap. 39. p. 186.* describit *Elixir balsamicum*, quo maximo cum emolumento per plures annos in gravissimis viscerum obstructionibus morbisque chronicis usum se esse testatur, si ejus usus per aliquot menses continuetur, assumendo bis omni die 60 ad minimum guttulas: R herb. scord. manip. iij. fl. centaur. minor. manip. j. myrrh. elect. 3℥. croci = j. succini, zedoaria, nucifla, ana ziiij. ligni aloës ziss. cort. aurant. 3℥. olei cardamomi & caryophyll. ana gutt. x. Sp. Vini tartarizati mensur. j. Sp. Salis Ammon. 3j. Fiat extractio. *Annotat. ad Pharmacop. Spagy. Lib. I. Sect. IV. p. 437.* ex ligno Aloës triturato, beneficio aquæ pluvialis, addita s. q. salis communis, præviaq; digestionem, se obtinuisse testatur *aquam odoratissimam* cui superpataisset *oleum crassum*, quod instar camphoræ in frigido coagularetur, *suavissimi odoris*. Hoc promte dissolvi in Sp. Vini rectificato, qui cum ipso transeat in *Essentiam* saluberrimam in capitis affectibus nervorumque debilitate eximia virtutis, atque odoris & saporis gratissimi. *Subsequente pagina 440.* docet, quomodo ex *balsamo Peruviano*, cum sale tartari probe trito ac digesto, mediante spiritu vini purissimo eliciatur *Essentia*, quæ, si destilletur ad siccitatem, *spiritum* præbeat *balsamicum fragrantissimum*, virtutis summæ ad roborandos nervos, medicamentum, quod omnes Medici commendatum sibi habeant. Tacemus varias observationes circa simplicium, (mineralis præsertim regni) medicamentorum naturam, præparationem & usum, pari eruditione & industria consignatas passimque interspersas. Hactamen silentio præterire non possumus, Virum Excellentissimum loco Annotationum ad *Poterii Libros de Febris*, subjunxisse *integrum* de hac

hac materia *tractatum*, in quo perspicue demonstrat, febres non consistere in intemperie sanguinis cordisve calida, secundum veteres, aut ebullitione seu fermentatione p. n. sanguini & humoribus indurata, juxta Willisium, sed potius, ad mentem recentiorum quorundam, in turbata sanguinis mixtione cum ataxia & perturbatione spirituum; quod ipsum pluribus iisque ponderosissimis argumentis declarat. Hisce principiis therapiam febrium superstruit, ostendendo, quæ & quonam ex fundamento in febribus vel profint vel noceant. Venæ sectione, purgantia & vomitoria caute, & non, nisi plethora adsit, vel ordinariæ evacuationes suppressæ fuerint, aut ventriculus & intestina humorum vitiosorum saburra turgant, in usum vocanda esse judicat. Inter antidota febrium imprimis extollit *diaphoretica*, quod illa, cæteris paribus, decenti nimirum dosi, tempore, ordine & forma exhibita, omnis generis febres non solum mitigare, sed etiam perfecte profligare soleant: sudorifera vero fortiora, item refrigerantia vulgo sic dicta, tam interna quam externa, nec non acida, plus noxæ quam commodi febricitantibus asferre censet. Præmissis ita generalibus, præcipuas febrium species recenset, earumque originem, causas, symptomata & curam ordine concinno exponit, quæ singula principiis solidioribus mechanicis collustrat.

Cæterum *Poterii arcana* quod attinet, ingenue profitetur. Nobilissimus Autor noster, ex asse illa se non nosse; quantum tamen conjectura ex collatione locorum & circumstantiarum metiri licuit, ex quibus & qua ratione præparata fuerint, tradidit, & quæ si non majoris, similis tamen effectus medicamenta, sibi nota, substitui queant, manifestavit; quæ de re Lectorem benevolum paucis admonere necessum esse duximus.

COMPENDIUM HISTORIÆ UNIVERSALIS AB INITIO

Mundi ad tempora Caroli M. Imp. conscriptum a

JOANNE CLERICO.

Amstelodami, apud Georgium Gallet, 1698, 8.

Constat plagulis sedecim.

JAm ante duodecim annos in usum studiosorum adolescentum doctissimus Clericus opusculum hoc conscripsit, animusque ipsi

gri

prius fuit, aliquando, si otium nancisci posset, studiosius id expolire, perpetuoque velut commentario illustrare. Sed cum deinceps hoc aut nunquam forte, aut nonnisi post annos demum aliquot futurum intelligeret, Bibliopolis ea de re certioribus factis libellum denegare noluit. Sicut autem solícite se conatum fuisse profitetur, ut in hoc duo illa obstacula vitaret, quæ alias impediunt, quo minus ex ejusmodi compendiorum Historicorum lectione sperati fructus colligi possint, nimiam nempe prolixitatem atque brevitatē: ita plurimarum rerum, quæ patrum nostrorum ævo non satis commodè traditæ deprehendantur, rectiorem hæc narrationem se exhibere, & in momentis maxime ad Historiam sacram & ecclesiasticam pertinentibus multæ accuratius & verius aliis exponere testatur. Nam cum plerique Scriptores quasi ex compacto laudent quidem ac probent per omnia eos, quibus res ex voto ceciderint, contra vero omnia ferme damnent in iis, qui numero suffragiorum victi fuerint; ipse vicissim nec absolvere nec damnare se hæc quenquam dicit, nisi quos res ipsa manifesto absolvat aut damnet; quamvis ut plurimum etiam duntaxat rem narraverit, non, quæ dogmata falsa aut vera sint, sed quæ vere contigerint ac facta fuerint, inquirens. Scriptorum recentiorum, ex quibus pleniorē cognitionem variarum rerum, quarum breviter meminit, haurire liceat, indicium ubique inspergit. In ordinandis numerandisque temporum articulis, Dionysium Petavium sequi consultum reputavit, quem accuratissimum Chronologorum appellat, quemque non omni equidem peccato carere, sed minoribus tamen, quam eos, qui ante illum scripserunt, laborare existimat. Ad istum ergo modum compendio hoc complexus est, quicquid a mundi initio ad Caroli Magni imperium contigit: hæc enim finem antiquæ historiæ statui posse censet, quandoquidem circa hæc demum tempora Imperium Romanum funditus perierit, & nova in Asia atque in Europa regna exorta sint. Quæ quidem *αἱ ἐν πλάτει* capiendæ esse facile deprehendent, qui norunt, quanto ante Carolum M. tempore, & Romanum in Occidente Imperium (nam in Oriente aliquot post Carolum M. sæculis stetit) cum Momyllo Imperatorum ultimo funditus perierit, & in provinciis, quæ subiectæ illi fuerant, nova regna (velut in Gallia Francorum, Vise Gothorum in Hispania, Saxonum & Anglorum in Britannia, in Italia ipsa Herulorum, Ost-Gothorum, Longobar-

dorum) fuerint enata.

* * * * *

ACTA ERUDITORUM

Publicata Lipsiæ

Calendis Septembris Anno M DC XCVIII.

COLLECTANEA MONUMENTORUM VETERUM ECCLESIE
Græcæ ac Latinæ, quæ hæcenus in Vaticana Bibliotheca delituerunt.
Tomus primus. LAURENTIUS ALEXANDER ZACAGNIUS, Va-
ticana Bibliotheca Præfectus, e scriptis codicibus nunc primum
edidit, Græcæ Latinæ fecit, notis
illustravit.

Romæ, typis Congregationis de propag. fide, 1698, fol. min.
 Alphab. 9.

Eminori, qua dudum defunctus fuerat, ad maiorem Bibli-
 othecæ Vaticanæ præfecturam evectus doctissimus Zaca-
 gnus, non mediocriter calcar currenti sibi additum promo-
 tione hac fuisse offensurus, totum se ad protrahenda in lu-
 cem, quæ in illustrissima illa Bibliotheca adhuc latent, mo-
 numenta *avêndota* convertit. Talia namque ab interitu sedulo vin-
 dicanda esse, prævio etiam exemplo Henrici Canisii, Petri Stevartii,
 Lucæ Dacherii, Philippi Labbei, Jo. Mabillonii, Joh. Baptistæ Cote-
 lerii, Stephani Baluzii, Jacobi Hommey, aliorumque in antiquis lu-
 cubrationibus edendis occupatorum edoctus, scripta a nemine hæc-
 nus vulgata, sed sua tamen utilitate nequaquam caritura, abscondi
 amplius intra unius Bibliothecæ cancellos noluit, ac visus sibi est hoc
 pacto resarcire jacturam, quam in abrupta post mortem doctissimi
 Leonis Allatii Symmiætorum ab eo congestorum ulteriori editione,
 Orbis eruditus passus est. Exorsus igitur a Sanctorum Patrum lucu-
 brationibus, sacros postea canones, tum rituales libros, rerum por-
 ro sacrarum historias, ac deniquè ecclesiastica cujuscunque generis

Ddd

scri-

scripta distinctis a se invicem Tomis aliquot e manuscriptis codicibus exhibere instituit.

Inter hos primus, qui nunc in lucem prodit, quatuor Scriptores vetustos sinit, & *ARCHELAUM* præ exteris, celeberrimum in Mesopotamia Episcopum, cujus *cum Manete hæresiarcha Disputationem* Latino delineatam sermone exhibet. Narratur in ea, ut profugus in Mesopotamiam Manes de viro quodam ob raras suas virtutes non apud Carrhas modo, qua in urbe degebat, sed & passim alibi decantatissimo, cui Marcelli nomen, inaudiverit, ac de eo hæretica sua pravitate inficiendo cogitaverit, scriptis etiam ad ipsum literis præsentiam suam pollicitus. Tum concessisse huic adventandi copiam Marcellus perhibetur, qua usus ille mox ad suscipiendam cum Archelao disputationem, præsentibus e numero Gentilium quatuor Philosophis, arbitratorum vices subituris, se adactum vidit. Hanc igitur necessitatem, nulla ratione devitare valens, sua palam exponere dogmata occæpit, quæ tamen ab Archelao adeo fortiter prostrata fuerunt, ut universæ, quæ in domum Marcelli confluerat, audientium multitudo horrendam eorundem indignitatem manifeste perspexerit, ac impium hæresiarcham urbe excedere, non citra vehementes motus, ipsiusmet Archelai auctoritate sedandos, coegerit. Recepit ille se in vicum longius ab urbe modo memorata distantem, Diodori appellatione insignitum, cujus Presbyter, & ipse Diodori nomen gerens, sparforum ab eo dogmatum sceditate perculsus, quamvis iis ratione obviam eundum sit, peculiari epistola ad Archelaum exarata percontatus fuit, quinihil in se desiderari passus, non argumenta solum, quibus ante ad incitas eum redegerat, per literas subministravit, sed & mox ad vicum ipsum pergens, disceptationem cum hæresiarcha pertinacissimo renovavit, felicitateque eadem, ac in priori illo congressu usus, acto in exilium antagonista, causâ sua palam cadente, universam hæreseos hujus historiam, inde a primordiis suis repetitam, coram populo exposuit, animosque præsentium adversus eam solide obfirmavit.

Quinam acta hucusque enumerata scriptis consignaverit, inter Epiphanium, Hieronymum & Heraclianum non convenit, dum illi Archelaum ipsum, hic vero Hegemonium quendam officio hoc fuisse functum autumant. Sed Noster in præmissa huic Tomo præfatione rem ita definit posse credit, ut statuamus, Archelaum Syriacæ primum

primum lingua ea, quæ coram delectis iudicibus adversus Manetem protulerat, divulgasse; Hegemonium vero, quæ ab Archelao jam descripta fuerant, meliori non solum ordine digessisse, verum etiam exordio, epilogo, aliisque nonnullis locupletasse, ut omnibus numeris absoluta celebris illius disputationis acta ad posteros transmitterentur. Et hunc quidem Græco idiomate usum fuisse suspicatur, de Latino autem interprete, cuius versionem heic exhibet, plura sibi non liquere asserit, quam quod Hieronymo fuerit posterior, sed ante septimum tamen æræ Christianæ seculum vixerit: hoc enim vel inde colligit, quod in laudandis Sacræ Scripturæ locis vulgatam editionem non sequatur. His prælibatis, urbem in qua habita disputatio, non Carchar aut Caschar, sed Cartham fuisse probat, & in investigando ejus tempore occupatur, tutissimum fore ratus, si intra Julium atque Decembrem anni 177 istud collocaveris. Equidem ipsum Archelaum in sua Disputatione asserere observat, quod trecentos & amplius annos a Christi morte Manes advenerit. Verum ad exaggerandam ejus stoliditatem, quæ se Paracletum Spiritum a Christo promissum temere affirmavit, annorum numerum in disputationis ætate eum auxisse respondet, ut clarius ostenderet, ipsum longo adeo post Christi mortem tempore emergentem, Paracletum esse non posse, quippe quem Dominus post suum in cælos ascensum illico Apostolis se missurum affirmaverit, & quem reapse post quinquaginta ab ejus resurrectione dies ab ipso missum fuisse, Apostolorum Acta diserte testentur. Sicuti autem in horum Actorum antiquitate ac sinceritate demonstranda multus est: ita fragmentorum ejus editionem antea factam commemorat, ut nempe ea ab Emerico Bigotio sibi commissa in calce suarum notarum ad Socratem & Sozomenum exhibuerit Henricus Valesius; prout & idem Bigotius apposito Græco Epiphaniæ textu cum Palladio eadem recudere cogitaverit, sed postea tamen curam hanc iis relinquere satius duxerit, qui novam operum S. Epiphaniæ editionem essent aggressuri. Se vero Latinum hunc textum e codice sexcentorum & ultra annorum, in Bibliotheca cœnobii Casinensis reperto, descriptum heic cum Eruditis communicare asserit, ac de cætero nequaquam dissimulat, ipsa hæc Acta nondum integra, sed pluribus in locis a veteri librario mutilata videri. Cyrillum certe Hierosolymitanum, in Catechesi sexta quædam Manetis argumenta cum Archelai responsionibus recitare, quæ in hac editione

non reperiantur; nec dici posse, Cyrillum dictorum modo sensum, non ipsa Archelai verba laudasse, cum simile quidpiam in nullo editionis hujus loco legatur, ac præterea verba illa, quæ Cyrillus referat, ita concepta sint, ut ab ipso met Archelao prolata credi debeant. Ne tamen vel minimum Actorum Disputationis istius omitteret, fragmentum ex hac Cyrilli Catechesi desumptum corollarii loco Græco-Latinum subjunxit. Præterea cum inter Regio-Alexandrinis Vaticanæ Bibliothecæ codices reperisset apographum vetusti cujusdam codicis, excerpta quædam ex Actis Disputationis Archelai a capite quinquagesimo primo usque ad quinquagesimum quintum continentis, operæ pretium censuit, in appendice totius Tomi varias ex eo lectiones accumulare; quemadmodum & similes e codice Bobiensi atque aliunde petitas, una cum notulis quibusdam brevioribus, textui ipsi passim substravit. Quali autem fundamento nitatur, quando Archelaum pleraque Romano-Catholicorum dogmata illustrare atque confirmare tradit, aliis dijudicandum relinquimus.

Disputationem hanc excipiunt *S. EPHRÆMI SYRI* Orationes asceticæ, duæ non adeo prolixæ, quarum altera *de Resurrectione & Judicio, deque Regno cælorum ac de munditia animæ*; altera *de Agone seu de luctaminibus hujus sæculi* inscribitur. Has Latine tantum ex antiqua versione, cum Græcum exemplar hætenus impetrare non potuerit, clarissimus Editor exhibet, & ex pervetusto Vaticano codice transcriptas ad alium Casanatensis Bibliothecæ codicem collatas repræsentat, ast præter variantes utrinque lectiones de suo nihil superaddit.

Sed spatium multo amplius occupant, diligentiamque Zacagnii majorem testantur nonnulla, quæ has sequuntur, *GREGORII NYSSENI* opera, ex solis Vaticanis codicibus eruta, cum eorum exemplar aliud in urbanis Bibliothecis reperiri haud potuerit. Ex his autem primum locum occupat ejusdem *Antirrheticus adversus Apollinarem*, ex septingentorum circiter annorum codice depromptus. Et hunc quidem genuinum Gregorii sætum esse, non ex styli solum, sed & e sententiarum ab eo alias prolatarum congruentia, patere existimat. Quid? quod & Leontius Byzantinus, ex Scholastico seu Advocato Monachus in Laura S. Sabæ prope Hierosolimam, qui Justiniano imperante floruerit, & Synodus sexta generalis, & Euthymius Ziga-

Zigabenus, & Jo. Damascenus excerpta quædam ex hoc Antirrhethico referant, quæ suo loco in notis studiose Noster indicat. De tempore, quo opus istud composuerit, nihil certi ex illius lectione colligere se potuisse profitetur; medio tamen inter annum 373 & primam Synodum Constantinopolitanam spatium factum hunc conceptum, vix dubitat. In Synodo namque Alexandrina, paulo post Constantii mortem A. 362 sub Joviano Imp. habita, damnatum quidem Apollinaris errorem, sed ejus nomini adhuc paritum fuisse; præterea nec Athanasium Alexandrinum, qui primus omnium Apollinaris hæresin scripto confutavit, nec alium quempiam, antequam Basilius Cæsariensi Ecclesiæ præficeretur, hæretici eum loco habuisse; at paulo post Basilii Episcopatus initia, hæreseos eum palam accusatum, quin & annis mox sequentibus ab Ecclesiæ consortio exclusum deprehendi memorat. Gregorium igitur Nyssenum eo tempore scripsisse colligit, quo manifestam Apollinaris hæresin quilibet agnoverit, cum ejusdem librum *de Incarnatione Verbi ad hominis similitudinem factæ*, in Antirrhethico hoc suo sic confutet, ut istum modo Ario & Eunomio parem faciat, modo eosdem impietate superasse contendat. Deinde cum in eodem libro nulla mentio judicii in Apollinarianam hæresin a Damaso vel a Synodo œcumenica secunda lati habeatur, necita solos Apollinaris affectas Auctor redarguat, quemadmodum in epistola ad Theophilum Alexandrinum multis post Apollinaris obitum annis directâ fecerit, sed adversus ipsummet scribat, eumq; hæresin deponere optet; inde haud inani conjectura colligi, quod ante secundam Synodum œcumenicam, & ante Apollinaris obitum, quem circa A. 380 accidisse putent, Antirrheticum suum Gregorius Nyssenus elucubraverit. Quod attinet ad locutiones ab eo hec adhibitæ, non equidem inficiatur Editor, tales nonnunquam occurrere, quæ a veritate catholica alienæ videri queant iis, qui in Nysseni scriptis adeo versati non fuerint. Sed ex genuina hujus mente quicquam a fide orthodoxa recedens adstruendum reperiri, totus pernegat, ac proin, licet hypostaticam divinæ & humanæ naturæ in Christo unionem *μῖξιν* quandoque appellarit, & *σύμμιξιν* ac *σύγκρισιν*. Eutychiæ tamen naturarum confusione ipsum favisse non admittit; utut etiam de Christi gloria post-ascensionem in cælos adeo magnifice loquatur, ut ipsum nullam humanæ carnis substantiam ac proprietatem in glorificato Christi corpore agno-

vixisse quispiam fortassis suspicari valeret, & ab hac tamen opinione eum revera abhorruisse, multis modis evincere satagit, ad alia ejus loca contrarium penitus asserentia provocans, & morem Patribus interdum receptum urgens, quo ad accuratissimas Theologiæ regulas verba sua non semper exegisse eos constat, quippe qui in id incubuerint, ut, quam maxime fieri posset, sublimes de divina Majestate notiones legentium animis imprimerent.

Post Antirrheticum Gregorii Nysseni, sistuntur in Tomo hoc ejusdem S. Patris *delecta quadam Testimonia ex Veteri Testamento*, quæ ille *adversus Judæos* urget atque roborat, & ea quidem concernunt mysterium sacrosanctæ Trinitatis, adventum Domini in carnem, nativitatem ejus ex illibata virgine, miracula ab ipso met edita, passionem, crucem, resurrectionem, ascensionem, gloriam item Ecclesiæ, Evangelium, incredulitatem Judæorum, gentium vocationem, baptismum, & articulos quosdam alios, quos veluti primarios Christiani profitentur, quosq; Judæi vicissim acriter suaverunt impugnare. Hæc Testimonia Latine tantum ex Laurentii Sifanii versione olim prodire, nunc vero eadem Græcæ quoque cum sua translatione nova Noster publici usus facit, ac pro libello hoc ipsi Nysseno utique tribuendo solícite pugnat. Sunt scilicet, qui in alia omnia abire malunt, ea ratione freti, quod sub Testimoniorum horum finem quædam ex Chrysostomo, post tempora demum Nysseni florente, mutuata legantur. At verba illa in codice Græco Vaticano non extare, adeoque pro panno huic operi assuto habenda venire, Noster regerit. Neque tamen iis adversaturum se testatur, qui opusculum hoc quosdam interpolasse credant, cum in eo laudari nonnulla videat, quæ in sacrorum Bibliorum textu haud appareant; quemadmodum & ejus exordium totidem verbis apud Basilium in libro de Spiritu Sancto repererit.

Mox duæ ejusdem Orationes comparant, quarum prima *Laudatio altera S. Stephani Proto-Martyris* inscribitur, quamque se primum Græcæ & Latine dare Editor solertissimus innuit; qui etiam non in festo die Stephano sacratio, sed in sequenti potius eam recitatam censet, cum pauca de S. Stephani laudibus præfatus, statim ad celebrandos Petrum, Jacobum & Johannem, Apostolos, Gregorius digrediat. Hinc insuper manifestum reddi sibi persuadet, Ecclesiæ,

fixæ, cui Nyssenus præerat, & fortasse totius Cappadocum gentis instituto, una eademque die, quæ Stephani solennitatem proxime sequitur, Apostolorum modo nominatorum festum celebrari consuevisse. Magnificas autem totius Apostolici coetus laudes, easque imprimis & Petro tributas, speciminis in locum ex hac oratione decerpit, ac maxime opere commendat. Secunda oratio *de Spiritu Sancto* agit, & in *Pentecosten* fuit habita. Hanc superiori jam tum seculo Franciscus Zinus imprimi curavit, sed Latine tantum; nunc vero Græcam quoque ac nova versione ornatam evolvere hec possumus. In ejusdem calce mantissæ loco annectitur exiguum supplementum textus Græci *Orationis* ejusdem Nysseni *adversus fornicarios* compositæ, quod, quia in appendice operum illius a Jac. Gretsero vulgata desideratur, addere hoc in loco non incongruum Noster existimavit.

Nondum tamen operum Nyssenianorum satis est: nam *quatuordecim* adhuc illius *Epistolæ* Græco-Latinæ conspectui se nostro sustunt. *Prima* harum ad Eusebium quendam perscripta versatur in reddenda causa mystica, cur nocte ad longitudinis summum provecta Christus nasci voluerit, ac tunc, cum noctes diebus æquantur, e mortuis resurrexerit? Occasionem ei præbuisse Editor existimat vetustum illum morem, juxta quem in Paschatis ac Natalis Dominici solennitatibus munuscula quædam sibi invicem Christiani, mutuam benevolentiam ut testarentur, miserint; qua de causa & hanc summa pietate refertam epistolam muneris loco Nyssenus ad Eusebium ablegaverit. *Secunda* ad Sebastenos directæ est, quibus suspecta erat Nysseni in aliquibus fidei capitibus sententia, quam tamen hic egregie defendit & ab impacto heterodoxiæ crimine liberat. *Tertia* honorem illum & varias lætitiæ significationes, quibus post reditum suum ad Ecclesiam ab auditoribus suis exceptus fuerit, describit; unde eam Editor vel post primam Synodum CPTanam, vel eo tempore, quo ab exilio redierit, exaratum putat. *Quarta* nobilem juvenem, consanguineum suum, capitalis criminis reum actum, Cynegio, Præfecto Prætorii in Oriente; & *quinta* eidem Alexandrum quendam commendat. *Sexta* ex eremo, & *septima* ex exilio, dubium ad quos, missæ Editori videntur. *Octavam* senex admodum Nyssenus ad eruditum quendam juvenem Cappadocem, vel in Cappadocia commorantem, qui istum peregre agentem patri commendaverat, perscripsit. *Nonæ* Cappadocem aliquem in
Ponti

Ponti quodam loco agentem ad Paschatis celebrationem accersit, deq; morum, qua laborent Cappadoces, asperitate queritur. *Decimam & undecimam* pro responforiis Noster habet ad literas Libanii Sophistæ, quem S. Basilii magistrum fuisse pluribus in præfatione ostendit, cumque inter Libanii epistolas adhuc ineditas, quarum plus quam duæ chiliades in Vaticana Bibliotheca ferventur, nulla Gregorio Nysseno inscripta deprehendatur, non omnes certe epistolas ab eximio hoc Rhetore profectas, in antiquissimis earum collectionibus adhuc dum superesse, exin colligit. In *duodecima* ad incertum aliquem tendentis initio excusat se Nyssenus, quod libros suos adversus hæresin ob librariorum penuriam citius haud miserit; id quod non de Antirrhetico illius, quippe non admodum prolixo, sed de tredecim adversus Eunomium libris capiendum Zacagnius existimat, idemque *decimam tertiam* Nicomediensi Ecclesiæ pastore orbatæ, & idcirco in plures factiones discissæ destinata conclusit. In *decima quarta* de misero vitæ suæ statu, de adversariorum suorum insidiis, deque perverfis suorum temporum moribus prolixè queritur; unde ei exilium, in quod Valens Imperator Nyssenum abire jussit, antea suppeditasse, Noster haud præter rem fortassis conjicit. Has igitur Epistolas Græce & Latine uti primus jam legi publice facit Zacagnius, ita notis etiam quibusdam criticis illustrat, quin imo in tribus postremis lacunas aliquot ex suo ingenio supplet. Etenim his deturpatum deprehendit Vaticanum exemplar, non veteris quidem librarii culpa, sed quia in alio codice, ex quo ante quingentos annos Vaticanus transcriptus fuerat, nonnullas paginas in extrema parte vetustas consumserat; quem defectum adeo accurate codicis Vaticani scriptor præsentavit, ut desideratorum verborum numerum, relicto nunc majori, nunc minori spatio, diligentissime designaverit. Noster ergo, ne tot hiatus in textu conspicerentur, ratione habita majoris minorisve intervalli in codice illo denotati, eas complevit, sed ita, ut conjecturas suas semicirculis incluserit, ne forsân eas quispiam Nysseni verba esse reputet.

Quartus Scriptor, cujus labores Tomus hic in scenam producit, est *ΕΥΘΑΛΙΟΥΣ*, quem Chalcedonensis Concilii tempore Alexandriæ Ecclesiæ Diaconum egisse, quicquid contra videatur aliis, Zacagnius opinatur, eumque postmodum Episcopum Suleensem factum dicit, in ea forsân urbe, quæ *ΨΕΛΛΗ* appellata & Syeni Thebaidis civitati

vitati celeberrimæ propinqua fuerit, quamque Strabo commemoret, & Ptolomæus *Πελαγονία*, alii Pselcim appellant. Episcopali autem, isthac dignitate eum claruisse illo ævo, quo Athanasius Junior, cognomento Celetes seu Herniosus, Petro Moggo A. 490 succedens, Alexandrinam Ecclesiam rexit. Rogavit hunc Euthalius quidam, cujus nomen ipse reticere voluit, Pater, ut Prologum in universas Pauli epistolas concinnaret, inque eo admirandorum ejus gestorum historiam texeret. Hic ergo non istud modo accuratissime est executus, verum etiam singulas epistolas in lectiones divisit, & versibus distinxit, testimonia etiam Veteris Testamenti, aliaque a Paulo allegata in unum collegit, adjectisque capitulis ab antiquo Patre hodie ignoto excogitatis, absolutissimam undique epistolarum illarum editionem concinnavit, atque hanc manu sua descriptam ad Patrem illum, qui id operis ipsi injunxerat, transmisit. Elapso deinceps aliquo temporis spatium, ad mandatum forte Athanasii, Archiepiscopi Alexandrini, cujus mentionem modo injecimus, eandem diligentiam reliquis epistolis Catholicis & Apostolorum Actis impendit, profectusque ad Cæsaream Palæstinæ urbem, secundum exactissima exemplaria, quæ adhuc ibidem in Bibliotheca a Pamphilo martyre & Eusebio Cæsariensi constructa asservabantur, divinorum istorum scriptorum textum excussit, atque juxta ea laborem suum informavit. In Actis nempe Apostolorum & in Epistolis Catholicis, post emendata librariorum errata, textum in lectiones, capita & versus accurate distinxit. Lectiones modo unum caput, modo plura, non tamen æqualis numeri aut quantitatis, complectuntur. Capita duplicis sunt generis, majora alia, alia minora. Illa integrum aliquod argumentum continent, sed quia illud nimis interdu prolixum est, hæc insuper adhibuit, ut, qui argumenti primarii partem aliquam nosse cuperet, integri prolixique capitis lectione haud indigeret. Præter hæc capita, omnium locorum, qui ex Veteri Testamento aliisque tum sacris tum profanis libris citantur, duplicem catalogum texuit, in quorum primo Sacra Scriptura & aliorum etiam auctorum libri quot vicibus laudentur in textu, describit; in secundo vero singula loca iisdem, quibus concepta fuere, verbis recitat. Eundem quoque ordinem servavit in Epistolis Paulinis, nisi quod alia quædam his propria opportunis in locis immiscuit; velut ubi ante omnia prologum confecit amplissimum de S. Pauli gestis ejusque epistolis, in cu-

jus fine antiqui Patris, qui has epistolas in capita divisit, brevem de Pauli martyrio prologum subdidit, una cum appendice, in qua, quot anni ab ejusdem passione tunc præterierint, ipse rursus supputavit. Post lectionum & testimoniorum elenchos, loca etiam, unde datæ, & quorum nomine conceptæ fuerint hæ epistolæ, exposuit, ut alia industriæ haud vulgaris specimina taceamus.

Lectionum vero aliquoties hucusque dum meminimus, ad Editorem nostrum merito benevolum Lectorem alegantur, qui in præfatione eas esse has pericopas affirmat, quas Euthalii tempore Ecclesiæ Alexandrina festis diebus legerit, aut quas ipse in publicis ejusdem Ecclesiæ synaxibus legendas Athanasio, Alexandrino Episcopo, proposuerit. Qua occasione doctam de sacrarum lectionum antiquo usu atque numero commentationem inspergit.

Euthaliani de cætero operis partem primus dedit Franciscus, Cardinalis Ximenius, in Bibliorum editione Complutensi; plura autem ex eo comparent in Oecumenii & aliorum veterum Patrum, commentariis in Apostolorum Acta, inque Catholicas & alias D. Pauli Epistolas a Gisberto, Veronensi Episcopo, Græce evulgatis, nec non in Novi Testamenti editionibus quibusdam celeberrimis, quas solícite enumerat Noster: neminem tamen ante se opus istud integrum adhuc publicasse monet, hujusque rei culpam in librariorum rejicit, qui, cum in hujus Auctoris prologis & programmatibus nonnulla esse viderent a suorum temporum usu abhorrentia, & præcipue ex tot numerorum atque elenchorum laboriosa transcriptione magnum sibi incommodum oriri sentirent, non omnes ejus lucubrationes, sed quas magis necessarias judicarent, illis, quos manu exaraverint codicibus, interdum indicato, sæpius suppresso Auctoris nomine, inseruerint. Ipse igitur ex Regio Alexandrino Bibliothecæ Vaticanæ codice integrum opus cum plurimis optimæ notæ manuscriptis aliis collatum Græce protulit, Latinaque versione exornavit, omissis tamen argumentis tum Actuum Apostolicorum, tum Catholicarum Epistolarum, quæ capitulorum elenchis in omnibus codicibus præfigi equidem agnovit, sed non Euthalii, verum recentioris ejusdani auctoris esse, & a librariorum ejusdem operi inserta fuisse statuit. Codicem deinceps jam laudatum, circa Acta Apostolorum & septem Catholicas Epistolas, contulit cum Argentoratensi Novi Fœderis editione a Jo. Henrico Bœclero A.

1645 adornata, & A. 1660 recusa; in epistolis vero Paulinis cum eo Novi Testamenti exemplari ipsum comparavit, quod Jo. Morinus Romanæ septuaginta Interpretum editioni subjunxit. Imo & varias Regionæ Alexandrini codicis lectiones cum iis contulit, quæ ex eo in Anglicanis Bibliis Polyglottis sacro textui substernuntur, & obvias variationes ubivis sedulo annotavit. Porro & eam lectionum certis diebus in Missâ recitandarum seriem, quæ in codicis Regionæ Alexandrini margine continetur, addidit; sed cum in hoc istarum tantummodo initium ac finis, nulla dierum, in quibus recitandæ, mentione facta, insinuetur, idcirco alios codices Vaticanos in subsidium advocavit, ut suos quosque dies singulis lectionibus apponere nosset. Præterea huic Lectionario alios lectionum liturgicarum indiculos præaddidit, ab iis, quibus nunc Græci in Missarum celebratione utuntur, parum diversos; nec tamen, ubi hi ab hujus ævi Græcorum Lectionariis discrepent, notare omisit, istoque pacto quatuor Ecclesiarum Orientalium Lectionaria variis ex Regionæ Alexandrino codice lectionibus immixta, ac præterea in appendice adhuc aliud ex initio codicis sæpe nominati descriptum, temporibusque, quibus vixit Euthalius, posterius quidem, sed ad nonum tamen sæculum referendum, suppeditavit.

JO. CHRISTIANI ITTERI DE HONORIBUS SIVE

Gradibus Academicis liber.

Francofurti ad Mœnum, sumptibus Frid. Knochii, 1698. in 4.
Constat alph. 4. pl. 8.

Solennes titulos in Academiis publica auctoritate & certis ceremoniis collatos, privilegiisque ornatos, nemo accuratius eruditusque scrutatus est, & ex optimis scriptoribus exposuit, quam viginti quasi ante annos doctissimus Itterus, inauguralis dissertationis argumentum isthoc sumens, quod dein latius explicavit justo de honoribus sive gradibus academicis edito libro. Hunc recensitum, plurimisque ex partibus auctum nunc denuo publici juris fecit, servato eodem ordine & numero capitum, quos in priori adhibuit editione; singulis tamen capitibus ita interpolatis & locupletatis, ut novus omnino & eximius censeretur liber, e quo pauca delibabimus notatu quæ digniora

Ecc 2

gniora

gniora sunt visa. Boetii Eponis Jcti Frisii commentarium *de bonorum academicorum titulo, eorumque origine, progressu atque usu*, a Val. Andrea in Bibliotheca Belgica memoratum, non repertum sibi ait ullibi *p. 7.* Philosophiæ Magistris *Doctorem* titulum non abjudicandum *p. 20.* Licentiatos publice non renunciatos haud quaquam gradus istius dignitate gaudere, ex sententia Argentoratensium *p. 28.* Sibi gradum Licentiatu Gieslæ anno 1678 collatum fuisse *p. 38. 450. 557.* Juris *utriusque* nomine non modo Canonicum & Civile, verum etiam Divinum & humanum comprehendi *p. 41.* Canonici juris recte etiam in Belgio creatos Doctores dici, invito licet Paulo Voetio *p. 48.* Gradus honorum in Academiis receptos, improbatos esse Carolstadio *p. 62.* neutiquam Luthero & Melanchthoni *p. 64.* aut Camerario, etsi is ritus, quibus isti hodie solent conferri, reprehenderit *p. 66.* Sinenses in conferendis iis admodum rigidos esse, & quotannis inquirere in profectus eorum, qui gradus sunt consecuti, hac lege, ut si non profecerint, gradu iterum excidant *p. 84.* Lombardum non a gradu collato, sed quod auctor Sententiarum fuerit, *Magistri* titulum tulisse *p. 89.* Honorum titulorumque academicorum collationem seculi tertii decimi initio usu esse receptam, nec ante ullibi creatum fuisse Doctorem, *p. 102.* Originem graduum istorum quosdam Gallis, alios Anglis, nonnullos Italis, aliquos etiam Hispanis adscribere *p. 104.* Ad Germanos seculo decimo quarto, cum Academiis, morem etiam tribuendi eruditionis exploratæ testimonia esse derivatum *p. 105.* Ab Imperatore aliisque liberis Statibus condi posse academias & conferri gradus, nulla Pontificis Romani ejusque concessionis aut confirmationis habita ratione, *p. 118.* Neque enim academias esse corpora ecclesiastica, nec Cancellarios earum ex ordine sacro esse oportere *p. 121.* Potestatem conferendi academicas dignitates non ad jus sacrorum referendam, sed nomothetico annumerandam esse *p. 134.* Reservata Cæsarea vix posse enumerari aut demonstrari *p. 140.* Collationem dignitatum academicarum pertinere ad Reservata ista *p. 143.* ac proinde a nullo alio Imperii Statu jus esse involandum, ac ne in territorio quidem gradus hos conferentis vires id habere, ab eove renunciatos Doctores privilegiis cæterorum frui *p. 148.* quod etiam de Rege Romano *p. 153.* Vicariis Imperii *p. 154.* & Camera Imperiali sentiendum *p. 158.* Immediate a Cæsaribus, ut Poetas *p. 159.* ita & Doctores creari, exemplis Maximilia-

milianus I. p. 160. & Friderici III. p. 161. patere. Regem Sueciæ Gustavum Adolphum p. 163. & Daniæ Fridericum III. p. 164. & Magnum Ducem Moscoviæ p. 165 Doctores creasse. Frid. Staphylum jussu Pontificis Pii IV per Salisburgensem Archiepiscopum Doctorem esse renunciatum p. 166. Archiduces Austriæ facultate creandorum Doctorum gaudere p. 167. Comites etiam Palatinos eandem auctoritate Cæsarea esse consecutos p. 169. ut Theologiæ etiam Doctores creare possint p. 171. in ipsis quoque academiis p. 173. In academiis gradum conferri posse ab eo, qui ipse gradu isto quem confert, non gaudeat p. 183. Casus posse intervenire, ut in alia academia Licentiati, in alia Doctoris gradus assumantur p. 192. quod duobus insignibus Ph. Nicolai & Jo. Scherbaumii exemplis p. 194. ostenditur. Gradum, quo aliquis jam ornatus est, in alia academia repeti non debere p. 208. non obstante Petri Martyris exemplo p. 209. Cæcos academicis gradibus ornari posse, exemplo Nicasii de Werda patere p. 216. nec fœminas iis excludi, exemplis quibusdam esse manifestum p. 217. Judæos tamen ad eosdem gradus non admittendos p. 224. uti nec atheos & a religione Christiana alienos p. 229. aut facinorosos p. 231. qualis Jo. Christophorus Castricius ob furtum Tubingæ virgis cæsus, & ob istud iteratum Rostochii laqueo strangulatus ibid. & spurios p. 233. si non fuerint legitimati p. 238. Licentiorum & apparitorum filios academicorum honorum esse capaces p. 242. minus eos, qui servi sunt aut homines proprii p. 244. vel certo Religiosorum ordini addicti p. 245. Dignis & eruditione eos merentibus esse conferendos gradus p. 248. nec profundendos in indignos honores istos p. 251 f. 99. Ætatem p. 266. aut annos studiorum non posse definiiri consecuturo academicos gradus, cum ingenia modo tarda sint, modo præcocia, p. 273. Examina seu *διημνάσεις* eruditionis, antequam gradus conferantur, non esse omittendas p. 280. cujus generis examen *vesperiarum* nomine veniat p. 285. Juramento solere obstringi hos, qui honore initiantur academico p. 285. Cancellarii interventu eos in quibusdam academiis conferri, in aliis eum non esse necessarium p. 308. Ordinem candidatorum observari varium p. 314. Vallaradi autem in Academia Complutensi octavum inter competitores locum nacti, idque ægre ferentis, anxietas notatur p. 315. Ritus in promotionibus usitati, evocatio in superiorem cathedram, libri apertio & oclusio, birreti impositio, ejusque color, annuli aurei collatio, ofculi

osculi infixio, explicantur *p. 317*. Plerosque Pontificum Romanorum
 cuidam deberi *p. 323*. nec omnes esse absolute necessarios *p. 325*. Absen-
 ti gradum posse conferri *p. 330*. Altorfinæ Academiæ jus creandi Docto-
 res Theologiæ anno 1697 fuisse a S. Cæs. Majestate concessum, ab ea-
 que exercitum *p. 343*. Constitutionem Friderici III. Imp. Jureconsul-
 tis iniquam, non fuisse receptam, & autorem ejus esse incertum *p.*
355. Jureconsultos immerito laborare multorum odii *p. 363*, cuius quæ
 sint causæ, edisseritur *p. 369*. Ordo Facultatum in Academiis, & jus præ-
 cedentiæ ex impetratis gradibus competens *p. 378. seqq.* excutitur. Do-
 ctiores vere esse Nobiles *p. 396. seqq.* & gradus academicos ab illustri-
 bus hominibus non fuisse spreto, exemplis recentioribus Regis An-
 gliaë Wilhelmi III, Electoris Palatini Caroli, Oliv. Cromwelli, Ducis
 Hanoverani, Albretani & aliorum patere *p. 408*. Nobilibus tamen præ-
 Doctoribus præcedentiam tribui *p. 412*. Doctoribus non jus quidvis
 docendi conferri *p. 427*. Responsa Jctorum quam & olim habuerint
 & hodie habeant auctoritatem, *p. 430*. Armorum seu gladii gestandi u-
 sum Doctoribus competere, *p. 439*. insignium item cum apertis galeis
p. 444. & vestimentorum istis quæ nobili genere nati gestant non in-
 feriorum *p. 448*. Patriam autem potestatem gradu academico non
 solvi *p. 464*. Exemptionem ab oneribus isto ornatos consequi *p. 466*.
 Sumtus in gradus impenso filium non teneri in hæreditate conferre
p. 471. Doctorem opifices cum strepitu artem exercentes ex vicinia
 posse expellere *p. 474*. Doctores provocatos ad duellum non teneri
 comparere, unde ortum traxerit hoc ineptum dogma *p. 482*. istud
 item de privilegio competentia *p. 485*. Nudam Doctorum promissio-
 nem juramento non æquipollere *p. 491*. Ab incarceratione quatenus
 iidem sint immunes *p. 493*. & a tortura *p. 499*. ac graviore pœna *p. 504*.
 Bullatos Doctores, seu a Comitibus Palatinis creatos, iisdem privile-
 giis cum Academicis frui *p. 512*. nec a Camera Imperialis officiis esse
 exclusos *p. 530*. Licentiatos iisdem frui privilegiis quibus Doctores
p. 548 Per Doctores & Professores in Jure Justiniano intelligi solum
 ex Doctoribus hodiernis eos, qui docendi munus sustinent *p. 566*. Do-
 ctiores cum militibus & nobilibus non iisdem gaudere privilegiis *p. 561*.
 Collatos gradus academicos contra temeratores asseri in judicio &
 vindicari posse *p. 570*. Probandorum eorum varios modos esse *p. 279*.
 Tempore necessitatis cessare privilegia doctoralia *p. 593*. Exui dignitate
 do-

doctorali hos, qui supplicio capitis afficiuntur p. 597. non æque imperitos & ignavos p. 601. Procuratoris, Secretarii, & similia officia non obfuscare dignitatem doctoralem p. 603. nec mercaturam p. 609.

Libro huic tres appendices adjecit Auctor, quarum *prima* ex Academia Gieslensis statutis eos titulos exhibet, qui promotiones academias spectant; *altera* doctissimi viri Erici Mauricii orationem de origine honorum academicorum, Kilonii A. 1666 habitam, cum sub inaugurationem Academiae istius supremum Doctoris gradum Rachelio, Martino & Pellicero conferret, sistit p. 27. in qua, primam graduum originem Galliae ac Parisinae academiae, & seculo decimo tertio, ejusque inter 1223 & 1231 interjectis annis, deberi asserit; *tertia* Gotlibii von Hagen, (nam hoc nomine auctorem vocari in libro suo Iterus innuit p. 396.) Equitis Megapolitani discursum de natura ac statu verae Nobilitatis & Doctoratus juris, Hamburgi ante complures annos editum iterum profert, cum nonneminis hinc inde adjectis stricturis; e quibus quid contra Hagenum istum, qui Doctorum nobilitatem professi opera impugnat, clarissimus Iterus disputet, & quibus in locis eum refellat, cognoscitur.

MARSUPIALIS AMERICANI ANATOME, IN COLLEGIO GRES-
*bamensi exhibitae ab EDUARDO TYSON, M.D. Collegii Medicorum
ac Societatum Regiae Socio, & Anatomia apud Chirurgos
Londinenses Professore.*

Excerpta e Philosophicis Actis (Transactions) Anglicis Mensis
Aprilis 1698. N. 239.

ANimalis hujus exotici, quod e Virginia Londinum vivens non modo adductum, atque a Will. Bird, Equite, Illustrissimae Societati Regiae Anglicanae oblatum, sed & ab hac aliquamdiu enutritum fuit, varia prius commemorantur nomina, quam *auctor Clarissimus* ipsam ejusdem conformationem, tum externam, tum internam describere exactius aggrediatur. In Brasilia namque, testibus Marggravio & Pisone, a littoralibus *Cariguyea*, a mediterraneis *Jupatiima* vocatur; Franc. Hernandez cum Indis *Tlaquatzin*. Anton. Herera *Taquatzin*, & moderni Hispani, ex Nierenbergii annotatione, corrupte *Tlaquatim* illud appellant; Maffeo & Barlæo *Cerigo*, *Sarigoy* Lesio, Stadio *Servoy*,

Servoy, Cardano & Oviedo *Chiurca*, in Virginia *Opossum* vel *Opassum*, Rajo cum Anglorum nautis *Possum*, Gesnero *Semivulpa*, & *Vulpi-Simta* Aldrovando idem audit. Nostro tamen Anatomico dexterrimo *Marsupialis Americani* nomenclatura inprimis arridet, quod a ventris infimi marsupio, quo catuli ejus ab omni periculo defendendi recipiuntur, ex eoque pro lubitu rursus emittuntur, tanquam parte animali huic prorsus peculiari, desumatur, alioque insuper epitheto limitari queat facillime, si diversæ fortassis animalium ejusmodi crumenatorum reperiantur species.

Quod a Wilkino & Raio canibus, gliribus autem a Pisone annumeratur animal, cum Cardano *Autor* e genere potius mustelino seu verminco esse reputat, certo nihilominus tum demum determinaturus, quando marem itidem observandi fuerit occasio; præsens enim subjectum, depingendum nunc æque ac describendum, formella existebat. Scilicet cum nulla apud Autores hujus animantis occurrat figura vitii omnis expert, *Noster* ad vivum delineari (Fig. 1.) illud curavit, cujus a naso ad caudæ usque extremitatem dimensio triginta pollices & unum; caput sex pollicum longitudinem; cauda unum pedem, ac peripheria corporis quindecim pollices cum dimidio adæquare deprehendebantur, licet vivum ac sanum majorem præse tulerit crassitiem. Crura anteriora sex pollices, posteriora vero crura quatuor tantum pollices ac dimidium notabantur longa; crassities caudæ juxta radicem trium erat pollicum, in extremo autem pollicem solummodo unum attingebat; caput circa aures latissimum conspiciebatur, in syncephite ab una aure ad alteram tres obtinens pollices, successive hinc nasum versus decrescens, sicque porcelli magis, quam vulpis caput referens; palpebrarum rima haud lata, nec horizontaliter, sed in linea recta ab auribus ad nasum excurrebat. Aures unum circiter pollicem ac dimidium longæ erant, non acutæ, sed rotundæ; rictus oris ab unius lateris angulo ad extremum usque nasum duos pollices cum dimidio continebat.

Sicuti autem Marggravius circa crura aberrat, dum anteriora horum breviora posterioribus asserit, ita pariter nec ea, quæ de quinque pedum digitis instar manuum profert, autopsiæ udiquaque respondebant. Pedum quippe anteriorum quinque digiti longi æqualiter inter se locabantur, in extremitate unguibus curvis instructi; sed posteri-

TAB. X.

TAB. X

Fig. 2.

Fig. 1.





Fig. 4.



Fff

ter.

1891

steriorum quatuor tantum digiti unguibus incurvis armabantur, quintus vero pollicem humanum perfecte æmulabatur, ceu brevior ac in aliqua distantia a reliquorum digitorum ordine positus, nec non tenui & plano ungue, qualem *Figura 1. & 4. lit. a. a.* exprimit, coopertus. Quæ crurum & unguium conformatio multum omnino animali confert, ut pro captandis avibus, quibus præter alia vescitur, incredibili pernitate arbores, ex Historiæ Mexicanæ aliorumque observatione, possit scandere, in quantum manibus quasi crurum posteriorum atq; quatuor digitorum ungulis aduncis melius amplecti arbores, anteriorib9 autem cruribus longioribus longius progredi, ramisq; interventu curvorum ac robustorum unguium, firmitus inniti valet; præterquam quod cruribus posterioribus, in modum manuū efformatis, ramus arboris istius, cui animal circumvoluta cauda se adpendit ac in quem denuo se elevare nititur, commodius apprehendatur, quam ubi pollices desint.

Digiti isti, pilis denudati ac cute rubicunda stipati, unum excedebant pollicem, quem pollices inferius locati fere æquabant. Palma ubivis, præsertim dilatata, uti scandendum inter, lata existerat, apta tamen etiam, quæ inter ambulandum contraheretur. In hac circa cujuslibet digiti radicem securitatis ergo protuberans aliquod carneum & ferme cartilagineum occurrebat corpus. Quæ alimenta assuñit, in os pedibus anterioribus, cercopithecæ vel sciuri adinstar, ingerit.

Cauda non minus, ac digiti, carebat pilis, modo parvum, spatium prope radicem ejusdem excipitur; successive autem a radice apicem versus decrescens regulari quodam squammularum albicantium & oblongo hexagonarum ordine tegebatur, quæ colubrinis quidem, juxta Historiam Mexicanam persimiles, non tamen æque, ac in viperæ cute, sibi incumbabant, sed singulæ potius integræ una cum tantillo cutis sive membranæ, cui insiguntur, apparebant intermedio. Et ratione harum squammularum ipsa etiam cutis, coloris in se obscurioris, magis albicabat.

Uti digiti & cauda nudi, ita auriculæ pariter glabræ existebāt, & juxta Historiam Mexicanam, tenuissimæ mollissimæq; ac pene translucentes, coloris & substantiæ intuitu membranam alarum vespertilionis referentes, erectæ nihilominus, neutiquam vero acuminatæ seu in apicem

terminantes, prout a nonnullis describuntur, sed circularis magis sive ovalis figuræ. Tanta siquidem teneritate ac mollitie gaudebant auriculæ, ut similis substantia cartilaginosa, qualis plerumque in aliorum animalium auriculis habetur, nulla hic perciperetur, quasi vel ex duplicata solum membrana tenui, vel saltem ex cartilagine simul multo delicatiori, quam in reliquis animantibus, essent contextæ. Concha seu transitus ad meatum auditorium satis notabatur capax; rima vero auriculæ tunc, quando animal male se habere incipiebat, aliquantum contractior advertebatur, & cum moriretur, tam corrugata, ac si penitus exaruisse, li mbumhaud lævigatum, sed serratum constituens.

Maxilla superiore longitudine inferiorem paulo superabat; nares, annuente Marggravio, cernebantur patentes; oculi nigri, parvi, viridi & exerti, cum viveret, sed in mortuo multum collapsi; cervix brevis, ac pectus latum; barbam alebat felinam; pellis faciei contractior & candidior erat reliqua corporis. In dorso & circa latera pellis cinereo gaudebat colore, seu pilis nigris in areas digestis, cum albis interspersis, speciatim in dorso, cingebatur; in ventre colorem magis fuscum, quemadmodum in cruribus obscuriorem, obtinebat. Longiores pili, qui & crassiores, trium pollicum longitudinem æquabant, circa extrema candidi, secus ac Historia Mexicana & Hernández tradunt, pilum longum & candidum, sed circa extrema fuscum & nigrum memorantes.

Verum partes inter externas, hætenus indigitatas, & internas, mox lustrandas, medium quasi locum occupabat singularis illa, quæ in alia animantium nondum deprehensa fuit specie, *bursa* videlicet in ventre imo ad catulos tuendos mirabiliter extructa, *Marsupii* titulo a *Nostro* insignita; quemadmodum *Mantica* a Pisone, *Crumena* a Cardano, *Ventrale Marsupium* ab Oviedo, a Joh. de Laët *Asium sub ventre pendulum*, *Pellicanus saccus* a Fr. Ximenez seu hujus Translatore, a Jul. Cesare *Scorrum subventrale*, a Petro Martyre *Uterus exterior*, a Benzone *Venter alter* &c. consuevit appellari. In medio enim abdomine inferius circa posteriora crura notabatur rima (Fig. 2. & 3.) duos pollices longitudine excedens, majoris tamen extensionis, ubi digitis dilatabatur, etiam in vivo animali capax. Hocce nempe burse os ita claudi, ut non appareat, nisi duobus digitis ab invicem distendatur, Marg-

Marggravius æque vere innuit, ac quando generalem ipsius marsupii descriptionem sistit: *Mirum autem animal*, inquit, *nam in infimo ventre prope crura posteriora pellis ejus dupla est, & exterior rima duos & semia digitos longa, facitque quasi Bursam, quam Brasiliiani vocant Tambeio, pomi Aurantii majoris capacem. Est autem Bursa hæc intus pilosa*; pilis puta perquam raris, cutim neutiquam obtegentibus, consista. E contrario ex utero inferius ostendendo hallucinationis sine negotio convincuntur, quotquot pro utero ipso marsupium tale venditant, nec alium uterum inveniri ex frequentibus etiam animalium horum dissectionibus affirmant; in præsentem mirandam potius marsupii rimari placet structuram, catulis omnino tutamenti ergo nunc recipiendis, nunc emittendis, juxta Zoographos omnes, accommodatam. In hac siquidem musculos, marsupium aperiennes & claudentes, mox perpendere convenit, ubi duo peculiaria illa ossa, quæ in aliorum animalium sceletis frustra quærentur, quæque ab usu Ossa Marsupialia seu Janitores Marsupii merentur dici, prius fuerint indigitata.

Ossa hæc Marsupialia (*Fig. 5.*) seu Janitores Marsupii duo robusta existebant ossa, pollices duos longa & superiori ac inferiori ossum pubis margini ita adnexa, ut in basi præcise ad coalitum (b) ossum pubis (a. a.) se invicem contingerent, cum in altera extremitate ad duos pollices & dimidium mutuo distarent. In basi (d. e.) dimidium pollicem lata duo capita habebantur, alterum majus (d.) ad ossum pubis coalescentiam, alterum minus (e.) versus os coxendicis, una cum sinu intermedio, in quo protuberantia quædam ossis pubis recipiebatur. Qua ratione ossa hæc, in ascensu ab ossibus pubis tenuiora & in medio non nisi quartam pollicis partem lata, non tam ad se, nec a se invicem, sed quodammodo introrsum versus spinam, & extrorsum ab hac, poterant moveri.

In quodlibet horum ossium quatuor musculorum paria implantabantur, quintum vero eadem tanquam trochleam transgrediebatur. Primum musculorum par, in prono animalis situ primum secandum ac figuræ ratione triangulare nominandum, ab universa sedis internæ horum ossium longitudine oriebatur carneum, ac tendinibus oppositis in rimam marsupii utrinque inferebatur. Sub musculorum horum parte alterum locabatur par, planum ac tenue, ab interna ossium marsupialium sede superius exurgens ac tendinibus oppositis

parum supra tendines priorum, quarum fibras carneas decussabat, desinens. Tertium musculorum par antè a basi ossium horum, ubi cum pubis osse junguntur, proficiscébatur, terminum postea in linea aspera ossis femoris acquirens. Quartum par prope basin dictorum ossium exterius emergebat, tendebatque in anteriorem ossis femoris partem juxta medium. Par ultimum, cui ossa marsupialia trochleæ vicem præstant, immediate magis ab ipso marsupio enascebatur, super ossium illorum medium ad spinam ossis ilei pergens.

Ad fibras recensitorum musculorum jam attendenti ultro patefcit, marsupium a duobus primis paribus sese contrahentibus dilatari, dum ossa ipsa loco fulcimenti sunt & ratione articulationis appropinquationem mutuam respuunt. A tertio autem & quarto musculorum pari ossa ipsa extrorsum queunt tendi, ne hac ratione tunc, quando animal cauda se suspendit, viscera interna a pondere fœtus in marsupio comprimantur. Quintum ac ultimum par, uti ipsi marsupio dilatando, ita & ponderi ejusdem suspendendo, ubi animal prono capite est, potest inservire, tanto facilius nempe illud retrahendo, si nimium gravitet, quanto magis ejus virtus eo ipso, quod ossa tanquam trochleam transcendat, augetur.

Sed antagonista horum musculorum sphincter deprehendebatur marsupii, ex ovali robustarum fibrarum carnearum serie coagmentatus, tam exacte marsupii orificium constringens, ut nulla ejus, prout jamdum annotatum, pateat rima, nisi digitis prius dilatetur.

Marsupium ipsum membranosum erat corpus, non adeo crassum, e diversis tamen tunicis contextum, vesicularibus corporis partibus, quæ muscoli partim, partim glandulæ munia i. e. motionem æque ac secretionem peragunt, accensendum. Etenim concavitas hujus burse, aliquantum pilosa, humore quodam flavescente, a tunica glandulosa eructato & singularem fœtorem spirante, hinc inde oblinebatur, quemadmodum animal instar Vulpis vel Martis fœtere Margravius etiam aliique observarunt; licet fœtoris loco gratus potius instar musci odor perciperetur, postquam cutis cum marsupio aliquot dies asservata & exsiccata fuisset. Præter glandulosam vero tunicam, cujus intuitu marsupium capsulas inter odoríferas poterit referri, quæ aliæ occurrebant, musculosa altera sive carnea, altera vasculosa, multis vasculis sanguiferis, a duobus ramis mammariis oriundis, irrigata.

Cæ-

Cæterum multis membranis intercedentibus, facile tamen solis digitis separandis, marsupium cum musculis abdominis & cute cohærebat, uberibus omnibus, quæ Autorum nonnulli in eodem somniant, plane destitutum. Nec mammae externis in cute poterant notari, forsân quod præsens animal catulos nondum pepererit, adeoque papillæ, functionis defectu minores, visum omnem effugerent. In quantum interim marsupium, in masculis pariter quod reperiri volunt, a scemellarum hæcenus evoluto præcise discrepet, altum apud eos etiam Autores, qui diversum illud innuunt, est silentium.

E partibus demum internis, quæ considerandæ supersunt, unica adhuc ossa, ab Autore ultimum descripta, propter Figurarum Tabulæ transiuntæ explanationem, liceat contemplari; viscera vero, cum nonnullis ossibus in Tabula altera adumbrata, Tomi III Supplementorum Sectioni IV proxime edendæ reservare.

In capite nimirum, cujus ossibus primus in Osteologia locus debetur, cujusque longitudo quatuor pollices cum tribus quartis æquabat, rostrum (Fig. 4. A A.) tres pollices longum advertebatur, ossaque exacte, ubi rostrum & cranium (bb.) concurrunt, adeo depressa utrinque cernebantur, ut cranium hic perquam esset angustatum ac proportionem totius corporis observata, longe minus, quam in quadrupedum ullo. Circa synciput rostrum unum pollicem erat latum, protuberantia (i.) utrinque instructum. In medio futura (K.) ampla occurrebat, superiora narium ossa triangularia secundum longitudinem dividens. Quamvis autem singula cranii ossa specialius describere tædiosum esset, negligendæ tamen haud veniunt peculiare protuberantiæ cranium a fractura omni egregie defendentes. Protuberantia altera ossæ longitudinalis (ccc) ultra pollicis quartam partem eminens, per longitudinem cranii a syncipite ad occiput in medio, ubi futura alias sagittalis esse solet, excurrerat. Aliæ vero protuberantiæ ossæ laterales, (d.) magis declives, utrinque a processibus styloformibus ad posteriorem occipitis partem oblique ascendebant, in medio vertice cum longitudinali junctæ. In priori protuberantiæ ossæ longitudinali futuræ sagittalis, in posterioribus autem protuberantiis lateralibus futuræ lambdoideæ existerant vestigia, etiam si ossa jam per veram symphysin coaluissent.

Alit non tantummodo cerebrum, verum oculi pariter probe

municiebantur ob osse zygomatico (c. f.) lato admodum & robusto, quod superius quidem tenue & acutum, inferius tamen notabiliter crassum, in latissima parte tres pollicis quartas, in angustissima vero dimidium pollicem exæquabat. Sicuti autem os hocce ex processu altero ossis temporum (c.) & altero maxillæ superioris (f.) resultat, ita pro majori ejus robore processus isti concurrentes mutuo sibi incumbant. Longitudine duorum pollicum & dimidii os idem zygomaticum gaudebat, ad unum pollicem a cranio distans.

In orbita oculi juxta canthum internum largum conspiciebatur foramen (g.) intra nasi cavitatem patens & ductu interveniente, lacrymas seu oculorum humiditates ad nares deferens; quemadmodum ossi pariter maxillæ superioris latum foramen (h.) insculptum erat, vasculis nonnullis transitum ad orbitam oculi concedens.

Cranium, (b b.) quod cerebrum complectebatur, in loco latissimo pollicem unum, in longitudine vero pollicem cum dimidio superabat; sed cavitas ejus paulo ulterius nares versus procedebat, peculiarem quasi fatisque capacem cellulam ibi efformans, pro mammillaribus processibus ac anteriori cerebri parte recipiendis. Os hinc cribrosum foraminulis cribri adinstar notabiliter observabatur pertusum, certeque in organi olfactus gratiam a rostro major capitis portio constituebatur, quam a cranio ipso, veluti interne vix ultra nucis juglandis molem capiente,

Os spongiosum in qualibet narium curiosissime apparebat constructum ratione copiosarum, quibus gaudebat, lamellarum; quo a membrana harum latissima animalium acquirendorum vel fugiendorum effluvia eo copiosiora recipiantur ac percipiantur, sicque odoratus organum in brutis exquisitius, quam in hominibus, quos bruta olfactu præcellere constat, habetur.

Maxilla inferior (l l.) duobus firmis constabat ossibus, quatuor pollices longis ac in mento tantum invicem unitis. Caput utriusque ossis, quod dimidium pollicem latum intra sinum ossis temporum recipiebatur, multumque in articulatione firmabatur, duobus processibus gaudebat, altero anteriori (m.) seu superiori, lato ac tenui, cui musculus temporalis infigebatur, altero inferiori (n.) magis gracili ac in apicem acutum definente; ad quem mandibulæ margo ultra dimidii pollicis latitudinem protendebatur. Interne hic notabilis

bilis erat sinus, ad foramen ducens, quod ipsum ossis maxillæ corpus intrat viamque vasis sternit.

Dentes cuncta tria comparebant genera. Nam in maxilla superiori antè octo tenues locabantur dentes incisores, quatuor utrinque; juxta quos, spatio ad quadrantem pollicis relicto, duo longi dentes canini, utrinque unus, prominebant, ultra dimidium pollicem exerti; his utrinque succedebant tres dentes incisores, anterioribus multo crassiores ac firmiores, & duobus phalangibus dentes molares imitantes, solum quod capita eorum acuminata essent, cum capita molarium dentium, utrinque quatuor, planitiem obtinerent ac figuram ferme triangularem. Neque dentes inferioris maxillæ vel numero, quo itidem viginti quatuor comprehendebantur, vel ordine, sed crassitie tantum paulo imminuta, a dentibus maxillæ superioris recedebant.

Capiti quinquaginta & una vertebræ iustabantur adnexæ, singulari ratione omnes efformatæ: septem videlicet vertebræ cervicis; tredecim dorsi seu thoracis; sex lumborum; tres ossis sacri; atque viginti duæ caudæ. Præter primam tamen vertebram (No. I.) cervicis, Atlantis nomine vulgo insignitam, ac duobus latis processibus transversis, spina nulla, instructam, conformatio reliquarum Sectione IV Tomi III Supplementorum tradetur, quando Fig. 6. 7. 8. 9. & 10. Tabulæ alterius declarabuntur.

Cum vertebris thoracis costæ (Fig. 4. ****) utrinque tredecim cohærebant, quarum septem anteriores cum sternone perfecte articulabantur, posteriores autem sex, veluti nothæ, licet longæ & in principio a vertebris retrorsum versus posteriora crura inclinatæ essent, postea tamen antrorsum versus sternum seu cartilaginem scutiformem reflectebantur. Verarum nihilominus costarum cum sternone connexioni nulla, uti in homine aliisque animantibus, intercurrent cartilago, aut saltem cartilago erat ossea, cum ea costarum portio, quæ sternum attingebat, magis albicaret, quam altera costis vicina & ob vasa sanguinea magis rubicunda. Prima costa unum solum modo pollicem, ejusque cartilago ossea quartam pollicis partem, erant longæ; longitudo hinc costarum successive augebatur, ita ut costa septima trium pollicum, ac cartilago ejus unius pollicis & dimidii longitudinem attingerent. Quatuor denique ultimarum costarum spuria-

rum

rum longitudine rursus successive imminuta, ultima costa unum tantum pollicem ac tres quartas erat longa, nec cartilago ipsius, prout primæ, secundæ & tertiæ nothæ, versus os pectoris excurrebat.

Os pectoris sive sternum pro numero costarum, quæ ipsi jungebantur, septem constabat ossibus. In exortu ipsius cartilago quædam ossea acuta prominebat, a figura cartilago ensiformis (p.) dicenda, ubi altera claviculæ ossis extremas firmabatur; ad sterni autem terminum versus abdomen cartilago potius quædam lata & subrotunda habebatur, cartilago scutiformis (c) appellanda.

Binarum clavicularum (o.) quælibet, unum pollicem & dimidium longa, extremitate altera cum primo sterni ossis seu cartilagine ensiformi, altera vero cum scapulæ spina (r.) prope articulationem ossis humeri sive femoris anterioris jungebatur. Atque operistorum ossium pes anterior cibandum inter commodius ori applicari valet, pariter ac in simiis, quæ itidem cum hominibus ossa talia habent, quibus animalium pleraque alias destituuntur.

Scapula (q.) duos pollices longitudine, latitudine unum pollicem & dimidium circiter æquabat, spina (r.) ejus, licet tenuis, quo propius tamen ad scapulam accedebat, eo crassior & planior evadebat. Intra sinum cervicis scapulæ caput ossis humeri (Fig. 6. a.) recipiebatur, quemadmodum processui ejus, qui Acromium audit, extremitas altera claviculæ adnectebatur.

Os hocce humeri sive femoris anterioris, (Fig. 6.) duos pollices cum tribus quartis longum, crassum extabat ac firmum, spinam (b.) quandam latam & inæqualem antè per dimidiam longitudinem emittens. Extremitate inferiori, (f. g.) qua tibiæ & fibulæ ossa articulabantur, evadebat latius, unius pollicis latitudinem fere attingens, ibique similitudine externe lata protuberantia (c.) gaudebat, sicuti interne magno foramine oblongo, (d.) resultante ab ossiculo illo tenui, quod inferius ab antica ossis femoris parte, ubi majorem latitudinem acquirit, exurgebat, basis (f.) postea hujus ossis parti, cui fibula cohæret, adnexum.

In media præcise basi ossis dicti largus occurrebat sinus, (e.) a tergo longe profundior, ac intra alium tibiæ sinum profundum vergens, ne ossa ista, artissime sic invicem articulata, facile luxentur.

Os tibiæ (T. T.) firmum erat, longum tres pollices ac superius

rius ad pollicis quartam ultra ipsius articulationem cum femore procedens, (V.) inferius autem cum externo tarsi osse iungebatur.

Os fibulæ (W. W.) gracilius existerat, extrorsum magis simulque antrorsum locatum, longitudine tibiæ cedens; superne cum femoris osse, inferne cum interno tarsi osse committebatur. Duo quippe tantum aderant ossa tarsi, (XX.) quorum quodlibet levi sinu, pro capitibus duorum focilium excipiendis, gaudebat. Ossa metatarsi (YY.) quatuor numerabantur vel quinque, cum quinque digitis pedis anterioris combinata. Digitus internus duabus solum articulationibus, sed in extremitate ungue adunco, eoque lato & firmo instruebatur; reliquorum autem quatuor digitorum quivis, ungula incurva æque ac primus armatus, tres obtinebat articulos.

Crura posteriora cum corporis trunco cohærebant adminiculo ossium innominatorum, quæ etiamsi proprie duo tantum hic ossa habeantur, (utrinque nempe unum,) superius intercedente osse sacro separata, inferius autem in osse pubis connexa; communiter nihilominus cuius eorum distinctionis gratia distinctum imponitur nomen, dum superiorem huius ossis portionem os ilium (No. 13 Fig. 5. G G.) inferiorem os ischiū sive coxendicis (J J.) ac anteriorem, ubi coalescunt, os pubis (aa.) appellant. Totius longitudo in linea recta tres pollices æquabat. In osse ischiū acetabulum (ff.) notabatur, capiti posterioris ossis femoris excipiendo inserviens. Profundius in eodem spatium aliquod occurrebat pro fulciendo ligamento; sinus inde quidam extrorsum ducebatur, adeo ut margo acetabuli non perfecte circularis, sed hic loci interruptus esset. Verum ossa maxime hic observari merebantur marsupialia, (cc.) sive Janitores marsupii, superius jam descripta.

Os femoris posterioris, subrotundum & firmum, tres fere pollices excedebat. Os autem tibiæ, (Fig. 4. T. T.) parum incurvatum, paulo maiorem nanciscebatur longitudinem. Nec longitudine ab hoc os fibulæ, (W. W.) magis rectum ac gracile, recedebat, quod pedem versus cum calcis osse, quemadmodum tibia cum talo sive astragalo articulabatur. Duobus enim his ossibus tarsus (x x.) constabat, cui porro ossa metatarsi (yy.) atque his demum digitorum phalanges (z) committebantur. In digito interno sive pollice duo tantum articuli, in reliquorum autem quatuor digitorum quolibet

G g

bet

bet tres numerabantur. Pollicis extremitas planior erat extremitatibus aliorum digitorum; pollex siquidem, uti jamdum indigitatum, planum habebat unguem (æ.) instar pollicis humani, in reliquis autem unguis longus existerat atque incurvus. Cæterum in articulatione cujuslibet internodii digitorum, tum in anteriori, tum posteriori pede, duo ossicula parva, quæ sesamoidea vocant, detegebantur inferius.

Explicatio Figurarum Tabulæ X.

Figura 1.

Conformationem externam figuramque *Marsupialis Americani* ad vivum delineati representat.

Figura 2.

Rimam sive orificium marsupii, quod catuli inhabitant, usque dum ipsumet victum quærere valeant, exhibet.

Figura 3.

A. Marsupium ostendit inversum, quo pili, idem obtegentes meliusque catulos foventes, appareant.

B.B. Duo crura posteriora resecta.

C. Foramen ani, communem exitum recto, vesicæ urinariæ atque utero præbens.

D. Principium caudæ.

Figura 4.

Skeleton seu Ossa hujus animalis monstrat.

a a. Rostrum.

b b. Cranium cerebrum comprehendens.

c c c. Protuberantia ossea longitudinalis, per longitudinem cranii & portionem rostri excurrans.

d. Protuberantia ossea lateralis, instar suggrundæ ultra occiput posterius procedens.

e f. Os zygomaticum. (e.) Processus ejus ab osse temporum, & alter (f.) a maxilla superiori.

g. Foramen in orbita oculi juxta canthum internum intra nares patens ac ductus adjumento lacrymas sive humiditates oculorum in easdem deponens.

h. Foramen in maxilla superiori pro vasorum transitu.

i. Protuberantia ossis frontis.

k. Sutura ossium narium.

l l. Maxilla inferior.

m. Pro-

- m. Processus superior maxillæ inferioris,
 n. Processus inferior maxillæ inferioris.
 o. Clavicula unius lateris.
 p. Cartilago ensiformis primi ossis sterni.
 q. Os scapulæ.
 r. Spina scapulæ.
 S S S S. Ossâ femoris cunctorum pedum.
 T T T T. Tibia sive focile majus omnium pedum.
 u u. Portio tibiæ in crure anteriori ultra articulationem protensa.
 W W W W. Tibula sive focile minus omnium crurum.
 x x x x. Ossâ tarfi.
 y y y y. Ossâ metatarfi.
 z z z z. Digiti.

a a. Pollices in pedibus posterioribus.

No. I. Prima cervicis vertebra, Atlantis nomine veniens.

2. 3. 4. 5. 6. 7. Secunda, tertia, quarta, quinta, sexta & septima cervicis vertebra,

8. Prima vertebra thoracis.

9. Prima vertebra lumborum.

10. Prima vertebra ossis sacri.

11. Prima vertebra ossis coccygis sive caudæ.

12. 12. 12. 12. Spinæ in interiori caudæ parte.

13. 14. Os innominatum, in quo (13) Os ilium, & (14.) Os ischiæ sive coxendicis.

15. 15. Ossâ Marsupialia sive Janitores Marsupii.

* * * *. Costæ tredecim.

○. Cartilago scutiformis.

Fig. 5. ossium marsupialium situm exprimit.

a a. Ossâ pubis.

b. Coalitus ossium pubis.

c c. Prima ossâ marsupialia sive janitores marsupii.

d. e. Basis ossium marsupialium, qua ossibus pubis junguntur. (d.)

Basis capitulum internum. (e) externum.

f f. Acetabulum pro capite ossis femoris recipiendo.

g g. Os ilium.

h h. Vertebrae ossis sacri.

Ggg 2

II. Os

11. Os ischii sive coxendicis.

Figura 6. Os femoris anterioris quoad partem anteriorem depingit.

- a. Caput femoris, scapulæ adnexum.
- b. Spina lata & inæqualis, dimidiam hujus ossis femoris longitudinem emetiens.
- c. Protuberantia hujus ossis exterior.
- d. Foramen seu via lata.
- e. Sinus pro capite tibiæ excipiendo.
- f. g. Basis sive extremitas inferior ossis femoris.

CHRISTIANI RORTHOLTI S. THEOLOG. D. ACADEMIÆ Kiloniensis, dum viveret, Pro-Cancellarii & Professoris primarii, PAGANUS OBTRACTATOR, sive de Calumniis Gentilium in veteres Christianos.

Kilonii, sumtibus Joachimi Reumanni. Prostat Francofurti & Lipsiæ apud Jo. Sebastianum Richelium, 1698, in 4. Alph. 4.

TRiginta jam anni effluxere, quod autor libri hujus, Theologus πολλῶν ἀντάξιος ἄλλων, tractatum de *Calumniis Paganorum in veteres Christianos sparsis* Kilonii publicavit. Hoc cum brevius & leviori velut brachio nefanda convitia, quæ in Christi cultores olim Pagani sparserunt, recensuisset & confutasset; argumentum istud postea ex scriptoribus veteris ecclesiæ, in quibus evolvendis Vir laudatus fuit assiduus, plenius persequi atque augere sustinuit, ita ut tribus libris eruditus id absolverit. Quod post fata τῷ μακαρίῳ, filius ejus haut degener, Vir juvenis clarissimus Sebastianus Kortholtus, antiquitatis ecclesiasticæ studiosorum bono nuper publicavit. In primo libro de origine & natura Christianismi ex impia cavillantium Ethnicorum sententia agit: ut de Christianæ religionis novitate a Paganis objecta, de doctrina Christiana ex poetarum lacunis scitisque philosophorum hausta, de Christianismo ex Judaismo prognato, de religione Christiana ex Judaica pariter & Gentili conflata, de odiosis apud Gentiles novis peregrinisque sacris, de Hæreticorum portentosis dogmatibus impiisque facinoribus sinceris Christi cultoribus imputatis, de sectarum apud Christianos diversitate, de doctrina Christiana, rei-

reipublicæ statui nequaquam conveniente, de doctrinæ fidei incertitudine & vanitate ex mente Paganorum, de credulitate Christianis vitio data, de stoliditate, stupiditate & ἀπιστία fidelibus objecta, de barbaro incultoque Christianorum doctorum stylo, de Sibyllistis, de ficto per calumniam oraculo quod Christianismi interitum prænuntiaverit. *Libro secundo*, cultum veterum Christianorum publicum, Gentium maledicentia sugillatum exhibet; puta Onolatriam, Uronolatriam, Heliolatriam, Ædolatriam, Serapidolatriam, Stauro-latriam, Christolatriam seu ἀνθρωπολατρείαν, Martyrolatriam Christianis affictas: occulta & nocturna sacra clandestina, ut & atheismum quoque, ipsis objecta. *Tertio libro*, de vita & moribus Christianorum veterum a Gentilibus maligne exagitatis agit, eorumque innocentiam erudite vindicat, atque Gentilium criminationes omnes diluit. Singulis jam enarratis libris & capitibus summaria tractationis præmittuntur, indicibus rerum & verborum subiectis.

HISTORIA DELL' ORIGINE DE' SASSONI

i. c.

HISTORIA ORIGINIS SAXONUM, AUTORE JO. ANDREA ANGELINO BONTEMPIO Persino.

Perusæ, apud Constantinum, 1697. in 12. plag. 10.

Libelli præsentis, qui Illustri Magliabechio curante ad nos pervenit, Autor Nobilissimus Dresdæ olim in aula Electorali commoratus est: ubi cum famosæ istius rebellionis, quæ in Hungaria contigerat, Historiam composuisset, eandemque aliquando D. Joh. Georgio II Electori in conclavi, quo effigies Serenissimorum Saxonæ Ducum & Electorum decoro ordine depictæ prostant (*Galeriam* vocant) forte tum deambulanti exhiberet; Serenissimus quidem Princeps pergratum id sibi acceptumque fore testatus est, si Domus suæ Illustrissimæ origines, tantorumque Heroum res gestæ Italica lingua parique orationis nitore exponerentur. Accinxit ergo huic se Noster labori, & adscitis in subsidium historiarum monumentis, qualia Saxo Grammaticus, Albertus Cranzius, Petrus Albinus aliique reliquerunt, de *Origine Saxonum* commentatus est. Contigerat interim, obire diem suum

Ggg 3

Ele.

Electorem, quem clementiæ benignitatisque vocat fontem; quam ob rem liber, redeunte in Italiam Bontempio, in tenebris hæctenus delituit, usquedum Insensatorum Academia adscriptus idem prælo ipsum nuper committeret. Atque hæc de occasione, quæ nata doctissimo Autori ad scribendum fuit, ex ejusdem Præfatione memorasse suffecerit. Opusculum ipsum ab ultima, nec idoneis fortasse testibus ubique firmanda antiquitate exorsus, ad ea usque decurrit tempora, quibus Saxonum gens in sex familias abiisse, & stirpes constituisse Capetinam, Wetinensem, Saxonicam, Ringelheimensem, Montisferratensem, & Allobrogicam vulgo traditur. Cum enim de origine saltim Saxonum scribere constitutum esset Autori, non progressus ulterius & adpropinqua magis tempora, in illa substatit notabili divisione. Utitur vero orationis genere florido, verbisque cum primis sonantibus, & narrandi quadam sublimitate, inseritque data subinde opera, præter digressiones varias, Regum Ducumque nunc milites cohortantium, nunc pacem facientium aut fœdera, conciones, quibus decore confectis, ut asperiora illa remotissimi ævi percurrentes amoenis velut diverticulis detineret, opusculum distinxit.

JACOBI A MELLEN, LUBECENSIS, SYLLOGE NUMMORUM ex argento Uncialium, vulgo Thalerorum seu Imperialium, quos Imperatores & Reges Romanorum, nec non Austria Archi-Duces signari jusserunt.

Lubecz, apud Petrum Bœckmannum & Jo. Wiedemeyer, 1698, 4.
Constat Alphab. 1. plag. 4. & plurimis iconismis zincis.

DUdum est, quod Plurimum Reverendus Auditor, Ecclesiastes hodie in patria Lubeca meritissimus, & in consignandis Novis, quæ ibidem singulis mensibus hoc anno publicari cœperunt, *Maris Baltici & Septentrionis Literariæ*, cum aliis Viris Nobilissimis Clarissimisque strenue occupatus, edendos abs se cum Commentario Historico Thaleris, qui vocantur, cujusunque generis, in Specimine peculiari Erudito Orbi significavit. Fidem ergo publice datam liberaturus, primam nunc istius operis partem exhibet, & eam quidem singulari ornatam præfatione, in qua de Germanorum nummis nonnulla disserit. Antiquissimis nempe temporibus signati apud eos æris usum haud

haud fuisse, sed rerum potius obtinuisse permutationem autumat. Deinde primis a nato Servatore seculis eos, qui Romanis viciniore vixerint, vel etiam ad Rheni & Visurgis ripam victricibus eorum armis succubuerint, Romanæ paulatim assuetos pecuniæ, denarios aliosque illorum nummos, & maxime ferratos bigatosque adhibere consuevisse, usquedum monetam imaginem & literas habentem, uti Dagobertus in diplomate foundationis cœnobii Wissemburgensis loquatur, eudere didicerint. Istos vero Germanorum nummos passim sub Scellidorum ac Denariorum nomine venire observat: plenam autem illorum accuratamque notitiam haberi negat, cum, licet e Gallis æque ac Germanis aliqui eosdem describendos sumserint, plurimi tamen adhuc supersint, vel non visi hactenus, vel neglecti eruditibus, cuncta alia potius curantibus, quam ut abstrusas sæpe numismatum horum literas, figuras, cruces, templa, turres, insignia, alas, arbores, vexilla, pisces, & innumera id genus alia sive symbola sive ænigmata in iis occurrentia interpretentur. Parem, aut fere deteriorem cum hisce sortem expertos dolet nummos bracteatos, quanquam hodie sint, qui diligentiam paulo curatiorem circa eos adhibuerint, quos inter clarissimum imprimis Olearium celebrat. Cæterum diversæ quantitatis varique moduli hos Germanorum nummos olim fuisse, imo ad eam tandem magnitudinem excrevisse dicit, ut aucto indies argenti pondere, unciales evaserint. Factum istud seculo exeunte decimo quinto statuit, quo primum quidem habito solius quantitatis respectu, *Grossi crassiores* aut *Floreni*; sed deinceps sub initium sequentis decimi sexti a valle Joachimica, notissimo illo Bohemiæ loco, ubi signabantur, *Joachimici*, *Vallenses*, & *Thaleri*; ultimo vero ab auctoritate Imperiali huic monetæ generi concessa *Imperiales* vocati fuerint. Horum aliquos jam A. 1429 sub Alberto Austriaco, Sigismundi Imp. genero, cufos perhiberi; sed hos hactenus a se nondum visos fatetur; prout & nuspiam illius Moguntini archetypum conspexerit, qui in libello quodam vernaculo, Hamburgi A. 1631 impresso, annum 1438 præ se ferat. Antiquissimos igitur, sibi quidem oblato, pronunciat, quos Sigismundus, Archi-Dux Austriæ, A. 1484 & sequentibus signari iusserit. Nam utut habeantur argentea hujus ponderis numismata, vultum Maximiliani I Austriaci & Mariæ Burgundicæ referentia, quæ annum 1479 exhibeant, haud tamen eorum ætatem hujus anni numero respondere, sed poti-

potius ex recentiori literarum ductu, ex Magnanimi titulo, quo Maximilianus ibi gaudeat, aliisque id genus argumentis colligit, ista posterioribus demum annis in memoriam Serenissimorum, quos ostendant, Conjugum procusa esse. Hoc interim monetæ genus qui delinearent aut describerent, non defuisse quidem monet, & non varios modo libros, quos appellat, monetales tam Belgico quam Germanico sermone editos recenset, sed alia quoque curiosorum ingeniorum eidem se labori addicentium monumenta laudat; ast plura tamen in iisdem adhuc desiderari, simul indicat. Sibi igitur defectus hos supplendos sumsit, ac de Imperialibus quibuscunque ita differere instituit, ut non tam monetariorum more de materia, pondere & valore sollicitum se gerere, quam historice potius, habita insimul genealogiæ ratione, nec prætermissa insignium doctrina, negotium hoc exequi velit.

Hac tamen vice nonnisi tales in medium producit, qui iussu *Imperatorum, Regumque Romanorum, & Austria Archiducum* cuspis prostant; unde exorsus a Maximiliano I Imperatore ad Augustissimum usque Leopoldum nostrum progreditur. Equidem nummum Frederici III quoque effigiem una cum Maximiliano representantem, primo statim loco apponit, sed hunc, utpote anno demum 1531 culum, eorum, quos præferat, Imperatorum ætate multo recentiore, nec etiam usuali monetæ, verum augustioribus illis numismatibus, quæ Galli *Medaillons* vocent, accensendum, & ea duntaxat causa heic abs se collocatum esse iunxit, ut de Frederico hoc Imperatore quædam dicendi captaret occasionem, quam aliorum hujus Principis numismatum ex argento uncialium defectus neget.

Ut autem de Commentario, quem singulis Thalerorum singulorum iconismis Auctor Plurimum Reverendus subjecit, Benevolo Lectori paulo constet penitus, quædam notatu digniora speciminis in locum inde decerpemus. Thaleros Maximiliani I excutens, Num. III. quendam sistit, qui inter alia sequentes refert literas: XP. AC. A. REG. R. HER. Q. quas nec per *Germania ac aliorum Regnorum Rex*, nec *Christianitatis Advocatus*, nec *Christianorum ac aliorum Regnorum Rex*, heresque, nec *Christianorum ac Americanorum Regnorum Rex* &c. interpretandas, sed, advocato ex altero latere titulo, sic legendas esse vult: *Maximilianus Dei Gratia Romanorum Rex Semper Augustus*
Cfri-

Christianissimus, ac aliorum Regnorum Rex Haresque. Num. IV alium affert, qui cum Maximiliani nomine *Imperatoris* titulum sociat, & hunc ab isto non anno demum 1512 in comitiis Colonienfibus assumptum, sed jam A. 1508, cum Tridenti ageret, a Julio II Pontifice ei datum esse existimat. Num. VI inquit in causas, ob quas Maximilianus *Dominum terrarum Occidentis Orientisque* se vocaverit? & per terras Occidentis Belgium, Burgundiam aliasque provincias hæreditarias, per terras Orientis autem Hungariæ regnum A. 1490 ex parte acquisitum, & quæ eo pertineant, intelligit.

Hinc ad Caroli V thaleros contemplandos pergit, & ante omnia illum describit, qui sequens distichon legendum dat:

Tecum regna Deus partitus, ut imperat astris

Ille, regenda tibi sic sola cuncta dedit.

E quo tamen apparere ait, nummum hunc non ab illo ipso, sed in honorem ejus ab alio quodam cudi factum, cum ægre sibi persuadere quis possit, Imperatorem tam arroganter de se fuisse locuturum; quinimo, si vel maxime tanto uti fastu voluisset, dicere potius eundem in prima persona debuisset: *Mecum regna Deus &c.* Circa secundum hujus Imperatoris nummum uncialem hærens, duas columnas & verba, PLUS ULTRA, considerat, symboloque isto Carolum respexisse statuit ad geminam victoriam A. 1535 reportatam, Goleta & Tuncto in Africa expugnatis, utpote qua ultra mare mediterraneum & utramque Herculis columnam victricia arma protulerit. Ad sequentem, qui tertius ejusdem est, coronam Imperatoriam, nova penitus forma a Carolo V gestari coeptam delineat.

Primus Ferdinandi I thalerus occasionem Auctori subministrat dispiciendi, quid sibi velit vox VERTINA in inferiori limbo ornatus equi, cui Ferdinandus insidet, conspicua? Ubi eum imitatum putat avum Maximilianum, qui solitus fuerit in simili equi sui tegumento his verbis Germanicis uti: *Halt Mass in allen dingen*; parili proin ratione hariolatur, literas ignotam illam vocem VERTINA constituentes reliquias esse Symboli: *Vt fert diviNA voluntas*; cujus dicti cætera elementa partim interplicaturas equestris tegumenti lateant, partim vero ab altero equi latere extantia concipienda sint. Ad latus huic jungitur nummus, qui una facie Virum barbaturum & mitratum, dextra sceptrum tenentem ac e porticu prospicientem, inferius

Hhh

au-

autem hæc verba sūtit: ISAIE. VII. CA. ECCE. VIRGO. CONCIPIE. ET. PARIET. FILIV. ET. VOCABIT. NOMEN. EIVS. EMANVEL. NOBISCV. DEO. In hoc etsi neque nomen Ferdinandi, nec anni numerus ad tempora illius pertinens appareat, nihilo tamen secius, si aversam partem, verba: *Archidux Austria, Dux Burgundia & Carinthia* allegantem, scutumque majus torque aurei velleris cinctum, & *Austria, Burgundia, Hab. burgi, Legionis, Castelle, Arragonia & uiriusque Sicilia* tesseras complectens, ac decem tandem parmulas, quæ scutaria *Austria Carinthia, Tirolus, Carniola, Alsatia, Burgundia, Würtembergici Ducatus, Superioris Austria Styriaque* symbola comprehendant, intueri volueris, nullum superesse putat dubium, quin ad Ferdinandum ille referendus sit. Sed circa allegatum Esaiianum dictum Oedipo opus esse monet, ac non adeo facile conjici posse fatetur, quem in finem Ferdinandus illustre hoc V. T. de futura *ἰστορία* Filii DEI vaticinium nummo suo inscribi fecerit. Senem porro e porticu prospicientem non pro Ferdinando sane ipso habendum, cum neque ætas, neque habitus id permittat; nec pro Esaiâ Propheta reputandum, cum eidem neque sceptrum, neque cidaris conveniat. Davidem ergo forte designari suspicatur, a quo Virginem illam *θεοτόκον*, quam oraculum commemorat, genus suum duxisse constet; at ejus tamen cum nulla in nummo uspiam occurrat mentio, non habere se, quid de ænigmate hoc statuat, ingenue profitetur. In septimo ejusdem Imperatoris nummo literas K. B. quas inde a Ferdinandi ævo usque ad nostra tempora in plurimis Imperialibus conspici observat, primum obvias deprehendens, significari iisdem notat locum aliquem Hungariæ largo præstantioris metalli proventu nobilem, & *Keris Rith*, seu quod aliis placeat) *Kremitz Bania*, vel etiam *Kapnick Bania* dictum.

Tacemus plures observationes alias, quas circa subsequentes Imperiales cumulat, jucundas non minus, atque utiles; eas namque sigillarim referre, longum nimis foret. Apprecamur potius Austrii celeberrimo & vires & otium, quo classes nummorum uncialium reliquis parili industria, ceu quidem pollicitus est, persequatur. Unicum modo scire Lectorem adhuc volumus, proflare & Germanicam primi manipuli classis hujus primæ versionem, in gratiam eorum, qui Latinam linguam haud callent, & noscendorum tamen ejusmodi nummorum

morum desiderio tenentur, adornatam, ac jam superiori anno 1697 sub titulo *Curieuses Thaler Cabinet* vulgatam, quam continuare forsan, si per alias occupationes licuerit, Auctor solertissimus non dedignabitur.

G. G. L. DE IPSA NATURA, SIVE DE VI INSITA, ACTIONIBUSQUE Creaturarum; pro Dynamicis suis confirmandis illustrandisque.

(1.)

A Ccepi nuper missu celeberrimi & de rebus mathematicis ac physicis præclare n. criti Johannis Christophori Sturmii, quam Altorfii edidit, Apologiam pro *Idolo Naturæ* Dissertatione, impugnata a Medico Kiloniensi Sumario & Χαρησατω Gunthero Christophoro Schelhameri, in libro *de Natura*. Cum igitur idem argumentum versassem & ego olim, nonnihilque etiam concertationis per literas mihi cum præclaro autore Dissertationis intercedat, cuius mentionem mihi perhonorificam ipse nuper fecit, publice memoratis nonnullis inter nos actis in *Physica Electiva Tomo primo*, lib. 1, sect. 1, cap 3, Epilog. §. 5, pag. 119, 120: eo libentius animum attentionemque adhibui argumento per se egregio, necessarium judicans, ut mens mea pariter & tota res, ex iis, quæ aliquoties jam indicavi, principiis distinctius paulo proponeretur. Cui instituto commodam occasionem præstare illa visa est Apologetica dissertatio, quod judicare liceret, Autorem ibi, quæ maxime ad rem facerent, paucis uno sub conspectu exhibuisse. De cætero litem ipsam inter præclaros Viros non facio meam.

(2) Duo potissimum quæri puto, primum, in quo consistat Natura, quam rebus tribuere solemus, cujus attributa passim recepta, aliquid Paganisni redolere, judicat celeberrimus Sturmii; deinde utrum aliqua sit in creaturis *ἐνέργεια*, quam videtur negare. Quod primum attinet, *de ipsa natura*; si dispiciamus, & quid non sit, & quid sit, assentior quidem, nullam dari animam Universi; concedo etiam, miranda illa, quæ occurrunt quotidie, de quibus dicere merito solemus, opus naturæ esse opus intelligentiæ, non esse adscribenda creatis quibusdam Intelligentiis, sapientia & virtute proportionali ad rem

Hhh 2

tap.

tantam præditis; sed *naturam* universam esse, ut sic dicam, *artificium Dei*, & tantum quidem, ut quævis machina naturalis (quod verum parumque observatum *natura arti que discrimen* est) organis constet prorsus infinitis, infinitamque adeo sapientiam potentiamque auctoris rectorisque postulet. Itaque & calidum omniscium Hippocratis, & Cholcodeam animarum datricem Avicennæ, & illam sapientissimam Scaligeri aliorumque virtutem plasticam, & principium hylarchicum Henrici Mori, partim impossibilia, partim superflua puto; satisque habeo, machinam rerum tanta sapientia esse conditam, ut ipso ejus progressu admiranda illa contingant, organicis præsertim (ut arbitror) ex prædelineatione quadam sese evolventibus. Itaque quod Vir Cl. naturæ cujusdam creatæ, sapientis, corporum machinas formantis gubernantisque figmentum rejicit, probō. Sed nec consequi inde, nec rationi consentaneum puto, ut omnem vim creatam ætrem in vitam rebus denegemus.

(3) Diximus quid non sit; videamus jam etiam paulo propius, quid sit illa Natura, quam Aristoteles non male *principium motus & quies appellavit*; quamquam Philosophus ille mihi latius accepto vocabulo non solum motum localem aut in loco quietem, sed generaliter *mutationem*, & *στάσις* seu persistentiam, intelligere videatur. Unde etiam, ut obiter dicam, definitio quam Motui assignat, etsi obscurior justo, non tam inepta tamen est, quam iis videtur, qui perinde sumunt, ac si motum localem tantummodo definire voluisset: sed ad rem. Robertus Boyleus, Vir insignis & in naturæ observatione cum cura versatus, de ipsa natura libellum scripsit, cujus mens eo redit, si bene memini, ut naturam judicemus esse ipsum corporum *mechanismum*, quod quidem *ἀς ἐν πλάτῃ* probari potest; sed rem rimanti majore *ἀκρίβειᾳ* distinguenda erant in ipso mechanismo principia a derivatis: ut in explicando horologio non satis est, si mechanica ratione impelli dicas, nisi distinguas, pondere an elastico concitetur. Et a me aliquoties jam est proditum (quod profuturum puto, ne mechanice naturalium rerum explicationes ad abusum trahantur in præjudicium pietatis, tanquam per se materia stare possit, & mechanismus nulla intelligentia aut substantia spiritali indigeat) originem ipsius Mechanismi non ex solo materiali principio mathematicisque rationibus, sed altiore quodam & ut sic dicam, Metaphysico fonte fluxisse.

(4) Cujus inter alia indicium insigne præbet *fundamentum naturæ legum*, non petendum ex eo, ut conservetur eadem motus quantitas, uti vulgo visum erat, sed potius ex eo, quod necesse est *servari eandem quantitatem potentie ætlicis*. imo (quod pulcherrima ratione evenire deprehendi) *etiam eandem quantitatem actionis motricis*, cujus alia longe æstimatio est ab illa, quam Cartesiani concipiunt sub quantitate motus. Eaque de re cum duo Mathematici ingenio facile inter primos mecum partim per litteras partim publice contulissent, alter penitus in castra mea transiit, alter eo devenit, ut objectiones suas omnes post multam & accuratam ventilationem defereret, & ad meam quandam demonstrationem nondum sibi responsionem suppetere candide fateretur. Eoque magis miratus sum, Virum præclarum in Physicæ suæ Electivæ parte edita, explicantem leges motus, vulgarem de illis sententiam (quam tamen nulla demonstratione, sed quadam tantum verisimilitudine niti ipse agnovit, repetitque etiam hic novissima dissertatione cap. 3, §. 2) quasi nulla dubitatione libatam assumisile; nisi forte scripsit antequam prodirent mea, & scripta deinde recensere vel non vacavit vel in mentem non venit; præsertim cum leges motus arbitrarías esse crederet, quod mihi non usque quaque consentaneum videtur. Puto enim determinatis sapientiæ atque ordinis rationibus, ad eas, quæ in natura observantur, ferendas leges venisse Deum: & vel hinc apparere, quod a me aliquando Opticæ Legis occasione est admonitum, & Cl. Molineuxio in Dioptrici postea valde se probavit, Finale causam non tantum prodesse ad virtutem & pietatem in Ethica & Theologia naturali, sed etiam in ipsa Physica ad inveniendum & detegendum abditas veritates. Itaque cum celeberrimus Sturmius in Physica sua Eclectica, ubi de causa Finali agit, sententiam meam retulisset inter Hypotheses, optarem & in Epicrisi satis expendisset; haud dubie enim inde occasionem fuisset sumpturus, multa pro argumenti præstantia & ubertate dicendi præclara, & ad pietatem quoque profutura.

(5) Sed jam considerandum est, quid ipse de Naturæ notione in hac sua Apologetica dissertatione dicat, & quid dictis deesse adhuc videatur. Concedit cap. 4, §. 2, 3, & alibi passim, motus qui nunc fiunt, consequi vi *æternæ legis* semel a Deo latæ, quam legem mox vocat volitionem & *jussum*; nec opus esse novo Dei jussu, nova volitione,

nedom novo conatu, aut laborioso quodam negotio d. §. 3. & a se repellit tanquam male imputatam ex adverso sententiam, quod Deus moveat res ut faber lignarius bipennem, & molitor dirigit molam arcendo aquas vel immittendo rotæ. Verum enim vero, ut mihi quidem videtur, nondum sufficit hæc explicatio. Quæro enim, utrum volitio illa vel jussio, aut si mavis lex divina olim lata, *extrinsecam* tantum tribuerit rebus *denominationem*, an vero aliquam contulerit impressionem creatam in ipsis perdurantem, vel, ut optime Dn. Schelhammerus judicii non minus quam experientiæ egregius vocat, *legem insitam*, (etsi plerumque non intellectam creaturis quibus inest) ex qua actionis passionisque consequantur. Prius autorum Systematis causarum occasionalium, acutissimi imprimis Malebranchii, dogma videtur; posterius receptum est, & ut ego arbitror, verissimum.

(6) Nam jussio illa præterita cum nunc non existat, nihil nunc efficere potest, nisi aliquem tunc post se reliquerit effectum subsistentem, qui nunc quoque duret & operetur: & qui secus sentit, omni, si quid judico, distinctæ rerum explicationi renunciat; quidvis ex quovis consequi pari jure dicturus, si id quod loco temporeve est absens, sine interposito, hic & nunc operari potest. Itaque satis non est dici, Deum initio res creantem voluisse, ut certam quandam legem in progressu observarent, si voluntas ejus fingatur ita fuisse inefficax, ut res ab ea non fuerint affectæ, nec durabilis in iis effectus sit productus. Et pugnat profecto cum notionē divinæ potentie voluntatisque, puræ illius & absolutæ, velle Deum & tamen volendo producere aut immutare nihil; agereque semper, efficere nunquam, neque *opus vel ἀποτέλεσμα relinquere* ullum. Certe si nihil creaturis impressum est divino illo verbo: *producat terra, multiplicemini animalia*; si res perinde post ipsum fuere affectæ, ac si nullum jussum intervenisset; consequens est (cum connexionē aliqua inter causam & effectum opus sit, vel immediata vel per aliquod intermedium) aut nihil fieri nunc consentaneum mandato, aut mandatum tantum valuisse in præsens, semper renovandum in futurum; quod Cl. Autor merito a se amolitur. Sin vero lex a Deo lata reliquit aliquod sui expressum in rebus vestigium, si res ita fuere formatæ mandato, ut aptæ redderentur ad implendam jubentis voluntatem; jam concedendum est, quandam inditam esse rebus efficaciam, formam vel vim, qualis naturæ nomi-

ne a nobis accipi solet, ex qua series phænomenorum ad primi iussus præscriptum consequeretur.

(7) Hæc autem vis insita distincte quidem intelligi potest, sed non explicari imaginabiliter; nec sane ita explicari debet, non magis quam natura animæ; est enim *Vis* ex earum rerum numero, quæ non imaginatione sed intellectu attinguntur. Itaque quod petit Vir Cl. c. 4, §. 6, dissertationis Apologeticæ, *imaginabiliter* explicari modum, quo lex insita in corporibus legis ignaris operetur, sic accipio, ut desideret exponi intelligibiliter, ne scilicet credatur postulare ut soni pingantur, vel colores audiantur. Deinde si explicandi difficultas ad res rejiciendas sufficit, consequentur, quæ ipse sibi injuria imputari queritur, cap. 1, §. 2, quod scilicet omnia non nisi divina virtute moveri statuere malit, quam aliquid admittere naturæ nomine, cujus naturam ignoret. Certe pari jure niterentur etiam Hobbes & alii, qui omnes res volunt esse corporeas, quia nihil nisi corpus distincte & imaginabiliter explicari posse sibi persuadent. Sed illi ipsi ex eo ipso recte refutantur, quod vis agendi rebus inest, quæ ex imaginabilibus non derivatur: eamque in Dei mandatum, olim semel datum, res nullo modo afficiens, nec effectum post se relinquens simpliciter rejicere, tantum abest, ut foret reddere rem explicatiorem, ut potius deposita philosophi persona esset gladio gordium nodum secare. Ceterum distinctior & rectior Vis activæ explicatio, quam hæcenus habitata est, ex Dynamicis nostris, legumque naturæ & motus vera æstimatione in illis tradita & rebus consentanea, derivatur.

(8) Quod si quis defensor philosophiæ novæ, inertiam rerum & torporem introducentis, eousque progrediatur, ut omnem jus-
 sis Dei effectum durabilem efficaciamque in futurum adimens, etiam novas semper molitiones ab ipso exigere nihil pensi habeat, (quod Dn. Sturmius a se alienum esse prudenter profitetur) is quam digna Deo sentiat, ipse viderit; excusari autem non poterit, nisi rationem afferat, cur res quidem ipsæ aliquamdiu durare possint, attributa autē rerum, quæ in ipsis naturæ nomine intelligimus, durabilia esse non possint: cum tamen consentaneum sit, quemadmodum verbum *fructus* aliquid post se reliquit, nempe rem ipsam persistentem; ita *verbum benedictionis* non minus *persistens*, aliquam post se in rebus reliquisse producendi actus suos operandique fecunditatem nifumve, ex quo operatio,

ratio, si nihil obstat, consequatur. Quibus addi potest, quod alibi a me explicatum est, etsi nondum fortasse satis perspectum omnibus, ipsam rerum substantiam in agendi patiendique vi consistere: unde, consequens est, ne res quidem durabiles produci posse, si nulla ipsis vis aliquamdiu permanens divina virtute imprimi potest. Ita sequetur, nullam substantiam creatam, nullam animam eandem numero manere, nihilque adeo a Deo conservari, ac proinde res omnes esse tantum evanidas quasdam sive fluxas unius divinæ substantiæ permanentis modificationes & phasmata, ut sic dicam; & quod eodem, redit, ipsam naturam vel substantiam rerum omnium Deum esse; qualem pellimæ notæ doctrinam nuper scriptor quidem subtilis, at profanus, orbi invexit vel renovavit. Sane si res corporales nil nisi materiale continerent, verissime dicerentur in fluxu consistere, neque habere substantiale quicquam, quemadmodum & Platonici olim recte agnovere.

(9) *Altera quaestio* est, utrum creaturæ propriæ & vere agere sint dicendæ? Ea, si semel intelligamus, naturam insitam non differre a vi agendi & patiendi, recidit in priorem. Nam actio sine vi agendi esse non potest, & vicissim inanæ potentia est, quæ nunquam potest exerceri. Quia tamen nihilominus actio & potentia res sunt diversæ; illa successiva, hæc permanens; videamus & de actione; ubi fateor, me non exiguum in explicanda celeberrimi Sturmii mente, difficultatem reperire. Negat enim, res creatas per se & propriè agere; mox tamen ita concedit eas agere, ut nolit quodammodo sibi tribui comparisonem creaturarum cum bipenni a fabro lignario mota. Ex quibus nihil certi exsculpere possum, nec diserte satis explicatum video, quousque ipse a receptis sententiis recedat; aut quamnam distinctam animo conceperit actionis notionem, quæ quam non sit obvia & facilis, ex metaphysicorum certaminibus constat. Quantum ego mihi notionem actionis perspexisse videor, consequi ex illa & stabiliri arbitror receptissimum philosophiæ dogma, *actiones esse suppositorum*; idque adeo esse verum deprehendo, ut etiam sit reciprocum; ita ut non tantum omne quod agit sit substantia singularis, sed etiam ut omnis singularis substantia agat sine intermissione; corpore ipso non excepto, in quo nulla unquam quies absoluta reperitur.

(10) Sed nunc attentius paulo consideremus eorum sententiam,

tiam, qui rebus creatis veram & propriam actionem adimunt, quod olim etiam fecere Philosophiæ Mosaicæ autor Robertus Fluddus, nunc vero Cartesiani quidam, qui putant non res agere, sed Deum ad rerum præsentiam, & secundum rerum aptitudinem; adeoque res occasiones esse, non causas, & recipere, non efficere aut elicere. Quam doctrinam Cordemojus, Forgeus & alii Cartesiani cum proposuissent, Malebranchius inprimis, pro acumine suo, orationis quibusdam luminibus exornavit; rationes autem solidas (quantum intelligo) adduxit nemo. Certe si eousque producit hæc doctrina, ut *actiones* etiam *immanentes* substantiarum tollantur; (quod tamen merito rejicit Dn. Sturmius Physicæ Ecclæ lib. 1, cap. 4, Epilog. §. 11, p. 176, & in eo circumspèctionem suam luculenter ostendit) adeo a ratione apparet aliena, ut nihil supra. An enim mentem cogitare ac velle, & in nobis a nobis elici multas cogitationes ac voluntates, ac spontaneum penes nos esse, quisquam in dubium revocabit? Quo facto non tantum negaretur libertas humana, & in Deum causa rejiceretur malorum, sed etiam intimæ nostræ experientiæ conscientiæve testimonio reclamaretur, quo ipsimet nostra esse sentimus, quæ nulla rationis specie a dissentientibus in Deum transferrentur. Quod si vero menti nostræ vim insitam tribuimus, actiones immanentes producendi, vel quod idem est, agendi immanenter; jam nihil prohibet, imo consentaneum est, aliis animabus vel formis, aut si mavis, naturis substantiarum eandem vim inesse; nisi quis solas in natura rerum nobis obvia mentes nostras activas esse, aut omnem vim agendi immanenter, atque adeo *vitaliter*, ut sic dicam, cum intellectu esse conjunctam arbitretur; quales certe allèverationes neque ratione ulla confirmantur, nec nisi invita veritate propugnantur. Quid vero de *transcendentibus creaturarum actionibus* sit statuendum, alio loco melius exponetur, pro parte etiam jam tum a nobis alibi est explicatum: *commercium* scilicet *substantiarum* sive monadum oriri non per influxum, sed per consensum ortum a divina præformatione; unoquoque dum suæ naturæ vim insitam legesque sequitur, ad extranea accommodato, in quo etiam *unio anime corporisque* consistit.

(II) Quod autem corpora sint per se inertia, verum quidem est, si recte sumas; hætenus scilicet, ut quod semel quiescere aliqua ratione ponitur, se ipsum eatenus in motum concitare non possit, nec

sine refistentia ab alio concitari patiatur; non magis quam suapte sponte mutare sibi potest gradum velocitatis aut directionem, quam semel habet; aut pati facile ac sine refistentia, ut ab alio mutetur. Atque adeo fatendum est, extensionem, sive quod in corpore est geometricum, si nude sumatur, nihil in se habere, unde actio & motus proficiscatur: imo potius materiam resistere motui, per quamdam suam *inertiam naturalem*: a Keplero pulchre sic denominatam, ita ut non sit indifferens ad motum & quietem, uti vulgo rem aestimare solent, sed ad motum pro magnitudine sua vi tanto majore activa indigeat. Unde in hac ipsa vi passiva resistendi (& impenetrabilitatem & aliquid amplius involvente) ipsam *materiam primam* sive molis, quæ in corpore ubique eadem magnitudinique ejus proportionalis est, notionem colloco; & ostendo hinc alias longe, quam si sola in corpore ipsaque materia inesset cum extensione impenetrabilitas, motuum leges consequi; & uti in materia *inertiam* naturalem oppositam *motui*, ita in ipso corpore, imo in omni substantia inesse *constantiam* naturalem oppositam *mutationi*. Verum hæc doctrina non patrociniatur, sed potius adversatur illis, qui rebus actionem adimunt: nam quam certum est, materiam per se motum non incipere, tam certum est, (quod experimenta etiam ostendunt præclara de motu impresso a motore translato) corpus per se conceptum semel impetum retinere *constansque* in levitate sua esse, sive in illa ipsa mutationis suæ serie, quam semel est ingressum, perseverandi habere nihil. Quæ utique activitates atque entelechiae, cum materia primæ sive *molis*, rei essentialiter passivæ, modificationes esse non possint, uti præclare (quemadmodum sequente paragrapho dicemus) ab ipso judiciosissimo Sturmio agnitum est; vel hinc judicari potest, debere in corporea substantia reperiri *entelechiam primam*. tanquam *πρώτων δεκτικόν* activitatis; vim scilicet motricem primitivam, quæ præter extensionem seu id quod est mere geometricum & præter molem (seu id quod est mere materiale) superaddita, semper quidem agit, sed tamen varie ex corporum concursibus per conatus impetusve modificatur. Atque hoc ipsum substantiale principium est, quod in viventibus *anima* in aliis *forma substantialis* appellatur, & quatenus cum materia substantiam vere unam, seu unum per se constituit, id facit, quod ego *Monadem* appello; cum sublati his veris & realibus unitatibus, non nisi entia per aggregationem, imo quod hinc sequitur, nul-

nul-

nulla vera entia in corporibus sint superfutura. Et si enim dentur atomi substantiæ, nostræ scilicet Monades partibus carentes, nullæ tamen dantur atomi molis, seu minimæ extensionis, vel ultima elementa; cum ex punctis continuum non componatur. Prorsus uti nullum datur ens mole maximum, vel extensione infinitum, etsi semper alia aliis majora dentur; sed datur tantum ens maximum intensione perfectionis, seu infinitum virtute.

(12) Video tamen celeberrimum Sturmium in hac ipsa Dissertatione Apologetica cap. 4, §. 7 & seqq. insitam corporibus vim motricem argumentis quibusdam impugnare aggressum. *Ex abundanti, inquit, hic ostendam, ne capacem quidem esse substantiam corpoream potentis alicujus ACTIVE motricis.* Quanquam ego non capiam, quæ possit esse potentia non active motrix. Gemino autem se usurum ait argumento, uno a natura materiæ & corporis, altero ex natura motus. *Prius* huc redit: materiam sua natura & essentialiter passivam esse substantiam; itaque ipsi dari vim activam non magis esse possibile, quam si Deus lapidem, dum lapis manet, velit esse vitalem & rationalem, id est non lapidem: deinde quæ in corpore ponantur, ea esse tantum materiæ modificationes; modificationem autem (quod pulchre dictum agnosco) rei essentialiter passivæ non posse rem reddere activam. Sed responderi commode potest ex recepta non minus quam vera Philosophia: *materiam* intelligi vel secundam vel primam; secundam esse quidem substantiam completam, sed non mere passivam; primam esse mere passivam, sed non esse completam substantiam, accedereq; adeo debere animam vel formam animæ analogam, sive *ἐνπλέχεια τὴν πρῶτην*, id est nisi sum quendam seu vim agendi primitivam, quæ ipsa est lex insita, decreto divino impressa. A qua sententia non puto abhorre Virum celebrem & ingeniosum, qui nuper defendit, corpus consistere ex materia & spiritu; modo sumatur *spiritus* non pro re intelligente, (ut alias solet) sed pro anima vel forma animæ analogâ, nec pro simplici modificatione, sed pro constitutivo substantiali perseverante, quod *Monadis* nomine appellare soleo, in quo est velut perceptio & appetitus. Hæc ergo recepta doctrina, & scholarum dogmati benigne explicato consentanea, refutanda est prius, ut argumentum. Viri clarissimi vim habere possit; quemadmodum & hinc patet, non posse concedi, quod assumit, quicquid est in substantia corporea, esse

materiæ modificationem. Notum est enim, animas inesse viventium, corporibus secundum receptam philosophiam, quæ utique modificationes non sunt. Licet enim Vir egregius contrarium statuere, omnemque veri nominis solum animalibus brutis animamque propriè dictam adimere videatur; sententiam tamen hanc pro fundamento demonstrationis assumere non potest, antequam ipsa demonstretur. Et contra potius arbitror, neque ordini, neque pulchritudini rationive rerum esse consentaneum, ut vitale aliquid seu immanenter agens sit in exigua tantum parte materiæ, cum ad majorem perfectionem pertineat, ut sit in omni; neque quicquam obstat, quo minus ubique sint animæ aut analogæ saltem animabus; etsi dominantes animæ, atque adeo intelligentes, quales sunt hominibus, ubique esse non possint.

(13) *Posterior* argumentum quod ex natura motus sumit Vir Cl. majorem, ut mihi quidem videtur, concludendi necessitatem non habet. *Motum* ait esse successivam tantum rei motû in diversis locis existentiam. Concedamus hoc interim, etsi non omnino satisfaciat, magisque id, quod ex motu resultat, quam ipsam (ut vocant) formalem ejus rationem exprimat; non ideo tamen excluditur vis motrix. Nam non tantum corpus præsentis sui motus momento inest in loco sibi commensurato, sed etiam conatum habet seu visum mutandi locum, ita ut status sequens ex præsentis, per se, naturæ vi consequatur; alioquin præsentis momento (atque adeo momento quovis) corpus A, quod movetur, a corpore B, quiescente, nihil differet; sequereturque ex clarissimi Viri sententia, si nobis ea in re adversa esset, nullum plane discrimen in corporibus fore, quandoquidem in pleno uniformis per se massæ discrimen, nisi ab eo quod motum respicit, sumi non potest. Unde etiam amplius tandem efficietur, nihil prorsus variari in corporibus, omniaque semper eodem se habere modo. Nam si materiæ portio quævis ab alia æquali & congrua non differt (quod admittendum est a Viro Cl. viribus activis impetibusve & quibuscunque aliis, præter existentiam in hoc loco, successive futuram aliam vel aliam, qualitativis modificationibusque sublati) ac præterea, si unius momenti status a statu alterius momenti non nisi transpositione æqualium & congruarum & per omnia convenientium materiæ portionum differt; manifestum est ob perpetuam substitutionem indistinguibilem, consequi, ut diversorum momentorum status in mundo corporeo discriminari nullo

nullo modo possint. *Extrinsicæ* enim tantum foret *denominatio*, quæ distingueretur materiæ pars una ab alia, nempe a futuro, quod scilicet imposterum sit futura alio vel alio loco; *impræsentiarum* vero discrimen esset nullum; imo ne a futuro quidem cum fundamento sumeretur, quia nunquā etiam imposterum ad verum aliquod præsens discrimen deveniretur; cum nec locus a loco, nec materia a materia ejusdem loci (ex hypothesi perfectæ illius uniformitatis in ipsa materia) distinguī ulla nota queat. Frustra etiam ad *figuram* præter motum recurreretur. Nam in massa perfecte similari & indiscriminata, & plena, nulla oritur figura seu terminatio partium diversarum ac discriminatio, nisi ab ipso motu. Quod si ergo motus nullam distinguendi notam continet, nullam etiam figuræ largietur; & cum omnia, quæ prioribus substituantur, perfecte æquipolleant, nullum vel minimum mutationis indicium a quocunque observatore, etiam omniscio, deprehenderetur; ac proinde omnia perinde erunt, ac si mutatio discriminatioque nulla in corporibus contingeret: nec unquam inde reddi poterit ratio diversarum quas sentimus apparentiarum. Et perinde res foret, ac si fingere-mus duas sphaeras concentricas perfectas & perfectetam inter se, quam in partibus suis similes, alteram alteri ita inclusam esse, ut nec minimus sit hiatus; tunc sive volvi inclusam, sive quiescere ponamus, ne angelus quidem, ne quid amplius dicam, ullum poterit notare discrimen inter diversi temporis status, aut indicium habere discernendi, utrum quiescat an volvatur inclusa sphaera, & qua motus lege. Imo ne limes quidem sphaerarum definiri poterit, ob defectum simul *hiatus* & discriminis; uti motus vel ob solum *discriminis* defectum agnosci hic nequit. Unde pro certo habendum (etsi hoc minus adverterint, qui satis alte in hæc non penetravere) talia a rerum natura atque ordine esse aliena, *nullamque uspiam dari* (quod inter nova & majora axiomata mea est) *perfectam similitudinem*: cujus rei consequens etiam est, nec corpuscula extremæ duritiei, nec fluidum summæ tenuitatis, materiamve subtilem universaliter diffusam, aut ultima elementa, quæ primi secundive quibusdam nomine veniunt, in natura reperiri. Quorum cum non nihil perspexisset (ut arbitror) Aristoteles, profundior mea sententia, quam multi putant; judicavit, præter mutationem localem, opus esse alteratione, nec materiam ubique sibi esse similem, ne maneat invariabilis. Dissimilitudo autem illa vel qualitatum diver-

sitas, atque adeo *ἀλλοίωσις* vel alteratio, quam non satis exposuit Aristoteles, ipsis diversis nifiuum gradibus directionibusque, monadumque; adeo inexistentium modificationibus obtinetur. Ex quibus proinde intelligi puto, necessario aliud debere poni in corporibus, quam massam uniformem, ejusque nihil utique immutaturam transpositionem. Sane qui *atomos & vacuum* habent, non nihil saltem diversificant materiam, dum alibi faciunt partibilem, alibi impartibilem; & uno loco plenam, alio hiantem. Sed diu est, quod rejiciendas esse atomos cum vacuo (deposito juventutis præjudicio) deprehendi. Addit Vir celeberrimus: materię existentiam per diversa momenta, tribuendam, esse divinę voluntati; quid ni ergo (inquit) eidem tribuatur quod existit hic & nunc? Respondeo, id ipsum Deo haud dubie deberi, ut alia omnia, quatenus perfectionem quandam involvunt; sed quemadmodum prima illa & universalis causa omnia conservans, non tollit, sed facit potius rei existere incipientis subsistentiam naturalem, seu in existendo perseverationem semel concessam; ita eadem non tollet, sed potius confirmabit rei in motum concitatę efficaciam naturalem, seu in agendo perseverationem semel impressam.

(14) Multa quoque alia occurrunt in Apologetica illa Dissertatione, quę difficultatem habent, ut quod ait dict. cap. 4 §. 11, motu de globulo per plures intermedios in globulum translato, globulum ultimum *eadem vi* moveri quā motus est globulus primus: mihi vero videtur, æquivalente quidem moveri, sed non eadem; cum unusquisque (quod mirum videri possit) *sua propria vi*, nempe elastica (non jam de elastatis hujus causa disputo, neque nego mechanice debere explicari motu fluidi inexistentis ac perlabentis) a proximo urgente repulsus in motum agatur. Sic etiam, quod §. 12 dicit, rem quę primordium motus dare sibi non potest, non posse per se continuare motum; mirum merito videbitur. Constat enim potius, quemadmodum vi opus est ad motum dandum, ita dato semel impetu, tantum abesse, ut vi nova sit opus ad continuandum, ut potius ea opus sit ad sistendum. Nam conservatio illa a causā universalī rebus necessāria, hujus loci non est, quę, ut jam monuimus, sit tolleret rerum efficaciam, etiam tolleret subsistentiam.

(15.) Ex quibus rursus intelligitur, doctrinam a nonnullis propugnatam causarum occasionalium (nisi ita explicetur, ut temperamen-

ramenta adhiberi possint, quæ Cl. Sturmius partim admisit, partim admittitur videtur) periculosos consequentiis obnoxiam esse, doctissimis licet defensoribus haud dubie invitis. Tantum enim abest, ut Dei gloriam augeat, tollendo idolum naturæ; ut potius rebus creatis in nudas divinæ unius substantiæ modificationes evanescentibus, ex Deo factura cum Spinosa videatur ipsam rerum naturam; cum id quod non agit, quod vi activa caret, quod discriminabilitate, quod denique omni subsistendi ratione ac fundamento spoliatur, substantia esse nullo modo possit. Certissime persuasum mihi est, Cl. Sturmium, Virum & pietate & doctrina insignem, ab his portentis esse alienissimum. Itaque dubium nullum est, aut ostensurum esse liquido, qua ratione maneat aliqua in rebus substantia vel etiam variatio, salva doctrina sua, aut veritati manus esse daturum.

(16) Certe quo magis suspicer, mentem ipsius non satis mihi esse perspectam, nec meam ipsi, multa faciunt. Alicubi fallus mihi est, posse, imo quodammodo etiam debere, quandam *divinæ virtutis particulam* (id est, ut opinor, expressionem, imitationem, effectum proximum, nam ipsa divina vis in partes utique secari non potest,) velut rebus propriam, & attributam intelligi. Videantur quæ mihi transmissa repetiit in Physicæ Electivæ loco supra citato sub initium hujus schediasmatis. Hoc si (ut ex verbis apparet,) eo sensu accipitur, quo animam divinæ particulam auræ dicimus, jam sublata inter nos eadem nus controversia erit. Sed quo minus hanc mentem ipsius affirmare audeam, facit, quod vix uspiam alibi video tale aliquid ab ipso tradi, aut quæ inde consequantur exponi; contra vero animadverto, quæ passim habet, huic sententiæ parum coherere, Dissertationem autem Apologeticam in alia omnia ire. Sane cum primum meæ in Actis Eruditorum Lipsiensibus mense Martio 1694, de vi insita prolata sententiæ, (quam porro illustrat specimen meum dynamicum in iisdem Actis April. 1695) quædam per literas objecisset; mox, accepta responsione mea, perbenigne judicavit nullum inter nos esse discrimen, nisi in loquendi modo; quod cum ego animadvertens, monuisssem adhuc nonnulla, ipse jam in contrarium versus, plura inter nos discrimina posuit, quam ego agnosco: vixque his exemptis tandem novissime coarctatus, ut denuo scriberet, nisi verborum differentiam inter nos esse nullam, quod mihi futurum esset gratissimum. Volui ergo, occasi-

one

one novissimæ Dissertationis Apologeticæ, rem ita exponere, ut denique & de sententiâ cujusque & de sententiâ veritate constare facilius possit. Est enim alioqui magna Viri egregii, & in perspicendo solertia, & perspicuitas in exponendo; ut sperem ejus studio non exiguam tantæ rei lucem afferri posse, atque adeo vel ideo non inutilem hanc operam meam fore, quod occasionem ei fortasse præbitura est, ea qua solet industria & vi judicii expendendi, atque illustrandi nonnulla aliquid in negotio præsentis momenti, prætermittenda hæcenus ab autoribus, & a me, ni fallor, novis & alius repetitis & late fufis axiomatibus nonnihil suppleta; ex quibus restitutum emendatumque Systema me dixi inter formalem & materiariam philosophiæ (conjuncta servataque, rite utraque) nasci videtur aliquando posse.

LIBRI NOVI.

Christiani Hugenii Cosmotheoros, seu de Terris Cælestibus Libri II. Hagæ Com. apud Adr. Moetjens, 1698. 4.

Stephani Rittangelii Libra Veritatis & de Paschate Tractatus. Præmissa est Johannis Vander Waeyen Dissertatio de Nôyis adversus Johannem Clericum. Francquera apud Jac. Horren, 1698. 8.

Novum Testamentum cum versione Latina Aria Montani: in quo tum selecti versiculi 1900, quibus omnes Novi Testamenti voces continentur, asteriscis notantur; tum omnes & singula voces, semel vel sæpius occurrentes, peculiari nota distinguuntur, auctore Johanne Leusden, Professore. Amstelæd, ex officina Weitseniana, 1698. 8.

Idem, cum versione Belgica. Ibidem.

Idem Græce tantum. Ibidem.

ERRATA.

Pag. 224. lin. 28. lege fig. 3. Ibid. lin. 30. leg. quadrantes. P. 225. l. 1. leg. sumtu. Ibid. l. 3. pro > leg. <. P. 263. l. 6. pro trapez. hyperb. R l lege ut trapez. hypse b. a. Z ad trapez. hyperb. R l. Ibid. l. 12. pro $a c \sqrt{\frac{1}{2}}$ leg. $\frac{a c}{x} \sqrt{\frac{1}{2}}$. P. 265. l. 3. termino æquationis $a^2 b a^2$ præpone signum —. P. 267. l. 29 & 30. pro ATq. HNq :: 1DTq. DNq. leg. 1 AT. 1 HN :: 1DT. 1 DN.

* * *
* * *

ACTA ERUDITORUM

Publicata Lipsiæ

Calendis Octobris, Anno M DC XCVIII.

THE POSTHUMOUS WORKS OF SIR HENRY
SPELMAN &c.

h. c.

*OPERA POSTHUMA HENRICI SPELMANNI, AD LEGES
& Antiquitates Angliæ pertinentia, & ex autographis ejus nunc
demum publicata.*

Oxonii, in theatro Sheldoniano, sumtibus Awsh. & Joh. Churchill
Bibliop. Lond. 1698, fol. Alph. 3.

EAm doctissimus Spelmannus patriæ suæ illustrandis antiquitatibus gloriam indeptus est, ut non possit non sanctum ac venerabile videri earum studiosis, quicquid ab eo ingenti industria, multaque lucerna elaboratum fuit. Denovo itaque, quam sæpius laudavimus, Cl. Viri Edmundi Gibsoni nobis commendanda industria est, qui alius suis de patria historia atque antiquitatibus, imo de tota re litteraria præclaris meritis, hoc quoque accedere voluit, ut ejus beneficio istam Reliquiarum Spelmannianarum collectionem teneremus. In qua publicis commodis expositarum præstantissimarum mercium tabulæ nunc quidem erunt conficiendæ.

Primum in hac collectione locum Dissertatio *de origine, incrementis, propagatione & conditione feudorum militarium in Angliâ* occupat. In qua in feudorum, speciatim autem militarium, generalem primum originem & progressum inter Israelitas Davidicis temporibus ex 1. Chron. c. 27, & inter Gallos Brenni ævo ex Pausaniæ

Kkk

Phocic.

Phocic. p. 118, sequentibus vero temporibus ex Cæsare & Tacito, (de *Ambasibus* & *Comitibus* ab iis inter Germanos & Gallos connumeratis, erudite differens,) inquisitionem instituit. Inde Gothorum, Suecorum, Danorum & Saxonum evolutis monumentis, & *Religiis* eorum explicatis, septentrionalibus populis originem feuda & jura feudalia debere, hæreditaria autem sub initium non fuisse, Gerardi Nigri Consulis Mediolanensis auctoritate (ex textu puta 1. Feud. 1. §. 1.) ostendit. Hæreditaria vero postmodum, receptiorem opinionem secutus, ab Hugone Capetæ primum facta esse putat, hac ratione suas adversus Carolingos, quibus regnum per vim eripuerat, partes stabilire satagente. Ejus exemplum in Anglia Gulielmum Conquestorem esse secutum, qui novorum subditorum sibi conciliaturus animos, cum hætenus Saxones in Anglia feuda, vel arbitrarie, vel adhibitis quibusdam limitibus, ita tamen ut mere hæreditaria non essent, feudatariis concessissent, hæreditaria ea fecerit: ante istas autem Gulielmi Conquestoris constitutiones, nihil plane de Feudis proprie sic dictis in legibus Saxonis sancitum fuisse. Indeque ostendit, neque *feudi* atque *tenuræ*, neque alia huc spectantia vocabula in antiquo Jure Saxonico usquam obvia esse; speciatim vero *tenuræ in capite*, prout hodie inter Anglos habentur, Saxones veteres ignorasse. De quibus ut clarius constet, distincte de variis personarum inter Saxones gradibus & distinctionibus agit, & cujus generis atque conditionis possessiones earum fuerint, monstrat. Initium facit a Comitibus (quos *Earls* Saxones antiqui, & hoc quoque ævo Angli appellare solent,) quod non dignitatis, sed officii antiquitus extitisse nomen, ostendit. Fuisse enim Comites iudices ordinarios provinciarum, iisdem plerumque limitibus, quibus Dioecesis Episcopi, circumscriptæ, cum quo etiam Comes conjunctim ac in eodem consensu jus dixerit: temporis vero processu factum esse, ut simul præcipue provinciarum suarum vel arcis regimen apud Comitem fuerit, quod annexam sibi tertiam partem reddituum habuerit ex aulis judiciariis ad Regem pervenientium, multarum nimirum, confiscationum, & quæ alia e judiciis redire ad imperantes commoda solent. Ista autem omnia a mero Regis arbitrio pependisse, nec hæreditaria fuisse unquam; unde & Alfredus Rex, ut alia taceamus, Dei dono & suo Comites ista tenere publica charta testatus fuerit. Quantum porro ad *Willanos*, quos *Corls* a

ve-

veteribus Saxonibus dictos esse constat, eorum quoque terras ac possessiones feuda militaria non fuisse docet, utpote quæ hæreditariæ extiterint, quales tamen eas, quæ isto tempore feudorum rationem habebant, neutiquam fuisse liqueat. *Thanos* denique, *Thanes* veteribus Saxonibus appellatos, & in *maiores ac minores* distinctos, cum possessionibus suis expeditioni quidem, sive *Heribanno*, vel ut Saxones loquebantur, *der ufsare & herdgung* obnoxios fuisse, non tamen eo, quod possessiones illorum feudorum militarium aut tenurarum in capite rationem habuerint, sed quod fundamentalis regni sive lex sive consuetudo, a cujuscunque generis terrarum possessoribus, istud pariter ac alia quædam servitia exigeret; unde etiam in regiis diplomatibus, ad *Thanorum* terras petinentibus, non tantum nulla tenurarum aut servitiorum feudalium mentio fiat, sed omnis etiam immunitas illis, præter eam, quæ ab *expeditionis* onere liberat facit, indulgeatur. Quæ cum præclare etiam confirmet lex *Æthelstani*, dum terras *proprias*, non *feudatarias* esse dicit eas, quas *Thani* possident, insuperque quinam majores minores: e *Thani* sint luculenter explicet, legem illam quam fieri potest fidelissime Latinis verbis, ab istorum temporum interpretibus ex parte suppeditatis, repræsentabimus: *Si*, inquit, *Villanum tanta incrementa capere contingat, ut quinque integras bidas ALLODII PROPRII possideat, & templum, & culinam, & campanarium, sedemque & officium in aula Regis judiciaria, dignus ille erit, qui jura Thani majoris consequatur.* Et paulo post: *Si vero Thanus ita profecerit, ut Regi servire & vice ejus equitare in Missatico Regis potuerit, atque alium sub se Thanum habuerit, qui cum secutus sit, & quinque bidas expeditioni Regis inservientes possideat, atque Domino suo (Thano sc. majori) in aula judiciarii Regis inservierit, & in negotiis ejus ter ad Regem ablegatus fuerit, illius Thanus minor juramentum loco Domini sui (Thani majoris) præstare, & in casu necessitatis locum ejus supplere poterit.* At præterea ex aliis monumentis quoque *Spelmannus* ostendit, possessionibus suis, prout voluerunt, *Thanos* uti potuisse, atque adeo eas feudorum militarium ac tenurarum in capite rationem non habuisse. Idque porro inde quoque confirmat, quod fructus istæ possessiones apud Saxones non dederint, a feudis militaribus alias juxta leges Angliæ modernas expectandos: non comoda scilicet ex tutela minorennium, non redditus feudi post mortem feudatarii, quousque hæres ejus homagium præstiterit, Regi

debitos ; non relevia ; non multas ad consequendam alienandi licentiam solvendas. Homagiumque item & Scutagium ignorata eis, non minus ac *caduca*, fuisse ostendit : ac denique quibus conditionibus Saxones terras suas possederint, una cum omnibus servitiorum, quibus præstandi tenebantur, generibus, explicat. Quorum omnium, in personalia, & prædialia, horumque iterum in allodialia, beneficiaria & colonaria divisorum, nulli cum feudalibus aliquid commune esse probat.

Verum sufficiat de primo tractatum Spelmannianorum ista dixisse. Proximum locum *Dissertatio de antiqua Regiminis Anglicæ forma* occupat. Quæ cum nihil aliud sit, quam succincta tam ecclesiasticorum quam civilium munerum, quæ Saxonici Reges gubernandæ Ecclesiæ & Reipublicæ causa instituerunt, enarratio ; sine ulteriori mora ad tertium horum opusculorum progredimur.

De Parlamento illud agit, atque in eorum primam originem & naturam inquirat. Ubi illud imprimis notatu dignum est, quod vulgarem sententiam, de admissis jam ab Henrici I temporibus ad magnum Regni Concilium *Communibus*, Spelmannus confutet, neque ejus rei luculenta vestigia ante Joannis tempora obvia esse putet, in cuius magna Charta tale quid indicari agnoscit.

Dissertationem de Parliamentis excipit *tractatus de diebus Juridicis sive Terminis*, in summis Angliæ Curiis Judiciariis observari solitis, quorum institutionem & originem ab antiquissimis temporibus repetens, qui apud Græcos & Romanos dies juridici & nefasti fuerint docet. Indeque ad Christianorum tempora progressus, eos antiquissimorum Judæorum exemplo, nullum tempus, ne ipsas quidem Domini dies, ad causas dicendas parum idoneum judicasse, ostendit. Cum vero ista ratione profanis litibus infunderetur Deo sacrata dies, anno 517 in Concilio Chalcedonensi, postea etiam in Concilio Hispalensi, & ab Adriano Papa abrogatam istam consuetudinem esse, quod & lege 2. *Cod. de Feriis* Imperator Theodosius postea fecisse deprehendatur. Quæ ratione deinceps aliis quoque diebus idem factum fuit, & quomodo speciatim in Angliæ a Saxonum Regibus, Jus Canonicum maximam partem sequentibus, dies Juridici constituti fuerint, explicare pergit. Inter alia causam, cur post meridiem summa judicia in Angliæ non exerceantur, veterum Saxonum ebriositatem esse dicit, multaque alia

alia passim explicat, quæ antiquitatum juris amantibus jucundissima non esse non possunt.

Succedit proximo loco *controversia de cade non voluntaria*, a *Georgio Abbot*, Archi-Episcopo Cantuariensi, anno 1621 telo in feram conjecto, *commissa*. Quem *irregularitatem*, uti loqui amant, isto homicidio non incurrisse, Anonymus quidam ostendere conatus fuerat; contrarium vero ex Jure Canonico patriisque legibus Spelmannus evincit: eo potissimum nixus fundamento, quod in actione illicita, versatus fuerit homicidium illud committens Archi-Episcopus, cum Clerico venationem, præcipue eam, quæ telis & armis fit, penitus leges prohibeant. Verum istam controversiam dispensatoriis litteris Jacobus Rex composuit, qui Abbotum, quicquid Juris Canonici Doctoribus ea de re videretur, primarii Præsulis munere, post perpetratam etiam eadem illam, fungi voluit.

Sequitur jam *dissertatio de origine & probatione testamentorum*, quæ neque apud Hebræos, neque apud Germanos aliosque populos septentrionales antiquitus in usu fuisse, ex S. Oraculis, Josepho & Tacito Spelmannus probat: a Romanis & alias gentes, & Saxones Angliæ incolæ, testamentorum rationem accepisse docens, idque ex formula testamenti a Marculfo, seculo septimo confecta, confirmans. Quantum vero ad probationem testamentorum, in eo potissimum operam Spelmannus ponit, ut ostendat, quomodo temporis successu testamentorum cognitionem Clerus sibi in Anglia vindicaverit.

Qui porro sequitur tractatus Latino sermone scriptus, *Icenia* appellatur, *Norfolciæ* topographicam descriptionem exhibens. *Iceniam* istum tractum a veteribus appellatum esse a rigante eum *Ise* fluvio, ab *Iside*, quæ in præcipuo honore apud veteres Britannos erat, nomen sortito, existimat; a *Camdeno* hac in parte dissentiens, qui a Rege quodam *Iceniam* appellatam fuisse statuebat, Spelmannus. *Icenos* vero *Tacito* eosdem, quos *Cæsari* *Cenimagnos*, *Ptolemæo* *Simenos* esse docet, quos *Tigenos* etiam alii, sed perperam appellaverint. Istam regionem totam accurato studio perlustrat, nullo sive oppido sive vi-co ad eam spectante prætermisso, passimque antiquitatibus quibusdam v. g. *Stativis Romanorum*, *Comitatu Littoris Britannici*, aliisque hujus generis commemoratis.

Comitum Marſcallorum Angliæ Catalogus nihil habet, quod magnopere nos properantes moretur. Auspicatus illum Spelmannus a Radulpho de Wacepo est, qui Gulielmi Conqueſtoris tempore isto munere functus fuisse videtur, & in Thoma Howardo desinit, qui Jacobo I regnante eo fuit ornatus. Ad *dissertationem* itaque *de milite* sive equite aurato progredimur, de cuius nomine, ætate, evocatione ad militiam suscipiendam, modo creandi, & conditione pluribus agit. De iis autem, qui militem faciunt, quæ observaverit, attentionem merentur. Omnes scilicet antiquitus militem facere potuisse, qui feudum dare poterant, ostendit; unde Archiepiscopos, Episcopos, Abbates & Abbatissas militiam jure contulisse docet. Imo inter Anglo Saxones Sacerdotibus etiam, qui feudum dare non potuerint, milites facere licuisse, ex Ingulpho probat. Quantum vero ad Laicos, Duces, Marchiones, Comites & Barones milites fecisse, ipsumque etiam militem conferre potuisse militiam ei, qui parente natus erat milite, docet. Imo & Reges ab inferioribus sæpe, subditisque suis nonnumquam, militiam accepisse, Francisci I Galliarum Regis, qui in Marignana pugna a Petro Bajardo copiarum præfecto; Ferdinandi Regis Portugalliæ, qui anno 1382 ab Edmundo Comite Cantabrigiæ; Henrici VI Regis Angliæ, qui anno 1424 a Duce Bedfordiæ, subdito suo, miles factus sit, aliorumque exemplis docet. De Palatinus etiam militibus, quales Judices fuerunt, loco item & tempore creationis, censu militari, modoque exauctorandi militem agit, atque sic huic quoque dissertationi finem imponit.

Historiam familiæ de Sharburn, Latina lingua a barbaræ ætatis auctore scriptam, ex manuscripto Spelmannus recensuit, non indignum illam, quod ad posteritatem perveniat, monumentum esse arbitrat. *Dialogi vero de re monetali Angliæ*, vernacula lingua consignati, ipse rursum auctor est. In eo id præcipue agit, ut quantum deterior suo ævo quam præscis temporibus moneta in Angliæ sit, ostendat, utpote quotres Shillingi vix unius Shillingi veteris pretium exæquent; quam argenti caritatem Sedis Romanæ exactionibus tribuendam esse, probatum dedit.

Postremum denique opusculorum, volumen hocce absolvendum, *catalogus est locorum, ubi vel olim vel hodie sive sedes* fixerunt, *sive iudicia* exercere sueverunt Angliæ *Archi-Episcopi* atque *Episcopi*; de

de quo nihil est, quod addamus, nisi forte integrum eum a nobis exscribi aliquis cupiat.

De Vita tamen Spelmanni, antequam finem dicendi faciamus, pauca adhuc attingenda erunt. Doctissimi Gibsoni eam industria debemus, quæ in eo præcipue elucescit, quod scriptorum ejus occasionem, temporisque, quo prodierunt, ordinem accurate observaverit. Quæ autem ad genus, educationem, vitæq; ejus institutum pertinent, hæc fere sunt. Natus est Conghamiæ Norfolkiciæ oppido, parente Henrico Spelmanno, Armigero. Quindecennis cum esset, Cantabrigiam abiit, Collegii Trinitatis alumnus adscriptus, verum studiis Academicis nondum satis, ut ipse haud raro querebatur, idoneus: id quod cum tanto majore ejus conjunctum detrimento fuit, quod biennio vix elapso parentis fata domum eum denuo avocarent. Ibi integro anno exadio, Londinum discessit, ut in Lincolnienſe Collegium adoptatus Astrææ sacris initiaretur. Verum ibi quoque ultra triennium fata ejus eum degere noluerunt, ut adeo juris quoque eam quam optaverat scientiam sibi parare non potuerit. Vigesimo itaq; ætatis anno patrium solum revifere, atque ducta Johannis Estrange filia sedem ibi figere coactus est, ubi bene gesta Hamonis Estrange tutela, & Vicecomitis in Norfolkia officio, eam prudentiæ & probitatis laudem acquisivit, ut non tantum a Rege, curandorum publicorum negotiorum causa, ter ad Hibernos missus, verum etiam inquisitioni exactarum in omnibus causis judiciariis expensarum præfectus fuerit. Quod posterius officium cum magna rei ejus familiaris jactura molestum reddidisset, regio trecentarum librarum munere, & militiæ honoribus ea aliqua ex parte compensata fuit. Quinquagenarius factus compositis rebus suis Londinum se contulit, antiquitatum studio unice vacaturus. Atque ille ejus secessus omnia, quæ ab illo habemus, scripta nobis, ipsi vero maximorum virorum, Camdeni, Usserii, Cottoni, Seldeni, Wormii, Peirescii, Meursii, Bignonii aliorumque estimationem atque amicitiam peperit. Filias vidit quatuor, totidemque filios, quorum natu maximo Joh. Spelmanno, studiorum ejus hæredi, ob parentis commendationem maxime favebat Carolus I, ejusque consiliis calamoque in civilibus bellis utebatur. At ille anno 1643, post editum Psalterium Anglo Saxonicum & scriptam Alfredi vitam, anno 1678 a Walkero Latine converſam & publicatam, decessit.

Al-

Alter ex filiis Clemens Spelmannus, Caroli II Confiliarius, & æarii Baro Iunior, anno 1679, post publicata varia ad statum Regni Anglicani pertinentia scripta, editumque cum proluxa præfatione Parentis sui de non temerandis Ecclesiis tractatum, obiit. Ipse vero Parens fere octogenarius ad plures abiit, ejusque cineres, Caroli Regis favore, anno 1641 d. 24 Octobris templo Westmonasterienfi illati, e regione sepulchri Camdenianæ terræ mandati fuerunt.

CHRISTIANI HUGENII ΚΟΣΜΟΘΕΩΡΟΣ, SIVE DE TERRIS cælestibus earumque ornatu Conjectura, ad Constantinum Fratrem, Guilielmo III Magnæ Britannia Regi a Secretis.

Hagæ Comitum, apud Adrianum Moetjens, 1698, 4.
Constat plag. 18. & figurar. tab. 5.

Cum multi fuerint Philosophi, qui a ratione haut alienum esse judicarunt, Planetas cultu ornatuque, ac fortassis habitatoribus, haut vacare; nemo tamen seu inter præcos seu recentiores, qualia sint, quæ in istis regionibus existent, naturæ opera, determinare ausus est, præter illustrem hujus libri Auctorem, cui, cum ab aliquo tempore diligentius ista meditari cœpisset, visum est, non prorsus obseptas esse de rebus tam procul disitis inquirendi vias, sed verisimilibus conjecturis abunde materiam præberi. Quas conjecturas suas, prout sese subinde obtulerunt, in adversariis notatas in ordinem redegit, adjectisque nonnullis de Sole stellisque inerrantibus, amplissimo suo Fratri pariter ac eruditis reliquis exponere voluit. Sed intercessit mors, quæ par illud nobilissimum fratrum nobis eripuit, ut jam hic liber & parente suo, & eo qui hujus vicem gesturus erat, orbis in lucem editus fuerit. Quem cum in imperitorum quoque manus venturum prævidisset celeberrimus Hugenius, & fortassis quorundam severiora judicia subiturum, non abs re fore putavit, si principio libri primi statim illorum repelleret reprehensionem, qui cum Geometriam & mathematicas scientias alias nunquam attigerint, vanum & ridiculum tale inceptum censent, cum incredibile iis videatur, ut siderum distantias, aut magnitudinem metiri possimus, tum vero motum huic terræ aut falso adscribi existimant, aut nequaquam

ad

adhuc probatum esse. Libens tamen largitur, reconditoria illa, quibus præcipue insitit, non esse ejusmodi, ut quærendo penitus investigari possint. Unde nihil veluti certum affirmat, sed conjecturis tantum agit, quarum de verisimilitudine suo cuique arbitratu judicare liberum sit. Quod si autem quis irritam & inanem poni operam dicat, de rebus iis conjecturas prodendo, de quibus constet nihil certi unquam comprehendi posse: respondet, totum Physices studium, quatenus in causis rerum eruendis versatur, eadem ratione fore improbandum, ubi verisimilia invenisse laus summa est, & indagatio ipsa rerum tum maximarum tum occultissimarum habet oblectationem; sed verisimilium multos esse gradus, alios aliis veritati propiores, inque hoc diligenter æstimando præcipuum judicii usum verti. Quoniam autem celeberrimus Auctor ad ea, quæ instituit probanda, maximum sumit argumentum ex ordinatione Planetarum Coperniceo, quodque inter eos Tellus hæc haut dubie numeratur; binis schematibus tum orbis eorum circa Solem dispositos veris proportionibus expressos, tum rationes magnitudinum, quibus corpora Planetarum inter se & ad Solem comparantur, ostendit, nec non periodos ordinemque illorum. a Copernico repertum explicat; illis eum rationibus stabilitum asserens, ut omnes nunc Astronomi, nisi tardiori sint ingenio, aut hominum imperio obnoxiam credulitatem habeant, motum Telluri locumque inter Planetas absque dubitatione decernant. Ex his enim probe perpensis neminem putat non videre posse, quam clare ex hoc systemate sequatur, eodem cum cæteris quinque Planetis genere Tellurem hanc nostram contineri, cum vel ipsi circularum positus hoc testentur, & præterea constet telescopiorum observationibus, & globosa esse omnium corpora itidem ut Telluris, & a Sole splendorem similiter eos mutuari; porro in hoc quoque eis similes esse, quod in se ipsis circum proprios axes volvantur, ac denique, ut Tellus nostra Lunam, ita Jovem & Saturnum suos habere comites. Ut proinde maxime sit probabile, cum in his tot rebus Telluri cum Planetis illis primariis intercedat similitudo, illos non minori quoque dignitate & pulchritudine esse: cum ratio, cur hoc aliter se habeat, excogitari nulla possit; contra vero plurimum ponderis insit illi ex similitudine petita, & a rebus visis ad non visas productæ rationi. Sicuti recte quis, cui in dissecto canis corpore viscera ostenderentur, stomachus, pulmones, intestina &c. etiamsi nunquam alterius animalis

corpus apertum conspexisset, affirmaret, similem quandam fabricam ac partium varietatem in bove, porco cæterisque bestiis inesse. Hinc ergo efficit, solidos esse Planetas, non aliter quam Tellus nostra, & gravitate pollere, cujus vi corpora quæque in superficie illorum hærentia premant eam, aut si dimoveantur, ex omni parte velut attracta recidunt. Deinde, cum in herbarum animaliumque exortu clarissime certissimeque Architecti supremi sapientia eluceat, si in Planetis nihil aliud quam vastæ solitudines corporaque inertia & vita carentia reperiantur, haut dubie multum concessuros illos dignitate & pulchritudine Telluri nostræ; quod cum rationi adversetur, extare omnino herbas & animalia in reliquis Planetis concludit, fortassis nec crescendi more, nec extrinseca forma, aut internis partibus, ab iis, quæ penes nos sunt, multum differentia, quia non sit credibile omnem varietatem, quam poterat, in rebus creatis earum Auctorem exhibuisse. Quod si discrimen aliquod inter ea, quæ in superficie istorum globorum generantur, intercedat, id præcipue ex majore minoreve eorum a Sole, caloris vitæq; fonte, distantia oriri, propter quam tamen magis materiam quàm formam rerum variari necesse sit. Ad illam autem materiam quod attinet, etsi qualis sit, cogitatione assequi nequeamus, attamen vix dubitari posse asserit Auctor doctissimus, quin ex elemento humido, uti nostra omnia, crescant alanturque viventia, adeoque aquas a Planetis non abesse, (quas & verisimiles conjecturæ ex telescopiorum observationibus, præsertim in Jove confirmant) nostræ tamen non prorsus similes, etsi liquidæ ut sint, ad usus quos præstare debent, requirantur; ut perspicuæ, ad pulchritudinem: itaque putandum esse, naturam earum, quæ in Planetis sunt, ad suam quamq; regionem attemperatam esse, ut in Jove quidem ac Saturno difficiliter in glaciem vertantur, in Venere & Mercurio minus facile in vapores abeant. Verisimile quoque esse censet, non alia ratione nasci & propagari stirpes quam apud nos, cum nec aliter fere, nec melius possint; nec etiam disparem esse rationem in animalibus, cur non & pascendi & generandi modus similis putetur ei, qui est apud nos; cumque summa sit apud nos animalium plantarumque varietas, non minorem quoque statuit in Planetis reliquis. Quod autem doctissimum Auctorem præcipue movit, ut nec rationale animal (fortassis ab homine diversum, cum nihil impediatur, quo minus animus rationis capax etiam alii formæ inhabi-

habi-

habitet) in Planetis deesse crederet, hoc est, quod ninia Terræ nostræ præ cæteris illis foret præstantia ac nobilitas, si sola haberet animal tam longe cæteris orbis animantibus, nedum stirpibus præstans, cuius denique gratia quicquid Terra progenerat, paratum esse videtur. Quapropter Planetarum incolis eandem cum nostra rationem attribuit, probabilibusque argumentis stabilire conatur, & bruta animantia, & quibus ratio inest, convenire in his quæ ad sensum attinent, cum iis, quæ Terram hanc incolunt. Porro cum multa commoda ex ignis usu nobis proveniant, tantam rem non solis telluris incolis, sed omnibus Planetis, communiter concessam esse pronunciat. Quod si jam de viventibus in Planetis quærat, an quæ in istis nascuntur, nostris magnitudine respondeant; an vero hæc ipsorum globorum mole natura metiatur, ut v. g. in Jove & Saturno essent animalia decies aut quindicies nostris majora: hac in re quidem respondet nihil se videre, quod mirum sit vel fieri nequeat; neque tamen ulla ratione cognos, ut re ipsa id ita esse credamus, quandoquidem in multis rebus apparet, non iis mensuræ regulis naturam se obstrinxisse, quæ nostra opinione convenientiores videbantur. Cum vero ratio homini eum præcipue in finem data sit, ut illam in contemplatione Dei operum, culturaque scientiarum exerceat, nihil dubitat affirmare, Planetarios illos incolas non tantum sidera intueri, sed & Astronomiæ scientiam, & quæ ei inserviunt, artes & scientias excolere, habereque suam scribendi artem, ut inventorum memoria ad posteros propagetur. Ex quibus porro deducit, necessario & manus illos habere, vel aliud quoddam, quod vice illarum fungi possit membrum, pedes item & erectos oculos vultusque, ac in universum plurimas artes inventaque nobiscum communia; quibusdam vero illos carere, quæ tamen multis æque pulchris & admiratione dignis rependantur; ut dubitandum non sit, quin & formæ, & rerum quas agunt novitate, mirabile, supra quam dici possit, futurum sit spectaculum, si quis Mercurius aut potens genius eo nos deducat. Cujus itineris conficiendi spes omnis adempta cum sit, in secundo harum Disquisitionum libro, qualis rerum celestium facies sese offerat in unoquoque istorum globorum vitam agentibus, solerter investigat, notato Kircheri Itinere Ecstatico. Hujus rei in solo Mercurio sufficere dedisse specimen. Hic cum triplo propius circiter, quam Tellus nostra, ad Solem accedat, consequens

est, ut illum triplo quoque majorem conspiciant ejus incolæ ratione diametri, lumen vero & calorem ejus sentiant noncuplo quàm nos majorem, nobisque proinde intolerabilem, quique accensurus sit siccitas herbas, fœnum, stramenque, qualia apud nos crescunt. At nihil impedit, ita comparata esse, quæ ibi vivunt animantia, ut optatam temperiem in ardore illo experiantur; herbas vero ea esse natura, ut multo majorem vim caloris perferant. Porro oppositionum temporibus Venerem & Tellurem præcipuo splendore effulgere, necesse est. Nam cum adeo lucida Venus nobis appareat, quo tempore tenuem nascentis Lunæ faciem refert, oportet eam sextuplo amplius clariorem cerni, cum Soli opponitur, ex Mercurii globo pleno orbe spectatam, & minore quoque intervallo distantem; atque ita tunc non parum dispellere nocturnas tenebras gentibus illis Lunæ auxilio carentibus. Quænam sint denique apud eos dierum spatia, & an varias anni tempestates experiantur, incertum est hæcenus, quod ignoratur, an axem diurnæ conversionis ad orbem, quo circa Solem defertur, obliquum habeat, & quanto tempore conversio illa peragatur. Neque enim dubitari debet de diebus noctibusque eorum, cum in Tellure, Marte, Jove & Saturno hæc vicissitudo certo cognoscatur: anni vero spatium vix quartam partem nostri æquare illic constat. Eodem fere modo clarissimus Auctor Veneris, Martis, Jovis, & Saturni Astronomiam persequitur. De Saturni autem Lunulis agens fatetur, primam cum secunda sibi conspectas certo se affirmare non posse, nec tamen Cl. Cassini vereri fidem adhibere, sed potius suspicari, præter harum numerum alias adhuc, unam vel plures, latere, detegendas fortasse, ubi ad signa borea Saturnus revertetur, atque supra horizontem attolletur, si Fratrís lentes ad telescopia pedum 170 & 210 paratæ sideribus applicentur, quibus majores formæque perfectioris nullas hæcenus extare arbitratur. Cæterum de Luna & reliquorum Planetarum comitibus, quæ ejusdem sunt cum Luna nostra naturæ, pauciora conjici posse proficitur, quia ejus generis Planetam nullum coram intueri contigit; cum in primariis illis aliter hoc sese habeat, quia ejusdem sunt generis ac Tellus nostra. Illud equidem in Luna nostra apparet, plurimis montium tractibus, rursusque planis intervallis latissimis, superficiem ejus esse divisam: sed marium similitudinem illic nullam (cæli plerique contra sentiunt) reperit celeberrimus Auctor. Nam

in

in regionibus planis ingentibus, quæ montosis multo sunt obscuriores, longiori telescopio inspectis, cavitates exiguas inesse comperit, rotundas, umbris intus cadentibus, quod maris superficiei convenire nequit; tum & ipsi campi illi latiores non prorsus æquabilem superficiem habent, si diligentius eos intueamur. Quocirca maria esse non possunt, sed materia constare debent minus candicante, quam quæ est in partibus asperioribus, in quibus rursus quædam vividiori lumine cæteris præcellunt. Nulli quoque fluvii in Luna inesse videntur. Auctori, qui non effugerent aciem perspicillorum nostrorum, saltem si inter montes aut rupes præaltas, ut nostri plerique, laberentur: neque etiam nubes, unde pluvix generarentur ad suppeditandum fluviis humorem; quæ si essent, videremus eas nunc has nunc illas regiones obtegere ac visui nostro subducere; demum neque aer aut atmosphaera, qualis Tellurem nostram ambit, quia si quæ talis existeret, non posset extrema Lunæ ora tam præcise circumscripta spectari, quam subeunte stella aliqua sæpe animadversa est, sed evanida aliqua luce & veluti lanugine finiretur. Hæc igitur insignis differentia, quæ l unam inter Terramque nostram reperitur, efficit, ut incertior de animantibus & stirpibus ei sit conjectura. Magis tamen probabile putat, ob corporum illorum præstantiam aliquid in superficie eorum geri, aliquid crescere & vivere, qualecunque illud tandem sit, & quantumlibet a rebus nostris diversum, cum possit forsan stirpium & animalium ibi vitam aliud quid aquæ nostræ dissimile sustentare; possit exiguus humor in terra, non æque ac nostra aquam combibente, sufficere radiis Solis, unde rorem educerent, alendis herbis arboribusque idoneum. Porro reconset, qualis apparitura sit nostræ Lunæ indigenis cælorum constitutio, & paulo accuratius æstimare docet systematis nostri amplitudinem, quæ tanta est, ut, si milliæarium numero designata sit, plusquam 17 nulliones, ut vocant, milliæarium Germanicorum comprehendat; si vero continua celeritas globi ex majore tormento explosi (quem singulis horæ scrupulis secundis, seu arteriarum pulsibus, centum circiter hexapodas conficere, experimentis constat) huc adhibeatur, dicendum sit, illum si ex Terra ad Solem tanta illa celeritate globus continue feratur, fere annos 25 esse insumenturum, antequam iter hoc peragat; a Jove autem ad Solem 125 annis opus habiturum; a Saturno 250. Accedens inde propius ad Solem, nondum plane

compertum ait, utrum dura an liquida sit vasti illius globi materies, essi propter lucis naturam magis verisimile sit liquidam esse, quod etiam perfecta rotunditas ejus, lumenque per totam superficiem æqualiter diffusum suadere videtur: faculæ enim illæ, quas una cum maculis fere omnes celebrant, Auctori nostro sunt partes superficiei Solaris, quæ propter macularum viciniam splendidiore, quam sunt, videntur. Quandoquidem autem summus Solis calor fervorque est, ut nihilominus nostrorum corporum simile vivere in illo aut momento superesse possit, aliud adhuc genus animantium concipiendum esset, longæque ab omni natura eorum, quæ unquam vidimus aut cogitavimus, diversum. Quod idem fere est, si Auctore judice, ac si dicamus, nihil hic conjectando consequi nos posse. De Fixis Stellis ita censet, illas totidem esse Soles proprio lucentes lumine, Sole fortassis non minores, & per vastæ cœli spatia disseminatas, nec hærentes in eadem superficie. Ex quo jam Mundi idea multo major, quam ex antea dictis, nascitur, si quis quamlibet Fixam centrum alicujus systematis esse posse recogitet, majoremque hæc admirationem pariunt, si quis simul distantiam illarum & multitudinem perpendat. Quoniam autem, qui definiendi tam vasti spatii, quo Fixæ a nobis sunt remotæ, rationem inierunt, nihil certi comprehendere potuerunt, propter nimiam observationum necessariarum subtilitatem, quæque omnem diligentiam superat: Hugenius noster aliam viam institit, ut saltem verisimile quid in re tam ardua consequeretur. Nimirum tubi duodecempedalis vacuæ aperturam alteram lamellâ tenuissimâ, cujus medio inerat foramen tam exiguum, ut lineæ partem duodecimam non superaret, tegendo, ac deinde perforatæ laminæ vitreum globulum minutissimum adhibendo, diametrum Solis ita imminuit, ut non majorem, quam Sirius lucem ad oculos mitteret, comperitque, eousque contracto vel eousque remoto Sole, ut diameter ejus sit 1 ejus, quam

27664

in cœlo intuemur, superesse illi lucem, quæ Sirii luci non cedat; Solis vero eousque remoti distantiam esse necessario ad eam, quam nunc habet, ut 27664 ad 1, & diametrum paulum excedere 4 scrupula tertia. Itaque cum æqualis ei Sirius ponatur, sequitur Sirii quoque diametrum esse totidem scrupulorum, distantiamque itidem ad eam, qua a Sole absumus, ut 27664 ad 1. Quod quidem intervallum tantum est, ut tormenti globus continua velocitate, quanta emittitur, incedens pene

700000

700000 annos infumtus sit, priusquam ad proximas stellarum inerrantium perveniat. Ultimo tandem loco suam de toto mundi systemate, quatenus nempe Solibus seu stellis fixis patet, dicit sententiam Hugenus, existimans unumquemque Solem circumdari turbine materiae coelestis, dissimili plane vorticibus Cartesianis, quippe qui circa Solem non convertatur totus in omnes partes, sed ita, ut variis motibus iisque celerrimis in omne latus, secundum diversas sui portiones, rapiatur, nec tamen dilabi possit propter circumstantem ætherem, qui non tali nec tam celeri motu agitetur: atque hinc tam Terræ nostræ, quam cæterorum Planetarum, atque etiam Solis rotunditatem & Planetarum gravitationem in Solem derivat. Ponit autem spatia horum vorticum multo quam Cartesius contractiora, sic eos fere statuens in vasta cœli profunditate dispersos, quem admodum turbines aquæ exiguos hinc inde in spatioso lacu stagnove baculi agitatione excitatos, ac magnis intervallis totisque stadiis distantes, videre licet: & sicuti horum motus nequaquam ab unis ad alios perveniunt, nec proinde sese mutuo impediunt, ita quoque coelestium vorticum motus circum astra aut Soles se habere existimat, ut nec alii alios destruere possint, aut absorbere.

STEPHANI RITTANGELII LIBRA VERITATIS ET DE

Pascbate Tractatus. Premissa est JOHANNIS VAN DER

WAETEN *Dissertatio de Αγω ad versus* JO-

HANNEM CLERICUM.

Franequeræ, apud Jacobum Horreum, 1698, in 8.

Constat plagulis dimidiatis 55.

Johannes Stephanus Rittangelius, e Judæis quidem genus ducens, sed Christianorum sacra ætate jam adulta amplexus, ob solidam linguæ & antiquitatum Hebræarum notitiam passim apud Eruditos celebratur, qui maximam librorum ab ipso edendorum partem funesto quodam casu creptam sibi fuisse, non immerito queruntur. Cum enim aliquando ille ex Academia Regiomontana, ubi Orientalium Linguarum Doctor constitutus erat publicus, Amstelodamum tenderet, ut, quæ editioni pararat, opera ibidem imprimenda curaret, medio itinere in prædonum manus incidens, res suas omnes capi, librosque manu descriptos lacerari atque dissipari non
citra

citra dolorem vidit, & ex tanto periculo vix ipse incolumis evasit. Quomagus autem illa ejus, quibus lucem aspicere publicam datum fuit, scripta lectores suos juvarunt atque delectarunt, eo frequentius evolvi ista contigit. Sed cum ob cupidos emtores dudum instructissima quoque bibliopolia iis caruerint, de nova aliquorum editione sollicitum se gessit celeberrimus inter Belgas Theologus, Jo. van der Waeyen, qui ut hac vice duos e desideratissimis exhibet, sic brevi tertium ejusdem Autoris *de Veritate Religionis Christianæ* agentem superaddet. Et in *Libra* quidem *Veritatis*, qui tractatus primi titulus est, cum Anti-Trinitario quodam negotium Rittangelio intercedit, ac per *Memra Jehova*, paraphrasibus Chaldaicis sæpissime usurpatum, Deitatem Filii Dei, veri Messiae, omnino luculenter adstrui ostenditur, plurimæque adversarii in æternum & per se subsistentem *Λόγον* valde injurii argumenta solidissime refelluntur. In altero, quod *de Paschate* Rittangelius conscripsit, opusculo ritus ac mores Judaici, sequioribus seculis in istius festi observatione recepti, accurate designantur. Congruum autem existimavit is, quem modo laudavimus, Theologus, ut novam hanc editionem accessione quadam sua a prioris libri scopo non aliena locupletaret, deque τῷ *Λόγῳ* Dissertationem præmitteret. Et Joannem quidem imprimis Clericum vocabulum istud ex Platone repetitum, inque religionem illatum fuisse, sibi persuadentem impugnat, miratus, quod Faustum ille Socinum in ea, qua sic statuerit, Dissertatione debellaturum sese simularit, cum tamen æque ac maxima Doctorum Remonstrantium pars, Socinianiismi haud præter rationem suspectus sit. Egregie namque ad Socini palatum fore censet, quod in scriptis Mosais nihil, quo Messias typice præfiguretur, agnoscat, & varia (quæ Noster in medium profert,) Pentateuchi loca parum congrue depravet. Porro, quam infelicer Alogianos impugnet, examinatis ejus argumentis monstrare ulterius laborat. Temerarium enim Clerici assertum dicit, quod Joh. XXI, 24, Ephesina loquatur Ecclesia, cum isto certe pacto non parum decedat auctoritati universi hujus scripti, quippe quod non uno loco interpolatum esse pronum sit exinde suspicari. Ubi Clericus Justinum Martyrem passim alludere dicat ad Evangelium Johannis, tanquam ab Apostolo conscriptum, eas ipsum Justinum locutiones, præsertim, ubi τῷ *Λόγῳ* mentionem faciat, cum selectu tali memorat

rat

rat producere, ut minus a Socinianorum placitis discrepare sanctus ille Pater videatur. Quid? quod & in vertendis ejus verbis parum quandoque deprehendatur accuratus. Deinceps totus est in evertenda ista Clerici opinione, quod, antequam Johannes scriberet, variae voces Platonicæ in religionem (prout subobscurè loquatur is, potius enim Sacram Scripturam Noster vult substitui,) illatæ fuerint. Atque heic frustra monet provocari ad veterum Hæreticorum scripta, quæ aut nunquam extiterint, aut dudum certe interierint, imo si & extarent amplius, nullum idoneum probandi momentum huc asferre valerent. Sigillatim vocabulum *Λόγος* a Philone mutuo acceptum, & per Philonem ex schola Platonis in religionem translatum, ac deinceps a Johanne, quo sensu usurpari illud posset, explicatum fuisse, nulla ratione admittit. Nam Philonem Johanni cognitum aut ab eo lectum fuisse, vix credendum autumat, nedum ut ejus verba Scholiastis instar explicasse hic dicendus sit. Imo & Philonem ipsum ex Judæis eorumque doctrina, aut e Scriptura quoque Sacra ea, quæ de rebus divinis tradat, potius, quam e Platone desumisse, verò censet haud absumile. Quod de fide circa Trinitatem Judæis exosa, sed apud Philonem tamen satis manifeste reperiunda dixerat Clericus, ut probaret, hunc non e Judæis sed ex Platone sua hausisse, ita comparatum esse Noster judicat, ut prius illud de Judæis duntaxat recentioribus dici possit: veteres enim Trinitatis dogma neutiquam ignorasse, aut ab eo abhorruisse, probat. Dehinc singula Philonis loca a Clerico producta percurrit, atque circa ea ostendit, quam nihil in iisdem deprehendatur, quod non ex Sacris longe doceri luculentius Johannes Evangelista potuerit, quodve & Philoni aliunde, quam e Scriptura, innotuerit. Posteaquam ergo latius evictum dedit, suam Clericum sententiam eo, quo debebat, modo minime probasse, ad argumenta ei opponenda pergit, ante omnia altum urgens silentium, quod de *Λόγος* vocabulo e Platone deprompto observetur, apud antiquissimos, qui aut Philosophiam Platonicam nimis extollere, aut Christianos sua ex Philosophis fuisse mutuata obtendere consueverint, cum, tamen nec illi in Platonis laudem, nec hi in Christianorum vituperium istud fuissent omisuri, si obstetricante Philone Johannes vocem *Λόγος* a Platone accepisset. Insuper alios e sanctis Patribus adeo acriter Platonem haud vituperaturos fuisse monet, si voces ejus vir *Θεός*

πνεύς tanto in pretio habuisset. Præterea jam ante Platonem creberrimum illius vocis usum reperiri asserit, nec significatu qualicunque, verum eo, quem & Plato adoptarit; unde eum Platonicum dicere Critici haud sit. Quin potius sicut alia plura, sic vocem quoque *Λόγος* ab Hebræis sacrisque Scriptoribus Platonem obtinuisse probat. Similiter Philoni ex Scriptura a LXX Interpretibus verâ, prætereaque e Chaldaica paraphrasi, toties totiesque Verbum Dei memorante, eandem innotuisse perhibet, eumque alias de mysteriis locuturum solícite abigere Philosophorum nœnias præstigiæve ostendit, unde nec circa ea, quæ de *Λόγῳ* tradiderit, quæque omnino mysteriis accensuerit, ad Platonem eum respexisse infert. Clerico igitur hoc imputat, quod ex eorum numero sit, qui ad beatitatem æternam obtinendam mysteriorum religionis Christianæ fidem minus esse necessariam existiment, sufficientem putantes eam veritatis cognitionem, quæ absque ulla revelatione, præter eam, quæ omni homini attendenti obtingat, haberi possit ab iis quoque, qui Christum non cognoscant aut profiteantur. Posita vero illa sententia, non posse non minoris pretii haberi Scripturam sacram, utpote quæ doceat quidem dogmata ad salutem scitu & creditu necessaria, sed quorum sufficientem cognitionem ex ratione etiam naturali gentiumque scriptis haurire liceat. Unde facilis Clerico lapsus fuerit in audaciorem criticen, quam modo circa Scriptores Sacros, modo circa eorum scripta eum exercuisse, exemplis non vniis declarat, & ab his reversus ad *Λόγῳ* vocabulum, male id a Clerico per *Rationem* reddi contendit, ac Philonem, ubicunque *Λόγῳ* & creationis mundi meminerit, nunquam de Sermone, sed semper de Ratione tantum cogitasse, manifesto falsum pronunciat. Vicissim id pro certo habet, quod sua hac vocabuli præsentis versione Socinianis opem ferat Clericus; quandoquidem facta Rationis mentio non solet in nobis ciere cogitationem veri *ὑποστατικῆς* subsistentis, ab eo, cujus sit, isto modo diversi, quo Filius diversus est a Patre & Spiritu Sancto. Quam ipsam ob rem & reliqua, quæ in principio Evangelii Johannis de τῷ *Λόγῳ* prædicentur, satis dilute ac tenui admodum sensu exponat Clericus, ejusdem cum Patre æternitatis, naturæ & essentiae Filium esse minime credens, quantovis etiam studio mentem suam tegere conetur. Tacemus argumenta alia, quibus, quod tantum non manifeste Sociniani ille faveat, evincere satagit. Scripta interim ejus tan-

ti ob id a nonnullis fieri existimat, quod magnopere promoveant profanos hodiernorum hominum conatus, quibus eliminato omni mysterio, Scripturæque dignitate depressa, religionem fingant latitudinariam, quæ paucissimarum rerum Deum spectantium cognitione, & ad rationis humanæ trutinam exactæ qualiscunque moralis doctrinæ praxi contenta, secure hoc ævum transigere doceat. Se autem Arminianis simul ostendere voluisse, cum, quid concoquere possint ipso- rum antesignani, tum quid a talibus præceptoribus juventuti suæ polliceri valeant. Nec habiturum eorum hodie principem, Limborgium, quod ideo conquæritur: hunc namque haud ita pridem eam sibi libertatem summisle innuit, ut in clarissimum Burmannum aliosque viros e Reformatis celeberrimos impetuose nimis invecus fuerit. Sed præter rem id ab ipso factum contendit, ac Burmannum præ cæteris ab impacto ei Spinossimo, semel huc delatus, operose liberat.

RAYMUNDI VIEUSSENS, MEDICINÆ DOCTORIS MONSPE-
liensis, *Epistola de sanguinis humani cum sale fixo, spiritum aci-
dum suggerente, tum volatili, in certa proportionem sanguinis phlegma,
spiritum subrusum ac oleum fatidum ingrediente, nec non de Bi-
lis usu ad acuitatem Medicam Lipsiensem perscripta,
una cum hujus Responso.*

Lipsiæ, apud Joh. Ludovicum Gleditschium, 1698, in 4. plagul. 3.

Cum Auctor Clarissimus ex nonnullis in lucem editis Operibus, quo-
rum *Neurographiam* A. 1685. p. 334, *Tractatus vero de Principiis
atque Fermentatione* A. 1688. p. 545. in *Actis* commemoravimus, insi-
gne stipendium annuum præter spem apud Magnum Galliarum Re-
gem promeruisse, id sibi negotii credidit solum dari, dignus ut tanta
tanti Principis liberalitate deprehenderetur, adeoque suis porro stu-
diis Ars Medica promoveretur. Quapropter ante omnia in Sangu-
inis essentia, corpusculorumque fluidum hocce vitale constituentium,
vi atque proportionem manifestandis, & in peculiari scripto, quod pro-
pediem cum alio de Temperamentis divulgare constituit, explanan-
dis diu hætenus multumque sudavit; quo fundamentum videlicet ac-
quireret solidius, cui amplam accuratamque Morborum internorum

Historiam, causarum & symptomatum explicationibus e mechanica corporis humani structura desumptis, illustratam atque multivariis triginta fere annorum in xenedochio Monspeliensi observatis Anatomicis corroboratam, superstrueret postmodum, cum Erudito itidem Orbe communicandam. Attamen prodromi nunc vice praefens prodire jubet Epistolum, quo sanguinis humani non minus spiritum acidum, ac sal volatile, qua videlicet proportionem hoc & phlegmati, & spiritui subrufo, & oleo foetido, per distillationem e sanguine prolucis inexistat, omnium exponere oculis annitur. Sicut namque Clarissimus quondam *Graanen* in *Tr. de Homine* 4. 7. p. 39. acidum in sanguine ex assumtis acidis, vel de acido saltem participantibus, uti panis secalinus cum primis est, colligebat: ita *Noster* e sale sanguinis fixo, quod ceu falsum in *Tr. de Principiis* 1. 22. p. 284. vel innatum, vel adventitium declaraverat, quodque *Rob. Boyle* in *Hist. Human. Sangu. Part. 2* p. 45. falsi communi sive marino analogum reputaverat, spiritum omnino acidum, qualem & alii ex alcali quocunque fixo per olei vitrioli vel arenae adjectionem eruere conantur, sistit distillatum. Nempe, postquam quinquaginta libras sanguinis, in aeneo prius vase ignis adjumento exsiccati, in fornace figuli per viginti quatuor horas calcinasset, seu in cineres trium unciarum & drachmarum septem redegisset, atque ex his salis fixi fere nivei, in morem alcalium cum acidis spiritibus effervescentis, solutionem Mercurii sublimati praecipitantis ac purpureum syrupi violarum colorem cum viridi commutantis, unciam unam obtinisset, ex salis ejusmodi fixi drachmis septem ac quadraginta duobus granis, cum tribus circiter uncis boli siccissimi commixtis, igne reverberii unciam dimidiam cum octodecim granis spiritus, ipso spiritu aceti acidioris, se distillasse tradit, qui instar aliorum pariter acidorum cum alcalibus fixis & volatilibus ebullierit, atque syrupo violarum & tincturae heliotropii ac malvae rubedinem conciliarit; e relicto autem capite mortuo drachmas duas extractas fuisse cum dimidio & grano uno salis fixi, non nisi cum oleo vitrioli effervescentis, solutionem autem Mercurii sublimati praecipitantis atque colorem syrupi violarum aliquantum prius excalescenti & tincturae florum malvae in viridem mutantis. Ne cui tamen scrupulus oboriretur, spiritum istum distillatum acidum non tam sanguini, quam vitriolicis particulis ex aeneo vase inter exsiccandum avulsis de-

deberi, eundem pariter spiritum e fixo sale, in terreo vase exsiccatum, saltem in minori quantitate produsse annotat, quod studio acidum omnino noluerit educere, utpote observaturus, num sal posterius omni acido haud privatum, ideoque in duplo majore quantitate, videlicet ad drachmas quinque residuum, vires a priori discrepantes exereret; quales nihilominus in tincturae florum malvae ac spirituum acidorum admixtae ne utiquam apparuerunt diversae. Neque silentium, sal puro calentis Solis ardore e sanguine eliciti subrufum multo acrius simulque sensibilibus acidum extitisse, quod acumina illius salis a Sole parum, ab igne vero culinari multum hebetentur. Ast quo cunctorum corpusculorum, e sanguine absque ulla eorumdem jactura separatorum, exactius suo tempore determinari queat proportio, in quantitate porro salis volatilis in sanguinis phlegmate, spiritu subrufo & oleo foetido inquiri, atque post varia frustraneo successu instituta tentamina, uncias demum duas phlegmatis grano uno & dimidio salis volatilis impraegnari, spiritus vero subrufi drachmam unam unice phlegma haberi viginti septem granis salis volatilis gravidum, in uncia denique una olei foetidi unciam dimidiam cum drachma dimidia & granis duodecim spiritus subrufi, nec non grana octo alcali fixi comprehendendi, exinde ostendit, quod unciae duae aquae fontanae destillatae, ubi in iis granum unum cum dimidio salis volatilis sanguinis fuerit solutum, itemque phlegmatis sanguinis drachma una, postquam viginti septem grana salis volatilis sanguinis receperit, eidem moli vel phlegmatis, vel spiritus subrufi destillati, quoad colorem, odorem, aliosque effectus prorsus cernantur similes; olei autem foetidi uncia una cum tribus uncis boli siccissimae rite destillata, praeter drachmam dimidiam cum granis decem phlegmatis limpidi a bolo primum prodeuntem, unciam dimidiam cum dimidia drachma & granis duodecim spiritus subrufi, ignem extinguentis, ac drachmas duas cum dimidia granisque viginti & uno olei, cito inflammabilis bilique folliculari analogi, suggerat, prout caput mortuum grana octo salis fixi nigricantis, pforante in aere humido deliquescentis & plane alcalici, praebet extrahenda. Tandem, cum in bilis analysi, tribus circiter abhinc annis instituta, primum phlegma summe pellucidum, hinc liquorem lacteum, instar lactis ipsius candidum & omnis corruptionis expertem, cum aliis corporibus Auctor obtinuerit, nonnulla de

M m m ;

bilis

bilis addit usu, a sulphure bilis, sale acri acido lenissimo gravido ac velut condito, albedinem chyli hujusque in ventriculis cordis fermentescendi formamque sanguinis recipiendi dispositionem deducens, consequenter fermentum massæ sanguineæ, quod fermenta ejus nativa conservet, bili acceptum ferens. Quem usum aliis etiam confirmari experimentis putat, dum uncie octo aquæ fontanæ; tantillo spiritus vitrioli imbutæ, mox, ubi in bilis tepidæ drachmam unam projiçuntur, lacteam fere albedinem contrahunt, majorem adhuc contrahituræ, si quatuor salis absinthii grana admisceantur, dumque itidem ex sufficienti phlegmatis, e pane destillati ac volatili acido imprægnati, atque bilis miscela soliditas quædam lactea lacteusque color emergunt, spiritusque panis cum sale, tum fixo, tum volatili sanguinis diutius fermentescit, quam quivis alius fluor acidus, evidenti argumento, multum in nobis salis acidi educi ex pane, una cum acido nitro-aereo ad fermentationem sanguinis egregie conducens.

Ast quia omnia, quæ recensita hucusque fuerunt, Inclytæ Facultatis Medicæ Lipsiensis ultro exponuntur judicio, hæc in Responsione adnexa Herculeos labores, quos in spiritu sanguinis acido destillando ac salis volatilis in sanguinis phlegmate, spiritu subrufo & oleo foetido proportionem determinanda, omnium primus *Autor Cl.* impiger subiit, potissimum commendat & prædicat, dubia, quæ ipsi circa bilis usum visa, non æque ac promissorum Opusculorum editionem urgens.

JOH. BERNOULLI THEOREMA UNIVERSALE RECTIFICATIONI Linearum curvarum inserviens. Nova Parabolarum proprietates. Cubicalis primaria arcuum mensura &c.

EXhibui in *Actis* anni 1695, pag. 374, modum generalem: *ad dam quamquamvis curvam describendi aliam, quarum summa vel differentia per arcum circuli sit mensurabilis*, deductum ex generali illo evolutione condescriptarum theoremate, quod postea ad alias speculationes viam aperuit celeberrimis Viris *Leibnitio* & *Tschirnbaufio* in eodem *Act.* anno m. Novemb. Ex eo tempore cogitare cœpi, annon forte alia combinatione curvarum id fieri possit per solas lineas rectas; seu annon ad curvam propositam inveniri possit alia, quarum sum-

summa vel differentia absolute rectificabilis existat; nec spe vana. Cum enim non ita pridem hæc in mentem redirent, sequens insigne theorema se mihi obtulit: si posita cujusvis curvæ data coordinatæ

x & y ; fiat alia curvæ cujus coordinatæ sint $\frac{x dy^3}{dx^3}$ & $\frac{3x dy^2}{2dx^2}$ —

$\frac{1}{2} \int \frac{dy^2}{dx}$, erunt amba curvæ genitrix & genita simul summe rectificæ-

biles; facta enim recta quæ se habeat ad abscissam curvæ datæ x , ut cubus tangentis ad cubum subtangentis in eadem curvæ datæ, æquabitur hæc rectæ longitudini curvarum simul summarum: id est, expressione literali adhibita, si elementum curvæ datæ vocetur dt , longitudo

eiusdem D , longitudo genitæ G , erit $D : G = \frac{x dt^3}{dx^3}$. Nosandum

hic, si curvæ proposita versus axem sit cava & (posita dx constante) — $3 x d dy$ sit majus quam $dx dy$, tunc differentia curvarum dictæ rectæ æquatur.

Non opus est indicare, quæ via, quæve analysi huc pervenirem, calculus foret nimis prolixitatis: si tamen alicui animus erit asseri veritatem explorare, poterit id commodissime synthetico more præstare, differentiando scilicet assignatam hanc ex constructione rectam & quod prodit conferendo cum aggregato elementi curvæ genitricis & elementi genitæ, reperiet enim utrobique æqualitatem. Hinc si curvæ proposita algebraica sit, sive transcendens primi gra-

du si modo $\frac{dy^2}{dx}$ sit summabile, curvæ genita tunc semper erit alge-

braica: datur namque algebraicæ ratio dx ad dy . Hinc etiam quod incognitum hactenus fuit, & inter rara hujus sæculi inventa numerari potest, sequitur omnem Parabolam cujusvis gradus aut per se aut cum alia alius gradus Parabola conjunctam absolute esse rectificabilem:

per se, si exponent parabolæ sit $= \frac{1+2p}{p^2}$ (per p intelligo quemlibet

numerus integrum) cum alia vero generaliter in omni casu. Esto enim datæ parabolæ gradus seu exponent n : dico eam cum alia parabola

bola cujus exponens $= \frac{2n-1}{3n-2}$ junctim admittere rectificationem; qua-

lisunque etiam sit numerus n sive fractus sive integer, sive surdus sive rationalis sive affirmativus sive negativus. Unde pro parabola communis *Archimedeae* reperitur parabola cubico biquadratica, id est cujus exponens est $\frac{1}{3}$, seu ubi biquadrata applicatarum sunt in triplicata ratione abscissarum. Hanc vero rectificationem, in quam alia quoque via particulari incidi, quoniam non postremam proprietatem constituit hujus ab omni antiquitate decantatissimae curvae, placet hic plenius exponere.

TAB. XI.
Fig. I.


Esto (Fig. I) AB parabola communis, ex B agatur normalis BI secans axem AI in I, & IM normalis ad BI, occurrens diametro PM in M: refecetur IK = subnormali seu semiparametro. Descripta jam parabola cubico-biquadratica AG, cujus parameter sit $= 3\frac{1}{3}$ param. parabolae AB, sumatur abscissa AH = tertiae proportionali ad parametrum seu ad duplam IK & ad BK, appliceturque HG. Dico curvam GAB compositam ex portionibus parabolicis AG, AB esse aequalem lineae rectae IM.

Si haec porro conferantur cum iis, quae primus inveni pro sectione arcuum parabolicorum in data ratione, quaeque in *nupero Junio* edita habentur, ubi simul innui ad arcum quemvis datum parabolae communis inveniri posse ope methodi meae alium arcum in eadem parabola, ita ut datam habeant differentiam rectificabilem: apparebit facili ratio comparandi quoque arcum parabolae cubico-biquadratae AG, cum arcu vel arcibus quibusdam parabolae communis. Unde novum emergit inventum meo judicio haudquaquam spernendum, quod faciem accenderet insignem ad mensurandam parabolae longitudinem per meras rectas lineas, si modo id possibile esset: perspicio quippe arcum AG cum aliquo arcu vel arcubus parabolae AB, posse habere rationem algebraicam. Jam vero aliquis operae pretium ageret, si ostenderet, arcum AG non cum aliquo tantum, sed cum ipso arcu AB comparabilem esse: haberet profecto rectificationem curvae parabolicae & quadraturam hyperbolae dudum frustra quaesitam: dividenda enim tunc tantum adhuc foret recta IM in ratione inventa, diviseque hinc una pars arcui AG, altera arcui AB aquaretur. Sed id ipsum quod quadraturae hyperbolae impossibilitas pro demonstrata fere habeatur, invictum est argumentum, arcus parabolae cubico-bi-

qua-

TAB. XI. ad A. 1698. pag. 464. M. Oct.

*Arcus Parabolici
inter se comparati et
Rectificati Auctore
Joh. B.*



B. XI.
§. 2.

NRH

TAB.
Fig.

quadraticæ cum quibusdam arcibus non cum omnibus parabolæ comparabiles esse, insolitum quidem hoc est, sed tamen verum.

Quod si ulterius pergamus, & inquiremus, qualis exponens n debeat assumi, ita ut genitrix & genita fiant eadem curvæ, oportet æquari n cum $\frac{2n-1}{3n-2}$, id quod $n = \frac{1}{3}$: atque est *parabola cubicalis*

primaria, quæ cum se ipsa comparata rectificari potest, seu in qua assignari possunt duo arcus, quorum differentia est rectificabilis. Hic ergo incidimus quasi fortuito in perelegantem hujus famosissimæ curvæ alias irrectificabilis proprietatem, quod inventum alteri illi *Heurati-ani*, seu prout *Wallisius* contendit, *Neliano*, quo primum parabola cubicalis secundaria rectificari cœpit, nobilitate non modo non cedit, sed multis parafangis præcellit, si id æstimare velimus ex difficultate eruendi; vilescit enim hoc & desit esse novum, ex quo methodi infinitesimales includere, cum earum nulla sit quæ non immediate & facillime hujus curvæ parabolicæ secundariæ rectificationem exhibeat, & vel primo mentis obtutu. Nostra vero primaria postquam omnes Geometrarum ejus dimensionem quærentium sudores & labores hactenus elusit, nobis in tantum obsecundavit, ut arcuum suorum differentia mensuram rectis lineis algebraice determinabilem a nobis acciperet. Nec video, qua alia via, quam hic præscripta, ad hujus cognitionem perveniri potuisset. Egregiam adeoque habuissem occasionem, si suppressa methodo, aliis idem problematice proponendo vanæ gloriolæ litare voluissem: sed malui publicæ quam propriæ utilitati prospicere, exponendo inventum sine pompa. In vulgari parabola conica eandem rem præstiti, ut supra dixi: illud autem cum ex nuda attentione ad hyperbolam ultro fluat, præ hoc novo nihili facio. Sit itaque Parabola cubicalis primaria ABC , in qua arcus expositus BC , (*Fig. II*) a punctis B et C ducantur applicatæ BF , CG : sumatur AI æqualis tertiæ proportionali ad vigecuplam septuplam AF , & ad parametrum parabolæ; fiatque ut AG ad AF , ita AI ad AH ; ad puncta I & H ductæ applicatæ IE , HD rescabunt arcum DE , qui ablatus ex arcu BC relinquet differentiam rectilinearem, quæ ita invenitur: duc tangentes CP , BK occurrentes AP normali ad axem in punctis P , K ; ex quibus age æxi parallelas PN , KL quæ secent normales ad curvam CN , BL , in N , L : erige perpendiculares NO , LM , tangen-

Nnn

TAB. XI.
Fig. 2.

ti-

tibus productis occurrentes in O, M. Dico differentiam rectarum OP, MK esse æqualem differentię arcuum parabolicorum CB, ED.

*EJUSDEM ANNOTATA IN SOLUTIONES FRATER-
nas problematum quorundam suorum, editas
proximo Actorum Majo.*

Si problemata subinde Eruditis propono, scopus mihi non est aliorum capacitate tentandi, sed unice, ut ingenia excitentur, novumque capiant incrementum scientię; unde & ego delectamentum habeo, quando præsertim solutiones in lucem prodeuntes cum meis conspirare deprehendo. Eorum quę partim in *Hisce Actis*, partim quoque in *Ephemeridibus Paris* quondam proposui, nunc demum nonnulla a *Fratre* soluta *Actorum mensis Majo* exhibet. Gaudium, fateor, non leve mihi attulit consensus, quem animadvertere potui solutionum *Fraternarum* inter measque; & perfectum fuisset omnino, si modo in generalitate quoque meis respondissent. Non igitur abs re puto, si hic paucis & omni qua possum modestia recensuero, quid ad perfectionem omnimodam solutionum *Fraternarum* desiderem.

Et quidem pag. 227 Demonstrationem syntheticam affert problematis de infinitis cycloidibus; sed pro simplicissimo duntaxat casu, quando sc. recta positione data verticalis est. Optassem interim generalem pro omni recta positione data, imo etiam pro curva, exhibuisset meę similem, qua non modo a puncto ad punctum iter brevissimum cycloidem efficit, sed & simul a puncto ad lineam non tantum verticale, non tantum rectam, sed utcumq. curvam descensum brevissimum vel interdum longissimū peragi per cycloidem lineę datę perpendicularem, breviter, perspicue, directe & synthetice demonstrō, quam omnes, quotquot sunt quibus communicavi, summo opere laudarunt & approbarunt; & nuper tantum Amplissimus & Generosissimus Dn. *Dierckx* Præses in suprema Curia Brabantina quę Hagę est, Vir acerrimi judicii & in his studiis versatissimus, una cum Filio Nobilissimo, Mathematico pariter ingenioso; quemadmodum ex ipsorum literis ad me non sine delectamento intellexi. Hęc vero mea demonstratio synthetica quę non in *Tableau* tantum, sed in omni alia hypothesi succedit, jam initio statim lucem publicam aspexisset, nisi suavis

cc-

celeberrimi *Leibnitii* eam etiamnum suppressam tenerem, ut jam alibi memini me monuisse: eo enim tempore, quo incidi in problema de celerissimo descensu, jam adinveni hanc demonstrationem.

Cæterum si verum est, *fratrem* celerissimum descensum ad re-
ctam positione datam non solum in cycloidibus sed & in omnibus cur-
vis similibus determinare posse, vel potius tum temporis potuisse, cum
hoc problema proponeret, scire valde gestio, quid illa verba sibi velint,
in quæ erumpit: *Qui methodum de maximis & minimis promovere vo-
let, tentabit. Nobis sufficit proposuisse*: De circulis & parabolis lo-
quens, quæ utique etiam sunt curvæ similes; qui dicit sibi sufficere
proposuisse, tantundem est ac diceret se non solvisse, imo difficultate
quasi deteritum ne tentasse quidem. Quicquid sit, longe majus quid
præstitisset, si solvisset quoque in curvis dissimilibus: tentet & videbit
immensam difficultatem, & vel in solis ellipsis super eodem axe ex-
tructis, quod jam nonnemi propofui: meus solvendi modus eo per-
tingit. Nec minus rem spinis oblitam sentiet, si reliqua duo exempla,
quæ sine demonstratione subnectit, a circulis & curvis similibus ad
quasvis dissimiles transferre voluerit. Cum hic sermo sit de demon-
stratione synthetica, Lectorem B. monitum volo, in illa altera affinita-
te juncta, quæ novissimo mense Junio prodit, ubi tautochronismum
Hugenianum quam simplicissime demonstro, irrepsisse sphalma quod
sic corrigendum: pag. 267, l. 29 & 30 pro ATq. HNq : : DTq. DNq
pone VAT. VHN : : VDT. VDN.

Transco jam ad solutiones problematum meorum in *Ephem.
Gall. m. Aug. 1697* propositorum. Quod primum concernit, conque-
ritur statim *Frater* de ambiguitate in voce *geometrice*: cum tamen jam
nemo nesciat, non mihi soli dudum, sed etiam acutissimo *Leibnitio* imo
& ipsi *Fratri*, geometricum esse quicquid geometrica lege peragitur,
seu quicquid per æquationem sive algebraicam sive transcendentem
determinari potest. Non nego, potuissem plane omittere hoc vo-
cabulum, quippe quod per se subintelligitur; id tamen consulto adjeci,
ut simul excluderem constructionem quandam simplicissimam, gene-
ralissimam & facillimā, quam prævideram dari posse, sed quæ mecha-
nica est: *Extendendo scilicet situm per superficiem convexam ab uno da-
to puncto ad alterum, illudque firmiter astringendo: capiet enim hoc pa-
cto situm brevissimum inter utrumque punctum*. Volebam itaque evita-

re ambiguitatem, excludendo statim quod mechanicum est : tantum abest ut illam affectaverim. Videat hinc *Frater*, annon *Illustrissimo Marchioni Hospitalio* rem forte gratiorem fecisset, abstinendo verbis blandiusculis (quibus viri generosi parum delectantur) quasi ille hoc problema ob dictam ambiguitatem neglexerit. Ipse haud dicet, se neglexisse, imo maxime se ei applicuit, ut ex ipsius ejus litteris ad medatis habeo, sed de nulla tali ambiguitate conquestus est, quia optime genuinum sensum problematis intellexit, quandoquidem se problema de superficie curva in superficiem planam reduxisse mihi significavit. Quod vero ei res non omnino ex voto cesserit; indicium est, majorem in hoc negotio difficultatem praesensisse, quam ut una generali aequatione (ut *Frater* se fecisse putat,) problema in omni sua extensione, complecti liceat. Quid interim? si retorquerem & dicerem, *Illustrissimum Virum*, qui pariter unius tantum problematum *Fraternorum* solutionem de celerrimo descensu ad lineam verticalem exhibuit, alterum de Isoperimetris ob ambiguitatem & obscuritatem propositionis (ut fere nesciam an unum an plura contineat problemata) noluisse attingere.

Ut redeam ad solutionem Fraternali lineæ ducendæ brevissimæ in superficie conoidea, eam legitimam agnosco, & gaudeo Fratrem hac in parte mecum concurrere: sed patiat ut dicam, ex infinitis casibus vix unum esse quem solverit, eumque facillimum, adeo ut immane quantum adhuc pro generali solutione desideretur. Fundamentum, quo forte *Frater* usus est, in eo consistit, quod differentia duorum angulorum, quos facit linea quaesita cum duobus quibusve meridianis proximis in superficie conoidis vel sphaeroidis ductis, debeat esse æqualis angulo quem comprehendunt duæ in ipsis punctis intersectionum tangentes meridianos, & in axe conoidis vel sphaeroidis concurrentes. Sed quam parum hoc est! valet enim vix ac ne vix quidem in conoidibus & sphaeroidibus, & quidem basium circularium, sed neque in his omnibus: oportet in super axem rectum esse ad basin; at vero quot sunt conoides, quot sphaeroides, quarum axis est obliquus? quot sunt iterum quarum bases non sunt circulares? Vellem itaque restringeret verba sua, quando dicit, *Problema in omnibus pariter conoidibus & sphaeroidibus, æque ac in cono cylindro: esse facillimum*, ad illas tantum quæ sunt rectæ & circulares. Præterea si consideremus mul-

tit.

titudinem & varietatem infinitam superficierum curvarum, quæ plane non sunt conoides nec sphaeroides, fateri oportet, rem esse exigui momenti, quod in conoidibus & sphaeroidibus præstitum, præ eo quod a *Fratre* præstandum superest. Heic igitur me fecisse aliquid puto, quod repperim viam generalem perveniendi ad æquationem pro quavis superficie curva data, sit conoidica, sit non conoidica; quam *Fratri* indagandam relinquo, ut tempus habeat suam perficiendi & problemati ex alie satisfaciendi.

In cono quovis obliquo, pro quo & quidem tantum recto prolixissimam constructionem exhibet, & tamen non docet, quomodo linea inventa per data duo puncta ducenda sit, paucissimis verbis sine schemate ita rem expedio: Ductis a duobus punctis datis ad verticem coni duabus rectis, fiant in plano duæ aliæ rectæ ipsis æquales & angulum comprehendentes æqualem angulo superficiei conicæ contento duabus istis rectis in cono ductis: conjungantur rectæ extremitates duarum rectarum in plano, quam secet alia recta utcumque ex angulo plani ducta, distantiam intersectionis transfer a vertice coni in superficiem conicam, ita ut cum prioribus rectis faciat in superficie conicæ, angulos æquales angulis quos facit cum lineis in plano ductis; dico punctum illud in quod distantia cadit in superficie conicæ, fore in linea brevissima, quæ interjacet inter duo puncta data. Suppono hic angulos superficiei conicæ circa verticem comparabiles esse, vel æquales assumi posse angulis planis: quod quomodo faciendum, jam *Barrovius* docuit.

Non est quod diu immorer cæteris problematum solutionibus: meas jam ante annum *Illustrissimo Hospitio* communicavi, quæ quodammodo simpliciores sunt. Sed hoc monitum duntaxat cupio, quod tunc statim etiam in literis ad *Dn. Marchionem* innui, me per curvas ejusdem speciei non intellexisse curvas similes tantum, sed curvas quasunque certa lege descriptas, seu ut termino *Leibnitiano* utar, *ordinum positione datas*: alias si mens mea de similibus tantum fuisset, id diserte dixissem, quemadmodum non diu post feci in iisdem *Ephe. men. Decemb.* ubi pag. 463 seqq. illas expresse voco curvas *similes & similiter positas*. Quod autem in exemplum dederim Parabolas quæ utique sunt curvæ similes, id ipsum ostendit quod tunc de similitudine curvarum ne somniaverim quidem, alias certe non para-

bolas sed alias curvas dissimiles exempli loco proposuissim: nostra enim methodus ad omnes se extendit, quacunque lege datas. Ast tantum discrimen comperiet *Frater* inter similes & dissimiles curvas, ut si problema denuo tentare lubeat, non dubitem, quin sit agnitus, se postquam hoc problema pro speciali isto casu solvit, ne unguem latum promovisse generaliter conceptum pro quibusvis ordinatim positione datis; quod quam abstruse sit indaginis patebit ipsi, si in probl. 4 & 5 loco parabolarum substituere velit easdem illas ellipses, quæ in præcedentibus duobus exempli loco inservierunt: dico exempli loco, solvitur enim pariter per nostram methodum in omnibus aliis curvis.

Superfunt notanda quædam circa lineas quas vocabo Trajectorias, quæ alias ordinatim datas normaliter vel in angulo quovis dato seu etiam data lege variante trajiciunt. Diu adeo est, quod hanc materiam seposuerim, quam nifallor primus in lucem protraxi, ut difficulter in mentem revocem. Cum vero aliquot exempla proferat *Frater* curvarum algebraicarum, quæ jam quatuor abhinc annis celeberrimo *Leibnitio* in privatis ad ipsum literis soluta dedi: placet hic „excerpere quæ tum scripseram in literis d. 2 Septemb. 1694. Aliud „jam pridem etiam mihi consideratum problema non minus elegans „quam utile, ob affinitatem quam cum hisce (*curvis alias positione datis tangentibus*) habet proponam: Datis nempe infinitis curvis positione, invenire curvam quæ omnes ad angulos rectos secat, vel ut „Tuis verbis utar, *Lineis propositam normaliter secantibus positione ordinatim datis, invenire propositam*. Si positione ordinatim data sint „parabolæ *cujusvis gradus*, eundem axem & eundem verticem sed parametros variabiles habentes, curva optata erit Ellipsis: si positione „ordinatim data sint parabolæ eadem eundem axem sed variabiles „vertices habentes, curva quaesita erit logarithmica vulgaris: sicin „quovis exemplo peculiari rem facile expedire possem, Tibi autem „difficile non erit generales pro hoc excogitare regulas. Caterum „hoc problema insignem usum præstat in determinanda curvatura „radiorum lucis per medium inæqualiter densum transcurrentium juxta „hypothesein *Fugentii*, siquidem radius nihil aliud sit quam linea undulationes ad angulos rectos secans. Possit præsens problema adhuc „latius extendi, nempe sic: *Lineis propositam ad angulum datum secantibus positione ordinatim datis, invenire propositam, si lineæ da-*

ta

„ta sint recte in puncto coeuntes, curva quaesita (ceu manifestum est)
 „erit Loxodromica plana &c.

Hic vir sagacissimus in hunc modum respondit, in literis ad
 me datis 7^{to} Decemb. 1694, quod lubens huc refero, ut appareat quan-
 „tum & ille jam tum fecerit. Methodus, *inquam*, inveniendi curvam
 „quae ordinatim positione datis occurrat ad angulos rectos, meo ju-
 „dicio consistit in duabus aequationibus, una continente relationem
 „inter x, y & constantem quandam in curva positione data, sed pro di-
 „versis talibus ordinatim datis variabilem b ; altera continente valo-
 „rem ipsius $dy: dx$ in curva quaesita, expressum ex proprietate per-
 „pendicularium in curva positione data, cujus aequationis ope datur
 „ipsius b valor per dy, dx, y, x , pro re nata; quarum duarum aequa-
 „tionum ope tollendo b , habetur aequatio differentialis primi gradus
 „pro relatione inter x , & y . Sic si positione ordinatim datae sint para-
 „bolae verticis communis, quarum semiparametri b fiet aequ. $2bx =$
 „ yy jam ex conditione problematis, seu perpendicularitate ad para-
 „bolam fit $b = -ydx: dy$, unde tollendo b fit $-2xydx =$
 „ $yydy$; seu summando $1A - xx = \frac{1}{2}yy$, quae utique est ad ellipsin,
 „& satisfaciunt Ellipses infinitae. Et has ordinatim positione datas
 „manifestum est vicissim a parabola unaquaque normaliter secari.
 „Caeterum praecclare a te notatum est, hoc problema usum habere in
 „Dioptrici, pro curvatura radii in medio continue variante: nihil
 „potuit dici aptius, &c.

Allata sufficient ad ostendendum, methodum ad aequatio-
 nem perveniendi non in uno alterove tantum exemplo algebraica-
 rum sed in omnibus, dudum nobis fuisse familiarem: sed quoniam
 in transcendentibus non succedit nisi in similibus, ut in cycloidibus;
 vel etiam in illis, quae ad unam constantem reduci possunt, ut in loga-
 rithmicis; illam velut insufficientem neglexi, nec quam excolerem di-
 gnatus sum: aliamque excogitanda erat, quae generalis esset, & ad quas-
 cunque ordinatim positione datas transcendentes aequae ac algebra-
 icas porrigeretur. Hanc autem postquam acutissi. *Leibnizius*, occasi-
 one eorum quae ipsi super hac affini materia communicaveram,
 ipse novam differentialis calculi applicationem perutilem sane inve-
 nisset, mecumque vicissim communicasset, de qua haecenus nihil in
 publicum constat, hanc inquam quam optaveram methodum gene-
 ralem

ralem secandi ordinatim positione datas sive algebraicas sive transcendentis, in angulo recto sive obliquo, invariabili seu data lege variabili, tandem ex voto erui, cui *Leibnitio* approbatore ne $\gamma\gamma\delta$ addi posset ad ulteriorem perfectionem, & vel ideo tantum quod perpetuo ad æquationem deducat, in qua si interdum indeterminatæ sunt inseparabiles, methodus non ideo imperfectior est, non enim hujus sed alius est methodi indeterminatas separare. Rogamus itaque *Fravrem*, ut velit suas quoque vires exercere in re tanti momenti. Suscepti laboris non poenitebit, si felix successus fructu jucundo compensaverit; scio relicturum suum quem nunc fovet modum, qui in paucissimis tantum exemplis adhiberi potest, ut modo supra dixi.

Quod interim spectat peculiarem illum casum, quem in *Actis* proposui, ubi scilicet quaeritur *Trajectoria omnes Logarithmicas super eodem axe & per idem punctum ductas normaliter trajiciens*: en excerpta ex literis meis ad prælaud. *Leibnitium* jam ante biennium datis, die puta 27 Octob. 1696, quæ singularem exhibent solvendi modum per æquationem *exponentialem*, seu ut ego voco *percurrentem*: Esto „ (Fig. III) AB axis communis omnium logarithmicarum CD, Cd „ ex puncto C educarum: determinanda est curva Dd, omnibus „ CD, Cd normalis. Positis coordinatis AB, BD; x, y & CA, z. Con- „ cipiat ad libitum determinata quædam logarithmica CE, ad „ quam cæteræ referendæ sunt: sit illa facilioris calculi gratia talis; ut „ ipsius subtangens sit æqualis ipsi CA seu z. Jam ex puncto quovis cur- „ væ quæ sitæ D, ductam intellige DE parallelam BA, quæ secet assum- „ tam logarithmicam in E, ex quo si ducatur EF, designabit AF lo- „ garithmum ipsius EF, seu DB, seu y. Nunc ob normalitatem Dd „ ad CD erit generaliter $dx \cdot dy : : BD \cdot BG$, subperpendiculari- „ rem curvæ Dd, ideoque $BG = \frac{-y dy}{dx}$. Est autem ex proprietate „ logarithmicarum subtangens logarithmicæ CE ad subtangentem „ logarithmicæ CD, id est CA ad BG ut AF ad AB, quod hanc suppe- „ ditat proportionem $adx \cdot -y dy : : ly \cdot x$, unde habetur $ax dx =$ „ $-y ly dy$; potest autem $-y ly dy$ summari, prout jam olim ad Te „ scripsisse memini, hoc pacto $-y ly dy = -\frac{1}{2} yy dly \mp$ „ $\frac{1}{2} ay dy$ (quia $dly = \frac{ady}{y}$) sumtis itaque summis per partes, erit

TAB. XL.
Fig. 3.

-f-

„ $f-ylydy = -\frac{1}{2}yly + \frac{1}{4}ayy$ & per consequens $= \frac{1}{2}axx$, id
 „ est $x=y \sqrt{\frac{a-2ly}{2a}}$. Vel si mavis æquationem percurrentem: sit

„ b numerus ipsius: seu $lb=a$, tunc erit $2yly = yylb - 2xxlb$
 „ adeoque $y^2yy = byy \cdot 2xx$ vel etiam $b^2xx \cdot y^2yy = lyy$ &c.

Haud difficilior alter casus logarithmicarum, cujus constructionem dat *Frater* §. 4, ad æquationem percurrentem reduci potest. Ut & si quaeretur Trajectoria normaliter secans omnes omnium graduum parabolas ejusdem parametri, verticis, & axis; haberetur enim pro natura curvæ $xy^2 + xx = x^2xx \cdot y^2yy$. Quapropter vide sis quæ scripsi de Exponentialibus anno superiori mense Martio.

Videamus autem, quomodo tandem *Frater* discursum claudat. En expositis omnibus suis solutionibus & constructionibus, postremo duos casus aliis solvendos proponit, quos hætenus inexploratos dicit, suisque adeo methodis impervios & desperatos: sunt autem hi. *Queritur curva, quæ omnes parabolas super eodem axe extrinsecas, lateraque suarum respectivis verticum a puncto fixo distantis aequalia habentes, ad rectos angulos trajicit*; item: *Queritur curva, quæ parabolam aut aliam datam curvam super plano suo circa datum punctum in orbem conversam in angulo dato secat*. Gaudeo mihi ansam hic dari, quæ ipsius methodo subvenire possim. Ecce solutionem utriusque.

Pro primo; sit A punctum fixum (*Fig. IV*) AB axis communis parabolæ B C, quarum parametri seu latera recte distantis AB æqualia: super axe B A producto fac logarithmicam F G pro arbitrio, cujus subtangens vocetur a : super A H normali ad AB, describe curvam A E cujus applicata H E (posita abscissa A H $= z$) sit $= \int \frac{a^3 dz + 4a^2 z dz}{a^2 z - 6z^3}$: quo facto agatur utcumque G E parallela ipsi

A H, secans curvas in G, E, & axem in D: sume D I, quæ sit ad D E, ut D G ad subtangentem logarithmicæ; ex I ducatur axi parallela I C, occurrens parabolæ descriptæ parametro A B æquali ipsi D G; dico punctum occursum C fore in trajectoria quaesita C K, quæ omnes parabolas ut B C normaliter trajiciet.

Alterum, quo quaeritur *Trajectoria datam quamvis curvam in suo plano circa datum punctum in gyrum versam in dato angulo constanti*.

TAB. XI.
Fig. 4.

TAB. XI.

Fig. 5.

flanter fecans: ita construo. Sit punctum seu centrum rotationis C, ex quo describatur circulus A G H, (*Fig. V*) assumaturque punctum A pro initio rotationis, ipsa vero curva data circa C rotanda sit B F: ex cuius puncto quovis B ducatur ad C recta BC, & ad hanc normalis CD, occurrens tangenti BD in D. Vocentur radius circuli seu sinus totus, *a*; sinus anguli dati, *b*; sinus complementi, *c*; CB, *y*; CD, *r*; BD, *t*; (nota quod *r* & *t* dentur per *y*) sumatur jam arcus A G = $\int \frac{a^2 r y \pm a b c t}{b b c t y - a a y^3} d y$, & ex radio C G abscindatur C β = CB; dico punctum β esse in trajectory quaesita βM , quae curvam datam B F circa C conversam in quovis situ $\beta \phi$, secabit in angulo dato M $\beta \phi$: qui si rectus sit, constructio evadit simplicissima, tunc enim sumendus est arcus A G = $\int \frac{r dy}{r}$. Hujus demonstrationem non addo, quoniam evidens & cuiusvis obvia est.

FRIDERICI KRAUSOLDI U. I. D. ET CONSILIARII AU-
lici Saxo-Martisburgensis Tractatus Juridico-Politicus de Miraculis
& egregiis Usibus S. Rastini, i. e. Ergasteriorum publicorum.

Martisburgi, impensis Georgii Forbergeri, 1698. in 4.
Const. 1. Alph.

PER Discursum hunc praeliminarem, quem tractatus magis robustus proxime excipiet, tale sibi argumentum Auctor Magnus ex-
cutiendum proposuit, quod ex Jurisprudencia Deliberativa, prout appellari consuevit, petitum, & poenarum quarundam abrogationem, prae-
vio convenientioris poenae consilio, serio suadet, instantissimeque hortatur. Postquam enim in medium producta esset quaestio: *utrum*
Imperio Romano-Germanico consultius sit atque tutius, ad fures potissimum ceterosque maleficiosos homines coercendos, famosas poenarum tri-
gam, suspensionem videlicet, fustigationem, & relegationem retinere? an
vero in istarum poenarum locum, Ergasteriorum disciplinarium usum seu
damnationem ad opus publicum substituere expediat? posterior ex
his sententia voto promptissimo recipitur. Ut autem Ergasterii vox
mollior aliquanto evadat, istius vice jocosus sub commento S. Ras-
pinus substituitur, tamen titulo conspicuus, quod sit *Carcer publicus*
sum-

summi Magistratus auctoritate constitutus, in quem immorigeri utriusque sexus hunc in finem includuntur, ut ibidem vinculis onusti, nonnunquam etiam pro qualitate delicti ab iis soluti manere, penitentialem vestem induere, tenui victu vivere, diurnos & eos quidem pro cujuscunque ingenio viribusque gravissimos labores exantlare, & vitam secundum statuta loci ita componere tenentur, ut si secus fecerint, jam verborum increpationes, jam verbera, jam famem, jam alios corporis cruciatus sustineant, tamdiu in hac misera statione mansuri, donec emendationis vitæ signa producant, idque omne in honorem Dei, tranquillitatem Reipublicæ, propriamque immorigerorum salutem.

Ne vero hoc coercionis genus anterioribus, quas modo nominavimus, pœnis temere prælatum fuisse quis arbitretur; primum seorsum circa suspendium, fustigationem & relegationem, origo, indoles & successus, imo incommoda potius & damna, quæ ex pœnæ cujusque irrogatione experientia evidentissime demonstrat, distincte enarrantur. Sub eadem quidem methodo & ergasterii delineatio procedit; diversitas tamen, quæ illi cum altero coercionis genere intercedit, tacite quodammodo insinuat, ut haud difficulter appareat, quam sobria sint ac certa & secura hujus censuræ media. Eam ob causam in conspectum prodeunt bis septem castigationis modi in ergasterio conjunctim obvii, ut sunt vitæ solitudo, squalor carceris, vinculorum asperitas, durities laborum, & similes ex definitione allata faciliè noscendi, quorum conditio totidem paragraphis sub adeo luculenta descriptione, variorumque testimoniorum & exemplorum inductione exponitur, ut facile quis in eam trahatur sententiam, coercionem istam sic comparatam esse, ut nequissimi & indomitæ cervicis homines successive si non ad frugem perfectæ bonam, ad respicientiam tamen aliquam & innoxiam animi quietem, cum præsentissimo reipublicæ commodo, reduci queant. Separatim hactenus pœnarum, quæ hic excutiuntur, origo, indoles & usus in disquisitionem venerunt: conjunctim dehinc & comparate magis pœnæ istæ committuntur, dum circa fines potiores, quos pœnæ respicere debent, quales sunt, emendatio delinquentis, mali retributio, & exemplum quo ceteri deterreantur, certamen de prærogativa promerenda inter has pœnarum sectas acerrime continuatur. Veruntamen & in hoc congressu ergasterii causa superior evadit, ut adeo negotium

porus confectum videatur. Licet autem improbis tantummodo ergasteria sint metuenda; per inopinatam tamen catastrophem & boni omnes ac pii ergasterio mancipantur. Istud ipsum etenim epilogi argumentum est, quo devote pariter ac erudite disseritur, vitam nostram ærumnis & miseriis esse plenissimam, ut ab ergasterii disciplina parum abesse videamur, sive vitæ ingressum, sive ejus progressum, & egressum denique spectare, imo potius, ut par est, attente perpendere velimus.

APOLOGIE DE L' AMOUR &c.

i. c.

APOLOGIA PRO AMORE QUO DEUM SOLUM VERE DESIDERAMUS POSSIDERE, ut felicitatem nostram in cognitione & amore ejus consequamur: cum Animadversionibus gravissimis in Principia Regulasque a Dr. Archiepiscopo Cameracensi statuminatus &c.

Amstelodami, apud Steph. Roger, 1698. in 8. Alph. 1. pl. 2.

QUli Theologiam Mylticam & ex ea prognatum Quietismum ex ipsis Romano-Catholicis impugnare scriptis instituunt, hanc plerumque ingredi viam solent, ut quæ ex doctrina de amore puro consequantur a ratione & Ecclesiæ doctrina aliena demonstrent. Quo ipso, judice libri, quem nunc sistimus, Auctore, ambages atque anfractus varios evitare nequeunt, cum ad singulorum errorum examen illis sit descendendum; simulque adversariis suis subinde occasionem conquerendi suppeditent, quod ejusmodi sibi tribuantur placita, quæ nunquam docuerint. Hæc incommoda non tantum declinari facile, sed & unico ictu prosterne Quietismum, ejusque fundamenta convelli posse existimat, si clare & perspicue demonstretur, quæ illorum animis obversatur de amore Dei perfecto sive puro ideam, nihil aliud nisi monstrum, merumque mentis ludibrium esse; contra vero si verum desiderium Deum solum pollidendi, ut per ejus cognitionem & amorem felices reddamur, pro perfecto veroque Dei amore esse reputandum. Atque istud quidem in hoc opere probare luculenter, simulque manifestum facere, quam lubricis fundamentis doctrina Archiepiscopi Cameracensis innitatur, secum constituit.

De

De natura itaque amoris generatim exponere, e re sua esse exstima-
vit. In quo ita versatur, ut primo de principio & origine a-
moris præcipiat. Nimirum insitam a Deo animæ nostræ inclinationem
necessariam ad bonum, & invincibile desiderium felicitatis; vel po-
tius, Deum nunquam non impellere & concitare animam per invinci-
bilem impressionem ad bonum generatim consideratum, ut felicitatem,
hoc est statum naturæ suæ convenientem expectat, contendit.
Etenim exploratum habere animam per intimam conscientiam, se in
se ipsa, quo felix reddatur, non reperire, nec instinctum quo feratur ad
felicitatem extra se querendam, a se dependere: consequi inde, igitur
ab invincibili quadam Dei impressione hoc provenire. A principio
ad objectum progreditur, quod mox boni, mox felicitatis, mox finis
nomine designari monet. Hisce enim vocibus nihil aliud quam
diversas relationes unius ejusdemque objecti, quod nobis convenit, in-
dicari. Si enim consideretur prout nobis convenit, vocari bonum; si
spectetur ut terminus ad quem appetitus noster tendit, vocari finem;
& denique si nobis sitatur, prout ejus possessio summam voluptatem
jucunditatemque nobis affert, felicitatem appellari. De bono itaque
ita differit, ut tum rationibus tum testimoniis veterum philosopho-
rum demonstret, illud in convenientia cum nostra natura consistere.
Quod ut evincat, ita procedit. Amare nos inquit objectum ideo,
quia est amabile: aut amabile nobis nihil aliud dici posse, quam quod
nobis bonum, hoc est, naturæ nostræ conveniens est. Conveniens au-
tem & bonum aliquod dici ob perfectiones tum absolutas, tum relati-
vas, quibus gaudet. Affert hinc usitatum bonorum in honesta, utilia
& jucunda partitionem, eamque ad institutum suum accommodat.
Sic & de fine exponens, monet sedulo, finem *cujus* discernendum a fi-
ne *est* licet voce amoris uterque designetur. Contingere quidem,
ut bonum aliquod in alterius gratiam concupiscamus, cum amico, li-
beris &c. bene cupimus; sed hic nihilo secius, ut & in omni amore, sub-
jectum immediatum voluptatis ex boni possessione oriundæ esse i-
psam amantem. De fine ultimo absolute & secundum quid tali iden-
titem agit, & unum solum finem ultimum eundemque verum esse,
posse, Deum scilicet, autumat, licet homines plerumque aliud quid
pro fine ultimo sibi proponant. Fieri etiam posse ait, ut plura obje-
cta simul finem ultimum constituent, & quidem totalem, quorum u-

Art. 3.

Cap. III.

numquodque partialem finem efficiat: ut adeo inde nonsequatur, unum eundemque hominem simul duos fines ultimos sibi propositos habere posse, cum hoc nullo modo fieri queat. Hinc concludit, finis non esse illud bonum tandem promereri, quod propter se ipsum amamus, simulque inferri, fieri aliter non posse, quin unusquisque semper ex amore finis ultimi agat, quamdiu rationis ductum sequitur. Non quidem necesse esse, ut de fine semper cogitemus, licet semper ob finem quendam ultimum agamus; atque huc pertinere in scholis receptam distinctionem, qua tum formaliter, tum virtualiter propter finem aliquem agere pronunciant. De felicitate autem agens, id cum primis disceptandum sibi sumsit: an desiderium invincibile nostræ felicitatis ejusmodi sit, ut non possimus aliquid amare, nisi quia & in quantum nobis est conveniens, h. e. quia utcumque ad nostram felicitatem aliquid confert. Negare quidem hoc Præfulem Cameracensem cum infinita Mysticorum & Scholasticorum turba. Auctor autem istud affirmat, rationibusque comprobare annititur. Cum primis id urget, amari nihil a nobis posse, nisi sit amabile. Fundamentum autem proximum, cur actu aliquid amabile videri possit, esse convenientiam unius objecti respectu alterius. Fieri itaque posse, ut summam perfectionem alterius perfectam habeamus & admiremur, nec tamen eum ideo amemus. Namque & Dæmones non ignorare summam Numinis perfectionem, illamque admirari, non tamen ideo eos illud amare, quia hoc nihil ad suam felicitatem facere intelligunt: manifestum, ut Auctor judicat, documento, ideo aliquid amari, quia nobis est conveniens. Atque hæc cum in amore unionis citra controversiam ita se habere existimet, ita in amore benevolentiae non aliter esse comparata, eundo per exempla demonstrat. Progreditur hinc ad varias amoris species enumerandas, primoque ratione principii amorem dispescit in naturalem & liberum: illum nihil aliud esse quam amorem sui ipsius, quo necessario ad nostram felicitatem querendam impellamur; concupiscentiamque ab eo solum in hoc differre, quod per hanc corpori cum primis consultum cupiamus: liberum amorem rursus in naturalem & supernaturalem dispescit. Ratione objecti eum in amorem Dei & creaturarum dividit, & hunc rursus in amorem rerum, ad quem honorum, divitiarum, voluptatisque cupiditatem refert, & amorem personarum. Hunc iterum duplicem facit, amo-

renx

rem concupiscentiæ, & puræ amicitiae, quam in Ethnicam & Christianam porro partitur. Denique ratione modi alium esse amorem unionis, alium amorem benevolentiae ait. Capite sequenti de amore amicitiae, prout opponitur amori concupiscentiae, ex instituto præcipit. Mysticos scilicet Theologos itidem ab amore concupiscentiae distinguere amorem amicitiae notat, sed ita, ut per illum intelligant ejusmodi amorem, quo aliquem nostri commodi nostræque felicitatis causa amamus: per hunc autem talem amorem indigent, quo alium non nostri commodi causa, sed tantum ob absolutas ejus perfectiones amamus. Contra Auctor amorem concupiscentiae vocat, quo alterum commodi, ab ipso objecto distincti, causa amamus: amorem amicitiae autem, quo alium ita amamus, ut in ipso objecto ejusque possessione felicitatem nostram quæramus. Sane perfectissimæ purissimæque amicitiae non repugnare, ut in ipso amico amemus, quod nos juvet atque delectet, multis veterum, præsertim Ciceronis testimoniis comprobatur. Objici posse sibi fatetur, hac ratione nos nihil propter seipsum, sed cuncta propter nos amare: quod tamen ita diluit, ut concedat nos cuncta propter nos amare, ita ut omnia ad nos, tanquam subiectum referantur; hoc tamen non obstante, amorem nostrum in objectum a nobis distinctum ferri posse. Sic & quando opponunt, hoc modo omnia, quæ amamus, solum pro instrumentis nostræ felicitatis a nobis haberi; hoc itidem abnuat, cum ad instrumentum requiratur, ut ab objecto nostræ felicitatis sit distinctum, & ad ejus possessionem nos ducat, quod de rebus ipsis, quas amamus, dici nullo modo queat.

Cap. IV.

Cap. V.

Jam caput causæ aggressurus, primo quidem probat, fieri non posse, ut Deus tantum ob perfectiones suas, sine respectu convenientiæ cum nostra natura, ametur. Idque ex principis libro primo positis confirmatisque; quod nihil nisi quod cum nostra natura convenientiam quandam habet, amabile sit, demonstrat. Contendit hic Mysticorum sententiam cum opinione Epicuræorum, Deum sibi fingentium, quem nulla rerum humanarum tangat cura, eundem tamen ob summas perfectiones amore dignum pronuntiantium. Sed quod Cotta apud Ciceronem Epicuræis reposuit, id quin Mysticis aliquando in mente veniat, veretur: *si maxime talis est Deus, ut nulla gratia, nulla hominum caritate teneatur, valeat.* Porro cum anima nostra

Lib. II.
Cap. I.

Cap. II.

stra summo desiderio ad felicitatem expetendam rapiatur, hancque in Deo inveniat, concludit inde, hunc denique amorem Dei purissimum perfectissimumque esse, qui quidem in creaturam cadat, quo Deum propter seipsum amamus, ita ut nostram felicitatem, nostraque naturæ perfectionem tantum in ejus cognitione & amore quæramus.

Cap. III.

Quod autem ad diversas amoris species quibus Deum amamus attinet, quas asserre Mystici solent, nonnullas indignas amoris nomine pronuntiat, aliis diversum solum amoris gradum designari autumat. Quem autem vocant amorem spei, plane rejicit; non quod spes cum amore interdum non sit conjuncta, aut ab actu amoris non differat actus spei, sed quod per hanc spei accessionem neutiquam nova amoris species exsurgat, sed maneat idem amor qualis antea fuerit. Quibus

Cap. IV.

evictis progreditur ad alia, docetque, desiderium possidendi Deum, solum ceu finem nostrum ultimum summumque bonum, ut per ejus cognitionem & amorem felices reddamur, neutiquam pro amore concupiscentiæ opposito caritati, sed pro actu amoris puri & perfecti habendum esse. Cumque cardo rei in eo versetur, quinque ponit principia, quibus hoc rite demonstrat. Primum est: omnem amorem Dei, ordinari a Deo præscripto ratione objecti & causæ impulsivæ exacte conforme, esse amorem purum perfectumque. Secundum: omnem amorem, qui nostram perfectam justitiam absolvit, omnino esse amorem purum, & ut loquitur, perfectæ caritatis. Tertium: omnem amorem, per quem gloriam Deo, modo perfectissimo, qui quidem in creaturam rationis non experte, cadat, redditus, esse purum perfectumque. Quartum: amorem a Deo in Decalogo præceptum, & ab ipso Christo Servatore comprobatum, citra controversiam purum perfectumque esse. Quintum: perfecti amoris characterem evidentissimum esse, si Deum plus quam nos ipsos mundumque universum amemus. His prolixius deductis, & ad suum institutum accommodatis,

Cap. V.

Augustinum idem pariter docuisse, desiderium scilicet possidendi Deum solum ceu finem ultimum & præmium virtutis, pro amore

Cap. VI.

gratuito, perfecto & puro esse reputandum, demonstrat. Cum vero amor Dei quoque non unius ejusdemque generis perhiberi soleat, Noster quidem probare annititur, amorem amicitiae benevolentiaeque provenire a desiderio Deum possidendi: indeque rursus inferre, perfectionem amoris puri ex perfectione desiderii, quo ad Dei fruitionem

tionem feramur, esse metiendam. Benevolentiae autem amorem, quo Deum amamus, non differre ab amore unionis, ex eo praecipue evincit, quod amori benevolentiae maxime proprium sit omni cultu atque honore Deum prosequi. Ast coli non rectius Deum nec majori affici honore posse, quam si juxta ordinem ab eo praescriptum ex toto corde desideremus eum possidere, & in eo unice nostram quaeramus felicitatem.

Ceterum cum hactenus dictis assertis que objici subinde soleat effatum Apostoli: *caritas non querit, quae sua sunt*, I. Cor. XIII, ad hoc ita respondet, ut commodorum quae caritas quaerere possit, alia ab objecto, quod amatur, separata illicitaque, alia essentialiter cum ipso objecto ex Dei institutione conjuncta, ut amari non possit, nisi simul ad nostram inde aliquid redundet felicitatem, adeoque licita esse contendat. Caritas itaque, inquit, non querit quae sua sunt, h. e. ea commoda quae sunt illicita: ast inde non sequitur, quod non quaerat commoda licita & ex ipso objecto amato necessario fluentia; quia si haec non quaereret, non esset amor. Hae itaque licet ex mente Auctoris ita se habeant, non diffitetur tamen fieri posse, ut homines Deum amore concupiscentiae pure mercenario ament, quin quotidie hoc pro dolor! fieri conqueritur. Hosce nimirum neutiquam Deum, sed tantum felicitatem, quam beatos manere acceperunt, amare; cujusmodi caeli amorem praeposterum & inconsultum damnat omnino rejicitque. Et hinc ad Patrum dicta, quae vulgo oppo-

Cap. VII.

Cap. VIII.
nuntur, responderi facile posse existimat. Ad duas ea revocari posse classes monet, quarum una ejusmodi illorum effata contineat, quibus salutem aeternam cognitioni & amori Dei postponere videntur: altera autem ea complectatur, quibus sedulo a servis & mercenariis veros Dei filios discernant. Quae ad priorem pertinent, ea ex Clemente Alexandrino, Chrysostomo atque Theodoro proferunt Mystica disciplinae propugnatores. Noster autem de Clemente cum primis sollicitus est, & hunc in finem, quae de Gnostico suo seu perfecto Christiano in Stromatum libris praecipit, in compendium mittit, simulque ostendit, Stoicos hic imitatum fuisse Clementem, & ut illi in Sapientem suum, quicquid perfectionis excogitare potuerunt, contulerint, sic hunc perfectam numerisque omnibus absolutam hominis Christiani imaginem sistere voluisse. Tandem cuncta eo redeunt, per salutem aeternam Clementem non intelligere illam felicitatem,

Cap. IX.

P p p

quæ

quæ ex cognitione & amore Dei non potest non in homines redundare, sed complexum ceterorum bonorum beatis a Deo destinatorum, quæ Christianus ita amet, ut tamen paratus sit iis omnibus potius nuntium mittere, quam vel minimum ab amore Dei discedere. Unde nec Clementi nec ceteris unquam in mentem venisse, ac si homo amare Deum sine ullo ad felicitatem suam respectu possit, concludit, & ita libro secundo finem imponit. In Additionibus libro huic subiectis demonstrat, ex Philosophis antiquis Aristotelem, ex recentioribus Malebranchium de natura & indole amoris ita præcepisse, ut secum plane consentiant: varia etiam loca ex celeberrimo Mysticæ disciplinæ magistro Francisco Salesio profert, eaque uberiori commentatione illustrat. De indifferentia quoque sancta Additione IV agit, docetque hanc in eo consistere, ut homo amore Dei concitatus divitiis, honoribus, sanitate ceterisque bonis a Deo sejunctis separatique libenter carere, gravissima contra mala suscipere, calamitatesque extremas prompte potius subire paratus sit, quam ut ulla ratione a Numinis amore se dimoveri patiatur. Unde rursus Mysticorum indifferentia illi non placet, quia homo ne quidem per amorem Numinis ejusque fruitionem felix fieri ullo modo cupit; qualem admitti non posse, variis rationibus evincit. In Additione V & ultima denique probare annitur, sive convenientia boni ex parte objecti habeatur pro causa impulsiva proxima, quæ efficiat ut istud amemus, sive conditio sine qua non vocetur, nihilo secius amorem boni cujusdam, quod ideo amamus, quia immediate per se nobis est conveniens, amori gratuito & puro non-repugnare.

Lib. III.
Cap. I.

Cap. II.
Art. I.
Art. 2.

Tertius qui nunc sequitur liber discutiendis Archi-Episcopi Cameracensis placitis ab Auctore destinatus est. Primo itaque sententiam Archi-Episcopi de amore Dei puro refert, & in compendio sinit; simulque observat, jam plurimos Scholasticos & recentioris ævi Mysticos idem de amore Dei docuisse. Hinc de amore sui ipsius nonnulla præmittit, eo spectantia: non omnem amorem sui ipsius in vitio ponendum. Quibus præmissis, amoris species ab Archi-Episcopo statim in principio operis allatas ordine sub examen revocat. Et primum quidem cum Deum ob bona quædam ab ipso distincta sejunctaque amamus, ab ipso Archi-Episcopo recte pro amore Dei non haberi docet, minus accurate tamen ab eo addi: *hoc non est amare Deum, sed*
amare

amare se ipsum; cum verus Dei amor cum quodam sui amore consistere omnino possit. In secunda amoris specie explicanda, pugnancia secum scripsisse Cameracensem Præsulem putat. Primo quidem, dum supponat, unum eundemque amorem, quo Deum saltem ut medium & instrumentum nostræ felicitatis amemus, cuncta autem ad nos ceu finem ultimumque finem referamus, si ultimum non aliud præmium quam Deum ipsum quærere. Deinde & hæc male secum consentire, quod supponat amorem, qui non aliud præmium quam Deum solum quærat, esse nihilo secius amorem concupiscentiæ pureque mercenarium. Concludit tandem, Archi-Episcopum ex duabus amoris speciebus a se plane distinctis novum amoris genus infelicitate composuisse, docetque amoris mercenarii unam tantum speciem esse posse. De tertia amoris specie sive amore spei, ut Archi-Episcopus Cameracensis eum vocat, tria Noster observat. Primo quidem repetit, quod lib. 2. probare annis fuerat, plane non dari anorem spei, eumque pro figmento Scholasticorum habendum declarat; quos Franciscus Salesius incaute fuerit secutus. Deinde amorem spei alio sensu a Francisco Salesio, alio rursus ab Archi-Episcopo Cameracensi statui, quin prout ab hoc definitur, eum sacrilegum atque in Deum injurium esse. Namque secundum Salesium hoc nomine venire ejusmodi amorem, quo primario Deum propter ipsum, secundario autem propter commodam nostra amamus: at Archi-Episcopum Cameracensem hac voce talem designare amorem, quo Deum primario propter nostram commodam amamus, ut adeo anorem sui ipsius primum, amor Dei secundum hic occupet locum. Tandem addit, amorem spei, prout a Scholasticis Salesioque accipitur, nihil aliud esse quam ipsum amorem gratuitum purumque, simul probans, quando Deum ut nostrum summum bonum amamus, ut in eo nostram inveniamus felicitatem, cum semper simul, ut absolute bonus atque perfectus est, a nobis amari. Quartam porro amoris speciem seu amorem mixtum sub examen revocans, docet hunc amorem, quo primario Deum, secundario nostram felicitatem amamus, omnino pro amore purissimo perfectissimoque habendum. At ultimam amoris speciem sive purum denuo procul facessere jubet. Idque primo, quia talis amor, qui ad nostram felicitatem nullo modo pertineat, sine manifesta contradictione statui nequeat. Deinde si vel maxime concedatur, dari ejusmodi amorem, e-

Art. 3.

Art. 4.

Art. 5.

um tamen perfectiorem eo, quem Archi-Episcopus mixtum dicit, esse negat, quia hic ordini a Deo præscripto plane sit conformis, & ad gloriam Numini non minus ac fictus ille Scholasticorum comparatus. Monet hic etiam, ad lites inter Theologos Romanenses de amore ortas finiendas, promptiorem viam non esse, quam si omnes agnoscant, amorem quo Deum ita amamus, ut in eo felicitatem nostram queramus, etiam si actu & explicitè de gloria ejus non cogitamus, pro vero puroque & perfecto amore esse habendum. Hæc omnia paucis repetit, *ἀναρκαλαῖων* Archi-Episcopi Caneracensis perlustrans.

* Art. 6.

Cap. III

Art. 1.

Subjicit hæc quasdam ad articulum primum & secundum animadversiones, quarum summa huc fere redit. Primo demonstrare prolixè annitur, etiamsi per lumen revelationis aliquis exploratum habeat, Deum solum infinitum illud bonum esse, cujus possessio nos felices reddat, eum tamen gratia destitutum, solisque naturæ viribus instructum, Deum ita amare non posse, ut eum pro suo summo bono unico habeat, suamque in eo querat felicitatem. Secus autem sentientes Pelagianismi accusare non dubitat.

Art. 2.

Deinde & hoc asserit probatque, cum vere Deum amamus, hæc solum causa adducti, quod unicum nostrum summum bonum sit, nosque felices reddere queat, non tamen eo ipso nos Deum, seu beatitudinem objectivam vel objectum beatitudinis, referre ad beatitudinem nostram formalem, aut ad nos ipsos seu ultimum finem, sed contra tum nos & nos ipsos & omnem felicitatem nostram per beatitudinem formalem referre ad Deum, tanquam unicum objectum & solam causam felicitatis, quam in ejus possessione nos adepturos confidimus. Repetit hinc denuo partem primam primi articuli, discutitque ex instituto, & in compendio sistit hætenus demonstrata: ultimoque tandem loco assertum Archi-Episcopi ex articulo II, tres esse diversos status habituales justorum, primum illorum, qui Deum quidem ipsum magis quam sua commoda amant, sed ut metus ex commodo proprio ortus ei adhuc sit admixtus alterum illorum, qui magis quidem adhuc spe se adhuc laetant; tertium denuo illorum, qui metus & spei vacui pure Deum amant: hosque itatus Patres servorum, mercenariorum & liberorum nomine designare; sub examen revocat. Neque vero tres itatus justorum hoc modo recte constitui, cum iusti specie a se distingui nequeant: ratione

tione graduum autem plures eorum classes debeant constitui. Nec concedit, Patres hisce fervorum, mercenariorum & liberorum appellationibus hoc sibi voluisse, cum infantum saltem nomen iustis conveniat, neutiquam autem servi & mercenarii. Quibus rite, ut putat, evictis, finem operi imponit.

HENR. ERN. KESTNERI, D. ET IN ACAD. RINTHEL.

Prof ss. Jur. Ordin. Prudentia Juris Naturalis.

Rinthelii, typis H. A. Enax, 1698, 4. Alph. i.

Naturalis Juris scientiam merito præstabilem dixit Cicero. Nec temere dignior ulla reperiri potest, in qua vires periclitentur decora ingenia. Unde mirum non est, postquam depulso squalore & pulvere, quo deformata penitus erat, eam sibi ipsi restituit Hugo Grotius, viros doctrina præstantes in ea ornanda poliendaque quoddam velut industriæ certamen iniisse. Quemadmodum autem nulla unquam ars, nulla scientia ad istud perfectionis culmen perducta est, ut nihil addi omnino possit: ita post tot virorum doctorum labores, sibi quoque adhuc spicilegium superesse, recte existimavit Vir Consultissimus Henricus Ernestus Kestnerus. Testatur hoc, quæ nunc nunc occupat, Prudentia juris Naturalis, publicæ luci ab eo exposita. In ea, postquam de principio Juris Naturæ disseruit luculenter, de eo quod humano generi competit exponit, quæ de dominio ejusque origine & indole passim disputantur, excutiens. Hinc de cultura corporis præcipit, & quid jus fasque sit pro tuenda vita, membrorum integritate, pudicitiaque, & id genus aliis, iusto ordine exequitur. Progreditur ad jus connubiale & contractuum, de polygamia, divortii, variisque ad matrimonium spectantibus quæstionibus verba faciens, variasque contractuum formas definiens. De jurejurando etiam, quo confirmari pacta solent, interpretatione, & damnis, hac occasione sibi dispensandum censuit. De bello autem atque pace priusquam præcipiat, de ipsa summa potestate, quam penes stat bella gerere, Imperantiumque summorum contractibus, quæ hujus loci esse illi visa sunt, assert: & tum demum de bello ita agit, ut primo de jure belli, tum de processu commentetur, nec quæ ad pacem modosque bellum finiendi, ut & inducias pertinent, prætermittat. Finem opusculo im-

PPP 3. ponit

ponit dissertatione de pœnis, interituque facultatum, & successioni-
bus Regum. Ita autem in his omnibus versatur, ut Grotii aliorumque
fama atque auctoritate florentium virorum vestigiis interdum insiliat,
sæpius tamen ab iis recedere religioni sibi non ducat. Prohibitio-
nem Creatoris fundamentum Juris Naturæ esse docet, cujus voluntas
aut verbis declaratur, aut factis. Si illud fiat, vocari Jus Divinum re-
velatum: sin hoc, naturale. Ad facta autem pertinere motus & in-
stinctus a natura hominibus insitos & implantatos: itemque actiones
ipsius Creatoris, rerum videlicet creationem & conservationem: acti-
onum quoque finem, tum necessarium, tum probabilem: medii ne-
cessitatem: & denique naturam ipsius sanctissimi Creatoris, qui per-
fectissimus sit, & nihil frustra fecisse intelligatur, huc spectare. Re-
jicit itaque, sed modeste, aliorum de principio Juris Naturæ placita,
cum primis societatem non posse pro eo haberi, rationibus quibusdam
evincere annitur. Sed cetera, cum, ut specimen Lectori præbeatur,
hæc sufficiant, ex ipso fonte facile hauriri possunt.

JOANNIS CLERICI OPERA PHILOSOPHICA IN IV
volumina digesta.

Amstelodami apud G. Gallet, 1698, in 8. Alph. 4. plag. 14.

Quæ recusa sunt Amstelodami Opera Philosophica Viri celeberrimi *Joannis Clerici*, in quatuor volumina digesta, multo nunc auctiora, emendatioraque & elegantioribus typis quam antehac fuerant, prodierunt. *Primum Volumen* complectitur Logicam, cui subiecta est nova Dissertatio, de argumento Theologico ab invidia ducto, in qua *Clericus* ostendit, exemplis ex *Hieronymo* præsertim petitis, Theologos nonnullos, cum melioribus argumentis carent, invidiam facere adversariis suis, seu invisi se eos malis artibus reddere. Sexdecim philosophata ex eo fonte petita enumerat. Sequitur hoc opusculum, Ontologia antehac, una cum Logica, Amstelodami & Londini excusa. Verum hæc editio notulis Auctoris auctior est, & præterea emendatior multo, ad stylum præsertim quod attinet, quem refinxisse se ait Auctor, innumeris in locis. *Secundum Volumen* habet Pneumatologiam, & Philosophiam Orientalem *Thoma Stanlei*, ex Anglica lingua versam, & auctam a *Joanne Clerico* indice Philologo

gico, nunc auctiore & emendatiore. *Tertium & quartum Volumen* Physicam continent, quæ est etiam emendatior & quibusdam rebus auctior, ut tabula ventorum constantium, quæ non erat in priore editione, eadem vero est cum ea, quam & nos in hisce Actis jam A. 1687 ad p. 509 ex Actis Philosophicis Anglicanis exhibuisse meminimus. Idem nunc habet sub prælo *Harmoniam Evangelicam*, singulari ratione dispositam, Græce & Latine, ita ut cum ordo totius Evangelicæ Historiæ, tunc etiam quæ sunt singularia quibusque Evangeliiis, & quæ communia, pateant inspicienti, absque ulla molestia. Subjecta est Historia Evangelica ex quatuor Evangeliiis a Clerico confecta, Latino sermone, quæ est veluti paraphrasis perpetua quatuor Evangeliorum. Ad calcem erunt tres Dissertationes, quarum prima habebit *Chronologiam temporum Christi*; secunda *Canones Harmonicos*, quorum opto putat Auctor se posse conciliare omnes *Evangelicæ* quæ in Evangeliiis occurrunt; tertia aget *de tempore & ratione, quibus conscripta sunt Evangelia*. Tandem erunt notulæ, in quibus ratio ordinis reddetur, & multa loca Evangeliorum breviter illustrabuntur. Hoc opus, quod conficiet volumen in folio non magnæ molis, intra paucos menses, seu initio anni M DC XCIX, Deo dante, prostackit.

ΤΟΤ ΑΓΙΟΥ ΠΑΤΡΟΣ ΜΑΚΑΡΙΟΥ ΤΟΥ

ἈΓΥΠΤΙΑΣ ΟΜΙΛΙΑΙ.

Hoc est:

SANCTI PATRIS MACARII, ÆGYPTII, HOMILIÆ,
curante JO. GEORGIO PRITIO.

Lipsiæ, apud viduam & hæredes Jo. Grossii, 1698. 8.

Alphab. i. plag. 15.

TRes olim ex antiquorum Patrum numero Macarios inclauis-
ruiſſe, ſicut Eruditis perquam-notum eſt: ſic quinquaginta,
quæ hodiernum ſuperſunt, Macarianæ Homilia, Ægyptio,
ex Thebaide provincia oriundo, Presbytero & Monacho, poſt
ſexaginta annos in ſolitudine Scetenſi tranſa. os, A. C. 391 ſuæque
ætatis nonageſimo deſuncto, communiter attribui ſueverunt; id
quod

quod invito quidem Petro Possino fieri, alibi in Actis nostris (mens. Novembr. 1685. p. 489.) jam tum indicavimus. Sed plura forsitan hac de re dicturus est Collega hactenus noster, nuper admodum ad Servestanos evocatus, Plurimum Reverendus Pritius, quando reliqua Macarii opuscula præfatione sua stipata præpediæ, ut in se recepit, in lucem publicam emittet. Jam Homilias modo istas, quondam e Bibli. theca Regia Parisiensi Græcæ primum, & postmodum interprete Jo. Pico Latine, iterumque Græcæ & Latine aliquoties Parisiis, ac semel A. 1594. Francofurti, Zacharia accurante Palthenio, vulgatas (ut præter alias editiones translationem etiam Germanicam taceamus) denuo fecit imprimi. Quemadmodum autem ceteros in ornando hoc, ut diximus, Scriptore occupatos, si cum interprete Germanico Palthenio excipias, præstabilisse Editor dectissimus videtur, ut propriæ magis diligentiae præclara de hoc Patre merita vindicaret: ita Græcum ante omnia textum ad manus suum fuit, & siphalmata, quæ in Francofurtanæ editionem irreperant, hinc inde sustulit, lecaq; in vitio cubantia non raro ex ingenio restituit, Cotelerio tamen interdum adjutore usus, cujus varias lectiones e manuscryptis codicibus in Ecclesiæ Græcæ Monumentis annotatas, vel in textum ipsum recepit, vel ad latus saltem annotavit. Latinam versionem miserrime sese habuisse queritur, adeo quidem, ut multis in locis fœda stribligine & barbarismis horreret, nec sæpissime verum Macarii sensum exprimeret. Scigitur operam dedisse innuit, tum ut paulo magis Latinus compareret Interpres, tum ut fidelius, quæ senserit ipse Auctor, sermone Græco exhiberentur. Dicta Scripturæ Sacræ, ad quæ in Homiliis provocatur, evolvit atque diligenter apposuit. Textum ubi in sectiones dispescuit, Germanici Interpretis vestigia legit, ut ejus distinguendi rationem per omnia haud approbet. Nec mutavit præmissa Homilias argumenta, etiam si hæc alium a Macario auctorem condidisse haud ignoraverit; prout & multis eadem nomini-
bus inepta satis vocanda esse,
lubens profitetur.

Tomi III Supplementorum Sessionem quartam nuper prodixisse, ignorare nolumus Lectorem benevolum.

* * * * *

ACTA ERUDITORUM

Publicata Lipsiæ

Calendis Novembris, Anno M DC XCVIII.

LETRES DU CARDINAL D' OSSAT , AVEC DES NOTES
Historiques & Politiques, par Mr. AMELOT DE LA
HOUSSAIE.

i. e.

*EPISTOLÆ CARDINALIS OSSATI CUM NOTIS
Historicis & Politicis AMELOTI HOUSSÆI.*

Lutetiæ Parisiorum , apud Jo. Boudot, 1697, in 4. maj.
Alph. 8. plag. 4.

MAjorem utique doctrinæ prudentiæque laudem consecutus est Arnaldus Ossatus Cardinalis, quam ut nomen ejus taceri posteris, aut ingenii monumenta negligi debeant. Qui vero ea in lucem denuo produxit Vir illustris, Amelotus Houssæus, nihil fecit reliqui, ut omnibus, quæ in libris requirimus, ornamentis cumulatissime aucta prodirent. Typorum nitor oculos delectat, mentem multo magis monumenta, quæ in prioribus editionibus non comparent: sed & quæ data opera resecta erant, suo loco bona fide restituta, vulneraque sanata videas; ut taceamus Annotationes doctissimas, quibus obscuris lux affunditur, & qui sub cortice latent, civilis prudentiæ fructus deteguntur, omnibusque degustandi proponuntur. Nos, quominus ex ipsiſ Epistolis, quod speciminis instar sit, afferamus, rerum pulcherrimarum copia prohibemur: ipsorum quoque de civilibus negotiis judiciorum hæc est ratio, ut leviter saltem delibata, nec profint multum, nec deleſcent. Ne vero spe omni frustratum Lectorem hinc dimittamus, vi-

Qq 9

tam

tam Cardinalis Oſſati ab Houſſæo operi huic præmiſſam, per ſumma rerum eundo capita, in compendium mittemus.

Editus in lucem eſt Arnaldus Oſſatus d. 23. Auguſti, anno 1536, apud Auſcos, parentibus adeo nulla aut generis nobilitate aut muneris dignitate conſpicuis, ut quodnam opificii genus pater tractaverit, nondum exploratum ſit. Is cum moreretur, vix quod juſtis perſolvendis ſufficeret, ſupererat. Arnaldus autem novem tum annos natus, rerumque omnium, non tamen ingenii, inops, vix, quod miſeris tamen ſemper licet, ſperare audebat ex hiſce miſeriis ſe unquam emerſurum. Succubuiffet oneri ſuo extrema paupertate oppreſſa ingenua indoles, niſi Thomas de Marca, generis nobilitate apud Auſcos inſignis, proſtratum ſublevaſſet. Nepoti namque atque pupillo ſuo Johanni de Marca, ut ſocio & æmulo concitatus languorem excuteret, feliciuſque in litterarum ſtudiis proficeret, eum adjunxit. Hic qui opibus multo inferior erat ſocio, diligentia incredibili, ſuffragante ingenio, mox eruditione ſuperior evaſit, ut dignus etiam judicaretur, qui illum in litteris erudiret. Uterque Pariſios venit A. 1559, Arnaldo munere ſuo ex omnium voto fungente, ut Thomas alios ex ſuis nepotibus illius diſciplinæ committere non dubitaret. Reverſus eſt A. 1562 in Vaſconiam, ob fidem dextera-temque affatim hætenus comprobata, gratus omnibus atque acceptus. Mox Biturigem conceſſit, Cujaciumque jura docentem audi- vit, facultatemque, quæ concedi ſolet, jura docendi conſecutus, ordini Advocatorum in Parlamento Pariſienſi cauſas agentium adſcri- ptus eſt. Litterarum tamen ſtudiis ſe non abdicavit. Anno quip- pe 1564 edidit expoſitionem, ut vocat, in diſputationem Jacobi Car- pentarii de Methodo, qua Dialecticam Petri Rami, contra Carpentarii aſſerere conatus eſt. Hoſtem ideo expertus eſt Carpentarium, ſed talem, qui præter obſectationes & contumelias, quas in Oſſa- tum effudit, nihil quod rem conficeret, proferendo, ſe ipſum, ut fieri ſolet, debellavit, ſequeturpiter traducendo, victoriam Oſſato conces- ſit. Ita Houſſæus de iſta contentione judicat. Vocavit Carpentari- um Oſſatum *Magiſtrum trium litterarum*, fortunæque tenuitatem & id genus alia illi exprobravit, quam impotenti fuerit animo, hoc ipſo prodens. Oſſato autem ad majora ſe campus aperuit, cum Paulo Foxio Henrici III Gallia Regis ad Romanum Pontificem legato a li- teris

teris secretioribus esse juberetur. Romam itaque A. 1580 cum Foxio profectus est, illique ita se probavit, ut rebus gravissimis administrandis adhiberetur. Sunt nonnulli in eam adducti sententiam, Epistolas Foxii A. 1628 editas, qua formam stilumque, Ossatum habere auctorem, earumque genium hoc ipsum indicare luculenter. Mortuo Foxio concessit Nolter in familiam Ludovici Atestini Cardinalis, Galliarumque apud Rom. Pontif. Patroni, ejusque domo exceptus, ut eodem munere fungeretur, tunc demum ingenii proferre dotes, & in amplissimo Curiae Romanae theatro ostentare coepit. Tantam brevi tempore civilium rerum notitiam consecutus est, ut qui postea Romam venerunt Galliarum Regis Legati, Ossatum, ceu oraculum, consultare necesse haberent. Atestini quoque Cardinalis animum ita sibi devinxit, ut 4000 scutatos testamento illi legaret. Vivere is desiit ultimo die anni 1586, successoremque, quantum ad Gallicarum rerum curam attinet, Cardinalem Joyeusium accepit, apud quem Ossatus mandato Regis idem munus suscepit, volente idem & maximopere adprobante Cardinali. Ejus in Ossatum amor, vel inde intelligitur, quod eo annitente & adjuvante Prior Bellismensis factus est, primumque adeo ad ecclesiasticas dignitates conscendit gradum. A Rege Henrico III jam majoribus destinabatur. Voluit namque, ut sibi ab epistolis secretioribusque consiliis esset, quod tamen recusavit Ossatus, Scævola Sammarthanus auctor est, eum, quod sacris initiatus esset, id munus tanquam a sua professione alienum, modeste repudiasse. Addit idem, non defuisse qui hoc ejus factum sic interpretarentur, quasi Romano caelo jam adfuetus, & aridentis fortunae sibi conscius, ad ea se reservavit, quae Romae postea consecutus est, longe majoris ampliorisque dignitatis ornamenta. Quod minus verosimile videtur Housæo, qui recusasse hanc dignitatem Ossatum autumat, partim quod res Galliarum prostratae penitus & afflictæ eum detererent, partim quod Villaregio munus illud abrogatum erat, quo tamen familiarissime, semper usus fuerat. Quicquid hujus sit, fortunam in consilio habuisse videtur, cum si oblatum acceptasset munus, mors Henrici mox infecta non potuisset non eum, eadem ruina involutum, præcipitem secum trahere. Nunc casu hoc felici fidere evitato, Henrico IV summæ rerum admoto, Regem sibi obstringendi suamque illi probandi fidem & dexteritatem, pulcherrima se illi obtulit occasio. Datum quippe ei

negotium est a Romano Pontifice hoc impetrandi, ut Henricum hæreseos crimine purgatum, Romanæque Ecclesiæ participem declararet. Industria & prudentia hic opus erat non vulgari, refragantibus animumque Pontificis ad alia omnia trahentibus Hispanis, renitentibus Lotharingicis, ipsis Huguenottis non serio, sed solum ad speciem, Henricum sacra Ecclesiæ Romanæ profecti, disseminantibus. Perrupit tamen incredibile acerrimumque Ossati studium, Pontificemque, anxium quidem & hæsitandum, ut Regem voti damna-
ret, impulit, remque adeo prius confecit, quam Perronius a Rege hanc ob causam ad Pontificem missus Romam perveniret. Mirifice Henrico Regi ista Ossati diligentia placuit, ideoque ad Rhedonensem Episcopatum, tribus post confectum istud negotiū mensibus elapsis, eum evexit. Quo minus tamen gregis sibi commissi curam capefferet ipse Ossatus, officiorum, ad quæ Regi se obstrictum sentiebat, ratio obstitit. Regis enim potius regni-que, quam suis consulere commodis maluit: Rege quoque insultus illorum, qui neglecti muneris eum arguebant, reprimente. Mensis Septembri anni 1597, in numerum illorum, qui Regi a consiliis status sunt, adoptatus est, ipso quidem sic existimante, non tam novam ad dignitates suas accessionem factam, quam ad maiorem diligentiam & vigilantiam, laborumque majorum difficultorumque tolerantiam, velut signo quodam sublato, se provocari. Nec adeo sua eum fefellit opinio; saltem quæ curam sollicitudinemque injicerent, nunquam defuere. Luxemburgius Dux eo tempore Legati Gallicani munere apud Romanum Pontificem fungebatur: huic consilio in rebus dubiis adesse jubebatur Ossatus. Fide summa, nec minori prudentia hoc præstitit; quod vel sequenti documento comprobari potest. Nolebat Pontifex Legatum ad solennem obedientiæ professionem admittere, nisi addita ratione Navarræ formula, sub Pio IV & Gregorio XIII. jam usurpata: *sine cuiusquam & præsertim Regis Catholici præiudicio*. Hærebat, quin abnuebat Legatus. Ossatus contra sic diserebat, formulam istam nihil derogare juri Gallorum: sin persisteret in sententia Legatus, fore ut litem Cardinalibus dirimendam proponeret Pontifex, qui si pro Hispanis pronunciarent, quod eos facturos nemini dubium esse poterat, interpretaturos id eo Hispanos, ac si causa penitus cecidissent Galli. Quod cum Regi ipsi significaret, plane ut Ossatus censuerat, rem geri voluit. Dignus pro-
fecto

fecto videri poterat, qui ipse Legatus ad summos Principes rerumque dominos iret. Missus itaque primum Florentiam, mox Venetias est. Magnus quippe Dux Etruriæ, Gallis eo bello implicatis, quod per Verviniensem pacem finitum est, loca nonnulla eripuerat, quæ sepebat Henricus. Magnæ multæque utrinque se offerebant difficultates, Henrico ad extrema descendere parato, ni redderentur; simul tamen tum ob alias rationes, tum quod in rebus dubiis propensum erga se Etruriæ Ducis animum expertus esset, ut amice res componerentur, præoptante: ipso autem Etruriæ Duce magna & incredibili cupiditate arrepta retinendi flagrante. Non alium quam Ossatum obstaculis cunctis removendis parem ipse Rex judicabat, qui, ut ex litteris ejus constat, diserte profitebatur, solo Ossato administro ex voto rem impeditam perducere ad finem posse. Et fecit sane spei Regis affatim satis, ea lege pacem amicitiamque inter utrumque sanciens, ut non impleret modo, sed & superaret vota Regis. Venetias autem profectus est, ut Rempubicam de pace Verviniensi inter Galliæ Hispaniæque Reges certiolem faceret. Quoniam nuntio ut nihil lætius Venetis obtingere poterat, ita Ossatus ipse lætitiæ augebat; quippe qui Venetæ virtutis & prudentiæ magnus semper admirator extiterat, adeoque unus omnium illis longe acceptissimus erat. Paucos dies Venetiis commoratus Florentiam revertitur, impetratque, ut in legibus, quibus inter se conveniærant Principes, in gratiam Regis nonnulla mutarentur: iisque ex voto peractis Ferrariam se confert, Ducis Luxemburgii in Galliam profecti vices apud Romanum Pontificem suscepturus. Vergebat tunc ad finem annus octogessimus nonus supra millesimum & quingentesimum, fatigabantque Romanam Aulam Societatis Jesu Sacerdotes, hæcenus Gallia, jussu Henrici IV Regis extorres, ut deprecator Pontifice, irato Regi tandem conciliati, in pristinas sedes reciperentur. Ossatum itaque appellat Pontifex, eumque ut Jesuitarum causam apud Regem agat, rogitat. Patuit hic cumprimis Viri prudentia. Namque palam Regi persuadet, se alieno ab iis esse animo, eoque efficit, ut dictis suis fides a Rege tribueretur: mox demonstrat, e re tamen Regis esse, hosce homines recipi, quod in litteris & ratione erudiendi juventutem regnent, Pontificemque non alia magis re propitium sibi Rex reddere queat. Enata inde est quorundam suspicio, iniquo in hujus ordinis viros animo fuisse Ossatum, quos

acriter redarguit Houffæus. Sane Tarquinius Gallucius ipse Societatis Jesu Sacerdos, restitutæ Societatis hujus sedibusque suis in Gallia redditæ gloriam Ossato citra ambages vendicat. Nihil itaque tam arduum & inaccessum Ossato fuisse videtur, quod non tandem planum & expeditum solertia ejus redderet. Disceptatio quidem Galliæ Regis cum Sabaudia Duce de Marchionatu Saluzziarum exitum, Galliæ Regi parum honorificum, sapientum judicio, sortita est: quo minus tamen aliter res ista eveniret, penes Ossatum utique non stetit. Si Houffæo credimus, Romano Pontifici ejusque nepoti Cardinali Aldobrandino fides & integritas: Henrico constantia animique firmitudo defuit. Exstat Ossati epistola ad Villaregium, quæ in hac editione ducentesima quadragesima octava ad eundem est, & parte II legitur, qua id omni animi contentione agit, ut Regi persuadeat, æternum eum famæ suæ & existimationi inulturum dedecus, si Saluzziarum Marchionatum Sabauda concedat, nec ullam quantumvis ingentem argenti vim, nullas provinceias aut urbes, utut amplissimas, sufficere adjecturam, quam Gallia inde factura sit, refarciendam. Quam parum autem apud Regem profecerit, res ipsa atque eventus docuit. Felicius Regis causam contra Lotharingiæ Ducem egit. Is in eo erat, ut Nanceji Episcopatum erigeret, bonis Episcopatum Metensis, Tullensis & Virodunensis locupletandum, Præsulibus qui hisce sedibus tum præerant, Duci, posthabitis Episcopatum suorum commodis, faventibus, at refragante Rege, qui ne consentiret, Pontifex per Ossatum effecit. Plura eodem successu ab Ossato perfecta referre possemus, nisi per illustriora solum documenta ire nobis esset constitutum. In Cardinalium denique ordinem receptus est a Clemente VIII R. P. d. 3. Martii A. 1599, ad quod dignitatis culmen sola virtute eum pervenisse, Pontificis testimonium neminem dubitare finit, qui nihil in Ossato se desiderare, præter obscuros & ignobiles natales, palam professus est. Quemadmodum autem Galliæ quoque Regi hujus dignitatis accessionem haud immerito imputabat: ita ne de fide in eum industriaque quicquam remississe videretur, diligentissime cavuit. Probandæ industriæ occasionem dedit Episcopus Senonensis, quem Archi-Episcopatu Bituricensi destinaverat Rex Henricus. Renuebat Pontifex: nec, ut videri poterat, sine ratione. Senonensis quippe Præsul Henricum Regem, venia a Romano Pontifice nondum impe-

impetrata, hæreseos immunem in Abbata S. Dionysii pronuntiaverat, ad Clerum etiam Gallicanum de Patriarcha Galliæ creando retulerat. Hæc satis erat ad irritandam Curiam Romanam. Nec deerat, quod obtentui sumi poterat. Septies enim indies capiebat cibum, intemperantiæque adeo suspicionem evitare non poterat. Mirandum ergo non est, Ossatum tulisse repulsam, Pontifice hominem mirum in modum averfante: sed Ossatum denuo cum Bethunio Comite causam istam aggressum, & ex voto obtinuisse, id si quis miretur, justam forte prægnantemque habuerit causam. Quotidianus iste erat Ossati labor, per impeditos & lubricos Curie Romanæ anfractus eniti; quod missis ceteris, quæ momentum non trahunt, unico adhuc documento comprobabitur. Duxerat Barrensis Dux, Caroli III Ducis Lotharingici filius, in matrimonium Catharinam, Henrici IV Galliæ Regis sororem, quæ quod Reformatæ Ecclesiæ sacris addicta esset, Romanus Pontifex ratum id matrimonium habere volebat. Anxie id cupiebat Henricus, precibusque jam A. 1598, cum Pontifex Ferrariæ commoraretur, in petrare conatus fuerat, sed frustra. Tandem denuo Ossato negotium datum, ut si posset, animum Pontificis flecteret. Res maximis circumseptæ erat difficultatibus. Pontifex serio & sanctissime professus erat, nunquam se consensurum. Nec hoc magno opere cupiebat Dux Barrensis, conjugis non adeo formosæ, nec ætate sibi paræ, pertæsus: quin ut dissolveretur potius hoc matrimonium, in votis habebat; nec id latebat Pontificem. Henricus contra sororis miseratus, urgere Ossatum non destitit. Omnes ergo ingenii & prudentiæ vires intendendæ erant, quibus tandem effecit, ut vel invitum Pontifex invito marito consensum suum obruderet, connubiumque istud ratum esse juberet. Atque dum hæc gerebat, Joyeufii Cardinalis rerum Gallicarum in Aula Romana protectoris, in Franciam reversi, vicibus fungebatur. Bajocassinensi autem Episcopatu A. 1600 admotus est, quæ tamen mox, annuente Rege, iterum se abdicavit. Nec magnum adeo vitæ spatium illi tum emetendum restabat: obiit namque d. 3 Martii A. 1604. De morbo morteque ejus Villaregium certiores fecit Comes Bethunius, Galliæ Regis eo tempore ad Romanum Pontificem Legatus; cujus litteras Houffæus subjecit.

Parti priori Epistolarum additi sunt articuli conventionis, inter

ter Henricum IV Galliae Regem & Ferdinandum Magnum Ducem Etruriae, cujus supra injecta est mentio. In fine autem partis posterioris conspicitur Tarquinii Gallucii oratio in funere Ossati habita, Elogia quoque, quibus a viris doctis passim ornatus est, ut & Regis ac Villaregii nonnullae ad Ossatum Epistolae.

A DISCOURSE IN VINDICATION OF THE DOCTRINE OF THE TRINITY &c.

i. c.

VINDICIÆ PRO DOCTRINA DE S.S. TRINITATE, UNA cum objectorum nuper a Sociniano ex Scriptura, antiquitate, & sanatione, solutione: nec non præfatione diversos doctrinam de Trinitate proponendi modos, & finem ad quem Socinianismus collineat, concernente, Autore EDUARDO EPISCOPO WORCESTRIENSI.

Londini, apud Henr. Mortlock, 1697. in 8. plag. 23.

MAxime Reverendus Ecclesiae Worcesteriensis Praef. Præf. p. 2. Eduardus Stillingfleet, cujus honorifica, quam meretur, mentio passim in Actis nostris extat, occasionem ex instituto abstrusissimum Trinitatis mysterium rimandi & explicandi inde nactus est, quod non ita pridem Sermonem ad populum de mysteriis fidei Christianae ab eo habitum arroderet, ex Socinianorum grege nonnemo ausus fuisset. In illo autem stadio ita sibi decurrendum esse putavit, ut posthabitis p. 3. novis artibus, hoc est, exquisitis illis, ac peculiaribus quibusdam mysterium istud explicandi modis, antiquiori & receptiori methodo unice insistat. Nova enim illa viarum diverticula, gravissimas non tantum inter fratres peperisse dissensiones, verum & adversarii animos addidisse observat: qui calumniandi inde veritatem tanquam incertam, & de qua ipsi propugnatores ejus dissentiant, occasionem arripuerint, quintuplicem, quam sarcastice irrideant, Trinitate inter Christianos defendi commenti. Ciceronianam scilicet, cujus patroni per p. 5. tres personas exemplo Ciceronistres tantum diversas relationes intelligant: Cartesianam, qua tres infinitae mentes, sive spiritus, unum Deum

Deum constituere dicantur: Platoniam, quam profitentes tres divinas & coæternas personas, dignitate, potentia & reliquis attributis suis sibi invicem subordinatas admittant: Aristotelem, in qua unum esse statuunt Deum, quoniam tres divinæ personæ unam eandemque numero substantiam constituent: & denique Trinitatem vulgi, h. e. pigrorum quorundam hominum, qui breviter dicant, mysterium esse Trinitatem, nec eos magis qui explicare, quam qui oppugnare illud sustinent, culpa vacare arbitrentur.

Præcipue autem hæcenus Socinianos copiosam triumphorum messē ex controversia, inter Gulielmum Sherlockum & Robertum Southum, quorum ille Cartesianam quam vocant, hic Aristotelem Trinitatem defendit, maxima cum acerbitate agitata; sibi pollicitos esse monet. Southum enim & qui ejus sequuntur opinionem, Trinitarios, ut vocant, nominales, revera Sabellianismum profiteri: Sherlockum contra, Trinitarium, uti loquuntur, realem, in Tritheismi barathrum præcipitem sese dare; utrumque vero alterum solide confutasse, atque adeo in agone de Trinitate doctrinam esse, superbe calumniantur. Hanc vero gloriationem ut eis ereptum eat Max. Reverendus Autor, prolixissime utriusque horum Theologorum orthodoxiam tuetur, eosque in re ipsa amice consentire ostendit. Nam quod Rev. Southum attinet, verum quidem est, disertis verbis eum affirmare “ quod Deus una divina intellectu-
“ alis substantia, sive realiter subsistens persona sit, tribus relativis
“ modis, sive relativis subsistentiis distincta & modificata”; quæ Sabellianismum olere Socinianis videntur. At enim vero idem
“ etiam, quod Rev. Præsul observat, “ unamquamvis Divinitatis per-
“ sonam absolutam naturam distincte ad se pertinentem, non tamen
“ distinctam & absolutam naturam habere”, item, “ æternum Pa-
“ trem, ut patrem subsistere, per generationem Filii, & communica-
“ tionem essentiae suæ cum alio “ statuit: imo & Trinitatis doctrinam
“ in eo fundari ait, “ quod unus tantum sit Deus: quod in Deo ni-
“ hil sit quod non ipse sit Deus: quod in Deitate nulla dari compo-
“ sitio possit cum aliquo ente positivo reali, ab ipsa Deitate distincto;
“ Ecclesiam vero in S. Litteris trium mentionem invenientem, quibus
“ distincte Divinitas tribuatur, tres illos personarum nomine designas-
“ se, & personalitatem eorum per tres distinctos subsistendi modos,

Rrr

“ uni

P. 7.

p. 8.

p. 10.

p. II. 12.

“uni eidemque Deitati proprios, eosque tribus distinctis relationibus a se invicem divisos, definivisse. Quæ omnia Sabellianus ut largiatur, nunquam sese induci patietur, cujus Trinitas Basilio definiente *ἐν πράγματι ἐστὶ πολυάριθμος*. Omnem itaque hic Socinianorum errorem in eo versari Maxime Venerandus Eduardus noster putat, quod inter *Personas & Personalitates* non distinxerint. *Personas* pro modis & relationibus nuspiam venditare Southum, qui communicationem *essentia* divinæ admittat, & unicuique personarum, divinarum *naturam divinam* tribuat. De *Personalitati* vero aliam esse quæstionem; eam enim esse formalem distinctionis *Personarum* in eadem & indivisa natura rationem. Nimirum cum Scriptura affirmet, distinctionem in Deitate esse, & unam tamen esse essentiam; jam quaeritur, quid istam distinctionem faciat? Non attributa sane; illa enim in divina essentia, & in quavis ejus persona eadem esse oportet, alias integram divinam naturam personæ divinæ non haberent: non accidentia, quæ homines quidem ab invicem distinguunt, sed quorum divina natura capax non est: non separata & divisæ substantiæ, quæ cum perfecta unitate consistere nequeunt. Quid ergo? Videndum quomodo Scriptura mentes nostras hic dirigat. Ea de Patre, Filio, & Spiritu Sancto, tanquam mutuis relationibus se invicem respicientibus loquitur; cumque in his nihil, quod divinæ naturæ repugnet, inveniat, distinctionis personarum fundamentum in eis a Southo quæsitum fuit. Atque istæ relationes distincti subsistendi modi ab eo appellatae fuerunt, in quibus *personalitates* fundentur, quosque relativos proinde esse necessario oportet. Quantum vero ad *personam*, ea illud est, quod a natura & subsistentia divina sibi invicem junctis resultat: & quamvis *persona*, quatenus talis, relativum quid esse dici nequeat, cum modo tamen subsistendi considerata relationem involvit, ut adeo hoc sensu ens relativum non immerito dicatur. Ita igitur Cl. Southi sententiam Max. Rev. Episcopus explicat, & a Sabellianismi suspitione vindicat. At vero instant Sociniani, *personas* inter homines a *personalitatibus* distingui, quoniam illi distinctas habent substantias; ubi vero una tantum est substantia (ut ex Southi mente in Deitate est,) ibi *personam* nihil aliud quam modum, atque adeo idem cum *personalitate* esse. Huic itaque exceptioni Noster respondet: veram & primam *personalitatis* notionem nullam aliam esse, quam illam, quod sit

p. 14.

fit distinctus quidam substantiæ modus in eadem communi natura. Unam quamvis enim naturam in se spectatam indivisibilem esse, tantoque magis unam, quo perfecta est magis, ut adeo maxime unum sit primum ens, omnis vero *divisio* a distantia & imperfectione pendeat. Primum *distinctio* fundamentum *diversitatem* esse; sine hac enim nihil aliud quam perfectam unitatem extitutum. *Diversitatem* omnem a duabus rebus pendere, *dissimilitudine* & *dependentia*. Ut adeo differentia quæ facit ut substantia a substantia differat, in rebus creatis, a duabus istis rebus pendeat, 1. a dissimilitudine accidentium interiorum atque exteriorum, & 2. a voluntate potestateque Dei, qui distinctam & separatam existentiam in eadem communi natura ipsis concessit. Sic igitur naturam v. g. & essentiam hominis in se spectatam unam esse & indivisibilem, Deum vero separatam unicuique individuo substantiam largiri, per quam communis natura in tot distinctis substantiis existat, quot individua istius generis inveniuntur: atque unamquamvis harum substantiarum ab omnibus aliis esse distinctam, non tantum per principia vitæ interna & peculiare proprietates, sed & per externa quædam accidentia. Subjectum autem omnium horum accidentium esse peculiarem illam substantiam, quam cuiusvis individuo Deus dedit, & quæ, si de entibus rationalibus sermo sit, persona vocatur. At hisce ita positis concedendum quidem esse, in omnibus rebus creatis *personalitatem* supponere distinctam quandam substantiam, non tamen ideo quod personalitatis natura eam supponi requirat, sed quod conditio subjecti, in quo illa est, hoc exigat. Quando autem divina consideratur essentia, quæ perfectissime una est, nec ullam separatam existentiam aut accidentia admittit, tum nullam aliam distinctionis concipi posse rationem, quam eam, quæ per diversos subsistendi modos aut proprietates relativas in eadem divina essentia efficitur. Atque hic eodem modo quo in aliis de divina natura conceptibus nos procedere, ut omnem scilicet a Deo imperfectionem removeamus, & ea tantum quæ cum perfectione ejus consistere possunt, illi tribuamus, licet ratio eorum & mensura captum nostrum longissime exsuperet.

Hæc sunt præcipua, quæ ad Southi sententiam, inter plerosque Theologos orthodoxos receptam, a Sabellianismi suspicione liberandam magna cum subtilitate disputat. Jam videamus, quomodo a Tritheismi crimine Sherlockum defendat. Eum itaque fervore dispu-

p. 19.

Rrr 2

tationis

- P. 21. tationis abreptum limites ab Ecclesia, quæ tres personas in una & individua essentia confessâ semper fuit, antea observatos transgressum esse non dissimulat, dum unamquamvis Trinitatis personam peculiarem & propriam sibi substantiam habere, tresque adeo dari in Trinitate distinctas Mentis statuit. Tritheismi tamen, cujus ipsum & Sociniani, & acerrimus ejus adversarius Southus accusavit, reum non esse, ita fere ostendit. Primo loca ex ejus scriptis producit, in quibus unitatem divinam essentialem & inseparabilem diserte defendit, ita ut quamvis tres distinctas mentes in Deitate agnoscat, distinctæque & substantiali personæ distinctam & propriam substantiam tribuendam esse statuatur, non tres tamen Deos, sed unam Deitatem, quæ tota, indivisibilis, & inseparabilis in tribus distinctis mentibus sive personis existat, fateatur, eandemque unicam divinam naturam totam ab æterno Patre cum æterno Filio, a Patre & Filio vero cum æterno Spiritu, sine divisione & separatione communicatam dicat. Omnem itaque controversiam inter Southum & Sherlockum, in explicatione tantum hujus articuli, non in ipso articulo dissentientes, in eo versari Episcopus noster ait,
- P. 24.
P. 25. an essentia communicata distinctionem substantiæ involvat. Atque hic quidem fatetur parum commodam Sherlockii explicationem esse, cum impossibile sit, tres individuas essentias cum una individua essentia conciliare; hæreseos tamen eum accusandum esse constantissime negat. Proptereaque prolixè pariter ac erudite contra Socinianos quosdam autores defendit, alias plane Philoponi, Ioachimi Abbatis, & Valentini Gentilis sententias, ab Ecclesia tanquam hæreticas condemnatas, a Sherlockii opinione fuisse. Southo vero & Sherlocko gravissimis argumentis suadet, ut cum de re ipsa illis conveniat, nolint deinceps, quod in ea captum nostrum superat, nimis contentiose rimari, præcipue cum Socinianis pariter ac Naturalistis, ad quorum impietatem Socinianismum tendere fusè & accurate ostendit, nimium quantum litibus istis eos prodesse omnibus pateat. Et hæc quidem omnia in præfatione fusius tractantur. Quantum ad ipsum librum, tribus quasi ille absolvitur capitibus. Primo enim doctrinam Ecclesiæ de Trinitate, prout in symbolo Athanasiano traditur, contradictionibus & absurdis non laborare; altero ab ea, quam Christiana Ecclesia ab Apostolorum temporibus tenuit, sententia diversam non esse; tertio vero sanæ rationi non esse contrariam, ostenditur.

Ut

Ut autem de primo capite pauca dicamus, adeo absurdam doctrinam de Trinitate esse jactant novelli in Anglia Sociniani, ut inter fidei Christianæ capita locum antea invenire non potuerit, quam Imperatorum & Pontificum vis eam omnibus obtrusisset. Prima enim Christianæ religionis ætate hanc doctrinam fidelibus parum probatam fuisse, Nazareis & Ebionitis in scenam productis probant; quos tamen hæreticos fuisse, quibus a recte sentientibus contradictum semper fuit, multis ea occasione eruditæ observationibus allatis, doctissimus Autor ostendit. Qui frustra quoque Theodotionis, Pauli Samosatani, Luciani & Photini auctoritatem, quæ nulla in veteri Ecclesia fuit, eos jactare erudite demonstrat, præcipue cum quorundam ex iis sententia longissime etiam a Socinianorum errore discrepet. At quantum ad ipsam absurditatem, qua laborare doctrinam de Trinitate calumniantur, primo contradictionem in numeris esse ajunt, si idem simul unum & tria esse statuatur; cui criminationi cum nihil aliud reponat Rever. Autor, quam quod jam olim ab Augustino Tr. 39. in Joannem & Boëthio Oper. p. 1121 repositum fuit, ad alteram accedimus, quam haud paulo prolixius tractavit. Contradictionem scilicet involvere ajunt, quod dicimus tres personas in una communi natura sive essentia esse; illam itaque propositionem ut a contradictione libere repugnet, tria observanda esse docet. Primo distinguendum esse ait inter rerum essentiam sive communem naturam, & existentiam sive naturam individuum. Deinde distinguendam esse unitatem quæ pertinet ad essentiam seu naturam communem, ab ea quæ individuis actu existentibus propria est. Unitatem essentiae duplicem esse: vel enim talem esse essentiam, ut eadem sit cum existentia, ubi nimirum essentia involvit necessariam existentiam, quod solius Dei est: vel contingentem tantum existentiam esse, atque adeo non eandem cum essentia, uti in creaturis. Existentiæ unitatem rursus duobus modis considerari posse: vel in relatione ad seipsam, & sic vocari identitatem, sive rem quæ in eodem esse permanet; cujus identitatis in homine fundamentum est principium vitæ, ex corporis & animæ unionem resultans: vel in relatione ad alios, h. e. quatenus unusquisque ab aliis individuis ejusdem speciei divisus est, quamvis in eadem communi essentia convenient. Ab hujus postremi accurata cognitione rem omnem pendere, atque adeo duo esse expendenda. Primo, quid efficiat, ut individuum

c. II.

c. III.

c. IV.

c. V.

c. VI.

p. 69.

percipiamus differentiam; hancque perceptionem a differentia accidentium externorum, & internarum qualitatum & dispositionum pendere ait: secundo, quid proprie & formaliter, ut Scholæ loquuntur, efficiat, ut duo ejusdem speciei entia a se invicem individualiter differant; & hoc quidem a separata existentia, quam singula individua habent, ex mero arbitrio divino ipsis concessa, effici docet. Verum ista nondum sufficere ad penitus intelligendam hanc controversiam censeat, ideoque ista adhuc in personis individuis observari jubet. 1. Actuales existentiam in seipsa spectatam, quæ nisi ita dari posset abstracta, duæ naturæ in Christo duas necessario constituerent personas. 2. Existentiam ab omnibus aliis separatam & divisam, quæ ex actuali existentia resultat, abstrahi tamen ab illa potest; ut adeo humana Christi natura, quamvis subsistentiam substantiæ propriam habuerit, separata tamen post unionem hypostaticam non gavisâ fuerit existentia. 3. Peculiarem subsistendi modum, qui consistit in proprietatibus incommunicabilibus, in quibus formalis personalitatis ratio sita est, quæ in ente intelligente nihil est aliud, quam peculiaris modus subsistendi in hoc ente, qui nequit esse in ullo alio ente. 4. Communem naturam, quæ huic subsistendi modo jungi debet, ut persona inde exsurgat, & sine qua ille merus modus esset, cum tamen persona sine juncta ei essentia nunquam a nobis concipiatur: atque hic Rev. Autor nullam omnino apparere contradictionem monet, si diversæ personæ in eadem communi natura admittantur. 5. Individua ejusdem speciei numero differre dici, ob distincta eorum accidentia & existentiam separatam, quæ faciunt ut numerari possint; ubi vero nec accidentibus nec divisioni locus est, ibi perfectam esse unitatem. 6. Ubique diversa sunt ejusdem speciei individua, ibi necessario separationem in natura contingere: non quod actualis localisque fiat separatio, sed quod separari tamen & dividi naturam oporteat, quæ in diversis subsistit individuis, cum omnia individua dividant speciem, communis vero natura eadem uniat. Jam ut hæc ad præsens negotium accommodentur, pateatque contradictione haud laborare propositionem, quæ tres personas & unum Deum esse dicit, essentiam divinam ita esse indivisibilem, ut eam personarum differentiam, quæ inter homines est, non admittat, quoniam accidentia diversa non habet, & separatam existentiam respicit, cum una in Deo cum essentia sit existentia. At vero

vero nonne hoc modo discrimen personarum tollimus ad Sabellianismum prolabantes? Neutiquam vero, inquit Noster: Sabellianos enim unam tantum in Deo essentiam, unam item tantum personam agnovisse, Sociniani largiuntur; hic vero tres personæ, h. e., ne verbis ludamus, tres distinctæ subsistentiæ manifeste relinquuntur. Nec objici posse putat, quod persona sit ens intelligens, quamobrem tres personæ tria entia intelligentia necessario esse oporteat. Id enim quidem concedendum esse, quod persona esse nequeat, ubi non est natura intelligens, quæ constituat personam: personam vero notionem entis intelligentis, separati ab aliis individuis ejusdem speciei, involvere negat, cum divina essentia hujusmodi separationem non admittat. Hanc autem doctrinam suam veterum quoque Patrum fuisse demonstrat, quibus falso assigni a Curcellæo aliisque hujus furfuris hominibus, ac si specificam naturam divinam statuissent, cujus individua Pater, Filius & Spiritus S. sint, clarissimis eorum locis allegatis evincit. Sed istis, quæ hætenus dissipatæ sunt, calumniis veritatem onerasse non contenti adversarii, ipsum Symbolum Athanasianum aggressi sunt, & illud speciatim nescio quarum contradictionum accularunt; quarum discussio cum hætenus dictis penitus fere innitatur, illi quidem ulterius non immorabimur.

c. VII.

Nec in altero capite, quod modernam Ecclesiæ Christianæ de S. Trinitate doctrinam traditioni Apostolicæ plane consonam esse demonstrat, multum hærebimus. Sufficiat annotasse, prolixam textuum Apostolicorum contra Socinianorum contortas interpretationes institui vindicationem, ac ne antiquitatis suffragia nobis deesse videantur, institutionem baptismi potillimum urgeri, quam & Patres qui ante Concilium Nicænum vixere, ad confirmandam de S. S. Trinitate doctrinam assidue ursisse, & firmiter eandem contra Socinianos defendere, fuisse ostenditur. Qua occasione simul de Symbolo Apostolico accurate disputatur, cujus autores ipsos Apostolos non esse, & si vel maxime sint, nihil tamen exinde detrimenti nostram de S. S. Trinitate doctrinam capere, cum neutiquam deitatem Filii & Spiritus S. illud excludat, sed ex totius Ecclesiæ consensu antea demonstrato supponat, evincitur.

c. VIII.

c. IX:

p. 225.

De tertio capite, quo ea, quæ mysterio Trinitatis rationem humanam opponere Adversarii fingunt, solvuntur, quædam adhuc dicere

c. X.

cere libet. Primo ajunt doctrinam de Trinitate, ipsis fatentibus orthodoxis, mysterium, adeoque supra rationem esse; obstringi autem neminem posse, ut quod supra rationem est, sibi persuaderi patiatur. Ista vero ut evertatur cavillatio, duo observanda esse Max. Rev. Autor existimat, quid nimirum ratio sit, & quæ causa rationi esse possit, ut rejiciat aliquam doctrinam supra se positam, quando illa tanquam res credenda proponitur. Quantum ad primum, neminem hæcenus Soci-nianorum, qui in ore tamen nunquam non eam habere solent, rationis edidisse definitionem monet, præter Tolandum, qui Christianissimum nihil mysterii habentem publicavit. Ille vero rationem definiturus, ita fere loquitur: "Unusquisque in se ipso sentit potentiam a-,, liquam & facultatem varias ideas rerumque perceptiones forman-,, di, affirmandi vel negandi, prout id conveniens vel disconveniens,, esse viderit, atque hoc quidem omnino ratio est. Non enim illa ac-,, curate loquendo in nuda idearum receptione, verum in perce-,, ptione convenientiæ & disconvenientiæ, quæ est inter ideas,, nostras, qualiscunque denique illa sit, consistit. Si perce-,, ptio sit immediata, ita ut non intercedant aliæ ideæ, tum non ratio-,, nis sed evidentæ id esse dicimus. Verum cum mens interceden-,, tibus quibusdam ideis utitur, ut ad convenientiæ & disconvenientiæ,, cognitionem perveniat, ista methodus scientiæ propriæ ratio & de-,, monstratio appellatur. Ut adeo ratio sit facultas animæ, rei dubiæ,, vel obscuræ certitudinem, instituta comparatione ejus cum re clare,, & distincte percepta detegens." Verum quam parum satisfacere nobis ista rationis descriptio possit, Venerandus Eduardus noster inde luculenter constare ait, quod supponat, claras & distinctas nos habere oportere rerum ideas, de quibus cum certitudine aliqua persuasi esse volumus, viamque unicam ad certitudinem perveniendi harum idearum esse comparationem, quo ipso excludatur omnis fidei rationisq; certitudo in rebus, quæ talem evidentiam non admittunt. Atq; hæc quidem etiam adversarij quem oppugnat opinio est, qui, ut rei de qua agimus inhæreamus, nullam esse nostram *substantiæ & personæ* distinctionisq; inter utramq; cognitionem, a qua tamen cognitio mysterii Trinitatis pendet, defendit. Cum enim ingeniosissimi Lockii doctrinam, in doctissimo opere de mente humana propositam, secutus, nullum alium perceptionis modum quam sensationem & reflexionem, quarum illa

illa ideas rerum externarum, hæc animæ & rerum spiritualium in nobis gignit, adinittat: substantia vero, quod ipse Lockius docet, neutra illarum viarum nobis innotescere possit; sequitur, nullam quoque ejus dari ideam, sed eam, quam dicimus, substantiam nihil aliud esse, quam suppositionem rei, externa, quæ videmus, accidentia sustinentis, cetera nobis prorsus incognitam: quam proinde cum illo Philosophi Indi *ut, quid nescio quia* comparare Lockius amat, qui interrogatus, cui fulero innitatur terra? elephanti respondit; porro vero instante illo qui interrogabat, quid elephantem autem sustinet? magna inquit ebat testudo; quid vero testudinem? *aliquid nescio quid*, respondit. Hisce itaq; *Φύσσει*, quæ eo tendere videntur, ut omnem certitudinem doctrinæ de Trinitate nobis eripiant homines isti, ita obviam it Max. Rever. Autor, ut concedat, neque per sensationem, neque per reflexionem, claram & distinctam substantiæ nos habere ideam, verum ex hoc ipso etiam arguat, imperfectissimam esse ideam rationi necessariorum distributionem a Lockio institutam, tertiumque adeo genus idearum quarundam generalium addendum esse, quas mens producat formando distinctas & generales rerum ideas ex particularium idearum contemplatione. Atque inter has aliquem ex primariis locis substantiam occupare, cujus idea inde exsurgat, quod sentiamus, modos atque accidentia sine *substrato* quodam nos concipere haud posse. Quamvis autem *substrari* hujus suppositionem consuetudinem Lockius dicat, nil tamen hoc ipso lucratur. Quærit enim Noster, an ratione nitatur consuetudo illa, an minus? Si non nititur ratione, tum accidentia & modos per se subsistere necesse erit: si nititur, substantiæ habebimus ideam, quæ neque per sensationem, neque per reflexionem gignitur. Nec ipsum nomen *substantia* sensu nimis Grammatico accipiendum docet, qui favere adversario videtur, sed eo quo Cicero, Quintilianus, alique id accipiunt, quibus idem cum essentia notare si licet. Atqui ex eo quoque, quod dicit Cl. Lockius, „æque, distinctam notionem spiritus ac corporis nos habere, cum hoc supponatur esse substratum simplicium idearum, quas ab objectis externis recipimus, alterum operationum, quas in nobismet ipsis invenimus: proindeque non minus absurdum esse, si dicas spiritum non dari, quoniam distincta spiritualis substantiæ ideam non habes, quam, si dicas corpus non esse, propterea quod corporeæ substantiæ esse

denti cognitione non gaudes." ex eo, inquam, quoque sententiam suam Autor confirmat, atque evidens esse ait, corporeas pariter ac spirituales dari substantias, licet claras & distinctas earum ideas non habeamus. Hoc vero quomodo, inquit, fieri potest, si ratio nostra a claris & distinctis ideis pendet? Ratio ex hypothesi adversa non nisi circa ideas clare perceptas versatur, & nos tamen sine eis certi esse de re aliqua possumus: quid igitur? num certi esse possumus sine ratione? Neutiquam vero: sed rationem nostram veras rerum notiones sine claris istis ideis gignere, atque adeo novam istam de ratione hypothesin falsam esse, Reverendus Autor noster inde colligit. Sed his non contentus, pergit urgere adversarium, quomodo ad substantiarum spiritualium cognitionem perveniat, rogans. Respondere ait Lockium, se consequi eam per cogitationem in potentiis illas, quas in nobis ipsis invenimus, & quæ a substantia mere corporea esse non possunt, reflexam. Recte hæc dici Noster concedit; verum id quaeri ait, an argumentum hoc pro substantia incorporea sit depromptum a clara & distincta idea? Desumptum inde esse negat, cum in simplici idea istarum operationum neutiquam contineatur, quod a corporea substantia illa procedere nequeant: siquidem ipse Lockius fateatur, impossibile esse, ut per contemplationem idearum nostrarum, sine revelatione, certi reddamur, an non omnipotentia divina certis quibusdam materiæ systematibus apte dispositis, cogitandi facultatem concesserit, quodque ideas quidem materiæ & cogitationis habeamus, nulla vero ratione discere valeamus, an ens aliquod materiale cogitet, an minus. Ut adeo nulla ei ex distincta idea demonstrandi substantiam spiritualement via supersit. Rursum, cum Lockius substantiam spiritualement non minus ab intellectu percipi quam corpoream docet, dum inquit: "quemadmodum substantia corporea consistit ex cohaesione solidarum partium, & potentia communicandi motum per impulsum, ita spiritualis consistit in potentia cogitandi, volendi & movendi corpus: cohaesio vero partium non minus ægre concipitur, quam cogitatio: nec in minoribus tenebris versamur circa potentiam communicandi motum per impulsum, quam circa potentiam excitandi motum per cogitationem &c." ex eo iterum Noster colligit, certos nos esse posse de substantiæ spiritualis existentia, quamvis neq; claram & distinctam ejus ideam habeamus,

amus, neque modum operationum ejus comprehendamus: frustra-
que adeo omnis rationis & certitudinis fundamentum in clara & dis-
tincta idea collocari. Nec rejici proinde posse doctrinam ad spi-
rituales substantias pertinentem propterea, quod de modo & ratione
ejus non constet, utpote qui neque in rebus materialibus, neque in spi-
ritualibus, uti ipsi fatentur adversarii, sit evidens.

Jam ulterius tendit Max. Rev. Autor, atque ostendere nititur,
salvo isto, quod oppugnat, adversariorum suorum principio, nullam
Dei demonstrationem dari posse, de quo tamen evidentia, quamvis
mathematicam certitudinem exequante, constare Lockius dicit. Inter
omnia enim, quæ Lockius producit, solida sane, ad demonstrandum
Deum argumenta, id quod a clara & distincta idea desumitur, ab i-
pso Lockio rejicitur. Imo licet clarissima & distinctissima entis in-
finiti idea necessariam existentiam involvat, nihilominus tamen
dubiam admodum Dei demonstrationem, ob diversa hominum tem-
peramenta, diversasque cogitationum eorum applicationes Lockius
inde exurgere fatetur. Unde Noster concludit, ipso fatente, claras
& distinctas ideas argumenti vim pro diversa hominum conditione
posse amittere, ut adeo præter ideas, ad verum ferendum judicium,
rectum temperamentum, & justa mentis applicatio etiam requiratur.
Post generalem itaque hanc demonstrationem, qua Maxime Ven. Epi-
scopus defensum ivit, unicum certitudinis fundamentum claras & dis-
tinctas ideas non esse, distinctionem inter *naturam* & *personam* expli-
care aggreditur, cujus claram ideam nec reflexionem nec sensationem
gignere posse docet. Quantum enim ad *naturam*, eam eandem esse
cum *substantia*; per sensationem autem & reflexionem ad potentia-
rum quidem & proprietatum, non vero ad substratorum iis, h. e. ad
substantiarum seu naturarum cognitionem nos pervenire, ita ut na-
turæ rerum ad ratiocinationem proprie, non ad ideas sint referendæ.
Duplicem autem esse *naturam*: vel prout consideratur in *divi-
sionibus*, quæ nihil aliud est, quam natura communis, cum particulari
subsistendi modo, unicuique individuorum proprio, qui ipse in esse
personarum constituit; atque hoc personarum discrimen partim per
sensus, quatenus nimirum ex diversis accidentibus externis cognosci-
tur, partim per rationem, quatenus diversam habent existentiam,
nobis innotescere: vel prout *abstracte* consideratur, sine respectu

ad individua, atque sic integram per se notionem constituere. His ita præmissis considerat, quid harum rerum debeat simplicibus ideis nostris per sensationem aut reflexionem excitatis, atque ab ipso Lockio (L. II. c. 30 §. 31. c. 32. §. 18. L. III. c. 3. §. 6. 15. 19. 20) concedi ostendit, dari essentiam realem, quæ sit quasi fundamentum, cui potentia & proprietates innituntur: quodque potentias atque proprietates hæc cognoscere valeamus, quamvis ipsa realis essentia menti nostræ non pateat. Hinc autem infert Nolter 1) a genuinis & adæquatis ideis modorum & proprietatum, sufficientem realis essentia certitudinem habere nos posse; vel enim per eas, vel plane non judicare de rebus extra nos positis, nobis licitum esse. 2) Per potentias & proprietates rerum tantum nobis de interna earum essentia intelcere, quantum illæ quasi revelant: h. e. id saltem nobis pateferi, dari entia potentiis & proprietatibus hujusmodi instructa. 3) Essentias rerum, prout a nobis cognoscuntur, realitatem in se habere, nec nominales tantum esse, utpote quæ solæ faciant, ut individua sint id quod sunt. 4) Ideam generalem non gigni ab ideis simplicibus per solum actum mentis a circumstantiis abstrahentis, sed a ratiocinatione & consideratione genuinæ rerum naturæ. Et hæc quidem sunt, quæ monet de idea *natura*. Jam quantum ad ideam *persona*, considerandum, quodnam sit fundamentum distinctionis personarum in una eademque natura specifica. Illud igitur proprie non in diversitate lineamentorum, locorum &c. positum esse ait, sed in modo subsistendi, qui in unaquavis persona individuus est & incommunicabilis, atque proinde personalitas appellatur. Jam quærit, an differentiam naturæ & personæ simplices ideæ nos doceant? atq; inter abstractas ideas & particularia entia differentiam per objectorum externorum impressione nobis manifestari quidem respondet, ut & substantiam intelligentem per internam perceptionem; an vero ea substantiam constituent, an non, aliunde esse cognoscendum. Si enim sola substantia intelligens personam constitueret, duarum naturarum unionem, qualis in unoquoque homine datur, dari non posse, sed naturas uniendas duas fore personas. Quando autem de finitis substantiis & personis loquimur, tum certum esse, distinctas personas distinctas substantias esse, quoniam distinctas & separatas existentias habent; aliter vero se rem habere cum infinita substantia, cujus idea necessariam existentiam involvit, adeoque nihil

nihil Deo tribui patitur, quod cum necessaria existentia conciliari nequeat. Jam igitur si supponamus distinctionem personarum in eadem divina natura, quod facere Scriptura jubet, ita id explicandum esse, ut cum necessaria existentia non pugnet: non pugnabit autem, si coexistere tres personas in eadem divina essentia dicamus; necessaria enim existentia coexistentiam divinarum personarum involvit. Unitas vero divinæ essentiae arguit, non posse hujusmodi individuarum substantiarum in divina natura statui differentiam, qualis in humana naturaprehenditur.

Atqui hoc ipsum est, inquiunt Adversarii, quod rationem humanam excedit, & ad quod credendum nemo propterea obstringi potest. Falsam vero esse hanc sequelam, secundo loco in postremo hoc capite offendere Max. Venerandus Autor suscepit. Cujus omnis disputatio eo redit, ut quod contra rationem est, fidei objectum esse non posse largitus, id quod supra rationem ex parte est, omnino fidem propterea non amittere ostendat: cum omnes res, naturales etiam ex parte supra rationem esse, ipse *Christianismi mysterii nihil habentis* Autor largiatur. Cujus ineptas plane contradictiones ita luculenter ob oculos positas hic invenimus, ut plane perfricuisse frontem oporteat hominem, si sine pudore hæc legat. Verum ista fusius persequi nobis animus non est. Prolixitati vero nostræ, in iis præcipue, quæ ad Lockium pertinent, recensendis, eo magis paratam veniam apud Lectores nos inventuros confidimus, quod aliis libellis quibusdā ingenio & subtilitate maxime conspicuis, occasionem ea dederint, quorum argumentum deinceps indicabimus. Styli autem puritatis parum observantes nos fuisse, facile excusabit Lector harum rerum gnarus, qui vix evitari insuperabilem pene obscuritatem posse meminerit, nisi in hujusmodi argumentis recepti loquendi modi adhibeantur.

HENRICI WIDEBURGII, S. THEOL. D. ET IN ACADEMIA
Julia Professoris Ordinarii, *Systema Theologiae
Positivæ. Opus posthumum.*

Helmstadii, apud Georg. Wolfg. Hammium, 1698, 4.

Alphab. 2. plag. 13.

Q Uamvis Locorum Communium, Compendiorum, Breviariorum,
Ss s 3 Manu-

Manualium, Instructionum & Systematum, quibus doctrinæ sanctioris capita explicari & Studiosorum commoda promoveri possint, abundantissimam omnino copiam extare, haudquaquam nesciret unicus celeberrimi Helmstädiensium Theologi, Henrici Wideburgii haud ita pridem fato immaturo defuncti Frater, ordini in Academia Julia Theologico itidem hodie adscriptus, Maxime Reverendus D. Christophorus Tobias Wideburgius: non denegare tamen tot efflagitantium votis novum hoc Theologiæ Positivæ Systema fratrum ob rationes in præfatione allegatas voluit, præsertim cum peculiari istud methodo conscriptum deprehenderet. Nimirum sicut ea discendi docendique ratione, quam Mathematici servare sueverunt, beatus Autor imprimis delectatus fuit: ita juxta hanc Theologiam quoque Theticam Auditoribus suis inculcare studuit. Cumque in istorum scholis ejusmodi docendi consuetudinem observari cerne- ret, juxta quam theoremate vel problemate quovis proposito utriusque termini declaratio tam perspicua subjicitur, ut absque omni verborum ambiguitate id, quod probandum vel faciendum proponitur, cuivis innotescat; quo peracto quælibet propositio vel ad axiomata manifestissima, prima & immediata principia, vel ad propositiones, quæ e primis & immediatis antea demonstratæ fuerunt, reducitur: hinc & ipse doctrinam Christianæ fidei perspicuis thesibus comprehensam planissime primum explicuit, solidisque postmodum probationibus confirmavit, in his non tam de numero, quam pondere sollicitum se gerens, & cuncta ad ejusmodi propositiones reducens, quæ vel Sacrarum Literarum oraculis comprehensæ axiomatum vicem sustinere queant, vel alibi demonstratæ hypotheseum loco censerî mereantur. Ut autem juniorum captui eo melius confuleret, singulas fere argumentationes formulis inclusit syllogisticis, istoque pacto a *natura Theologiæ* consideranda exorsus, mox de *Religione* quædam disseruit, hinc de *Sacra Scriptura* commentatus est, qua delineata de *quatuor Novissimis* egit, utpote cum rectissime de fine hominis primo loco Theologiam dispicere existimavit. Hinc ad reliquos articulos perrexit, quæque de *Deo*, de *mysterio Trinitatis*, de *Creatione*, *Providentia*, *Angelis*, *Divinis Pactis*, *Imaginem Dei*, *Peccato qua originali*, *qua actuali*, *Christo*, *Prædestinatione*, *Viribus post lapsum humanis*, *Justificatione*, *Renovatione* & *Boni Operibus*, *Penitentia*,
Eccle-

Ecclesia, Sacramentisque & generatim & speciatim spectatis, in scholis Theologorum alias traduntur, pro suo instituto retulit, quandoque theſeos deductioni antitheſeos etiam refutationem ſubjiciens.

NOUVELLE BIBLIOTHEQUE DES AUTEURS
ECCLESIASTIQUES &c.

i. e.

*BIBLIOTHECA NOVA AUCTORUM ECCLESIASTICORUM,
auctore L. ELLIES DU PIN. Tomus IX.*

Parisiis apud Andr. Pralard, 1697, in 4. Alph. z.

NONUS, quem luci publicæ expoſuit Vir celeberrimus, Bibliothecæ Eccleſiaſticæ tomus, Seculi poſt C. N. duodecimi hiftoriam exhibet. Commiſſum cum Sacerdotio funeſto certamine Imperium, laceratam per ſchiſmata Eccleſiam Romanam, Pontifices cum Imperatoribus, cum Episcopis Reges concertantes: Sacramenta impugnata, reſectum externi cultus & ceremoniarum apparatus, naſcentem denique Theologiam Scholaſticam cum Jure Canonico, & id genus alia narraturum ſe fuſiusque expoſiturum Auctor ipſe proſitetur.

Initio ab Ivone Carnotenſi Episcopo factò, ejuſque cum Gothofredo ab Urbano II R. P. Episcopatu Carnotenſi exuto contentionibus ſtriſtim commemoratis, ſcriptis autem, præſertim epistolis fuſius enarratis, originem, progreſſum atque ſinem controverſiæ Pontifices inter atque Imperatores magna vehementiſſimaque animorum commotione agitatz, de inveſtitura Episcoporum ediſſerit. Paſchalem II Pontificem antecellorum ſuorum veſtigiiſ inſiſtentem, anathematis fulmen itidem in Henricum IV Imperatorem vibraſſe refert, cujus vim ut Imperator declinaret, perſuaſiſſe cum ſuis, edita ſanctione, ſuſcepturum ſe in Palaſtinam iter, Imperiique habenas ſe Filio traditurum; quorum neutrum cum faceret, enatam inde Filio occaſionem fuiſſe, connitentibus & adhortantibus quibusdam Imperii Proceribus, arma contra Patrem capiendis. Hocce Henrici junioris facinus peſſimum & naturæ ipſi adverſum Noſtro audit: nec diſſimulat tamen, cum ſuſciſſe religionem obtentui, hæreſeos inſimulaſſe Patrem, obſequiumque Pontifici promiſiſſe.

misisse. Quem istæ lites sortitæ fuerint finem, neminem fugit, nec Auctor quicquam hic assert, quod non præstantissimorum Historiorum communi consensu sit comprobatum. Ast investituræ jus hoc ipso nondum obtinuisse Pontifices; quin mortuo Henrico IV filium Henricum V adeo suo jure decedere noluisse, ut acriter potius istud sibi vindicaret, demonstrat. Meliora quidem initio sperasse Pontificem, sed intellecto Imperatoris consilio, cum jam in eo esset, ut Moguntiam peteret, mutata sententiâ in Galliam abiisse, ibique frustra denuo per Legatos Imperatoris Placentinumque Præsulem re ista disceptata, Trevis, quod est Campaniæ ad Sequanam oppidum, A. 1107 Concilium congregasse ad litem istam finiendam, irritum tamen iterum eventum, quod neutiquam Imperator vellet in Gallia hac de causâ sententiam pronuntiare. Sequenti anno Italiam petisse Imperatorem; prius tamen, quam Romam perveniret, Legatos Imperatoris cum Pontifice, instituta iterum de jure investituræ disceptatione, ita tandem convenisse, ut penes Pontificem quidem istud jus permaneret, Imperatori autem fas esset, Ducatus, Comitatus, Marchionatus, & cuncta supremæ dignitatis jura, Episcopis adimere. Bene autem observat, nec Imperatori, nec cuiquam prudentum, dubium ullum fuisse, Præsules Germaniæ quidvis potius perpessuros, quam ut his legibus initam a Pontifice pacem ratam haberent: idque comprobasse eventum. Unde Imperatorem Romam jam ingressum, nec latum unguem a sententiâ sua discedentem, rem eo tandem rediisse, ut in custodiam eum quibusdam Cardinalibus Pontificem mitteret, coercendum ita & in ordinem redigendum. Fama hujus rei percrebrescente, arma arripuisse Romanos, Pontificem liberaturos; remque ad certamen pervenisse, in quo Imperatori pro vita & salute depugnandum fuerit, victoria tandem ad ejus partes transeunte. Abductum hinc ab Imperatore Pontificem necessitati celsisse, jura de quibus disceptabatur transdidisse Imperatori, eique solenni ritu imposuisse coronam, administratoque rite augustissimo Eucharistiæ sacramento, partem hostiæ sumpsisse Pontificem, data Imperatori parte altera, & ita pacem factam confirmasse, addita execratione, locum in Regno Christi illi non fore, qui primus initi fœderis violasset leges. Tam sancte confirmatum pactum a Pontifice migratum fuisse, quis crederet? nisi post infinitos

tos fideque dignissimos testes prolixè quoque Vir doctissimus hoc doceret, qui accurate litis hujus seriem prosequitur, docetque sub Calixto II Pontifice controversiæ hujus rationem quodammodo immutatam esse. Gregorium namque VII ullam investituram Episcoporum, quocunque modo fieret, rite a Laicis administrari posse, diserte negasse, idemque sensisse Victorem III & Urbanum II. At per prius pactum cum Paschali II initum, quo sacra Episcoporum dignitas a civili, qua itidem pollent, haud obscure discernebatur, factum esse, ut sub Calixto II eo tandem quæstio rediret, an investituram per anulum & baculum ab Imperatore Episcopis conferri fas esset? Pontifice ejusque asseclis hoc ideo præcipue negantibus, quod hæc essent symbola ecclesiasticæ dignitatis, a solo Pontifice illis conferendæ, ut ut qua vasalli Imperii investituram ab Imperatore accipere & possent & deberent. Putat itaque Auctor, in pactione Henricum inter & Calixtum II Pontificem mox inita, litem istam ita finitam fuisse, ut Imperator superior ex hoc certamine discessisse dici queat. Et enim Imperatorem ceterosque Reges hoc solum voluisse: 1) ne electio Episcoporum & Abbatum sine suo consensu fieret: 2) electum, priusquam consecraretur, per baculum & anulum ab Imperatore aliisque Principibus investiendum esse: 3) eundem jurejurando se illi obstringere, homagiumque, ut loqui solent, ratione regaliæ & feudorum præstare debere. Per pactionem autem memoratam concessum fuisse Imperatori Regibusque: 1) ut electio Episcoporum illis præsentibus adeoque consentientibus fieret: 2) in Germania ratione regaliæ Episcopum ab Imperatore per sceptrum investituram impetrare debere, priusquam consecraretur; in ceteris regnis, nondum elapsis sex post consecrationem mensibus: 3) officia & servitia feudalia, quæ hactenus præstare consueverint, imposterum quoque illis esse præstanda. In eo proinde solum aliquid immutatum fuisse, quod constitutum fuerit, investituram non per baculum & anulum, sed per sceptrum peragendam, itemque quod hæc ad feuda & bona, quæ ut membra Imperii Episcopi possident, fuerit restricta. Vitam hinc litterasque Romanorum Pontificum, Honorii II, Innocentii II, Celestini II, Lucii II, & Eugenii III sistit: capite autem sequenti de Bernhardo ejusque scriptis differit. Horum summam Auctor more suo diligenter exhibet, secutus ordinem,

Cap. III.

Cap. IV.

T t t

nem,

Cap. V.

Cap. VI.

Cap. VII.

nem, quem in ultima editione, quæ A. 1690^o prodit, Vir doctissimus Johannes Mabillonius observat. Inter alia ex libro ejus de amore Dei hoc affert, quod non prætermittendum censuimus, Bernhardum quatuor gradus amoris divini constituisse, quorum summus sit, cum Deum non propter aliam causam, quam propter ipsum Deum amamus; sed addidisse, ad istum amoris gradum in hac vita pervenire neminem posse, nec pervenisse quenquam, ne quidem ex sanctissimis martyribus. Bernhardum sequitur Petrus cognomento Venerabilis dictus, Abbas Cluniacensis: quem Hæretici seculi hujus, saltem qui Ecclesiæ Romanæ Auctorisque judicio pro hæreticis habentur, excipiunt. Hic de Petro de Bruis ejusque discipulo & sectatore Henrico, de Tanchelino, Petrocorienfibus, Coloniensibus, Tullensibus, Catharis, Passagianis, Arnaldistis, Albigenfibus, Publicanis, Eudone vel Eone prolixè verba facit, conciliaque in quibus illi condemnati sint, memorat. Parum autem abest, quin Petrum Brusium pro parente & patriarcha horum hæreticorum, si non omnium, saltem plerorumque, venditet. Dogmata huic sequentia tribuit: baptismum non prodesse infantibus; adultos itaque baptizandos: templa & altaria non ferenda, sed ea destruenda: nec adorandam crucem: missam quoque usu carere, nec celebrandam: elemosynas & preces mortuis nullum afferre commodum. Sane ceteros antea memoratos Hæreticos omnes in eo sere consensisse, ut sacramenta, ritusque Ecclesiæ & ordinem hierarchicum impugnarent: nonnullos tamen Manichæismi insuper aut Arrianismi fuisse reos. Principem autem inter hujus ævi hæreticos locum merito sibi vindicaret Petrus Abælardus, si verum esset judicium Bernardi, Auctori quoque memoratum, eum de Trinitate locutum fuisse ut Arrium, de Gratia ut Pelagium, de incarnatione Verbi ut Nestorium. Non tamen dissimulat Auctor, plerasque propositiones Abælardi, in quibus maximos errores se deprehendisse hostes ejus prædicabant, ita comparatas esse, ut æquus censor in commodiorem eas interpretari partem possit. Similitudines, quibus ad designandum Trinitatis mysterium usus sit, nec ipsum pro exactis venditasse. De Spiritu Sancto eum docuisse, quod non sit potentia, nec de substantia Patris, etsi tres personæ Trinitatis unam substantiam constituent: at hoc ipso neutiquam eum negasse, potentiam, sapientiam, amorem, esse attributa communia tribus per-

personis divinis; quin contrarium diserte docuisse: sed eum tribuisse potentiam Patri, sapientiam Filio, amorem Spiritui S. per appropriationem, adeoque nihil quod a Patrum receptaque Theologorum sententia abhorreat, asseruisse. Sic & docuisse eum, Deum non posse facere, nisi quod fecit: non inepte quidem; si recte capiatur. Nec enim de potentia Dei in se spectata hoc eum asseruisse, quod hisce limitibus sit circumscribenda, sed de potentia Dei cum sapientia ejus & voluntate conjuncta hoc illum accepisse: quo pacto recte dicatur, Deum non posse velle nec facere quicquam, nisi id quod vult & quod actu facit. Porro Abælardum negasse, quod Christus carnem humanam induerit, ut morte sua homines a servitute peccati liberaret, Auctor sibi non persuadet, cum pluribus in locis secus doceat: sed hoc eum sibi voluisse censet, liberationem generis humani a peccato non fuisse solum & unicum finem incarnationis Christi, sed eum etiam simul exemplum præire hominibus, ad quod suos compararent mores, voluisse. Pari ratione ceteras quoque Abælardi assertiones, paucis exceptis, emolliri posse, cundo per singulas demonstrare nititur. Ceterum de Gilberto Porretano Pictaviensi Episcopo, qui itidem hujus seculi hæreticis annumerari solet, Auctor etiam ex instituto disserit, & ex erroribus, qui illi tribui soleant, præcipuos hos esse ait, quod asseruerit, essentiam Divinam non esse Deum; proprietates personarum Divinarum non esse ipsas personas; personas Divinas attributorum locum in nulla unquam propositione subire: naturamque Divinam non fuisse incarnatam. Causam itaque Gilberti in concilio Parisiensi disceptatam, non tamen definitam, sed a Pontifice concilio Rhemeni reservatam fuisse porro refert, in quo etiam doctrina ejus fuerit damnata, nulla tamen ipsi Gilberto inflicta pœna, quod serio eum mentem suam mutasse Bernhardus crederet. Ex scriptis Gilberti hætenus nihil typis vulgatum esse observat, præter Epistolam de Eucharistia, quam Lucas Dacherius produxit, quam lectu dignissimam judicat, quod Gilbertus in ea diserte doceat, corpus Christi totum sub unaquaque esse specie, itemque corpus & sanguinem Christi esse sub specie panis, etiam si vinum consecratum non adsit.

Cap. VIII.

Redit hinc cap. IX ad Pontifices, qui post Eugenium III ad finem usque hujus seculi sedi Romanæ præfuerunt, eorumque vitam.

Cap. IX.

- Cap. X. & scripta ordine enarrat. Sequenti autem capite de Thoma Archiepiscopo Cantuariensi celeberrimo, ejusque cum Henrico II Angliæ Rege litibus exponit. Patet vero ex iis, quæ Auctor narrat, summa Præsulis istius aut constantia aut pertinacia, dum quidvis perpeti maluit, quam vel latum unguem a jure quod sibi vendicabat discedere, nec ut obsequium fideique, nisi addita solenni formula, *salvo ordine suo*, Regi polliceretur, induci ulla ratione potuit. Instituti autem sui
- Cap. XI. XII. memor porro de Scriptoribus qui seculo XII floruerunt agit, de principis quidem & illustrioribus capite undecimo, sequenti autem de ceteris: de illis qui aliquid ad historiam Ecclesiasticam pertinens commentati sunt, capite XIII; quibus denique scriptores Ecclesiasticos Orientis subjungit cap. XIV. Nos & nostri instituti leges observantes
- Cap. XV. ex his nihil decerpimus, sed quæ de Theologiæ Scholasticæ origine primisque Scholasticis exponit, paucis delibabimus. Apostolos primosque Ecclesiæ Christianæ doctores doctrinæ ecclesiæ capita sine omni aut eloquentiæ aut philosophiæ apparatu mortalibus proposuisse, Hæreticisque & Judæis nihil aliud, quam Scripturam S. traditionem, & fidem univærsæ Ecclesiæ opposuisse autumat, nec ut mysteriorum redderent rationes, eos fuisse sollicitos, sed tantum probasse, si quis salvus fieri vellet, eum hoc oportere credere. Hæreses quidem dedisse deinde illis occasionem quædam dogmata accuratius determinandi, certisque vocibus, eæ sacris terminis ea circumscribendi; sed qui in justum corpus atque systema cuncta coire juberet, fuisse neminem, cum non nisi occasione ab hæreticis oblata scriberent, & quædā doctrinæ capita pertractarent. Origenem quidem in libro de Principiis tale quid suscepisse, infelici tamen successu, quod rationi habenas, ultra quam decebat, laxaret, nimioque Platonicæ philosophiæ flagraret amore. Contra Arrianos, Nestorianos & Eutychianos quidem more veteri ex Scripturis adhuc fuisse disputatum, sed postea sensim philosophiam admitti cœpisse, primo Platonicam, mox & Aristotelicam. Hac usum cum primis fuisse Boethium ad Trinitatis mysterium & incarnationem Christi explicandam. Johannem Damascenum autem primum fuisse, qui iusta methodo quæstiones Theologicas in unum corpus sive systema colligeret. Seculo IX Johannem Scotum Brigenam methodum & principia Aristotelis in Theologiam invenisse, sed eo eventu ut nimia subtilitate in varios errores datus fuerit præ-

præcep. Circa medium demum seculi undecimi philosophiam Aristotelicam ab Arabibus ad Europæos propagatam tululisse caput, aditumque ad Theologiam mox liberaliter illi fuisse concessum, duobus cum primis & antesignanis Johanne Sophista, Roscelino atque Anselmo, annitentibus Abælardo, Gilberto Porretano aliisque. Othonem vero Frisingensem Germanos suos Aristotelis disciplina imbuisse. Cum vero erroris periculo nunquam non expositi sint, qui novam viam ingrediuntur: sic mirandum quoque non esse, Roscelinum, Abælardum, Gilbertum aliosque non satis cautè in hoc campo versantes, a veritate cœlesti subinde fecisse divortium: Enatam porro hinc esse perennem infinitarum litium & controversiarum segetem, eamque tanta celeritate effloruisse, ut jam ista ætate de remedio fuërit cogitandum. Hoc afferre voluisse Petrum Lombardum, composito ex Patribus Sententiarum libro, in quo procul faceßere jussis Aristotelis placitis, verbis sententiisque Patrum doctrinæ cœlestis capita explicare aggressus fuerit. Receptum magno applausu fuisse librum, sed eos, qui istum commentariis suis illustrare instituerint, ad easdem mox controversias, revocata iterum Aristotelis auctoritate, fuisse relapsos, adeoque eandem mox Theologiæ rediisse faciem. Interim cum liber ille Sententiarum semper fundamenti loco poneretur, Lombardum hunc pro patre Scholasticorum recte reputari: Non desuisse tamen, qui in hoc Sententiarum libro quædam reprehenderent: ipsi Pontifici Alexandro III nonnullas loquendi formulas displicuisse: Joachimum Abbatem integrum contra eum composuisse librum: & Facultatem Theologicam Parisiensem edidisse articulos, in quibus a Magistro Sententiarum plerumque discedatur: Gauterium quoque quendam memorat edidisse ea ætate librum contra quatuor Labyrinthos Gallix, Petrum Abælardum; Gilbertum Porretanum, Petrum Lombardum & Petrum Pictaviensem, eosque haud unius arguisse erroris, quos evitare non potuerint, dum Scholastica methodo tractare Theologiam, eamque ad Aristotelis principia exigere ausi fuerint. Lombardo tamen perperam hoc exprobrari, cum ceteris hoc obijciatur jure meritoque, Auctor contendit: hunc enim nulla Aristotelis mentione factâ, Patrum tantum retulisse verba sententiasque. Theologiæ itaque Scholasticæ originem cum a Lombardo repetat, scripta ejus, præsertim librum Sententiarum fusius enarrat. Simili ratione

de Roberto Pullo Cardinali, Petroque Piſtavienſi & Roberto Melodunenſi, diſſerit, quos ceu primos Theologiæ Scholaſticæ conditores Lombardo adjungit.

Cap. XVI.

Novam quoque hoc ſeculo Scripturæ explicandæ rationem ortam, obſervat. Patres quidem aut litterales Scripturæ expoſitiones dediſſe, aut in allegorias more tum recepto eam convertiſſe: ſeculi octavi & noni Scriptores confeſiſſe Catēnas, h. e. loca Patrum, compilaſſe, & ex iis ſuos commentarios extruxiſſe: duodecimo demum ſeculo morem quaſtiones & controverſias in commentariis tractandi invaluiſſe. Hanc commentandi rationem ſecutum cum primis fuiſſe Rupertum Abbatem Tuitienſem, de quo, ut & Hugone atque Richardo a S. Victore, quorum itidem in Scripturam S. commentaria celebrentur, hac occaſione diſſerit.

Cap. XVII.

Collectionem Canonum a Gratiano itidem hoc ſeculo compilatorum, paucis deſcribit, & hinc Conciliorum generalium, quin & provincialium hiſtoriam in compendio ſiſtit. Finiunt hunc tomum Obſervationes Eccleſiaſtica de auctoritate Pontificis, diſciplina Eccleſiaſtica, ritibus Sacramentorum, ſtatu Monafterio, Canonicis regularibus, & ordinibus Equieſtribus. Auctoritatem Pontificis hoc ſeculo ad ſummum perveſſe fatigium non diſſidetur, tantum abeſt ut per contentiones de jure inveſtituræ ea fuerit imminuta. Obtinuiſſe enim eos ſummum imperium in urbe Romam, jugum Imperatorum penitus excuſſiſſe, quin jus coronam illis imponendi ſibi vendicaſſe, ſuæque poteſtatis limites longe lateque protuliſſe. Clericorum mores magis compoſitos fuiſſe hoc ſeculo, quam præcedentibus, undecimo & decimo: ſimul tamen & illorum auctoritatem magna fuiſſe incrementa, omnibus in id conſentientibus, ut Principum Regumque imperio ſe ſubducerent. Porro de Sacramentis verba faciens, communionem ſub utraque hoc ſeculo adhuc in uſu fuiſſe, non abnuat; ſub initium tamen ejus jam quosdam utramque ſpeciem, panem in vinum intingendo, conjunxiſſe, circa finem autem nonnullos una tantum ſpecie fuiſſe uſos. Vocem Tranſubſtantiationis quoque hoc ſeculo uſurpari cœpiſſe. Sed hæc ex præclaro hocce opere decerpſiſſe ſufficiat.

Cap. XVIII.

Cap. XIX.

Cap. XX.

FERDINAND CHRISTOPHORI HARPRECHTI, JCTI ET AN-
teceſſorū Tubingenſis, Conſultationum Tubingenſium de inſigniori-
bus quibuſdam juriſ quaſtionibus Volumen Tertium.

Tu-

Tubingæ apud Philibertum Brunnium, 1697, in fol.

Alph. 3. plag. 18.

Ejusdem Consiliorum Tubingensium Volumen Quartum.

Tubingæ apud Johann. Georg. Cottam, 1698, in fol.

Alph. 3. plag. 12.

DUOS Tomos, Consilia 33 complexos, ac a Consultissimo Autore annis præcedentibus publicatos, in Actis nostris anni 1696 pag. 183 & 432 recensuimus. Hos jam excipiunt Volumen Tertium & Quartum, itidem Consiliis seu Responsis 33 constantia, ita quidem ut illud a Consilio 34 usque ad 50, hoc vero a 51 usque ad 66 decurrat. Nos speciminis loco pauca ex iis delibabimus. In Volum. 3, Consil. 34, vim transactionis & cessionis quoad heredes, in illustri Facti specie, Serenissimam Domum Wurtembergicam & Dn. Ferdinandum Franciscum de Rye, Comitem de Poitiers & consortes, de Dynastiis quibusdam controvertentes, concernente, expendit Consultissimus Autor. In Consil. 38 ostendit, quod jus retractus in emtione, sub ea conditione, ut emtor venditoris valetudinem diligenter curet, facta, locum non habeat, si venditor singularem fiduciam erga emtorem habeat, & eandem curam ab aliis sibi æque præstari non posse arbitretur. In Consil. 39 docet, quod jus retractus municipale vel vicinum (territoriale vocat Noster) contra emtorem vim nullam habeat, si hic in aliquo municipio civis sit, licet ibidem non habitet. Consil. 47 deducit, quod merces per Gallos mercatoribus Anglis in mari ablata, posteaque in Gallia a Germanis mercatoribus emta, ac in terras Romani Imperii illata, confiscari nequeant, si scil. in Tariffa seu designatione mercium prohibitarum aut contrabandarum non reperiantur. In Consil. 49 plures quæstiones de concurrentia jurisdictionis criminalis diversorum Imperii Statuum explicat. In Volum. 4, Consil. 51 docet, quod, si scemina sub initium mensis undecimi, a tempore stupri commissi, pariat, partus quantum ad tempus, legitime censeri debeat, adeo ut ne quidem, intuitu termini nascendi tardioris, scemina juramentum queat deferri. In Consil. 53 p. 997 contendit, Nobilitatem similemve dignitatem non nisi immemoriali tempore præscribi. In Consil. 54 varias quæstiones, ad testamenta judicialia perti-

nea-

nentes, tractat, ac in specie negat p. 1021, quod testamentum per nuncium judici offerri possit, contenditque quod compilator Compendii Lauterbachiani, B. Lauterbachio, contra apertissimam ejus mentem, ex prælectionibus MSS colligendam, contrariam sententiam tribuerit in *Comp. Jur. Qui testam. fac. poss. sign. &c.* In Consil. 55 immotis, ut ipse ait, rationibus evictum dare nititur, quod paræcianus, domicilium haut mutans, Confessionarium mutare, ac in alia Ecclesia absolutionem & S. cœnam accipere non possit p. 1057; hinc porro infert p. 1069, quod contumax suspensione a sacra cœna, pœna pecuniaria, imo ademptione juris civici cogi possit, ad absolutionem a pristino Confessionario petendam & accipiendam. In Consil. 60 de concursu creditorum late agit, ac in specie p. 1133 proponit casum, quo libro mercatorio plena fides habeatur, nempe si concurrat chirographum debitoris, de quo Actuarius sua subscriptione testetur, quod propria debitoris manu scriptum sit. In Consil. 63 docet, quod si alicubi, ut Francofurti ad Mœnum, societas bonorum acquisitorum inter conjuges ex statuto obtineat, tamen ea, quæ maritus praxi medica acquisivit, ejus propria censenda sunt. In Consil. 66. de divortio & separatione a thoro & mensa sollicitus, speciatim contendit, quod facta separatione a thoro & mensa, mulier bona illata repetere queat.

**MICHAELIS BERNHARDI VALENTINI, MED. D. EJUS-
que ac Philos. Nat. P. P. Ordin. Giff. S. R. I. Acad. Nat. Cur.
Adjuncti & Recuperatorum in Italia Collegæ, MEDI-
CINA NOV - ANTIQUA.**

Francofurti ad Mœnum, apud Joh. Dav. Zunnerum, 1698, in 4.
Constat plag. 28.

DUm plerique Modernorum in novis magis detegendis, quam scri-
niis una Veterum rite excutiendis occupantur, Autor Clarissimus
solida Artis Medicæ fundamenta, juxta principia naturæ mechanica, e
limpidis potius venerandi Hippocratis haurire fontibus quam sedulo
allaboravit. Postquam enim ille novissima dogmata in Senis lau-
dati scriptis tam expressis sæpe verbis comprehendi observasset, ut vel
Nostrates Hippocratis ævo docuisse, vel hic nostro seculo revixisse vi-
deretur, tanto diligentiori manu omnes Hippocraticos loculos versa-

re

re cœpit, donec integrum Medicinæ Cursum ad mentem plane Recentiorum inde erueret, erutumque sub titulo Medicinæ Nov-antiquæ publico hic Eruditorum conspectui siteret. Nempe quemadmodum universa Ars Medica systematice alias in Institutionibus octo absolvi partibus consuevit: ita in præsentis pariter Cursus Medici partibus totidem, (*Præliminariis* præmissis, quæ Medicinæ naturam, originem, methodum, sectas & principia ostendunt,) pro exhaurienda omni arte, speciatim in *Physiologia* natura corporis humani, elementa, temperamenta, partes, humores, spiritus, facultates, functiones sive actiones œconomix animalis, tresque res secundum naturam, ac imprimis sanitas; in *Pathologia* morbus in genere, differentix morborum essentielles & accidentales, causæ morborum tum propinquæ, tum procatacticæ, atque symptomata; in *Semiologia* signa in genere, fontes & media signorum, signa diagnostica status n. & p. n. pulsus & urina, signa prognostica, generalia æque ac specialia; in *Hygiene* methodus conservandi sanitatem; in *Therapeutica* methodus medendi, partim in genere ejusque fundamentum, partim in specie, cum ordinaria, tum extraordinaria; in *Dietetica* res dieteticæ in genere itidem, non minus quam in specie, aer, cibus & potus, somnus & vigiliæ, motus & quies, excernenda & retinenda, affectus animi; in *Pharmaceutica* medicamenta in genere, illorumque inventio, facultates medicamentorum, horumque præparatio & compositio, item dosis; in *Chirurgica* denique chirurgia in genere, instrumenta chirurgica, & operationes chirurgicæ, tam generales, exploratio & deligatio, quam particulares, synthesis, diæresis, aphæresis & exæresis, prosthesis & diorthosis; tali pertractata habentur ratione, ut in frontispicio cujuslibet capitis textus primum aliquis ex Hippocrate appropriatus, originalis pariter sive Græcus atque Latine redditus, compareat, mox in exegesi subjuncta idem uberius cum ex aliis Hippocratis locis, tum ex Recentiorum etiam quandoque scriptis, explanetur ac dilucidetur. Prolixitatis evitandæ gratia, duo solummodo in præsentis capita, locupletiora reliquis, breviter exhibere sufficiat. In ultimo videlicet Pathologiæ capite, quod symptomata perpendit, *Hippocratus* effatum e *lib. 1. de Morb. Vulg. Sect. 3. ab init.* præmittitur, dum, *Videnda sunt etiam, inquit, morborum vicissitudines, & quæ ex quibus in quæ succedant, ac ex his quæ per hac contingunt.* Hinc,

Uuu

quam

quamvis vox Symptomatis apud Hippocratem non nisi *lib. de Flatib.* semel occurrat, sensu etiam Hippocratico, quo morbus omne audit, quicquid homini molestum est, distinctio nulla inter morbum & symptoma intercedat, in exegesi tamen, in quantum symptomata a morbo secundoario fluant, sive ea, quæ (verbis Hippocratis) ex his (sc. morbis) per hæc (i. e. causas) contingunt, symptomata audiant, differentia aliqua cum plerisque Institutionum Medicinæ scriptoribus non solum admittitur, sed & species symptomatum sub actionibus læsis, excretis & retentis vitiose se habentibus, ac qualitatibus externis p. n. immutatis, tanquam tribus summis generibus, cum Galeno indigantur, & quoad formalitatem, sæpe etiam quoad prognosin & curationem, ex Hippocratis potissimum libris declarantur. Dysuria v. g. locum inter symptomata actionum vitalium obtinens, & alibi ab Hippocrate urina laboriosa, item in plurali *8. p. 1. 1. Prædiss. m. 59.* appellata, mictio dolorifica innuitur cum ardore, ab urethræ & vesicæ exulceratione orta, mala & frequens quæ pronunciatur in senibus *aph. 31. sect. 3.*, quoniam in his omnia renum & vesicæ vitia difficulter curantur, *aph. 6. f. 6.* deducatur autem ab austruina constitutione *aph. 5. f. 3.* ac per siccitates *aph. 16. f. 3.* & quandoque solvatur V. S. si scilicet a plethora, ut & vini potu, *aph. 48. f. 7.* Alterum autem Pharmacæutices caput, facultatibus medicamentorum dicatum, Hippocrati monito, quo *lib. de decent. Habit. f. 31.* virium medicamento sarum exactam notitiam commendat, *Medicamenta autem*, inquiens, *tum eorum simplices facultates, tum si qua descriptæ sunt, probe tibi memoria teneantur*, superfruitur. Facultatum enim medicamentorum nomine uti vires, virtutes & qualitates illorum in expositione intelliguntur, juxta ipsum Hippocratem *lib. de præs. medic. §. 52.* in particularum mixta constituentium textura atque figura radicatz: ita divisiones quoque earundem in simplices & descriptas sive compositas, in temperatas & intemperatas, in evacuativas itidem & alterativas, partim enodantur, partim & præcipue materia medica selectior, evacuationis vel alterationis scopo inserviens, ita enumeratur, ut quomodo ejusmodi medicamina operentur, & quænam ante, in, & post evacuationis actum mereantur attendi, satis una innotescat.

A CONTINUATION OF THE ACCOUNT OF THE NATURE,
Causes, Symptoms and Cure of the distempers, that are incident
to seafaring people, &c.

h. c.

CONTINUATIO RECENSIONIS DE NATURA, CAUSIS, SYM-
ptomatibus, & curatione morborum, qui navigantes solent corripere, &c.

auctore W. COCKBURN, Collegii Medici Londinensis Membro, Medico

turma curulea in classe regia, & Regia

Societatis Socio.

Londini, apud Hugh Newmans, 1697, 12. plag. 7½.

PRæstitit doctissimus Auctor, quod in ejusdem argumenti libro, a nobis in *Actu Eruditorum* anno 1697, *menfe Decembr. p. 549.* laudato, fuerat pollicitus, observationibus quadraginta-quatuor tradens historiam ægritudinum, quæ in classe Britannica æstate præteriti anni fuerant ab ipso observatæ; de cujus instituti utilitate prolixius in Præfatione agitur. Quandoquidem autem in prima operis hujus parte conatus est evincere, evacuationem in febrium curatione absolute esse necessariam, eamque commodissime fieri sanguinis detractioe; hujus libri principio statim disquirat, quibus cognosci possit indicia, quantum sanguinis dimittendum sit, idque sine virium ægritudine, ut respondeat particulis ob interruptam perspirationem in corpore detentis, aut certe efficiat, ut secretio fiat liberior, & sponte sua deinceps exhalet quod est superfluum, ostendens quam incerta frivolaque sint, quæ vulgo ab auctoribus de hac re traduntur. Ipse vero experientissimus Auctor, plenioris rei tractationem in aliam occasionem differens, duos hic proponit modos, quod quæritur investigandi. Primum enim ad pulsum respicere jubet, ejusque naturalem explorare constitutionem, quot scilicet in quolibet homine sano micet vicibus arteria minutis singulis, cum hoc cognito & comparato cum numero pulsuum ægroti, facile judicari possit de celeritate sanguinis aucta aut diminuta, quantumque mittendum sit ejusdem, ut ad statum naturalem reducat. Deinde suadet thermometron in usum vocare, ut hinc innotescat, quantum naturalis hominis calor elevet thermometri liquorem, idemque deinde doceat, quantum calor increverit aut diminutus fuerit in præternaturali statu, quo deinde & numerus pulsuum cum calore minore majorique comparari, & tantum detrahi possit sanguinis, quantum requiritur, ut ad naturalem redeat temperiem.

In Observationibus ipsis (quarum priores haut pauca ad febres pertinent non solum tota curationis series recensetur, sed animadversiones quandoque non inutiles traduntur. Ita in *Observat. V* vertiginis causa deducitur ab arteriis, quæ proximæ sunt nervis opticis, sanguine nimium distentis, quæ pressione sua nervum opticum eique conjunctam retinam moventes efficiant, ut radii ab objecto fixo profecti in diversas usque retinæ partes incendant, atque adeo objectum nobis moveri videatur. *Observat. XIX* febris intermittens personam podagræ induta repræsentatur. *Observat. XXII* venæsectio in brachio dysenterici instituta commendatur. *Observat. XXVII* apoplexiæ, quæ medellam admittit, causa constituitur in stagnatione sanguinis in arteriis cerebri & medullæ spinalis, quæ ideo principium nervorum comprimunt, ut spiritus animales per illos rite fluere nequeant; unde efficitur, nullum præsentius esse remedium, quam venæsectionem in pede aut brachio, vel etiam vena jugulari institutam. In *Observ. XXXIX* gonorrhœam quoque olim Judæos afflixisse, neque demum in obsidione Neapolitana ortam, ex Levit. XV. 2. probatur. *Observat. XXXVIII* tussis venæsectione curata & purgatione describitur. *Observatione ultima* contra illos, qui secretionem ope speculorum fermentorum fieri censent, disputatur.

AN ENQUIRY INTO THE RIGHT USE, &c.

h. c.

INQUISITIO IN USUM ET ABUSUM BALNEORUM ANGLIÆ calidorum, frigidorum & temperatorum: auctore JOHANNE FLOYER, Armigero, Medic. Doctore.

Londini, apud R. Clavel, 1697. 8. Plag. 15.

Romanam pariter atque alias gentes balneis olim frigidis, non tam delectationis aut munditiei, quam salubritatis causa, usas fuisse, satis constat. Quod remedii genus a nostris moribus, qui thermas potius sectamur alienum fere est, sed retentum tamen fuit in Anglia præcipue, quoad aquas Buxtonienses, quarum illa temperies est, ut ad frigus magis quam ad calorem vergat. Horum balneorum usum, commendaturus experientissimus Auctor, præmissa prolixiori Præfatio-

MENSIS NOVEMBR. A. MDC XCVIII. 525

fatione, ex Sanctorio præcipua de perspiratione insensibili dogmata repetit, reprehendens imperitos medicos, qui nescii quibus in casibus perspiratio augenda, quibus minuenda, aut quomodo æquabilis conservanda sit, ægros sine discrimine ad thermas ablegant, atque adeo in causa sunt, ut pereant multi, qui per balnea frigida sanitatem recuperare potuissent. Quod ut fiat manifestius, Cl. Auctor varia balneorum genera examinat, eorumque virtutes per qualitates sensibiles exponere conatur; deinceps vero confirmat, recte thermas adhiberi, ubi regnat intemperies frigida, sed frigida balnea, ubi calida intemperies dominatur, temperata tandem pro re nata in utroque casu, contextitque singulorum morborum catalogum, in quibus salubria singula balneorum genera fuerunt deprehensa, non omisis illis, in quibus plus noxæ quam commodi attulerunt. Potissimum autem Anglis auctor est, magis ut frequentent balnea temperata, qualia Buxtoniensia, & deinceps frigida, qualia S. Mungi, S. Winefridi &c. atque his undis durent sua corpora, ut aeris injuriis eo melius resistere possint. Maxime autem Buxtoniensia commendat, quorum virtutem & usum singulatim describit, curationesque ibi peractas recenset.

A TREATISE OF THE GOUT &c.

h. e.

TRACTATUS DE PODAGRA, IN QUO TUM EJUS CAUSÆ, tum curatio, demonstrative aperiuntur, a JOHANNE COLBATCH, Medico, Membroque Regii Medicorum Collegii quod Londini est.

Londini apud Dan. Brovvn, 1697, 8. plag. 12.

PAuci abierunt anni, cum morborum omnium causa Acidum proclamatum fuit; jam, versa rerum scena, Alkali in medium ab Auctore Cl. producit, omnisque culpa in illud congeritur. Unde & Podagræ sævissimi dolores illi accepti feruntur, sicubi in sanguine prædominetur. Quod ne gratis dictum videatur, ad experientiam provocat Auctor, confirmans, serum podagra laborantium, mixtum cum solutione syrupi violarum, semper colorem cæruleum in viridem, ut solent lixiviosa salia aut volatilia, non in rubrum, convertere. Dolorem ergo podagricum derivat Auctor ab extravalato humore alcali-

Uuu 3

co

co, qui irritet membranas juncturarum & partium adjacentium relaxatarum. Quam sententiam hinc quoque probabilem reddit, quod topi-
 phi nodique ex materia omnium consensu alcalica constant. Idem
 ex analysi sanguinis podagricorum chymica, collata cum analysi san-
 guinis sanorum probat, testatus alcali, quod in illorum sanguine re-
 peritur, sæpius se invenisse ad alcali, quod ex horum sanguine elici-
 tur, ut 6 ad 4, aut quoque ut 5½ ad 4. Remedia, quæ post venæse-
 ctionem in plethorici corpore celebratam, huic malo opponuntur,
 ex tartaro vitriolato cremoreque tartari constant, quibus additur,
 infusum radicis bardanæ, eringii & ligni assafras, ac tandem
 pulvis lapidis hæmatitis cum cremore tartari haustus in infusione
 rad. ering. sem. bardanæ & fraxini. Externe applicat Auctor bal-
 samum ex olei oliv. unciiis octo & olei vitrioli optime rectificati unciiis
 duabus mixtum, ejusque vires summis effert laudibus; vel etiam par-
 tes affectas fovet urina vaccæ, in cujus bullientis libris quatuor salis
 marini libræ tres fuerunt dissolutæ. Elixir sulphuris, quod pro infi-
 gni stomachico & antifebrili habet, podagricisque proprium com-
 ponitur ex olei sulph. per campan. unciiis duabus, spiritus vini optime
 rectificati libra una, sacchari cand. alb. unciiis duabus, caryophyllo-
 rum & maceris ana drachmis sex, in matraccio optime clauso per dies
 decem digelitis. Accedunt huic libro nonnullæ observationes medi-
 cæ de febrium curatione per acida, quibus hypothesis Auctoris con-
 firmatur.

THE DOCTRINE OF ACIDS IN THE CURE OF DISEA-
 ses farther asserted &c.

h. e.

DOCTRINA DE ACIDORUM IN CURANDIS MORBIS USU
 ulterius asserta, seu Responso ad Objectiones contra illam factas
 a Dr. F. Tuthill &c. Auctore JOH.
 COLBATCH.

Londini apud Dan. Broun, 1698. 8. plag. 9.

JUngimus hunc librum præcedenti, cum totus in defendendo acido-
 rum usu versetur, occasione sumpta ex litteris Dn. Tuthill ad Aucto-
 rem scriptis, in quibus non contemnendæ Auctori circa suam hypo-
 thesin

thesin moventur difficultates. Ac primo quidem objectionum Auctori facile largitur, esse aliquid in sero alcalici aut huic analogi, quod ita commutet syrupum violarum, neque tamen hinc concludi posse putat, serum illud alcalizatum esse originem omnium morborum, præsertim cum bene valentium hominum serum eodem modo syrupum violarum viridi colore inficiat. Porro neque hoc phaenomenon satis ipsi consistere videtur cum hypothesi de sero alcalizato, quod scilicet serum illud viridi colore a syrupo violarum imbutum non effervesceat cum spiritu vitrioli, more omnium alias alcalium. Deinde quamvis in sero sint nonnunquam particulae quaedam calidae, quae ab acidis optime domantur, in quaestione tamen adhuc esse ait, utrum alcalicae sint nec ne? quoniam si essent fixioris naturae, non appareat, cur summa petant & sero innatent; sin volatilioris, acedine se sua proderent, cum tamen hoc experientiae adversetur, quia serum illud fere insipidum deprehenditur. Jam cum in hydropse, catarrhis & quandoque in podagra sanguis valde tenuis, fluxilisque reperiatur, quaerit, annon hæc tenuitas acidorum potius, quæ sanguinem fundunt, quam alcalium abundantiam arguat? Provocat quoque ad rerum magistram, quæ docet ab acidis exhibitis plurimum doloris excitatum fuisse, miraturque Auctorem lignum sassafras in usum trahere, cum tamen hoc lignum acidum non sit, nec alcali padagra laborantium subjugare possit. Tandem vel sine alcali posse syrupi violarum colorem mutari; hinc non improbabile putat, quod infantibus, in quibus nulla alcalium abundantia, sed quandoque pulveres testacei fermentationem excitant, exhibitus ab iisdem viridis excernitur.

His objectionibus ut satisfaciat libri Auctor, primum allegat experimenta sua, quibus ex sanguine morbidorum satis notabilem spiritum alcalici quantitatem elicit, nihil moratus illos, qui ab ignis violentia novas substantias, quæ concreto non inerant, produci contendunt, satisque firmo stare talo arbitratur, quæ de alcalibus ex commixtione cum syrupo violarum cognoscendis, omnium consensu tradantur. Porro non negat, etiam sanorum hominum sanguinem aliquid alcalici continere, præsertim cum rarissimi sint homines perfecta sanitare gaudentes; sed id sibi concedi quoque vult, plus alcalici in ægrorum reperi in sero, atque id quidem considerandum esse, ut excrementum ex sanguine eliminandum, sit recrementum quasi flam-

max vitalis, quæ sulphureis pascitur particulis, quibuscum acida semper conjunguntur. Serum morbidorum cum oleo vitrioli effervesce omnino confirmat. Calorificas autem in sanguine particulas, de quibus obijciens loquitur, alcalicas esse statuit, quæ dum sanguinis globulos comminuunt, & sulphureas particulas, quæ pabulum sunt flammæ vitalis, dividunt, vel fermentationem excitant, vel flammam vitalem maxime augent. Cæterum quanvis Auctor ad probandum in sero alcali, id misceri jussit cum syrupo violarum, non tamen eam sibi mentem fuisse testatur, ac si statuerit, in solo sero hæere alcalicas particulas, sed potius easdem toti sanguini esse admixtas. Neque vero concedit opponenti, serum febricitantium insipidum fere esse, cum Auctor sæpenumero satis acre illud, ut & linguam morficarit, invenerit; aut acida omnia sanguinem tenuiorem reddere, cum acida quæ plurimo sulphuri sunt unita, aperientia sint, & sanguinem succosque in convenienti fluiditatis statu retineant, sed quæ parum sulphuris habent, sint styptica, & sanguinem succosque nimis fluidos ad debitam consistentiam reducant. Ad acidorum autem classẽ refert Auctor non tantum manifesta acida, sed quæcunque destillationi exposita stigma fundunt acidum, ut v. g. ligna. Ad reliqua respondet, ab acidis dolores quandoque exasperari mirum non esse, præsertim initio & non sufficienti quantitate exhibitis: lignum fossilas ad acidorum tribum pertinere; syrupum violarum in infantibus viridi colore tingi a bile, quæ manifestum est alcali; esse, tandem quandoque acidum aliquod in stomacho, ibique turbas dare, sed nulla alia in corporis parte. Appendicis instar adjectæ sunt duæ observationes medicæ cum formulis remediorum adhibitorum.

A PLAIN INTRODUCTION TO THE ART OF
Physic &c.

h. e.

FACILIS INTRODUCTIO IN ARTEM MEDICAM, CONTINENS fundamenta & necessaria præliminaria ad praxin, Auctore

J. PECHET Membro Collegii Medici

Londinensis.

Londini, apud Henr. Bonvick, 1697, 8. plag. 26.

Eum

EUm in finem conscriptus sit hic liber, ut tyronibus facilius reddatur lectio auctorum practitorum, prima quidem ejus pars complectitur Institutiones Medicas ex optimis auctoribus collectas, Physiologiam, Hygienem, Pathologiam, Semioticam & Therapeuticam breviter explicantes. Secunda continet Materiam Medicam contractam, ex Ettmullero & Marggravio maximam partem depromptam, cui deinde accedunt alie quoque compositiones Pharmaceuticæ & remedia Chémica. In Semiotica de Uromantia luculenter agit Auctor, fraudesque Medicalistorum graphice depingit, ostendens quanto se periculo exponant, qui remedia post solum lotium inspectum præscripta ab impostoribus illis assument.

ELUCIDATIO HISTORICA ACTORUM IN CONTEOVERSIA
super origine, antiquitate & historiâ Sacri Ordinis B. M. de Monte Carmeli, inter quosdam illius & Societatis Jesu Scriptores Alia Sanctorum illustrare professos; quæ est Pars tertia & ultima
Responsionum DANIELIS PAPEBROCHII, S. J.

Th. ad Exhibitionem Errorum ipsi imputatorum ab Adm. R. P. Sebastiano
a S. Paulo, Carmelita,

Antverpiæ, apud viduam & hæredes Henrici Thieullier, 1698, 4.
 Alph. 1. plag. 5.

NOn sensa solum sui animi, sed modum etiam, quo illa in Actis Sanctorum protulit ac sustinuit, quoque ea proferri ac sustineri Societas Jesu passa fuit, maximopere impugnari per annos jam triginta intellexit celeberrimus Papebrochius, indeque ista pariter ac hunc defendere uberius consultum arbitratus est. Sicut autem priorum Apologiam partibus duabus adversus P. Sebastianum a S. Paulo editis, justoque studio a nobis in Actis hisce A. 1696 pag. 500, & hujus anni menſe Febr. p. 81, nec non menſe Martio p. 129 recensitis, textuit: ita & posterioris patrocinium sigillatim suscipere non detrectavit; id quod in opere præſenti, cui titulum tertiæ ac ultimæ Responsionum partis indidit, ab eo præstitum videmus. Ac in Præfatione quidem in antecessum nonnulla monet de libello supplici anno 1683 Innocentio XI Pontifici a P. Sebastiano a S. Paulo (prout affirmet

Xxx

qui-

quidem hic, dubium tamen, an veritate integra,) exhibito, in quo adversus Acta Henschenii & Papebrochii iis in locis, ubi Carmelitarum impugnent auctoritatem, censura expetitur, & cui una cum adjectis rationibus typis impresso responsum tunc est a Conrado Janningo in brevi Instructione, quæ & ante primum Tomum Junii, & heic recusa deprehenditur. In isto autem libello supplici cum falsa veris misceri passim statuatur Papebrochius, hinc ad historiam controversiæ Carmelitica plenius enarrandam accedit, multisq; ante omnia argumentis probat, Bollandum & Henschenium, utut de origine Ordinis Carmelitici semper dubios, amicitia tamen causa ab ea discutienda sic abstinere voluisse, ut nec confirmarent eam, nec sibi interdicerent obiter saltem monere, illam sibi non esse exploratam, Sanctosque, quos idem Ordo tam liberaliter sibi arroget ante seculum duodecimum, nequam sibi tales videri; in reliquis autem Ordinis ejusdem, quorum Acta non undiquaque perspectissima haberent, moderata, cum opus esset, censura abstinere nollent. Arrisisse hoc consilium Patribus Carmelitis ostendit, nec quempiam scripto publico Actorum conditores impugnasse, usquedum P. Franciscus Bonæ Spei, provinciæ Flandro-Belgiæ Ex-Provincialis, edita *prima Armamentarii sui parte*, præter alios Societatis Jesu Socios, Actorum quoque Scriptores ob illatam antiquitati Ordinis Carmelitici injuriam accusarit, & ad reddendam sui de ista controversia silentii affectati obscuræque brevitate rationem provocarit. Dare hanc prius voluisse Henschenium, sed post provinciam istam in se devolutam Papebrochius observat, quam etiam in proluxo satis de B. Alberto, Ordinis Carmelitici Legislatore, commentario, Aprilis Actorum Sanctorum mensi inserto, functus fuerit, sed ita tamen, ut omissa adhucdum desinutione ultima, istud unicevictum dare laboraverit, quod parum solidis meritoque suspectis fundamentis in asserenda origine sua Carmelitæ niterentur. Quam promte autem plurimi Ordinum omnium Eruditi Dissertationi huic subscripserint, tam acerbe modis non unis contra eam insurrexissent Carmelitas quosdam, editamque anno 1677 *secundam Armamentarii partem*, imo & in Speculo Carmelitano *Propugnaculum istius Ordinis historie* a P. Daniele a Virgine Maria adversus Actorum Collectores congestum innuit, sed posterius tamen aliquot demum ab Auctoris morte annis, cum plurimis iisque acerbissimis, & quæ ipsis paulo

paulo mitioris ingenii Carmelitis displicerent, accessionibus in lucem emissum queritur. Secundæ Armamentarii parti responsum se parasse in Tomis ad Majum mensẽ facientibus, & tentatam quidem cum Carmelitis concordiam, excisa quoque inde vita S. Angeli ipsis molesta; sed istam multis mediis ab ipsismet impeditam fuisse postquam late enarravit, de libellis istis, quos spargi Carmelitæ fecerint, quales, *Nodus Papebrochio indissolubilis*, *Præco Marianus*, *Novus Ismaël*, *Prodromus Carmelitanus*, *Heroica Carmeli Regula*, *Pomum discordiæ*, &c. ulterius dislerit, scriptamque de eorum nonnullis ad Serenissimum Hassiæ Landgravium, Ernestum, Roma a Conrado Janningo epistolam subnectit. Aliam deinde a Carolo du Fresne, Cangii Domino, ad Antonium Wion de Herouval Gallice perscriptam, libellosque Carmelitarum improbantem producit, & hanc una cum appendice quadam ex mente Scriptoris ab alio addita, jussu & sumtu Serenissimi, quem modo nominavimus, Landgravii in Latinum idioma translatam, impressamque anno 1683 fuisse memorat; missas ea propter ad hunc per F. Stephanum a S. Johanne Evangelistam, Francofurtensem Carmelitarum Priorem, literas multum de isto instituto querentes, sed & a Cancellista Principis oppositas responsorias, & quæ has exceperunt, novas Stephani illius apologeticas priorum in medium afferens. Ea vero occasione audax, quod appellat, Carmelitarum Leodienſium figmentũ perstringit, qui sub Herouvallii nomine epistolam ad Cangium conceperint, & istum ita scribentem introduxerint, ac si hunc oblatum de Carmelitis judicium admodum reprehenderet. Enimvero meras egisse homines illos imposturas, e testimoniis ipsius Herouvallii pluribus, quibus hic se ignorare & rejicere epistolam illam confirmat, palam evincit. Veritos igitur adversarios, ne, si fraus detegeretur, malam in Curia Romana gratiam incurrerent, querelas suas de vulgata passim Cangii ad Herouvallium epistola ad Romanum Pontificem, Innocentium XI detulisse, sed præsentem tunc Romæ Janningum, opposita rei totius enarratione genuina, id obtinuisse, ut Pontifex ulteriore Carmelitas scriptione interdiceret; quo tamen interdicto posthabito, libellos pseudonymos anonymosque divulgare hi nequaquam omiserint, ut puta: *Nihilum Jesuiticum*, *Debita Papebrochiana*, *Papebrochium bombardizantem*, *Herculem Commodianum in Papebrochio redivivum*, quorum titulos æque ac contenta Noster

studiose recenset, sequē interim ad singulos eorum consulto facientem in digerendis Actorum Tomis strenue perrexisse testatur. Posteaquam vero jam ad quatuordecim volumina opus, cui cum Henschenio ipse infudarat, excrevisset, anno 1693 cum sua, quam nuncupavit, *errorum Exhibitione* in scenam prodisse dicit R. P. Sebastianum a S. Paulo, qui factam annis antecedentibus ad Inquisitionis Hispanicæ tribunal delationem, clandestinam eam quidem, sed & penitus tunc rejectam, instaurari isto pacto fecerit, dum Carmelitæ totam fere Exhibitionem in librum Hispanicum, sub titulo *Expostulationis* Madriti anno 1694 impressum, transfuderint, & hunc secutum ait anno 1695 Decretum Hispanicum Acta Sanctorum Henschenio-Papebrochiana proscribens, quod Carmelitæ Latino, Hispano. Gallico Teutonicoque idiomate mox imprimi & undique dispergi curarint. Miratos tunc prudentiores, qui fieri potuerit, ut tam brevi spatio volumina tot legerentur examinaarenturque; plerosque autem, quod fide non optima protractum fuerit Decretum istud, penitus sibi persuasum habuisse. Quinimo Supremum in Hispania Inquisitorem annuisse, ut apologia pro Actis exhiberetur, instituereturque causæ revisio, in cujus rei fidem decretum anno 1697. mense Augusto conceptum allegat. Prout autem cum Sebastiano a S. Paulo congregientem primum Conradum Janningum introducit, & libros ultro citroque evulgatos enumerat, sic delationem Janninganorum quoque meletematum ad Hispanicum tribunal a Vice-Rectore Salmanticensi anno 1696 factam fuit, nec scripta alia, veluti *Theses Hispanenses & Vocem veritatis*, ad decretum Hispanicum palliandum ab adversariis consarcinata reticet, obiter, quid in sui defensionem alii susceperint, subinnuens. Paulo vero prolixior est in commendando plurimum per Germaniâ Episcoporum, Archi Episcoporum, Electorum studio, quo exaratis quoque Romam ad Pontificem ipsum Prælatosque complures literis, Sanctorum Acta protegere allaborarint. Epistolas quoque ab Augustissimo Imperatore LEOPOLDO ad Pontificem æque ac Hispaniarum Regem sub initium anni 1696 missas apponit, & quomodo ad priorem illam Carmelitæ fictam Papæ responsionem consarint, posteriorem vero coram ipsa Inquisitione tanquam hæreticam, schismaticam, suppositivamque accusaverint, negotio tamen utrinque non satis feliciter cedente, fusius ostendit. Interim sequoactum refert, ut apologiam suam adver-

adversus Exhibitionem errorum Sebastiani a S. Paulo conderet, quam spatio quindecim mensium perfectam, in Italia, ubi dextre satis de eadem (quicquid contra machinentur Carmelitæ.) judicetur, Societatis Jesu Generalis secundi jussu. Similem eventum se ab ea in Hispaniam missa expectasse, præsertim cum P. Antonius Xaramilius aliam Hispanicam linguam defensionem struxerit; verum & hanc suppressam, & illam sub prætextu Decreti alicujus obstantis a tribunali rejectam, sibi que, ut apologia secreta Hispanico idiomate composita se purgaret, injunctum; alii vero ad hanc, mense Junio anno 1696 jamtum primo ac secundo Tomo Martii exhibitam, nullum responsum datum haberi dolet. Denique adversarios suos Carmelitas eoque progressus addit, ut exhibito Regi Hispaniarum libello supplicii, Regni quoque illius Episcopis, mutatis modo, quæ mutare fas erat, oblato petierint, vellet a Romano Pontifice postulare præceptum silentii iis omnibus imponendi, qui istorum ab Elia successionem minus probarent. Ast uti hocce desiderium iniquum admodum pronunciat, ita P. Xaramilius alium concepisse libellum supplicem observat, quem P. Antonius Beltran Regi tradiderit, quemque, utut paulo prolixior, integrum heic legendum dat. Hunc cum totius curiæ applausu vigatum, preces quidem ad Pontificem pro indicendo silentio deferendas impeditur, sed libros tamen Sebastiani non minus ac alios, aut pro se aut contra se conscriptos, mandato sub prætextu pacis utrinque silentio, in Hispania colligi jussos; at suæ innocentiae, sola forsan Curia Romana aliquando vindicandæ, subsidium nullum allatum fuisse memorat.

EXAMEN DIVINITATIS, QUAM IN CARMELO VESPASIANUS consuluit; sive C. Suetonii Tranquilli locus de Deo Carmelo Hispanice explicatus per Excellentissimum Dominum D. GASPAR

REM de MENDOZA, Interprete Daniele

Papebrochio.

Antverpiæ, apud viduam & hæredes H. Thieullier, 1698. 4.
plag. 5.

POSTEAQUAM labore contenta responsum, quas R. P. Sebastiano a S. Paulo Papebrochius opposuit, recensendi in Actis hæc nostris

Xxx 3

stris

stris defuncti sumus, pauca quædam adhuc monere par est de nonnullis operibus, quibus alii etiam Scriptores causam Papebrochianam sive obiter sive ex instituto magis adjuvare. Ac istud quidem, cujus titulum heic exhibuimus, Hispanice jam A. 1628 prodiiit, periochamque adeo nostram aliquot annis antevertit; quamobrem, ut in ejus prolixiori delineatione occupemur, necessarium haud est. Id modo observamus, quod Excellentissimus illius Auctor sententiam Carmelitarum, & Patris maxime Laurentii Angeli Espin, ac si memoratim apud Suetonium & Tacitum *Deus Carmelus* verus esset Deus, & Vespasianus sua ætate continuatam successionem discipulorum Eliæ in monte Carmelo deprehendisset, multis argumentis refutarit, atque e contra Carmelum ipsum pro Deo a Gentilibus superstitione habitum cultumque fuisse docuerit. Sed cum hoc parum arrideret Carmelitis, arrepta aliunde occasione Auctorem velut Papebrochio faventem ad Inquisitionis Hispanicæ tribunal detulerunt, ejusque scriptis ignorantie notam impeerunt. Adversa igitur hæc sui causa Virum illustrissimum pati cum doleret Papebrochius, honori ejus consulendum ratus est Latina versione operis, quod Carmelitas imprimis offendit, quo, dum lingua eruditis communi istud legeretur, judicarent omnes, jurene an injuria ignorantibus accenseatur is, a cujus ingenio monumenta istiusmodi proficiantur. Caterum in ipsa Hispania Papebrochium coram tribunali sacro fufius defendit P. Antonius Xaramilius, scripta Hispanice *pro veritate Apologia, contra varias imposturas & accusationes publicas adversus personam & libros P. Danielis Papebrochii ipsumque Societatis Jesu institutum*, quam Latine redditam aliquis e Societatis Jesu Theologus, P. Petrus Cant, Antverpiæ A. 1698 auspiciis Papebrochianis fecit imprimi. Certa insuper, quæ nuncupavit, *Preambula* cum Exhibitioni suæ præmisit R. P. Sebastianus a S. Paulo, & Papebrochius in respondendo occupatus his neglectis ad ipsum statim opus perrexerit, hinc istorum *Examen Juridico-Theologicum*, tribus adeo responsionum partibus præponendum, additus nunc Papebrochio Socius, Nicolaus Rayxus, in se suscepit, ipsoque hoc anno Antverpiæ vulgavit. Utrinque tamen nihil fere dicitur, quod cum responsionibus Papebrochii haud coincidat, suoque loco abs eo uberius deductum non sit: quamobrem, si circa scripta hæc diutius hæere vellemus, metuendum esset, ne Benevolo Lectori supervacanea jam

tum

tum dictorum repetitione tedium crearetur. Isti autem, quod ultimo loco nominavimus, Examini *Synopsin Quaestionum curiosarum Historico-Theologicarum* Papebrochius subnexuit, & cuncta, quæ in tribus responsionum suarum partibus late persecutus est, in compendium accuratissime redegit, quod proinde post dedicatorem primæ partis Epistolam inferi non incongrue posse existimat.

LUCII COELII SIVE CAECILII LACTANTII FIRMIANI Opera omnia, quæ exstant. CHRISTOPHORUS CELLARIUS recensuit, & Adnotationibus illustravit.

Lipsiæ, apud Thomam Fritsch, 1698, in 8. Alphab. 2. plag. 4.

Quantum Lactantiæ nomen inde ab ætate ejus in Ecclesia fuerit, luculentis testimoniis antiquorum juxta & recentium scriptorum approbatum est. Plures equidem e Græcis Latinisque Paganorum impietatem stylo oppugnaverunt; nemo autem fortius, si robor argumentorum spectemus: nemo elegantius, si ornatum dictionis: neque etiam, si vim & pondus eloquentiæ, quisquam efficacius id præstitit, quam Firmianus Lactantius. Ex quo illustrissime apparet, quantum etiam sacris studiis humaniorum præparata momentuni & subsidium, si scite adhibeantur, adferant. Cum vero optimus Auctor in nostris oris raro admodum procusus fuerit, ut ex Britannia arcessere necesse esset, quem juventuti ad legendum imitandumque commendaremus: faciliiori ejus usui apparando clarissimus Editor, ut una novos editionum tolleret, ad MSSorum fidem correctum, novisque adnotationibus illustratum, in lucem & usum publicum emisit. Sex ad id usus est MSS. codicibus, quorum tres ipse evolvit, ex Paulina nostra Bibliotheca acceptos: tres ab aliis integre collatos enotatosq; in emendationis consilium adhibuit. Binos enim Cantabrigienfis editio clæ Ioc LXXXV, Academiæ alterum, alterum Emmanuelensis Collegii, ubi dissentiant a vulgatis, cum cura excerptos exhibet: unum, in Serenissimi Ducis Saxonis Gothani Bibliotheca adservatum, vir itidem clarissimus Wilhelmus Ernestus Tenzelius, id rogatus a Cellario, cum Cantabrigienfi editione composuit, & quæ illius propria sunt & singularia, diligentissime adnotavit. Nec minus hac nova editione illorum ratio fuit habita, quæ doctissimi Editores, Janus Parrha-

Parrhasius, Xystus Betuleius, Michael Thomafius, Servatius Gallæus, & Thomas Sparkius, in suis quisque codicibus manuscriptis observant, & quæ summi viri Jo. Friderici Gronovii Monobiblos Observationum in Scriptoribus Ecclesiasticis, Lactantio emendando singulares eruditasque castigationes proposuit. Quorum omnium industria collatione tandem hæc, quam commendamus, adornata & confecta est editio. Additus est singularis liber de Mortibus Persecutorum, a celeberrimo viro Stephano Baluzio in lucem nuper protractus, in quo ex illorum observationibus, qui ad libellum istum commentati sunt, quod a quovis præclare inventum monitumque fuit, carptim quoque noster Editor apposuit: & ne quidquam editione nova desideretur, Carmina quoque tria, a nonnullis Lactantio adscripta, ut de Phœnice, de Paschate, de Passione Domini, adjecit, usus in iis doctissimorum ingenio, Nicolai Heinssii in primo, in altero Christophori Brovveri, in ultimo tandem Andreæ nostri Rivini. Quod vero Lactantius quasi promus omnis eruditæ antiquitatis, veterumque rituum ac ceremoniarum est, quibus vel ipsa vetustas obscuritatem quandam obduxit; non hæc modo adnotationibus illustrata dedit, sed Latinitatis etiam explicandæ, quæ fecunda seges hujus Auctoris est, operam non pœnitendam impendit. De Vita Lactantii quantum haberi potest, in modum Excerptorum cum Præfatione conjunctum est: in fine adjecti tres Indices, primus Auctorum, quibus usus est Lactantius: secundus Rerum notabiliorum: & tertius Verborum ac Formularum, sive Latinitatis, hac quoque percommoda editione in majus & melius, quod laudati Editoris studium est, feciliter provehendæ.

 LIBRI NOVI.

The Anatomy of Humane Bodies, by William Cowper, Surgeon. Oxford and London by Samuel Smidt and Benjamin Walford, 1698, in fol. maj.

Guilielmi Cave Scriptorum Ecclesiasticorum Historia Literaria. Pars altera. Londini apud Rich. Chiswel, 1698. fol.

* * * * *

ACTA ERUDITORUM

Publicata Lipsiæ

Calendis Decembris, Anno M DC XCVIII.

*VOLUMEN RERUM GERMANICARUM NOVUM, SIVE DE
Pace Imperii Publica Libri V. Autore JOHANNE PHILIPPO DATT,
Serenissim. W'urtemberg. Duc. in Super. Consil. Consistor.
& Senatu Eccles. Consiliario.*

Ulmæ, typis Eliæ Kühnen/ 1698, in fol. Alphab. 8. plag. 19.

UTI nulla est Respublica, quæ non juxta diversas temporum periodos variis casibus subiaceat: ita Germania nostra, multiplicem eamque sæpe difficillimam experta est sortem, adeo ut non tantum vinculum civile fuerit enormiter laxatum, imo sublatum, sed & communis socialitas tantum non interciderit; in cujus rei seriem & causas inquirere, nostrum jam non est. Imprimis vero temporibus Henricorum, usque ad sæculi decimi sexti initia, oppido turbulentus fuit Germaniæ status, sæpeque Proceribus Germanicis pacis publicæ ut-cunque reducendæ ac firmandæ imposuit curam. Hanc rem memorabili ac laboriosissimo hoc opere Consultissimus Autor, B. Knipschil-dii, Icti post fata etiam celeberrimi, ex filia Nepos, executus est, ac Actorum publicorum documentis, ex archivis Reipublicæ præcipue Eslinganæ depromtis ita roboravit, ut instituti hujus diffusam per præcipua Juris Publici capita utilitatem vero pretio eos, quibus Actorum publicorum irrefragabile pondus, & quam obsepta hodie sint Archivorum limina, notum sit, esse æstimaturos, ipse merito existi-maverit. Opus hoc historicum quidem est, sed solidioris Jurispru-dentiæ, qua divinæ quæ humanæ, placita passim inspersit, tantaque fa-

Y y

cun-

cundia doctas cogitationes ubique explicavit Nobilissimus Autor, ut eadem opera & in historia Germanica profunde doctum, ac doctrinæ civilis omnique elegantioris literaturæ peritissimum se ostenderit. Sed eamus in rem præsentem. Partitus est Noster totum opus in quinque libros. In *primo*, postquam fœdam illam bellorum privatorum seu faidarum licentiam, feroci Germanorum genti olim solennem, geminamque impietatem, qua duella decidendis litibus ac eruendæ delictorum veritati adhibebantur, recensuerat, ad media pacis explicanda se confert. Cum vero inoliti abusus statim in totum aboleri non possent, de induciis primum & pace temporaria cogitatum fuit, & pia quidem Episcoporum quorundam sollicitudine effectum est, ut saltem statis diebus hostilia, cruentæ cædes & rerum vastatio cessarent, quas inducias *Treugam Domini, Dei Treviam pacemq; Dei* nominabant. Ad harum imitationem etiam *pax publica* constitui cœpit, cui formandæ varix constitutiones factæ sunt, inque earum firmamentum plura fœdera expresso vel tacito Cæsarum consensu inita, quæ tamen sine suo exciderunt, ac intestino bello inter *Principes Civitatesque* causam præbuerunt. Imprimis memorabile est fœdus magnum inter Rhenanas & Suevicas civitates anno 1381 contractum, quod tamen paulo post dissolutum est, constituta in conventu Egrano A. 1389 pace publica. Illius tamen restitutio aliquoties fuit tentata, plura etiam fœdera in diversis Imperii provinciis. Alsatia puta, Franconia, Bavaria aliisque in emolumentum publicæ pacis sunt inita; quæ omnia Noster diversis capitibus persequitur, insertis ex instituto copiose Actorum publicorum formulis. Postea etiam ex *professo* docet, fœdera illa legitima non fuisse, nisi ex consensu Cæsarum; hinc illicitas conspirationes & confœderationes quoque explicat. Cum tamen pax publica istis temporibus solum pacis temporariæ rationem haberet, nec diffidationes ac bella privata cessarent, inde diffidationum forma ac modus Constitutionibus vel fœderum tabulis præscriptus, effectusque latius ab eodem explicatur, nec non quomodo pax publica publicata, Irenarchi seu iudices eo nomine constituti, quodq; præcipuum eorum officium fuerit, aliæque ad jurisdictionis administrationem, executionem, pacisque defensionem pertinentia recensentur. Speciatim deinde exponitur, quomodo pax publica in Comitibus Norimbergensibus A. 1431 sit constituta, qua occasione de expedi-

peditione Hussitica legibusque castrensibus, prima Imperii Matricula, communi denario in usum Hussiticae expeditionis tum indicto, differtur; quam dissertationem excipit ulterior pacis publicae in Comitibus Egranis A. 1437 & Norimbergensibus A. 1438 constitutae ac firmatae, nec non originis Circulorum Imperii, Judiciorumque Austregalium consideratio. Quibus omnibus tandem, quid circa constitutionem & promulgationem pacis publicae in diversis comitiis, praesertim conventu Franckofurdiano A. 1486 actum sit, subjicitur. Omnia autem Actorum publicorum documentis firmari & illustrari, amplius admonendum non est, ac insequentibus quoque semper intelligi debet, cum id institutum doctissimi Autoris generaliter insinuet. In *secundo* libro celeberrimum illud foedus Suevicum, defendendae paci Franckofurdianae A. 1488 initum, ex professo expositurus Noster, per modum praeludii quaedam de diversis societatibus San-Georgianis praemittit, ac in quantum societatis Clypei S. Georgii elogium Suevico foederi conveniat, ostendit, praecavendo errori, ne quis foedus hoc cum laudatis societatibus indistincte coincidere existimet. Postea ad ipsum foedus conversus, de ejus origine, causis suasoriis, deliberationibusque eo nomine institutis satagit, tabulas foederis A. 1488 conclusi producit, illius incrementa, allecitis in id variis, etiam valde potentibus sociis docet, diversas prolongationes, ipsam etiam Pontificis Romani confirmationem adducit, ac ex quibus causis foedus A. 1534 artibus vel Caroli V, vel Francisci Galliarum Regis, fuerit dissolutum, ostendit. His explicatis interiorem foederis illius habitum, & quomodo illud, quo pacis publicae defensionis sufficeret, formatum sit, expendit, hinc de Consilio sive Senatu foederis, speciatim de Ducibus, Consiliariis, Judicibus, Assessoribus & Actuariis disserit; inde ad fori competentiam, actiones ac causas in judicio Suevici foederis ventilatas, formamque processus judicarii, ac appellationes quibus sententiae judicum subiectae fuerunt, digreditur; denique modum expeditionum bellicarum, foederis nomine susceptarum, nec non officia sociorum inter se prolixè ac erudite exponit.

Hactenus Germania paces solum temporariae fugebatur. Sed Maximilianus in comitiis Wormatiensibus A. 1495, aeterna ac semper valitura lege eam sancivit. Horum itaque comitorum Noster in libro *tertio* celebritatem in genere primo indicat, ac repetita ex prio-

ribus temporibus deliberationum comitialium historia, summa propositionis Cæsareæ, in laudatis comitiis discutendæ, de bello nimis Turcico, Geldrico, Italico, de stabilienda pace publica & reformandis judiciis, capita proponit. Inde auxilium pecuniarium, in Italicam expeditionem Cæsari indultum, fœderaque contra Gallos perculsa persequitur: postea vero historiam *comitiis denari*, in subsidium præcipue pacis publicæ solvendi, prolixè textit, adjectis iis, quæ ad expeditiones Maximiliani Italicæ pertinent, insertoque per utilissimam jucundamq; digressionem libello temporibus Caroli IV scripto, Cæsaremque in Italiam ad componenda Italorum dissidia invitante, necnon designatione civitatum ac castrorum Italicorum, quæ ea tempestate ad Imperium Germanicæ-Romanum pertinebant. Explicato ita primo pacis publicæ fulcro, deinceps ad alterum, scilicet *Regimentum Imperii* progreditur. De eo constituendo jam in laudatis comitiis Wormatiensibus A. 1495 deliberatum esse, secus ac vulgo sentiant, dum ejus prima cunabula ad initia sæculi XVI demum referant, idem censet, ac ordinationis Regimenti formulam novam & extensorem in his comitiis conceptam adducit, quidque vel ulteriori deliberationi reservatum, vel Regimento demandatum sit, per aliquot capita exponit, atque ita de Concordatis Nationis Germanicæ, restauratione politiæ, judiciorum ecclesiasticorum excessu aliisque disserit. In libro *quarto* tertium pacis publicæ fulcrum, nempe *Camærale Judicium*, in comitiis Wormatiensibus constitutum, expendit Consultissimus Autor, contexta prolixiori ejus historia, in qua inter alia censet, judicium Camærale olim etiam judicium Cæsaris Aulicum appellatum fuisse, sed post conventum Wormatiensem, hoc sub nomine Consilii Aulici, des *Kayserlichen Reichs Hoff Rath*, ab illo fuisse distinctum. Postea de judiciis Westphalicis, ut præcipuo pacis publicæ turbamento, disserit, & licet Boeclerus existimaverit, ex archivis vix alia de his judiciis haberi posse, quam quæ de eorum abusu testentur, Noster tamen plura consignavit, quæ legitimum eorum usum ostendant. Hinc de fori competentia, de causis ad hæc judicia devolutis, de literis citationum, mandatis procuratoriis, sententiis interlocutoriis, definitivis, personis in judicio adstantibus, absolutionum, quæ formulis, aliisque documentis, rem judicariam illustrantibus, varia memorabilia asseruntur, quibus reformatio judicii vetiti Westphalicæ,

phaliæ, nec non declaratio variorum articulorum, ad iudicium illud pertinentium, a Scabinis anno 1404 ad interrogationem Ruperti Imperatoris facta, ex MSSis membranaceis additur.

In libro *quinto* texti Noster historiam constitutionis pacis publicæ, in qua tum occasionem ejus, tum diversas Cæsaris Statuumque deliberationes eo nomine in comitiis A. 1495 habitas, per censet, cui historiam confirmationis laudatæ pacis subjungit, & quomodo in ejus tutelam diversa fœdera inita, quæque ei contrariabantur, sublata fuerint, ulterius commemorat. Cum autem in fine constitutionis pacis publicæ Nobilitatis Equestris fiat quoque mentio, atque hinc illi, qui hujus partes tuentur, colligant, Nobilitatem immediatam olim comitiis interfuisse, ac Status Imperii fuisse, Consultissimus Autor, noster dubium hoc erudita conjectura removet, ostendendo, non omnem, sed Suevicam solum ad Hegoræ tractum & Danubium, sub S. Georgii Clypeo, jam inde ab initiis sæculi XV confœderatam Nobilitatem ad comitia, in Suevia præsertim habita, fuisse convocatam, occasione solum fœderis Suevici, in quod laudata Nobilitas concesserat, & in quo classi Prælatorum Comitumque adscriberetur: quamvis, quomodo cum Nobilitate, hac occasione ad comitia vocata, actum sit, haut expeditum esse idem fateatur. Atque ex ista hypothefi speciatim Autori, qui ita pro Nobilitate immediata calamum strinxerat, ut eam non solum olim comitiis interfuisse, sed & hodie a collegio Comitum in iisdem repræsentari, atque eo sensu adhuc Statum Imperii esse contenderet, respondet, docetque quod collapsò fœdere Suevico omnis Comitum Suevicorum & Equestris Ordinis conjunctio conciderit, ut hunc ab illis repræsentari, nulla idonea ratione ostendi queat. Cum porro idem Autor Civitatibus Imperialibus inquiri esset, earumque jus Status ab anno 1582 solum repeteret, hinc comelendæ huic sententiæ, historiam controversiæ, de voto Civitatum Imperialium decisivo, a suis inde initiis usque ad pacem Westphalicam deducit, ac tandem operi coronidem impositurus, integra Acta comitialia conventus Wormatiensis A. 1495, nec non Recessum comitorum Lindaviensium A. 1597, Wormatiensium A. 1597, Friburgensium A. 1598 habitorum, formulamque postulationis Cæsareæ ad comitia Friburgensia directæ exhibet.

Atque hæc est summaria delineatio nobilissimi operis, ex qua

titulum juris communis ad leges Germanicas pertinere, quoties in Recessibus de jure agatur, ad cujus regulam sententiæ pronunciandæ; quoties vero de jure, ad quod processus ratio adornanda sit, sermo instituitur, tum illo elogio etiam jus Romanum, Canonicum, imo Interpretum sæpe communes opiniones indigitari. Interim dicendum forte videtur, quod in ista disquisitione, cæteroquin eruditissima, cardo negotii non vertatur. Nam licet in Comitibus Wormatiensibus de jure Romano nihil statutum sit, de ejus tamen receptione, hodie imprimis, ambigi non potest. Porro licet detur, quod indistincte jus Romanum, nomine juris communis, in Recessibus Imperii veniat, quando tamen probari non potest, quod ejus receptione jura Germanica sint sublata, (uti hoc nunquam probabitur) id nihil amplius erit, quam *commune subsidium*, seu jus quo deficientibus legibus domesticis, per universam Germaniam in subsidium uti liceat. De cætero doctissimo Autori nostro vitam integramque valetudinem, nec non otium apprecamur, quo Opera, quæ vel ipse meditatur, vel ex schedis Knipschildianis parat, (*vid. præfat. ad lectur. l. 2. c. 1. n. 3. l. 3. c. 15. n. 40.*) in usum Reipublicæ, suo tempore lucem adspiciant.

ACTUS PROMULGATIONIS PRIVILEGIORUM UNIVERSITATIS ALTORFINA NOR. indulgentissime confirmatorum & amplificatorum, festo solenni Petro-Paulino 3. Kal. Julii cId Idc XCVIII celebratus.

Accessit Renunciatio Doctorum Theologie-Prima, cum Programmatum & Altionum Gratiarum auctorio.

Altorfii, apud Henricum Meyerum, 1698, in 4to. Alph. i. plag. 5.

Quod Julius Cæsar Scaliger in metricis suis urbium elogiis de Nurenberga canit prædicatque:

Quis putet horrifico sociatas Marte Camœnas?

Sacra tamen duplex tempora laurus obit,

Martis habe & Phœbi felicia tempora laude:

Sanctæque sit valido fœdere juncta fides.

Omnibus ex istis ne tu ne demseris unum,

Addere quin potius omnia magna tuum est:

id Inclytus ejusdem Senatus, præter alia documenta vetustiora, egre-

egregie præstitit ante biennium; dum, durante adhuc tristi bellorum tempestate, Camœnas suas Altorfinas benigno respexit vultu, & quod celebri illi Academiæ deerat unum, addere elaboravit; ut nimirum privilegia superiore & hoc ipso seculo ab Imperatoribus Rudolpho II & Ferdinando II clementissime ipsi concessa, confirmarentur, & sicut hætenus in ea Doctores ac Licentiati Juris & Medicinæ, Philosophiæ item Magistri Baccalaurei ac Poëtæ, creati sunt, ita & S. Theologiæ Doctores & Licentiati pariter ibidem renunciari possent. Impetrata igitur facile hac etiam potestate ab Augustissimo LEOPOLDO, Cæsare ac Domino nostro omnium Clementissimo (fabula enim est e trivio petita, eaque passim in hoc libro refutata, quasi olim ob imprudentem quandam interrogationem, Ordini Theologico Doctores creandi facultas denegata fuerit) decrevit Illustris Senatus, ut anno superiore 1697 die festo Petro-Paulino, solennis privilegiorum Cæsareorum amplificatorum promulgatio Altorfii singulari cum splendore institueretur; & quo celebritas hæc seris etiam posteris innotesceret, demandavit celeberrimo Oratoriæ Professori Omeisio, ut quo ordine & apparatu Panegyris illa adornata & peracta fuisset, referret in litteras, habitosque tum ab aliis tum ab ipso sermones & orationes colligeret, ac rem omnem litterato cum orbe communicaret. Paruit ille prompto lubentique animo, & actus hujus solennis (ad instar fere Publicationis Privilegiorum Doctoralium, in eadem Altorfina anno seculi hujus 23 celebratæ, & sequente A. 24 divulgatæ) descriptionem eleganter concinnavit; cujus summa tantum capita nunc recensebimus. In Præfatione ad Lectorem causa scripti indicatur; nimirum ut publico hoc monumento prædicetur immortale Cæsaris Augustissimi beneficium, quo insigniter Academiam Noricam ornavit, & quod parcius dederant Antecessores Gloriosissimi, plene cumulateque nunc adstruxit. Præfationem excipit ipse Actus Promulgationis Privilegiorum Cæsareorum Academiæ amplificatorum, & sermo fit de Festis Natalitiis Principum aliorumque hominum, urbium etiam, templorum & scholarum illustrium: ac duo mox inseruntur Programmata, unum nomine totius Inclyti Senatus Norimbergensis, alterum nominis Magnifici Rectoris & Senatus Amplissimi Universitatis, quibus publice denunciatur solennitas ista & celebritas Natalis Academiæ tertii. Primus enim fuit dies S. Jacobo sacer A. 1580, quo publicaban-

tur

tur privilegia Rudolphi II, quibus nobili tunc Scholæ facultatem Philosophiæ Baccalaureos & Magistros renunciandi concessit; alter, dies festus Petro-Paulinus A. 1623, quo Ferdinandi II Imperatoris magmenta privilegiorum, quibus Juridicæ ac Medicæ Facultati creandi Doctores & Licentiatos, ac Philosophico Ordini Poetas coronandi potestatem indulsit, solennissime promulgabantur. Invitantur quoque programmatibus istis ad instantem panegyrim urbis & territorii Norimb. cives, incolæ, accolæ & vicini; nobilisque Studiosorum Ordo monetur, ut dignum se præstet tantis beneficiis, Academicæque Patronos & Hospites debita veneratione morumque civilitate excipiat. Sequitur hinc succincta ipsius celebritatis descriptio, ac enarratur, quæ diei præcedentis vespere contigerint, & quam magnitæ Generosi Universitatis Curatores, aliique Hospites venerandi, urbem Altorfinam hujusque arcem ingressi fuerint; qua dein pompa, ipso festo Petro-Paulino, mane Corpus Academicum ex collegio in arcem, atque inde, una cum Patronis Universitatis & Hospitibus, in templum processerit; qui ibidem concentus musici, quæ preces, orationes sacræ & civiles, quæ post ipsius diplomatis Cæsarei solennem prælectionem ceremoniæ, congratulationes & gratiarum actiones, maxima spectantium & auditorum frequentia, institutæ ac peractæ fuerint; amplius, quo ordine processionis series e templo in collegium Velferianum se contulerit; & quam lautum convivium finem illius mox in arce oppidana exceperit. Delineantur etiam, numismata duo majora argentea, solennitatis hujus memoriæ dicata ac distributa, unumque minus post paulo Norimbergæ cufum. Subjiciuntur dein speciatim concio sacra a Venerabili Antistite D. Sontagio habita; ac propositio sive oratio Viri Excellentissimi Hieronymi Scheurelii a Dessersdorff, Jcti & Illustris Reip. Norimb. Consilarii primarii; cui adnectitur ipsum diploma Cæsareum, hujusque tenoris perspicua ad populum explicatio. Succedit novorum privilegiorum & insignium, nomine Inclyti Senatus Norimb. ab eodem Generoso Scheurelio facta traditio, horumque a Magnifico Academicæ Pro-Cancellario, Dn. Christophoro Pelleri Jcto, acceptatio; atque hujus insuper Magnifico Universitatis Rectori eorundem insignium, nomine Amplissimorum Academicæ Curatorum, exhibitio & commendatio. Sequuntur Rectoris, Joh. Fabricii, S. Theol. D. & Prof.

celebratissimi, qua illa acceptavit, oratio Magni Danielis Omeisii, Moral. & Orat. Prof. famigeratissimi sollemnis gratiarum actio; & carmina duo Germanica ingeniis autorum suorum dignissima. Exhibetur porro plenissime in altera libri hujus parte Actus Promotionis Doctoralis in Facult. Theol. primus, postridie celebratus; & adjiciuntur programmata, Juridicum, Medicum, Philosophicum & poeticum: nam præter tres in Facultate Theologica, etiam novem in Juridica & sex in Medica Doctores sunt creati, tres etiam Philosophiæ Magistri, & ex iis unus Poeta Laureatus, renunciati; quorum, ut & Brabeutarum, nomina cernere licet in programmatibus. Sequitur oratio die tertia in novi Rectoris & Decanorum electione habita a laudato D. Joh. Fabricio, fasces Academicos tertium deponente, & Universitati Altorfinæ, quod ad Juliam seu Helmstadiensem vocatus esset, valedicente: nec non sermo panegyricus Cl. Omeisii, quo aliquot post menses Augustissimo privilegiorum Academicorum Amplificatori Universitatis nomine devotissimas egit gratias, ac simul ob victoriam a Turcis in Pannonia ad Tibiscum mense Septembri ejusdem anni gloriose reportatam, pacemque Germaniæ mense Octobri divinitus redonatam, est congratulatus. Denique & post carmen eucharistico-gratulatorium Joach. Negelini, Philos. M. & P. L. C. a typographo subnectitur diploma Cæsareum, vi cujus laudatæ Universitatis Pro-Cancellarii Comitiva S. Palatii Lateranensis, singularibus cum prærogativis, sunt mactati.

M. FABII QUINCTILIANI DE INSTITUTIONE ORATORIA libri duodecim, ejusdemque Declamationes: innumeris locis emendavit & recensuit ULRICUS OBRECHTUS.

Argentorati, sumptibus Jo. Reinholdi Dulssekeri, 1698. in 4.
Constant alph. 10. plag. 14.

M. Fabius Quintilianus, Romanæ, ut Martialis ait, *roga gloria*, artis, quam per viginti annos Romæ summa cum laude docuit, præcepta & institutiones reliquit, quæ plerisque omnibus in hoc genere scriptis palmam facile præripiunt. Oratorem enim inde usque a pueritia formandum suscipiens, quæcunque ad illum instituendum pertinerent, undiquaque in hoc opus conduxit, & ex Philosophiæ præ-

præsertim civilis fontibus aridiora dicendi præcepta irrigavit; ut qui sentiret, *virum vere civilem & publicarum privatarumque rerum administrationi accommodatum, qui regere consilium urbes, fundare legibus, emendare judiciis posset, non alium esse quam Oratorem*. Neque ergo nudam dicendi artem, id est, præceptionum quoddam inane corpus exhibuit, quibus ea sola traderet, quæ Rhetoricæ ditionis vulgo censentur: sed & illa ubertim est persecutus, quæ virum bonum (qualem Cicero oratorem definit) rebusque gerendis idoneum instruerent: eumque dictionis cultum rebus adhibendum esse censuit, qui facundiam alere viresque eloquentiæ augere posset. Quibus de causis doctissimus & prudentissimus quisque has Institutiones in magno pretio habet, quibus non dicendi studia modo insigniter adjuvari, sed & præclaræ virtutis ac prudentiæ documenta passim inculcari animadvertimus; ut hic vere locum inveniat quod ait Cicero: *Operam qui dat eloquentiæ, dat prudentiæ*. Tantum vero scriptorem quem etiam post Hackianam editionem anno 1665 a Jo. Fr. Gronovio, viro de bonis literis & priscis scriptoribus eximie merito, ac recentissimam Oxoniensem a viro clarissimo Edmundo Gibsono curatam, multis gravibusque vulneribus scelerate deprehenderet Ulricus Obrechtus, vir non minoris eruditionis quam dignationis, non indignum censuit, in quo sanando & emendando aliquid temporis subsécivi poneret. Adjecit ergo magnis in rem litterariam meritis non exiguum cumulum, dum summo Rhetori summus ipse Orator salutarem operam tulit, eumque quot centenis locis emendatum nitore pristino restituit. Eandem medicinam fecit *Declamationibus*, quæ nomen Quinctiliani præferunt, & cum Institutionibus oratoriis, seu de Institutione oratoria libris, conjungi ab Editoribus consueverunt. Hæc ergo, quæque alia Quinctiliano tribui solent opera, veluti *Dialegetum de causis corruptæ eloquentiæ*, & quam Oxonienses e MSto primum e-ruerunt, Declamationem, *Tribuni Mariani* titulo insignitam, in duo volumina distribuit, & non solum ab innumeris mendis purgata, sed & eleganti cultu habituque ornata, excellentissimus Obrechtus publici juris fecit. Neque indices desiderari est passus, cum auctorum, quorum in Quinctiliani libris fit mentio, tum rerum verborumque memorabilem: ei vero, qui Institutionibus subjectus, ex apparatus rhetorico Bæcleriano inserta sunt plura Græcorum Latinorumque scriptorum loca, quibus ars oratoria illustratur. His accessit breviarium

totius operis, quod non modo librorum sed & capitum argumenta satis plene & distincte per singula membra persequitur. Præterea extat in fronte utriusque voluminis elenchus locorum bene multorum, quæ partim ope manuscriptorum codicum, præcipue Argentinensis, tum etiam Colbertini & Victorini, partim ex ingenio felicissime emendata testantur, celeberrimum Editorem, gravioribus quamvis Reip. curis a Rege maximo dudum adhibitum, pro acerrimo iudicio tamen & capitali, quo pollet, ingenio, sic in hac palæstra versatum, ut vel summis Criticis, qui hoc unum tota vita egerunt, palmam reddat ambiguum. Liceat vero unam atque alteram emendationem ex illo agmine decerpere, ut, quid in hac editione sit præstitum, eo facilius intelligi possit. Sic quum Oxoniensis Institutionum Orat. editio Lib. I. cap. 2. habeat *studia multo plus secreti temporis desiderant*; Obrechtiana vocem *temporis* multo elegantius omittit. Quod in illa nullo sensu cap. 4. ejusdem libri p. 23. legitur: *Atqui litera I sibi infidit*; emendatius in hac p. 25. rescribitur: *A quidem literam I sibi misceat*. Elegans non minus quam certa est emendatio Libri III. cap. 7. p. 181. ubi *Thersita atque Iro* restituitur, pro eo, quod in Oxoniensi erat *Thersita at vero*. Lib. IV. cap. 2. p. 232. strepitu excitari iudex ad *custodiendum patronum* multo verius legitur, quam quomodo Oxoniensis: *strepitu ipsum iudicem, deinde patronum excitari*; ut totum locum expendenti patebit. Lib. V. cap. 7. p. 266. *utilitatem* testibus humilibus apte objici traditur, non *utilitatem*, ut Oxoniensis legit. Lib. VI. cap. 3. p. 363. venustas redditur dicto Cælii literulæ mutatione & ope interpunctionis: *Hic subsecutus, quomodo transierit, utrum rate, an piscatorio navigio, nemo sciebat*. Antea sic subsecutus legebatur, eaque verba a dicto Cælii detracta, cum præcedentibus Auctoris verbis male cohærebant. Lib. IIX. cap. 5. p. 484. vox, qua caret Oxoniensis, omnino adjicienda erat huic de Germanis sententiæ: *caput nescio ubi in nube possum*. Lib. IX. cap. 1. p. 504. pro *Zoilo*. qui inter Rhetores ignoratur, *Cecilius* merito reponitur. Ejusdem libri cap. 3. p. 536. *rebus agentibus* tanquam formula, quæ vulgo auctore evaluit, olim a Pollione damnata, observatur: at Oxoniensis p. 455. hic ita est depravata, ut nihil ex ea sani exsculpas. Ejusdem libri cap. 4. p. 583. monstrosa & nihili vox *Hyperoargu* feliciter mutatur in hæc verba: *Ego impero Argis*. Lib. X. cap. 7. p. 636. *Ars semel percepta, mora laboratur*

blur, verissime emendatur, quum falsum sit quod Oxoniensis p. 539. habet, *non labitur*. Lib. XI. cap. 3. p. 681. *Nam more avium cuique sunt jucunda, quæ cantat ipse*: in Oxoniensi p. 576. sic legitur: *Nam nec cuiquam sunt injucunda, quæ cantat ipse*. Libr. XII. cap. 10. p. 752. ubi in Oxoniensi p. 634. *priores Catonem Gracchosque*, melius hic legi, *priores Catone Gracchisque* consequentia aperte demonstrant. Has paucas & multis emendationes speciminis loco selegimus: non, quod his reliquæ concedant, sed ut his non dissimiles intelligantur. E Declamationibus, quæ nec paucioribus locis nec minus feliciter restitutæ sunt, nihil afferimus, ne justo simus prolixiores. Index locorum emendatorum, & cum Hackiana editione collatorum, etiam iis præmissus satis demonstrat, quid in altera corruptum sit, quid in altera correctum. Præter has vero emendationes, in contextum orationis receptas, plures in promptu se habere celeberrimus Auctor significat, peculiari propædæicæ volumine repræsentandas, quo & fontes emendationum recludet, & præcipuos eruditorum virorum commentarios complectetur. Quod ut primo quoque die lucem aspiciat, omnium, qui eloquentiam amant, commune erit votum: utpote quo opere perfecto eruditus orbis de digne ornata, omnibusque numeris absoluta, præstantissimi Rhetoris editione poterit gaudere.

HEPTATEUCHUS, LIBER JOB, ET EVANGELIUM NICODEMI Anglo-Saxonice. *Historia Judith Fragmentum Dano-Saxonice.* Edidit nunc primum ex MSS. Codd: EDWARDUS THWAITES.

Oxonii e Theatro Sheldon. typis Junianis, 1698, 4. Alph. r. plag. 4.

Quanto applausu excepti fuerint Fr. Junii & Th. Mareschalli labores, quos restaurandis literis Anglo-Saxonicis, maxime vero editis (post Londinensem, A. 1571 studio Matth. Parkeri Archi-Episcopi Cantuariensis, atque Jo. Foxi notissimi illius Martyrologi Anglicani, primo publicatam editionem,) Novi Testamenti libris, ab Ælfrico monacho ante septingentos annos, in usum suorum popularium Anglo-Saxonice redditus, impenderant, tot Virorum eruditissimorum elogio satis testari possunt. Conferatur Vita Junii præfixa libro ejus de *Pictura Veterum*; de Mareschallo autem videndus Colomehus in

Obf. Sacris p. 3. 20. & 81. Idem vero Ælfricus Veteris quoque Testamenti versionem adornaverat, uti cuius legenti Tractatus de V. & N. T. ab eodem Anglo-Saxonice conscriptos innotescet; quæ tamen hæcenus, præter Psalmorum librum, quem Jo. Spelmannus A. 1640 in lucem emisit, intra privatos parietes delituit. Hujus versionis partem, nempe Pentateuchum, libros Josuæ & Judicum, ac librum Job, nunc primum in publicum protraxit clarissimus horum monumentorum Editor, quod interesse Ecclesiæ, una cum Viro celeberrimo Georgio Hickesio, cui istud opus suum dedicavit (quem literaturæ Anglo-Saxonice instauratorem nuncupat, & cujus industria proximæ Conci i a Anglo-Saxonica excusis multo auctiora in lucem proditura esse, spem facit,) existimaret, ut inter reliquas Scripturæ S. versiones, quæ omnium ferme gentium omnium linguarum prodire, majorum suorum vernacula ista conspiceret lucem. Adjecit vero & alia ejusdem idiomatis monumenta, nempe Evangelium Nicodemi ex Latino (quo sermone tantum publice innotuit Lipsiensis editione A. 1516, ex qua Germanica Smalcaldiensis A. 1687 profluxit; Græca enim authentica exemplaria in Biblioth. Reg. Paris. & Monachienfi servantur) Anglo-Saxonicum factum, & Fragmentum Historiæ Judith Dano Saxonice, scriptum quo tempore Dani in Angliā regnarunt. Sub calcem notæ quædam tum in præfationem Ælfrici, tum in ipsos sacros libros reperiuntur, in quibus passim diversitas codicis Laudiani, ad cujus fidem hæc expressa sunt, a reliquis codicibus, Cantabrigienfi & Cottoniano notatur; nec non variantes lectiones ab Exodi fragmento, quod olim Guil. Nicolsonus Edmundo Gibsono dono dederat, cujus characteres antiquitatem quatuor seculorum præ se ferunt, afferuntur: ut de variantibus lectionibus Evangelii Nicodemi, collectis ex margine apographi Juniani, quod ex codice MSto Bibliothecæ publicæ Cantabrigienfis descriptum, & cum alio codice Bibliothecæ Cottonianæ a magno illo linguæ Anglo-Saxonice oraculo Fr. Junio F. F. collatum fuerat, nihil amplius adjiciamus.

APPARATUS AD BIBLIOTHECAM MAXIMAM VETERUM

*Patrum & antiquorum Scriptorum Ecclesiasticorum Lugduni editam;
opera Dom. NICOLAI LE NOYRRT, Presbyteri & Monachi Or-
dinis S. Benedicti e Congreg. S. Mauri. Tomus II de Scri-
ptoribus Secundi Ecclesiæ Seculi.*

Pari-

Parisiis, apud Joannem Anisson, 1697, in 8. Alphab. 2. pag. 51.

Quo prolixius olim & de editis variorum cura Patrum, quæ vocari solent, Bibliothecis, & de ratione instituti, quod in suo ad maximam istarum Apparatu tenere celeberrimo Nourrio placuerit, præfati sumus, cum primum hujus Tomum in Supplementorum nostrorum Parte altera p. 527 recenseremus: eo nobis in exordiando nunc licet esse brevioribus, ubi ad Tomum ejusdem secundum ut progrediamur, ordo postulat.

Sicut autem circa Ecclesiasticos secundi a nato Christo seculi Scriptores in hoc ille occupatur: ita res, quæ ad præcipuos eorum attinent, potissimas sex Dissertationibus est persecutus, quarum *prima* generalis est, & ante omnia in illorum ingenium, studia, occupationes, datasque ad scribendum occasiones doctè inquirat. Videlicet in custodiendis defendendisque ac ornandis sacris literis præcipuum ipso studio posuisse, Ethnicæ tamen simul cum theologiæ, tum moralis & philosophicæ doctrinæ cognitionem indefesso studio sibi comparasse innuit; prout & primarium eorum laborem operamque difficiliorem in eo consumtam observat, quod scriptis adversus Paganos & Judæos apologiis, veritatem religionis Christianæ invictè demonstraverint: ubi quænam utrinque ars & quænam arma ab iis fuerint adhibita, declarat. Nec minorem certe ipsorum de hæreticis triumphum laudat, victoriamque eo gloriosiore, quo & major hæreticorum numerus, & gravius in ipsâ Ecclesia intestinum ac civile ab iis bellum accensum fuerit. Inde vero ad ipsas hæreses paulo distinctius contemplandas pergit, & a *Millenariorum* sententia exorsus satis se mirari non posse testatur, cur plerique Scriptores de iis ita disputent, quasi una eademque fuerit omnium opinio; cum tamen certum sit, plures e Patribus longe diversâ Cerinthi erroribus de millenario Christi & Sanctorum in terris regno statuisse. Quamobrem Cerinthi primum, Marcionis, Nepotis & Apollinarii; tum vero Papiæ, Irenæi, Justinii Martyris, Tertulliani & Lactantii sententias proponit, & posteaquam singulos placita sua suismet verbis explicantes introduxit, mox quid alii etiam Scriptores de omnium universim Millenariorum opinionibus prodiderint, sedulo investigat, nullum autem severioris censuræ notam hæresi illi inuisse, quam Hieronymum, ostendit. Primum de cætero

erro-

pag. 2.

4.

6.

12.

15.

16. - 22.

23. - 40.

41.

- erroris istius autorem non Papiam facit, sed Cerinthum isto antiquiorem, licet Papiam a Cerintho sua mutatum haud fuisse facile concedat, cum Cerinthus, utpote cupiditatibus & voluptatibus corporeis additissimus, multa huic opinioni addiderit honestati pudorique minus consentanea, & Papias e contra summa commendatus pietate nihil de isto mille annorum regno, nisi sanctum atque honestissimum, docuerit & cogitaverit. Quinimo longe ante utriusque tempora plures a Judæis decantatas fuisse de millenaria post resurrectionem ætate fabulas superaddit, & memoratis variis Millenariorum impugnatoribus disserere de iis plura desinit. Progressus hinc ad hæreses, quæ tunc propullulaverunt, alias, circa *Valentinianos* imprimis diu detinetur, æonesq; Valentini triginta in schemate peculiari delineat ac uberius illustrat, iis admodum se opponens ex Scriptoribus recentioribus, qui cuncta de æonibus dogmata nihil nisi omnino sanum & orthodoxum ac Christianæ fidei plane conveniens in se habuisse, audacter satis affirmant. *Marcionem* duo tantum principia, non tria, aut plura, ceu velint alii, constituisse asserit. *Montanistas* utique ab Irenæo etiam refutatos dicit, licet hic eorum nomen retineat, idque fortassis ideo, quia nec magnus eorum apud Gallos fuerit numerus, nec magno Lectorum suorum emolumento futuram nominis hujus declarationem apertam crediderit. Post hæreses ad *Scholas* pergit, & non modo celebratam primo jamtum Tomo Alexandrinam illam, sed alias quoque alibi hac ætate erectas laudat, inque iis Propheticam & Apostolicam doctrinam, Tyrannis nequicquam prohibentibus, passim traditam fuisse probat. Episcopos iis, in aliquibus saltem locis, præfuisse censet, provinciam tamen hanc non minus & aliis demandatam existimat, eosque Doctoris communiter nomen gessisse observat. In istis autem Christianorum seculi secundi scholis publice, ut deinceps, rudimenta Philosophica & alias humanarum scientiarum artes atque disciplinas tradi consuevisse, neutiquam concedit.

Secunda Dissertatio consecrata est *Justini, Philosophi ac Martyris*, operibus, quæ vel hodiernum extant, vel inter deperdita connumerari merentur. Circa illa cujusvis primum analysin suppeditat, deinceps, num pro genuino Justini fortè habendus quisque sit, disceptat, tandemque, quanam integri ac incorrupti, qui contra mutilati aut depravati ad nos pervenerint, conjectat. Hæc vero memoratis,

tis, qui ad ea provocent, Auctoribus plerumque saltem indicat. Nec de manuscriptis operum Iustini codicibus agere omittit; prout & variarum eorundem editionum non minus ac additarum a non paucis notarum observationumque indicium subnectit. Partem tamen hujus dissertationis præcipuam fere conficiunt observationes, quibus Auctor ipse loca Iustini plurima aut exponere, aut emendare, aut illustrare, aut vindicare studet, unde nonnulla in benevoli Lectoris gratiam huc apponemus. Mosè a Iustino scriptorum omnium antiquissimum jure optimo vocari ostendit, validumque ejus, quod a Græcarum literarum inventionem Mosè multum posteriore petierit, argumentum pronunciat. Poetas & Philosophos in Ægyptum sese contulisse, & ex incolis per Israelitarum commercium in aliquam verè religionis cognitionem olim deductis discere potuisse, quid Judæi de uno Deo aliisque ad fidem pertinentibus sentiant, verò absurdum haud censet, Lactantiumque, qui hac in re adversa fronte cum Iustino aliisque e Patrum numero concurrere videatur, ab hallucinatione liberare nititur. Iustinum tamen, libros Mosi & Prophetarum, atque Jeremiæ præ cæteris vaticinia, a Platone lecta fuisse affirmantem memoria lapsum esse, & ad certas chronologiæ leges haud attendisse largitur, cum Scriptura, quam ante Olympiadem 124 in Græcum sermonem minime translata constat, ab antiquis Philosophis Hebraice nescientibus nullo plane modo legi potuerit; nisi forsitan Iustinum de Scriptura ab aliis Platoni explicata loqui dixeris. Loca, in quibus Judæos textum versionis LXXvialis adulterasse & corrupisse perhibeat Iustinus, sigillatim enumerat. Per *pompas & hymnos*, in sacrarum Synaxeon locis a Christianis celebrari solitos, quidnam Iustinus intellexerit, anquiri, & *πομπή* primo & proprio significato Latine sonare missionem, impulsus & instinctum; hymnorum autem vocabulo psalmos Davidicos designari respondet, indeque Christianos in Synaxibus suis magna cordis emissionem seu effusione, vel ardore magno psalmos Davidicos decantasse colligit. Errorem de Angelis malis mulierum amore captis, & cum iis concumbentibus, condonari Iustino cupit, cum per tria secula priora tot tantosque is adipulatores habuerit. Graviorem interim errorem vocat illum, quando demones sempiterno igne nondum cruciari docuerit, imo Satanæ ante Christi adventum non liquido cognitam fuisse damnationem suam statu-

- statuerit. Istum tamen censura itidem mitiori notandum arbitratur, quod hæc opinio nullo damnata Concilio, & a Patribus nec paucis nec
 314. indoctis asserta olim fuerit & propugnata. Animarum humanarum immortalitatem, æternosque impiorum post mortem cruciatus Iustinum negasse inficiatur, eundemque Gentiles Philosophos sola ratione
 321. duce salutem æternam posse consequi nusquam dixisse, ac ne somniasse quidem, sibi persuadet. Hebraicæ autem linguæ imperitum falsas
 343. nominum plurimorum interpretationes dedisse eum, minime dissimulat, idque allatis in medium vocabulorum *Satanas* & *Israel* expositionibus ab ipso confictis probatum dat.

- Dissertatio *tertia*, eademque multum antecedenti brevior, ad *Athenagoram*, Philosophum Christianum, nos deducit, in cujus operibus excutiendis methodo non alia, quam circa Iustinum Martyrem, uti clarissimo Autori placuit. Alium esse Athenagoram ab Athenogene
 441. demonstrat, & illum presbyterali dignitate auctum fuisse præter rationem a nonnullis affirmari iudicat, in clericorum tamen inferiorum atque imprimis catechistarum collegium cooptatum non dubitat, quandoquidem publicam apud Christianos de mortuorum resurrectione concionem in librum postea peculiarem redactam habere, nisi ecclesiastico prius ordine initiatus, haud potuerit. Quemadmodum autem
 428. *Legationis pro Christianis*, & libri, quem modo nominavimus, de
 437. *Resurrectione* autorem eum dicere nullus ambigit: sic lucubrationem
 439. *de vero & perfecto amore* ipsius nomen falso præ se ferre, Huetio adstipulatus, concedit. In suis ad opera *Athenagoræ genuina* observationibus, inter alia doctrinam ejus de SS. Trinitate deque summa Christi divinitate rectam atque orthodoxam appellat, ac prolixè vindicat;
 451. sed non item illam de gigantibus ex angelorum coitu prognatis, deque
 460. istorum animabus pro dæmonibus, qui circa mundum oberrent, hominesque ad errorem, & maxima, præsertim idololatriæ ac libidinis peccata pelliciant, habendis statuminat. Nuptias autem secundas quod
 462. *decorum quoddam adulterium* vocaverit, emollire modis omnibus an nititur.

- De *Theophili, Patriarchæ Antiocheni*, operibus *quarta* agit
 Dissertatio, in qua post *libros tres ad Autolyicum* Scriptori huic assertos, alia, quæ ad eodem attinent, commemorat, ac demum in observationibus dogmata quædam Theophili examinat, Petavio ante omnia se
 493. oppo-

opponens, qui, quod de Trinitate parum ille recte senserit, ac unam tantum Trinitatis personam agnoverit, fundamento licet idoneo destitutus, affirmavit. Cur Noah eunuchus ex quorundam mente apud Theophilum nominetur, conjectando se assequi non posse ait, ac potius ad amanuensis lapsum, qui in Græcum textum irrepperit, confugiendum arbitrat. Libros quosdam Theophili intercidisse ex ipsiusmet verbis probat; quinam autem illi aut quales fuerint, divinare difficillimum existimat. In chronologia Regum Alexandrinorum non satis accuratum, sed in Catalogo Regum Ægyptiorum ex Manethone, & Tyriorum ex Menandro Ephesio, vel forte etiam Josepho, adornato magis eum felicem fuisse autumat. Ulrumque ergo horum apponit, addita Chronologia generali, quam idem hinc ab orbe condito ad suam usque ætatem non sine studio magnoque labore perfecit. *Commentaria sive allegorias in quatuor Evangelia* Theophilo frustra adscribi contendit, cum ad scriptorem potius Latinum Hieronymo posteriore referri debeant.

Quinta conjungit *Tatianum Assyrium & Melitonem Sardanensem Episcopum*, ac de prioris quidem *Oratione ad Græcos* prolixè commentatur Auctor, eamque more suo variis observationibus illustrat, quibus ejus de Mosis & Scripturæ antiquitate ac hujus perspicuitate, de Christi item divinitate doctrinam tuetur. Dæmones autem naturæ cujusdam corporeæ & materialis ab eo minus recte statui, & animam hominis tanquam corpoream ac mortalem admodum incongrue sisti, nequaquam diffitetur. Sicut autem in oratione ista Tatianus plurimos auctores allegavit, ita suas circa eosdem annotationes uberiores Noster superaddit. Illam commentationem, quæ sub nomine *Diateffaron* hodie circumferatur, Tatiano minime tribuendam, & longe aliam lucubrationem ex quatuor Evangeliiis ab eo collectam & διὰ τῶν τεσσάρων inscriptam fuisse reputat, cujus apud Eusebium & Theodoretum mentio injiciatur. De Melitone deinceps plura in medium haud affert, quam quod insulsum utique & spurium esse librum *de transitu Mariæ Virginis*, eidem a nonnullis adjudicatum, demonstrat.

Diutius autem in Dissertatione *sexta* commoratur circa *Irenæi* libros quinque adversus Valentini similiumque hæreses, quos ab auctore suo Græca lingua primum conceptos nullus dubitat, sed Latinam tamen versionem vel ab ipsomet, vel a quodam ejus amico cura-

637. tam arbitrat. Structa interim singulorum analysi, & variis, quæ ad historiam eorum spectant, recensitis, ad observationes suas pergit, inque his præter orthodoxas sententias passim confirmatas, nævos apud Irenæum, uti satis constat, hæud infrequentes modo taxat, modo excusat, modo aliis tantum apparere tales pronunciat. E pluribus paucissima hinc exempla dabimus. Christum intra annum ætatis quadragesimum & quinquagesimum munere in his terris Prophetico fuisse functum, Irenæo haud credit. Animam hominis velut mortalem ab ipso describi, negat. Ne concedere opus habeat, quod Henochum ad angelos pravos missum fuisse Irenæus docuerit, verba ejus hæc: *cum esset homo*, (Henochus) *Dei legatione ad angelos fungebatur*; nihil aliud notare contendit, nisi istas prædicationes, quibus aut voce aut scripto futurum hominum impiorum in idololatriam, ad quam perverfis dæmonum & pravorum angelorum artibus impellendi essent, prolapsus Henochus certo prænunciaverit. Matthæum Hebraice scripsisse suum Evangelium, Ecclesiamque Romanam a Petro & Paulo fundatam esse, recte omnino in scriptis Irenæi perhiberi, extra controversiam ponere totus allaborat.

Excipit hæc Dissertationes peculiaris aliqua appendix, *Gregorii* cujusdam opusculum Græco-Latinum *de anima adversus Tatianum* sũtens. Ineditum istud hætenus refert doctissimus Nourrius, & in manuscripto codice Bibliothecæ Regiæ, a Bessarione monacho Veneto A. 1539 exarato, post Tatiani Legationem repertum, atque a Francisco Faverolles suis precibus in *Latinam linguam* novissime conversum. Et istam quidem ob rationem opusculum hoc typis excudi se curasse monet, quoniam hinc assatim dispalescat, quod, dum negatam fuisse a Tatiano animæ & spiritualitatem & immortalitatem superius tradiderit, ullam isti injuriam fecisse haud arguendus sit. Utrum vero eadem hæc scriptio perfecta omnino & incorrupta reputari debeat, in dubium fortassis haud immerito vocari posse fatetur. Ex septem namque capitibus, quæ Autor in præmio enucleanda tractandaque proposuerit, secundum prætermissum videri. Occurri equidem difficultati huic posse tradit, si in describendis titulis errasse librarium, & secundum illud caput in primo luculenter explicari asserueris. Ast utrum hæc responsio satis omnibus factura sit, dijudicandum aliis relinquit.

ΜΑΝΕΘΝΟΣ ΑΠΟΤΕΛΕΣΜΑΤΙΚΩΝ ΒΙΒΛΙΑ ΕΞ.

h. c.

MANETHONIS APOTELESMATICORUM LIBRI SEX, NUNC*primum ex Bibliotheca Medicea cruti, cura JAC. GRONOVII, qui etiam Latine vertit ac notas adiecit.*Lugduni Batav. apud Fred. Haaring, 1698, in 4^o

Constat 1 Alph. 17 plag.

Quoniam in his terris quædam cælestium ductu moveri animadversum est, maria puta, herbas, & hujusmodi alia; omnes res humanas, tanquam stellis atque sideribus connexas atque revinctas, duci ab istis regique sibi persuaserunt mortales; omnes etiam suas actiones quasi habenis quibusdam de cælo gubernari existimarunt. Cûmpri-
mis ex astorum positura & ordine, & vi qua influunt adspicientibus lucem infantibus, vitæ atque mortis rationem dispo-
ni, nec alias esse Parcas quæ nascentibus fata dispensent, indeque mortales vitam, cupiditates, læta & tristia fortiri, creditum est: certique huic studio de-
diti philosophi, Chaldæi & Babylonii sive Ægyptii, in artem redege-
runt hanc scientiam, futilem licet ac præstigiatoriam. Ubi enim mo-
mentum, quo mater infantem peperit, resciverunt, in tabula cæli ima-
ginem finxerunt, & sideribus certas constituerunt domos, ea in illis collocantes, quæ, cum lucem primum infans conspiceret, obtinuerunt.
Jupiter, Sol & Venus optimi planetarum sunt habitati: deterrimus au-
tem cum Marte Saturnus: Mercurius & Luna varii, ex sorte loco-
rum quos insidunt. Cujus illorum regnum fuerit, cûm nasceretur in-
fans, quo gradu; quo adpectu illum ceteri temperarint, vel viderint,
inquisiverunt, indeque quicquid eventurum sit per integram vitam,
collegerunt. Nata hinc disciplina Genethliacorum, cui prorumpen-
tes tanquam ex abdito formulæ, audientibus ignotæ, venerationem
conciliarunt. Adversus eam gravis extat dissertatio Favorini philo-
sophi apud Gellium lib. XIV. Noct. Attic. cap. 13; vanitatem divinati-
onis hujus etiam ostendit, & ea se aliquando captum fuisse dolet Au-
gustinus Lib. VII. Confess. cap. VI. Tradidit hanc artem ex Petosir-
idis & Necepsi (præstantissimorum Ægyptiorum philosophorum,

Aaaa 3

quos

quos Plinius citavit Lib. II. cap. 23. & Lib. VII. cap. 49.) placitis, in sex *Ἀποτελεσματικῶν* libris, ad Ptolemæum regem scriptis, ipse Ægyptius Manethon: quibus lucem, in qua posthac versentur, primus conciliavit omnis eruditæ antiquitatis antistes & promus condus Jac. Gronovius. Nam cum alta nocte & nomen Manethonis, & scriptum isthoc ejus premerentur, ac sepulta ferme essent hæctenus, nemine notitiam auctoris hujus habente, ætate etiam ipsius parum cognita; unicus autem codex restaret in Florentina bibliotheca, qui minuto & difficili caractere scriptos hos sex Apotelesmaticorum libros contineret; beneficio illustis & ad promovendas bonas literas compositi viri Ant. Magliabechi (cujus clarissimo nomini eosdem dicavit) copiam describendorum eorum nactus Cl. Editor effecit, ut in plurium & notitiam & usum isti pervenirent. Absolutum autem calamo, & d. 20. Aug. A. 1674 finitum, (ut in epistola nuncupatoria idem indicat) cum hoc demum anno prælo submitteret Ægyptium hunc Poetam, versibus venustis Chaldaicam hanc scientiam (quo nomine venit ea Firmico lib. IIX. cap. 25. & Sexto Empirico Lib. 1. contra Gramm.) tradentem Gronovius, id operam dedit, ut emendate & accurate Græcus textus excuderetur: quod linguam istam illustrari ex carminibus his, ejusque latifundia mirabiliter ampliari posse, dum opificia vel in Ægypto vel alibi usitata recensentur, & ad venustatem maximam gratiamque describuntur, existimat. Ad ea Notas p. 265 & seqq. adjecit, in quibus loca obscuriora illustravit, dubia felici conjectura restituit, minus sana ingeniosa emendatione aliorumque collatione emaculavit, voces rariores nec alibi obvias explicavit, obscurumque & cum tenebris luctantem Ægyptium hunc, protractum ex iis clara in luce collocavit & perspicuum reddidit. Ut vero eundem rectius cognoscerent, & non modo siderum cursus conjunctionesque, verum etiam sententiam istius ævi hominum de efficacia astrorum in sortes humanas, cunctaque *ἀποτεσματὰ* intelligerent, qui Græca non satis capiunt, eorum imbecillitati Latina interpretatione subvenit. Ad quam tamen conficiendam invitum se adduci passum esse affirmat, quod ex ipsis Græcis auctorum scriptis, neutiquam horum interpretationibus, eruditio vera & cognitio cujusvis rei petenda sit. Quam in rem præclara sunt ejus verba: *Non est hoc genus doctrina, quod legi mereatur nisi sermone suo, aut ullum opera fructum asferre velit spondearve a-*

lis, quam qui ipsum legunt; Græca qui legerit, ille enim vero percipiet ubertatem satis fertilem ac pinguem. Quare ad ipsas apotelesmatum expositiones potius, quæ canente Auctore subinit. continent

Ἀτρωὺν ὑπερίωντε φάσεις ἀπλανῶντε πλανῶντε,

Ὅσσα βροτοῖς τελέουσιν ἐπιβλέψαντες ἐν ἀρχαῖς

Σπερρομένοις καὶ τικτομένοις δαίλοισι βροτοῖσι,

Μειρῶν ἀβήκηταισι μίτοις θισμῶσι τ' ἀνάγκῃς

Lectores aulegamus, quam prolixiori de iisdem sermone studia eorum moramur.

JOHANNIS CONRADI BARCHUSEN PYROSOPHIA.

Lugduni Batavorum, impenfis Corn. Boutestein, 1698, 4. plag. 61.

Divisum est hoc opus in tres partes, quarum prima in *Iatrochemia*, altera in *Merallurgia*, tertia in *Alchemia* explicanda versatur. Ac primum quidem illa exponuntur, quæ ad naturam Chemiæ intelligendam requiruntur, pauloque deinde accuratius de *principiis Chemicis* agitur, quorum Autor quatuor statuit, duo nempe activa, *sal & oleum*, unum neutrum, *aquam* scilicet, quoniam hæc in corporibus quibusdam solvendis revera agit, passive autem se habet, cum cæterorum partes in se recipit, & tandem unum passivum, *terram*. Hinc *operationes Chemicæ*, v. g. amalgamatio, circulatio, cohobatio &c. percensentur, referunturque sigillatim *Chemiæ producta*, v. g. acetum, alcohol, clyssus &c. & quid sint, exponitur. Porro autem ipsa *remedia*, sive ex regno minerali, sive vegetabili, sive animali deprecenda, afferuntur in medium, ita ut primum ipsa tradatur remedii præparatio, deinde vires, usus & dosis, & tandem subnectatur processus ætiologia. Quibus omnibus passim quædam notatu non indigna adsparguntur. Ita v. g. sal alcali, quod in vegetabilibus ignis tantum productum est, præexistere in quibusdam mineralibus, *p. 14. 16* hinc probare vult Auctor, quia si v. g. metalla aut ossa in f. q. spiritus nitri dissolvantur, solutio inspissata instar nitri ignem concipit. *Pag. 110.* Circulatum majus & minus Paracelsi describit, neutrum cum Alcahest convenire asserens. *Pag. 118.* menstruum non dari universale contendit. *Pag. 130.* nihil dubitat, aurum in tenuissimas particulas redactum subigi posse a fermento ventriculi. *Pag. 157.* historiam mercurii ex plumbore nati, quæ in D. Helvetii laboratorio contigit, refert.

refert. *Pag. 194* miratur Chemicos scribentes, Mercurium sublimatum arsenico depravatum dignosci posse, si ei olei tartari gutta una atque altera instilletur, atque illum esse bonæ indolis, si rubescat, pessimæ, si nigrescat; cum tamen omnis Mercurius corrosivus, etiam optimus, ab adperso illo oleo, primo flavam, post rubram, & si diutius aeri exponatur, quadantenus nigram contrahat maculam. *Pag. 197* cinnabarim officinarum, licet raro interne adhibeatur, putat iisdem cum antimonii cinnabari viribus esse præditam, & tuto posse assumi. *Pag. 214* probat, diaphoretica antimonialia non esse calces inutiles, sed sudorifera non contemnenda. *Pag. 217* ostendit, regulo antimonii martiali purissimam ferri substantiam admixtam esse, & in regulo stellato, non modo in superficie & foris, verum etiam intus stellam, conspicuam esse, si serra dissecetur. *Pag. 256* suspicatur, tincturas smaragdi & sapphiri particulis æneis a mortario, dum contunduntur, abrafis plerumque originem suam debere. *Pag. 265* notat Glaferum, & Feburium, qui sal succini cum acido effervesce tradiderunt. *Pag. 269* talco exiguam olei partem adesse hinc concludit, quia nitro aspersum cum eodem accenditur. *Pag. 290*, item 358 contra illos, qui acidum omnium morborum originem esse putant, disserit. *Pag. 298* methodum Tachenii præparandi tartarum vitriolatum, præfert vulgari. *Pag. 361* parum tribuit medicamentis lithonripticis, putatque illos calculi accretionem promovere, qui crebro utuntur terreis, salinis & oleosis remediis. *Pag. 330* monet, iis, qui morbo chronico a visciditate humorum orto laborant, vel nunquam, vel rarissime minimaque in dosi, opiata esse propinanda. *Pag. 339* communicat præparationem balsami apoplectici affinis balsamo Zellenfi.

Atque hæc prima pars maximam totius voluminis partem occupat. Breviori spatio concluditur *Metallurgia*, in qua primum exhibentur ejus instrumenta, deinde vero traditur, quomodo venæ metallica non solum visu dignoscendæ, sed quoque examinandæ & excoquendæ sint. Accedit ratio separandi diversâ metalla, excoquendi mineralia nonnulla, & metalla incrustandi. Quæ in parte tertia seu *Alchemia* habentur, huc redeunt: quamvis quæ pro transmutatione metallorum petuntur argumenta, ex mutatione ferri in cuprum, aut mercurii coagulatione nullius, sint momenti, eandem tamen tot fulam testimoniis temere negari non debere, sed pro possibili habendam.

dam. Quoniam enim duo requiruntur ad transmutationem, ut scilicet viliora metallatungantur, & malleo obedientia reddantur; tinctorum non possibilem esse, vel ex confectioe auri musivi Auctor probari posse putat, cumque pauca admodum grana reguli antimo- ii metallafriabilia reddat, vero admodum simile esse censet, dari quoque in rerum natura corpus aliquod aut arte effici posse, cujus exigua quantitas ductilitatem metallis conciliet. Accedunt in fine elenchi aliquot laborum chemicorum, ab anno scilicet 1695 in laboratorio Academico Ultrajectino huc usque exantlatorum.

INDEX AUCTORUM

quorum Libri aut Inventa hoc volumine recensentur.

1. Theologica & ad Historiam Ecclesiasticam spectantia.

A Nonymi <i>Vespera Groningana, sive Amica de rebus sacris Colloquia.</i>	345
- - <i>Apologia pro Amore &c. cum Animadversionibus in Principia Dn. Archi-Episcopi Cameracensis.</i>	476
Antonii (Pauli) <i>Concilii Tridentini adeoque & Pontificiorum Doctrina publica exhibit.</i>	178
Archelai <i>Disputatio cum Manete Haresiarcha.</i>	394
D. Augustini (Aurelii) <i>Libri duo de adulterinis conjugis ad Pollentium cum notis Jo. Schilteri.</i>	339
Brussoni (Clausii) <i>Animadversiones in Versionem Novi Testamenti Gallicam Dionysii Amelotii.</i>	147
Calixti (Georgii) <i>de Tolerantia Reformationum circa quaestiones inter ipsos & Augustinam Confessionem professos controversas Consultatio.</i>	244
S. Ephraemi Syri <i>Orationes Asceticae duae hactenus ineditae.</i>	396
-Bbbb	Eutha-

- Euthalii *Aëtium Apostolorum, & quatuordecim S. Pauli, aliarumque septem Catholicarum Epistolarum editio.* 400
- Frickii (Joannis) *Vetus Testamentum Græcum ex versione LXX interpretum.* 74. 77.
- Graverolli (Joannu) *de Articulis fundamentalibus Religionis Christianæ* 115
- Gregorii Nysseni *Opera nonnulla hætenus inedita.* 396
- Heideggeri (Joannis Henrici) *Historia vitæ & obitus Jo. Ludov. Fabricii.* 171
- Jägeri (Joh. Wolsfg.) *Jus Dei Fæderale delineatum.* 412
- Kortholti (Christiani) *Paganus Obreclator, sive de Calumniis Gentilium in veteres Christianos.* 420
- Lactantii (Lucii Cælii) *Opera omnia cum annotationibus Christophori Cellarii.* 535
- Locke (Joannu) *Reperita libri de Rationalitate Religionis Christianæ Vindicie.* 341
- Lydii (Jacobi) *Syntagma sacrum de Re Militari.* 249
- S. P. Macarii *Homilia, curante Jo. Georgio Pritio.* 486
- Maji (Joannu Henrici) *Synopsis Theologia Judaica veteris & novæ.* 239
- Meieri (Gebhardi Theodori) *Historia Religionum.* 242
- Le Nourry (Nicolai) *Apparatus ad Bibliothecam Maximam veterum Patrum. Tomus II.* 550
- Papadopoli (Nicolai Comneni) *Prænotiones Mystagoga.* 1
- Papebrochii (Danieli) *Responsio ad Exhibitionem errorum per P. Sebastianum a S. Paulo evulgatam.* 81
- Responsionis Pars II.* 129
- - - *Pars III.* 529
- Picteti (Benedicti) *de Conserfu ac Dissensu inter Reformatos & Augustinæ Confessionis Fratres Dissertatio.* 144
- Du Pin (Ludovici Ellices) *Nova Bibliotheca Auctorum Ecclesiasticorum.* 160. 232
- Tomus VIII.* 511
- Tomus IX.* 455
- Rittangellii (Stephani) *Libra veritatis & de Paschate Tractatus.* 268
- De Salignac Fenelon (Francisci) *Archi-Episcopi Ducis Cameracensis Præcepta Sanctorum de Vita interiori.* 281
- - - *Instructio Pastoralis.* 281

A Schel-

INDEX AUCTORUM.

563

- A* Schellstrate (*Emanuelus*) *Antiquitatis Ecclesie illustrata Tomus II.* 321
Sculteti (*Danielis Severini*) *Iterata Ecclesie Reformata Invitatio ad pi-*
um in doctrina fidei consensum. 141
Stillingfleet (*Eduardi*) *Episcopi Vigornienfis Vindicia pro doctrina de*
S. Trinitate. 496
Testamentum Vetus Græcum ex versione LXX interpretum. 74
Thomassii (*Josephi Mariae*) *Psalterium cum Cantico nova literali expla-*
natione dilucidatum &c. 62
Thwaites (*Eduardi*) *Hepstæuchus, Liber Job, & Evangelium Nico-*
demi, Anglo-Saxonice. 549
Van der Wayen *Dissertatio de Δο'γμ' adversus Jo. Clericum.* 455
Wideburgii (*Henrici*) *Systema Theologia Positiva.* 509
Zacagnii (*Laurentii Alexandri*) *Collectanea Monumentorum veterum*
Ecclesie Græca & Latina. 393

II. Juridica.

- Datt* (*Jo. Philippi*) *Volumen rerum Germanicarum novum, sive de Pace*
Imperii publica libri V. 537
Engelbrechti (*Georgii*) *Compendium Jurisprudentia secundum ordinem*
Digestorum concinnatum. 102
Harprechti (*Ferd. Christoph.*) *Consultationum Tubingensium Volumen*
III. & IV. 518
Itteri (*Jo. Christiani*) *de Honoribus sive Gradibus Academicis liber.* 403
Kestneri (*Henr. Ern.*) *Prudentia Juris Naturalis.* 484
Krausoldi (*Friderici*) *Tractatus Juridico-Politicus de miraculis & egre-*
giis usibus S. Raspi, i. e. Ergasteriorum publicorum. 475
Menckenii (*Luderi*) *Tractatio Synoptica Institutionum Juris Justinia-*
nearum. 181
Papadopoli (*Nicolai Comneni*) *Prænotiones Mystagoga ex Jure Ca-*
nonico. 1
Schilteri (*Joannis*) *Nota ad D. Augustini libros II de Adulterinis Con-*
jugiis ad Consensum. 359
Spelmanni (*Henrici*) *Opera posthuma ad Leges & Antiquitates Anglie*
pertinentia. 441
Strykii (*Samuelis*) *Tractatus de Actionibus Forensibus investigandis, ut*
& de Actionum præscriptione. 180

Bbbb 2

Wacht.

Wachtleri (*Christfrid*) *Epistola ad Perillusrem & Exc. Dn. C. D. Bosium de Pace Rysvicensi.* 168

III. Physica ac Medica.

- Baglivi (*Georgii*) *de Praxi Medica ad priscam observandi rationem revocanda Libri II.* 33
- Barckhufen (*Jo. Conradi*) *Pyrosophia.* 559
- Bergeri (*Jo. Gotsfredi*) *Epistola de Arteria Aorta divisione in ramos Carotides & Subclavios.* 295
- Bidloo (*Godefridi*) *Vindicia quarundam delincationum Anatomicarum.* 32
- S. Clair (*Roberti*) *Habessiniana Philosophia consutata, seu Telluris Theoria nec sacra, nec cum ratione conveniens.* 219
- Cockburn (*Wilhelmi*) *De natura & curatione morborum, quinavigantes solent corripere.* 523
- Colbatch (*Johannis*) *Tractatus de Podagra.* 525
- - - - - *Doctrina de Acidorum in curandis morbi usuulterius asserta.* 526
- Commelini (*Joannis*) *Rariorum Plantarum Horti Medici Amstelodamensis Descriptio & Icones.* 128
- Connor (*Bernhardi*) *Evangelium Medici, seu Medicina Mystica de suspensis Natura legibus.* 355
- Contoli (*Jo. Baptistæ*) *Instructio Medica de Glutine in corporibus humanis, ejusque effectibus Calculo & Arthritide.* 137
- Floyer (*Johannis*) *Inquisitio in usum & abusum balnearum Angliæ.* 524
- Guglielmini (*Dominici*) *de Natura Fluminum Tractatus Physico-Mathematicus.* 297
- Hoffmanni (*Friderici*) *Annotationes & Additamenta ad Opera Poterii.* 339
- Leibnitii (*Gotsfredi Guilielmi*) *De Ipsa Natura, sive de vi insecta actionibusque creaturarum, pro Dynamicis suis confirmandis illustrandisque.* 427
- Marsilii (*Ludovici Ferdinandi*) *Comitis Dissertatio Epistolica de Phosphoro minerali seu Lapide Bononiensi illuminabili.* 148
- Pechey (*Johannu*) *Facilis Introductio in Artem Medicam.* 528
- Pierce (*Roberti*) *Observationes Thermales, seu Curationes morborum Thermarum usuperfectæ.* 361

Pote-

INDEX AUCTORUM.

565

Poterii (Petri) Opera omnia <i>Practica</i> & Chymica.	389
Ramazzini (Bernardini) Liber de Fontibus Mutinensibus, cum Praefatione & Notis Roberti S. Clair.	220
Riedlini Viti Linearum Medicarum Annus II. & III.	192
Ruyfchii (Frederici) Responso ad Godefridi Bidloi Libellum, cui nomen Indicium inscripsit.	136
Schelhammeri (Guntberi Christophori) Natura sibi & Medicis vindicata.	63
Tyson (Eduardi) Anatome Marsupialis Americani.	426
Valentini (Michaëlis Bernardi) Medicina Nov-antiqua.	520
Vicussens (Raymundi) Epistola de Sanguine humano, nec non de Bili usu.	459

IV. Mathematica.

Bernoullii (Jacobi) Demonstratio Synthetica Problematis de infinitis Cycloidibus absque adminiculo infinite parvorum &c.	223
- - - - Solutio sex Problematum Fraternalium.	226
- - - - Solutio Problematis Fraternalis de Curva infinitas Logarithmicas ad angulos rectos secante.	230
Bernoullii (Joannis) Solutio Problematum a Fratre Jacobo Bernoullio propositorum.	52
- - - - Investigatio Algebraica arcuum parabolicorum assignationem inter se rationem habentium &c.	261
- - - - Theorema universale refectioni Linearum curvarum inserviens. Nova Parabolarum proprietates, Cubicalis primariae arcuum mensura &c.	462
- - - - Annotata in solutiones Fraternalis Problematum quorundam suorum.	466
Gregorii (Davidi) Capenaria.	305
Guglielmini (Dominici) de Natura Fluminum Tractatus Physico-Mathematicus.	297
Honoldi (Jacobi) Observatio Mercurii in Sole.	90
Hospitalii Marchionis Solutio Problematis a D. Jac. Bernoullio propositi.	48
Hugenii (Christiani) Κοσμοθεωρες sive de Terris Caelestibus earumque ornam. conjectura.	448

Bbbb 3

Mane-

Manethonis <i>Apotelesmaticorum Libri VI, cum Notis Jacobi Gronovii.</i>	557
Ozanami <i>Gursum Mathematica.</i>	246
De Tschirnhaus (Ehrenfried Waltheri) <i>De Methodo Arcus Curva Parabola inter se comparandi.</i>	259
Wurzelbaur (Joh. Philippi) <i>Observatio Mercurii sub Sole.</i>	86
- - - - <i>Situs Geographicus Civitatis Noriberge.</i>	138

V. Historica.

Agathemeris <i>Geographia Compendiaria.</i>	59. 61
Alberici Monachi <i>trium Fontium Chronicon.</i>	353
Alting (Menfoni) <i>Descriptio, secundum Antiquos, Agri Batavi & Fri-si, una cum conterminis.</i>	20
Angelini (Jo. Andrea) <i>Bontempii Perusini Historia originis Saxonum.</i>	421
Anonymi <i>Chronicon Cænobii Montis Francorum Goslarie.</i>	122
- - - <i>Chronographus Saxo.</i>	150
- - - <i>Gesta Trevirorum.</i>	150
- - - <i>Chronicon vetus Holsatie.</i>	151
- - - <i>Chronicon Belgicum.</i>	188
Benthem (Henr. Ludolphi) <i>Status Ecclesiarum & Scholarum Belgicæ.</i>	27
Blanchini (Francisci) <i>Historia universalis antiquis monumentis confir-mata, Veterumque Symbolis illustrata.</i>	91
Cellarii (Christophori) <i>Inauguratio Academiae Fridericianæ.</i>	369
Clerici (Johannis) <i>Compendium Historiæ Universalis.</i>	301
Le Comte (Ludovici) <i>Commentarii novi de præsentis statu Chinæ.</i>	375
Crenii (Thomæ) <i>Animadversionum Philologicarum & Historicarum.</i>	240
- <i>Pars III.</i>	196
De la Croix <i>Geographia Universalis.</i>	153
Danielis (Gabrielis) <i>Historia Franciæ.</i>	557
Datt (Jo. Philippi) <i>Volumen rerum Germanicarum novum, sive de Pace Imperii Publica Libri V.</i>	105
Dherbelotii (Bartholomæi) <i>Bibliotheca Orientalis Notitiam Orientalium populorum complexa.</i>	56
Dionysii Orbis <i>Descriptio cum Veterum Scholiis & Eustathii Commen-tariis.</i>	150
Durani (Jo. Viti) <i>Chronicon.</i>	Gerac.

INDEX AUCTORUM.

Gerardi Noviomagi <i>Vita Philippi Burgundi.</i>	567
Gronovii (Jacobi) <i>Geographica antiqua.</i>	189
Heideggeri (Jo. Henrici) <i>Historia vita & obitus Jo. Ludovici Fabricii.</i>	59
	172
Hennepin (Ludovici) <i>Detectio nova vastissima regionis in America.</i>	68
Hermanni Goudani <i>Historia Belli a. 1507 inter Hollandos Geldrosque gest.</i>	191
Houffizi (Aneloti) <i>Nota Historica & Politica in Cardinalis Ossati Epistolas.</i>	489
De Konigshofen (Jacobi) <i>Chronicon Germanicum Universale & Africanum.</i>	362
Leibnitii (Godofr. Guil.) <i>Accessiones Historica.</i>	149. 353
De Lemmege (Joannu) <i>Chronicon Groningantum.</i>	188
Matthæi (Antonii) <i>Veteris Aevi Analecta.</i>	186
Molleri (Job.) <i>Homonymoscopia Historico-Philologico-Critica.</i>	120
Olivarii Marcani <i>Rationarium aula & imperii Caroli Audacis Ducis Burgundiae.</i>	190
Omcisii (Magni Danielis) <i>Actus promulgationis privilegiorum Universitatis Altorfinae ampliatorum.</i>	543
Ossati (Arnoldi) <i>Cardinalis Epistola.</i>	489
Phædri <i>Fabula Æsopiz, cum Commentariis Marquardi Gudii & aliorum, edente Petro Burmanno.</i>	343
Ponti (Antonii) <i>Hariadenus Barbarossa.</i>	186
De Rabutin (Rogerii) <i>Comitis de Buffi Commentarii Historici.</i>	23
Rechenbergii (Adami) <i>Dissertationes Historico-Politica.</i>	195
Schilteri (Johannis) <i>Observationes Historica in Chronicon Jacobi de Konigshofen.</i>	362
Schmidii (Gregorii Andrea) <i>Sculptura historiarum & temporum memorat.</i>	2
Schonhovii (Antonii) <i>Commentatio de origine & sedibus Francorum.</i>	187
Scylacis <i>Periplus Maris Mediterranei.</i>	59
Spelmanni (Henrici) <i>Opera posthuma.</i>	441
Twaites (Eduardi) <i>Dionysii Orbis Descriptio.</i>	56
Wæchtleri (Christofrid) <i>Epistola ad Perillustrem & Exc. Dn. C. D. Bossum de Pace Kysvicensi.</i>	168
	Philo.

VI. Philologica & Philosophica Miscellanea.

De Aguirre (Josephi Saenz) <i>Cardinalis Disputationes Ethica de Virtutibus & Vitiis.</i>	119
Ancillonii (Davidis) <i>Miscellanea critica.</i>	287
Bartoli (Petri Sancti) <i>Sepulcra antiqua seu Mausolea Romana & Etrusca.</i>	201
Blanchini (Francisci) <i>De Lapide Antiati Epistola.</i>	183
Bonanni (Philippi) <i>Numismata Summorum Pontificum Templi Vaticani fabricam indicantia.</i>	204
Cellarii (Christophori) <i>Adnotationes in Epistolas Ciceronis ad Diversos.</i>	372
- - - - - <i>Adnotationes in Opera Lactantii.</i>	535
Ciampini (Joannis) <i>Explicatio duorum Sarcophagorum sacrum Baptismatis ritum indicantium.</i>	46
- - - - - <i>Abbreviatoris de Curia compendiarie Notitia.</i>	67
- - - - - <i>De Vice-Cancellario Romana Ecclesia.</i>	67
Ciceronis (M. Tullii) <i>Epistola ad Familiares.</i>	372
Clerici (Joannis) <i>Ars Critica.</i>	11
- - - - - <i>Opera Philosophica.</i>	486
Crameri (Job. Jacobi) <i>Exercitationes Philologicae de Ara exteriore Templi secundi.</i>	95
Crenii (Thoma) <i>Anima d'versonum Philologicarum & Historicarum.</i>	240
- - - - - <i>Pars III.</i>	240
Daumii (Christiani) <i>Epistola ad Jo. Fridericum Hekelium.</i>	373
Dherbeloti (Bartholomaei) <i>Bibliotheca Orientalis.</i>	105
Erici (Jo. Petri) <i>Genesis Humana Lingua.</i>	29
Evelin (Johannis) <i>Dissertatio de Numismatibus antiquis aequae ac modernis &c.</i>	331
Grævii (Jo. Georgii) <i>Thesaurus Antiquitatum Romanarum.</i>	302
- - - - - <i>Glossarium Isidori emendatum & notis illustratum.</i>	351
Gronovii (Jacobi) <i>Nota in Manethonis Apotelesmaticorum libros.</i>	557
Isidori <i>Glossarium cum notis Jo. Georgii Grævii.</i>	351
	Itte-

INDEX AUCTORUM.

569

Itteri (Jo. Cristiani) de Honoribus sive Gradibus Academicis Liber.

403.

Kestneri (Henr. Ern.) Prudentia Juris Naturalis.

485.

Krausoldi (FridERICI) Tractatus Juridico - Politicus de usibus Ergasteriorum publicorum.

479.

Lloyd (Guil.) Olympionicarum cum annis mundi &c. collatio.

119.

Lucchesini (Jo. Laurentii) Scrutinium Stultitiae Machiavelli.

352.

Lycophronis Chalcidensis Alexandra seu Cassandra.

103.

Lydi (Jacobi) Syntagma de Re Militari.

249.

Martinii (Matthia) Lexicon Philologicum, praecipue Etymologicum & Sacrum.

350.

A Melien (Jacobi) Sylloge Nummorum ex argento uncialium, vulgo Thalerorum seu Imperialium.

422.

De Mendoza (Casparis) Examen Divinitatis, quam in Carmelo Vespasianus consuluit.

533.

Molleri (Johannis) Homonymoscopia, sive Schediasma de Scriptioribus homonymis.

120.

Morkosii (Danielis Georgii) Orationes & Programmata

329.

Muratorii (Ludov. Antonii) Anecdota.

57.

S. Paulini, Episcopi Nolani Poemata quatuor haecenus anecdota.

57.

Pindari Olympia, Nemaea, Pythia, Isthmia.

118.

Potteri (Joannis) Lycophronis Alexandra.

103.

Ptolemai (Jo. Baptista) Philosophia Mentis & Sensuum secundum utramque Aristotelis methodum.

367.

Quintiliani (M. Fabii) de Institutione Oratoria Libri XII, ejusdemque Declamationes, ex recensione Ulrici Obrechtii.

546.

Rechenbergii Dissertationes Historico-Politicae.

195.

Scrivenii (Petri) Epistolae ad Jo. Isacium Pontanum.

192.

Sudorii (Nicolai) Versio Latina Pindaricorum carmine Lyrico.

119.

Thesauri (Emanuelis) Idea arguta & ingeniosa dictionis.

255.

INDEX

RERUM NOTABILIORUM

in hoc Volumine obviarum.

A Bæzardi (Petri) dogmata, quæ tuius explicata 514. sq.
bæresinsapere videbantur, mi. Abbreviatoris de Curia munus in
Cccc

Aula

- Aula Romana.* 67. *vires ad implendam se-*
deris conditionem. 216.
 Abnegatio sui quid Mystici? 271. *Ademari inedita hactenus Epistola.* 238.
 Abrahami Genealogia. 112.
 Abulfe la integer in Bibliotheca O- *Ob Adulterium facto divertio num*
 rientali Dherbeloti exhibitum. 107. *parti laesa ad secundas nuptias li-*
ceat transire? 340.
 Academiae Fridericianae seu Hallen- *Egidius num a Francis in Childeri-*
 sis inauguratio. 369. *ci locum Rex fuerit constituens?* 156.
Altorfina privilegiorum
amplificatorum publi-
catio. 543. *Elfridi Monachi in transferendis in*
linguam Anglo-Saxonicam S.
Biblus studium. 549. sqq.
 Academici honores seu gradus. 403. sqq. *Aëris fluiditas & elasticitas explicata.* 199.
 Accusatio sui ipsius apud Sines. 1. 385. *Ætas Ordinandorum apud Græcos.* 3.
 Acida omnia num sanguinem tenu- *Ætheris particula quomodo ab a-*
 iorem reddant? 527. sqq. *queis differant?* 199.
 Acidorum in curandis morbis usus. 526. sqq. *Ætna furens cur aquam simul cum*
igne nonnunquam crucllet? 223.
 Acidularum potus per biennium non *Agendi vis infra creaturis vindica-*
 sine fructu continuatus. 193. *ta.* 430. sqq.
 Acidus humani sanguinis spiritus *Agilulfi Longobardorum Regis ejus-*
 ex ejusdem sale fixo destillatus. 460. *que conjugis Theodelinde Lapti-*
smus 47.
 Actiones Forenses. ut investiganda *De Aimoino historie Francicae con-*
 & caute eligenda? 180. *ditore memorabilia.* 166.
& immanentes & trans-
euntes Substantiis vin-
dicata. 433.
 Activitas, quam ab anima abesse *Alamannorum lex tempore Lotba-*
 cupiunt Mystici, quid? 273. 274. *rii Imperatoris lata.* 366.
 285. *Alcali morborum, speciatim peda-*
gra, causa. 525.
 Alcoranus, Mahomedis miraculum *113.*
 Adams, velut capitis totius generis *Alexander (Natalis) correctus.* 236.
 humani, factus cum Deo ante la- *Alexandrae Lycophronis editiones*
 psam. 214. sqq. *varia*

- Marsupialis Americana* fructu pota. 194.
 407. sq. particularum figura. 299.
 Ancilloniana paroramata. 288. in Planetis qua conditio? 450.
 B. Angela, Diva fabulosa. 86.
 In Angia quando Communes ad Aquilinius (Cesar) auctor libri de
 Parliamenta admissi? 444. tribus Historicis Concilii Tridenti-
 Angli coronarum, qualibus hodie tini, quis? 290.
 Europa Reges utuntur, auctores. 332.
 De Ara exteriore Templi secundi
 Anglici regiminis forma sub Saxo- Hærof. Exercitationes. 95. sq.
 num imperio. 444. Arbor scientia boni & mali num Sa-
 360. cramenti rationem habuerit? 216. 218.
 Anima quid proprie sit? 436. Arboris vita qua ratio? 216. 218.
 brutus asserta. 436. Architecti Basilica Vaticana. 205. sq.
 Animalia, etiam rationalia, Plane- Archelai cum Manete barciarcha
 ris vindicata. 450. sq. colloquium. 394
 Animæ & corporis quoddam vincu- Arcuum parabola comparatio. 259
 lum? 66. 261. 464
 pars inferior quo sensu di- Aræ sub dio. 96
 catur separari a superiori inten- Argentoratensibus vindicata typo-
 rationibus. 273. 280. 285. graphie inventio. 365
 Anonymi Scriptores detecti. 289. Argentorati antiquitas, nomen,
 Anselmi Cantuariensis Archiepisco- regimen. 365. sq.
 pi scripta. 237. Argutiarum ars. 255
 Antimonialia diaphoretica non im- Aristocratia Sinerisbignorata. 377
 probanda. 550. Aristotelis Rhetorica commendata. 253
 Antium Campanie Romane oppi- Philosophia ut sensim in
 dum magnificis olim edificiis ex- Theologiam fuerit inuenta? 516. sq.
 ornatum. 184. Arminianorum religio. 28
 Aortæ arterie divisio in ramos Ca- Arnaldus (Antonius) notatus. 161
 vorides & Subclavios. 295. Arteriæ Aortæ divisio in ramos Ca-
 Apollinaris hæresis a Gregorio Nys- vorides & Subclavios. 295
 seno confutata. 397. Arthritis ex glutine. 137
 Apoplexiæ cause. 524. remediis anti-scorbuticis
 Apostolorum prerogativa in qui- curanda. 194
 bus consistit? 324. Africa

- Afraël, *Angelus mortui*. 112
 Asylum quatenus præbuerint altari? 101
 Athanasianum *Symbolum Athanasio recentius*. 130
 S. Athanasius num Trevis per annos septem in cisterna sicca delituerit? 85
 Athenagoras num Presbyter fuerit? 554
 Atomi *rejeſta*. 438
 S. Attalæ *Abbatissa Argentinensis vita*. 365
 S. Augustini de conjugii adulterini sententia paradoxæ. 339. sq.
 Avitulus apud Sinenses honoratissimus. 381
 Aula Caroli Audacis Burgundia Ducis. 190
 Aurium dolor hydromeli auri instillato sublatus. 194
 Balnea frigida non semper improbanda. 525
 Balnearum Angliæ usus & abusus. 524
 Balsami Peruviani essentia & ex ea spiritus fragrantissimus. 390
 Balsamicum Elixir singulare. 390
 Baptismus per immersionem & superfusionem simul olim collatus. 47. seq.
 num infantibus heterodoxorum conferendus? 175
 Basilicæ Vaticanæ Descriptio. 204. sqq.
 Batavi Frisique Agri Descriptio secundum Antiquos. 20
 Begani in conquirendis illustrium virorum imaginibus studium. 337
 Belgicorum Theologorum dissidia. 28
 Belgii Ecclesiarum Scholarumque status. 27. 199.
 Bellidis egregius adversus tussim usus. 194
 De S. Benedicti corpore controverſia inter Italos & Gallos. 82
 Benedictus IX puer 12 annorum ad Pontificatum Romanum eveſtus. 85
 Berengarii causa in articulo de Eucharistia. 233
 Bernini Equitis in exornando B. Petri altari dexteritas. 210. 213
 Bibliorum Græcorum LXX Interpretum editiones variae. 75
 Bibliotheca Orientalis Dherbelotii. 105. seqq.
 Billis ut fecernatur in hepate? 361
 humana analysis. 461
 usus. 462
 Bizotus Historia Metallica Hollandiæ auctor emendatur. 334
 Blondellus (David) ab ipsis Romanis Catholicis ad Primum Pontificum impugnandum incitatus. 291
 Bodinus (Joh.) ab Elisabetha Angliæ Regina contemptum habitus. 292
 Bonarota (Michael Angelus) Architectus illustris. 207. 208
 Cccc 3 Bo-

- Bononienſis lapis illuminabilis, ſeu
Phoſphorus. 148
- Bonum, in quod fertur appetitus
humanus, quid proprie? 477
- Boyllii (Roberti) ſententia de ipſa
Natura ſub examen vocata. 428
- Breviariorum auctoritas qua? 133
- Britannia Major a Minori, an hac
ab illa nomen acceperit? 150
- Britanniz Minoria Reges antiqui
ſiſtiti. 159
- Brixienſis Eccleſia Martyrologium
exploſum. 84
- Bruno Andegavenſis Episcopus Be-
rengarii primum aſſecta, poſt
adverſarius. 233
- Brufius (Petrus) hereſiarcha. 514
- Brutis male negata anima. 436
- Bullati Doctores num cum aliis in-
dem fruantur privilegio? 406
- Burmanner a ſuſpitione Spinofismi
liberatus. 459
- Burnetii (Thoma) Theoria Tellu-
ris conſutata. 220. ſqq.
- De Buſſy Comitum Vita. 23. ſqq.
- C** Abaſiliani impugnati. 7
- Calculi in corporibus humanis
generatio ex glutine. 137
- Calixti II P. R. contentio cum Im-
peratoribus de inveſtitura Epi-
ſcoporum. 512. ſqq.
- Cameracenſis Archi-Epiſcopi Prae-
cepta Sanctorum de Vita interi-
ori. 268. ſqq.
- Archi-Epiſcopus im-
pugnatus. 278. ſq. 476. ſq. 482. ſq.
- Cameralis in Germania Judici-
conſtitutio. 540
- Camero (Job.) reſutatus. 216
- S. Canonis Acta ſuſpecta. 86
- Canonizationes Sanctorum quan-
do ceperint? 168
- Cantharidum in re medica uſus. 45
- Canticorum Eccleſia Romana no-
va editio. 63
- Cardinalibus Episcopi quidam pre-
lati. 85
- Cardoſi Hagiologicum Luſitani-
cum improbatum. 85
- Carmelitarum Ordinis antiquitas
impugnata. 132. 529. ſqq.
- Ordo num ab Elia
Propheta inſtitutus? 132. 529. 530
- Scripta pro anti-
quitate Ordinis ſui edita. 530. ſq.
- In Carmelo Sacra, quam apud
Suetonium & Tacitum? 96. 334
- Caroli V Imperatoris bellum cum
Hariadeno Barbaroſſa. 186
- nummi ex-
plicati. 425
- Caroli Audacis Burgundia Ducis
Aula. 190
- Carotidum arteriarum ex Aorta
exortus. 295
- Carteſianus modus myſterium S.
Trinitatis explicandi. 496. ſq.
- Carteſius emendatus. 455
- De Caſaubono (Iſaaco) memora-
bilis. 292
- Caſſandra Lycophronis illuſtrata.
103
- Per

INDEX RERUM.

575

<i>Per Catenariam inventio Logarithmi numeri dati.</i>	<u>316</u>	Chronologia per imagines docenda nova methodus.	10
Catenariæ linea demonstrationes.	305	Ciceronis Epistolarum ordo non turbandus.	<u>372</u>
Catenariæ rotatione genitarum Superficierum & Solidorum mensuratio.	<u>321</u>	Cimeliarchiorum instruendorum ratio.	<u>336. sqq.</u>
S. S. Catharinæ & Barbaræ Acta in dubium vocata.	<u>85</u>	Cinnabaris officinarum tuto assumenda.	<u>560</u>
Catharrus etiam macilentie infestus.	<u>193</u>	Circumcisi num a sacris Ordinibus arceudi?	5
Cathedra Petri lignea vindicata.	<u>209</u>	Circumcisionis omisso num licita fuerit in deserto?	<u>342</u>
Cattii unde olim dicti?	<u>31</u>	Clemens Alexandrinus illustratus.	481
Causæ secunda num sint vera causæ?	<u>356. 430. sq.</u>	Clemens II P. R. gente Holsatus an Brandeburgicus fuerit?	<u>124</u>
Cereris Sacerdotis effigies.	<u>202</u>	Clementis VI P. R. Bulla, qua Angelis mandatur, supposititia.	<u>365</u>
Chemica principia quatuor, sal, oleum, aqua & terra.	<u>559</u>	Clericorum consura Gracii moribus recepta.	5
Childericus Merovæi filius num a Francorum regno fuerit dejectus?	156	Clericus (Joannes) refutatus.	<u>456</u>
Chinensis. Vide Sinensis.			<u>sqq.</u>
Christi cruci affixi extrema tentatio qualis?	<u>273. 280. 286</u>	Harmoniam.	
Christianæ religionis articuli fundamentales.	<u>115</u>	Evangelicam editurus.	<u>487</u>
Christiani veteres Gentilium calumniis afflicti.	<u>420</u>	Clodoveus primus Francorum in Gallia Rex.	<u>154</u>
Christus cur brumali tempore nasci, æquinoctiali resurgere voluerit?	<u>399</u>	Legis Salica conditor.	156
Chronicum Germanicum Jacobi de Konigsbosen.	<u>362. sq.</u>	Coccorum quorundam admiranda.	<u>293</u>
		Cœlum inter Elementa a S. Paulino relatum.	<u>58</u>
		Cocceji (Job.) hypothesees & facta.	<u>29. 351</u>
			<u>38. sqq.</u>
		Collegium Medicorum instituendi consilium.	38. sqq.
			Colome-

Colomelius (Paulus) a seipso dis-
sentiens. 81

Columbaria urnarum receptacula

203

Colyba Græcorum vindicata. 4

Comitorum Germanie, inprimis
Wormatiensium A. 1495, histo-
ria. 539. sqq.

Comitum in Anglia sub Saxonum
imperio conditio. 442

Commodi nummus explicatur. 94

Comœdiæ non illicitæ. 174

Concilia extra materiam fidei er-
rori obnoxia. 81. sq.

Concilii Tridentini dogmata. 178

Conciliorum Anglo-Saxoniorum
nova editio promissa. 550

Concionandi arguta ratio. 258

Conclavium Pontificiorum histo-
ria non magna fidei. 84

Confessio peccatorum quatenus
ad Laicos institui queat? 234

Conjugium secundum num lici-
tum sit illi, qui ex causa adulte-
rii divortium cum priori conjuge
fecit. 340

incestuosum num a na-
tura & intrinsece vitiosa? 349

Contemplatio & Meditatio quo-
modo apud Mysticos differant?

275

Mysticorum num
interrumpi possit? 275 280. 286

num pure passive se
habeat? 276. 277. 279. 280.

285

num prius quando
que animam visione Christi? 280
285. sq.

Conob quid in nummis? 158

Copernicea Planetarum ordina-
tio. 449

De Coquis tractatio. 242

Corellius (Georgius) refutatus. 1

199.

Cornua altarium. 99

Coronarum bodiarnarum forma
A gl'a debetur. 332

Corpus idem quomodo resurgat?
358. sqq.

Creatio hominis ex gleba, fumina
ex costa viri, Deo non impossi-
bilis. 358

Creaturis vis insita agendi asserta.
430. sq.

Crises in morbis vindicata. 41

Critica Ars Joannis Clerici. 11. sq.

Curva linea infinitas logarithmi-
cas ad angulos rectos secans.
230

Curva linea celerissimi descensus. 52
sq. 23. sq. 466

Curvarum linearum Problemata

& Theoremate. 49. 51. 52. 55.

223. sq. 226. sq. 230. 232. 259. 305

sq. 462. sq. 466. sq.

rectificatio. 462. sq.

In Cycloide iso.chronismus descen-
sus. 266. sq.

Cycloidis nova proprietates. 53

Cyclois celerissimi descensus. 49. 54

223 465.

Ex

INDEX RERUM

577

Ex Cyrilli Cathedra fragmentum de colloquio Archelai cum Manete hierarcha.

396

Dæmones num quid possint in Naturam?

66

Damiani (Petro) liber de correctione Papæ & Episcopi vindicatus.

236

Decretales Epistolæ, quæ Siricium Papam præcedunt, suppositæ.

82

Dei sedus cum Adamo ante lapsum.

214 sqq.

amor purus commentum Mysticorum.

476. sqq. 483.

Vide Amor.

Deificatio Mysticorum.

276

Dentium dolor capillis abscissis sedatus.

195

Deus num ita concurrat ad creaturarum actiones, ut hæc non causa earum sint, sed tantum occasiones?

430. 432. sqq.

num tantum ob perfectiones suas, sine convenientia cum natura nostra respectu amari possit?

479.

482

Vide Amor.

Dherbeloti (Bartholomæi) elogium & vita.

105. 113. sqq.

Diaphoretica inter antifebrilia præstantissima.

391

antimonialia non impro-

banda.

560

Dies Juridici.

444

Differentia & identitatis rerum unde?

501. sqq.

Digami a Sacris Ordinibus exclusi.

3.

Diluvium quomodo contigerit?

221

Dionysio Areopagita falso adscripti libri de Hierarchia.

84. 130

Divortii ex causa adulterii licentia.

340

apud Judæos licentia.

quanta?

348

Doctoris, Licentiatæ, Magistri gradus in Academia.

406. sqq.

Doctores Bullari iisdem cum actibus gaudent privilegiis.

406

num vi Superioritatis

Territorialis a Statibus Imperii excari possint?

404

ab Imperatoribus ipsis

Regibusque creati.

405

quibus gaudeant pri-

viligiis?

406

quatenus equiparen-

tur Nobilibus?

406. sqq.

Dolscius (Paulus) quis fuerit?

241

Sub Dorothei Tyrensis nomine,

edita scripta non magni mo-

menti.

323

Dysenteria myrtilli baccarum u-

su curata.

194

venæsectione curan-

da.

524

Bionitæ, heretici.

501

Ebraicæ lingua studium quo-

modo tractandum?

13

Ebræorum ritus cum Gentium

instituto comparati.

95. sqq.

Ec-

D d d d

Ec-

*Ecclesiæ Græcæ orthodoxæ cum
Læticæ consensus demonstratus.*

1. *sqq.*

Schisma. 235

unius num quandoque

plures fuerint Episcopi? 84

*Eduardi III Angliæ Regis aureus
nummus explicatus.* 333

*Eleusinia sacra ex Panathenæis de-
rivata.* 94

*Elias num altare in monte Carmelo
rite exstruxerit?* 95

*num fundator fuerit Ordini
Carmelitarum?* 132

*In Elisabethæ Angliæ Regine bo-
norm causa numismata.* 314

Elixir balsamicum singulare. 390

*Επιστολὰς εἰς θεὸν quid 1 Petri
III, 21?* 346

*Epiphaniæ de vitis Prophetarum
liber fabulosus.* 131

*Episcopi num quandoque plures
fuerint ejusdem Ecclesiæ?* 84

*quidam Cardinalibus præ-
lati.* 85

*quo sensu Apostolorum suc-
cessores?* 325

Episcopus (Simon) notatus. 216

*De Episcoporum investitura agi-
tata controversa.* 511

*Epistola variorum hætenus inedi-
ta.* 240

Christiani Daumii ad Jo.

Frid. Hekeium. 373

*Gregorii Nysseni hæte-
nus inedita.* 399

Cardinalis Offati. 489

*Erasmus Geographiæ veteris igno-
rata postulatus.* 12

*Erckenboldi Catalogus Episcopo-
rum Argentinenſium auctior.* 365

Ergasteriorum publicorum utilitas. 474

*Erichthonius Ludorum apud Græ-
cos auctor.* 93. *sq.*

Esseni num fuerint Hæretici? 111

Etymologiæ vocum. 30

*Evangelium quibus locis a Christo
& Apostolis predicatum?* 322. *sq.*

*In Eucharistia num panis azymus
recte adhibeatur?* 5

*Eunuchi num a sacris Ordinibus
arceudi?* 5

Evolutionum usus. 211

*Euthalii in Epistolas Paulinas alias-
que Catholicas studium.* 400. *sq.*

*Eutychii Alexandrini Patriarchæ
Annales fabuli pleni.* 162

*Exarchorum in Ecclesia Christiana
origo.* 326

Fabricii (Jo. Ludovici) vita, seri-
ptis & obitus. 171. *sq.*

*Febriticantium serum num insipi-
dum?* 527. *sq.*

*In Febribus ardentibus missio san-
guinis inepte prohibita.* 34

*critica desputatio ma-
le impedita.* 41

usus vescantium. 46

Febris alba puella octenni infesta. 195

Febrium natura & therapia. 391.

S. Fe-

INDEX RERUM 576

- S. Felicis *Papa* *martyrium* *confi-*
elium. 85
- Felicitas *propria* *naturaliter* *ab*
homine *appetit.* 477. *sqq.*
omnis *amoris* *fundamen-*
tum. 478
- Ferdinandi I *Imperatorii* *numini*
explicati. 425
- Feuda *quando* *cœperint* *fieri* *bare-*
ditaria? 442
- Feudorum *militarium* *in* *Anglia*
origo & *conditio.* 441
- Fidei *Christianæ* *articuli* *funda-*
mentales. 115
in *Christum* *numin* *sta-*
tu *integritatis* *futurus* *fuisse* *lo-*
cus? 216
- Finalis *causa* *in* *doctrina* *physica*
ujus. 429
- Finis *ultimus* *num* *santum* *unus?*
477. *sq.*
- Fixæ *stellæ* *num* *corpora* *opacat?* 248
cujus *sint* *natura?* 454
quantum *a* *nobis* *disent?* 454
- Fluidorum *duo* *genera.* 298
particula *quam* *habeant*
figuram? 298. *sq.*
- Flumina *num* *in* *Luna* *dentur?* 452
- De *Fluminum* *natura* *Tractatus*
Physico-Mathematicus. 2:9
- Fluminum *origo.* 300
motus. 300
conjunctio. 301
in *alia* *flumina* *deri-*
vatio. 301
- incrementa* *unde?* 301
- Fœderum *in* *Germania* *paci* *pu-*
blica *constituenda* *in* *itorum* *bi-*
storia. 538. *sq.*
- Fœdus *Dei* *cum* *homine* *ante* *la-*
psum. 412. *sq.*
- Fontana (*Carolus*) *correctum.* 205
sqq.
- Fontana (*Dominicus*) *Architectus*
quanto *honore* *fuerit* *affectus?* 213
- Fontium *origo.* 300
- Fortunæ *adversa* *utilitas.* 26
- Franciæ *Historia.* 1:3
- Francorum *in* *Gallia* *regni* *quis*
primus *conditor?* 153
origo. 187. 365.
- Friburgensis *civitatis* *Historia.* 367
- Friderici III *Imperatoris* *Constitu-*
tio *læta* *iniqua,* *non* *fuit* *rece-*
pta. 406
- Fridericianæ *Academiæ,* *qua* *Ha-*
lis *est,* *Inauguratio.* 369
- Frisii *agri* *descriptio* *secundum* *An-*
tiquos. 20
- Fulberti *Carnotensis* *scripsit.* 233
- Functionis *linea.* 225
- Funditorum *in* *Gallia* *factio.* 25
- Gallizæ *Gentium* *unde* *dicitur?* 323
- In *Gallia* *quis* *primus* *regnum*
Francorum *condiderit?* 154
origo *Majorum* *Domu.* 365
- Generatio *hominis* *sine* *virili* *se-*
mine *Deo* *non* *impossibilis.* 357
- D d d d 2
- Ge.

- Genethliacorum disciplina. 557
 Gentilium ritus cum Ebraeorum
 insitutus comparati. 95. sq.
 in veteres Christianos ca-
 lumnia. 420
 Geographia Orientis. 107
 universalis. 196
 sacra. 321. sqq.
 Geographica tabula nova. 21. 22.
 56
 Geometricum proprie quid sit?
 467
 Gerberti, postea Sylvestri Pape,
 gesta. 165
 In Germania constituta Pacis pu-
 blica historia. 537. sq.
 Germaniæ Inferioris descriptio se-
 cundum Antiquos. 20
 Germanorum veterum res mon-
 taria. 423
 Glese quid Germanis? 363
 Glossarium Saxonium a Gerbar-
 do Meiero promissum. 151
 Teutonicum a Joh. Schil-
 tero promissum. 192
 Græcum a Jo. Georgio
 Grævio promissum. 352
 Gluten in corporibus humanis cal-
 culum & arthritidem produ-
 cens. 137
 De Godelli (Godeau) Historia Ec-
 clesiastica iudicium. 293
 Goldastus (Melchior) correctus.
 363
 Gonorrhœa jam olim Judæis in-
 festa. 524
 Gradus honorum in Academiis.
 404. sq.
 Græca lingua caterarum mater. 29
 ut fuerit genita? 30
 Græcæ Ecclesiæ orthodoxæ cum La-
 tina consensus demonstratus. 1.
 599.
 colyba vindicata. 4
 status seculo X. 161
 schisma. 235
 Græcarum Scripturæ S. versionum
 historia. 27
 Grævii (Jo. Georgii) Scripta e-
 denda. 352
 Gratix quatenus cooperetur homo?
 273. 276
 In Gravidis etiam venæ sectio quan-
 doque utilis. 193
 Gravis celeritudo descensus. Vide
 Curva, Cyclois.
 Gravitas principium motus fluenti-
 um aquarum. 300
 Gregorii VII R. P. gesta & ambi-
 tio. 255. 239
 Gregorii Nysseni Antirrbeticus ad-
 versus Apollinarem quando scri-
 ptus? 397
 Testimonia ex Veteri
 Testamento adversus Judæos. 398
 doctrina a suspitione
 Eutychianismi liberata. 397. 399
 Groninga Corbulonis monumen-
 tum. 22
 Groninganum Chronicon. 188
 Grotius (Hugo) notatus. 14
 Guilius Dux cur tanto in Colinaum
 odio

odio exarscrit? [294](#)
Hadrianus Imperator Antiatef-
 cussi gavius. [183. sqq.](#)
 In Hallensi urbe erecta Academia
 Fridericiana Historia. [369. sqq.](#)
 Hegemonius quatenus pro editore
 Colloquii inter Archelaum &
 Manetcm haberi possit? [394. sq.](#)
 Helmontius notatus. [218.](#)
 Henrici IV Gallia Regis cum Ro-
 mana Ecclesia conciliatio. [492.](#)
 Henrici V Imperatoris lites cum Ro-
 manis Pontificibus. [512. sqq.](#)
 Henrici VIII Anglia Regis numi-
 sma. [333.](#)
 Henricus Leo, Guelfus, successor in
 Imperio aliquando a Friderico
 Barbarossa destinatus. [354.](#)
 In Hepate quomodo seccernatur
 bilis? [361](#)
 De Hierarchia libri male S. Dio-
 nysio Areopagite adscripti. [84.](#)
[130](#)
 Hierocles auctor Notitie Provin-
 ciarum ante Constantinum Por-
 phyrogenitum vixit. [328](#)
 Hieronymus notatus. [79](#)
 Hildebrandi seu Gregorii VII R.
 P. gesta & ambitio. [235](#)
 Hippocrates vindicatus. [510](#)
 De la Hire emendatus. [266](#)
 Hispanica Inquisitionis Decretum
 adversus Aetha Sanctorum Hen-
 schenio-Papebrochiana. [532. sq.](#)
 Historia populorum Orientalium.
 105. sq.

Francia. [153](#)
 Religio. [242](#)
 fundata Academia Fride-
 riciana. [369. sqq.](#)
 amplificatorum Academia
 Norica privilegiorum. [543. sq.](#)
 Sinenfis Imperii. [375. sq.](#)
 originis Saxonum. [421](#)
 universalis. [391. 21](#)
 pacis Germanie publica. [537](#)
 Historiae per imagines tradenda
 nova methodus. [9. 91. sq.](#)
 Holfatiae Chronicon vetus. [151](#)
 Homicida num a sacris Ordinibus
 arcendi? [5](#)
 Hominis partes tres, spiritus, cor-
 pus, anima. [355](#)
 De Homonymis Scriptoris Sche-
 diasma. [110. sq.](#)
 Hortus Medicus Amstelodamensis.
[129](#)
 Hydromel auri instillatum dolo-
 rem aurium tollit. [194](#)
 Hydrops in famina devesa etatis
 curatus. [193](#)
 In Hypercatharsi salutare lac cali-
 dum vaccinum. [195](#)
 Hypothesum in re medica ratio.
 36. 38
Icenia, hodie Norfolkia. [445](#)
 Icterus omne serum in corpore
 humano flavo colore tingit. [194](#)
 a motu corporis nimio
 ortus. [195](#)
 In Idea clara & distincta frustra
 Dddd [3](#) omnia

- omnis certitudinis fundamentum collocatur. [507](#) sq.
 Idearum in intellectu humano varia genera. [505](#) sqq.
 Identitas & differentia rerum unde? [501](#) sqq.
 Jesuitarum in Gallia restitutio artibus Cardinalis Ossati procurata. [493](#)
 cum Carmelitis lites. [529](#) sqq.
 Ignis perpetuus in Sacris. [99](#)
 Imaginis Divina ratio in primis parentibus. [217](#)
 Imaginum in Historia & Chronologia tradenda usus. [9. 91](#)
 Imperatores inter & Pontifices Romanos controversia de investitura Episcoporum. [511](#)
 Imperialium seu Thalerorum Sylloge. [422. sqq.](#)
 Incestuosa conjugia num a natura & intrinsece vitiosa? [349](#)
 Indicationes curativæ unde a Medico depromenda? [41](#)
 Indifferentia sacra quid Mysticis? [271](#) [279](#)
 sano sensu explicata. [482](#)
 Indulgentiarum usus in Ecclesia Græca. [2. 3](#)
 etiam supposititiarum valor. [83](#)
 seculo XV & XVI incrementa. [31](#)
 Innocentii X P. R. in Templum
 Vaticanum merita. [211](#)
 Inquisitionis Hispanica Decretum adversus Acta Sanctorum Henschenio-Papebrochiana. [532. f.](#)
 Intelligentiæ creatæ num sub nomine Naturæ innuantur? [423](#)
 Interpretationis regula generales. [14](#)
 Intrita plasticorum veterum quid fuerit? [212](#)
 De Investitura Episcoporum controversia ut fuerit tandem composita? [513](#)
 Johannis XXII P. R. Bulla Sabbatina supposita. [83](#)
 Joannis Patriarchæ Hierosolymitani liber de Institutione Monachorum spurius. [130.](#)
 Josephi Antiocheni de primitivæ Ecclesiæ perfectæ militia liber spurius. [130](#)
 Josephus B. Virginis Mariæ patrum. [135](#)
 Irenæi dogmata examinata. [556](#)
 Isôchronismus descensu in Cycloide. [266. sq.](#)
 Jubilæa vindicata. [3](#)
 Judææ Tetrarchia. [322. sq.](#)
 Judaicæ Theologia veteris & novæ Synopsis. [239](#)
 Judex, reſſis, advocatus in causa sanguinis quatenus ab Ordinibus sacris excludantur? [6](#)
 Judiciorum Westphalicarum olim usus & abusus. [540](#)
 De Juramento tractatus. [253](#)
 Ju-

- Juris *Naturalis Prudentia*. [485](#)
 Jurisprudentiæ *Compendium jux-*
ta ordinem Digestorum. [102](#)
 Jus *Commune quoddam jus desi-*
gnet in Imperii Receptibus? [542.](#)
 Jus *Romanum quatenus in Germa-*
nia receptum sit? [542. /q.](#)
 Justiniani *Martyris dogmata exami-*
nata. [553](#)
 Juristorum *tres status ex mente My-*
sllicorum. [269](#)
 examinati. [484](#)
 Lac *calidum vaccinum in hyper-*
catbarshi conducens. [195](#)
 Lampadum *aequaliter semper lu-*
centium preparatio. [222](#)
 Lanfrancus *illustratus*. [234](#)
 A Lapide (Cornelius) *notatur*.
 [123](#)
 In Laudi (Gulielmi) *Cant. Arch.*
 memoriam numisma cufum. [334](#)
 Launojus (Joannes) *librum de*
 Regia in matrimonium potesta-
 te invitus composuit. [293.](#)
 Lauterbachianum *Juris Compen-*
 dium correctum. [520](#)
 Leges *motus quomodo aboleri aut*
 suspendi a Deo possint? [356 /qq.](#)
 Legis *Salica antiquitas asserta*. [156](#)
 Gen. II. 16. 17. qua fue-
 rit ratio? [218](#)
 Lex *natura alia moralis, alia phy-*
 sica. [64. /qq.](#)
 Lexicon *Dherbeloti Turco-Persi-*
 cum ineditum. [106](#)
 Libanii *Sophista ultra 2000 episto-*
 la inedita in Vaticana Bibliotheca. [400](#)
 Liberi *quam severe apud Sineses*
 ad obsequium parentibus pra-
 standum obstringantur? [386 /q.](#)
 Libri *quam varie mendis deprav-*
 entur? [17. /q.](#)
 Licentiatii *isidem, quibus Doctores,*
 gaudent privilegiis. [406](#)
 Ligorius (Pyrrhus) *notatus*. [205](#)
 Linea. *Vide Curva, Cyclois*.
 Linearum *functionis*. [225.](#)
 Linearum *trajectoriarum tracta-*
 tio. [470. /qq.](#)
 usus in doctrina radio-
 rum lucis. [470.](#)
 Linguae *humana genesis*. [29 /q.](#)
 Liquida *proprie quam?* [298](#)
 Lockii (Jo.) *de Ideis doctrina sub*
 examen vocata. [504. /qq.](#)
 Logarithmi *numeri dati inventio*
 per Catenariam. [316](#)
 Λογος *vox num ex Platonica phi-*
 losophia in religionem Christia-
 nam illata? [456. /qq.](#)
 Lombardus (Petrus) *pater Scho-*
 lasticorum. [517](#)
 Ludoviciana *regionis in America*
 nuper detecta descriptio. [69](#)
 Luna *num maria, flumina, aerea*
 contineat? [452. /q.](#)
 Lutheranos *inter & Reformatos*
 num dissensus fundamentalis?
 [144](#)
 Lycophron, *poeta obscurissimus*. [130](#)
 Machi.

- M**achiavelli *dogmata* *ipsis Principibus* noxia. 352
 Magi a *Zabii* diversi. 108. 110
 Magorum *nomen* unde? 111
 Mahomet *num* *miracula* *patraverit*? 113
 Majoragii *Philochrysus*. 330
 Majorum *Domi* in *Gallia* origo. 356
 Malebranchii *creatura* *veram* *alienem* *negantis* *opinio* *refutata*. 430. 599. 438.
 Mandarinorum *apud* *Sinenses* *conditio*. 381. 383. 387
 Manes *quam* *inepte* *se* *pro* *Paraclete* *venditarii*? 394
 Manetis *Herciarca* *cum* *Arche-lao* *colloquium*. 394
 Margunius (*Maximus*) *refutatus*. 1. 599.
 Maria & *flumina* *num* *in* *Luna* *dentur*? 452. 59.
 B. Mariæ *Virginis* *festi*. 365
 Marmor *Baptismatis* *ritum* *indicans* *illustratum*. 46 59.
 Marsupialis *Americani* *Anatomia*. 407. 599.
 paria *no-*
 mina. 407
 bursa *sive* 410
 marsupium. 408
 Martialis *Lemovicensis* *Episcopus* *num* *inter* *Apostolos* *locum* *habeat*? 238
 Martini (*Matthia*) *Vita*. 351
- Martyrologiorum *autoritas* *quæ* 133
 Martyrologium *Brixienſe* *expoſum*. 84
 Materiæ *inertia* *naturalis* *explicata*. 433 59.
 prima *notio*. 434
 Mathematicæ *Cursus* *Ozanami*. 246
 S. Mauri *Vita*, *quæ* *S. Fausto* *tribuitur*, *confiſta*. 86
 Mauritius (*Ericus*) *correctus*. 363
 Mausolea *antiqua*, *Romana* & *Etrusca*. 201
 Maximiliani I *Imperatoris* *numismata* *quædam* *explicata*. 424
 De *Maximis* & *Minimis* *methodi specimen*. 49. 59. 53. 211
 Mazarini *Cardinalis* *geſta* & *character*. 24. 59.
 Mechanismus *corporum* *sobrie* *capendus*. 428
 Medica *praxis* *ad* *priscam* *observandi* *rationem* *revocanda*. 33. 59.
 Medicina *Nov-antiqua*. 520
 Medicinæ *varia* *ætates*. 35
 impedimenta & *corruptela*. 34. 59.
 Medici *Collegii* *inſtituendi* *conſilium*. 39. 599.
 officium *in* *curandis* *varii* *generis* *morbis*. 40. 66.
 Medici *Theologi*. 242
 Medicus *natura* *miniſter*. 66
 Mediolanensis *Metropolis* *jus* *antiquum*

INDEX RERUM

585

- tiquum in Episcopum Taurinen-*
sem. 59
- Meditatio & Contemplatio quo-*
modo apud Mysticos distinguan-
tur? 275
- Meieri (Theodori Gebhardi) scri-*
pta. 243
- De Memoria artificiali iudicium*
173.
- Mercurii particularum figura.* 299
- ex plumbo renati bi-*
floria. 559
- color varius ex ad-*
sperso oleo tartari. 560
- Mercurii Planeta & incolarum*
eius conditio. 451. sqq.
- diameter apprens.* 90
- Mercurius sub Sole observatus.* 86
- sqq.
- Meschalippi fluvii Americani ac-*
scriptio. 69. sqq.
- Metallorum transmutatio num-*
plene neganda? 560
- Metaphoræ varia genera.* 257
- Methodi de Maximis & Minimis*
specimen. 49. sqq. 53. 211
- Newtoniana specimen.*
306. sqq.
- Metropolitanorum in Italia origo.*
325
- Militaria arma.* 250
- Militaris disciplina.* 251
- Milites creandis jure penes quos olim*
fuerit? 446
- etiam ab inferioribus, imo*
a subditis creati Principes. 446
- Millenariorum in prima Ecclesia*
varia sectæ. 551
- De Minimis & Maximis methodi*
specimen. 49. sq. 53 211
- Miracula per suspensas natura le-*
ges explicata. 356. sq.
- Miraculum in Sacris Literis*
commemorum vindicie,
355. sq.
- In Missæ Sacrificio ritus singularis*
olim observatus. 239.
- Missalium num qua extra materi-*
am fidei auctoritas? 83
- Molinæus (Petrus) Anti-Cottoni*
auctor. 290
- Monachus & Religiosus num-*
idem? 131
- Monades que Dn. Leibnitius?*
434. 435
- Moneta Germanorum antiquorum*
423.
- Monetariæ rei corruptela & emen-*
datio. 335
- in Anglia status.* 446
- Montanistæ etiam ab Irenæo refu-*
tati. 552
- Montis Francorum canobius.* 126
- Moralia Sinesium præcepta.* 386
- Moralitas Juris Natura num ab*
arbitrio voluntatis Divina de-
pendeat? 217
- Morbi ex animi passionibus depen-*
dentes. 36
- navigantium, eorumque*
causa & curatio. 523
- Morborum historia conscribenda*
Eccæ 607-

- consilium.* 37. *sq.*
periodi & effectus constan-
tes. 40
causa quomodo exploran-
da? 40
Morbus & Symptoma quomodo
differant? 522
Mortis sententiam qui tulit Iudex
ad sacros Ordines num admit-
tendus? 6
Mortui Sancti num visione Dei be-
atifica fruuntur? 9
Pro Mortuis precum quis usus ex
mente Græcorum? 2
Mortuis basia non semper impune
infiguntur 193
Mortuorum resurrectio paradoxa
ratione exposita. 358. *sq.*
Motus omnis num immediate a
Deo? 65
Motus per legem æternam Dei o-
mnimateria injunctus. 65
fluentium leges. 300
Motus unice & immediate a Deo
procedit. 356
leges quamam? 356
leges quomodo aboleri aut
suspendi a Deo possint? 356. *sq.*
eadem quantitas num con-
servetur? 419
leges num arbitraria? 429
De Motu Varia. 436. 438
Mulier bona illata repetere potest,
facta separatione a thoro &
mensa. 520
Mulleris nomen Eruditorum utilis
commune. 122
Mundi systema ex mente Hugeni.
435
Murorum fornicibus suppositorum
firmitas unde determinanda?
309
Musicæ usus in curandis a taram-
tula morsis. 44. *sq.*
Myrtilli bacca antidysentericum.
194
Mystica Theologia ab Archiepisco-
po Cameracensi explicata. 268.
sq.
ab Anonymo im-
pugnata. 476. *sq.*
Mythicorum Vita interior explica-
ta. 268
Theologorum fata.
268
tres viae, purgationis,
illuminationis & contemplatio-
nis. 270
resignatio & indiffe-
rentia sacra. 271
de Tentationibus do-
ctrina. 272
meditatio & contem-
platio. 275
status passivus. 276
mors & resurrectio
spiritualis. 276
transformatio. 276.
sq.
de amore Dei puro sen-
tentia collata cum sententia Epi-
curæorum. 479
Natu.

Natura sibi & Medicis vindicata. 63

quam rebus tribuere
solemus, in quo consistat? 427. sq.
& Persona quomodo
distinguantur? 507. sq.

Naturæ vocabulum & existentia
asserta. 64

quomodo in Scholas
fuerit introductum? 64

definitio. 65. 427

quomodo ministret

Medicus? 66

miracula peculiari
tractatu discutienda. 66

Contra Naturam & præter natu-
ram agere ut differant? 65

Nautarum morbi, eorumque cu-
ratio. 523

Neutonianæ methodi specimen,
306. sqq.

Nobilitatis jura num competant
Doctoribus? 407

jus non nisi immemo-
riali tempore præscribitur. 519

Nomen idem cur multis sæpe ho-
minibus commune? 122

mutare quando cape-
rint Romani Pontifices? 234

Nominis mutatio an licita? 125

Norfolciæ Descriptio topographi-
ca. 445

Noribergæ situs secundum longi-
tudinem & latitudinem. 118

Notionum varia discrimina. 16

De Notgero Balbulo memorabilia.

167

Notitia Patriarchatum, Mevro-
poleon, & Episcopatum Orbis
Catholici. 328

Nummaria rei notitia exposita
331. sqq.

Nummi antiquorum Francia Re-
gum. 157

duo Theodeberti Au-
strasia Regis explicati. 157

Pontificum Romano-
rum templi Vaticani structu-
ram indicantia. 204. sqq.

Osbonis arei magni
pretii. 335

quo clades classi His-
panica A. 1588 illata

celebratur, explicatio.

334

maximi moduli (Me-
daglioni) num moneta usum
præbuerint? 332

adulterini ut a genui-
nis discernendi? 332. 335

unciales, seu thaleri,
aut imperiales. 422. sqq.

Maximiliani L. Caro-
li V. Ferdinandi I. Imperato-
rum. 424. sq.

Eduardi III. Henrici
VIII. Elisabethæ Angliæ Regum
& Regine. 333. sqq.

Nuptiæ quarta severe in Ecclesiâ
Græca prohibita. 161

O Beliscus a Sixto V R. P. in fo-
ro Vaticano erectus. 213

Observationum in re Medica ne-
ces-

Eccc 2

- cessitas & usus.* [33. sq.](#)
neglectus unde? [34](#)
 Oceani aqua pressio cur nullum u-
 rinatoribus dolorem inferat? [223](#)
 Oleo sanguinis humani destillato
 quantum salis volatilis insit? [461](#)
 Oleum Sulphuris per campanam in
 majori copia adipiscendum. [222](#)
 Olympionicarum cum annu mun-
 di &c. collatio. [119](#)
 Opium in parva dosi nonnunquam
 plus quam in magna praestat. [194](#)
 Oratio perpetua a Christo commen-
 data quae? [275](#)
 Ordinandorum requisita. [3. sq.](#)
 Ordinationibus sacris quam
 premitti in Ecclesia Graeca &
 Latina consueverint? [1. sq.](#)
 Ab Ordinibus sacris quin ex di-
 sciplina Graecorum excludantur?
[3. sq.](#)
 Ordinum sacrorum interstitia cur
 minora apud Latinos, quam a-
 pud Graecos? [4](#)
 Orientalium populorum Historia.
[105. sq.](#)
 Geogra-
 phia. [107.](#)
 Origenis circa sacra Biblia studi-
 um. [78](#)
 Oscula non semper impune mortuis
 dantur. [193](#)
 Ossati (Cardinalis) Vita. [489](#)
 Othonis nummi aerei magniprecii.
[335](#)
- Palatina, quae hodie agitur, con-
 troversia. [170](#)
 Panathenaea quando instituta? [93](#)
 Parabola per se aut cum alia con-
 juncta rectificabilis. [463](#)
 Parabolæ arcuum comparatio [259.](#)
[261. 464](#)
 rectificatio. [463](#)
 cubicalis primarie ar-
 um mensura. [465](#)
 Parentum in liberos summa apud
 Sine ses auctoritas. [386. sq.](#)
 Parisiense templum cathedrale a
 quo conditum? [160](#)
 Parisiensis laniena genuina occasio.
[294](#)
 At Parliamenta Angliae quando
 admissi Communes? [414](#)
 Paroecianus num Confessarium
 pro arbitrio eligere possit? [510](#)
 Parricidium quam severe apud Si-
 nenses puniatur? [387](#)
 Partus undecimestris legitimus. [519](#)
 Paschalis [II](#) R. P. contentio cum
 Imperatoribus de investitura E-
 piscoporum. [511. sq.](#)
 Paschatis ritus. [456](#)
 Passionum animi quantum sit in
 morbis momentum? [36](#)
 Patriarcha num in Occidente alius
 contra Romanum Pontificem
 creari possit? [317](#)
 Patriarchatus in Ecclesia Christi-
 ana origo. [316](#)
 Patriarchatus Romanus quam late
 patuerit? [226](#)
 Pauli

INDEX RERUM.

589

- Pauli V R. P. in exornanda Vatica-
cana basilica stuium. 208
- In Paulinas aliasque Catholicas E-
pistolas studium Eutbalii. 400.
sq.
- S. Paulini Episcopi Nolan Poema-
ta? 57
- A. S. Paulo (Sebastianus) refuta-
tus: 8. sq. 129. sq. 529 sq.
- S. Paulus num Episcopus Romanus
dici possit? 84
- Pax publica quanta mole in Germa-
nia fuerit constituta? 537. sq.
quibus fulcris fuerit
sustentanda? 540
- Peccata, quae a Deo physice non
impediuntur, nibilominus illicita.
274
- num & in eos cadant. qui
amore puro Deum complectuntur?
277
- Perceptionis in homine num duo
solummodi, sensatio & reflexio?
504
- Persona & Personalitas in S. Tri-
nitate ut differant? 498
- & Natura quomodo dis-
tinguntur? 517. sq.
- Personae qualis idea? 508
- Personarum distinctarum alia in
Deo alia in hominib; ratio: 498.
sq. 514
- S. Petri cathedra lignea vindicata.
209
- confessio, i. e. sepul-
chrum, 210
- Mausoleum ab Urbano
VIII R. P. magnificentissime ex-
ornatum: 210
- primatus assertus. 324
- Philippi Burgundi, Episcopi Ultra-
jectini Vita. 189
- Philonum ea, quae de Sacris tradi-
dit, ex Platone, an ex Scriptura
S. hausit? 457
- Philosophia Peripatetica J. B. Pro-
temas: 368
- ut sensim in Theologi-
am se insinuat? 516. sq.
- Phlegma sanguinis humani destil-
la: um quantum salu, volatilis
contineat? 461
- Ex Phœnicum alphabeto reliquo-
rum populorum litera derivata.
93:
- Phosphorus ex sale ammoniaco &
calce vivaparat. 222
- Photiani, Ecclesia Græca sectarii,
refutati. 1. sq.
- De Physiognomia Dissertatio. 338.
sq.
- Pindari editiones variae. 118
- Planetarum primariorum cum
Tellure comparatio: 448. sq.
- incola quibus studiis
incumbant? 451
- Planetis planta & animalia etiam
rationalia vindicata. 450. sqq.
- Platonis de vita humana iudicium.
112
- Ex Platonis Philosophia num vox
Α θε in religionem Christia-
Eeccc 2 nam

- namillata? 456. sqq.
 Plautus explicatur. 253
 Pluvix aqua instar acidularum
 cum fructu pota. 194
 Podagræ causa & curatio. 525
 Podagricorum sanguis multo plus
 alcali continet, quam sanguis
 sanorum. 516
 Polaris stella altitudo minima &
 maxima Noribergæ. 139
 Politianus (Angelus) notatus. 241
 Politica Sinensium prudentia. 377.
 sq.
 Polygamia Patriarcharum quo-
 modo tolerata? 348
 Pontifices Romani adversus incul-
 pationes Græcorum vindicati. 8
 in Episcopatu
 Romano Petri & Pauli, in Univer-
 sali solius Petri successores. 84
 quando cæperint
 mutare nomen? 234
 Pontificum Romanorum infallibi-
 litas qualis? 82
 seculo X
 prava facinora. 162. 168
 numis-
 numismata fabricam
 Templi Vaticani indicantia. 204
 sq.
 primatus. 324
 cum Imperatoribus
 controversia de investitura Epi-
 scoporum. 511
 Pontificiis veri Christianismi pos-
 sessio vindicata. 245. sq.
- Porretani (Gilberti) barefis. 515
 Possevinus notatus. 236
 Preces pro defunctis quem usum
 hab. ant ex mente Græcorum? 1
 Probationum in examine candida-
 torum Ordinis ratio. 7
 Protestantium Ecclesias concilian-
 di ratio. 141. sq.
 Prudentia Sinensium Politica. 377. sq.
 Psalmorum nova editio. 62
 Pseudonymi Scriptores detecti. 289
 Ptolemæus illustratus. 22
 Pufendorffii Samuelis Jus Des Fe-
 ciale sub censuram vocatur. 214
 sq.
 Purgatorium ab Ecclesia Græca
 admissum. 2
 Purus Dei amor quis? Vide Amor
 purus.
 Pyramides Ægyptiorum num alta-
 ria fuerint? 100
 Quadratrix Tschirnbaufiana
 vindicata. 247
 Quantitas morus num eadem in
 natura servetur? 429
 Quercetanus notatus. 222
 Quietilinus oppugnatus. 476. sq.
 Quietistarum principis additus
 Simeon Junior seculi XI scri-
 ptor. 238
 Quintilianus (M. Fabius) innu-
 meru locum emendatus. 548. sq.
 De R Abutin (Rogerii) Comitis
 de Bussivita. 23. sq.
 Radiorum lucus per medium ina-
 qualiter densum transcuntium
 CURPA-

curvatura quomodo determinanda? 470
Ratio in hominibus quid proprie? 504. sq.
Contra Rationem & supra rationem, diversa. 509
Ratherius scriptor gravis seculi XII. 164
Rectificatio Parabole. 463
Reformata Ecclesia ad pium in doctrina fidei consensum invitata. 141
Reformatos inter & Lutheranos num dissensus fundamentalis? 144. 214. sq.
Regimentum Imperii constitutio. 540
Regulo antimonii martiali pura ferri substantia admixta. 560
Religiones in Belgio vigentes. 27 sq.
Religionis Christiana articuli fundamentales qui? 115
Religionum historia. 142
Religiosus non illico, qui Monachus. 151
Resignatio sacra quid Mystica? 271
Resurrectio mortuorum paradoxa ratione explicata. 358. sq.
Retractus jus in emptione sub conditione ut emptor venditoris valetudinem diligenter curet, falsum, num locum habeat? 519
Rhemenis Concilii gesta in causa Arxulphi. 165
Rhetorica Aristotelis commendata. 255

Rhetorici studii ratio. 16
Romani Pontifices. Vide Pontifices Romani.
Roma prater Pontificem duo alii Episcopi. 84
Romanum jus quatenus in Germania receptum sit? 542. sq.
Roscelini de S. Trinitate sententia. 237. 238
Ryvicensis Pacis instrumenta, cum antegressis de Pace tractatibus collata. 169. sq.
ASabellianismo vindicata R. Southi de S. Trinitate sententia. 497. 503
Sacramenti rationem num habuerit arbor scientia boni & mali? 216. 218
Sacrificia pro mortuis quem usum habeant ex mente Græcorum? 2
Sacrificiorum origo & scopus. 218
Sal Volatile sanguinis humani quæ proportionem phlegmati, spiritui & oleo & sanguine destillati inest? 461
alcali in mineralibus quibusdam præexistit. 519
succinum cum acido effervescat? 560
Ex Sale fixo sanguinis spiritus omnino acidus destillatur. 460
Salicæ legis antiquitas asserta. 156
Sallii (Roberri) in deregendis novis in America regionibus industria & fata. 73. sq.
 Sal-

Salmastius notatus.	79	Scriptura S. dicta explicata.	350
Salomonis Proverbia Machiavel- lo opposita.	352	Speciatim	
Saltatio ex morbo.	366	Gen. II. 16.	218
Sancti demortui num visione Dei beatifica fruuntur?	9	27	219
Ex Sanguinis sale fixo spiritus o- mnino acidus destillatus.	460	Exod. IV. 24. sq.	349
Sanguinis humani salvolatilis qua proportione plegmati, spiritui & oleo e sanguine destillatis in- fit?	461	XX. 24. 25.	96. sq.
per venasclionem n. p. tendi quantitas.	523	26	92
particula calorifica cujus natura?	527. 228	XXVII. 1.	96
Sanguis podagricorum plus alkali continet quam sanorum.	526	Deuter. XXIV. 1. sq.	342
Sassafras lignum num acidum?	527.	I. Sam. XXIX. 6.	15
528		II. Sam. XII. 31.	252
Saturnaliū tempore cusi nummi.	332	II. Paral. II. 1.	96
Saturni Lunula plures desegenda.	492	Job. XLI. 20.	252
Saxonibus antiquis ignorata Fen- da.	442	Psal. XXIV. 2.	220
Saxonica historia anonymi.	150	CIV. 5.	220
Saxonicum Glossarium a Gerh. Meiero promissum.	151	CXVIII. 27.	99
Saxonum origo.	421	Ezech. XLIII. 15.	98
Scabies non rite tractata epilepsi- am parit.	193	Amos. VI. 13.	252
Scaliger (Josephus) notatus.	104	Matth. V. 32.	340
Scholasticæ theologia origo.	516.	Job. XXI. 24.	46
sq.		A. 7. II. 37.	345
		XIII. 2.	148
		I. Cor. VII. 10. 11.	340
		XIII. 5.	480
		II. Cor. V. 1.	2 3
		Gal. IV. 8.	14
		VI. 17.	252
		Col. II. 15.	253
		II. Tim. II. 4.	23
		I. Petri III. 21.	346
		II. Petri III. 5.	220
		Hebr. I. 4.	350
		Apoc. IV. 10.	253
		Scriptores antiqui, Græci Latini- que quo ordine legendi?	12

INDEX RERUM.

593

- uarii emendati.* 17. *sq.*
homonymi. 120. *sq.*
 Scripturæ S. V. T. versionum Gra-
 carum historia. 77
 Scripturam Sacram explicandi di-
 verse rationes. 518
 Scylacis Periplus antiquitati sua
 restitutus. 59. *sq.*
 Secretio animalis novo modo expli-
 cata. 361
 num fiat opespecti-
 ficorum fermentorum? 524
 Septuaginta Viralis V. T. versio-
 nu editiones varia. 75
 historia. 77. *sq.*
 Sepulchra antiqua Romana & E-
 trusca. 201
 Sermonis humani origo. 30
 Servi num a sacris Ordinibus exclu-
 si? 3
 Serum, imprimis agrotorum, mul-
 tum continet alcalici. 527
 num cum oleo vitriolief-
 fervescat? 527. *sq.*
 febricitantium num sem-
 per insipidum? 52. *sq.*
 De Sharburn familia Historia. 446
 Sherlocki (Guiliclm) sententia
 de S. Trinitate a Tritheismo vin-
 dicata. 499. *sq.*
 Similaritas perfecta nusquam da-
 tur. 437
 Sinenfis Regni præsens status. 375
 sq.
 forma monarchica.
 nunquam mutata. 377
 tribunalia. 381. 385
 Sinenfium Regum illimitata au-
 ctoritas, nec temere tamen usur-
 panda. 377. 380
 cultus ad adorationem
 usque procedens. 378
 severitas, juxque vita
 & nec in subditos. 378
 reditus. 379
 liberrima Successoris
 electio. 379
 in mortuos etiam po-
 testas. 380
 circa loquendi morem
 auctoritas. 380
 actiones censura Man-
 darinorum obnoxia. 381
 historiam infucata.
 condendi ratio. 381. *sq.*
 artes continendæ in
 officio Magistratibus inferioribus.
 383. *sq.*
 Siphonis exemplo illustrata causa
 delicti. 221
 A Sixto I. R. P. erectus in foro Va-
 ticano Obeliscus. 213
 Societatis Medica instituenda con-
 filium. 38. *sq.*
 Solidorum & Superficierum rota-
 tione Catenaria genitarum men-
 suratio. 321
 Solis cultus apud gentes America-
 nas. 72
 natura. 43. *sq.*
 scula. 454
 Souti (Roberti) de S. Trinitate sen-
 FFF
 sen-

- centia a Sabellianismo vindicata. 497. sq.
- Spanhemius (Fridericus) Mercurii Helveti librorumque aliorum auctor. 291
- Spei, virtutis Theologica, ratio 278. 282
- Spelmanni (Henrici) Vita. 447
- Spenceri in Anglia duo, alter Johannes, alter Guilielmus. 289
- Spes num in puro amore locum habeat? 270. 279
- Spiritus num movere possint corpora? 66
- Spiritus sanguinis humani destillatus quantum salia volatilia contineat? 461
- Statua Veronice inepte formata currens. 211
- Statuum S. R. Imperii jus pacem cum exteris ineundi quale? 170
- Stellarum fixarum natura. 454
- S. Stephani Protomartyris translatio Romana consilia. 86
- Sternutatio quandoque ebrietas imminentis signum. 193
- Stoupa auctor libri: Religio Hollandorum. 291
- Sturmii (Jo. Christophori) sententia de Natura illustrata. 427. sq.
- Substantia omnis agit sine intermissione. 432.
- Substantiæ quæ idea? 505. sq.
- Succini sal num cum acido effervescat? 560
- Suetonii locus de Deo Carmelo explicatus. 534
- Sulphuris oleum per campanam in majori copia adipiscendi modus. 222
- elixir, in signe antifebrile & antipodagricum. 526
- Superficierum & Solidorum rotatione Catenaria genitarum mensuratio. 321
- Symbolica Ars. 258
- Symbolicarum figurarum in docenda Historia universali usus. 91. sq.
- Symbolum Athanasianum Athanasio recentius. 130
- Symptomatum a morbo differentia. 522
- Tacitus illustratus. 22. 534
- Tamarii Martyrologium Hispanicum improbatum. 85
- A Tarantula morforum symptomata. 43
- curatio. 44. sq.
- Tarantula descriptio. 42. sqq.
- Tarantula quomodo capiantur? 42
- propagantur? 43
- Tatianus animam hominis corpoream statuit. 555. 556.
- Telluri motus, locusque inter Planetas vindicatus. 449
- Telluris Theoria Burnetiana jam olim inter Habesinos recepta. 220
- a Luna differentia. 452
- sqq.
- a So-

INDEX RERUM

<i>a Sole distantia.</i>	<u>453</u>	<i>cum.</i>	<u>595</u>
Templa in honorem B. Marie Vir-		Theodeberti, <i>Austrasia Regis</i> , duo	<u>194</u>
ginus aut Sanctorum aliorum		nummi explicati.	<u>157</u>
num ante Constantini M. tem-		Theodelindæ Longobardorum Re-	
pora fuerint exstructa?	<u>132</u>	gina ejusque mariti Agilulfi	
De Templi Hieros. secundi ara		baptismus.	<u>47</u>
exteriore Exercitationes.	<u>95. sq.</u>	Theologia Mystica Cameracensis	
Templi Vaticani descriptio.	<u>204. sq.</u>	Archiepiscopi.	<u>268. sq.</u>
Templorum apud veteres Chri-		qualem Cameracensis	
stianos ornatus.	<u>58</u>	Praeful tradidit, impugnata.	
De Tentationibus spiritualibus			<u>476. sqq.</u>
doctrina Mysticorum.	<u>272</u>	Theologiae Judaicae veteris & no-	
In Tentationibus extremis consti-		va Synopsis.	<u>239.</u>
tuta anima num fidei & virtut-		Systema methodo Ma-	
um expers?	<u>272</u>	thematica compositum.	<u>509</u>
num persuadere sibi pos-		scholastica origo.	<u>516. sq.</u>
sit, se a Deo damnatum iri, &		Theologorum in Belgio dissidia.	
Deum tamen constanter ama-			<u>28</u>
re?	<u>272. 279. 280. 284</u>	Theophili Patriarchæ Antioche-	
quo sensu pars animæ		ni scripta.	<u>554</u>
inferior a superiori dicatur se-		Theophrastus emendatus.	<u>17. 18</u>
parata?	<u>273. 280. 285</u>	Thermarum calor unde?	<u>361</u>
Testamenti Novi versio Gallica		Thermometri usus in re medica.	
Ameloti sub censuram vocata.			<u>523</u>
	<u>147</u>	Tinenſis Episcopi studium pro pace	
Testamentorum origo.	<u>445</u>	inter dissentientes circa religio-	
Testamentum num per nuncium		nem concilianda.	<u>176</u>
judici offerri possit?	<u>520</u>	Tonsura Clericorum Græciæ mori-	
Tetrarchiæ Judææ.	<u>322. sqq.</u>	bis recepta.	<u>5</u>
Teutonicum Glossarium a Job.		Traditionum quæ auctoritas?	<u>133. sq.</u>
Schilero promissum.	<u>192</u>	Trajanus num Gregorii M. pre-	
Thalerorum seu uncialium Sylla-		cibus ex inferno fuerit libera-	
ge.	<u>422. sqq.</u>	tus?	<u>2</u>
Thani qui veteribus Saxonibus?		Trajectoriarum linearum tracta-	
	<u>443</u>	tio.	<u>470. sq.</u>
Theæ decoctum antihypochondria-		Transformatio quid apud Mysti-	
		FFFF 2	<u>cost</u>

- cos? 276. 279
 Trevirensis *Historia anonymi.* 150
 Tridentini Concilii *doctrina.* 178
 In S. Trinitate num Roscelinus recte
 tres res statuerit? 237
 De S. Trinitate dogma veteribus Ju-
 dae minime ignoratum. 457
doctrina vindicia. 469.
 controversia inter An-
 glos Sberlockum & Sontbum. 497
 non involvit contradi-
 ctionem. 501
doctrina antiquitas. 501.
 503
 A Trithemio vindicata Guilelmi
 Sberlocki de S. Trinitate *doctrina*
 499
 Triumphus rompa. 251
 Tschirnhausiana Quadratrix vin-
 dicata. 247
 In Tussi *ravissima vesicatorii usu.* 46
usus bellidii. 194
 Typographiae inventio Argentora-
 tenjbus vindicata. 365
 V Accum rejectum. 438
 Valentinianorum heresis. 552
 Valesius, Henricus emendatus. 79
 Vaticani Temporis descriptio. 204. 59.
 Venae sectio in febribus ardentibus
 inapte prohibita. 34
 in gravidis etiam quan-
 doque instituenda. 193
 quomodo administran-
 da? 523
 dysentericis, tussi labo-
 rantibus & apoplecticis com-
 mendata. 524
 Venus Mercurii incolis Luna vi-
 cem praestat. 452
 Versionis LXXviralium V. T. edi-
 tiones varia. 75
 historia 77. 19.
 Vertiginis causa. 524
 Vesicantium in Medicina usu &
 abusu. 45. 59.
 Vestis cultus apud Gentiles un-
 de? 99
 Vice-Cancellarii munus in Cu-
 ria Romana. 67
 Victimae num ligare fas fuerit? 101
 A S. Victore (Hugo) Comitum
 Blankenburgensium Familiae
 vindicata. 354
 Vita interior Mysticorum qua? 168
 Vieussens (Raymundi) scripta
 edita & edenda. 459
 Vis agendi in sita creaturis vindi-
 cata. 430. 59.
 Unio qualis inter Lutheranos,
 Reformatos & Pontifices lo-
 cum habeat? 245
 Vossius (Jo. Gerbardus) emen-
 datus. 59. 166. 363
 Urinatores cur a pressione aquae
 Oceani nullum sentiant dolo-
 rem? 123
 Urbani VIII R. P. magnificen-
 tia in exornando B. Petri mau-
 solo.

INDEX RERUM.

<i>fileo.</i>	210. <i>sq.</i>	Zabiorum <i>religio.</i>	597
W	Elstphaliæ <i>judiciorum usus o-</i>	De Zoroastre <i>memorabilia.</i>	109
	<i>lim & abusus.</i>		110.
Z	Abii <i>a</i> <i>Magis diversi.</i>		<i>sq.</i>
			108. 110

ERRATA.

P. 19. l. 27. lege *Falsariorum*. P. 47 l. 24. pro *singulare spondere*, lege *singula respondere*. P. 32. l. 17. pro *inertu* lege *inertu*. P. 280. l. 33. pro *artibus* lege *actibus*.

